

IX
F
6









1876

2 11
VINDICIÆ
AVGVSTINIANÆ

QVIBVS

S. Doctoris scripta aduersus Pelagianos , ac Semi-
pelagianos à Recentiorum censuris
asseruntur .

AVCTORE

P. M. HENRICO DE NORIS
VERONENSI

AVGVSTINIANO S. THEOLOGIÆ PROFESSORE,
& S. Romanæ vniuersalis Inquisitionis Qualificatore .



PATAVI.

Typis Petri Mariæ Frambotti Bibliop. 1673.

SVPERIORVM PERMISSV.

AVGVSTINVS

AVGVSTINVS

R. M. HENRICO DE NORIS
VIRGILIVS Æneid. I.

— Socij magno clamore sequuntur:
Dum Genitor nati parma protectus abiret.



AVGVSTINVS

AVGVSTINVS

INDEX CAPITVM

Vindiciarum Augustinenſium.

| | Prefatio. | Pag. |
|---------|---|------|
| Cap. 1. | Reſelluntur argumenta, quibus nonnulli contendunt doctrinam S. Auguſtini de predeſtinatione, & gratia eſſe difficilem, & obſcuram. Sanctiſſima CLEMENTIS X. Pont. Opt. Max. pro S. Doctore ſententia. | 5 |
| Cap. 2. | Recentiores accuſant eandem S. Auguſtini doctrinam antilogie. Reſcuntur. | 15 |
| Cap. 3. | Recentiores S. Auguſtini doctrinam contra Pelagianos exceſſus inſimulant. | 19 |
| S. 1. | Quid nomine exceſſus Recentiores intelligant inquirunt. Sanctiſſimum Thomam, ac Bonaventuram teſtimonia eiſdem non ſuffragari. Exceſſus perperam Auguſtino obijci. | 21 |
| S. 2. | An S. Auguſtinus exceſſerit ſcribens, concupiſcentiam rationi contrariam eſſe malam, & deſectum natura humana ex peccato originali ortam, neſtquam vero bonum naturale illius. | 26 |
| S. 3. | Verum S. Auguſtinus exceſſerit, deducens peccati originaliſ reatum ex innumeris humana vita miſeris. Inſigne D. Thomam pro Auguſtiniana ſententia teſtimonium. | 38 |
| S. 4. | An S. Auguſtinus diſputans de virtutibus infidelium exceſſerit. | 42 |
| S. 5. | An S. Auguſtinus aſſerens paruſ puniti miſiſſima pena ſenſus in inferis per exceſſum locuſ ſit. | 50 |
| S. 6. | An Auguſtinus diſſerens de lege veteri contra Pelagianos exceſſerit. | 84 |
| S. 7. | An ſententia S. Auguſtini de predeſtinatione ad gloriam ante omnem meritorum praeſonem ſit per exceſſum prolata. | 92 |
| S. 8. | An S. Auguſtinus exceſſerit, docens copulam coniugalem ſolius voluptatis gratia eſſe peccatum veniale. | 94 |
| Cap. 4. | Recentiores S. Auguſtino plures errores perperam obijciunt. | 96 |
| S. 1. | An S. Auguſtinus errauerit, putans animas rationales, & Angelos eſſe corporeos. | 97 |
| S. 2. | An S. Doct. aſſerens Solem, & aſtra eſſe animata. | 99 |
| S. 3. | Auguſtinus de origine anima dubitans perperam erroris arguitur. Oſtenditur Sanctos Patres ea in dubitatione Auguſtino per plura ſacula adhaeſiſſe. | 101 |
| S. 4. | An fuerit ſententia S. Auguſtini, pueros baptizatos ſine reali Euchariſtia ſumptione non poſſe ſaluari. | 110 |
| S. 5. | Non erraſſe S. Doctorem exponentem illud Apoſtoli Rom. 14. Omne quod non eſt ex fide, peccatum eſt. Eccleſia Catholica, Romani Pontifices, ac Patres S. Auguſtini interpretationem approbant. | 114 |
| S. 6. | S. Auguſtinus nunquam cenſuit cogitationes moroſas eſſe dumtaxat peccatum veniale, ut Recentiores eidem falſo imponunt. | 119 |
| S. 7. | An Auguſtinus putauerit baptiſmum datum ſine intentione eſſe validum. | 120 |
| S. 8. | Verum Auguſtinus dixerit tellurem non eſſe rotundam, nulloſque dari Anſipodas. | 125 |
| S. 9. | An ſententia S. Auguſtini de ſimultanea rerum creatione ſit erronea. | 126 |
| S. 10. | S. Auguſtinus non errauit aſſerendo, peccatum originale eſſe cauſam reprobationis. | 129 |
| S. 11. | An errauerit Auguſtinus docens occiſionem graſſatoris mortem intentantis non eſſe licitam. | 138 |
| S. 12. | S. Auguſtinus in libris Retractionum nihil ab ſe de diuina gratia aſſertum in libris contra Pelagianos ſcriptis expunxit. | 145 |
| Cap. 5. | Recentiores XXXV. Doct. teſtimonia, nempe Pontificum, Cardinalium, Epiſcoporum, aliorumque contra S. Auguſtinum producant, quorum fides expenditur. | 146 |
| S. 1. | Baronij, ac Sadoleti teſtimonia expenſa. Ludouici Donij pro Sadoleta contra S. Auguſtinum diſſa reſelluntur. | 148 |
| S. 2. | S. Bonaventura, & Caietani diſſa examinantur. | 153 |
| S. 3. | Cardinalis Perronius, Valerius, ac S. Carolus Borromeus minus recte contra S. Auguſtinum adducti. | 154 |
| | S. 4. | |

Index Capitum.

| | | |
|---------|--|-----|
| S. 4. | Falli eos, qui S. Augustinum interdum iniquiorem libero arbitrio fuisse calumniatur. | 156 |
| S. 5. | Falli item eos, qui dicunt S. Augustinum contra Arium disputantem ad Sabellium, & contra Sabellium ad Arium declinasse. | 157 |
| S. 6. | Expenduntur illorum testimonia, qui S. Augustinum nominatis accusant. | 159 |
| S. 7. | Testimonia Driedonis, Taperi, Medina, & Vallosili contra S. Augustinum producta falsata esse, nec fideliter recensita. | 161 |
| S. 8. | Figuerij, Soti, Fabri, Horanij testimonia discussa. | 164 |
| S. 9. | Joannis à Bononia, Arborei, Aragonij, Pennoti, Estij, Vega, & Tostati testimonia examinata. | 166 |
| S. 10. | Dominici Bannez testimonium alius contra Augustinum exaggeratum discutitur. | 170 |
| S. 11. | S. Bernardus perperam contra Augustinum ab Annato adductus. | 177 |
| S. 12. | S. Augustinum contra Augustinum producit. | 180 |
| Cap. 6. | Elogia à Summis Pontificibus Augustiniana doctrina contra Pelagianos delata à finis Recentiorum interpretationibus vindicantur. | 183 |
| Cap. 7. | Augustiniana doctrina contra Pelagianos per Sedem Apostolicam approbatio à Recentiorum pravis interpretationibus defenditur. | 198 |
| Cap. 8. | Recentiores ex epistola S. Celestini Pape D. Augustini auctoritatem limitant. Resolvuntur. | 207 |
| Cap. 9. | Centum ac triginta quinque Recentiorum contra D. Augustinum coniectura, differtia, ac censure ab eodem S. Doctore, & Sanctis Patribus repulsa. | 219 |





VINDICIÆ AVGVSTINIANÆ QVIBVS

S. Doct̃oris scripta aduersus Pelagianos à Recentiorum censura asseruntur.

P R Æ F A T I O.



Eminem non mirari existimo, tantam fuisse quorundam recentium Scriptorum, vt mirissimè loquar, animositatem, qua Augustinum maximum illum Catholici Orbis Magistrum editis libris impetere ausi sunt, vt eiusdem defendendi necessitas ijs imponatur, qui illum impensius colunt. Et quidem iam inde ab exoriente mali primordijs Maiores nostri, qui ex vitæ instituto Augustinum vti parentem sanctissimè reuerabantur, erumpentem nouorum censorum audaciam reprimere conati sunt. Ludouicus ab Angelis insignis apud Olyssiponenses sacrorum arcanorum interpres Sancti Doct̃oris auctoritatē à plurium calumnijs vindicauit, & Sanctorum Patrum elogia eisdem ob Pelagianos, ac Semi-Pelagianos expugnatos delata singulari diligentia congestit, vnde postea eadem ceteri mutuarunt. Sed cum malum quotidie glisceret, atque in scholasticis Recentiorum quorundam disputationibus Augustini doctrina in ijs præsertim quæstionibus, quas cum diuinæ gratiæ hostibus idem habuerat, passim traduceretur, ita vt summus Ecclesiæ Doct̃or in ordinem propediem reducendus videretur, Basilius Pontius Legionensis magnus apud Salmanticenses Theologus non modò suos Augustinenses, verum etiam sapientissimos Dominicanæ familiæ Patres, ipsamque Salmanticensem Academiam in Augustini partes traxit, quo veluti succenturiato præsidio Sancti Doct̃oris auctoritas aduersus Recentiorum impetus muniretur. Hinc Pontio autore Salmanticæ anno 1627. famosum illud fœdus iktum est, ea præcipuè

lib. 7. de
vita Aug.
cap. 14.
p. 15.

Pontius in
Apologia
sua contra
Salmantic.

conditione, vt qui Theologica laurea donandi forent, concepto prius iuramento Augustinianæ doctrinæ defendendæ sese adstringerent. Et nobilissimæ Academiæ factæ Augustinianæ auctoritati satis consultum videbatur, præsertim cum sacra etiam Louanienſium Theologorum Facultas iam pridem in Augustini verba inraſſet. Caterùm exortis Ianſenianiſ diſſidijs pleriq; longè acerbiora contra Auguſtinum & loqui, & ſcribere non extimuerunt. Non deſuere tamen ex noſtra familia viri, qui magni Parentis partes acerrimè defenderent. Hos inter emicuit Pater Carolus Moreau Gallus, qui tomo primo ſuorum in Tertullianum animaduerſionum ſatis proluxa vindicias pro Auguſtino inſeruit, quod itidem antea præſtiterat vir inſignis Ioannes Riuius Belgæ libro quarto de vita Auguſtini. Sed profeſſo noſtros hoſce Scriptores & la-terem lauſiſſe, & ſurdis cecinſiſſe experti ſumus; tantùm enim abeſt, vt illi ab incepto deſiſſerint, vt maiori longè apparatu, atq; infeſterioribus armis in Auguſtinum mouerint, hæc aduerſus Hipponenſem Doctorem ſcripturientes: *Auguſtini doctrinam obſcuram, diſſiculam, inuicatiſſimam, ſecum ipſa pugnantem, pluribusq; erroribus obnoxiam eſſe. Poſitum illum ſub caligine. In Pelagianis oppugnandis ultra veritatis limites aſtu diſputationis abreptum. Licitum eſſe nedum iudicem, ſed ne arbitrum quidem honorarium in controuerſijs de diuina gratia illum admittere. Ipſius arma non eſſe inexpugnabilia, neq; ſatis apta ad Caluinistas ſuperandos. Hæreticorum argumentis minime ſatisfecisse, neq; poſitas abſ ſe theſes conuincentibus argumentis comprobasse. Non eſſe ſepeliendam Scholaſticam, vt vnus regnet Auguſtinus, ſed hunc ipſum ad Scholaſticæ amuſſim exigendum. Ridiculos Auguſtini adoratores ad nauſeam hyperbolicas in eundem laudes congerere. Volentem impugnare Auguſtini ſententias habiituum adiutorem Deum. Hæc, aliaue penè innumera addidere, quæ in calce huius apologetici referemus. Ferunt Græci Regis filium à puero mutum, cum parentis iugulum ſtriſto mucrone impeti ab hoſte cerneret, ruptis derepentè miſerantis naturæ impetu perpetui ſilentij vinculis exclamaſſe: *Ἄρρητον μὴ χρεῖν Κροῖστος*. At nos, quibus integer loquendi vſus eſt, Auguſtinum parentem optimum, doctiſſimumque nouorum Cenſorum ſcriptis impunè lacerari permittemus, & illis quidem mille conuiciorum plauſtra in S. Doctorem congerentibus, nos eadem citra querelas plenè auribus excipientes, anſati pacem ſeruabimus, quaſi ea nos nihil tangant? Degeneres ſanè, ac ſpurij cenſendi eſſemus, imò amentes proſus, vel ſaxeï, ſi in tanto Parentis diſcrimine ſtylo parceremus, qui & eſſe, & haberi volumus Auguſtiniani. Patris honor laceſſitur: pietatis eſt eundem ab aduerſariorum dictis vindicare. Eccleſiæ Magiſtri doctrina impetitur: fidei eſt illam à quorumcumq; impetu aſſerere. Diu fama decurratur: religionis eſt eandem ſartam tectamque ſeruare. Quantorum ergo criminum rei euaderemus, ſi vulgari fortè aduerſariorum æſtimatione, aut eorum, qui eiſdem ſuam vendidere fidem, auctoritate coerciti iniuſtas adeo in Auguſtinum peractas cenſuras ſurda aure pertranſiremus. Diu quidem ſiluiſus, priuatiſq; querelis ingentem animi dolorem egerere curauimus, meliorem hiſce hominibus erga Auguſtinum mentem comprecantes. Sed nihil profecimus patientia, niſi vt grauiora tanquam de ſacili tolerantibus ingererentur; vnde peiora in dies audientes, iam tandem quantulumcumque hanc noſtram aduocationem Auguſtino commodare coacti ſumus. Neminem verò adeo pietatis, ac religionis expertem futurum arbitror, qui hoc*

ce apologeticum torvis oculis intueatur, nigrumq; eidem theta præfigat. Etenim, ut olim ad Constantinum Augustum Lactantius scripsit, *Si sacrilegiu, & proditoribus, & veneficis potestas defendendi sui datur, nec prædammari quemquam incognita causa licet, non iniuste petere videmur* ut Augustino, qui veluti Christiani Orbis delicia, teste S. Celestino Papa, *ubique cunctis & amoris fuerit, & honoris*, aliquis sit defensionis locus. Nam pessima foret nostrorum temporum conditio, si Augustini censoribus utraq; auris daretur, eorumque iniuriosa nimidum Augustino volumina per ora, manusq; hominum volitarent, & S. Doctoris defensores non modò inauditi iudicio excluderentur, verum etiam eidem silentium lata lege indiceretur. Immane, ac barbaræ prorsus feritatis exemplum fuerit, cum Rhadamistus Tyrannorum truculentissimus Mithridatis Armeniorum Regis filios, quod parentum cadibus illacrymauerant, trucidauit. Iniquus sanè iudex sis, qui Patre nostro mille conuicijs lacessito, ut Hieronymi verbis utar, *ne gemitum quidem, ac lacrymas dolori liberas esse concedis*. Legimus, cum Nerone imperante virtus omnis pro crimine haberetur, Aruleno Rustico, ac Herennio Senecioni, quod innocentissimos, ac sapientissimos ciues laudassent, *capitale fuisse, neque in ipsos modò authores, sed in libros quoque eorum seuitum*. Sed absit, ut hoc facinus nostri sæculi sit, vel exempli: neque enim homines ab auita erga Deos religione adeo recessisse putandi sunt, ut Augustini laudes indignantes audiant, atque editum hunc librum pro eodem librum irata manu discerpant. Magnus Stoicæ sectæ professor Seneca meritò impias Præxaspis Persarum Satrapæ voces execratur, qui cum citra gemitum sub oculis transfigi sibi filium à Cambyse Rege vidisset, ab eodem interrogatus, num certo idu pransus ad scopum collimaret, Tyranni dexteram filij sanguine cruentam, fumantemq; per detestabilem adulationem laudauit, paremque insagitando Apollini illam dixit. Itane corpore, sed magis animo seui exemplum secutis, nouorum Censorum manus, quas stylis armatas Augustino intulerunt, laudibus, imò & osculis nobis implendæ crunt? Hominum, quàm Diuorum anantior hanc nobis iniquissimam legem imponet, à qua tamen nos liberos esse scimus, quippe qui ad Augustini defensionem suscipiendam Apostolicæ Sedis decretis impellimur, quibus refragari sit nefas. Cum Pelagiani veteres illi Augustino-martyges literas quasdam publicassent, in quibus Sanctus Doctor pessimè traducebatur, Bonifacius Pontifex indignatus doctissimi viri nomen quoquam conuicio pulsari, easdem hæreticorum literas ad Augustinum per Alipium deferendas curauit, quò se ab impostorum calumnijs vindicare posset. Hinc amantissimo Patri scribens Augustinus, *ago autem gratias*, inquit, *sincerissime in nos beneuolentie tuæ, quod eas me latere noluisse literas inimicorum gratia Dei, in quibus reperisti nomen meum calumniosè, atq; euidenter expressum, sed spero de Domino Deo nostro, quod non sine mercede, quæ in cælis est, illi me lacerant dente maledico*. Sed & Bonifacij successor Celestinus eiusdem sanctissimi Doctoris honori optimè consultum voluit. Siquidem vix Augustino inter superos relato nonnulli, quorum teste S. Prospero *nec ordo in Ecclesia, nec ingenia despicienda videbantur*, eidem in Gallijs petulanter obloqui, illiusque libros censoria auctoritate examinare ausi sunt, qui cum essent, eodem Prospero auctore, *bona opinionis viri, habentes speciem pietatis in studio*, Hipponensis Magistri famam, ac doctrinam in certum discrimen traxissent, ni Celestinus gliscenti

Tacitus
lib. 11.
Annal.

Apol. 2.
con. Rufi-
num.

Tacitus
lib. 11.
ad viciu
Agricola.

lib. 1. de
dra c. 14.

lib. 1. ad
Bonap. 1.

In presen-
tia. Colo-
lar.

malo præsentissimo remedio obuiam iuisset. Etenim ubi aduersariorum machinationes delatoribus Prospero, & Hilario cognouit, literas ad Galliarum Antislites dedit, quæcis eisdem indignatus, quodd Augustinum impunè percelli permitterent, *Timeo*, inquit, *ne continere sit hoc tacere, ne magis ipsi loquantur, qui permittunt illis taliter loqui: in talibus causis non caret suspitione taciturnitas, quia occurreret veritas, si falsitas displiceret; merito namq; causa nos respicit, si cum silentio faueamus errori.* Ergo corripiantur huiusmodi, non sit his liberum habere pro voluntate sermonem. Dein totus in S. Augustini dudum sibi, cum in viuis esset, amicissimi laudes effusus, *Augustinum*, inquit, *sanctæ recordationis virum pro cuncta sua, atq; meritis in nostra communione semper habuimus, nec unquam hunc sinistra suspitionis saltem rumor aspersit, quem tanta scientia olim fuisse meminimus, ut inter Magistros optimos etiam a meis semper decessoribus haberetur.* Benè ergo de eo omnes in commune senserunt, utpotè qui ubique cunctis & amoris fuerit, & honoris. Vnde resistendum talibus, quos malè crescere videmus. Iubet ergo Apostolica Sedes, ut Augustini censores corripiantur, non sit his liberum habere pro voluntate sermonem; lata lege etiam sancit, *resistendum talibus.* Hoc sanè veteres Augustinianæ Scholæ procures Prosper, Fulgentius, Cæsarius, Prudentius, Rhemigius eruditione æquè, ac sanctitate percelebres magno animo executi, Augustini scripta contra Semipelagianorum, aliorumq; insultus defenderunt. Hoc ipsum plurimi Recentiores summa cum laude præstiterunt, quorum omnium studia vicit eximius P. Macedo tot pro eiusdem Patris doctrina in lucem libris emisiss. Quare Pontificijs mandatis obtemperans, tantorumque Patrum exempla licèt longo positus interuallo secutus recentiores quosdam Augustinianæ doctrinæ censores in ius vocare decreui. Quod quidem iudicium maiori, qua potero modestia, prosequar: nunquam enim meliorem causam fecit petulantia dicentis, sed sæpe peiorem. Amici mihi illi sunt, sed vsq; ad aras, vsq; ad Augustinum meum. Omnia præteribo, quæ mihi acerbiora dictu videbuntur, neq; solum quid illos audire, sed etiam quid me deceat dicere, considerabo. Quod si quidpiam fortè amarulenti exciderit, id propriæ tribuant importunitati, qua nos in eam necessitate coniecere, ut sine grauiori quandoque censurarum reprehensione vix possimus Augustinum pro dignitate defendere. *Hic interim liber, ut Taciti de Agricola scribentis sententia vtar, honorari Augustini P. N. destinatus, professione pietatis, aut laudatus erit, aut excusatus.*

*Inprofat.
ad vit.
Agru.*



CAPVT I.

Refelluntur argumenta, quibus nonnulli contendunt doctrinam S. Augustini de prædestinatione, & gratia esse difficilem, & obscuram. Sanctissima

*CLEMENTIS X. Pont. Opt. Max. pro S. Doctore
sententia.*

ANtequam quorundam Recentiorum conuicia, quæ contra S. Doctorem plurima congeffere, sigillatim referam, refellamque, opere pretium duxi recensere, quid Augustino, quod ad traditam contra Pelagianos de diuina gratia, ac prædestinatione ab illo doctrinam, vniuersim opponant; inquirunt enim, esse illam difficillimam, obscuram, intricatam, inconstantem, variam, vltraque veritatis lineas excurrentem. Quam quidem accusationem cum pluribus argumentis conentur persuadere, eadem nobis soluenda sunt, ne quid fortè detrimenti apud imperitos, nimiumque credulos Augustiniana doctrina patiatur. Ioannes Adamus hæc contra Augustinum obiectiones struxit, cuius quidem Auctoris factum duplici odio dignum iudico, vel eò quòd doctrinam, quam sapientissimi quique ad vsque sydera extulere, deprimere tentauit, vel eò maximè quòd Augustinianis armis contra Calvinum decertare professus, eadem ipsa arma mille diæterijs infamat, dubiumque facit, sit-ne Augustino, vel Caluino infestior hostis habendus. Adamus hunc titulum in libro vernacula lingua exarato inscripsit: *Calvin dessait par soy-mesme & par les Armes de S. AVGVSTIN, qu'il auoit iniustement usurpées sur les matieres de la Grace, de la Liberté, & de la Prædestination. Nempè: Calvinus destructus suismet, & S. AVGVSTINI armis, quæ idem iniuste usurpauit in ijs, quæ ad gratiam, libertatem, & prædestinationem pertinent.* Augustini nomine grandioribus caracteribus, atque ex vtraque parte paginam implentibus delineato. Porro volumen illud in partes est diuisum tres, in quarum priori, & altera nihil de gratia, & prædestinatione disseritur, rariusque in iisdem Augustini nomen sonat, in postremam tantum partem de illis mysterijs quæstiones reiecit. Quo consilio id egerit, nemo non ignorat, scripsit enim, cum vel maximè Ianseniani tumultus in Gallijs ebullirent. Caterum in hac voluminis postrema parte plus operæ contra Augustinum, quàm contra Calvinum ponit. Etenim in prioribus decem capitulis latè in vnum Augustinum inuectus integris viribus decertat; in quinque autem sequentibus veluti in Augustino persequendo delassatus contra Calvinum stylum desecit. Verum in decimo sexto, quo vniuerso volumini nobilem colophonem imponat, resumpto animò iterum in Augustinum irruit, vt saxei sanè cordis censendi sint, qui citra non dicam indignationem, sed execrationem adeo S. Doctori iniuriola verba perlegerint. Hoccine est, Adame, Calvinum, an Augustinum destruere? Promiseras te *S. Augustini armis* cum Caluino congressurum. At quanti per tuam fidem victricia illa arma facis? Clamas: *arma Augustini inexpugnabilia non esse.* Cap. 4. pag. 581. Itane iactas plumbeos pugiones, vt faceret lib. 3. con. Iul. cap. 7. ait Augustinus, quis aduersarij iugulum petas? Sub Augustini auspicijs in hostem moues, & Ducem hunc tuum mille diæterijs oneras? Sanctum Doctorem
à Cal-

à Calvinistis abs te vindictam iri promittis, & eundem hostibus prodīs? Hæc loqueris pag. 640. cap. 8. *Si mira verborum S. Augustini altitudinem me continerem, Calvinista essem.* Addis cap. 16. pag. 760. *Orbi universo notum est, inter omnes Patres unum Augustinum Eucharistiæ mysterium maximè confudisse.* Quid quod? scribis pag. 596. cap. 4. Augustini dicta non esse apta ad exarmandos Calvinistas. Præterea Augustinum, inquis, sensisse impiorum hominum reprobationem ab originali culpa esse derivatam, & illius hanc vnicam esse causam pag. 584. At cap. 10. pag. 667. scribis eam sententiam tibi licitum esse horrere, quod mater est illius, quam Calvinus tanta impietate, ac rabie contra Ecclesiam inculcat. Et pag. 624. cap. 7. testaris, Augustinum dixisse, *mannam, & Eucharistiæ esse AEQUALITER figuram Iesu Christi.* Quæ prima Calvinistarum hæresis est. Putasne Calvinī sectatores, ac Geneuensem scholam non plenis auribus, ingentique plausu isthæc tua dicta excepisse, cum te iudice suum ferè videant Augustinum, quem tamen contra eosdem stare, te demonstraturum promiseras? Sed his omisiss, ob quæ Calvinistæ gratias referunt, saltem debent, quam contra S. Doctorem accusationem instituas, audiamus.

Dial. 6.
de opin.
probabili.

Itaque Adamus, quem intelligo inter celebres auctores à fodalibus numerari, capiti quarto hunc titulum dedit: *Doctrinam S. Augustini de mysterijs gratiæ, libertatis, prædestinationis, & Eucharistiæ esse difficillimam intellectu, & eam obscuritatem magnas diuisiones tum vivo, tum mortuo Augustino peperisse &c.* Rursus caput sextum ita inscribit: *Nova argumenta ad probandum doctrinam S. Augustini de mysterijs gratiæ, & prædestinationis esse obscuram, & difficilem intellectu.* Pag. 610. In quo quidem capite cum plura tum falsa, tum calumniosa pronunciauerit, hæc præclarissima censura concludit: *Sed illud, quod tenebris, ac nubibus libris huius Sancti, & Sapientis Doctoris obduxit, quodue adnotatum fuit à celeberrimis Theologis, est quod non absque profunda meditatione non semper distinguit id, quod docet veri dubium, & quod tradit, ut indubitabile: quodue dicit adversarios impugnans, & quod docet sua defendens.* Sæpe oppositas sibi ab adversarij obiectiões in eosdem retorquet, eos in absurditates miras conjiciens. Instantiam instantia soluit, inconueniens refutat difficultate longè maiori. Ulterius, non clarè exponit, num obiectiões ad suos hostes impugnandos proponat, vel quod in eis cum ipsæ conveniat &c. Hæc quidem eiusdem addita perplexitati in sententia proferenda in hac materia, ac considerata insuper diuisione librorum ante Episcopatum, & in Episcopatu scriptorum, nec non dissidijs Doctorum ob veram eiusdem doctrinæ intelligentiam percipiendam, mihi licitum est concludere, noluisse suos sensus clarè exponere, vel in illis explicandis non ita felitem fuisse, ut nullus de eius mente dubitandi super sit locus. Quare immeritò volunt ipsum esse oraculum Gratiae, & Concilij Tridentini interpretem. Quid arrogantius, quid absurdius, quid indecentius contra Augustinum dici possit, non video. At quo consilio illa erutarit, satis est manifestum, nempe ut Augustini deserendi impossitam sibi necessitatem ostenderet. Quotusquisque enim est, qui Augustinum præ alijs sequi malit, si vera sunt, quæ eidem Adamus opponit? Hinc cap. 16. pag. 760. clamat: *Hæ Augustini tenebra me cogunt ad lucem alibi querendam, quam quidem in Synodis, & aliorum Doctorum libris inuenio.* Habemus hominis confessionem.

Victorinus celeberrimus quondam Romæ Rethor, ac Hieronymi, & Augustini præconio Orbi notus, voluminum obscuritatem triplici ex causa oriri dice-

diebat, ut testatur S. Hieronymus in proœmio lib. 13. in Ezechiellem: *Vel rei magnitudine, vel Doctoris imperitia, vel audientis duricia*. Poterat quartam addere, nempe docentis malitiam, quod Aristoteli vitio vertitur obscuris verborum inuolucris suos sensus occultanti. Sancti Augustini doctrinam de gratia, & libero arbitrio, ac prædestinatione esse obscuram, atque difficilem ob rei magnitudinem, ob diuinorum consiliorum profunditatem, ob mysterij secretissimi altitudinem libenter concedimus. Quis enim ignorat, quantum omnium ætatum sapientibus difficultatis ingessit humanæ voluntatis liberæ cum diuina præscientia, ac prædestinatione concordia? Testes sunt veterum Philosophorum errores. Inde enim Stoici fatum inuehentes liberum arbitrium suffocarunt: alij cum Cicerone contingentium scientiam Deo sustulerunt. Hinc pariter inter Scholasticos Theologos diuturna, ac perpetuè duratura dissidia orta sunt. Ipsimet Recentiores, qui planiori se via iter carpere gloriantur, in pluribus, de diuinis prædefinitionibus scilicet, de obiecto scientiæ mediæ, de gratia congrua, alijsque secum inuicem acerrimè concertantes, civili eo bello rei difficultatem fatentur. Molina in Concordia quæst. 14. art. 13. disp. 53. memb. 2. §. *paruipendunt* fatetur, semet pertinaci viginti annorum labore insudasse, quod humanam libertatem cum mysterijs gratiæ, ac prædestinationis componeret, qui tamen Thomistarum iudicio inanem operam posuit. Sed hoc sub lite dimisso, certè eo conatu difficillimam prouinciam aggressum ostendit. Suarius omnium Recentiorum grauissimus scriptor *tom. 2. de grat. lib. 5. in præludio* agens de gratia efficaci idem ingenue affirmat. Hinc Augustinus epist. 47. ad Valentinum vocat eam quætionem *difficillimam, & paucis intelligibilem*. Et cap. 47. de gratia Christi *ad discernendum difficilem*. Idem serm. 5. de verbis Apostoli, cum de diuina gratia verba ad populum facturus esset, dixit *se habere propter obscuritatem rerum difficilem disputationem*. Ceterum sapientissimus vir obscuris lucem, & difficultibus facilitatem, quantum potuit, ingessit. Nulli sanè labori pepercit, quod & clarissimè, & planissimè loqueretur; precibus etiam Deum subinde rogabat, ut ad captum populi de gratia disserendi facultatem sibi impertiretur. Audiatur in proœmio serm. 132. de V. Apost. cum in superioribus de lege, & gratia fusè perorasset: *Verbi Dei inquit, altitudo exercet studium, non denegat intellectum. Si omnia clausa essent, nihil esset unde reuelarentur obscura. Rursus si omnia reuera essent, non esset unde alimentum anima perciperet, & haberet vires, quibus posset ad clausa pulsare. In lectionibus Apostolicis superioribus, quas charitati vestra, quantum Dominus adiuuare dignatus est, exposuimus, multum laborem, & sollicitudinem passi sumus. Compatiamur vobis, & solliciti eramus & pro nobis, & pro vobis. Quantum autem existimo, adiuuauit & nos, & vos Dominus, & ea, quæ prorsus difficultia videbantur, sic per nos enodare dignatus est, ut nulla quæstio remaneret, quæ conturberet mentem piam. Impia enim mens odit etiam ipsum intellectum &c.* Libro etiam tertio de pec. mer. & remiss. cap. 2. futuris aduersarijs, qui sibi loquendi obscuritatem obiecturi erant, hisce oræ obstruxit: *Qui ea, quæ pro natura quæstionum dilucidè dicta existimo, adhuc non intelligunt, nem mihi calumnientur pro negligentia, vel pro mea facultatis indigentia, sed Deum potius pro accipienda intelligentia deprecantur*. Et quidem libri isti primi fuisse inter eos, quos supra triginta pro diuina gratia asserenda aduersus eiusdem hostes elucubrauit. Quare cum Augustinus vel initio disputationis recens

exorta, indeque satis obscuræ, ac difficilis dilucidè se locutum dixerit; quos clarissimæ doctrinæ radios re satis, superque tot annorum spatio, tot publicis, priuatisque congressibus, tot denique voluminibus, epistolisque discussa, atque explicata sparsisse dicendus est? Sanè cum Iulianus S. Doctori obscuritatem obieçasset, hocce ab Augustino responsum tulit: *Quia tenebras vestras redarguunt, vobis lucida non videntur, & quæcunque vobis suas radiante luce molesta sunt, contra illa cor clauditis, ne inde nox fugetur erroris.* Lib. 3. oper. imperf. cap. 61. Et cum idem hæreticus S. Doctores sententiam intellectu difficilem esse opponeret, respondit Augustinus: *Præsum intelligor, velis, nolis: sed tu contra ista nihil dicentur, vis non intelligi, quod ego verissimum, atque firmissimum dixi.* Lib. 4. cap. 140. Lege de his plura in antitheteticis.

Cætèrùm Adamus coetam olim à Pelagianis crambem recoquens, Augustinianam doctrinam vitio obscuritatis infamat, quam non mysteriorum magnitudini, non debili Lectorum intelligentiæ, sed Augustini malitiæ deputat, quippe qui suos sensus clarè dicere noluit, vel saltem non valuit, vt scribit pag. 615. Itane magnum illud Africanarum Synodorum Ingenium, quo nomine audiuit Augustinus ex Prospero cap. 2. contra Ingratos, adeo hardum, vel inuidum iudicas, vt post viginti ferè annorum conatus nondum suam sententiam explicare potuerit, aut, quò solus sapere videretur, noluerit tanto cum Ecclesiæ totius detrimento? Sed videamus, quibus argumentis cap. 4. 5. & 6. probare Recentior ille conetur, S. Augustini doctrinam de gratia, & libero arbitrio, nec non de prædestinatione esse obscuram, atque difficilem. Opponit initio statim cap. 4. pag. 590. Florum Monachum Adrumetinum primum fuisse, qui Augustinianæ doctrinæ obscuritate deceptus, contra liberum arbitrium dogmatizavit. Etenim non intelligens Augustini epistolam ad Sixtum contra hominis libertatem eam loqui existimabat. At cum reliqui Monachi oppositum defenderent, res ab ipso Floro, aliisque ad Augustinum delata est, quibus instruendis S. Doctör binas ad Valentinum Abbatem literas dedit, addito etiam libro de gratia, & libero arbitrio, alteroque de correptione, & gratia, in quibus ea, quæ obscuriùs in epistola ad Sixtum dixerat, clariùs explicuit. Verùm antequam prauam illius epistolæ intelligentiam non ex Augustini obscuritate, sed ex Lectorum duricie, vt Viçtorini verbis vtar, deriuasse ostendam, supina Adami in Augustino legendo incuria castiganda est, qui Florum Monachum haud rectum illius epistolæ sensum tenuisse calumniatur, cum apertè Augustinus illum quidem rectè sensisse testetur, sed non fuisse ab alijs intellectum, ita enim ad Monachos illos scribit cap. 1. de cor. & grat. *Hanc fidem, quæ sine dubio vera, & Prophetica, & Apostolica fides est, etiam in fratre nostro Floro inuenisse me gaudeo, unde hi potius corrigendi sunt, quos quidem propicio Deo correctos esse iam existimo, qui cum non intelligebant.* Itaque Monachi quidam S. Doctores epistolam non intelligebant, cuius tamen sensum optimè Florus assecutus, nihil ex Augustini verbis obscuritatis passus est. Unde praua illorum intelligentia non Augustini vitio, quòd noluerit, aut non potuerit clarè loqui, danda est, sed debili Monachorum captui, qui nedum Augustinianam epistolam non percipiebant, sed nec Florum eandem pluribus explicantem intelligebant. Sed de his fusiùs diximus lib. 1. hist. Pelag. cap. 23. & lib. 2. cap. 15.

in Addit. Adamus pag. 591. *Hos primos apud Africam motus ex Augustiniana doctrina obfcuritate ortos Gallicani tumultus consecuti sunt. Viri enim tum pietate, tum doctrina insignes Maffiliæ, & apud vicinas insulas, ægrè ferebant Augustinum, cuius magna in Ecclesia æstimatio erat, nonnulla docuisse, quæ ob obfcuritatem Prædestinatianorum heresi ea tempestate per Gallias gliscendi favorem præbere videbantur. Porro cum hæc latius diffamarentur, Prosper, & Hilarius de his Augustinum per literas certiorum reddidere, quò clarius suam mentem aperiret. Fabulas bellas necit hic Scriptor; nam ij, de quibus Prosper, & Hilarius ad Augustinum scribunt, nequaquam fuere Prædestinatiani, qui ex Augustini obfcuritate in errores lapsi essent, sed fuere Semipelagianii, Cassianus, Hilarius, Vincentius, Faustus, alijque, ut fusiùs libro 2. historiæ Pelagianæ demonstratum est, illi enim fidem, & perseverantiam esse dona Dei pernegabant, nobis ex nobis ipsis ea provenire dictitantes. Nullos sanè tunc fuisse Prædestinatianos patet ex literis Prosperi, & Hilarij, neque enim Augustini ipsius doctrinam in pravorum dogmatum fundamentum à Prædestinatis sumi, sed à plurimis illam impugnari dicunt vri novam, & absurdam. Dabo initium epistolæ S. Prosperi, inde enim obiecta Augustino obfcuritas, ex qua in Galliis tumultus exortos fingit aduerfarius, evanescet: Multi ergo, inquit, servorum Christi, qui in Maffiliensi urbe consistunt, in sanctitatis tuæ scriptis, quæ aduersus Pelagianos hæreticos condidisti, contrarium putant Patrum opinioni, & Ecclesiastico sensui quicquid in eis de vocatione electorum secundum Dei propositum disputasti. Et cum aliquandiu tarditatem suam culpæ maluerint, quàm non intellecta reprehendere, quidamque eorum lucidiorem super hoc, atque apertiorē beatitudinis tuæ expositionem voluerint postulare: evenit ex dispositione misericordie Dei, ut cum quosdam intra Africam similia monissent, librum de correptione, & gratia plenum divinæ authoritatis emitteres, quo in notitiam nostram insperata opportunitate delato, putauimus omnes querelas resistentium sopiendas, quia vniuersis questionibus, de quibus consulenda erat Sanctitas tua, tamplene illic, absoluteque responsum est, quasi hoc specialiter Audueris, ut quæ apud nos erant turbata componeres. Recensito autem hoc Beatitudinis tuæ libro, sicut qui sanctam, atque Apostolicam doctrinam tuæ authoritatem antea sequebantur, intelligentiores multo, instructioresque sunt facti, ita qui persuasionis suæ impediabantur obscuro, auersiores, quàm fuerant, recesserunt. Hæc ille. Audin Maffilienses non Augustino obfcuritate obiectis, sed tarditatem suam culpæ maluisse, quàm non intellecta reprehendere. Narrat autem nonnullos lucidiorem expositionem postulasse, non quòd illa, quæ Augustinus adstruxerat, obfcura erant; sed quòd eadem clarius ad ipsorum captum exponi peroptabant, quæ tamen acutioris ingenij viris satis essent manifesta. Rursus ait, eosdē postea suæ persuasionis obscuro impeditos Augustini doctrinam apertè, ac probè intellectam oppugnasse, Augustini verò sectatores ex iisdem S. Doctoris libris intelligentiores multo, instructioresque esse factos, quod non est de Augustini mente minùs rectè propter obfcuritatem percepta rumores in Galliis exortos, ut fingit Adamus, sed de eiusdem doctrinæ omnibus notæ veritate litigia enata esse, Prospero, Hilario, alijsque Augustinum defendentibus, Cassiano è contra cum fœderatis eundem impugnantibus. Scribit Adamus pag. 594. Prosperum, & Hilarium, quòd à nonnullis Presbyteris Prædestinatis suosmet errores Augustini nomine suffulciri cernerent, rei indignitate commotos ad Celestinum Papam profectos, qui è vestigio literas ad*

Galliæ Episcopus dedit, quibus, do verba Adami pag. 595. *ora obstruit omnibus istis Presbyteris, qui suos errores sub obscuritate verborum S. Augustini tegebant.* Si & delatoris Prosperi dicta, & Celestini iudicis lata pro Augustino vindicando sententia intercidissent, poterant illa utcumque ab Adamo fingi, quod Augustinianam obscuritatem illorum tumultuum fontem persuaderet. At ex Prosperi, & Celestini scriptis apertæ falsitatis reus tenetur. Hi, contra quos Prosper, eiusque collega Hilarius Romam profecti sunt, non fuere nescio qui Presbyteri Prædestinatiani sub Augustini nomine errores suos venditantes, sed fuere planè Semipelagiani Massilienses, qui S. Augustini libros, & doctrinam lacerabant. Hoc fusiùs à nobis probatum est lib. 2. Hist. Pelag. cap. 15. quæ hic repetere non vacat.

Rom. 11.

Pergit cæpro Adamus novis argumentis Augustinianam obscuritatem probare enitens. Opponit, quod de eiusdem sententia de prædestinatione ingens inter Theologos controuersia est pag. 596. addens adeo illam esse difficilem, ut graues tumultus in Ecclesia excitaret. Tradit etiam quosdam ex Augustini sectatoribus in materia de gratia illum deseruisse, vel non ausos fuisse Augustini dogmata publicè defendere pag. 610. initio cap. 10. Ter etiam sententiam ea in quaestione mutasse pag. 597. & pag. 611. addit, Augustinum sæpè confessum esse, difficultates vel à se, vel ab aduersariis contra mysteria gratiæ, & prædestinationis propositas datis à se solutionibus non elidi, suamque mentem plus obiectionibus commotam fuisse, quàm responsionibus sedatam. Item eundem, cum alicuius insuperabilis difficultatis pondere premeretur, ad illa Scripturæ verba confugisse: *O altitudo diuitiarum Sapientiæ, & Scientiæ Dei &c.* Præterea tradit ibidem, inchoasse Augustinum commentaria in epistolam Pauli ad Romanos, ubi Apostolus de mysterio prædestinationis tractat, sed rei altitudine deterritum opus imperfectum reliquisse. Tandem, pag. 614. difficultatem veræ, & germanæ Augustinianæ sententiæ assequendæ inde probat, quod non vna est eiusdem, ac constans semper opinio, sed diuersæ, atque pugnantes. Ego quidem responsionem paucis perstringo; neque enim negotium aduersarij obiecta nobis faceffunt. Gallicani illi tumultus non inde orti sunt, quod obscura, vel difficilis intellectu Augustini sententia habebatur, sed quod plerique eandem sententiam probè ab ipsis intellectam contrariam putabant antiquorum Patrum definitionibus, teste Prospero in epistola ad Augustinum. Duo enim hic distinguenda sunt. Vel enim difficilis asseritur Augustini sententia, quod intelligi non nisi difficulter possit, vel quod licèt rectè percipiatur, humano intellectui durior videatur, cuius non ita facilis assensus præbeatur. Primum sanè falsum est, nam Massilienses optimè Augustinianam sententiam de gratia Adami, & stantis, & reparati, de prædestinatione electorum, de eorundem certo numero, de dono perseverantiæ assecuti sunt, ut palam fit ex literis Prosperi, & Hilarij, qui itidem cum alijs verum Augustini sensum tenuerunt, quem si nonnulli assequi nequiuerunt, ipsorum ingenij debilitati deputetur; neque enim Soli vitio verti potest, quod eum talpa non videat. In altero verò sensu difficilem videri S. Doctoris sententiam de prædestinatione nec ipse Augustinus negauit; res enim secretissima est, quam tamen tot libris, quantum potuit, reddidit faciliorem. Non ibo inficias, S. Augustini sententiam de prædestinatione ante præuisa merita plures

in Gal-

in Gallijs turbasse, unde grauissimæ contentiones emerfere, doctis quibusue in partes diuisis. Neque enim indocti absolutam prædestinationem cum humana libertate componi posse percipiebant, & docti etiam viri idipsum ægrè asquebantur. Caterùm Augustinus illorum disfidiotum certior factus, in libris de prædestinatione SS. & de dono perseverantiæ eandem de prædestinatione sententiam & constanter tenuit, & solidissimè confirmauit. Sanè in libro de dono perseverantiæ cap. 20. respondens Masiliensibus, qui dicebant, *non opus fuisse huiusmodi disputationis incerto minùs intelligentium tot corda turbari; quoniam non inuinus utiliter sine hac definitione prædestinationis per tot annos defensa est Catholica fides*, ostendit iam olim ante exortos Pelagianos eadem se docuisse, quæ postea contra eosdem operosius, & diligentius demonstrare compulsus fuerat: *Prædestinatio*, inquit, *predicanda est, ut possit vera Dei gratia, hoc est quæ non secundum merita nostra datur, insuperabili munitione defendi*: cap. 21. Et quidem S. Doct̃or donum fidei, & primam gratiam ex absoluto decretò Dei suspendit, quò omnia prorsus merita diuina gratia antecederet. Hinc Semipelagiani Augustino hostes facti per centum ferè annos varijs disfidijs Gallias fatigauerunt, donec in Aurasciana Synodo II. ex Augustini libris datis responsis diuertunt illæ inter doctos homines agitatæ contentiones finem sortitæ sunt. Nullius sanè culpæ Augustinus reus inde tradendus est, imò summis idem laudibus commendandus venit, qui Semipelagianorum nec sapientia, nec auctoritate deterritus, traditam semel de diuina gratia, atque prædestinatione, ad initium saltem fidei (quod in confesso est apud omnes) sententiam pluribus demonstrauit, neque per ipsum vllò modo stetit, quin missis in Galliam duobus præclarissimis libris de prædestinatione SS. & de dono perseverantiæ: natos ibidem tumultus comperceret. Cum Augustinus de initio fidei, atque perseverantiæ dono ea docuerit, quæ verissima sunt, & eadem in Synodorum postea canones transferint, Cassianus, Faustus, Hilarius Arelatenis, alijque reprehendendi sunt, qui Augustino contradicentes erroneam doctrinam defendendo, grauissimas Galliæ turbas peperere. Ex his constat Adamum præposterè de illis Gallicanis disfidijs iudicasse. Hinc rectè sub Rhemigio sanctissimo, ac doctissimo Galliarum Antistite Ecclesia Lugdunensis ante octingentos annos de hoc ipso pronunciauit: *Augustinus nec tanta perturbatione, & commotione fidelium ab intentione veracissima, & fidelissima doctrinæ suæ frangi potuit, aut reuocari. Sed magis eos & scriptis suis inquantum potuit admonuit, & instruxit, & orationibus apud Deum profusis fideliter adiuvit, ut intelligerent, & agnoscerent, quàm necessariò, & quàm salubriter propter commendationem diuinæ gratiæ eiusdem prædestinationis veritas omnino & credenda, & predicanda esset.* Lib. de trib. epist. cap. 35. Itaque falsò contra S. Augustinum locutus est Ludouicus Molina in sua Concordia, hæc scribens: *Augustini doctrina de prædestinatione plurimos ex fidelibus præsertim ex ijs, qui in Gallia morabantur non solum indoctos, sed etiam doctos mirum in modum turbauit, ne dicam illius occasione salutem eorum fuisse periclitatam. Ne enim eiusmodi doctrinæ adhererent, hæresi potius Pelagiana ex parte asseriendum putabant.* Neque enim reiicienda sunt pharமா, quòd initio quidem sorpta stomachum delicatiorem turbare solent. Haud salus illorum periclitata est, qui in questione nondum ab Apostolica Sede decisa non ita se faciles præbebant ad Augustinianam sententiam recipiendam; scimus enim Cas-

fianum, Faustum, Hilarium Arelatensem Episcopum, qui Semipelagianorum Principes fuere, uti Sanctos in Gallijs coli, ut in Pelagiana historia lib. 2. cap. 12. nobis descriptum est. Quis autem non molestè ferat, Recentiores Augustini doctrinam uti Gallicanarum rixarum causam traducere, cum easdem omnino contentiones una ipsa sedauerit, atque sustulerit, quandoquidem Arausici canones, qui pacem Gallijs dedere, exscriptæ ad verbum Augustini sententiæ sunt? Quod initio quidem factum fuisset, si Semipelagiani S. Doctoris sententias recipere maluissent, quàm eisdem contradicendo prouinciam dissensionibus inuoluere. Ex his, ut ante inferebamus, illarum turbarum origo non in Augustinum, sed in eiusdem hostes reijcienda est. Porro falsum est, quod scribit Adamus pag. 610. in materia de gratia, & prædestinatione nonnullos sectatorum S. Augustini ipsum deseruisse, vel non ausos eum publicè tum temporis in Gallijs defendere. Contrarium enim testantur Prosper, & Hilarius in epistolis ea de re datis ad Augustinum: *Recensito autem*, inquit Prosper, *hoc Beatitudinis tue libro, sicut qui Sanctam, atque Apostolicam doctrinam tuam auctoritatem antea sequebantur, intelligentiores multò, instructioresque sunt facti, ita qui persuasionis suæ impediabantur obscuro, auersiores, quàm fuerant recesserunt.* Unde Augustini sectatores nouis subinde à S. Doctore libris acceptis, animosius eiusdem partes sustinebant. Hilarius verò ita fatur: *Sunt ex parte tales personæ, nempe Semipelagiani, ut his consuetudine Ecclesiastica Laicos summam reuerentiam necesse sit exhibere. Quod quidem ita curauimus Deo iuvante seruare, ut cum opus fuit, non taceremus, quæ ad questionis huius assertionem exiguitas nostrarum virium suggereret.* Scio Prosperum in epistola eadem fateri, quosdam non ausos publicè Augustiniana pronuntiata defendere, quòd non inde factum est, quòd illa creditu difficilia, ac paradoxa arbitrabantur, ut contendit aduersarius, sed quòd Hilarij Episcopi, Arelatensis aliorumque doctissimorum Augustini hostium dignitas, & reuerentia, teste eodem Prospero, timorem eisdem iniiciebant.

Iam verò discutienda veniunt, quæ ad Augustinianorum dogmatum difficultatem persuadendam idem comminiscitur pag. 611. ubi ait: *Augustinus sapè confensus est, difficultates vel à se ipso, vel ab aduersarijs propositas in hac materia datas à se solutiones excedere, seque plus obiectionibus commotum, quàm responsionibus sedatum.* Additque: *Cum verò aliqua difficultate insuperabili pressus est, ad illam Scripturæ verba confugit: O altitudo diuinarum sapientia, & scientia Dei &c. Pereâ, si vnquam Augustinus ea affirmavit, quæ illi Adamus imponit, debuerat in re grauissima aliquem S. Doctoris textum appellare. Sed non ita est, Adame, audio enim Augustinum hæc contra Iulianum omnium aduersariorum acutissimum, & ferocissimum dicentem in fine lib. 6. Ad omnia me tibi respondisse, Iuliane, & omnia refellisse &c. puto quòd prospicis, si pernicax non sis. Et in fine lib. 1. Vitreas argutias tuas, & fragilia, quibus tibi multum videris acutus & nitidus, argumenta confringam. Et lib. 3. cap. 3. Tuarum velut acutarum argumentationum nihil non solutum, destruetumque dimittam.* Hinc S. Prosper in cap. 2. contra Ingratos canit nullum argumentum Pelagianorum non dilutum fuisse:

— nullumque omnino relictum

Dacta fides, quod non dissolueret argumentum.

& S. Prudentius in epistola ad Hincmarum, & Pardulum eorundem hæreticorum

corum argumentis à S. Augustino abundantissimè, & competentissimè satisfactum esse scribit. Videantur dicta cap. 1. appendicis ad dissertationem de Synodo V. Illa tamen insuperabilis quæstio Augustino visa fuit, cur Deus hunc potius, quam illum prædestinaret, de qua eruditè agit serm. 11. de verb. Apost. cap. 14. & epist. 105. ad Sixtum, & lib. 4. ad Bonif. cap. 6. vbi ait: *Ipsa est quæstio, quæ ad illam pertinet altitudinem, quam perspicere volens idem Apostolus quodammodo expauit, & exclamauit: O altitudo diuitiarum sapientiæ, & scientiæ Dei &c.* Ita summi ingenij fasces secretis diuinæ prouidentiae consilij Augustinus submisit, quod & Recentiores fateri coguntur, si rogentur, cur Deus huic det gratiam congruam, alteri verò neget?

Quod addit, Augustinum imperfectam reliquisse inchoatam à se in epistolam Pauli ad Romanos expolitionem, in qua de mysterijs gratiæ gratiæ differitur, quasi rei difficultati succubuerit, non conuincit Augustini doctrinam esse difficilem, vt sibi probandum Adamus eo in capite proposuerat. Rationem internissorum commentariorum hanc tradit S. Doctor lib. 1. Retract. cap. 25. *Ipsius operis magnitudine, ac labore deteritus & in alia faciliora desexus sum.* Non quod ignoraret, quid de prædestinatione, & gratia iuxta Apostoli sententiam statuendum esset, cum id & in libris, & in epistolis, & in sermonibus adeo sæpè ex eadem epistola Pauli ad Romanos deduxerit, vt Beda, Florus, Victor Tripolitanus, alijq; ex solis S. Augustini interpretationibus in eam Pauli epistolam sparsim eiusdem operibus insertis integra commentaria in centonem conseruerint, ac planè totam epistolam Augustinianis verbis exposuerint. Denique falsum est, quod Adamus scribit pag. 612. dixisse Augustinum, suam de prædestinatione sententiam non esse populis prædicandam. Quodue summæ falsitatis est, id probans ex cap. 15. de dono perseuerantiæ. Etenim ibidem per plura capita inculcat, & prædicandam esse sententiam de gratuita prædestinatione, & modum quo citra rudium conturbationem prædicari possit, assignat. Audiatur S. Doctor ita inchoans cap. 14. de dono perfecti. *Sed aium prædestinationis definitionem utilitati prædicationis aduersam.* Audin Adame illam sententiam fuisse Semipelagianorum, quos ibi reijcit S. Pater, quam satis negligenter, vt mitius loquar, eidem affricas. Accipe interim Augustini responsum: *Quasi verò aduersata sit Apostolo prædicanti. Nonne ille Doctor gentium in fide, & veritate prædestinationem toties commendauit, & verbum Dei prædicare non desistit?*

Hæc nobis scribentibus opportunè S. D. N. CLEMENS X. pro Augustino sententiam pronunciauit, aureis planè characteribus imis præcordijs incidendam. Etenim in diplomate raro, ac singulari datò die 18. Decembris anno 1671; quo vniuersis Christi fidelibus festa S. Augustini die nostræ familiæ templi adeuntibus, ibique piè supplicantibus plenariam indulgentiam impertitur, hæc habet: *Itaque eximia, omnisque humane laudis præconium, longè supergressa S. Augustini Episcopi, & Confessoris, Ecclesiæ Doctoris præcellentissimi, qui Spiritu Dei plenus heresum, errorumque tenebras tanquam fulgentissimum Christiana eruditionis iubar profundissimis, simulque Sole clarioribus scriptis prostrigauit, & hominum corda eo, quod ipse ardentissime flagrabat, charitatis igne succendit, decorato grato, deuotoque mentis affectu recolentes &c.* Hac Apostolicæ Sedis sententia honorificentissima, grauissima, sanctissimaque omnes à quibuscunque aduersarijs Augustinianis libris obiectæ nubeculæ fugantur penitus, ac dissipantur.

Hoc diploma in forma Brevis, ut aiunt, exaravit Illustrissimus Dominus Ioannes Gualterius Slusius spectatæ doctrinæ Præsul Vrbi, & Orbi notissimus, Clementi X. Pont. Max. à Secretis Breuium. Illud verò Apostolicæ Cameræ typis excusum ad eundem Summum Pontificem detulit Illustrissimus D. Ioseph Eufanij Apostolici Sacriarij Præfectus, idemque Augustinianæ gentis decus, quam uti olim in suggestu, & scholastica cathedra illustravit, ita eandem continuis propemodum beneficijs exornat, detulit, inquam, laudatum Breue die 24. mensis eiusdem hora 14. cum Summus Pontifex sacrosancta mysteria peregisset. Horum autem Lectores præmonitos volui, ne quis postea diploma illud à Pontifice nec visum, nec lectum comminiscatur, quemadmodum de altero diplomate ab Alexandro VII. ad Louanienfes dato, in quo S. Augustinus, eiusq; doctrina eximie commendatur, quidam Recentior conceptio iuramento publicauit, cuius quidem hominis voces inferiùs capite 6. castigamus. Hæ quidem Clementis X. literæ quorannis pro Augustini solemnij de more, quâ latè per Orbem Augustiniana Respublica colonias deduxit, populis exponentur, ac magni Doctõris ex Apostolici oris sententia Sole clariora scripta apparebunt, nullusque posthac non falsas, ac prorsus inanes illius Recentioris voces intelliget, qui ausus est blaterare, S. Augustini libros esse tenebris, ac nubibus obductos, dum ex Apostolicæ Sedis oraculo Sole clariore elucet.

Omisso consultò plura Sanctorum Patrum testimonia, quibus Augustinus ab obiecta obscuritate vindicatur, illa enim producam in calce huius operis, & quidem nobilissima. Hic tamen S. Prosperi verba in præsentì repetere iuvat in præfatione ad excerpta Genuesium, initio cuius hæc ait: *In libris Beati Augustini Episcopi &c. si aliqua vos morabatur obscuritas, decurrere debebatis ad Patrem luminum, à quo descendit omne datum optimum, & omne donum perfectum, & à quo datur spiritus sapientiæ, & intellectus.* Hæc autem dixit, non quòd putaret Augustini dicta esse obscura, sed quòd ob minutam intelligentiam illis, ad quos scribit, obscura visa erant, nam hisce planè verbis illud opus concludit: *In quibus NULLA EST OBSCURITAS, si de fide prædestinationis, & gratiæ Dei, ex qua est omnium bonorum origo, perseverantiaque meritorum, hoc teneatur, quòd habet veritas.* Ipse Augustinus in fine libri de gratia, & libero arbitrio, hæc seriò Lectõribus inculcauit: *Repetite assidue librum istum, & si intelligitis, Deo gratias agite, ubi autem non intelligitis, orate ut intelligatis, dabit enim vobis Dominus intellectum.* Et de eodem volumine loquens initio lib. de Correptione, & gratia: *Semel lectum, inquit, nullo modo arbitramini satis vobis innotescere potuisse: Si ergo cum fructuosissimum habere vultis, non vos pigeat relegendo habere notissimum.* Volo autem Prospero supparem producere doctissimum Galliarum Præfulem, qui graui sententia Adami scriptoris Galli præposterum de Augustini scriptis iudicium perculit, ut parcat allata ab aduersario argumenta nihili fieri ab eruditis viris. Illustrissimus Ioseph Maria Suarelius Episcopus Vassionensis in dissertatione priorì de chronologia operum S. Augustini hæc ait: *Sed quòd Sanctissimus Petrus Apostolorum Princeps de Coapostoli sui Sancti Pauli sensit, epistolis, usurpare de Operibus Sancti Augustini audeo scilicet in illis Sanctum loqui Patrem de his, in quibus sunt quedam difficultia intellectu, quæ indocti, & instabiles deprauant, sicut & ceteras Scripturas ad suam ipsorum perditionem. Nec enim Auctoris ulla id accidit culpa, sed Lectõrum vitio, qui sine minus perspicaces, seu vagis imbuti*

imbuti prius erroribus, ordinem potissimum librorum, & disputationum ignorantes, mentem acutissimam, & sanissimas sententias doctissimi Patris assequi non potuerunt; ex cœcitate occæcati sibi nebulas offundunt, & inania portenta comminiscuntur. Hæc quidem ille ante triennium scripsit, cuius sententia tanto Præfule digna priori huic capiti finem imponet.

CAPVT II.

Recentiores accusant eandem S. Augustini doctrinam antilogiæ. Reijciuntur.

GRauiores alteram iniuriam iidem Scriptores Augustino inferunt, inquit enim, eundem S. Doctorem tot, tantisque antilogijs laborare; vt ex illis prægrande fatis volumen possent consarcinare. Accusationem ipsorummet verbis recitabo: Adamus cap. 6. pag. 614. hæc citra pudorem eruat: *Mihi licet addere, quòd si diuersas S. Augustini sententias in hac materia colligere vellem, corpus quoddam ex diuersissimis partibus coaptarem. Vno loco dicit, nostram salutem absoluto decreto esse definitam, alibi nihilominus affirmat pendere illam à nostra voluntate: Præscientiam esse posteriorem decreto reprobationis, & esse item anteriorem: Nostra libertate gratiam adimpleri, & libertatem in usum à gratia deduci: Gratiam esse victricem, sed & eidem nostram libertatem resistere: Solum peccatum originis plures in damnationem perpetuam conijcere, & homines damnari ob propria tantum delicta, & libertatis rebellionem: Hic arma sumpsit contra Gratiam, & hic eandem euexit. Hinc concludo, quod si mihi non licet dicere, S. Augustinum in varijs suorum librorum locis sibi contradixisse, saltem fas est mihi credere ipsius doctrinam esse intricatissimam, cum nulla reperiri possit intricatio, quàm quæ sibi ipsi repugnare videtur.* Ita Recentior S. Augustini defensor. Hæc eò collimant, vt summum Ecclesiæ Magistrum omni prorsus exuant autoritate. Quotusquisque enim est, qui credat viro illi, qui nec sibi credit? Certa-ne mihi erunt illa, quæ ipsimet authori incertissima visa sunt? Vbi & diuisio, ac sententiarum varietas est, inde procul veritas degit, quæ cum vna sit, nequit in partes diuidi. Qui opposita docet, nihil sanè docet, enim verò diruit, ædificatque. Solus error sibi nec cohæret, nec constat. Quod si vera sunt, quæ aduersarius Augustino obijcit, erit Augustinus impostor, & mendax, & dum de vno in aliud transilit immemor eorum quæ dixerat, & tibiam sibi, & ceruicem frangit. Si Augustinus vsque adeo antilogijs scatet, vt quodlibet potius enigma intelligas, quàm veram eius, germanamque sententiam expisceris: si obscuris verborum inuolucris veritatem, quam explicandam susceperat, implicuisset credendus est: quo iure, quoque titulo Clemens VIII. in maximis illis de auxilijs diuinæ gratiæ litigijs vnum Augustinum consulendum iussit, à quo veritatis secreta peterent? Pessimo sanè consilio in obscuris lucem, & inter secum inuicem pugnantes Augustini sententias disidia componendi modum quæruisset.

Pelagiani olim, ac postea Semipelagiani easdem calumnias in Augustinum proiecere, quorum verba alibi data sunt, eos autem acerrimè reprehendit S. Prosper contra Collatorem cap. 41. vt nihil ab Adamo contra S. Doctorem pro-

proponatur, quod non ex veterum eiusdem hostium ore prodierit, quos tamen omnes breui illo dicto Augustinus confutauit: *Hinc est, quod sententias meas int. & se contrarias putas, & vel putari cupis, tanquam improbem, quod ante approbaui, aut amplectar, quod ante respuerim. Audi ergo apertam sententiam meam, & intellige, & sine intelligere alios, non offundendo caligines nebulosæ disputationis serenitati sincerissimæ veritatis.* Lib. 5. con. Iul. cap. 9. Et quidem Augustino quid commune cum reliquis accidit, qui ob singulare ingenium supra cæteros doctrinarum copia euecti Scholarum Magistri euasere. Etenim sectatores, cum certatim diligentiorum operam in sectæ Patrono legendo ponere studeant, suo tamen plus nimio ingenio indulgentes, diuersa docendo Magistros in contradictionis suspensionem trahunt. Hoc Aristoteli, hoc Platoni contigit, hoc S. Thomæ postea, ac Scoto nobilissimarum Scholarum Principibus accidit, toties discipulis de præceptoris mente acerrimè inter se consistantibus. Nullus tamen sectatorum summis illis viris contradictionis crimen impingit, sed quæ ab aduersarijs adducuntur, congruis interpretamentis explicare conantur. Quare cum Augustinus librorum copia, doctrinæ subtilitate, & quod caput est, argumentorum propè contrariorum pertractatione cæteros longo post se intervallo reliquerit, eidem etiam periculo proximus factus est, nempe ut contraria docuisse credatur, dum à contrarijs, ac sibi inuicem repugnantibus Scriptoris certatim sibi fauens publicatur. Maligni tamen, ac irreligiosi prorsus Lectoris sit, affirmare tantum Doctorem contraria docuisse. Verùm Adamus haud ijs scrupulis perstrictus clamat pag. 590. *Augustinum Theologorum scholas in partes, ac Doctores in factiones diuississe.* Erras: nam è contrarijs diuersæ Scholarum, ac Doctorum factiones Augustini doctrinam in contrarias partes dilaniarunt. Etenim dum ad Augustinum legendum præoccupatis animis accedunt, nec eius uti volunt magisterio, sed patrocínio, suas opiniunculas maximo Ecclesiæ Doctore auidè affricant. Quis enim Recentiorum ea mente S. Doctoris volumina aperit, ut eiurata etiam propria opinione, vnius Augustini sententiæ inhærendum sibi decernat? Sed velit, nolit, Augustinus in partes vel machinis trahendus est, atq; Ecclesiæ Magister, si superis placet, ipsorum discipulus publicandus.

Hanc eandem accusationem prosequens aduersarius cap. 6. pag. 611. inquit: *Ostendimus etiam S. Augustinum in hac materia ter sententiam mutasse.* Citat autem in margine cap. 3. de prædest. SS. Verùm semel tantum se mutasse sententiam S. Doctor ibidem scribit; nam initium fidei ex nobis, non ex Deo esse olim arbitrabatur, quem postea errorem re melius ex Apostolo cognita repudiavit. Quæ tamen mutatio sententiæ non vitio, sed laudi illi deputanda est, cum ab errore ad veritatem deflexerit; imò reuelante Deo eam se priorem opinionem exuisse scribit cap. 4. *Ecce, inquit, quare dixi superius hoc Apostolico præcipuè testimonio etiam me ipsum fuisse conuictum, cum de hac re aliter saperem, quam mihi Deus in hac questione soluenda, cum ad Episcopum Simplicianum, sicut dixi, scriberem, reuelauit.* Sapiens igitur vir Deo reuelante monitus sibi erranti contradixit, & priori errore posteriori sententia emendato, vnam esse voluit, imò fecit de gratia, ac prædestinatione doctrinam in omnibus sibi coherentem. Scimus tamen de Augustini sententia Theologos inter se digladiari; at ij ipsi certatim sacras literas sibi fauentes producant, neq; minore contentione de-

Scriptu-

Scripturæ, quàm de Augustini sensu decertant. Porro quis eò dementiæ impetu feratur, vt dicere auit, sacri Codicis sententias esse intricatissimas, turbas Ecclesiæ dedisse, doctos viros in factiones diuississe, aliaue similia, quæ de Augustino Adamus scripturit? Non desuere tamen nebulones, Christianæ religionis hostes, qui sacras literas contradictionis arguerent, quos ceteros inter refellit S. Augustinus in libro de consensu Euangelistarum.

At quæ aduersarius ad Augustinianas antilogias suadendas adducit, futilia prorsus sunt, vixq; citra nuseam repeti possunt. Opponit enim primo loco, Augustinum docuisse, nostram salutem absoluto Dei decreto definitam esse, & alibi tradidisse, eam nihilominus à nostra voluntate pendere. At hæc ipsa, est S. Thomæ sententia, quam non solum sectatores, sed melioris etiam notæ Theologi subscribunt dicentes, gloriam in intentione absoluto Dei decreto prædestinatis præfixam fuisse, at in executione ab eorundem meritis pendere; de qua re Augustinus lib. de grat. & lib. arb. cap. 18. vbi quærit, quomodo vita æterna detur nostris meritis tanquam præmium, & simul detur ex gratia nulla merita supponente. Alteram contradictionem opponit, nempe docuisse Augustinum, præscientiam esse posteriorem decreto reprobationis, & esse etiam anteriorem. Sed debuisset hic Recentior, indicare libros, & capita, vbi hæc Augustinianæ antilogias notasset, neq; enim tantæ fidei virum, illum putamus, vt dicenti, & nullo testimonio probanti credere debeamus, in re præsertim grauissima, vbi sanctorum doctrinam, atque authoritatem in quaestionem trahit. Interim dicimus, falsò asseri S. Augustinum posuisse reprobationem ante demeritorum præscientiam; nota est illa eiusdem sententia toties repetita: *Bonus est Deus, iustus est Deus, potest sine bonis meritis liberare, quia bonus est, non potest sine malis meritis damnare; quia iustus est.* Hinc contra Pelagianos probat, Deum futurum iniustum, si reijceret à gloria pueros nulli peccato obnoxios, idq; ferè vbiq; præstat in opere posteriori contra Iulianum, & in priori etiam lib. 3. cap. 4. & 12. Ser. 14. de verb. Apost. & epist. 106. Nec vllum locum dabit aduersarius, vbi doceat Augustinus, reprobari quempiam à Deo, cuius nullum Deus demeritum præiuderit. Addit 3. loco, tradere Augustinum. *À nostra libertate gratiam compleri, & à gratia libertatem in vsum deduci.* Sed hæc benè inter se conueniunt. Nam sola gratia non ponit actum bonum in nobis, sed vnà cum libera voluntate, quam ipsa præmouet, & in actum deducit: vnde ex gratia, & libero arbitrio fit completum principium actuum bonorum, ita tamen vt libertas gratiæ ancilletur. Et sanè cum sine gratia nihil fieri possit, prout oportet ad salutem, à sola gratia humana libertas in bonum, & meritorium vsum agi potest. Non do Augustini textus, quia res in omni Schola est manifesta, licet de modo, quo illæ motiones fiant, disceptetur. Primum legi potest in Augustino ser. 13. de verbis Apostoli cap. 11. S. *Agnosce quid possas &c.* vbi inter alia scribit: *Si non esses operator, ille non esset cooperador.* lib. 2. de pec. merit. cap. 5. & alibi. Alterum verò in omni pagina librorum contra Pelagianos, vbi Catholicum illud dogma semper inculcat, nihil boni meritorij fieri posse sine gratia.

Quarta sequitur obiecta Augustino contradictio? *Gratiam esse vicitricem, sed & eidem nostram libertatem resistere.* At de eadem gratia in indiuiduo nunquam hoc Augustinus somniauit, vt eadem simul & vinceret libertatem, eamq; sibi

subderet, & nihilominus à libertate rejiceretur; si enim rejicitur, iam non est victrix, sed victa repellitur. Quod si de diuersa, ac distincta gratia ea Augustinus dixit, omnis contradictionis umbra ab eiusdem dictis procul abest. Sanè Recentiores pleno ore affirmant, gratiam congruam semper esse victricem, non congruam verò repulsam pati à libero arbitrio, quod & eorum antagonistæ de gratia prædeterminante, & purè sufficienti tradunt; quæ si contradictionem inuoluunt, publicæ gratiæ agendæ Adamo erunt, qui vnuerfos scholasticos ab inuetarato errore liberauerit. Itaque cum Augustinus scribit lib. de prædest. SS. cap. 8. *Hæc itaque gratia, quæ occultè humanis cordibus diuina largitate tribuitur, à nullo duro corde respuitur: cum eandem dicit mouere indeclinabiliter, insuperabiliter, inuidissimè* cap. 12. de cor. & grat. *efficacissimis viribus* lib. de grat. & lib. arb. cap. 16. *occultissima, efficacissima potestate* lib. 1. ad Bonif. cap. 20. cum inquam S. Doctor his, alijsque epithetis victricis gratiæ energiam exprimit, de congrua, & efficaci accipiendus est. At cum debili euidam gratiæ nostram libertatem resistere tradit, vt patet ex lib. 1. quæst. 2. ad Simplicianum, ex cap. 9. de prædest. SS. ubi ait: *Ex duobus ætate iam grandibus impijs cur iste vocetur, vt vocantem sequatur, ille autem aut non vocetur, aut non ita vocetur, vt vocantem sequatur, inscrutabilia sunt iudicia Dei.* Palam fit, quosdam vocanti Deo resistere, quæ etiam ex cap. 11. de correptione, & gratia deducuntur, cum adiutorium ministratum Angelis ante lapsum dari etiam in statu naturæ lapsæ quibusdam, alijs in pœnam peccati non dari scribit; cum, inquam, ista docet, de altera gratiæ speciei debili, incongrua, & remotè sufficienti loquitur, vnde nulla hic contradictionis suspicio Augustinum tangit.

Quinta contradictio est: *Plures damnari ob solum peccatum originis, & item docet, homines non damnari nisi ob peccata personalia, & propriæ libertatis rebellionem.* Non ita est, Adame. Docet Augustinus, pueros decedentes sine baptismo damnari ab solum peccatum originis, maiores verò natu homines, & propter peccatum originis, & propter alia, quæ ipsorum malitia superaddidit; in quibus nulla contrarietatis umbra conspicitur. Audiatur S. Doctor lib. de cor. & grat. cap. 13. *Hæc ergo, qui non pertinent ad istum certissimum, & felicissimum numerum, pro meritis iustissimè iudicantur. Aut enim iacent sub peccato, quod originaliter de generatione traxerunt, & cum illo hereditario debito hinc exeunt, quod non est regeneratione dimissum, aut per liberum arbitrium alia insuper addiderunt, arbitrium, inquam; liberum, sed non liberatum, liberum iustitiæ, peccati autem seruum, quo uoluntur per diuersas noxias cupiditates, alijs magis, alijs minùs, sed omnes mali, & pro ipsa diuersitate diuersis supplicijs iudicandi.* Rursus quomodò ij, quibus in baptismo dimissum est peccatum originale, possint dici ob peccatum originale relictum in massa perditionis, tradit S. Doctor cap. 7. & nos inferiùs dicemus, ubi de erroribus Augustino obiectis sermonem instituemus, & certè hi nullo pacto damnari possunt ob reatum peccati originis, & de his loquitur Augustinus, dum ait neminem damnari, nisi ob propria crimina.

Sextam contradictionem ita efformat: *Hic arma sumpsit Augustinus contra gratiam, & alibi eandem euexit.* At nullum Augustini verbum proferenti non ita facilem assensum danus. Vbinam Augustinus contra diuinam gratiam arma induit? vbinam illi iniurius fuit? quo verbo illam vel tantillum læsit? Sanè in libris contra Manichæos de humani arbitrij libertate exaratis nondum

exortis Pelagianis, diuinæ gratiæ mentionem fecit, illiusque ad iustè, pièque viuendum necessitatem memorabili dicto pronunciauit, ac si futuros eiusdem gratiæ hostes præuidisset. Quare lib. 1. Retract. cap. 9. recitatis pluribus textibus ex libris de libero arbitrio in fauorem gratiæ concludit: *Ecce quàm longè antequàm Pelagiana hæresis extitisset, sic disputauimus, velut iam contra illos disputaremus.* Hinc cum in libro primo ad Simplicianum multa pro libero arbitrio dixisset, illud tamen gratiæ subiecit, non supra eandem extulit, vnde lib. de prædest. SS. cap. 4. ait: *In cuius quæstionis solutione elaboratum est quidam pro libero arbitrio voluntatis humana, sed vicit Dei gratia.* Ergo si Augustinus vel cum pro defensione liberi arbitrij decretoria arma tractabat, gratiæ victoriam dabat, vbi nam contra illam gladium eduxit?

Harum quidem contradicções sententiarum Augustino recentior ille Scriptor opponit, qui tamen haud ausus est tantum erroris Augustino affricare, sed cum hoc illi in religionem veniret, adiecit: *Hinc concludo, quòd si mihi non licet dicere, S. Augustinum in varijs suorum librorum locis sibi contradixisse, saltem fas est mihi, credere ipsius doctrinam esse intricatissimam &c.* Non ait, hinc concludo, cum mihi non liceat dicere &c. Sed quasi subdubitans, liceatne sibi Augustinum contradicções inculcare, si mihi, inquit, NON LICET. At nec primum tibi licet dicere, neque alterum fas est credere, nempe doctrinam S. Augustini esse intricatissimam, insigni enim nota præclarissimi Ecclesiæ Magistri libros afficis, quam tuo Suario, vel Vasquio inferri à quopiam minimè patere. Crede mihi, haud tibi licitum est tam abiectè de Augustino sentire. Quid enim irreligiosius fieri potest, quàm Augustinum veluti multiformem in sentiendo Protheum inducere, modò affirmantem, modò negantem, modò album, modò nigrum, tot in eadem scena cothurnos subinde mutantem? Non igitur contrarius sibi est Augustinus, sed Adamus contra se pugnat, qui cum in libro inscripserit titulum: *Calvinus S. Augustini armis destructus*, mirabili constantia affirmat cap. 4. pag. 596. Scripta S. Augustini non esse satis apta ad exatmandos Calvinistas. Vnde lepida Magni Doctoris sententia lib. 5. con. Iulian. cap. 5. hocce caput claudamus: *Non sunt ergo, inquit, verba mea inter se contraria, quamuis te patientur, vel non intelligendo, vel alios intelligere non sinendo contrarium.* Additque: *Tu ergo, qui in me quasi sententias inter se pugnantes notasti, & momordisti, expone quemadmodum tibi ipse constitueris, nec tibi ipse resisteris.*

CAPVT III.

Recentiores S. Augustini doctrinam contra Pelagianos excessus insimulant.

Nonnulli Scriptores recentes, qui de re Theologica libros edidere, cum S. Augustini autoritate nimium se premi, serò iam tandem sentiant, illamque palam reiicere reformident, ne eo in campo hostibus, qui Augustini nomen vbique inclamant, cedere videantur, nouo crimine S. Doctori impactò, eidem se subducere conantur, iniquunt enim, Augustinum æstu disputationis abreptum excessisse lineas necessaria veritatis, ut sit nimia quedam seueritas, & iniqua vexatio, qua medium illud, in quo veritas sedet, transgredi iubet, si præcat

Augustinus. Verba Annati sunt lib. 8. sui Aug. cap. 2. pag. 862. Adamus hunc capiti septimo titulum dedit: *S. Augustinum permisisse se nimium abripi æstu disputationis contra Pelagianos, & longius, quàm volebat, prætergressum esse. Celebre S. Bonaventuræ dictum hac de re explicatur*. Pag. 616. Quas voces Moraines, Decampsius, cæterique Recentiores integras reddunt. Neque verò semel, iterumue hoc Augustino contigisse putant, sed in omnibus ferè suis contra Pelagianos disputationibus. Iniere quidem hanc facillimam euadendi viam, ne in Augustino interpretando diutius ingenia macerarent. Verùm nil moderni isti Augustini Censores producunt, quod Pelagiani, ac Semipelagiani anteduo decim sæcula S. Doctore non opposuerint. Iulianus Pelagianorum infocentissimus hoc Augustino vitium obijciens dicebat: *Si quis aut liberum in hominibus arbitrium, aut Deum esse nascentium conditorem dixerit, Celestianus, & Pelagianus vocatur. Ne igitur vocentur heretici, sunt Manichei, & dum falsam verentur infamiam, verum crimen incurrunt instar ferarum, quæ circumdantur pinnis, ut cogantur in retia*. Apud Augustinum lib. 2. de nupt. & concup. cap. 3. quàm à se, & cæteris Catholicis calumniam eruditè ibidem S. Doctor excussit. Hoc ipsum Semipelagiani publicabant, ut eiusdem auctoritatem conuellerent. Hæc sunt Cassiani verba cap. 11. collat. 13. *Multi enim singula hæc credentes, ac in se amplius asserentes varijs, sibi que contrarijs sunt erroribus inuoluti*. Idem habet Faustus lib. 1. cap. 1. 6. & 17. Et hi quidem uti impudentissimi oblocutores acriter reprehenduntur in epistola, quàm Celestino Papæ Recentiores, quibus cum disputamus, adscribunt: *Quia nonnulli, inquit, qui catholico nemine gloriantur, in damnatis autem hereticorum sensibus, seu prauitate, siue imperitia demerantes, pijs simis disputatoribus obuiare presumunt, & cum Pelagium, atque Celestinum anathematizare non dubitent, Magistris tamen nostris, tanquàm necessarium modum excesserint, obloquuntur*. Ut sit nimia quædam Recentiorum animositas, damnata conuicia iterum in Augustinum pleno ore eructantium. Et quidem Augustinus, cum vniuersa abs se exarata volumina cenforia seueritate corrigeret, atque in laudandis Platonicis modum se excessisse ingenuè fateretur lib. 1. Retract. cap. 1. tot in expugnandis Pelagianis excessus suos non animaduertit, eam fortè censuram Recentioribus relinquens, quam uti appendicem Retractionum libris apponerent. Sanè hoc clypeo se munit Caluinus contra Patrum testimonia. Illius verba sunt apud Taperum art. 7. de lib. arb. *Græci, & præ alijs, atque inter eos singulariter Chrysostomus, in extollenda humana voluntatis facultate MODVM EXCESSERE*. Et licet quandoque ægrè tulerit, hunc excessum à Pighio in Augustino quoque culpari; attamen eodem vitio Augustinum etiam laborasse eadem audacia commentus est scribens, quòd ne Augustini quidem sententia PER OMNIA recipienda est. Quibus palam significauit, plus aliquando S. Doctorem dixisse, quàm veritati, se iudice, congruebat. Profectò si excessus isti & quidem iuxta aduersarios satis in Augustino frequentes, admittantur, eidemq; vitio alij quoque Patres subijciantur, nullo propemodum Sanctarum testimonio heretici conuinci poterunt; ubi enim aliqua Patrum sententia se premi senterint, excessisse eosdem clamabunt, qua ratione omnium veterum authoritas labascit, & omnis ad Heterodoxos conuincendos via præcluditur.

S. I.

Quid nomine excessus Recentiores intelligant inquiritur. Sanctorum Thomae, ac Bonaventurae testimonia eisdem non suffragari. Excessus perperam Augustino obijci.

SI Recentiores interrogemus, quid Augustinianorum excessuum nomine intelligant? Respondet Adamus pag. 626. Augustinum *ultra veritatis limites excurrisse nimio disputationis aestu accensum, visumque haeticis favere.* Addit Annatus pag. 862. *Vt sit nimia severitas, & iniqua vexatio, quae medium illud, in quo veritas sedet, transgredi iubet, si praestet Augustinus.* Fatentur tamen non ob hoc Augustinum mentitum esse, sed ut egregiè Moraines interpretatur, **INSCIEN-TER** loquendo quidem, ut sentiebat, sed aestu disputationis, & vehementia spiritus ad alterum extremum interdum declinasse **INTELLECTV AEQVE, AC VERBIS**, quod non est mentiri, sed **FALLI**, ET **DICERE FALSVM** sine mendacio. Disp. 40. Anti-lansenij sect. 6. num. 65. Igitur si non mendacij, falsitatis tamen, apertæ reus Augustinus apud Recentiorum tribunal conuincitur. Quo verò iuste se ita de Augustino iudicasse persuadeant, nonnullos nec infimi subsellij Theologos in testes vocant, qui dixere, S. Doctorem contra Pelagianos disputantem excessisse, quorum verba cap. 5. ex professo examinabimus; de S. Thoma, ac Bonaventura (hos enim illi opponunt) pauca hic adnotamus. Cum sub Augustini nomine legeretur à prioribus scholasticis liber S. Fulgentij de fide ad Petrum, in cuius cap. 27. asseritur, pueros cum solo originali peccato defunctos ignis sempiterni supplicio puniri, S. Thomas verba ignis, ac supplicij &c. largè accipienda esse dixit quæst. 5. de malo art. 2. ut ponatur species pro genere; addens: *Ideo autem Sancti ali modo loquendi visi sunt, ut detestabilem redderent errorem Pelagianorum, qui asseriebant in parvulis nullum esse peccatum, nec eis penam aliquam deberi.* Sanctus Bonaventura etiam idem testimonium, quod Augustinianum putavit, explicans dixit, quod ea posuit Augustinus *plus dicens, & minus volens intelligi*, in quibus verbis triumphum sibi canunt aduersarij. **INSIGNE DICTVM** appellatur ab Adamo in titulo cap. 7. eadem verba Annatus lib. 8. cap. 2. grandioribus caracteribus expressit, quo statim legentium oculos implerent; hinc clamat Adamus: *Quid reponent nostri aduersarij contra duos illustres Ecclesiae Doctores S. Thomam, & S. Bonaventuram, qui hosce excessus in libris S. Augustini confessi sunt?* Pag. 629. Erigat vtramque aurem Adamus, audiatque quid reponamus. Vos Augustinum in excessus prolapsum dicitis, quod est veritatis limites prætergressum fuisse, *intellectu aequè, ac verbis*, quod non est mentiri, sed falli, quæ Morainij confessio est; at Seraphicus Doctor excessum illum non intellectui, sed verbis tantum Augustini deputavit: *plus dicens*, inquit, *minus volens intelligi*, quod est S. Augustinum non mente, sed verbo tenus solummodò, non reapse, sed apparenter citra vllam falsitatem expressiori quodam vocabulo vsum, nempe ignis ad infantium pœnas explicandas, cum tamen id ex Seraphici opinione haud ille mente sentiret. Aduersarij autem Augustinum **INTELLECTV, AEQVE AC VERBIS** falsum tenuisse contendunt.

Qua

Qua verò ratione eos Bonauenturæ testimonium iuuet, planè non video; eum quam Augustinianæ menti falsitatem ipsi important, ab eadem Seraphicus procul amoveat. Non est igitur, cur illius celeberrimi Doctoris suffragium iactetis, ille enim, quod ad Augustini excessus pertinet, nullo pacto vobiscum concinit. Sed neq; S. Thomæ dictum vobis suffragatur. Nam dum dicit Augustinum *largè* locutum, indicat illum expressius tantum verbum adhibuisse, non eundem veritatis lineas pratergressum. *Largè* accipiendum verbum illud affirmat, qua ratione ab Augustino acceptum credidit. Etenim, ut dicatur Augustinus *ultra veritatem processisse* (quo modo excessus illius explicat Adamus pag. 626.) stricte, pressè, ac omnino rigorosè dicendus foret, sumpsisse nomen illud supplicij, itemq; gehennæ, cruciatus, &c. aliàs si largè accepit, intra veritatis cancellos sese cohibuit. Igitur Sancti illi Doctores contra Recentiorum placita adeo apertè stant, ut mirum sit, adeo inconsideratè iuxta, ac securè contra Augustinum adduci, atq; in eorum verbis tantos ab Adamo rumores toto capite septimo excitari. Illud verò minimè omittendum est, penes unicam dictionem, & semel tantum asserti ab illis S. Doctorem expressius locutum. At quo crimine se inuoluet ducentorum, & amplius voluminum scriptor, si verbum non ita propriè semel tantum usurpauit? Sed hic aduersarios rogamus, verbo-ne vno tantum tenuis docuerit Augustinus prædeterminationem ante præuisa merita, libidinem esse malam, legem veterem sine Redemptoris gratia reos tantum facere, non esse absque gratia veras virtutes in infidelibus, in quibus alijsq; plurimis excessisse illum publicant? Haud equidem credo, id eos affirmaturos, cum S. Doctor non solum pluribus argumentis eas sententias stabilire conatus sit, sed vniuersas quoque summi ingenij vires ad easdem persuadendas exeruerit, imò & quasdam vti Catholicas habendas esse contenderit. Non hoc est, boni homines, *plus dicere, & minus velle intelligi*; non hoc est *largè* vnica tantum voce, & semel quidem vti; sed quid sit, iam puto, vos videtis, dum Sanctorum Thomæ, & Bonauenturæ suffragijs destituti conuincimini.

Risum sanè mihi mouent lepida exempla Recentiorum Augustini excessus explicantium, imò fortè excusantium: *Vti viridarij cultores*, inquit Adamus cap. 8. pag. 111. *distortam plantam erecturi, in oppositam partem eandem flectunt, non quòd eo in situ stare illam volunt, sed ut facilius in rectitudinem attollatur. Itè pariter Augustinus*, inquit Morainius disp. 19. num. 35. *disputando contra Pelagianos, qui cum nimis extollerent vires naturales liberi arbitrij, affirmarentq; sufficere sine gratia non modò ad virtutes naturales quasq; sed etiam ad salutem, Augustinus, ut illos ab eo errore abducat, in contrarium extremum astu disputationis abripi interdum videtur. Cum quo concinens idem Adamus scribit cap. 7. pag. 631. Augustinum suos hostes in extrema periculosa coniecisse, non ut eos ibi relinqueret sed ut eosdem ad mediocritatem, unde illos hæresis abstraxerat, renocaret. At quis nesciat, futurum fuisse eo pacto Augustinum ineptum prorsus, atq; imprudentem disputatorem, si toto celo oppositam sententiam contra Pelagianos propugnasset, quòd ab errore illos reduceret. Etenim cum omnia illi libero arbitrio darent, nullo gratiæ loco seruato, illam è diametro Augustini sententiam, qua per excessum nihil libero arbitrio concedere, sed omnia in iure gratiæ reponere videbatur, obstinatissimè subscribere recusasset. Longè meliùs fecisset Au-*

gusti-

gustinus, si quædam libero arbitrio, & quædam gratiæ etiam dedisset, ut illos ab errore remoueret; facilius enim quisque ab extremo ad medium, quàm ad extremum alterum propellitur. Hinc S. Thomas superius dixit Augustinum *largè locutum*, non ut ea locutione hæreticos in suam sententiam traheret, sed ut hæreticorum errorem redderet Catholicis magis detestabilem. Ita si Recentiores veterem opinionem de auxilijs exuere cogerentur, facilius descenderent in sententiam moraliter arbitrium prædeterminantem, quàm in illam, quæ physicam prædeterminationem adstruit, hanc enim nimium odere. Ridendæ etiam veniunt causæ ab aduersarijs assignatæ, quæ Augustinum in excessus illos impulere. Hæc loquitur Adamus pag. 624. *Ipsius corporis temperamentum, ipsius genium, ipsius eloquentia, veritates fidei pertractandi modus eidem familiaris, magnus erga Platonicos amor, quorum excogitata plerumq; altiora sunt, odiumque in omnes veritatis hostes Augustinum in propositiones adeo apparenter insolentes coniecere.* Afros seruidioris naturæ sub cælo calidiori nouimus, at an Augustinus calido temperamento fuerit, vnus Adamus sine teste affirmet, ego quidem non ignoro, S. Doctorem minùs frigoris patientem fuisse ex epist. 227. At pacato animo, & sedato stylum contra hæreticos strinxisse compertum est, uti mox demonstrabo. Interim mirari licet, Augustini Genium homini post duodecim demonstrato. Interim mirari licet, Augustini Genium homini post duodecim obitu viuenti tam exactè innotescere potuisse! Sed nec eloquentia illorum excessuum origo dicenda est. Etenim si Augustinus è rostris contra Pelagianos declamasset, more Rhetorum non tam rationum momentum, quàm verborum copia insultans, utcunq; hyperbole, hoc est, veritatem sententia excedente uti potuisset, ac nonnulla per exaggerationem addere, quæ Oratorum licentia est. At cum dogmata, quæ per excessum Augustino excidisse dicunt, tot argumentis confirmarit, atq; ex sacris arcanis petitis testimonijs tanto conatu stabiliuerit, ut sexcentos, & amplius versus eisdem suadendis non semel exarauerit, haud equidem vanam Oratoris pompam per hyperbolem affectasse dicendus est, sed potius ipsas periodos, imò verba ipsa satis maturè ponderasse, ut rei dignitas, tantiq; Doctoris grauitas, & sapientia exigebant. Porro & illud ridiculum est, ex *Platonico amore* Augustinum in eos excessus prolapsum. Impensè quidem Augustinus Platonicos coluit, atq; in eorum scriptis summa cum laude versatus fuit, quod ex libris contra Academicos exaratis intelligitur. At quomodò ex eorum lectione in disputationibus de diuina gratia ultra lineas necessariæ veritatis exundauerit, ne suspicari quidem possumus, imò nec id Adamo, licèt audacter affirmanti, cognitum fuisse puto. Quæ enim gratiæ virtus ex Platonico libris habetur? Nisi malit impetum illum disputandi Augustino, ut ait, familiarem è Platonico schola deriuasse, quod cum ex eorum libris nec Plotinus, nec Philo, nec Ficinus tradiderint, ab ipso Adamo id comprobandum est, veteris Academiæ libris excussis. Sed neq; excessus illi ex odio, quo Augustinus *veritatis hostes prosequatur*, originem habuere, nam S. Pater, cum contra hæreticos scribebat, omnes odij causas se procul habere protestabatur. Nullus contra Augustinum neque insensior, neque infestior Iuliano hostis insurrexit, ut planè vniuersum Pelagianorum virus vnus Iuliani ore in Augustinum eructatum fuisse videatur. At non solum citra odium stylum contra eundem Augustinus strinxit, verùm etiam hæc amorem erga hostem & quidem

Maximum exprimentia scripsit lib. 1. con. Iul. cap. 7. *Ego quidem pro dilectione, qua mihi est erga te, quam Deo propitio quibuslibet conuicijs absit, ut de medullis mei cordis extirpes, mallet, fili Iuliane &c.* Quare cum omnes excessuum causas, quas in Augustino Adamus indagauit, Sanctus Doctor procul habuerit, longè etiam ab excessibus idem collocandus venit.

Instat Adamus cap. 16. pag. 760. *Quando Augustinus defendit libertatem contra Manichæos, videtur gratia necessitate destruere, cum verò pro gratia contra Pelagianos decernat, libertatem euertere.* Et pag. 632. in fine cap. 7. miratur quosdam nunquam scuisse ipsi summe S. Augustinum hunc sui spiritus impetum in pluribus suorum librorum locis confesum fuisse. Libeat hic cum Augustino exclamare: *Quis non expectet sapientiam dissentientis, qui fidem cognouerit mentientis?* lib. 4. con. Iul. cap. 8. Quidenim frequentius à Pelagianis Augustino obieciabatur, quàm illum Pelagianismi odio in Manichæismum declinare? At Sanctissimus Magister hæc à se calumnias sapissimè excussit. Legatur lib. 2. de nupt. & concup. cap. 3. & 23. lib. 2. ad Bonif. cap. 1. & 2. ubi fusissimè recensitis extremis Pelagianorum, ac Manichæorum erroribus, & media Ecclesiæ Catholicæ inter utrosque sententia concludit: *Possunt enim duo errores inter se esse contrarij, sed ambo sunt detestandi, quia sunt ambo contrarij veritati. Nam si propterea sunt diligendi Pelagiani, quia oderunt Manichæos, diligendi sunt & Manichæi, quia oderunt Pelagianos. Sed absit, ut Catholica mater propter alterorum odium alteros eligat amare, cum monente, atque adiuvante Domino debeat utrosque vitare, & cupiat utrosque sanare.* Rursus lib. 4. cap. 3. ita exorditur. *Ista nepharia, & damnable dogmata in hac tripartita diuisione quisquis mente catholica exhorret, illius quinquepartita latebras, insidiasque deuenit, atque ita inter utrumque sit cauitus, ut sic declinet Manichæum, ne se inclinet in Pelagium, rursusque ita se seungat à Pelagianis, ne coniungat Manichæis, aut si in alterutris iam tenetur, nec sic se à quibuslibet alteris seruet, ut in alteros irruat.* O egregium Magistrum, ac præceptorum tenacissimum! quippe qui, si Adamo fides est, in disputationibus contra Pelagianos, & Manichæos adeo incaluit, ut in errorem oppositum illi, quem impugnandum suscepit, declinaret pag. 632. Sed pura puta sint isthæc Anti-Augustinianorum figmenta. Nullus mortalium adeo exauctè Pelagianorum, ac Manichæorum errores perspectos habuit, uti Augustinus, qui non modò mediam inter utrosque viam tenuit, sed eandem ubique in libris ad Bonifacium posteros docuit, quinque præcipuis Pelagianorum, ac Manichæorum erroribus è diametro oppositis ibidem recitatis, simulque media tradita Ecclesiæ inter errantes sententia, ut mirari liceat, aduersarios adeo securè hæc de S. Doctore fabulas vendere. Quod autem addunt, Augustinum ipsum hosce animi sui impetus agnouisse, & pluribus in locis id factum esse, falsissimum est. Citat Adamus initium libri de gratia, & libero arbitrio; sed ibi hæc tantùm scribit: *Sunt quidam, qui sic gratiam Dei defendunt, ut negent hominis liberum arbitrium, aut quando gratia defenditur, negari existiment liberum arbitrium &c.* Te num hic ludicem volo, Adame, in disputando æstus, impetus, excessus suos ibi Augustinus fateatur. Hoc vnum dicere poteris extremos illum errores inibi recitasse. Producit lib. 4. con. Iul. cap. 8. Verùm ibi Augustinus Iulianum uti publicum calumniatorem redarguit scribentem, dixisse Augustinum negari liberum arbitrium, si gratia commendetur, & negari gratiam, si liberum arbitrium defendatur. Respondet autem S.

Pater:

Pater: Non dixi negari gratiam, sed ut negari gratia videatur. Non dixi negari arbitrium liberum, vel auferri, sed dixi, ut putetur auferri. At nec verbum de innata sibi in disputando vehementia, atq; excessu. Quod verò negari videatur gratia commendatione liberi arbitrij propter quæstionis difficultatem minùs intelligentibus id videri posse dixit. Præterea appellat lib. 5. cap. 9. con. Iul. & lib. 1. de orig. animæ cap. 15. At in priori loco de concupiscentia tantum disputat, in posteriori de origine animæ, & neutrobique de animi sui impetu, zelo, feruore, excessu verbum vllum habet.

Catèrum quantum periculi ex obiectis excessibus Augustini doctrina subeat, nemo non videt; etenim si in illis excessibus Augustinus liberi arbitrij vires plus iusto depressit, ac vires gratiæ altiùs extulit, tunc Caluinus concinuisse cum Augustino dicitur, qui in illis excessibus suum dogma fundauit. Scimus Caluinum falsò æquè, ac superbè gloriari solitum, suum esse totum Augustinum, ita eundem clamantem inducit ipse Adamus pag. 561. *Augustinus totus noster est*. Nostri homines respondent, Augustini doctrinam parumper excedere limites veritatis, & ex hac parte Caluino fauere, nec esse doctrinam eiusdem recipiendam, nisi detonsis illis excessibus, in quos natiuo animi furore præceps corruit. Hinc Adamus cap. 8. pag. 640. scribit: *Modò ne in Pelagianorum errores, quos Augustinus insequitur, incidam, mihi licet verborum, quibus ad eos expugnandos utitur, impetum non sequi. Inde fit, ut medius stem inter Pelagium, & Caluinum. Si enim uerba Augustini mitigando me nimium demitterem, Pelagianus essem. Si uerò eorum altitudinem tenere uellem, Calvinista forem; medium ergo me cum Ecclesia teneo*. Sane uideris crudelem illam sceminam imitari, quæ ut in arcanis habetur, coram Salomone Regum sapientissimo medijs disseccari puerum, ac partim sibi, partimq; aduersariæ tradi gaudebat: Augustinum enim in partes diuidendum iudicas, ut qua parte in excessuum altitudinem extollitur, Caluino cedat, qua uerò humilior est, tuus, imò Ecclesiæ sit. At hoc quid aliud est, quàm Augustinum Caluino prodere, què à Caluino abs te vindicari iactitabas? Augustinum tamen in partes secari superi verant, totus totum petentibus concedendus est, & qui Augustini parte contentos se dicunt, ne minimum quidem illius vnguem obtineant. Sed inani prorsus assertionè Caluinus totum suum esse Augustinum finxit, nam veritate cogente partem & ipse Augustini se abijcere falsus est lib. 3. inst. cap. 11. inquit: *Ac ne Augustini quidem sententia per omnia recipienda est*. Itaq; Caluino iudice Augustini sententia partim accipienda, partim repudianda est, cui perbellè noster Adamus consonat. At hæc iniuria vsque adeo nociua est, ut vniuersam Augustini auctoritatem, velint nolint, euertat. Etenim quo præsidio adiuti discernere tandem poterimus, hic Augustinum in veritatis meta sistere, alibi verò ultra excurrere? Viderint an maximum Ecclesiæ Doctorem de excessu vbique suspectum faciant.

Hic mihi discutiendum occurrit, an hæc dictèria in vnum Augustinum cadant, an ipsius quoque Ecclesiæ venustissimam, ac nitidissimam faciem deturpent. Scimus Hormisdam à Possessore Africano Episcopo interrogatum, quid sentiendum foret in quæstionibus de gratia, & libero arbitrio, respondisse: *De gratia Dei, & libero arbitrio, quid Romana, hoc est Catholica sequatur, & asseueret Ecclesia, licet in varijs B. Augustini libris possit cognosci &c.* Scimus Bonifa-

eum, cum esset doctissimus, aduersus tamen Pelagianos Augustini responsa expectasse. Scimus Clementem VIII. grauissimam illam de auxilijs diuinæ gratiæ controuersiam ad vnus Augustini mentem expendendam iussisse. Porro quæ Romanorum Præsulum in fidelium grege salubribus pabulis nutriendo cura fuisset, si eundem ad Augustiniana prata duxissent, vbi tot lethifera contradictionum, excessuum, atque errorum herba luxuriabant? At si in disputationibus de gratia Romani Pontifices Augustinum secuti sunt, eiusque & lateri, & vestigijs inhærescere, nescio qua fronte Adamus mediam quandam ipsos viam inter Pelagium, & Augustinum calcasse asseueret exclamans: *medium ergo cum Ecclesia tenet*. Scito Ecclesiam in ijs vnum post sanctas Scripturas Augustinum secutam esse, vt medium illud iter, quod illam tenuisse fingis, de medio dubio procul tollendum videatur.

§ II.

An S. Augustinus excesserit scribens, concupiscentiam rationi contrariam esse malam, & defectum naturæ humanæ ex peccato originali ortum, neutiquam verò bonum naturale illius.

Vnius Antonini Moraines dicta examinabimus, qui in suo Anti-Iansenio frequenter S. Doctorem excessus insinuat. Est autem illius libri scriptor Ioannes Martinonus, vt mihi testatus est P. Macedo, quo eruditissimo viro hic Patauij familiarissimè vtor, isque vicissim singulari me beneuolentia, complectitur, qui etiam mihi author fuit, vt tum historiam Pelagianam, tum hæc vindicias euulgarem; decreueram enim instar Aspendij intus mihi canere, & Musis, nec publici iudicii periculum subire. Et quidem Morainium esse Martinonum idem laudatus Scriptor publicauit in aureo fectino D. Augustini cap. 13. & ex anagrammate ficti nominis patet. Non est hic animus, operosior pro Augustino apologiam instituere; compendio S. Patris causa tractabitur, cum ostendemus ea ipsa dogmata, in quibus Augustinus excessisse dicitur, fuisse Romanis Pontificibus, ac Patrum Synodis probata. Aserit Augustinus concupiscentiam esse per se malam, & vitium humanæ naturæ ex primo peccato deriuatum, nec illam esse passionem naturalem hominis, idque varijs argumentis in libris vltimis quatuor prioris contra Iulianum operis demonstrat. Attamen S. Doct̃or non arbitrabatur concupiscentiam esse peccatum, sed esse veluti habitum vitiosum ad malum inclinantem. E contra Pelagiani contendeabant concupiscentiam esse perfectionem, ac bonum naturale ad hominum propagationem primo Parenti inditum, vnde per irrationem concupiscentia ab Augustino lib. 4. con. Iul. cap. 11. dicebatur Pelagianorum *infecta*, & lib. 5. cap. 5. eorundem *pulcherrima famula*. Recentiores sententiam illam Sancti Augustini reiiciunt, obijcientes cum Morainio disp. 13. num. 87. *Excessisse illum aflu disputationis, & in odium hæresis, quam impugnabat, interdum ad extrema declinasse*. Sed errat Moraines, ac simpliciorum ignorantia abutitur, dum contendit Augustinum interdum ad extrema declinasse in ea sententia, quam passim & vbique solidissimè, ac constantissimè inculcat. Illa de concupiscentia quæstio erat vna ex quinque præcipuis, quas S. Augustinus cum

cum Pelagianis habuit, unde cum Iulianus diceret : *Concupiscentiæ naturalis qui modum tenet, BONO bene vititur, qui modum non tenet, BONO male vititur, qui autem etiam ipsum modum sanctæ virginittis amore contempserit, BONO melius non vititur* : Augustinus è contra hæc reponit lib. 3. con. Iul. cap. 21. *Ego vero sic ad tua ista respondeo : Concupiscentiæ carnalis qui modum tenet, MALO bene vititur, qui modum non tenet, MALO male vititur, qui autem etiam ipsum modum sanctæ virginittis amore contempserit, MALO melius non vititur.* Inde veluti pugna signo dato clamat : *In hac controuersia de bene vitendo isto VTRVM BONO, AN MALO, tota inter nos causa versatur.* Et quidem Iulianus adeo acriter pro concupiscentia tanquam naturali perfectione decertauit, vt id toto libro teste ibidem Augustino executus fuerit. Opponunt, ea in opinione S. Doctorem excessisse. At contendimus, illam sententiam non excidisse eidem quasi aliud agentis, sed totis viribus contra hæreticos eandem serio, ac consultò propugnanti. Quodd si Augustinus excessit, eodem vitio antiqua etiam Ecclesia laborauit, quæ recitatam sententiam ante Augustinum, & cum Augustino secuta est, quod aduersarij à nobis docendi sunt, quandoquidem illud ignorant, vel saltem dissimulant. Augustinus lib. 5. con. Iul. cap. 12. in fine quinque quæstiones proponit de concupiscentia, quas cum Pelagianis habebat : harum tertia ista est : *Vtrum malum non sit, cui repugnanti consentiendum non est, ne in suum pergat excessum.* Additisque duabus alijs quæstionibus ait : *Hoc inter nos differtur.* In his quæstionibus catholica veritate antiquitus tradita vestra impia nouitas suffocatur. Porro qua reprehensione dignus esset Augustinus, si opiniones falsas, & in quas ex disputationis furore præceps actus fuerat, pro Catholica veritate publicasset ? Audiatur Suarez Prolegom. 6. de Gratia cap. 6. *Uterius, inquit, addimus, quicquid in hac materia Augustinus, vt certum affirmat, & ad dogmata fidei pertinere, & quolibet prudente, & erudito Theologo esse tenendum, & defendendum, etiamsi non certò constet esse ab Ecclesia definitum ; tum quia cum Ecclesia tantum in hac materia detulerit Augustino, vt eius doctrinam in damnandis erroribus gratiæ Dei contrarijs secuta fuerit, magna esset temeritas priuati Doctõris, qui Augustino aliquid de gratia Dei tanquam Orthodoxum docenti contradicere auderet, præsertim cum tot annis, tanta sapientia, tanto ingenio, tanta diligentia, & instantia, & quod caput est, tot donis, & auxilijs præditus pro diuina gratia tuenda, & explicanda laborauerit.* Cum Suarior sentit Cardinalis Belarminus lib. 2. de grat. & lib. arb. cap. 11. *Non posset, inquit, idem Augustinus ab ingenti temeritate defendi, quippe qui non solum tam acriter pro falsitate certasset, sed etiam eam pro fide Catholica defendere ausus esset.* Hæc illi.

Hanc S. Patris de concupiscentia sententiam eiusdem discipuli secuti sunt, S. Fulgentius in epistola de bono coniugali cap. 3. scribit : *In illis nempe bonis, quæ fecit Deus, inuenitur casta copulatio uxoris, & viri, in quibus Dei operibus libido non potest inueniri, nec aliquando iustitiæ congruit, quæ non hominibus ex dono conditiõnis, sed peccatoribus ex vitio primæ præuicationis accessit.* S. Prosper, seu Pomerius lib. 3. de vita contempl. cap. 2. *Pis, inquit, conatibus nostris resistit ipsa concupiscentia vitiosa, non naturalis, sed natura nostra indita pœnaliter, & inserta, quæ peccato facta est, & peccatum, si vicerit, facit.* Fauet Augustinianæ sententiæ Synodus Tridentina in decreto de peccato originali, ubi tradit concupiscentiam ab Apostolo peccatum appellatam, quia ex peccato est, & ad peccatum melius.

nat. Inclinare autem ad malum est proprium habitus vitiosi, hominem ad prava semper propellentis. Nec defuere plurimi ex Scholasticis, qui recitatum Augustini sententiam strenuè propugnarent. Petrus Aureolus acerrimi ingenij vir in 2. dist. 30. art. 2. scribit: *Habitualis rebellio appetitus sensitivi non est in nobis natura appetitus sensitivi tantum. Hoc dico propter opinionem quorundam, qui dicunt, quòd appetitus relictus puræ naturæ suæ adhuc haberet in se habitalem illam rebellionem. Ego dico, quòd ex se est indifferens ad obediendum, & vel non obediendum rationi; per aliquod autem additum, puta per qualitatem morbidam fit inobediens rationi. Et hæc conclusio posset probari auctoritatibus, & rationibus; est enim expressa sententia Augustini.* Eandem S. Doctōris sententiam strenuè tuetur noster Gregorius Ariminensis 2. dist. 30. quæst. 1. art. 2. ubi ait: *Hanc Augustini sententiam secutus est Magister, ut patet in ista distinctione 30. & seq. in quibus tractat de ista materia, & multi etiam antiqui, ac moderni sequuntur Doctōres.* Ita teste Aureolo contraria Augustino sententia QUORUMDAM tantum fuit, ubi ex Gregorio S. Doctōri MULTI antiqui, ac moderni Scriptores tum temporis adhaerebant. Hinc factum est, ut famosam illam qualitatem morbidam nobilissimi Scholastici è Nominalium secta antiquitus iuxta Augustiniana placita defenderint. Ex recentioribus vnus mihi sit instar omnium P. Macedo, qui lib. 4. de Clauibus D. Petri cap. 10. par. 2. S. Doctōris sententiam solidissimè, ut cætera, communit. Imò celebres etiam è Societate Scriptores concupiscentiam & malam esse, & nulla ratione inter Dei opera deputandam tradidere. Bellarminus grande non Societatis tantum, sed Catholicæ etiam Ecclesiæ decus lib. 6. de amiss. grat. caput 14. ita inscribit: *Ostenditur contra Pelagianos concupiscentiam esse malam.* Quod postea pluribus argumentis ex Augustino desumptis demonstrat. Octauum argumentum eiusdem repetam: *Malum est, inquit, ut inferiora superioribus reluctentur, id enim contra æquitatem, & rectam rationem est; at propter concupiscentiam pars anime inferior superiori, idest, rationi repugnat, legi mentis non pareat, spiritui aduersatur, quis igitur ambigat, an ea mala sit appellanda?* Quod est argumentum Augustini lib. 5. con. lul. cap. 3. Ioannes Bagocius lib. 5. demonstrat. dogm. Christ. disputat 8. capite 1. sect. 3. Sancti Augustini sententiam pluribus probat, & concludit: *Absit autem, ut quisquam Catholicus, Deum rei tam sedæ, & ad malum importunè incitantis authorem credat, cum tamen si hominem nullo precedente peccato cum illo peccati fomite condidisset, tam eius, quam naturæ humanæ, & omnium naturalium qualitarum, facultatumque author esset existimandus.* In hac eadem sententia cum Augustino concinit doctissimus P. Elisalda, qui cum Theologicam cathedram in Collegio Romano moderaretur, eandem doctrinam dictauit. Hinc in publicis thesibus à Patribus Societatis anno 1658. de more æstiuis horis propugnatis Augustiniana sententia his planè verbis concepta proponebatur: *Hæc concupiscentia, quo sub nomine multa comprehenduntur reducibilia ad vnum, naturæ suæ est vel pars peccati, vel effectus peccati, estque in natura humana vitium, etiam corruptio, & infirmitas, & neuiquam naturalis constitutio & complexio illius. Consistit in habitu quodam prauo, & corrupto, qui languor anime est, & dicitur, & eodem modo reducendus est, vel non est ad prædicamentum qualitatis, atque infirmitas corporalis, cuius modum imitatur. Munus illius habitus est inordinatio vitium anime inter se, & non subiectio partis inferioris ad superiorem.*

Plura autem argumenta S. Doctor contra Iulianum concupiscentiam defendentem congeffit, quem etiam acutis subinde salibus perstringit, irridetque. Hæreticus teste eodem lib. 2. contra. Iul. cap. 7. toto libro secundo, & prior parte tertij contra librum primum de nuptijs, & concupiscentia ab Augustino ad Valerium missum pro suscepta laborat, quem S. Pater lib. 4. & 5. prioris operis refellit. Dabo eam in rem vnum, & alterum eiusdem argumentum. lib. 4. cap. 13. ita vrget: *Duo enim bona, quæ à Patre Deo sunt, inter se pugnare non possunt, pugnant autem inter se continentia, & concupiscentia. Quid horum à Patre magis velis esse responde. Video, quas patiaris angustias; faues quidem concupiscentia, sed erubescis continentia. Confirmatur primò ex lib. 5. cap. 7. Nulla pugna sine malo. Quando enim pugnatur, aut bonum pugnat, & malum: aut malum, & malum: aut si duo bona inter se pugnant, ipsa pugna est magnum malum. Cum autem continentia contra concupiscentiam pugnet, hanc malam esse ibidem Augustinus deducit. Hinc ait: Adhuc non euigilas, ut intelligas, nostram naturam non esse, sed vitium, contra quod virtute pugnamus. Confirmatur 2. ibidem. Quando libido vincit, vincit & Diabolus. Quando libido vincitur, & Diabolus vincitur. Quem ergo vincit libido, & à quo vincitur, est hostis eius. Cum quo autem vincitur, & vincitur, author est eius. Vis harum rationum in hoc consistit. Quòd ei dona sese inuicem fouent, ac perficiunt, ideo enim multiplicantur, non priora à posterioribus destruantur, sed ut nouo cumulo ab eisdem augeantur, ita spes fidem munit, & vtramq; charitas corroborat. Posteriora enim dona dantur in præmium bonorum operum, eisque subiectum redditur melius. Nam autem continentia sit donum Dei, ut ex 1. Cor. 7. probat Augustinus de nupt. & concup. cap. 3. consequens est, ut concupiscentia naturale donum esse non possit, sed vitium solummodò sit, ac defectus. Alterum argumentum, quod S. Doctor contra Iulianum vrget, tale est: Nullum opus ei est materia pudoris, atqui concupiscentia est materia pudoris, non igitur illa est opus Dei, & ex consequenti non est perfectio naturalis. Maior est veritas; etenim vidit Deus cuncta, quæ fecerat, & erant valde bona. Bonum autem non est materia pudoris, sed gloriæ, ac laudis. Audiatur Augustinus lib. 2. de nupt. & concup. cap. 9. Quid enim potuit Deus facere, quod eius prædicatorem deat dicere? Et quod est grauius, pudeat hominem alicuius operis, quod non homo, sed Deus fecit in homine, cum omnes opifices quanto possunt labore, & industria id agant, ne suis operibus erubescant. Porro concupiscentiam esse materiem erubescentiæ, & pudoris certius est, quàm vlla aliunde petita ratione euidentius fieri possit. Scribit ibidem S. Doctor cap. 5. De hac concupiscentia erubuerunt etiam qui prius pudenda texerant, quæ prius pudenda non fuerant, sed tanquam Dei opera prædicant, atq; gloriantur. Tunc ergo texerunt, quando erubuerunt, tunc autem erubuerunt, quando post inobedientiam suam inobedientia membra senserunt. De hoc ipso passim Augustinus agit etiam in opere imperfecto.*

Imò subtiliter, & acutè Iulianum vellicat, qui laudaret concupiscentiam, mulque contra eandem pugnaret, laude quidem eandem bonam fingens, sed pugna malam contestans. Cum verò Augustini sententiæ aculeis vndique arripatæ sint, quibus non modò hæreticus pungatur, verùm etiam feriat, quales hic libet subnectere. Itaque libri quarti initio scribit: *Hoc malum contra te laudando, aduersarius meus videris, sed in te debellando, meus testis es. Si autem*

hoc

hoc non debellat, tuus hostis es. Longior sane est sententia lib. 3. cap. 21. sed salibus tota aspersa est. Fortasse ergo, inquit, laudare te fingis, si pugnare non fingis. Nam quomodo fideliter simul agas duo ista, non video, ut & laudes velut amicam, & expugnes velut inimicam. Vnum eorum credimus, sed elige, quod credamus. Si ex animo pugnas, non ex animo laudas; Si autem simpliciter agis in præconio, collidis in prælio. Et postea: Mallem te fallaciter laudare concupiscentiam, quam fallaciter impugnare. Tolerabilis enim lingua tua, quam vita mentitur, tolerabilis sententia, quam continentia strumat. Fingis quippe laudem, qua sis aduersarius sententiae mee, si non fingis castitatem, qua es aduersarius concupiscentiae tuae. Rursus capite ultimo eiusdem libri sic Iulianum premit: Quid est quod laudas, cum quibus pugnas? Quomodo virtute hostes debellare te credam, quos verbo lacerare non audes? Si ambo concupiscentiam debellamus, quare non ambo viuperamus? Quam te iactas expugnare continentia, quare non vis damnare sententia? Quod verò Pelagiani continentiam præcipuè profitebantur, qua contra concupiscentiam bellum gerebant, Augustinus ex ipsorum sententia continentiam in suspicionem simulationis adduci lepidè ibidem inferens addit: Bellum vestrum latet, amicitia patet. Ex hoc quod patet, suspectum facis esse, quod latet. Quid enim vis credamus de bello, quod geritis in aperto, quorum amicitiam currimus in aperto? Quomodo vis, ut arbitremur aduersus aculeum te dimicare libidinis, cum libros impleas laude libidinis? Verum ecce vinco suspicionem meam: expugnare te credo, quod laudas, sed laudare te dolco, quod expugnas. Præterea lib. 3. cap. 21. Vis enim vincere concupiscentiam expugnatione eius, modo laude eius. Sed ego respondeo, ut vincatur, qui laudat, iudicat, qui pugnat. Si enim malum est, cur laudat? Si bonum est, cur expugnat? Si autem nec bonum, nec malum est, ut quid laudat, ut quid expugnat? Quandiu igitur expugnator libidinis eris, tamdiu pro me contra te ipsum index eris. An fortè aduersus libidinem non certabis, ne in isto, quod tecum habes, certamine supereris, dicens tibi ipsi, melius non pugno, quam ostendo pugnando malum esse, quod laudo? Noli obsecro te: Quid enim sum ego, quem pro magno desideras vincere, vincat te potius veritas, ut tu libidinem vincas &c. Quare veluti prostrato aduersario insultat Augustinus: Victoria de te mea illo malo tecum pugnante secuta est. Lib. 4. cap. 2.

S. Doctor inde etiam Pelagianorum sententiam expugnabat, quod laudarent illi continentiam, quæ tamen inimica erat concupiscentiæ, quod non minus eleganter, quam festiuè sæpe obijcit Iuliano. Duo enim bona, quæ à Deo Patre sunt, inter se pugnare non possunt, pugnant autem inter se continentia, & concupiscentia. Quid horum à Patre magis velis esse responde. Video quas patiaris angustias! Faves quidem concupiscentiæ, sed erubescis continentia. Vincat pudor tuus, eoq; vincatur error tuus. Lib. 4. cap. 13. lepidè idem inculcat cap. 14. Inter se belligerantes tanquam in bello timidi ambas laudare conaris, velut inimicam metuens habere, quæ potuerit alteram vincere. Cum Iulianus continentia cultorem profiteretur, erat enim Episcopus, irridebatur ab Augustino, quòd libidinis laureatorem ageret: Vir fortissimus nocturnumetsi non administrator, certè exhortator, predicatorq; bellorum. Lib. 5. c. 7. Quem tamen ad eam prauam sententiam deponendam hortabatur: Rogo te, si libido ista, ut credimus, solam tibi ingeris molestiam resistendi, nullam uerò exhibet uoluptatem, cur ei quamuis falsæ tam magnæ laudis persoluedam putas esse mercedem? Lib. 3. oper. imperf. cap. 76. addens cap. 87. Nunquid ideo te plus amabit? prorsus falleris, illa non amat hominem, sed planè stimulat, ut amet, quod amare non debet.

trique S. Augustini argumento duplicem responſionem repositam video. Iulianus dicebat, duo in concupiscentia distinguenda esse: naturalem, & pronitatem ad speciem per generationem propagandam, & excessus eiusdem, quo etiam ad inhonestam, & illicitam homines propellit. Illud primum esse bonum, donum Dei, laudabile, nec materiam pudoris: hoc verò esse quid vitiosum, ac vituperabile. Hanc Iuliani responſionem secutus est Moraines. Alij verò Recentiores, cum eos pudeat, Iuliani verbis locum, alia via euadere conantur. Dicunt concupiscentiam esse donum Dei, atque aliqua imperfectioe, cum omne creatum sit defectuosum: Pudicitiam enim pugnare contra imperfectioes concupiscentiæ, ac eisdem resistere, habere erubescere, de his confundi. Ex his tradunt, non inferri, malum esse id, imperfectioes illæ connexæ sunt: sicuti voluntas est peccabilis ob sui imperfectioem, quia est ex nihilo, & tamen non confundimur de illa, neque dicimus eandem esse malam, & vitium naturale. Sed neutra responſio satis est ad vincendam vim argumentorum Augustini. Primum Iuliani, ac Morainij responſum sæpè refellit S. Doctor. Lib. 5. con. Iul. cap. 7. *Quid enim, inquit, diuinas, quod reprehendere videris eius excessum, cuius approbas motum? Tunc enim dicit licitum limitem, quando eius motibus ceditur, quia malo resistitur, ne bonum carnis intereat, si huic malo non resistatur.* Acute: siquidem est mala eo ipso, ad ad malum impellit, hæc enim est proprietas habitus vitiosi, inclinare ad malum. Hinc optimo iure P. Macedo exemplo habitus vitiosi, quem rez disp. 44. Metaph. sect. 13. num. 26. negat posse à Deo produci in homine, quia Deus ea ratione inclinaret ad malum, eundem Doctorem premittebat cedentem, concupiscentiam posse à Deo in homine in statu naturæ puræ produci. Præterea lib. 4. cap. 14. idem Augustinus ait: *Vt non fiat malum excedendi, resistendum est malo concupiscendi. Duo ergo mala sunt, quorum unum habemus, alterum facimus, si ei non resistimus, quod habemus.* Item lib. 3. cap. 20. *Deinde incipis disputare de excessu concupiscentiæ, quem reprehensibilem dicis, quasi eius moderatioe, cui ea bene vititur coniugatus, equus ipse, qui malus est, & non potius eius auriga laudandus.* Hinc idem Pater lib. 1. oper. imper. cap. 70. scribit: *Si concupiscentis, malum agnosce peccando: si ei resistis, malum agnosce pugnando.* Præterea lib. 4. eiusdem operis cap. 41. *Ecce ergo dicis, Deum in homine modum instituisse concupiscentiæ, cur in eo modo non fiat, in quo est diuinitus instituta, sed eum, nisi coerceatur, dicitur? Quomodo ergo bonum dicitur, quia urget, & compellit hominem facere malum?* Et concludit: *Excessus proinde libidinis in peccato est, sed etiam impulsus in crimen, nempe vitio per modum habitus.* Sed nec altera responſio probari potest. Nam imperfectio consistit in priuatione, ac carentia perfectionis, & actualitatis, vis autem concupiscentiæ impulsiva ad malum explicat validioris causalitatem; unde nequit constitui in sola priuatione, quæ nihil potest cauere efficienter, sed ut purus tantum terminus à quo, ut docent Aristotelici, agere sicuti habitus vitiosus, quod efficacius mouet ad actus prauos, maiorem intentionem suæ entitatis, ita etiam concupiscentia, quod potentius exarad ad actus quoscumque inhonestos, maiorem intentionem suæ actualitatis ostendit. Præterea eadem responſio refellitur: Quia omnis virtus, seu passio naturalis habet aliquos motus bonos, inde enim bonitas naturæ à posteriori agnoscitur. At concupiscentia nullos actus bonos habet, ut probat Augustinus

Atinus lib. 4. con. Iul. cap. 2. Nam in sanctis continentibus concupiscentia nullus actus bonus exierit: *Quid ergo*, inquit, *illic agit, ubi malum est, quicquid agit, ac si ei consentiatur, & peragit? Quid ibi agit hec concupiscentia, ubi nihil boni concupiscitur ex illa? Quid ibi agit libido, ubi nihil boni libebit ex illa? Lege ibi plura.*

Dices Sanctos continentes ab maiorem perfectionem voluntariè sibi interdicere actus bonos concupiscentiæ, quos vxore ducta possent licitè exercere. Hanc responsionem capite illo secundo explodit Augustinus dicens: *Pudicitia coniugalis inhiantem concupiscentiam siue de illicito, siue de licito percipere voluptatem, frenat ab illicito, permittit ad licitum: hoc est bonum, non tamen eius, sed bene utentis bonum est. Quod autem ipsa concupiscentia facit, siue ad licitum, siue ad illicitum indifferenter ardere, utrique malum est. Hoc itaque malo bene utitur pudicitia coniugalis.* Et quidem ubique Augustinus constanter docuit coniuges benè uti malo. Quod rursus inde probauit, quia concupiscentia in coniugatis impellit ad malum, excitat in foeminas prægnantes, & in omne libidinosum opus infurgit. Non importunè, ait ibidem, in coniugatis esse dicatur. Si enim summum culmen obtinent pudicitie coniugalis, faciunt boni aliquid per illam, quamvis nihil faciant propter illam. Sanè nusquam S. Doctor vocauit concupiscentiam bonum, sed vbique malum dixit, ut planè euidens fiat, secundum propriam essentiam esse malam, non verò secundum imperfectionem annexam, ut recentiores illi contendunt. Imò sæpius vrget contra Iulianum, admissa semel concupiscentia ex prima hominis productione eidem inserta, Manichæorum hæresin promoueri, qui cum concupiscentiam esse malum videant, neque Deus bonus mali auctor statui possit, statim inducunt Deum malum concupiscentiæ malæ conditorem. Ita enim discurret lib. 1. con. Iul. cap. 8. & seq. lib. 5. cap. 16. & in oper. imperf. lib. 3. cap. 178. 208. 213. lib. 5. cap. 30. lib. 6. cap. 5. & 36. Dabo vnum testimonium ex eodem sexto libro cap. 6. *Tu autem, qui nesciens quid loquaris, obijcis mihi, quòd dicam, Deum creare peccatum, resiste Manichæo, dicenti, in discordia carnis, & spiritus inter se contrarias mali, & boni apparere naturas. Vnum est, quod respondemus, ut pestis ista vincatur, hanc scilicet discordiam primi hominis in nostram vertisse naturam: quod tu negando conaris, ut vincant, satisque manifestaris fictus Manichæorum oppuginator, & verus adiutor.* Capite etiam 14. & fusè, & eruditè idipsum deducit. Exemplum autem, quod ijdem Scriptores ex voluntate ob sui nihilitatem, à qua ortum habet, peccato obnoxia, non est ad rem; siquidem voluntas plures actus bonos elicit, qui in suo ordine naturali boni sunt, & laudabiles, vnde & ipsa bona esse cognoscitur. At concupiscentia nullos actus bonos habet, nullos enim ad licitum tantum terminum exierit, sed ad illicita quæque exæstuat, à voluntate autem in honesta meta illius actus figitur, ita ut ad verita non prorumpat.

Opponunt Augustinum lib. 1. Retract. cap. 9. dixisse: *Quamvis ignorantia, & difficultas* (loquitur de difficultate orta ex concupiscentia) *etiamsi essent hominis primordia naturalia, nec sic culpandus, sed laudandus esset Deus.* Ergo, inquit, ex Augustino laudandus esset Deus, tamen hominem creasset absque perfecta concupiscentiæ subiectione. In vno hoc tam claro, ut aiunt, Augustini testimonio sibi victoriam canunt, cum tamen S. Doctor innumeris locis op-

positum

positum asseruerit, nec ibidem, vt ipsi perperam arbitrantur, ipsorum sententiam docuerit. Etenim S. Doctor eo loci contra Manichæos disputabat, qui dicebant, concupiscentiam esse malam, & impossibile esse sine illa hominem produci; & cum à Deo bono creari nequeat, malam quandam naturam omnium malorum producentem commentabantur. Augustinus vt eisdem refelleret, hypothesein vtramque gratia disputationis admisit, nempe hominem cum concupiscentia creatum, & sine ista nequaquam creari potuisse, vt agebat verò hæreticos, etiam tunc Deum laudandum, nam nulla culpa Dei fuisset facere, quod fieri non poterat. Manichæos autem putasse, impossibile esse, condi hominem sine concupiscentiæ malo testatur S. Doctor lib. 1. con. lul. cap. 5. & lib. 3. cap. 12. Igitur in illa hypothese adhuc esset laudandus Deus, vt libro tertio de libero arbitrio ab Augustino probatur. Hinc idem scribit lib. 1. Retract. cap. 9. *Que disputatio contra Manichæos habenda est, qui non accipiunt scripturas sanctas veteris testamenti, in quibus peccatum originale narratur.* Postea: *Contra Pelagianos autem hoc defendendum est, quod vtraque scriptura commendat, quam se accipere profitentur.* Nempe malum concupiscentiæ non esse à Deo in prima productione homini insertum, eò quòd fecerit Deus hominem rectum: Ecclesiastes 7. quod testimonium sæpius inculcat contra Pelagianos lib. 14. de ciuit. Dei cap. 11. lib. 13. cap. 14. lib. de cor. & grat. cap. 6. Epist. 105. ad Sixtum: lib. 4. oper. imperf. cap. 44. & alibi. Concupiscentia autem rectitudinem hominis sustulit, illumque in illicita declinuit, imò præcipitem fecit. At Augustinus præter hoc testimonium, alterum etiam celeberrimum addidit ex cap. 40. Ecclesiastici: *Iugum graue super filios Adam à die exitus de ventre matris eorum &c.* quod in opere imperfecto in omnibus penè paginis repetit, probans Deum iniustitiæ accusandū, si iugo victricis concupiscentiæ hominem nulla culpa præcedente aggrauasset; id enim summa miseria est, ac grauem inde poenam homo experitur, omnis autem poena iniuste infligitur, si nulla eandem culpa merita est. Igitur illam hypothesein, quam agens cum Manichæis disputationis gratia Augustinus admittebat, in libris contra Pelagianos non modò non probauit, verùm etiam solidissimis argumentis explosit.

Iulianus plura argumenta congeffit, vt probaret concupiscentiam esse perfectionem naturalem hominis, esse bonum, solumque eiusdem excessum esse culpabilem. Lib. 4. oper. imperf. cap. 56. eo vtitur argumento, quòd concupiscentia sit perfectio naturalis pecudis, & bonum eiusdem ad speciei propagationem inseruiens; vnde eadem quoque dicenda videtur hominis perfectio, quâ parte cum brutis secundum gradum sensitivum conuenit. Rursus lib. 1. eiusdem operis cap. 70. arguit, quia concupiscentia fuit ante peccatum, ideo enim Adam peccauit, quòd appetitus sensitivus eiusdem vetitum, fructum concupiuit. Præterea si concupiscentia est poena peccati, igitur laudanda est, bona est, honesta est: siquidem bonum, atque honestum est, peccatorem puniri. Ita arguit apud Augustinum lib. 5. prioris operis cap. 4. Denique exemplo ciborum probat eiusdem excessum esse culpabilem; nam vt illi boni sunt, malus tamen potest esse illorum vsus, ita bona est concupiscentia, licet malus sit eiusdem abusus. Apud S. Patrem lib. 3. cap. 20. & lib. 1. de nupt. & concup. cap. 19. Respondet Augustinus ad primum concupi-

scientiam in pecude esse perfectionem, quia est conformis eiusdem naturæ, nec repugnat spiritui in brutis. In homine autem dicit defectum, vitium, ac corruptionem naturæ, vnde ait lib. de pec. orig. cap. 40. *Tanta namq; excellentia est in comparatione pecoris homo, ut vitium hominis natura sit pecoris. Et lib. 4. oper. imperfecti cap. 56. Sic ergo, inquit, in libidine agnosce, & pecoris naturam, & hominis penam, si animam non habes Asininam. Vbi etiam notat concupiscentiam in brutis non inhiare in prægnantes, & in actus contra naturam, vti facit in homine; vnde peior longè est in homine libido, quàm in brutis. Ad fecundum respondet ibidem negando in terrestri paradiso actum concupiscentiæ præcessisse actum voluntatis comedendi pomum vetitum. Do eiusdem verba: *Precessit, inquit, mala voluntas, qua serpenti subdolo crederetur, & secuta est mala concupiscentia, qua cibo inhiaretur illicito. Ac per hoc quamvis iam utraque mala esset, tamen voluntas cupiditatem, non voluntatem cupiditas duxit, nec præcessit voluntatem, nec restitit voluntati. Ad tertium negat illationem; etenim concupiscentia, prout est pœna, honestè à Deo intenditur, at mala est respectu hominis, cui infligitur; ita mors mala est homini, bona respectu Dei illam decernentis in pœnam peccati. Addit exemplum de cæcitate cordis, quia Deus vti iudex in pœnam præteritorum criminum punit delinquentes, quibus tamen illa est maximum malum, & concludit: *Proinde omnia, quæ pro hac tua ceca, & inconsiderata opinione dixisti, quæ carnis concupiscentiam eo ipso, quòd eam penam diximus esse peccati, non solum non vituperandam, verum etiam laudandam putasti quamlibet proluxa disputatione in eo fueris immoratus, evanuisse certissimum est. Ad 4. respondet idem Augustinus lib. 3. con. Iul. cap. 20. Ita enim, inquit, non intelligis quid loquaris, ut non vides creaturam panis, & vini non concupiscere adversus spiritum, sed ipsam potius inhonèstè à malè retinentibus concupisci, & ea forissecus in nostrum corpus intrare. Hinc neminem pudet, in propatulo comedere, vti olim Romanorum mos fuit, at licitè concupiscentia palam vti coniuges erubescunt, ut planè appareat, malam esse concupiscentiam, cum vel licitus eiusdem usus pudorem incutiat. Videatur S. Pater lib. 1. ad Bonifacium cap. 16.***

Obijciunt Recentiores contra eandem S. Doctoris sententiam. Motus concupiscentiæ præveniunt rationem, quia sunt ante omnem electionem, ergo concupiscentia non est omnimodè subiecta rationi, cum habeat motus ante omnem actum illius. Rursus inquirunt: Homo appetitu rationali fertur in honesta, appetitu sensitivo; seu concupiscentia fertur in delectabilia, ergo vehementiori impetu ista inhiat in delectabilia, quàm ille in honesta; siquidem cum obiecta honesta repræsententur per species alienas, minus movent, quàm delectabilia, quæ per species proprias de præsentis sensum alliciunt. Denique instant: Nullum, quod est debitum naturæ est amissum per peccatum, atqui est amissa subiectio partis inferioris respectu appetitus rationalis, igitur ea subiectio non est perfectio debita naturæ. Hæc tamen olim ab Augustino diluta sunt. Respondet ad primum, quòd in pœnam tantùm peccati motus concupiscentiæ præveniunt deliberationem appetitus rationalis, vnde si homo non peccasset, motus appetitus sensitivi præcessissent quidem voluntatis actus, non illi quidem vim inferendo, ac rationem grauiori impetu præoccupando, illamque absorbendo, vti de facto contingit, sed suauiter alliciendo, quod & in paradiso accidit, vbi *non voluntatem cupiditas duxit, nec præcessit vo-*

lunatam, nec resistit voluntati: lib. 1. oper. imperf. cap. 70. Ad secundum negatur consequentia, etenim rectus ordo exigit, ut inferius à superiori, non verò superius ab inferiori moueatur. Vnde optima hominis constitutio petit, ut pars eiusdem superior pleno iure in inferiorem utatur, non verò ut ista illam sibi subiuguet, ac supplantet. Pertinet autem ad hominis poenam, ac miserriam, ut more pecudum fortius à delectabili trahatur, quam ab honesto, & hoc prouenit ex ignorantia, quod alterum ex peccato originali in humanum genus deriuatum vitium est, neque enim si perfectè honestum representaretur voluntati, ab ista dimitteretur delectabili electo. Itaque in illa præponderantia, & maiori vi in trahendo, quæ inest delectabili supra honestum in statu naturæ lapsæ, pars rebellionis appetitus sensitiui contra rationalem consistit. Porro hæc scribit Augustinus lib. 5. con. Iul. cap. 3. Si prudenter hic sciperes, profecto esse iniquitatem videres, quæ pars inferior hominis repugnat superiori, atque meliori. Tertium argumentum nullum est, nam in sententia Augustini falsum est, post primum peccatum naturalia mansisse integra, homo enim per peccatum fuit spoliatus gratuitis, & læsus insuper in naturalibus, quod ex parabola peregrini Ierichontini Lucæ 10. suadetur integro serè volumine à Florentio Conrio Archiepiscopo Thuamensi. Testimonia verò Augustini in eandem rem indicat P. Macedo in Cortina thesi 34. & lib. 4. de clauibus Petri in contr. de pec. orig. cap. 12. vbi validè pro S. Doctoris sententia decertat.

Vnum ob stare videtur, quod acerrimè vrgent Recentiores. Etenim damnata est hæc propositio Baij 55. *Deus non potuisset talem ab initio creare hominem, qualis nunc nascitur.* Quare potuit Deus condere hominem in statu naturæ puræ subiectum concupiscentiæ, qualis modò nascitur. De his propositionibus Baij variè sentiunt Theologi. Pater Vasquez magni inter Recentiores nominis 1. 2. disp. 190. cap. 18. proponit verba bullæ, quæ eiusmodi sunt: *Quas sententias stricto coram nobis examine ponderatas quanquam nonnulla aliquo modò sustineri possent, in rigore tamen, & proprio verborum sensu ab assertoribus intento hereticas, erroneas, suspectas, temerarias, scandalosas, & in pias aures offensionem immituentes, respectiue, & quæcunque super ijs verbo, scriptoque emissa præsentium auctoritate damnamus.* De qua censura ita idem iudicat. *Multas ex illis propositionibus continentes acce iudicium, quo Doctor ille aliorum opiniones criminabatur, damnari tantum, ut scandalo, & offendiculo patentes, & hac ratione solum prohiberi, nam & audacia, nimisque arrogancia in aliorum sententijs malignè vellcandis, ac lacerandis non parum scandali asserto solet, à quo docti, & prudentes Theologi in suis scriptis abstinere deberent.* Hæc autem confirmat locupletissimo testimonio Cardinalis Francisci Toleti, qui in causa Baij Louanium ab Apostolica Sede delegatus fuit. Quare cum Baius Pelagianæ hæreseos incusaret asserentes, hominem talem potuisse à Deo creari, qualis modò nascitur, hinc ob infamiæ notam, quam oppositæ sententiæ authoribus inurebat, eiusdem propositio censuræ subiecta est. Hoc autem patet ex censuris eiusdem, quæ in eadem bulla referuntur v. g. propos. 37. ait: *Cum Pelagio sapit, qui boni aliquid naturalis, hoc est, quod ex naturæ solis viribus ortum ducit, agnoscit.* Quam sententiam defendit Vasquez 1. 2. disp. 190. cap. 18. vbi testatur censuram Baij, non verò assertum esse ab Apostolica Sede damnatum, cum in Arausicano canone 12. dicatur: *Nemo habet de suo nisi mendacium, & peccatum.* Præterea propos. 13. ita scribitur:

*Pelagij sententia est: opus bonum citra gratiam adoptionis factum, non est regni celestis meritum. Quare cum Louanienſis Scriptor oppositam sententiam de creatione hominis cum concupiscentia ab autore naturæ inserta Pelagianismi dubio procul de more incusaret, meritò ab censuram eiusdem propositio uti scandalosa proscripſa est. Rursus in bulla Baij propositiones dicuntur damnari respectuè, nempe, in proprio verborum sensu ab aſſertoribus intento. Propositio illa 55. damnatur respectuè ad propositionem 27. quæ est: *Integritas primæ creationis non fuit indebita humanæ naturæ exaltatio, sed naturalis eius conditio. Quasi subiectio concupiscentiæ non fuerit ex dono Creatoris, sed ex exigentia naturali humanæ substantiæ, tanquam propria passio eiusdem, quod falsum est.* Nam hæc duo distinguenda sunt: Concupiscentiæ subiectionem datam primo homini ex exigentia rei creatæ, vel ex pura puta decentia. Primum enim negatur, alterum à nobis aſſeritur; & hoc patet ex Augustino scribente lib. 3. con. Iul. cap. 11. *In natura hominis ante peccatum pacem decebat esse, non bellum.* Scio eundem lib. 2. de pec. mer. & remiss. cap. 22. hæc scribere de primis parentibus: *Quamuis corpus animale gestaret, nihil inobediens in illò aduersum se moueri sentiebant. Faciebat quippe hoc ORDO INSTITUTIÆ, ut quicquid anima famulum corpus à Domino acceperat, sicut ipsa eidem Domino suo, ita illi corpus eius obediret, atque exhiberet vita illi congruum sine ulla resistantia famulatum.* Vbi nominè iustitiæ non rigorosum debitum in natura humana fundatum intellexit, sed ex decentia solius Creatoris deriuatum. Rursus sciendum est, aliquas propositiones æquiucas modò ab Ecclesiâ reiſci, modò approbari. Hoc ostendimus lib. 2. hist. Pelag. cap. 29. de illa propositione: *Vnus è Trinitate passus est*, quam Hormisdas reiecit, at Ioannes 11. Vigiliis, ac Synodus V. uti Catholicam definiuerunt. Etenim in sensu Eutychanorum damnata fuit, quasi Verbum in natura diuina passum diceretur, & licèt alij adderent *passu carne*; attamen cum ob affinitatem cum hæresi Euthychetis suspecta esset, iure S. Hormisdas eandem approbare recusauiſt. Baius propos. 74. hæc tradidisse dicitur: *Concupiscentia in renascentis relapsis in peccatum mortale, in quibus iam dominatur, peccatum est.* Quod falsissimum est, nunquam enim ipsamet concupiscentia est peccatum, ut ex Tridentina Synodo constat. Quare propositio illa Baij non solùm ob censuram damnata est, verùm etiam quoddam Hæreticorum recentium errori à Tridentinis Patribus damnato concineret; illi enim mordicus sustinent concupiscentiam esse peccatum, ut patet apud Bellarminum lib. 5. de amiss. grat. cap. 5. in quo errore propositio 57. Baij, quoddam concupiscentiam attinet, fundatur, à cuius tamen damnato sensu longo intervallo distamus; non enim dicimus, Deum non potuisse condere hominem cum concupiscentia rebelli, quoddam illa sit formaliter peccatum, sed quia licèt ipsa peccatum non sit, est tamen ad peccatum inclinans, & quidem vehementius, quàm quilibet alius habitus vitiosus ab homine contractus. Profectò theſis illa Baij, hominem non potuisse à Deo produci, qualis modò nascitur, iuxta amplam eiusdem expressionem vera est, quis enim dixerit, Deum posse condere hominem cum peccato originali, cum quo modò nascitur? Hoc enim erat illud absurdum, quod Pelagiani contra Orthodoxos urgebant, Deum esse autorem peccati, si eo infectus homo nascebatur. Et quidem Martinus de Esparza insignis nostræ ætatis Theologus quæst. 10. de gratia hæc scribit:*

Concu-

Concupiscentia post peccatum ita est soluta, ut regnet in animo peccati, hoc est, obtineat prædominium aduersus rationem, præponderante eius inclinatione in malum, atq; in perniciem, & damnationem hominis inclinationi rationis superioris in bonum honestum, atque in salutem, & ultimam felicitatem eiusdem hominis. Quod tantum, ac tam grande malum occupationis regni per partem inferiorem aduersus partem superiorem nequaquam adfuisse in statu puræ naturæ. Quare ex huius Scriptoris sententia non potuit condi homo à Deo in statu naturæ puræ cum concupiscentia rationi prædominante, atq; in eandem vim legislatiuam exercente, vt ibidem ad 6. loquitur, contra tamen homo de factorali concupiscentiæ subiectus nascatur. Hactenus de sensu illius § 5. propositionis Baij.

Quæri potest, an S. Doctor admiserit vt possibilem concupiscentiam rationi subiectam, ita vt non secundum se, sed secundum prædominium supra rationem eandem solummodò primo homini in sui conditione inferi potuisset negauerit. Respondeo Augustinum sensisse concupiscentiam secundum se esse vitium, & non solum esse vitiatam. Ita illam pronunciauit vitium, quod non esset ex Deo lib. 1. de nupt. & concup. cap. 23. Idem habet lib. 2. cap. 34. & passim contra Pelagianos. At tamen hoc sibi sufficere dicebat, si hæretici saltem concederent, eandem esse vitiatam, inde enim peccati originalis vulnus statim apparebat. Scribit S. Doctor contra Iulianum lib. 2. proximè laudato cap. ult. Et si non vult concedere vitium esse libidinem, dicat saltem per illorum hominum inobedientiam etiam ipsum vitium esse carnis concupiscentiam, vt illa, quæ obedienter, & ordinatè moueretur, nunc inobedienter, inordinatèq; moueatur &c. Et lib. 5. con. Iul. cap. 5. ait: Sed quod dicis, etiam genitalia seruire animi imperio, nouam quandam libidinem dicis, aut fortè nimis antiquam, qualis & in paradiso esse potuisset, si nemo peccasset. Et lib. 2. oper. imperf. cap. 122. scribit de concupiscentia: Aut ergo nulla ibi erat, aut voluntatem mentis nec præcedebat, nec excedebat. Idem repetit lib. 4. cap. 56. & lib. 4. prioris oper. cap. 5. & 14. Cæterum S. Doctori constans sententia stetit, nullam fuisse concupiscentiam in primo homine ante peccatum non modò secundum illam vim tyrannicam supra rationem, sed nec vllam omninò licèt rationi ipsi subiectam. Probat hoc ex lib. 4. con. Iul. cap. 11. vbi ait: Quis enim negat futurum fuisse concubitum, etiamsi peccatum non præcessisset? sed futurum fuerat, sicut alijs membris, ita etiam genitalibus voluntate motis, non libidine concitatis; aut certè etiam ipsa libidine, vt non nos de illa nimium contristemus, non qualis nunc est, sed ad nutum voluntatis seruiente. Lege cap. 14. Et lib. 5. cap. 7. his aduersarios vellicat: Sed ecce non vobiscum de libidinis absentia, præsentiaue contendimus, nec dilectionem, quam debere vos ei videmus, offendimus, saltem ipsam subdite voluntatis imperio in illo felicitatis loco. De hac ipsa reagit S. Doctor lib. 1. ad Bonifacium cap. 17. vbi quatuor modos assignat, quibus nuptiarum fecunditas perfici potuisset, quorum duo postremi sunt: Aut tunc ad nutum voluntatis libido consurgeret; quando esse concubitum necessarium castè prudentia præsensisset; aut nulla omnino existente ibi libidine, vt cætera membra quæque ad opera sua, sic ad opus proprium etiam genitalia iussis voluntatum sine vlla difficultate seruissent. Postea de his duobus ait: Duarum verò reliquarum quamlibet elegeritis, non est aduersus vos vlla contentione laborandum. Esi enim quartam nolueritis eligere, ubi est omnium obedientia membrorum, sine vlla libidine summa tranquillitas, quorsum iam vos efficit vestrarum disputationum impetus inimicos, illud vobis saltem place-

placebit, quod tertio loco posuimus. Legendum est integrum caput, inde enim evidenter colligitur, S. Doctorem censuisse, nullam fuisse in terrestri paradiso concupiscentiam, eamq; subiectam voluntati disputationis tantum gratia admisisse, ne aduersarios de illa nimium contristeret, ut ex eodem proximè recitauimus. Hæc Augustinus de concupiscentia scripsit, probans ex illo 1. lo: 2. 16. *Concupiscentia carnis non est ex Patre.* Quem textum de actibus vetitis concupiscentiæ Pelagiani interpretabantur. Quam verò absurdam eorundem opinionem S. Pater arbitrareretur ex ijs, quæ scribit lib. 4. oper. imperf. cap. 69. colligitur: Non igitur, inquit, cauentur opera mala, nisi franeatur concupiscentia mala, quæ à te *HORRENDAM IMPVDENTIAM*, vel potius *AMENTIAM* dicitur bona. Nec erubescis, nec horrescis, te ad *TANTVM DEDECVS* peruenisse, ut nemo liberetur à tuo malo, nisi non consentiat tuo bono. Concupiscentia igitur carnis, quæ cupiuntur, quæ prohibentur, non est à Patre. Frustra putas, vel potius uis putari, ubi hoc Ioannes Apostolus dixit, concupiscentiam carnis positam pro luxuria. Prorsus si non est à Patre luxuria, nec illa est à Patre, cui si consentiatur, concipit, paritq; luxuriam. Nam motibus suis quibuslibet obtinere quid conatur quæso, nisi ad luxuriam peruenire? Quomodo ergo est bonum, quæ peruenire conatur ad malum? Quomodo est nostrum bonum, quæ nos ad malum compellit. Lege ibidem.

S III.

Vtrum S. Augustinus excefferit, deducens peccati originalis reatum ex innumeris humana uite miserijs. Insigne D. Thome pro Augustiniana sententia testimonium.

P Ergo ad alterum S. Augustini excessum. Etenim ille, quò Pelagianos confutaret, non solum è sacris arcanis testimonia petiuit, sed ut erat subtili, ac prompto ingenio, rationibus etiam naturali lumine manifestis usus est. Inter cætera argumenta celeberrimum inuenit magnus Doctor, quo peccatum originis persuaderet, deducens nempe illud ab infinitis humanæ vitæ miserijs. Ita appellans illam Ecclesiastici sententiam cap. 40. initio *lugum graue super filios Adam à die exitus de ventre matris eorum*, arguebat ad saluandam Dei iustitiam, aliquod in nascentibus crimen asserendum esse; ne tot miserijs puniri innoxij crederentur. Hoc argumentum ubique in Augustini non dicam libris, sed librorum paginis occurrit. Lib. 6. oper. imperf. cap. 36. has sententias conglomerat. *Omnis autem pœna hominis, quid est, nisi pœna Dei imaginis, quæ si infertur iniuste, profectò à quo infertur iniustus est.* Quis porro dubitet, quod iniuste infertatur pœna imagini Dei, nisi hoc culpa meruerit? Et cap. 27. *Iustus est Deus, quod assidue contra te dicis, & nescis, iustus est, inquam, Deus, & ideo nascentes nec faceret, nec fieri sinneret miseros, nisi nesceret reos.* Item. *Ipsi nullum, sicut putatis, trahentes peccatum immeritas, si hoc ita est, procul dubio sustinent pœnas.* Vbi est iustitia Dei, quam si cogitares, numquam crederes, sine ullo merito peccati originalis tam miseros esse nascentes.

Respondet Moraines disp. 13. num. 106, Augustinum à miserijs vitæ humanæ peccatum originale probantem *exceffisse uidelicet seruiore disputationis abrepsum, & odio hæresis Pelagiane ad contrarium extremum declinasse, neque hac in paria doctrina*

doctrinam eius approbasse Ecclesiam. Placet quòd non dixit interdum declinasse ad extremum, ubiq; enim declinasse dicendus esset, nam illud argumentum tam sepe dictum, sepiusq; dicendum vocat cap. 23. lib. 6. laudati. Quare Augustinus sciens, prudens, volens ea ratione usus est, non disputationis æstu, ac furore percitus, ut aduersarij opponunt. Imò Pelagiani idem argumentum euadere totis viribus conati sunt, ut patet ex Iuliano libro eodem cap. 25. vbi Augustinianam ratiocinationem irridens: *Verum quid nos, inquit, tam obstinè veritatis solius rationem sequendam putamus, cum inimicorum nostrorum phalanx ipsis innitatur rerum periculis, & insurgat in nos ærumnarum inimica suffragijs, vult quippe pudore cœuantis, dolore parientis, sudore laborantis transmigrationem culparum, & pœnarum in semina comprobare, ut his videlicet signis difficilium partuum, agricolarum sudantium, & diuisorum noualium crimen naturale credatur, cuius merito per tot incommoda genus exerceatur humanum.* Igitur de hoc argumento Pelagianos inter, ac Augustinum ex proposito controuersia fuit, cum præsertim Augustinus omnia soluerit, quæ ad illud infringendum Iulianus opposuit, ut palam fit ex libro sexto operis laudati. Quod verò scribunt Ecclesiam hac in re non approbasse Augustini doctrinam, ipsorum eruditionem pandit, quicandem & Romani Pontificis, & Synodorum decretis consecratam fuisse non animaduertunt. S. Gelasius Papa in epistola 7. ad Episcopos per Picenum contra Se necam quandam Pelagianum eodem Augustini argumento vtitur ad probandum originale peccatum: *Ideo, inquit, de felicitatis sue claritate seclusus, atq; ad spinas, & tribulos, miseriaq; multiplices cœlesti voce damnatus est, quæ utiq; pœna iusti iudicij tam gravis, & aspera in bono perseveranti nullatenus esset infligta, & NI SI MALO NON CONVENIENTER ILLATA* probaretur. En Augustini voces fideli Echo redditas ab Apostolica Sede. Sed hoc ipsum Synodus Patrum Africanorum in Sardinia exulum in libro de Incarnatione, & gratia cap. 14. docet: *Si qui ergo, inhiunt, mortem solam, ut non etiam peccatum ex homine primo transiisse in genus humanum nituntur asserere, mirum si non intelligunt, quibus sententiæ suæ laqueis obligentur. Primò quia Deum dicunt iniustum in eo, quod mori faciat paruulos, quos nulla volunt isti originalis peccati contagione pollutos. Item. Quægitur iniustitia Deus iustus infantibus sine peccato nascentibus ingerit pœnam, in quibus pœnæ non inuenit causam? &c.* Præterea Synodus II. Arausicana canone 2. ait: *Si quis soli Adæ prauaricationem suam, & non eius propagini asserit nocuisse, aut certè mortem tantum corporis, quæ pœna peccati est, non autem & peccatum, quod mors est nimæ, per unum hominem in omne genus humanum transiisse testatur, iniustitiam Deo abiecit.* Igitur qui maximam miseriarum, nempe mortem sine peccato homini occidere dicit, iniustum facit Deum, quod est S. Augustini argumentum. Hunc textum Arausicanum nonnulli videre, quare respondent, mortem sub ratione pœnæ non potuisse infligi homini sine culpa citra Dei iniustitiam, at potuisse Deum citra iniustitiam condere genus humanum in statu naturæ puræ ne immortalitatis dono morti naturali subiectum. Sed hæc responsio nulla est. Nam Pelagiani dicebant, mortem esse naturalem homini ex eiusdem corporis compositione, nec illi tanquam pœnam infligi, contra quos ex Augustino colligit Arausicana Synodus, si mors corporis sine peccato transijt in osteros, Deum fieri à Pelagianis iniustum. Quòd enim mors esset malum sub ratione pœnæ, erat consequentia illata contra hæreticos, quæ talis enim supponit

ponit necessariò peccatum, à quo per denominationem extrinsecam dicitur pœnalis. At Patres ex ipsa gravitate mortis, ac cæterarum illam præcedentium miseriærum malum esse illam gravissimum vrgebant, vt inferrent, non nisi in pœnam potuisse iustè infligi, alias supposuissent in antecedente, quod erat à Pelagianis absolutè negatum.

Subscribunt eidem argumento alij Patres. S. Prosper con. Collat. cap. 20. *Nimis enim impium est hoc de Dei sentire iustitia, quòd à prauaricatione liberos cum reus voluerit esse damnatos. Patet ergo culpa, ubi non latet pœna, & societas peccati conuenitur de communione supplicij, vt quod est humane miserie, non de institutione creatoris, sed de retributione sit iudicis.* D. Anselmus lib. de conc. Virg. & pec. orig. cap. 13. *Ea ipsa ratione, inquit, qua non debuit Deus Adam facere nisi iustum, nec aliquo debito, siue incommodo granatum, apertè mens rationalis cognoscit eum, quem similiter propria voluntate, & virtute procreauit alicui malo subditum fieri non debere, quoniam nimis inconueniens est omnipotenti, ac sapienti Dei bonitati, talem facere rationalem creaturam sola propria voluntate de materia, in qua nullum est peccatum.* Item lib. 2. *Cur homo Deus cap. 2. ait: Sapientia, & iustitia repugnat, vt cogeret mortem pati sine culpa, quem iustum fecerat ad æternam beatitudinem.* Præterea antiquissimus author Hypognofticon lib. 2. initio eodem modo discurrit: *Hac nos pœne sententia colligatos ipsa sibi humana natura totum per Orbem terrarum diffusa testimonium perhibet, dum se paternis cruciatibus sanctæ legis testimonio peruidet laborare. Quod qua iustitia, si hæredes parentum peccati non sumus, patimur? Lege ibi plura.* Rursus lib. 5. inter cætera ait: *Secundum errorem vestrum Deus, qui talem fecit naturam, vt pœnalibus anima passionibus conuexetur, crudelis est, aut certè iniustus, & innocentiam sanctam, & nullius pœnitens erroris obnoxiam tantis permittat vtgeri periculis, & in ipsis nonnumquam vita priuari.* Et quidem Augustinus lib. 4. con. Iul. cap. 12. referens sententias eorum, qui nescientes originale peccatum ex miserijs hominum Dei æquitatem accusarunt, ait illos rem vidisse, causam nesciuisse, cum alij in vita superiore peccasse animas dicerent, vnde ad miserijs subeundas in pœnam nasci iterum cogeabantur, de quibus in fine eiusdem libri eruditè discurrit. Ex quibus patet Philosophos plerisque lumine naturali cognouisse, hominem innocentem iniuste tantis miserijs affligi. Quare argumentum illud Augustini ad stabiliendum peccatum originis non solum probatum fuit Ecclesiæ, verum etiam ipsis gentilibus, quoad reatum saltem peccati, adeo vel solo lumine naturali est manifestum, atque apertissimum. Vnde magnus ille Bellarminus cum pro opposita sententia plura adduxisset lib. 6. de Amis. grat. cap. 15. in fine hæc doctissime iuxta, ac sincerè scripsit: *Omnino enim verisimile est, non fuisse Deum Optimum, & nostri generis amantissimum conditurum hominem tam miserrum, quam nunc est, nisi peccati nostri magnitudo tale supplicium meruisset.* Quæ confirmat opinione iusticiorum ex Augustino citato. Itaque quod ex amore erga homines, & sua ipsius bonitate nunquam Deum facturum fuisse Ballarminus docuit, id Augustinus cum tot Patribus ex Dei iustitia fieri non posse affirmavit. Quod si Recentiores & Gelasij, & aliorum veteris Ecclesiæ Auctorum testimonia aliqua interpretatione adhibita utcumque explicare conabuntur, idem precamur erga Augustinum faciant, cuius vilius vocibus illi locuti sunt. At si cæteros etiam æstu disputationis abreptos veritatis metam excessisse pronuntiabunt, eorum voces surda aure præte-

Præteribimus, Augustino tot testibus doctissimis, ac sanctissimis astipulanti-
bus. Neque instent damnatam esse, hanc Baij propositionem: *Non potuisse
Deum condere ab initio hominem, qualis modò nascitur*. Nam reponitur cum Grego-
rio Ariminensi l. d. 42. q. 1. art. 2. ad arg. con. 2. concl. *Deus non potest de iusti-
tia, quæ potest de potentia*. Ita nullâ est impossibilitas, ludam in cælum trahi, sed
id contra Dei iustitiam est. Quare licet sit possibile potentiæ, non est possibile
iustitiæ, talem condi hominem, qualis modò nascitur; in priori verò tantùm
sensu qui negat, cum damnata Baij propositione sentit. Et certè, vti superiùs
dicebamus, Deus ab initio non potuit condere hominem cum peccato origi-
nali, cum quo modò nascitur. Alius ergo debet esse illius propositionis dam-
natæ sensus, quæ de re plura §. superiori dicta sunt, quæ iterum repetere non
vacat.

Hoc igitur S. Augustini argumento & Apostolica Sedes, & tot Patres vfi
sunt, ac præsertim vtrique Synodus & Sardinienfis, & Arausicana, vt iam sa-
tis pateat Morainij ignorantia, aut temeritas, qui vel id ignoravit, vel vnâ
cum Augustino tot, tantosque Patres excessus crimine inuoluit. Sed age, cum
homine Scholastico omnium Scholasticorum Principis testimonio pugnemus.
Is est Magnus Augustini discipulus, ac nobilissimæ Scholæ Maximus Magister
S. Thomas, qui scribit Augustinum SATIS PROBABILITER ex miserijs vi-
tæ humanæ peccatum originale deduxisse. Igitur Angelicus Præceptor 4.
con. Gentes cap. 32. initio docet misérias humanæ naturæ esse quædam pro-
babilia signa peccati originalis, & subdit: *Potset tamen aliquis dicere, huiusmodi
defectus tam corporales, quam spirituales non esse penales, sed naturales defectus ex
necessitate materia consequentes. Necessse est enim corpus humanum, cum sit ex contra-
rijs compositum, corruptibile esse, & sensibile appetitum in eo, quæ sunt secundum
sensum delectabilia, moueri, quæ interdum sunt contraria rationi &c.* Quæ ipsissima
est responsio, quam Recentiores argumento S. Augustini applicant. Verùm
statim illam infringit Angelicus his verbis: *Sed tamen si quis rectè consideret,
SATIS PROBABILITER poterit estimare, diuina providentia supposita, quæ singu-
lis perfectionibus congrua perfectibilia coaptauit, quòd Deus superiorem naturam inferio-
ri ad hoc coniunxit, vt ei dominaretur, & si quod huius dominij impedimentum ex de-
fectu naturæ contingeret, eius speciali, & supernaturali beneficio tolleretur, vt scilicet
cum anima rationalis sit altioris naturæ, quam corpus, tali conditione credatur corpori
esse coniuncta, quòd in corpore aliquid esse non possit contrarium animæ, per quam cor-
pus viuunt. Inquam rem cum nonnulla alia dixisset concludit: Sic igitur huius-
modi defectus quamuis naturales homini videantur, absolute considerando humanam na-
turam ex parte eius, quod est in ea inferius, tamen considerando diuinam providentiam,
& dignitatem superioris partis humanæ naturæ, SATIS PROBABILITER probari po-
test, huiusmodi defectus esse penales, & sic colligi potest humanum genus peccato ali-
quo esse infectum.* Hæc S. Thomas, quem cum tot sapientissimi, ac subtilissimi
Doctores sequantur, iam videtis quos, quanto sue asseclas habet illa Augusti-
ni ex miserijs humanæ vitæ peccati originalis satis probabiliter posita illatio.
Sed nec defuere Scriptores è Societate, qui Augustino ea in sententia manus
darent, vnus audiatur Ioannes Bagocius lib. 5. demon. dogm. Christ. disp. 8.
cap. 5. sect. 2. in titulo quærit: *An foret iniustus Deus, si cogeret hominem sine reatu
culpa mori.* Respondet: *S. Augustinus, & alij eius discipuli, & ipsique Patres cano-*

nūm Arausicanæ Synodi aiunt, Deum non potuisse hominem nisi culpe reum necessitate moriendi addicere, voluntque, si id Deus faceret, fore iniustum, quia penam non merenti infligeret. Et cap. 7. icō. 3. ait: Fateor quoque Deum de potentia per bonitatem, & sapientiam ordinata nullo peccato permissio, non potuisse velle hominem morti obnoxium, & cum prauitate concupiscentiæ carnalis creare. Hæc ille non exigua inter Recentiores famæ, qui postea insignibus Thomæ Augustini nominibus assumptis contra Iansenium scripsit,

S. IV.

An S. Augustinus disputans de virtutibus infidelium excesserit.

Idem Morainius rigidiorē existimans S. Doctoris sententiā de virtutibus infidelium hæc scribit disp. 19. num. 35. Dieit disputando contra Pelagianos, qui cum nimis extollerent vires naturales liberi arbitrij, affirmarentque sufficere siue gratia non modò ad virtutes naturales quasunque, sed etiam ad salutem, Augustinus rursus illos ab eo errore abducas, in contrarium extremum aestu disputationis abripi videretur. Sed eundem lapidem hic censor offendit, nam de virtutibus infidelium non aestu disputationis impulsus S. Doctor disceruit, sed ab aduersarijs in eam arenam prouocatus, libenter, & animosè descendit. Etenim Pelagiani, vt probarent posse hominem sine gratia benè operari, exempla infidelium producebant, quos asserere sine Dei gratia pluribus virtutibus floruisse. Audiatur S. Pater lib. 4. con. Iul. cap. 3. Soletis enim negantes Dei dona esse virtutes, quibus rectè viuatur, & eas naturæ, voluntatiq; humane, non gratiæ Dei tribuentes, hoc rursus arguendo, quòd eas nonnumquam habeant infideles &c. At Augustinus ibidem per septingentos, & ampliùs versus probat, virtutes infidelium habuisse bonitatem tantùm ciuilem, ac fuisse speciè tenus apud homines laudabiles, illo præfertim ad Romanos 14. testimonio vsus: Omne, quod non est ex fide, peccatum est. Vnde cum de operibus infidelium tanto labore, ac studio Augustinus cum Pelagianis disputauerit, ac ibidem omnem aduersarijs aditum subtilissimis argumentis præcluserit, non aestu disputationis id protulit, sed post longam rei difficillimæ meditationem, ac seriam quæstionis totius considerationem. Duo autem S. Doctor asseruit: Primum nullas in infidelibus ex solius liberi arbitrij viribus virtutes reperiri: alterum, si quæ in eisdem virtutes fuerint, easdem nequaquam ipsorum voluntati, sed diuinæ gratiæ adscribendas esse. Scio plerosque Scholasticos, quod primum illud ætinet, ab Augustini sententiā recessisse. Illi autem iuxta Aristotelis Ethicam de virtutibus disputarunt, cum tamen philosophos humanæ naturæ debilitas ex originali labe deriuata latuerit, ac in summi boni cognitione longiùs à veritate exorbitauerint. At Augustinus ex sacris literis, nec non excelsiori, ac subtiliori Theologia suam ipsius sententiā deduxit. In eo verò Augustinianæ sententiæ cardo versatur, quòd virtutes à vitijs non officio, sed fine discernuntur. Audiatur Augustinus lib. 4. laudato contra Iulianum: Noueris itaque, inquit, non officijs, sed finibus à vitijs discernendas esse virtutes. Officiū est autem, quod faciendum est: finis verò propter quod faciendum est. Cum itaque facis homo aliquid, ubi peccare non videtur, si non propter hoc facis, propter quod facere debes, peccare conuin-

conuincitur. Hoc probat ibidem exemplo auarorum, qui virtutibus moralibus studere se fingunt, quæ tamen in vitia desinunt, quod auaritiæ ancillantur. Vnde non est attendenda sola substantia operis in speciem boni ex obiecto, sed finis quoque considerandus venit, propter quem idem opus elicitur. His autem fusius ibidem ab Augustino probatis, idem conatur euincere, in infidelibus non fuisse veras virtutes, quia easdem humanæ laudi, ac gloriæ subijciebant, qua ratione in vitia vertebantur, utpote quæ superbiæ inferuient. Hæc scribit lib. 4. con. Iul. cap. 3. *An forte, inquit, & istis, qui exhibuerunt terram patriæ Babylonicam dilectionem, & virtute civili non vera, sed verisimili demonibus, vel humana gloriæ seruierunt &c.* Et antea dixerat: *Bonum est enim, ut subueniatur homini periclitanti, præsertim innocenti. Sed ille, qui hoc facit, si amando gloriæ hominum magis, quam Dei facit, non bene bonum facit, quia non bonus facit, quod non bona voluntate facit.* Hinc cum Iulianus ibidem obiecisset: *Si gentilis nudum operuerit, nunquid quia non est ex fide, peccatū est?* Respondet Augustinus: *Prorsus inquantum non est ex fide, peccatum est, non quia per seipsum factum, quod est nudum operire, peccatum est, sed de tali opere non in Domino gloriari, solus impius negat esse peccatum.* In quam rem plura ibi subtiliter, & acutè congerit.

Hæc quidem certa sunt, nam à nullo viro Catholico in dubium vocari potest, actus morales humanæ gloriæ inferuientes, licet alias ex obiecto boni sint, ex praua tamen intentione vitari, sicuti actus in speciem boni Epicureorum à virtutibus degenerabant, quia sectæ magister easdem virtutes, ut ibidem ait Augustinus, *inducit voluptatis ancillas.* Opponunt tamen contrariæ sententiæ auctores, posse hominem infidelem elicere actus virtutis ob solam ipsiusmet operis honestatem, nullam inde ab alijs laudem captare desiderans; siquidem cum bonum honestum sit intra obiectum voluntatis, illud propter se præcisè à voluntate appeti potest. Verùm Augustinus miro ingenij acumine hanc responsionem infregit lib. 4. con. Iul. cap. 3. hæc scribens: *Nihil est in creaturis, quod attinet ad institutarum diuinitus merita naturarum, rationali mente præstantius. Vnde fit consequens, ut mens bona magis sibi placeat, magisque se ipsa delectet, quam qualibet alia creatura. Quam vero periculose, imò perniciose sibi placeat, cum per hoc tumescit typho, & morbo inflationis extollitur, quamdiu non videt, sicut videbit in fine, summum illud, & immutabile bonum, in cuius comparatione se spernat, sibi que illius charitate vilescat &c.* Conformia his tradit lib. 19. de ciuit. Dei cap. 25. Proinde, inquit, *virtutes, quas humana mens sibi habere videtur, per quas imperat corpori, & vitijs ad quodlibet adipiscendum, vel tenendum, nisi ad Deum retulerit, etiam ipse vitia sunt potius, quam virtutes.* Nam licet à quibusdam tunc vera, & honeste putentur esse virtutes, cum AD SE IPSAS REFERUNTUR, nec propter aliud expetuntur, etiam tunc inflata, ac superba sunt: & ideo non virtutes, sed vitia iudicanda sunt. Itaque cum virtus etiam ob sui tantum honestatem appetitur, facit, ut illam prosequens, atque assequens sibi complacet in suo opere, ac philautiæ vitio laboret. Quare sicuti honestè operans, ut alijs placeat, ac laudetur ab alijs, peccat peccato inanis gloriæ, ita pariter qui honestè operatur complacens sibi, ac in se ipso gloriatus, reus est philautiæ. Hinc dixit Apostolus *scientia inflat.* Eò enim ipso, quod homo cognoscit se virtute præ-

1. Cor. 8.

cere, ac virtutem sibi, non Deo acceptam ferre. Illud autem Augustini pronunciatum, nempe virtutem, cum ob sui honestatem appetitur, esse superbam, ac philautia vitari, probatur fusè ab eodem S. Doctore serm. 13. de Verb. Apost. exemplo Stoicorum, qui sectabantur virtutem propter se ipsam, eorundem tamen virtutes superbiæ ancillabantur. Ibi autem introducit Paulum Athenis cum Stoicis, & Epicureis colloquentem (Dicitur enim Act. 17. *Quidam autem Epicurei, & Stoici Philosophi disserabant cum eo*) inter alia scribit: *Dicebat Epicureus: Beatus cuius est in fructu voluptas carnis eius. Dicebat Stoicus: Immo beatus cuius est in fructu virtus animi eius. Dicebat Apostolus: Beatus cuius est nomen Domini spes eius. Errat Epicureus; falsum est enim, esse hominem beatum, cuius est in fructu voluptas carnis eius. Fallitur & Stoicus; falsum enim est, & omnino mendosissimum, beatum esse hominem, cuius est in fructu virtus animi eius.* Profectò an virtus propter sui tantum honestatem intenta inflet habentem, ac philautiam causet, tam claro exemplo manifestè patet. Vnde quicquid sit de re speculatiuè considerata, in praxi Augustini sententia vera est. Porro tanta erat Stoicorum superbia, vt ad virtutem capessendam diuino nos auxilio indigere multissimè pernegarent. Eorum verba recitauimus lib. 1. Hist. Pelag. cap. 1. vbi etiam probauimus superbiam Pelagianorum, qua diuinæ gratiæ necessitatem inficiabantur, ex Stoicorum dogmate deriuasse. Egregiè S. Doctor contra Pelagianos sermone eodem 13. dixit: *Tu te vis agere, à te ipso vis agi ad actiones carnis mortificandas? Quid tibi prodest, quia non eris Epicureus, & eris Stoicus?* Idem magnus Magister lib. 5. de ciuit. Dei cap. 20. cum dixisset, quosdam Philosophos ad Epicuri turpitudinem demonstrandam, assabrè in tabula pinxisse voluptatem in regali sella tanquam Reginam confidentem, virtutes verò eidem pro obsequio adstantes, eiusque nutum obseruantes, vt quod illa imperaret, promptissimè exequerentur, hæc addit: *Nihil hac pictura dicunt esse ignominiosius, & deformius.* Postea autem his Stoicos vellicat: *Sed non existimo satis debiti decoris esse picturam, si etiam talis fingatur, ubi virtutes humane gloriæ seruiant.* Licet enim ista gloria delicata mulier non sit, inflata tamen est, & multum inanitatis habet. Inde Recentiorum responsonem præoccupans addit: *Nec illi se ab ista defenderint seditate, qui cum aliena spernant iudicia, velut gloriæ conemptores, sibi sapientes videntur, & SIBI PLACENT.* Nam eorum virtus, si tamen ulla est, alio modo quodam HUMANÆ SVBDITV LAVDI; Neque enim ipse, qui sibi placet, homo non est. Hæc ipsa confirmantur exemplo Angelorum reproborum, ac primorum parentum, quorum lapsus ex philautia ortum duxit. Scribit S. Prosper ad Demetriadem: *Hæc superbia à Diabolo sumpsit exordium, qui quoniam sua, quam à Creatore acceperat, potentia, & dignitate SIBI PLACUIT &c. à cælesti sublimitate deiectus est.* Et de homine dixit Augustinus lib. 10. de Ciuit. cap. 13. *Diabolus hominem non cepisset, nisi iam ille SIBI IPSE PLACERE cupisset.* Hinc idem acutè scribit lib. 14. eiusdem operis cap. 28. *Fecerunt itaque ciuitates duas amores duo, terrenam scilicet amor sui vsque ad contemptum Dei; cælestem verò amor Dei vsque ad contemptum sui. Denique illa in se ipsa, hæc in Domino gloriatur &c.* Quare ab amore sui initium superbia sumit, quæ virtutum omnium venenum est, solius diuinæ gratiæ antidoto expellendum. Hæc autem validè probant, virtutem etiam propter se ipsam intentam inflare, cuius ratio est, quia quilibet amore naturali diligit se, & quo plura in se bona conspi-

cis; plus sibi complacet: unde præ alijs se æstimat, & philautia intumescit, ac veluti Narcissus suamet pulchritudine rapitur. Vnum autem contrariæ sententiæ Authores opponere possent, optimè hucusque dicta concludere, si eliciens actus honestos, inde apud semetipsum inani complacentia turgescat; at fieri posse, vt quis honestè operetur, v. g. det eleemosinam pauperi, ac statim eiusdem mens aliò auocetur, in quo casu neque apud semetipsum de bono opere per actum reflexum gloriabitur. Fateor quidem, si statim mens aliò à nouo obiecto trahatur, fieri posse, vt nulla, apud seipsum gloria, vel iactantia titilletur: at id per accidens contingit. Nam agens morale debet considerare, an rectè operatus sit, an optimè se habeat erga suum finem ex illa actione: Quæ quidem considerans, amat suum opus, ac in se ipso gloriatur. Censeo tamen hæc opera bona non fuisse facta ab infidelibus suis ipsorum viribus derelictis, sed præmunitis specialibus diuinæ gratiæ auxilijs, quibus fortè aliquando factum est, vt rectè operantes nouo proposito obiecto de bono opere minimè gloriarentur. Etenim cum adeo facilis, imò cum irreparabilis sit casus ad actum virtutis in philautiam, diuinæ gratiæ fuit, quoties infideles nulla ex opere bono superbia intumescere. Video hanc doctrinam disertè tradi à Ripalda celebri inter Recentiores Theologo, qui disp. 20. sect. 6. num. 25. ait: *Rectè dicitur voluntatem in hoc ordine providentia destitutam auxilio gratia, suisque viribus relictam, solum posse superbiam, & peccatum*. Quæ pluribus ibidem prosequitur, laudans præsertim hanc S. Doctoris sententiam: *Liberum arbitrium desertum à diuino adiutorio, quamlibet scientia legis excellat, nullo modo habet iustitie soliditatem, sed inflationem impia superbiam*. Igitur vbi ex opere bono nulla superbia in animo erumpit, diuinæ gratiæ auxilium præsto est.

Quod autem infideles ex speciali gratiæ auxilio quandoque benè operati fuerint, probatur ex libro 1. ad Bonif. cap. 20. vbi Augustinus lenitatem in. Assueri Regis animo repente natam gratiæ adscribit: *Cor regis*, inquit de Deo, *antequam mulieris sermonem poscentis audisset, occultissima, & efficacissima potestate conuertit, & transiit ab indignatione ad lenitatem, hoc est, de voluntate ledendi ad voluntatem sauendi*. Idem repetit lib. de grat. Christi cap. 24. Præterea epist. 130. continentiam Polemonis Philosophi diuinæ gratiæ deputandam scribit: *Tamen*, ait, *ne idipsum quidem, quod melius in eo factum est, humano operi tribuerim, sed diuino*. Hoc tamen ex Augustino obseruandum est, actus bonos infidelium ex diuina gratia deriuatos ex subsecuta praua operum circumstantia vt plurimum vitiari, ac amittere bonitatem, quam in sua ipsorum productione ex Dei munere habebant. Hoc deduco ex Augustino lib. 4. con. Iul. cap. 3. hæc scribente: *Ex quo colligitur, etiam ipsa bona opera, quæ faciunt infideles non ipsorum esse, sed illius, qui benè vultur malis*. Ipsorum autem esse peccata, quibus & **BONA** **MALA** faciunt, quia ea non fideles, sed infideles, hoc est, stulta & noxia faciunt voluntate. Qualis voluntas nullo Christiano dubitante arbor est mala, quæ facere non potest, nisi fructus malos, id est, sola peccata: Omne enim, velis nolis, quod non est ex fide peccatum est. Vult enim Augustinus, voluntatem sola fide dirigi ad faciendum opus cum debita circumstantia relationis in Deum vltimum finem. Hinc superius ibidem dixerat: *Cum non ad suum referuntur authorem dona Dei, hoc ipso mali his vacantes efficiuntur iniusti, si quas virtutes habent, veras non habent, ac per hoc nec continentia, siue pudicitia vera virtus est impiorum*. In hoc verò capite descendit

fendit S. Doctor ab obiectionibus Iuliani id, quod scripserat lib. 1. de nupt. & concup. cap. 3. ubi cum dixisset continentiam esse donum Dei, ait : *Quid ergo dicimus ; quando & in quibusdam impijs inuenitur pudicitia coniugalit ? Vtrum eo peccare dicendi sunt, quod dono Dei male utantur, non id referentes ad cultum eius, à quo acciperunt ? An forte nec dona Dei putanda sunt ista, quando hæc infideles agunt, secundum* *Rom. 14.* *Apostoli sententiam dicentis : Omne quod non est ex fide peccatum est ? Hoc secundum ibidem eligit dicens : Quis audeat dicere donum Dei esse peccatum ? Et cum præmississet bona naturalia animæ, & corporis, cum quibus infideles nascuntur, esse dona Dei, hæc addit : De ijs autem, quæ faciunt, dictum est : Omne, quod non est ex fide peccatum est. Cum igitur faciant hæc homines sine fide, quæ videntur ad conjugalem pudicitiam pertinere, siue hominibus placere quærentes, vel SIBI, vel alijs, siue in his rebus, quas vitiosè concupiscunt, humanas molestias deuotantes, siue Demonibus seruientes, non peccata coercent, sed alijs peccatis alia peccata vincunt. Absit ergo pudicitiam speraciter dici, qui non propter Deum verum fidem connubij præstat uxori. In laudato verò capite tertio contra Iulianum fusissimè hanc suam sententiam vindicat ab argumentis, quæ plura contra eandem hæreticus vrget, ubi sui constans, negat veram pudicitiam fuisse in Gentilibus.*

Scio nonnullos asserere, Augustinum dixisse, illa opera esse peccata, quæ in Deum vltimum finem non referuntur positiuè, non autem negatiuè ; exempli gratia, qui continens est, ut sibi, vel alijs placeat gloriam apud se, vel alios quærens, peccat, quia inanem gloriam positiuè sibi finem illius pudicitie destinat, & tunc positiuè illud opus deuiat à Deo tanquam vltimo fine. At si continentie propositum eliciat, motus honestate tantum operis, nec in eodem apud se, vel apud alios gloriatus, tunc ille actus negatiuè Deum non respicit tanquam vltimum finem, ex nulla tamen parte vitiosus apparet. Hæc doctrina admitti potest, præsertim, quia S. Doctor inde virtutes Gentilium vitari docuit, quod iidem de illis vel apud se, vel apud alios gloriam quærent. Hæc enim intelligenda sunt de actibus virtutum per accidens non vitatis, ut in prima statim eorundem productione contingere diximus. Nam si quis eundem actum virtutis frequentet, eique impensius studeat v. g. pudicitie coniugali, sine speciali Dei auxilio non potest à philautia, vel inani apud alios gloria temperare. Vnde rectè ob hanc rationem dixit S. Doctor, infideles non posse habere veras virtutes, illa præcipuè Apostoli sententia motus est : *Omne quod non est ex fide peccatum est.* Moraines scribit, hæc verba Pauli perperam ab Augustino intellecta fuisse, at S. Patris interpretationem Apostolicæ Sedis & Catholicæ Ecclesiæ probatam, fuisse ostendam inferius cap. 4. §. 5. Hinc idem Augustinus lib. de prædest. SS. cap. 7. tradit, bona opera Cornelij A& 10. à fide in Deum processisse : Cuius, inquit, acceptæ sunt elemosinæ, & exauditiones, antequam credidisset in Christum, nec tamen sine aliqua fide donabat, & orabat. Nam quomodo inuocabat, in quem non crediderat ? Ex quibus patet ad referenda opera bona in Deum non requiri fidem in Christum, sed satis esse fidem in Deum ; imò solam fidem etiam acquisitam sufficere colligitur ex lib. de patientia cap. 26. & 27. ubi Schismaticorum patientiam & bonam esse, & laudandam scribit, cuius verba paulo post referemus. Video tamen S. Doctorem vnum actum bonum sine gratia in infidelibus, & cæteris hominibus concedere, nempe illum, quo homo appetit summum bonum. In Enchirid. cap. 25.

ait :

ait: *Qua tamen natura in malis suis non potuit amittere beatitudinis appetitum*. Idem habet cap. 125. & lib. 4. con. Iul. cap. 3. *Neque enim, inquit, omnes homines naturalis instinctu immortales, & beati esse vellemus, nisi esse possimus*. At ob ignorantiam ex peccato originali contractam, nescit homo suis viribus relicta in quonam beatitudo, & felicitas vera sita sit, vnde tot de summo bono philosophorum sententiæ emerferunt. Sola autem fide reuelatum est, Deum clarè visum esse summum hominis bonum, cuius vnus possessione fit beatus.

Hæc Augustini sententia fuit de operibus infidelium, quam & Patres, ac nobilissimi Doctores secuti sunt. Sanctus Leo Magnus ser. 2. de ieiunio Pentecostes ait: *Apud ipsos paganos sunt quedam vana ieiunia. Aliud enim agit sub veritate ratio, aliud sub falsitate deceptio. Apud nos fides sanctificat etiam manducantem, apud illos infidelitas polluit ieiunantem. Vnde quia extra Catholicam Ecclesiam nihil est integrum, nihil castum dicente Apostolo: Omne, quod non est ex fide, peccatum est.* Rom. 14. Idem asserit Bonifacius II. in epistola ad S. Cæsarium Arelatensem, & S. Fulgentium cum Synodo Byzacenorum Patrum in Sardinia exulum, quorum Verba recitabimus inferiùs cap. 4. §. 5. S. Prosper in epistola ad Rufinum ait: *Omne, quod non est ex fide, peccatum est: ut scilicet intelligat infirmitatem infidelium non esse iustitiam, quia sordet natura sine gratia*. Et in carmine contra ingratos cap. 16. canit:

*Omne etenim probitatis opus, nisi semine vera
Exoritur fidei, peccatum est, inque reatum
Vertitur, & sterilis cumulat sibi gloria penam.*

Iulianus Pomerius S. Cæsarii Arelatensis magister, cuius libros laudat S. Ildorus, vti diximus lib. 2. Hist. Pelag. cap. 14. lib. 3. de vita contemplatiua. cap. 1. Augustini sententiam plenam exscribit: *Hæc, inquit, etsi possunt humano ingenio discerni, tamen sine dono Dei, quantum mihi videtur, nec virtutes possunt appeti, vel haberi, nec earum similitudines, quæ sunt contra virtutes imitantia, declinari in tantum, ut infidelibus nihil profuisse credamus, etiamsi sunt aliquas per corpus operati virtutes: quod eas nec à Deo suo se accepisse crediderint, nec ad eum, qui est finis omnium bonorum, referre voluerint. Et quid dico, nihil eis profuerunt: imò etiam nocuerunt, dicente Apostolo: Omne, quod non est ex fide peccatum est. Legatur totum caput, vbi fusiùs eandem doctrinam explanat. Cassiodorus, & vulgò etiam cæteri hosce libros adscribunt S. Prospero, quæ de re in historia Pelagiana pluribus disseruimus. In eadem sententia fuit Beda in præfat. ad Cant. vbi Pelagij sententiam de philosophorum virtutibus impugnât inquit: *Quod ergo dicis, multas philosophorum patientiam, castitatem, modestiam, aliasque de natura bono habere virtutes, constat, quia quicumque philosophorum Christum Dei virtutem, & Dei sapientiam nesciunt, nec ullam veram sapientiam habere potuerunt. In quantum verò uel gustum aliquem sapientie cuiuslibet, uel virtutis imaginem habebant, totum hoc desuper acceperunt, non solum munere primæ creationis, verum etiam quotidiana eius gratia. Cum Augustino etiam concinit S. Rhemigius cum sua Ecclesia Lugdunensi lib. de tependa veritate sacræ Script. cap. 11. scribens: *Sed huiusmodi humana bona, quæ humana affectione potest uelle, potest nonnumquam agere humana natura. Cum propter temporalia bona appetuntur, sine dubio cupiditates sunt: cum propter SOLAM VITAE HONESTATEM, sine dubio INFLATA, ET ELATA sunt. Tamen potest ea discernere, potest etiam uelle, potest etiam habere, in quantum naturali bono adiun-***

natur,

atur, & Del dispositione permittitur humana natura. Ibi plura eruditè asseruntur.

Omitto consultò testimonia Cypriani lib. 1. de patientia S. *Hanc se sectari Philosopher*, Tertulliani libro de cultu foemin. initio S. *A feminis* nationum, Gregorij Magni lib. 2. Moral. cap. 15. S. *Si non prius*. Etenim horum dicta ab aduersarijs explicari de bono opere meritorio, quod nunquam reperitur in ijs, qui fide carent. Imò omnes fere scholastici, qui non similiter Augustino de operibus infidelium loquuntur, nè videantur S. Doctòri aduersari, dicunt eundem negasse opéra infidelium esse bona, hoc est, meritoria, vt Pelagiani contendebant. Sed hi planè Augustini libros persuntoriè legerunt; numquam enim Iulianus, alijue Pelagiani admiscere opéra meritoria, seu donantia ius ad gloriam sine gratia iustificante. Iuliani verba reddo ex lib. 4. cap. 3. S. Augustini contra eundem: *Cunctarum*, inquit, origo virtutum in rationabili animo sita est, & affectus omnes, per quos aut FRUCTVOSE, aut STERILITER boni sumus, in subiecto sunt mentis nostræ, prudentia, iustitia, temperantia, fortitudo. Horum igitur affectuum vis, cum insit omnibus naturaliter, non tamen ad unum finem in omnibus propestat, sed pro iudicio voluntatis, cuius natui seruiunt, aut ad æternam, aut ad temporalia diriguntur. Quod cum sit, non in eo, quod sunt, non in eo quod agunt (substantiam operis vocant Scholastici) sed in eo solum variant, quod merentur. Et postea: Ego STERILITER bonos dixi homines, qui non propter Deum faciendo bona, quæ faciunt, non ab eo uitam consequuntur æternam. Ità Iulianus virtutes viribus naturæ ab infidelibus acquisitas, veras virtutes secundum substantiam appellabat, negabat tamen esse meritorias gloriæ æternæ. At è contra Augustinus intulit, opéra sterilia non posse dici bona, sed tantum mala tum ex defectu relationis in Deum, tum ex inde detiuata philantia, vt superius exposuimus. Tibi, inquit S. Doctòr, virtutes sine fide sic placent, ut eas veras predices, eisq; bonos esse homines; & rursus, quasi te penituerit laudis earum, steriles pronunciare non dubites. Rursus: Aut certè, quoniam saltem concedis opéra infidelium, quæ tibi eorum videntur bona, non tamen eos ad salutem sempiternam regnumq; perducere &c. Hoc autem Pelagiani asserbant, quia credebant cum Catholicis per solam gratiam sanctificantem homines fieri filios Dei adoptiuos cum iure ad gloriam, quod ius viribus naturæ haberi posse negabant. Legantur eorum testimonia apud Augustinum lib. de pec. orig. cap. 5. lib. 6. cen. lul. cap. 17. & clarissimè lib. 3. oper. imperf. cap. 108. & 117. & lib. 5. cap. 9. Ex quibus satis euidenter ostenditur, Pelagianos non admisisse in infidelibus opéra meritoria regni cœlestis, & gloriæ, sed tantum de eorundem bonitate secundum substantiam cum Augustino contendisse. Porro de hac quæstione ad mentem S. Patris egregiè disputarunt duo insignes Augustiniani Theologi, Gregorius Ariminensis in 2. dist. 26. q. 1. & Gaspar Casalius Lusitanus Episcopus Leirensis lib. 1. de quadripartita iustitia per plura capita. Basilius Pontius Legionensis in priori parte relectionum de gratia ad mentem S. P. Augustini cap. 15. in resp. ad 2. scribit, se in altera parte de operibus infidelium disputaturum, quem tamen librum nusquam potui reperire. Ex exteris Augustini sententiam doctissimè defendit P. Macedo in Cortina D. Aug. quæst. 2. de necessitate gratiæ. Qui Doctores soluunt etiam argumenta, quæ contra S. Patris sententiam vulgò adducuntur; vnde ne actum agamus, hic eadem non repetimus. Legatur Ariminensis, qui optimè omnibus obiectis occurrit; neque enim Re-

centiores noua argumenta produxere, quibus Augustinianum assertum impugnarent. Scio illos opponere damnatam hanc Baij propositionem: *Omnia opera infidelium sunt peccata &c.* Sed hæc censura S. Patris sententia neutiquam percellitur. Etenim hic palam concedit in infidelibus aliqua opera bona in prima saltem sui productione, ex gratia tamen donata. Præterea etiam sine gratia homo appetitu innato ex Augustini sententia amat summum bonum, nullus enim est, qui non velit esse beatus. Et de his hæcenus.

At quoniam ob hanc ipsam sententiam de operibus infidelium Augustinus malè audit à Maldonato, libeat paucis hominis dicta refellere. Is igitur in comment. cap. 6. Matth. vers. 18. ita scribit: *Nec enim sequenda illa opinio est, quam Tridentinum Concilium nuper meritò damnauit, omnia peccatorum, aut etiam infidelium opera esse peccata, quamuis maximum auctorem D. Augustinum lib. 4. con. Iul. cap. 3. & con. duas epist. Pelag. cap. 5. & Prosperum sent. 106. habuisse uidetur.* Nusquam docuit S. Pater omnia opera peccatorum esse vitiosa, qui recentium hæreticorum error est damnatus in Tridentino scss. 6. can. 7. Imò Augustinus oppositum sæpè docet; nam cap. 7. de prædest. SS. tradit omnia bona opera Cornelij, antequam crederet, Deo accepta referenda esse, ut proximè ostendimus. Item lib. de patientia cap. 26. docet Schismaticum, qui timore pœnarum æternarum cruciatus sustinet, ne Christum neget, benè, citra meritum tamen vitæ æternæ, agere: *Nullo modo ista culpanda sunt*, inquit, imò verò & hæc laudanda patientia est. Et cap. 27. ait: *Neque enim hoc noui est bonum, ut credat homo æterno supplicio se esse puniendum, si negauerit Christum, ut pro ista fide quaecumque supplicium perferat, & contemnat humanum.* Proinde sicut negandum non est hoc etiam esse donum Dei, ita intelligendum est, alia esse Dei dona filiorum illius Hierusalem, quæ sursum libera est Mater nostra. Hæc sunt enim quodammodo hereditaria, in quibus sumus hæredes Dei, coheredes autem Christi. Alia verò, quæ possunt accipere etiam filij concubinarum, quibus Iudei carnales, & schismatici, & heretici comparantur. At Cornelius ante baptismum, item Iudei, & Hæretici inter peccatores censentur, quorum tamen opera quædam laudanda, utpotè Dei dona, Augustinus concedit. Illud verò tolerari nullo modo potest, quod audet Maldonatus asserere, Tridentinam Synodum damnasse sententiam Augustini de operibus infidelium. Vbi nam, quæso te, Synodus de operibus infidelium loquitur? Canone illo septimo damnat dicentem: *Opera omnia, quæ ante iustificationem fiunt, quacumque ratione facta sint, verè esse peccata, vel odium Dei mereri.* Quo anathemate configit errorem Nouatorum dicentium, omnia opera facta ab homine extra charitatem, & in peccato constituto esse peccata, quòd illa à conscientia reatu vitiantur, quæ sententia & falsa, & olim damnata fuit, uti vidimus, ab Augustino. Tantùm verò abest, ut Patres Tridentini eam S. Doctoris sententiam damnarint, quin potius non defuerit ex eorum cœtu & scientia, & dignitate percelebris, qui postea Augustini sententiam in sensu etiam seueriori acceptam defenderit. Hic autem est doctissimus Gaspar Casalius Augustiniani instituti vir, & Episcopus Leirensis Lusitanus, qui anno 1562. ingens volumen de quadripartita iustitia inscriptum Tridenti composuit, ac Legatis S. Sedis nuncupauit, in cuius libro 1. à cap. 22. diffusissimè S. Augustini sententiam propugnat, Patrum, & Theologorum tum auctoritate, tum rationibus eandem confirmans. At sessio illa de iustificatione celebrata fuerat anno

1547. Itane tantum audaciæ viro illi fuisse dicemus, ut damnatam à Synodo sententiam iterum tanta contentione defenderet? Libeat Casalium audire: Porro, inquit, de illo alio, quod semper Augustinus videtur docere, extra fidem, extra cognitionem veri Dei non reperiri aliquam veram virtutem, que non sit vitium, quid dicendum? Quid dicendum, inquam, secundum sententiam eius, & aliorum Sanctorum Doctorum? Quoad ipsum dicimus: Ipse quidem ita docuit, & quia verax erat, atque ex corde loquebatur, ita credidit. Nunc alij secus dicant, sed se ipsos sapientiores esse Augustino non ostendunt. Sed non adeo rigorosè de operibus infidelium S. Doctor locutus est, nam aliquos quandoque virtutum actus eisdem elicere palam concessit, ut ex dictis satis apparet.

S. V.

An S. Augustinus asserens parvulos puniri mitissima pœna sensus in inferis per excessum locutus sit.

N Vsqum novi Augustini censores potiori titulo excessus eidem obijcere videntur, quàm ubi de pœnis puerorum sine baptismo decedentium cum Pelagianis disputavit. Etenim antiqui etiam Scholastici hoc ipsum de S. Doctore publicaverunt. Hoc Scotus, hoc Richardus, hoc Maior, Capreolus, alijque unanimi consensu tradidere. De hoc Augustini placito scripsit S. Bonaventura: *Plus dixit, minùs volens intelligi.* Quam sententiam Annatus grandioribus caracteribus exscripsit, sæpiusque ad Augustini auctoritatem eleuandam obrudit. Nec desuere, qui rem politulo, ut ipsi quidem videntur, exemplo explicarunt teste Hauzério tom. 2. Anatomix Augustinianæ col. 765. *Hinc, inquit, sicut equites armati, dum inuehuntur in hostes, solent eodem impetu obuios etiam pueros inermes conculcare: ita & B. Augustinus persequendo Pelagianos, videtur quibusdam quasi præ feruore pugnandi minùs etiam parvulis illis pepercisse.* Quin imò nec à scommate abstinere; affirmat enim Soto illos, qui positam S. Augustini sententiam defendunt, nuncupari ignominix causa Tortores puerorum, & noster Puteanus in 1. 2. q. 83. art. 4. dub. 4. testatur, Gregorium Ariminensem, quòd similia Augustino tradidit, appellari tortorem puerorum. Itaque Adamus cap. 6. pag. 666. scribit Augustinum in taxanda infantium pœna zeli excessu extra questionem, quam cum Pelagianis habebat, tractum fuisse, ac præter intentionem locutum. Additque, Patres, qui de hac questione scripserunt, omnes contrariam sententiam tradidisse. Idem habet Moraines disp. 40. Num. 60. Quòd verò Gregorius Magnus, ac Fulgentius Ruspenfis in ea doctrina cum S. Augustino concinuerunt, scribit: *Non ex sensu Ecclesiæ, tanquam illius testes, sed ex suo id asseruisse.* Ego quidem rem Augustinianæ Scholæ gratam me facturum arbitror, si hac in re S. Patrem omni excessuum suspitione liberauero, simulque ostendero, eundem Catholicæ Ecclesiæ probatum dogma, communem antiquorum Patrum, ac se ipso dignam sententiam docuisse; è contra verò Scholasticorum plerosque in opiniones quasdam de infantium pœnis descendisse, quæ Pontificum Romanorum, Synodorum, ac Patrum statutis planè aduersantur. Rem paucis sic conficio.

S. P. Augustini sententia de penis sensibilibus parvulorum sine baptismo decedentium aduersus Pelagianos tradita proponitur. Primum pro eadem ex sacra Scriptura argumentum. Adversariorum responsiones explosæ.

Pelagiani licet assererent pueros sine originali peccato nasci, eosdem tamen, si sacris vndis innoxii decederent, in regnum cœlorum ire negabant, illam Domini sententiam reueriti: *Nisi quis renatus fuerit ex aqua, & Spiritu Sancto, non intrabit in regnum cœlorum.* Scribit hæc Augustinus serm. 124. de verb. Apost. Ideo, inquis, parvulo non baptizato polliceri regnum Dei non possum, contra Domini sententiam apertam. Cum verò ab omni crimine immunes pueros pronuntiarent, in locum pœnarum eosdem trudi inficiabantur, dicentes secundam quandam felicitatem illis statutam in medio quodam loco inter gloriam regni cœlestis, & inferorum supplicia. Vbi tamen hic medius locus esset, ipse Pelagius se nescire, ingenuè fassus est celebri illo dicto apud Aug. lib. de pec. orig. cap. 21. *Sine baptismo parvuli morientes, quod non eant, scio: quod eant, nescio.* Nec discipuli quid certius tradidere, hoc vnum asserentes, ire pueros in locum, vt mox notabam, secundæ felicitatis. At Augustinus hanc a Pelagianis promissam pueri felicitatem non modò irritè, verùm etiam solidis argumentis probavit, infantes sine baptismo defunctos, mitti in gehennam ignis. Hinc Hæretici Augustini sententiam, vt crudelem reiiciebant, vt patet ex his Iuliani verbis lib. 3. oper. imperf. cap. 200. *Sed reclamas. Audiamus ergo, quid parias Aristoteles Pœne. Tantum, inquis, malum ei inest, vt possideatur à Diabolo, atque æternum mereatur incendium.* Hæc ille, cui Augustinus: *Si autem non eruitur de potestate tenebrarum, & illic remanet parvulus, quid miraris in igne æterno cum Diabolo futurum, qui in Dei regnum intrare non finitur? An quia Pelagiani nescio quem parvulis non baptizatis præter Dei regnum, quietis, & vite æternæ locum præparant, ideo Christi erit falsa sententia: Qui crediderit, & baptizatus fuerit, salvus erit. Qui autem non crediderit, condemnabitur?*

Primum argumentum pro pœnis parvulorum S. Pater deduxit ex cap. 25. Matth. quod serm. 14. de verb. Apostoli ita proposuit: *[Venturus est Dominus, & iudicaturus de viuis, & mortuis, sicut Euangelium loquitur, duas par-
tes facturum est, dexteram, & sinistram. Sinistris dicturus: Ite in ignem æter-
num, qui paratus est Diabolo, & Angelis eius. Dextris dicturus: Venite benedicti
Patris mei, percipite regnum, quod vobis paratum est ab origine mundi.]* Hanc regnum nominat: hanc cum Diabolo damnationem. **NULLVS RELICTVS EST ME-
DIVS LOCVS,** vbi ponere queas infantes. De viuis, & mortuis iudicabitur; alij erunt ad dexteram, alij ad sinistram. Non novi aliud. **QVI IN DVBIO ME-
DIVM, RECEDE DE MEDIO.** Non te offendat, qui dextram quærit, & te ipsum admonet. Recede de medio: sed noli in sinistram. Si ergo dextera erit, & sinistra, & nullum medium locum in Euangelio novimus, ecce in dextera regnum cœlorum est: *Percipite, inquit, regnum.* Qui ibi non est, in sinistra est. *Quid erit in sinistra? Ite in ignem æternum.* In dextera utique ad regnum æternum, in sinistra ignem æternum. Qui non in dextera, procul dubio in sinistra. **ERGO QVI NON IN REGNO, PROCVL DVBIO IN IGNEM ÆTERNVM]** Vbi despiciens homines secus opinantes veluti de sæpe vulgi ait: *Hic quæris me-*

diū homo de mediō. Hæc Augustinus publicè pro concione recitauit Carthagine in basilica maiori coram Aurelio Primate totius Africæ, quo iubente eam orationem habuit, vt fusiùs narrauimus lib. 1. Hist. Pelag. cap. 5. Hinc versus finem ait: *Lego tantum: S. Cyprianus est, quem in manus sumpsi, antiquus Episcopus Sedis huius.* Illa igitur sententia de sensibili puerorum pœna publicè Orthodoxis tenenda tum temporis proponebatur, quam tanta certitudine S. Pater asseuerabat, vt procul dubio in ignem æternum ituros infantes pronunciarer. Vnde non primus illa docuisse credendus est, sed totius Ecclesiæ illius ætatis fidem securus. Idem Augustinus alio vitur testimonio, quod cum asfine recitato sit, hic indicabo. Lib. 1. de pec. mer. & remiss. cap. 28. ait: *Nec est ullus ulli medius locus, vt possit esse, nisi cum Diabolo, qui non est cum Christo.* Hinc & ipse Dominus: *volens auferre de cordibus* MALE CREIDENTIUM ISTAM NESCIO QUAM MEDIETATEM, *quam conantur quidam paruulis non baptizatis tribuere, vt quasi merito innocentia sint in vita æterna, sed quia non sunt baptizati, non sint cum Christo in regno eius, definitiuam protulit ad hæc ora obstruenda sententiam, vbi ait: Qui mecum non est, aduersum me est &c.* Hoc idem argumentum versat antiquissimus Author Hypognofticon lib. 5. cap. 5. vbi ait { Ecce non baptizatus, vitali etiam cibo, poculoque priuatus, diuiditur à regno cœlorum, vbi fons viuientium permanet Christus. Da mihi præter hunc alterum locum, vbi vitæ possit requies esse perennis. Primum enim locum fides Catholicorum diuina auctoritate regnum credidit esse cœlorum, vnde, vt dixi, non baptizatus excipitur. Secundum gehennam, vbi omnis apostata, vel à Christi fide alienus æternâ supplicia experietur. Tertium penitus ignoramus, imò nec esse in Scripturis sanctis inuenimus. Finge Pelagiane locum ex officina peruersi dogmatis tui, vbi alieni à Christi gratia vitam requies, & gloriæ possidere parvuli possint. Dextera est iusti iudicis sedentis, & sinistra: regnum, & gehenna: vita, & mors: iusti, & iniqui. In dextera igitur iusti sunt constituti, in sinistra operarij iniquitatis, in regno requies baptizatorum, in gehenna pœna incredulorum; vita ad lætitiâ gloriæ; mors ad stertum, & stridorem dentium; iusti in regno Patris cum Christo, iniqui in igne æterno parato Diabolo, & Angelis eius. Sed hoc dicens non diuisiones locorum multorum dedi, nisi duorum tantum, quoniam ad duo, regnum velicet & gehennam, hæc omnia referuntur, etiam si plura dicantur &c. Qui baptizatus ergo non est, in ijs, quæ regni cœlorum sunt, non potest reperiri. Et si non ibi, putasne Pelagiane iam sentis vbi, aut certè dic vbi? }

Varie huic argumento applicari solent ab Scholasticis responsiones, sed omnes facillè reijciuntur. Catharinus in opusculo de statu parvulorum postquam dixit, hoc argumentum esse oppositæ sententiæ *Achillem*, negat parvulos debere sisti in iudicio. Moraines disp. 40. de gratia N. 11. respondet primò, malè supponi ab aduersario esse dogma fidei, quòd ad iudicium generale, de quo Christus loquitur Matthæi 25. parvuli sint comparituri, ibiq; ad dexteram, vel ad sinistram collocandi. Nam contrarium sine errore contra fidem, affirmant Durandus, & Albertus. Et num. 12. respondet secundò neq; etiam fide diuina certum esse, quòd licet infantes ad iudicium generale sint comparituri, futuri sint de numero iudicandorum. Et citat Tostatum, Carthusianum, & S. Thomam 4. d. 47. q. p. art. 3. ad 3. vbi affirmat, pueros ante perfe-

am ætatem decedentes in iudicio comparituros, non ut iudicentur, sed ut videant gloriam iudicis. Quod probabile putat Suarez apud eundem Morainum. Numero verò 13. vltius respondet non satis constare, futuros in sinistra, ac non potius in medio quodam loco constitutos.

Nulla tamen ex istis responsionibus admitti potest. Nam apertè in Concilio Africano, ut mox ostendam, definitum est, parvulos futuros in sinistra his verbis: *Qui enim dextra caret, sinistram procul dubio partem incurret.* Et S. Gelasius Papa in epistola ad Episcopos per Picenum aduersus Pelagianos de iisdem parvulis inquit: *Et quia non nisi dextram partem legimus, & sinistram, non illos faciant in sinistra regione sine baptismo remanere, sed baptizatos sinant ad dextram salutarem sacre regeneratione transferri.* Hanc Gelasij epistolam legit Moraines, eamque disp. 2. num. 31. eruditam vocat. Verùm omittimus Africanum canonem, ac Gelasij epistolam, hæc enim Scholastici veteres non legere, nonne Augustinus hanc sententiam veluti Orthodoxum dogma tradidit? Statuit S. Doctor in epist. 107. ad Vitalem duodecim regulas, quarum septima, & octava his verbis describuntur. [Scimus quod omnes astabimus ante tribunal Christi, ut ferat unusquisque secundum ea, quæ per corpus gessit, non secundum ea, quæ si diutius viveret, gesturus fuit, siue bonum, siue malum. Scimus etiam, parvulos secundum ea, quæ per corpus gesserunt recepturos vel bonum, vel malum. Gesserunt autem non per se ipsos, sed per eos, quibus pro illis respondentibus, & renunciare Diabolo dicuntur, & credere in Deum, unde & in numero fidelium computantur, pertinentes ad sententiam Domini dicentis: *Qui crediderit, & baptizatus fuerit, salvus erit.* Propter quod & illis, qui hoc sacramentum non accipiunt, contingit, quod sequitur: *Qui autem non crediderit, condemnabitur.* Unde & ipsi, sicut dixi, si in illa pæna ætate moriuntur, utique secundum ea, quæ per corpus gesserunt, idest, tempore, quo in corpore fuerant, quando per corda, & ora gestantium crediderunt, vel non crediderunt, quando baptizati, vel non baptizati sunt, quando carnem Domini manducauerunt, vel non manducauerunt, quando & sanguinem biberunt, vel non biberunt; secundum hæc ergo, quæ per corpus gesserunt, non secundum ea, quæ si hic diu viverent, gesturi fuerant, iudicantur.]. Porro has duas sententias cum reliquis alijs decem pertinere ad fidem Catholicam docuit ibidem S. Pater his verbis: *Nempe manifestum est ex illis duodecim sententijs, quas pertinere ad Catholicam fidem negare non sineris &c.* Repetam hic Bellarmini verba lib. 2. de grat. & lib. arbit. cap. 11. licet alia occasione ab ipso pronunciata: *Nam, si Augustinus, inquit, de predestinatione (dicam de pœnis parvulorum iudicandorum) sententia falsa esset, non posset idem Augustinus ab ingenti temeritate defendi, quippe qui non solum tam acriter pro falsitate certasset; sed etiam pro fide Catholica revocitare ausus esset.* Idem postea etiam tradidit libro quinto operis postremi aduersus Iulianum. Beda etiam qui longè post Augustinum floruit, affirmat secundum Catholicam fidem parvulos iudicandos esse. Etenim in præliminari ad sacrum eodidem Canticorum aduersus Iulianum ait: *Quod dicit Iulianus, non aliunde alios iudicare, alios iudicari, nisi quia in eadem natura dispar voluntas sit, & quia cum omnes idem possimus, diversa faciamus, contradicit Catholice fidei, quæ etiam PARVULOS ESSE IUDICANDOS consuetur, eos qui in eadem natura positi priusquam aliquid boni, maline facere, aut velle, aut saltem nosse poterant, sine baptismo capti sunt.*

Secundum argumentum ex Scriptura.

Pueri nascuntur sub potestate Dæmonis, ex qua eorundem pœna sensibilis aperte demonstratur. Quam infelicitè huic argumento ab aduersarijs respondeatur. Octo pœnis parvulos subijci, quæ breuiter numerantur:

Alterum argumentum, desumitur ex omnibus ijs sacræ paginæ locis, in quibus humani generis captiuitas sub Principe Dæmone designatur. Ioan. 12. 31. *Nunc Princeps huius mundi eijcietur foras.* Marc. 3. 27. *Nemo potest rufas fortis ingressus in domum diripere, nisi prius fortem alliget, & tunc domum eius diripiet.* Idem Dominus testatur Matth. 12. 29. *Quomodo potest quisquam intrare in domum fortis, & rufas eius diripere, nisi prius alligauerit fortem.* Et Lucæ 11. Dominus comparat Dæmonem forti armato custodienti atrium suum. Ex quibus locis S. Doctor infert parvulos cum principe Dæmone æterno igne cremandos. Audi integrum Maximi Viri discursum lib. 3. operis imperfecti contra Iul. cap. 200. cuius superiùs fragmentum dedi. [Tu autem, inquit, qui eam, nempe imaginem Dei, negas à Diabolo possideri, procul dubio negas à potestate erui tenebrarum, cum in Christi regnum regeneratione transfertur, & accusas vniuersam Catholicam Ecclesiam magno crimine maiestatis, non enim legibus huius mundi tenetur reus quisquis imaginem, quamvis non viuam, Imperatoris exsufflat. Exsufflantur autem parvuli in exorcismo priusquam baptizentur; exsufflantur igitur viuæ imagines, non regis cuiusq; sed Dei. Imò verò exsufflatur, sed Diabolus, qui contagione peccati tenet procul dubio reum, ut illo foras misso, parvulus transferatur ad Christum. Exsuffletur itaque Iuliani amentia, ne maiestatis rea in parvulorum mundatione, & exsufflatione dicatur Ecclesia. Si autem non eruitur de potestate tenebrarum, & illic remanet parvulus, quid miraris IN IGNE ÆTERNO CUM DIABOLO FVTVRYM, qui in Dei regnum intrare non sinitur? An quia Pe-
lagiani nescio quem parvulis non baptizatis præter Dei regnum, quietis, & vitæ æternæ locum præparant, ideo Christi erit falsa sententia: Qui crediderit, & baptizatus fuerit saluus erit, qui autem non crediderit condemnabitur?] Rursus lib. 5. eiusd. oper. cap. 6. [An forte, inquit, homines non sunt, qui eruantur de potestate tenebrarum, quarum tenet Diabolus principatum? Aut verò ITA DESIPIS, ut affirmes eos sibi Diabolum non vindicare, quos possidet, & suæ potestati subditos tenet? Sed ut taceam de his, quos potestis dicere per suam malam voluntatem à Diabolo possideri. Quid dicturus es de illo, de quo Pat-
ter ipsius, Domino interrogante, respondit, quod ex infantia sua ab immuni-
tate instituta sunt, & communia impiorum, piorumq; sunt munera, Diabolus sibi, ut affligeret, vindicabat? &c.] Hoc argumentum valdè torquet aduersarios, qui varijs datis solutionibus vim eiusdem, ut ego quidem arbitror, frustra quædere conantur.

Respondet primò quidam aliàs celeberrimus Theologus. Hęc pœna non videtur debita peccato originali, sicut ei non debetur pœna sensus, ita non debetur simul traditio in manus hostis potentissimi, & insensibilissimi, qui perducit

cat hominem in necessitatem moralem incurrendi eiusmodi poenam, & simul prohibitio auxiliatoribus ne suppetias ferant. Hæc enim esset poena grauior, quàm poena sensus, quippe tolerabilius est solùm cruciari, quàm poni in morali necessitate noui criminis merentis illum cruciatum. Hæc responso non consonat Ecclesiæ statutis, ex quibus apertè colligitur ex peccato originali nos esse captiuos Dæmonis. S. Cælestinus, vt vulgò putant, in epistola ad Episcopos Galliæ cap. 12. hæc definit: *Illud etiam, quod circa baptizandos in vniuerso mundo sancta Ecclesia vniiformiter agit, non otioso contempleris intuitu: cum sine parvuli, siue iuvenes ad regenerationis veniunt sacramentum, non prius fontem vitæ adueniunt, quàm exorcismis, & exussationibus clericorum spiritus ab eis immundus abigatur, ut tunc verè appareat quomodo Princeps mundi huius mittatur foras, & quomodo priùs alligetur fortis, & deinceps vasa eius diripiantur in possessionem translata victoris, qui captiuam ducit captiuitatem, & dat dona hominibus. His ergo &c.* Quam doctrinam postea vniuersa Ecclesia tradidit, vt patet ex cap. *Sacerdotes*, de consecrat. d. 4. & cap. *Parvuli*, & cap. *Sicut nosis*, & cap. *Dehinc* &c. & expressè Synodus Tridentina sess. 5. de pec. orig. definit, Adam incurrisse cum morte captiuitatem sub eius potestate, qui mortis deinde habuit imperium, hoc est Diaboli. Hinc S. Aug. Lib. 6. oper. post. con. Iul. cap. 20. reprehendit Iulianum ægrè ferentem dominum, ac possessorem imaginis Dei Diabolum imponi, hæc scribens: *Dicit Iesus, qui secundum hoc nomen suum saluum facit populum suum à peccatis eorum: Nemo intrat in domum fortis, nisi prius alligauerit fortem, & vos in hoc populo Christi, quem saluum facit à peccatis eorum, parvulos non esse conceditis, quos vt à proprijs, ita nec originalibus vultis obstrictos esse peccatis, & cum fallaci vestro sermone minuitis vires eius, quem dixit veritas fortem. Postea: Nec tibi videatur indignum, quòd subiecta est Diabolo imago Dei, hoc enim non fieret nisi iudicio Dei, nec remouetur ista damnatio, nisi gratia Dei &c.*

Catharinus more solito, hoc est audacter, in opusculo cit. ait: *Neque sub Diaboli perpetuò potestate erunt, quia & pro illis eiectus erit Diabolus foras in die nouissimo, vt nihil inuis habeat vltius in illos.* Hoc tamen responsum, vt benè etiam notauit Bellarminus, ab homine Catholico defendi minimè potest. Peto enim, quare infantes modò sint captiui Dæmonis? Clara sunt Ecclesiæ dogmata: ob peccati originalis maculam. Rursus interrogandus est Catharinus, an hæc macula duratura sit post diem iudicij, vel non? Si secundum dicat, in errorem labitur, solo enim baptismo illa culpa destruitur: *Hac noli dicere*, ait Augustinus, *si vis esse Catholicus.* Si primum, ergo remanebit integrum ius Dæmoni in pueros etiam post diem iudicij, cum adhuc obnoxij erunt peccato originali. Audiat, velit nolit, Augustinum, quem hac in quæstione, vt in alijs etiam sæpè impugnat lib. 1. de nupt. & concup. cap. 23. *Hoc generi humano inflatum vultus à Diabolo, quidquid per illud nascitur cogit esse sub Diabolo, tamquam de suo fructice fructum iure decerpit, non quòd ab illo sit natura humana, que non est nisi ex Deo, sed vitium, quod non est ex Deo. Non enim propter se ipsum que laudabilis est, quia opus Dei est, sed propter damnable vitium, quo vitiosa est, natura humana damnatur; & propter quod damnatur, propter hoc & damnable Diabolo subiungatur, quia & ipse Diabolus spiritus immundus est. Idem asseruit S. Fulgentius lib. 1. de verit. prædest. cap. 14. Causa verò maiorum, atque minorum, qui sine baptismo in vitæ præsentis in infidelitate consument, quantum attinet ad communionem originis*

1a. 12.

Matth. 12

2. sol. 4. 7.

19. 2. phos.

4. 1.

Lib. 9. de

orig. ani-

ma cap. 3.

ginalis peccati, una est. Ex hac utriusque ibunt in ignem æternum, qui paratus est Diabolo, & Angelis eius, quia in eis chirographum, quo sibi eos deceptoris nequitia subdidit, Saluatoris gratia non deleuit.

Respondet Arriaga tom. 1. in 1. 2. disp. 52. nihil aliud significare pueros esse sub potestate Diaboli, quàm esse peccatores. Alij verò ideo putant, pueros esse sub potestate Diaboli per peccatum originale, quia Dæmon ex illo peccato habuit potestatem tentandi genus humanum, & consequenter ipsum perdendi in gehenna. Verùm aliud est esse peccatorem, aliud captivum Diaboli; captiuitas enim est effectus peccati, sicuti si quis Princeps subditum ob aliquod crimen in tyranni alicuius potestatem detruderet. Porrò quemadmodum peccatum mortale hominem transcribit in familiam subditam Diabolo, hoc etiam peccatum originale præstat, vnde dicebat S. Doctor lib. 1. de pecc. merit. & remiss. cap. 34. initio. *Quid de ipsa forma sacramenti loquar? vellem aliquis istorum, qui contraria sapiunt, mihi baptizandum parvulum offerret. Quid in illo agit exorcismus meus, si in familia Diaboli non tenetur?* Quod verò alij dicunt ideo esse genus humanum sub potestate Dæmonis, quia hic potestatem, & ius ex illo peccato contraxit tentandi homines, ineptè profus asseritur; tum quia nequit pueros tentare, qui velle nil possunt, tum quia potuit tentare Adamum, qui tamen nondum erat sub potestate Dæmonis, tum quia posse tentari, non est esse, sed posse esse captivum. At pueri nascuntur reapse captiui Dæmonis. Vnde Zosimus Papa epist. 157. apud S. Aug. ait: *Nullus enim, nisi qui peccati servus est, liber efficitur, nec redemptus dici potest, nisi qui verè per peccatum fuit ante captivus.* Clarè etiam S. Gregorius lib. 26. Moral. cap. 20. distinguit captiuitatem à potestate tentandi: *Nunc princeps, inquit, huius mundi eicietur foras. Vnde iam nunc Sanctos homines non tenendo possidet, sed tentando persequitur. Nam quia non in eis intrinsecus regnat, contra eos pugnat extrinsecus, & quia intus dominium perdidit, bella molitur foris.*

Præterea falsum est, pueros eodem modo esse sub potestate Dæmonis per peccatum originale, sicut per quodlibet actuale, vti docet Moraines num. 13. Nam in parvulis, & cæteris non baptizatis ius habet Dæmon veluti in proprio mancipio, vt enim definit S. Cælestinus Papa supra, vtimur exorcismis, & exsufflationibus clericorum, vt *Spiritus ab eis immundus abigatur.* Ergo verè sunt possessi à Dæmone per inhabitationem, cum neque *Spiritus immundus abigi*, nec *Princeps eijci foras* possit, nisi sit intus in parvulo. Quibus tamen exorcismis, & exsufflationibus non vtimur ad absoluendum peccatorem vel omnium pesimum, sed tantùm in energumenis sanandis, qui intus à Diabolo per inhabitationem possidentur. Notauit hoc insignis ille Carmelita Io: Bacconus, qui cæteris Scholasticis antiquis de hac captiuitate, vnde parvulorum pœnæ satis clarè inferuntur, vix pauca verba facientibus, vnus ipse Augustino-Catholicæ sententiæ adhæsit in 2. sent. d. 39. quæst. 1. vbi ait de Dæmonis dominio: *Inhabitat dico, non sicut forma informans, nec per formam aliquam, quam creat in anima peccatrice, sicut Deus eam creat, sed habitat per dominium in peccante, seu alijs verbis iure dominij, & potestatis.* Et ibi ad 2. dub. definit originale peccatum per obsequium nostræ voluntatis erga Diabolum, & ex consequenti etiam Diaboli inhabitationem. Inhabitat igitur Dæmon in corporibus non baptizatorum tum puerulorum, tum adulatorum non, vt verè sint emergenti,

sed

sed ut Princeps iure dominij in regno suo, tanta est potestas, quàm in illos habet Princeps tenebrarum, quæ omnia ex exufflationibus, & exorcismis colliguntur; siquidem dum parvulus baptizatur, dicit Sacerdos: *Exi Spiritus immunde, & da locum Spiritui Sancto*. Peccatores verò fideles sunt de corpore Ecclesiæ, cuius caput est Christus. De potestate Dæmonis supra infideles latè discurret S. Doctor epist. 107. ad Vitalem.

Respondet tandem Moraines. *Tertiatio*, inquit num. 17. nos minimè tangit, qui non negamus parvulos illos mansuros esse in æternum Deo innisos propter peccatum originale, & quodammodo sub captivitate, ac servitute Diaboli, ut in hac vita, privatos scilicet speciali Dei protectione, qua ab eius inuasionibus, & infestationibus fiant immunes. In hac responsione maximè displicet illa particula quodammodo, limitans Dæmonis in captivos potestatem. Egregiè inquit Augustinus lib. 6. con. Iul. cap. 20. *Cum fallaci vestro sermone minuitis vires eius, quem dixit veritas fortem*. Ut quid enim additur restrictio, quam nec Concilia, nec Pontifices apposuerunt? Illud autem in eadem responsione summè placet, quòd fateatur pueros non futuros immunes à Dæmonis inuasionibus, & infestationibus, hoc enim est, quod intendimus, nempe futuros obnoxios penis sensibilibus, eò quòd futuri sunt sub crudelissimi tyranni potestate. Nisi dicat, infantes nihil mali ex huiusmodi inuasionibus, & infestationibus percepturos, quo quid dici potest ineptius, vexantur enim non à frigore, non à calore, sed à Dæmone, cui mille nocendi artes.

Simile etiam adducto argumento est illud, quod colligitur ex epistola ad Rom. 9. *Sic autem Deus volens ostendere iram, & demonstrare potentiam suam attulit in multa patientia vasa iræ, quæ perfecta sunt in perditionem*. Quæ vasa iræ ibidem vasa etiam contumeliæ appellantur ab Apostolo. Cum igitur infantes sint vasa contumeliæ, cui, quæso, loco illa Deus deputabit? Deus, inquit Fulgentius, vasa contumeliæ æterno semper arsuræ deputabit incendio. Patres Africani in epistola Synod. cap. 13. *Vasa contumeliæ sunt, quibus dicitur, Ite maledicti in ignem æternum, qui præparatus est Diabolo, & Angelis eius*. Quod priùs docuerat Africanæ Ecclesiæ Magister lib. 1. oper. post. con. Iul. in fine: *Nos verò Deum quidem parvulorum opificem prædicamus, sed ex eadem massa medium locum vasis, ubi nec in honorem fiant, neq; in contumeliæ, quem non dedit Apostolus, non damus*. Considerent igitur aduersarij tantam esse potestatem Dæmonis in sua vasa, ut priùs, ut inquit Christus Dæmonis triumphator, ligandus fuerit, quam ex eius domo vasa raperentur, nec minuant, ut ait S. Doctor, *fallaci sermone vires eius, quem dixit Veritas fortem*.

Certum igitur est, parvulos non baptizatos esse vasa contumeliæ in domo Dæmonis, è qua per Christum non sunt erepta, & captiua ibidem teneri à forti armato custodienti atrium suum. Hanc tenebrosam domum Scholastici antiquiores dixerunt Limbum, in quo paruuli detinentur. Ita Sancti Thomas, Bonaventura, item Scotus, Ægidius, Durandus, Richardus, & alij communiter teste Bellarmino cap. 2. supra. Ex qua doctrina, velint nolint, probatur pœna sensus. Pro quo notandum est, quod docet S. Doctor lib. 21. de ciuit. Dei cap. 11. *Octo genera pœnarum in legibus esse: damnum, vincula, verbera, talionem, ignominiam, exilium, mortem, seruitutem*. Ergo cum paruuli præter pœnam exilij, quam Scholastici vocant pœnam damni, patiantur seruitutem sub Dæmone, &

cârcerem, aliam profeâd pœnam patiuntur à pœna damni. Qualis autem sit ista pœna seruitutis sub Principe tenebrarum, ac forti armato audiuius, supra à celeberrimo quodam Theologo dicente: *Hæc enim esset pœna gravior, quam pœna sensus*. Verissimè. Pone exempli gratia Principem filios alicuius subditi non solum exilio mulctare, & paterna etiam hæreditate priuare, sed illos quoque tyranno cuiuspiam in mancipia diuendere, haud sanè exigua esset postrema ista pœna captiuitatis. Porro nulla peior, nulla acerbior, nulla atrocior captiuitas est, quàm esse sub Dæmone Phalaride, Dionysio, Maxentio crudeliore, tyrannorum omnium truculentissimo. Neque leuis censenda est pœna carceris præcipuè sub forti armato custodiende atrium. Id etiam alter è Societate Scriptor Neotericus non inficiatur; *grauissimam*, inquit Arriaga 1. 2. disp. 5. 2. num. 5. *pœnam* illam carceris fore, vbi veluti stipites nec videre, vel olfacere, nec gustare quid possent; sanè hæc sensibilis pœna esset, Vnde plures ex iisdem Scholasticis Recentioribus, ne pueros pœna carceris affligant, *nescio quem tertium decipiendis paruulis faciunt locum*, uti olim Pelagiani teste S. Gelfio Papa, cuius proxima verba sunt, & S. Augustino sapissimè id affirmante, & irridente, finxerunt.

R. m. 9.

Verùm quid dicent aduersarij, si octo illa pœnarum genera à parvulis sustineri probabimus? Pœnam damni, & exilij ipsis conceduunt, modò pœnam captiuitatis, & carceris ex Sacris literis clarè deduximus. De reliquis quatuor idipsum probamus. Vincula illos pati certum est, cum sint captiui, nec illa solui possint, nisi priùs ipse fortis armatus custos atrij alligetur. Patiuntur etiam pœnam ignominie sunt enim, teste Apostolo, *vasa contumelia*. Hinc S. Doctor lib. 1. con. Iul. oper. imperf. cap. 138. *Ex qua tamen (massa) alios in Dei regnum adoptari fatemini, quos procul dubio vasa in honorem facta conceditis; alios verò non adoptari, quos facta vasa in contumeliam, nisi intelligenter consensatis, impudenter negatis*. Neque enim, si non est pœna damnationis, sicut vultis, non erit *alteram contumelia imaginis Dei, separari à regno Dei*. Insuper patiuntur verbera, carent enim teste Morainio num. 17. *speciali Dei protectione, qua ab eius, scil. Dæmonis, inuasionibus, & infestationibus fiant immunes*. Nec putandus est adeo mitis hic Tyrannus, ut seruos suos ne semel quidem flagris affligat. Satis sit, infantes esse vasa in illius domo, ut ait Christus, & captiuos in familia Diaboli teneri, ut docet S. Pater lib. cit. de pec. mer. cap. 34. Adde his pœnam talionis, qui enim cum suo primo Parente noluere esse sub Deo, facti sunt serui sub Diabolo. Tene aurea S. Doctoris verba lib. 14. de ciuit. Dei cap. 15. *Iusta damnatio subsecuta est, talis quidem damnatio, ut qui custodiendo mandatum fuerat etiam carne spiritalis, fieret etiam mente carnalis: & quia sua superbia sibi placuerat, Dei iustitia sibi donaretur, nec sicut affectabat in sua esset omnimoda potestate, sed à se ipso quoque dissentiens sub illo, cui peccando consensit, pro libertate, quam concupierat, duram, miseramque ageret seruitutem; mortuus spiritu volens, & corpore moriturus inuitus: desertor æternæ vitæ, etiam æterna, nisi gratia liberaret, morte damnatus*. Mortem verò pœnarum vltimam non solum corporalem, sed etiam spiritualem incurrisse per peccatum vniuersam Adam posteritatem certum est. Et quidem pueros ex peccato originali pœna mortis secundæ mulctatos tradit passim S. Doctor. Lib. 1. ad Bonifacium cap. 22. ait: *Aut si Euangelicis vocibus cogimur confiteri, nec vitam, salutemque posse habere paruulos de corpore exeuntes, nisi fuerint baptizati, querite*

quarite, cur compellantur non baptizati secunda mortis subire supplicium. Mors autem secunda ex cap. 20. Apocalypsis intelligitur, vbi hæc leguntur: *Et qui non est inuentus in libro vitæ scriptus, missus est in stagnum ignis.* Et postea: *Infernus, & mors missi sunt in stagnum ignis. Hæc est mors secunda.* Quare cum pueri sine baptismo decedentes, non sint scripti in libro vitæ, dubio procul morti secundæ, hoc est, igni deputantur. Hoc argumentum & fusè, & eruditè ex Augustino urget Archiepiscopus Thuamenis in opusculo de hac quæstione cap. 11. & 12. Scio Morainum respondere num. 69. mortem secundam esse priuationem visionis Dei. Sed hæc responsio rejicitur ab Augustino cap. 92. Enchirid. & lib. 13. de ciuit. cap. 8. Et lib. 19. cap. 28. item à S. Fulgentio lib. 1. ad Monimum cap. 6. vbi ex sacris literis pronunciant mortem primam esse, cum anima separatur à corpore, secundam verò cum eadem æternum punitur cum corpore.

Eadem S. Doctoris sententia probatur ex Concilijs Africanis, & literis Innocentij Pape. Assertio de penis parvulorum ab Ecclesia Africana inter fidei dogmata, teste S. Fulgentio, relata. Insigne pro eadem re S. Gelasij Pape testimonium.

Scholastici, qui in statuendis parvulorum pœnis in diuersam ab Augustino sententiam abiire, publicarunt, eiusdem opinionem vnum Augustinum patronum habere, vt loquitur Catharinus, eamque paucissimos sequi, vt ait Moraines. Imò Catharinus vnum sibi opponens Augustinum scribit: *At magna, inquit, est auctoritas Augustini, magna profectò, sed veritatis, qua iam pateat longe maior, longe maior Pontificum auctoritas, & Ecclesia de cathedra docentis, & communis Doctorum sententia.* Quibus ille Author in veterum Patrum scriptis se planè hospitem prodidit; etenim Sancti Patris sententiam & Synodorum, & Pontificum testimonijs confirmabimus, & ijs quidem adeo euidentibus, vt minimè dubitem, quin Scholastici, si in eadem incidissent, ne latum quidem vnguem ab Augustiniana sententia discessissent. Rectè Scotus in 2. dist. 33. q. vn. *Magistrorum* Parisiensium placitum contra Augustinum stare dixit, quibus tamen totius Africæ vetustiores Episcopos opponemus.

Et quidem veteres Parisiensis Scholæ Doctores, cum summa ingenia Scholæ subtilitatibus deuouissent, parum fuere in Synodorum, ac Patrum lectione versati. Hinc eruditionis defectu quasdam opiniones obtrudere, à quibus antiquioris Ecclesiæ magistri longiùs distarunt. Hoc in præsentì controuersia patebit, in qua Scholastici ex manca Pelagianæ hæreseos notitia, vt à recepta antiquior sententia recesserunt, ita illorum plerique in quibusdam cum Pelagianis conuenere, quod etiam notauit cum laudis præfatione nominandus Cardinalis Bellarminus, cuius verba in calce ferè huius controuersie recitabo. Primi omnium Africani Patres Pelagianorum errores anathemate perculerunt in vtraque Synodo prouinciæ Carthagenensis, itemque in atera Synodo Mileuitana, dein in plenarijs Concilijs, vt fusius libro priori historię Pelagianæ nobis descriptum est. In his autem sacris conuentibus pœnas sensibiles puerorum sine baptismo decedentium statutas esse demonstrò, Patres Synodi Carthagenensis in literis ad Innocentium apud Augustinum epistola.

90. hæc de Pelagianis scribunt: *Parvulos etiam propter salutem, qua per Salvatorem Christum datur, baptizandos negant, ac sic eos mortifera ista doctrina in æternum necant, promittentes etiam si non baptizentur, habituros vitam æternam.* Patres verò Numidiæ provinciæ in epistola ad eundem Innocentium, quæ inter Augustinianas est 92. hæc ipsa scribunt de eisdem hæreticis: *Pueros quoque parvulos, si nullis innoventur Christianæ gratiæ sacramentis, habituros vitam æternam, nequam presumptione contendunt.* Innocentius Pontifex his literis acceptis, gravi rescripto novæ hæreseos falsitatem confixit: *Illud verò, inquit, quod eos vestra fraternitas asserit predicare, parvulos vitam præmijs etiam sine baptismatis gratia posse donari, perfactum est.* Epist. 95. apud Augustinum. Itaque tum Synodi, tum Pontifex illam vitam æternam parvulis in originali peccato mortuis negarunt, quam Pelagiani eisdem pueris dabant. Vita autem æterna dicit perpetuam possessionem Dei animam beantis in regno cælorum, & ex consequenti exclusionem cuiuscunque miteriæ, cui vitæ opponitur æterna mors, quæ consistit in perpetua amissione summi boni, & perenni afflictione, ac cruciatibus in inferis. At Pelagiani nusquam ausi sunt dicere, pueros sine baptismo ituros in regnum cælorum, ut ex serm. 14. de verbis Apostoli superiùs laudato exposuimus. Scribit de ijsdem Augustinus lib. 1. de pec. mer. & remis. cap. 18. *Dicunt parvulos recenti vitæ editos visceribus matrum, non propter remittendum peccatum percipere baptismum, sed ut spiritalem procreationem non habentes, creantur in Christo, & ipsius regni cælorum participes fiant, eo modo filij, & hæredes Dei, & hæredes autem Christi.* Hinc idem S. Doctor contra Pelagianos ait lib. 2. oper. imperf. cap. 113. *Respondete, quid sitis, qui tot imagines Dei sine ullius peccati merito separatis à regno Dei, & facitis duas æternas felicitates. Unam quæ sit in regno Dei: alteram, quæ sit extra regnum Dei.* Et lib. 1. eiusdem operis cap. 132. tradit parvulos iuxta Pelagianos futuros in loco aliquo secundæ felicitatis, quem, inquit, talibus adificavit hæresis vestra. Ex his inferitur, vitam æternam, quam illi Hæretici pueris promittebant, sitam fuisse in secunda quadam felicitate, hoc est, minori eâ, qua fruebantur beati in regno cælorum. Nam cum ibidem pueri nullos cruciatus per totam æternitatem passuri essent, æternum felices vivere ab ipsis dicebantur. Scribit S. Fulgentius lib. 1. ad Monimum cap. 6. *Deum animæ per peccatum mortuæ duplicem insuper mortem comminatum: Primam in separatione animæ, & corporis: secundam in æterna cruciatione animæ, & corporis.* Ac per hoc primam, qua discedente animâ caro sola moritur: secundam verò, quando rediens in carnem animâ in eadem, & cum eadem, in qua peccavit, carne torquetur. Primæ morti opponitur vitâ temporanea, alteri verò vitâ æterna, quando animâ perpetua felicitate fruatur, qua de re legatur Augustinus lib. 20. de civit. Dei cap. 6. Itaque vitâ æterna infantium ex Pelagianorum sententia illa est, quæ opponitur morti secundæ, quæ ideo ex Augustino lib. 18. ibidem cap. 28. *secunda mors ducitur, quia nec animâ ibi vivere dicenda est, quæ à Dei vitâ aliena erit, nec corpus, quod æternis doloribus subiacebit.* Quare cum Synodi Africanæ, ac S. Innocentius damnarunt dicentes, pueros sine baptismô defunctos habere vitam æternam, exploserunt secundam illam felicitatem, quam extra regnum Dei Pelagiani infantibus promittebant, & ex consequenti decrevere, eosdem subituros etiam mortem secundam, quæ beatæ vitæ opponitur. Caterùm vitâ illa æternum beata, quam Pelagiani pueris destinabant,

bant, ante Synodos Africanæ reiecta fuit in Concilio Diospolitano anno 415. vbi cum obiectum fuisset Pelagio, Celestium ipsius discipulum docuisse; *infantes etiam si non baptizentur, habere vitam æternam*, negavit se illa dixisse. Hinc Pelagium premebat Augustinus epist. 106. ad Paulinum Nolanum pueros sine gratia regenerationis in Christo non habere in se vitam, ac per hoc pœna sempiternæ obnoxios.

Conrius, ac Moraines existimarunt vitam æternam, quam parvulis Pelagiani pollicebantur, sitam fuisse in visione clara Dei extra tamen regnum cœlorum. Vnde responderi potest his, quæ huc vsque deduximus, Synodos statuisse pueros non posse sine baptismo frui vitæ æternæ, hoc est, visione clara Dei; nec tamen statim inferri, morte secunda iuxta totam suam latitudinem, plectendos, sed propterea tantum dicit priuationem visionis Dei, non quatenus continet cruciatus, & æterna supplicia animæ, & corporis. Sed hæc sententia nulla ratione admitti potest, si consideremus, quid Pelagiani nomine regni cœlorum intelligerent. Et licet Moraines num. 55. dicat eosdem id non satis expressisse, colligitur tamen, quæ fuerit illorum sententia ex Iuliano lib. 6. oper. imperf. cap. 37. vbi ait: *Multò maxime congregatio omnis glorificata. Sanctorum esse Deo subiecta non desisset, sed totum corpus dignum regno cœlorum, quod sub Christi capite construitur, diuina voluntati perfectæ affectione cohereret, ut extincta omni cupiditate culparum, Deus & contineat cunctos, & compleat.* Ex his inferitur Pelagianos non promississe pueris visionem beatam; etenim videns Deum; diuina voluntati perfectæ affectione cohereret, ut extincta omni cupiditate culparum; Deus & contineat eundem, & compleat. Quare pueri fruenter visione clara Dei, reapse forent in regno Dei, quod illi negabant. Rursus S. Augustinus vbi que premittit Pelagianos negantes peccatum originale, quod pueri exclusi à regno cœlorum immerito, & iniuste tanta miseria torquerentur. Lib. 2. oper. imperf. cap. 113. *Ac tandem aliquando, inquit, extra regnum Dei infelices futuros fatemini parvulos non renatos. Diu ergo huius infelicitatis meritum uerbosi, & contentiosi, qui negatis originale peccatum.* Et lib. 4. cap. 99. ait: *Ipsum etiam regnum sic amatis, ut non ibi esse, non saltem leuem pœnam credatis hominis esse, sed nullam.* Quod si Pelagiani extra regnum Dei dabant parvulis visionem Dei, haud congruenter Augustinus contra ipsos inferebat, pueros futuros infelices, & pœnæ subiectos. Nam videns Deum, possidet summum bonum, nec ullo pacto potest esse infelix; aut alicui pœnæ obnoxios. Præterea S. Pater libro 2. oper. imperf. cap. 113. his instat Iuliano, & collegis: *Dicite, obsecro, in ea felicitate, quæ extra Dei regnum erit, ullusne regnabit, an nullus? Si nullus liberior erit procul dubio sine ullo Rege illa felicitas. Si uero ullus in ea regnabit, quis erit Rex imaginum Dei, qui non erit Deus?* At in illa secunda felicitate pueri fruerentur visione Dei, & profecto Deus in illis regnaret, nec eo dilemmate Augustinus aduersarios percussisset. Etenim Deus clarè visus, regnat solus in anima videntis, & omnes eiusdem actus regit, ac moderatur. Itaque Pelagiani beatitudinem naturalem pueris destinabant, ut enim illi naturaliter innocentes ab iisdem asserbantur, eiusdem etiam ordinis beatitudinem inuexere, in quo tamen dogmate numquam, quid sentirent, nostris innotuit; unde Augustinus, alijque Patres eorundem sententiam plane se non percipere fassii sunt. Ille lib. de prædest. SS. cap. 13. narrat, à Pelagianis promitti pueris NESCIÒ CUIVS felicitatis locum; & in lib. de heresibus

libus cap. 88. *eternam & beatam QUANDAM vitam suam*. Idem habet lib. 1. de orig. animæ, cuius verba mox referam. Ipse Pelagius dicere solebat: *Quid sciam nescio*, ut ex Augustino superius dictum est.

Redeo ad Africanas Synodos. In Concilio celebrato anno 418. Carthagine contra Pelagianos, in quo hic canon in vetustis codicibus statutus legitur. *Item placuit, ut si quis dicit, ideo dixisse Dominum: In domo Patris mei mansiones multe sunt, ut intelligatur, quia in regno cælorum erit ALIQUIS MEDIUS, aut VLLVS ALICVBI LOCVS, ubi beate uiuant paruuli, qui sine baptismo ex hac uita migrarunt, sine quo in regnum cælorum, quod est uita æterna, intrare non possunt, anathema sit.* Nam cum Dominus dicat: Nisi quis renatus fuerit ex aqua, & Spiritu Sancto non intrabit in Regnum cælorum, quis Catholicos dubitet, PARTICIPEM FORE DIABOLI, qui cohares esse non meruit Christi? Qui enim dextra caret, SINISTRAM PROCVL DVBIO PARTEM INCVRRET. In historia Pelagiana lib. 1. cap. 13. hunc canonem recitanti, ubi ex Photio ostendi in antiquis codicibus scriptum fuisse, quod etiam testatur Binius, licet à nonnullis omisus sit, de quo nolo cum quopiam contentionis funem ducere. Interim hoc ipsum S. Augustini testimonio confirmabo, qui lib. 2. de orig. animæ cap. 12. scribit: *Novellos hereticos Pelagianos iustissime Conciliorum Catholicorum, & Sedis Apostolica damnavit auctoritas, eo quod ausi fuerint non baptizatis paruulis dare quietis, & salutis locum etiam præter regnum cælorum.* Vnde satis verisimile sit, laudatum canonem reapse fuisse ab Africanis Synodis exaratum. Illud verò observandum venit, ideo Patres negasse alium alicubi locum, quia duo tantùm loca nominantur in sacris literis, nempe dextra, & sinistra Iudicis, vnde asserunt pueros futuros in sinistra, & ex consequenti participes fore Diaboli. In eodem libro de origine animæ cap. 9. scribit S. Pater: *Non baptizatis paruulis nemo promittat inter damnationem, regnumque cælorum quietis, vel felicitatis CIVIS LIBET, atque VBILIBET quasi MEDIUM LOCVM.* Hoc enim eis etiam heresis Pelagiana promisit. Quare cum illa opinio de quasi medio loco, nempe inter inferorum pœnas, & gaudia regni cœlestis, inter errores hæresis Pelagianæ Augustinus recensuerit, constat eandem & ab Africanis Patribus; qui contra illam hæresim diligentissimè excubuerunt, damnatam fuisse, quod ex dicendis clarissimè apparebit.

His addam Synodum Byzacenorum Patrum in Sardiniam à Thrasamundo Rege Vandalorum Ariano relegatorum sententiam. Cum Constantinopoli graues de diuina gratia lites agitarentur, nonnulli Monachi pro ipsdẽ componendis Romam profecti, audita Africanorum Antistitum in Sardinia exilium fama, legationem ad eosdẽ destinarunt; librum etiam miserunt de Incarnatione Domini, & diuina gratia à seipsis conscriptum, rogantes ut de eodẽ iudicium ferrent. Byzaceni Patres, cum communi consilio, quid memoratis Monachis rescribendum foret deliberassent, Fulgentio Episcopo Ruspensi iniungere, ut decreta à Patribus in literas mitteret, qui è vestigio librum exaravit inscriptum de Incarnatione, & gratia. In eo autem Augustini sententia de pœnis puerorum apertissimè traditur; etenim cap. 14. inquit: *Quid iustitia est, ut imago Dei, qua nihil potuit per se ipsam delinquere, si non redimatur sanguine filij Dei, in regnum Dei non permittatur intrare? Quò utique quisquis non ingreditur, INTERMINABILIBVS IGNIS AETERNI CRUCIABITVR POENIS.*

Qua igitur iustitia Deus iustus infantibus sine peccato nascentibus ingerit penam, in quibus pena non inuenit causam? Item cap. 30: hæc scribuntur: Quomodo infantibus, qui baptizantur, & in eadem infantia moriuntur, donat eternam salutem, quorum bonam nec expectat, nec inuenit voluntatem? Item alios quomodo sine baptismo, mortuos ATERNIS CRUCIATIBUS damnat, cum in eis nullam culpam mala voluntatis inueniat. Nonne istos inimicos gratia Dei, nec defensores humani, sed deceptores arbitrij ad hoc sua peruersitas cogit, ut Deum putent iniquum in obitu omnium paruulorum, & ubi nulla interueniente vel bonitate, vel malitia voluntatis, alios uident potiri regno, alios INTERMINABILI DEPVTA TOS INCENDIO. Hic liber inter volumina S. Fulgentij recensetur, quod ab ipso dictatus fuit, at eundem à Synodo approbatum, ac ad Monachos Romam missum patet ex hoc eiusdem initio, ubi Episcopi Byzaceni nominantur: Dilectissimis, & in Christi fide, atque gratia plurimum amplectendis sanctis Fratribus, Petro Diacono, Ioanni, Leontio, & alio Ioanni, ceterisque fratribus &c. Dacianus, Fortunatus, Boethus, Victor, Scholasticus, Oroncius, Vindicianus, Victor, Ianuarius, Victorianus, Phocinus, Quoduultedus, Fulgentius, Felix, & Ianuarius in Domino salutem. Quindecim igitur Episcopi doctissimi, ac sanctissimi in Augustini sententiam pedibus iuere. Nec obstat, laudatum volumen fuisse Fulgentij manu exaratum, qui Augustini Patris sententiam mordicus tuebatur; nam in omnibus Synodis vni alicui ob eruditionem, & eloquentiam insigni iniungi solet, ut publica Patrum decreta literis mandet. Scribit discipulus Fulgentij cap. 20. de vita eiusdem: Post deliberationis autem longissimas moras, quicquid definitio communis inuenerat, eloquenter allegandum sensibus ceterorum, beato Fulgentio dimittebatur. Et postea: Propterea quandocunque rescribebant consulentibus, Episcoporum nomina cunctorum dicebantur in titulo, sed solius B. Fulgentij sermo tenebatur in stylo. Quare ea omnibus Byzacij Patribus, quorum tum temporis Dacianus erat Primas, sententia sterit. Habemus etiam epistolam Synodicam eorundem Antistitum, inter quos tamen Fulgentius non nominatur, quam publicauit Sirmondus, & inter opera Fulgentij tom. 6. Bibl. PP. edit. Colonien. A. 1618. recensetur, in cuius cap. 8. eadem sententia traditur: verba inferius recitabo.

Volo hic euidenter ostendere antiquitus in Africana Ecclesia, in qua quadringenti sexaginta sex Episcopi numerabantur, adeo certum fuisse, pueros sine baptismo defunctos puniri in inferis poena sensibili, ut id inter fidei dogmata relatum fuerit. Cum Petrus Diaconus vir doctissimus, vt ex eiusdem libro de Incarnatione, & gratia constat, in Orientem transfisurus esset, rogauit per literas S. Fulgentium, ut breuem fidei Catholicæ synopsim ad se mitteret, cui se conformare posset, intelligebat enim plures hæreses passim toto Oriente grassari. Fulgentius librum eidem misit inscriptum de fide ad Petrum, qua de re dixi lib. 2. Hist. Pelag. cap. 19. In eo autem volumine quadraginta dogmata ad Catholicam fidem pertinentia recitat, eaque in singula capita digerit, quæ ita inchoantur: *Firmissime tene, & nullatenus dubites. Primum dogma recitatur cap. 4. Cum verò cap. 26. posuisset dogma XXIII. de peccato originali, capite insequenti 27. hæc scribit: Firmissime tene, & nullatenus dubites, non solum homines iam ratione utentes, verum etiam paruulos, qui sine in utero matrum, siue cum de matribus nati sine sacramento sancti baptismatis, quod datur in nomine Patris, & Filij, & Spiritus Sancti, de hoc seculo transseunt, IGNIS*

ÆTERNI SEMPITERNO SUPPLICIO PUNIENDOS, quia etsi proprie actio-
nis peccatum nullum habuerunt, originalis tamen peccati damnationem carnali conceptio-
ne, & nativitate traxerunt. Hoc XXIV. dogma, seu ut ille loquitur, capitu-
lum de fide Petro credendum proposuit, & cum postea reliqua capitula reci-
tasset, hæc habet cap. 44. *Hæc interim quadraginta capitula ad regulam veræ fidei
firmisimè pertinentia fideliter crede, fortiter tene, veraciter, patienterque defende. Es
si quem contraria his dogmatizare cognoveris, tanquam pestem fuge, & tanquam hereti-
cum abijce. Ita enim ista, quæ posuimus, fidei Catholica congruunt, ut si quis non so-
lùm omnibus, SED ETIAM SINGVLIS voluerit contraire, in eo quod singulis ho-
rum contumaciter repugnat, & his contraria docere non dubitat, hæreticus, & Christiana
fidei inimicus, atque ex hoc omnibus Catholicis anathematizandus appareat. Ita-
que testatur Fulgentius, parvulos cum solo originali peccato morientes ignis
æterni sempiterno supplicio puniendos, & id ad regulam veræ fidei pertinere, & tanquam
hæreticum abijciendum, qui eidem dicto voluerit contraire. Hæc non indigent in-
terprete, sed tantùm lectore. Quis autem ex his non intelligat, Africanam
Ecclesiam Augustini sententiam de pœnis infantium inter fidei dogmata re-
censuisse? Neque enim omnium Afrorum Episcoporum doctissimus ea in re
deceptus dici potest, vel alios voluisse decipere, proprias opiniunculas pro
inconcussis Ecclesiæ dogmatibus venditando. Qualis verò, quantusve fuerit
Fulgentius ex eiusdem gestis patet. Hæc sufficiat ex cap. 20. libri de vita,
eiusdem dixisse: Sexaginta quippe, & eo amplius Episcopos tunc catena ligabat exilij,
quorum lingua, & ingenium beatus Fulgentius Episcopus fuit. Tot eiusdem libri
editi eximiam ipsius doctrinam abundè manifestant. Vide, quæ de eodem di-
xi lib. 2. Hist. Pelag. cap. 21. & 24.*

Hoc ipsum colligitur ex Augustino, qui lib. 1. de pec. mer. & remis. cap.
28. asserentes pueros futuros in medio quodam loco nuncupat malè credentes.
Idem in lib. de prædest. SS. cap. 12. ait: *Cum moriuntur infantes, aut merito rege-
nerationis transeunt ex malis ad bona, aut merito originis transeunt ex malis AD MA-
LA. Hoc Catholica fides novit. Præterea lib. 5. con. Iul. oper. imperf. cap. 64.
ait: Inter reprobos sunt certè plurimi, qui si ex hac vita abriperentur infantes, secundum
falsam vestram hæresim penitus ab omni, secundum autem Catholicam fidem à damna-
tione gravissima tollerentur. Certum est eam pœnam à Catholica fide in parvulis
asserri, quam Pelagiani inficiabantur; at hi pœnam damni, hoc est, exclusio-
nem à regno cælorum libenter concedebant. Hinc dixit Augustinus serm. 14.
de verb. Apost. *Videris enim tibi misericors, quia non auferis ei vitam, DAMNAS
tamen, quem separas à regno cælorum. DAMNAS, non eum percutis, sed in EXI-
LIUM MITTIS.* En Pelagiani pueros non percutiebant, hoc est, pœna sensus
illos nequaquam multabant, sed pœna tantùm damni, in exilium illos mit-
tendo. Quare Augustino teste, Catholica fides tradit parvulos percuti, & non
tantùm in exilium mitti, quod Pelagiani vltro fatabantur. Rursus tract. 67.
in Ioannem hæc ait: *Proinde respuendi sunt à corde Christiano, qui putant ideo alium
multas esse mansiones, quia extra regnum cælorum erit aliquid, ubi maneant beati inno-
centes, qui sine baptismo ex hac vita emigrarunt, quia sine illo in regnum cælorum in-
trare non potuerunt. Hæc fides, non est fides; quoniam non est vera, & Catholica fides.*
Et tamen videmus, plures Scholasticos beatitudinem naturalem perfectissi-
mam citra dolores, & tristitiam parvulis promittere extra regnum Dei, quo-*

rum sententia minùs tolerari potest, quàm illa Pelagianorum, quia isti contendebant infantes esse innocentes, & nulla culpa coinquinos, unde non adeo graue absurdum videbatur, quandam eisdem felicitatem præparare, cum tamen Scholastici, nec ignobiles, asserant cum Ecclesia Catholica pueros esse originali labe infectos, sub potestate Dæmonis, filios iræ, nec postea dubitent, eisdem beatam quandam vitam promittere.

Sed ex eadem Africa ad Romanam Apostolicam Sedem euectus S. Gelasius Papa adeo apertè Augustinianam sententiam confirmauit, vt nihil solidius hac in disputatione adduci possit. Hic in epistola ad Episcopos per Picenum contra Senecam delirum senem Pelagianum missa scribit: *De parvulis autem quod asserit, sine baptismo pro solo originali peccato non posse damnari, satis IMPIA, satis profana propositio est.* At Pelagiani nunquam sine baptismo regnum cælorum pueris promiserunt, sed nescio quem tertium locum inter cælum, & inferos. Audiatur laudatus Gelasius: *Nihil est ergo, quod dicant, quòd non renatis infantibus tantummodo in regnum cælorum ire non valeant, non autem perpetua damnatione puniantur.* Vbi cum Pontifex præter exclusionem à regno cœlesti, quæ est pœna damni, decernat pueros perpetua damnatione puniri, palam fit, eundem Augustini sententiam approbasse, & concludit: *Dicant igitur in morte perpetua constituti, si non asistentur esse damnati.* TOLLANT ERGO DE MEDIO NESICIO QVEM IPSI TERTIVM, QVEM DECIPIENDIS PARVVLIS FACIUNT LOCVM. Ita arguit Pontifex. Pueri sunt damnati, ergo tollant de medio tertium, quem decipiendis parvulis faciunt locum. Ex quibus paret in antecedenti loqui Gelasium de damnatione apud inferos, qua pueri perpetuæ, hoc est, secundæ mortis supplicia sustinent, unde rectè infertur, tollendum esse de medio tertium locum. At cur TERTIVM dicit? Nisi vt duo tantum loca esse declarat, nempe cælum sedem beatorum, & inferos carcerem damnatorum. Quòd defensores Augustinianæ sententiæ tortores puerorum à Scholasticis nuncupantur, longè grauiori censura eosdem Gelasius perculit, dum illos *deceptores parvulorum* Apostolici oris sententia pronunciauit, quippe qui eisdem secundæ felicitatis locum inani asseueratione promittebant. Imò ibidem tertium illum locum explodit, motus eodem testimonio sacrarum literarum, quod initio ex Augustino adduximus. Etenim scribit Pontifex: *Tollant ergo de medio nescio quem ipsi tertium, quem decipiendis parvulis faciunt locum. Et quia non nisi dexteram partem legimus, & sinistram, non illos faciant IN SINISTRA REGIONE sine baptismo permanere, sed baptizatos sinant ad dexteram salutarem sacra regeneratione transferri.* Quare Gelasius Papa non modò S. Doctoris sententiam, verùm etiam eiusdem quoque rationem approbavit. Porro definitiua illa sententia est: *Tollant ergo de medio nescio quem ipsi tertium, quem decipiendis parvulis faciunt locum.* In quibus dum dicit nescio quem, declarat nec scire se, nec inquirere, quænam, aut vbinam esset secunda felicitas parvulis à Pelagianis promissa, sed ob id eorum dogma damnare, quòd tertium locum facerent inter regnum cælorum, quod dandum est ijs, qui erunt in dextera, & inferni pœnas, quæ destinantur ijs, qui erunt in sinistra. Ex his iure, Gelasius appellatur à Gabriele Vasquez 1. p. disp. 91. num. 75. *per omnia Augustinianus.* Et quidem in eandem epistolam, vt alias notauimus, totius Augustinianæ contra Pelagianos doctrinæ succum valentiorẽ contraxit. Unde

cum ex CLEMENTIS PONT. OPT. MAX. indulto eiusdem Sancti Pontificis memoriam quotannis Augustiniana familia recolendi facultatem impetrasset, inter precum officia eiusdem vitæ synopsi insignem Gelasij erga S. P. Augustini doctrinam cultum inseruit. Gelasij laudes recitat Dionysius Exiguus in epistola ad Iulianum Presbyterum, in qua eiusdem Pontificis doctrinam, pietatem, ac exantlatos pro Orthodoxa fide labores eximie commendat. Has literas leges in calce prioris partis collectionis Romanæ Luca Holstenij.

Idem Augustini assertum Patrum, ac plurium Theologorum, etiam recentiorum autoritate probatur.

Agmen Patrum, ut par est, Hieronymus ducet, qui propius in Palæstina cum Pelagio veluti collato pede certavit. Edidit ille dialogos contra eundem hærefiarcham, in quibus sub nomine Critoboli Pelagium, sub nomine verò Attici virum Catholicum colloquentes induxit. Itaque Critobolus obijcit in fine tertij libri: *Oro te, quid infantuli peccauere? Nec conscientia eis delicti imputari potest, nec ignorantia, qui iuxta Ionam prophetam manum dextram nesciunt, & sinistram. Peccare non possunt, & possunt perire, genua labant, vagitus verbera non explicant, balbutiens lingua videtur, & AETERNÆ MISERIE CRUCIATUS miseris præparantur.* En Pelagius exprobat Catholicis veluti quid absurdum puerorum in aliena vita cruciatus. Quid his reponit Hieronymus, an fortè illa Annati verba: *negamus crudelem consequentiam?* Lib. 8. sui Aug. cap. 1. pag. 858. Haud equidem: sed ex Paulo Apostolo peccatum originale probat, ut pueris tormenta non iniuste infligi videantur. Eadem poena sensibilis infantium asseritur à S. Auito Antistite Viennensi, qui anno D. in Gallijs floruit. Etenim in carmine ad Fuscina sororem hæc eleganter scripsit.

*Omnibus id verò grauius, si fonte lauari
Diuini expetrem tenerum mors inuida natum
Præcipitat, dura generatum sorte GEHENNAE,
Qui mox vi matris cessarit filius esse,
Perditionis erit: tristes tunc edita nolunt,
Quæ FLAMMIS tantum genuerunt pignora matres.*

Fuit autem Alcimus Auitus Præsul doctissimus, ac Synodo Epaunensi, alijsque præsedit. Huic autem supparem dabo S. Fulgentium Ruspensem Episcopum, qui eidem Auito conuixit. Hic in lib. de fide ad Petrum Diaconum sententiam eandem tanquam de fide tenendam docuit cap. 27. cuius verba superius laudauimus. Idem lib. 1. de verit. prædest. & grat. cap. 12. ait: *Nulla igitur est causæ diuersitas in infantibus, quæ faciat unum eligi, alterum reprobari. Si verò parentum consideretur voluntas, illi, qui Christiani sunt, ut eorum filius baptizaretur sollicitè voluerunt, instantissimè curauerunt: quorum tamen filius antequam baptizaretur morte præuentus, AETERNIS EST IGNIBVS deputatus.* Capite etiam 14. scribit: *Causa verò maiorum, atque minorum, qui sine baptismo cursu vite præsentis in infidelitate consummant, quantum attinet ad communionem originalis peccati, una est. Ex hac utrique ibunt in ignem æternum, qui paratus est Diabolo, & Angelis*

Angelis eius, quia in eis chirographum, quo sibi eos deceptoris nequitia subdidit, Salutatoris gratia non deleuit. Et statim: Reddet unicuique secundum opera sua, ut non solum pro originali peccato AETERNIS IGNIBVS ARDEANT, (quibus ARSVRI sunt sine baptismo morientes etiam paruuli, qui nihil boni, aut mali egerunt) sed etiam pro sua voluntate mala tanto deterius torqueantur, quanto amplius propria iniquitatis adyiciunt. Hi Fulgentij libri eximie commendantur à Patribus Africanis in Sardinia pro fide Orthodoxa exulantibus in epistola Synodica cap. 18.

At sæculo eodem desinente S. Gregorius Magnus, & insequenti inuente S. Isidorus Hispalensis Augustini sententiam approbarunt, quippe quæ communibus temporis in Ecclesiâ habebatur. Gregorius lib. 9. Moral. cap. 12. in illa lob: *Et multiplicabit vulnera mea etiam sine causa, hæc scribit: Nonnulli etenim prius à presenti luce subtrahuntur, quam ad proferenda bona, malaue merita actiue uitæ perueniant. Quos quia à culpa originis sacramenta salutis non liberant, & hic ex proprio nihil egerunt, & illuc AD TORMENTA PERVENIUNT. Quibus unum vulnus est, corruptibiliter nasci, aliud carnaliter mori. Sed quia post mortem quoque æterna mors sequitur, occulto eis, iustoque iudicio etiam sine causa vulnere multiplicatur; PERPETVA quippe TORMENTA PERCIPIUNT, qui nihil ex propria voluntate peccauerunt. Et postea: Distinctus index, quæ eos animaduersione trucidat, quos culpa propriæ actionis damnat, si & illos IN AETERNVM PERCVTIT, quos reatus arbitrij non addit? Hæc adeo clara sunt, ut Moraines dicat, Gregorium ea non ex sensu Ecclesiæ, sed ex propria opinione asseruisse. S. Isidorus lib. 2. differ. spirit. num. 26. idem tradit inquit: Illud tamen tenendum est, paruulorum animas nexu peccati originalis esse adstrictas, quæ nisi percipiant baptismatis sacramentum, regni caelestis participes esse non possunt, sed cum carne, & commune habebunt peccatum, & pari iudicio DAMNABUNTVR IN IGNE AETERNVM. Et lib. 1. senten. cap. 22. ait: Pro solo originali reatu lumen IN INFERNO nuper nati insensuli POENAS. Erat ergo certa in Latina Ecclesiâ illa assertio de pœnis puerorum, quàm Augustinus, Fulgentius, ac Synodi in Africa docebant, quàm Gelasius, ac Gregorius Sanctissimi Pontifices in Italia tradebant, quàm S. Auitus in Gallia, & S. Isidorus in Hispania citra dubium asseriebant. Eandem verò diutius vsque ad Scholasticorum ætatem viguisse existimo. S. Prudentius Episcopus Tricassinus, qui floruit anno 850. in libro de prædest. cap. 16. ait: *Quæ punitio bifariam diuiditur, & nunc in absoluteione anima à suo corpore comparata huius primæ prevaricationis merito, quod ab ipsa radice in omne posteritatis eius genus transfusum, atque innatum est, & postmodum in GEHENNA, quæ iam HVIVS, quam aliorum multiplicitate criminum libidinosæ peruersitæ contractorum acquisita est. Et inferius de paruulis scribit: Extra baptismi gratiam morientes, non suo, sed protoplasti peccato PERPETVA PLEXIONE DAMNANTVR. Ex Angliâ veniat Anselmus, qui in lib. de concep. Virg. & pec. orig. cap. 22. hæc docuit: Sed cum nemo dubitet, quia par pœna non sequetur imparia peccata, in hoc tamen similis est & personalis, & originalis peccati damnatio, quia nullus admittitur ad regnum Dei, ad quod factus est homo, nisi per mortem Christi, sine quo non redditur, quod pro Adæ peccato debetur, quamvis non omnes pariter in inferno torqueri mereantur. Nam post diuinum iudicij nullus erit Angelus, aut homo NISI AVT. IN REGNO DEI, AVT IN INFERNO. Explodit tertium illum locum felicitatis secundæ, quem plerique paruulis promittunt. Ultimus accedat S. Aëlredus S. Bernardi contemporaneus.**

neus in libro 1. Speculi charitatis cap. 15. Cum sibi obieciſſet: *Parvulos quæ ratio addidit damnationi, quos nec creatio malos, nec propria voluntas fecit iniustos?* Respondet: *Quid enim? Iniustum æſtimas, & lignum inutile, & infructuosum ignis depaſcat? Cogita quæſo totum humanum genus quaſi lignum aridum, lignum infructuosum, lignum in ipſa radice vitiatum, & utpote veneno antiqui ſerpentis inſiciatum, inſiſſimè additum flammis, igni deſtinatum, adiudicatum damnationi. Quid ergo? Ingratum te præbes, o lignum inutile, quod quidam ramuſculi à tua præmorta præciſi radice eripiuntur incendio, quatenus ſtipiti cuidam fructuſo inſerti priſtine libertati donentur.* Huius Sancti regulam lege apud Holſtenium pag. 187. parte 2. Collectionis Romanæ. Ex his patet quàm falſò dixerit Adamus, omnes Patres contra Auguſtinum ſtare. Certè neque Pater Suarez, neque Pater Vaſquez cum Auguſtino ea in re conveniunt, ac benè S. Doctorem ſecuti ſunt omnes Latini Patres, qui controuerſiam illam quoquo modo attigerunt, in quorum lectione Adamus totus hoſpes fuit.

Hæc itaque antiquæ Eccleſiæ, ac Sanctis Patribus de infantium pœnis ſententia ſtetit, donec poſt ducentefimum ſupra milleſimum annum Chriſtianæ epochæ novæ opinionones à Scholaſticis procuſæ ſunt. Qui ſi in Patrum voluminibus tantùm ſtudiſſet, ac laboris poſuiſſent, quantum Ariſtoteſi explicando impendere, proſectò S. Auguſtini ſententiam non obduxiſſent, neque eorum plerique Pelagianorum opinionem, quod naturalem illam puerorum beatitatem attinet, hominum mentibus tam altè infixiſſent. Verùm tanta fuit vis veritatis, ac tantum Auguſtini authoritas valuit, ut plerique etiam Scholaſticorum pedibus in Auguſtini ſententiam ierint. Primus fuit Gregorius Ariminenſis ſubtiliſſimus antiquæ Pariſienſis ſcholæ Doctör, qui pœnas ſenſibiles infantium acerrimè ſuſtinuit in 2. ſent. diſt. 30. quæſt. 3. Nullus autem veterum Scholaſticorum in Auguſtini lectione Gregorium ſuperauit. Hanc illi laudem ultro Recentiores tribuunt. Dicitur à Vaſquez 1. 2. diſp. 185. num. 13. *apud primè in Auguſtini doctrina verſatus. A' Vandero appellatur vir doctiſſimus, & ſi quis alius doctrina Auguſtiniana perſtudioſus* Diſp. 1. de liber. Dei num. 23. Addit Faſolus 1. p. q. 23. art. 1. dub. 3. num. 34. *cuius libri Auguſtini auctoritatibus, & ſententijs paſſim abundant.* Idem nuncupatur à Raynaudo homo in Auguſtini lectione verſatiſſimus. In cenſ. inoff. cenſ. num. 2. Denique Decamplius ſcribit: *Gregorius Ariminenſis, quem non vitæ tantùm inſtituto, ſed etiam doctrina Auguſtinianâ fuiſſe norunt omnes, qui vel ſtrictim eius libros attigerunt.* Lib. 3. de Hæreſi Ianiſ. diſp. 3. cap. 20. Quæ conſultò hic inſerui, ut planum fiat, quantum fidei Ariminenſi præſtandum ſit, ubi de Auguſtini mente diſputatur. Video enim hunc inſignem Doctorem pleraſque ſententias tanquam verè Auguſtinianas defendere, quas tamen Recentiores veluti portenta, ac paradoxa prorfus anti-Auguſtiniana reiſciunt. Hic itaque vir ſubtiliſſimus Auguſtini authoritatem comuni illius ætatis Scholaſticorum ſenſui præpoſuit. Albertus etiam Magnus in Summa tract. 18. probabilem Auguſtini ſententiam fatetur, uti etiam Polmanus Doctör Duaceniſ in calce Breviarij Theologici num. 469. Conſentiunt Sonnius tract. de extremo iudicio cap. 6. & 7. Driedo lib. 1. de grat. & lib. arb. tract. 3. cap. 2. par. 1. Ex Auguſtiniana familia præter Gregorium fuſè eandem ſententiam tuerentur Auguſtinus Muſæus in Apolegetico ad Paulum III. Alipius Reyloſ Belga lib. 8. de anima ad mentem S. P. Auguſtini cap. 2.

cap. 2. §. 13. Michael Paludanus insignis Doctor Louanienſis in epistoſa ad Conrium Archiepiſcopum Thuamenſem, quæ legitur in limine libri eiufdem Conrij mox laudandi. Denique Carolus Moreau Gallus tomo 1. ſui Tertulliani par. 2. pag. 89. & ſeq. ubi ait: *Attendant & hi, qui ſolam pœnam damni in eis admittunt, ſe ab antiquo Eccleſia, & Patrum ſenſu eſſe remotiſſimos.* Ibi enim plura Patrum teſtimonia laudat, quæ tamen de damnatione genericè ſumpta intelligendos eſſe facilè aduerſarij dicent, neque enim Gelafij, Auiti, Iſidori, Prudentij, aliorumque authoritates produxit, quas nos ſuperiùs attulimus. Hic tamen Auguſtinianos plurimùm debere fateor doctiſſimis Seraphicæ familiæ Patribus, totidem enim pro Auguſtiniana ſententia, quot ex noſtris, ſtare video. Alphoſus à Caſtro inſignis Theologus in lib. aduer. hæreſ. V. Baptiſmus ait, pueros originali infectos eſſe *gehenna obnoxios.* Matthias Hauzerus idem docet tom. 2. Anatomix Auguſtinianæ pag. 764. Ioannes Poncius Hibernus diſp. 18. Curſus Theologicici tota quæſtione 6. & in com. in 2. ſent. Scoti d. 33. P. Macedo lib. 4. de Clauibus cap. 18. contr. de pec. orig. ſect. 3. quorum omnium ſtudia vicit Florentius Conrius Archiepiſcopus Thuamenſis integro pro S. Auguſtini aſſertione volumine vulgato, in quo fuſiſſimè ex ſacris literis, & Auguſtino ſenſibiles infantium pœnas demonſtrauit. Patrum tamen teſtimonia omiſit, vnus enim Auguſtinus inſtar omnium illi fuit. Hic autem cum cap. 2. retuliſſet, pleroſque ea in opinione Auguſtinum in exceſſus prolapſum, quæ Recentiorum cantilena eſt, haud ſibi temperare potuit, quin exclamaret: *O' vocem non ſolum miræ animoſitatis plenam, ſed iniuriæ in Auguſtinum, eiufque ſanctos Commagiſtros, & in ipſam Sedem Apoſtolicam forſè pleniffimam.* Video hunc doctiſſimum Antiſtitem vocari à Morainio nouorum Dogmatiſtarum prodromum, cum tamen antiquiſſimam Patrum ſententiam propugnauerit. At quòd in limine libri Auguſtini nomen inſcripſit, ac peregrinum Ierichontinum in alio volumine deſcripſit, in quo humanæ naturæ ſtatus iuxta Auguſtini mentem egregiè explicuit, hinc & nuperis, quos appellat, Dogmatiſtis præcurſor datus; tantùm Conrio ſtetit, Auguſtinum defendiſſe. Hi ergo ſubtiliſſimæ Scholæ Profeſſores, licèt aliàs Scoto addiſſimi, cum Magiſtrum in præſenti controuerſia cum Auguſtino minùs conuenire intelligerent, religioni duxerunt, Scotum Auguſtino præponere. Imò eo factò ipſius Scoti, ſi non doctrinam, ſaltem exemplum ſecuti ſunt. Etenim ſubtiliſſimus ille Doctorum tantùm Auguſtino detulit, vt Patres Minores in libello ſupplicij exhibito Senatui Caſtellæ anno 1628. quo iuramentum Salmanticenſis Academiæ pro defendenda doctrina Sancti Thomæ, quòd diligentiffimus Auguſtini diſcipulus fuit, tanquam Doctori ſubtili iniurioſum deferebant, hæc ſcripſerint: *Scotus adeo Auguſtiniana doctrina addiſtus fuit, vt in ſolis Theologicis commentarijs ætingentius, ac quindecties S. Auguſtinum in ſuarum aſſeritionum teſtem proutiſſet &c.* Quæ, aliæ legere poteris tomo priori hiſtoriæ Auguſtinianæ Hiſpanicè ſcriptæ à Petro de Campo lib. 3. cap. 30. & apud Lucam Wuadingum in vita Scoti tomo 1. operum eiufdem cap. 15. num. 69.

Thesis de sensibili infantium pœna in inferis rationibus suadetur. Qua occasione ostenditur, Ecclesiam Romanam inter precum officia eandem S. Doctoris sententiam recitare. Augustinus vocat illam pœnam mitissimam. Statuitur pueros ex pœna damni gravem tristitiam pati.

Sed nec defunt argumenta satis valida, quæ S. Augustini sententiam non modò probabilem, verùm etiam longè probabiliorem ostendunt, nam quod Synodos, & Patres attinet, vera est eiusdem sententia. Primum argumentum est. Peccatum originale induxit sensibiles miseras puerorum præsentis vitæ, ergo & easdem per totam æternitatem distendet. Probatur consequens, quia pœnæ sensibiles huius vitæ non sunt sufficientes ad satisfaciendum per satisfationem pro macula peccati originalis, & quantæ, quantæ sunt, iustè humanum genus easdem patitur, ergo durante eadem macula peccati per totam æternitatem, iustè in æternum pueri originali labe infecti easdem patientur. Respondent communiter Scholastici, miseras esse pœnas peccati originalis per accidens; nam iustitia originalis eximebat hominem ijs miserijs, quas in natura pura subiisset; quare cum peccatum originis per se fustulerit iustitiam originalem, per accidens induxit miseras. Hanc responsionem S. 2. superius explosimus, quam rursus hic egregio testimonio Augustini lib. 6. oper. imp. cap. 37. refellimus. *Restat, inquit, ut ista, quæ nunc est, scilicet mors corporis, ipsa novissima, hoc est, in fine destruat, quando fiet resurrectio carnis, ut non sit porro inimica, quomodo esset, si naturalis ita esset; ut pœnalis non esset: pœnalis autem sub iusto, & omnipotente Deo iudice nullo pacto esset, nisi meritis peccati accidisset.* Cum autem mors pœnalis dicitur, non ideo dicitur ob relationem, quam habet ad culpam, cuius ipsa pœna sit, sed pœnale accipitur ab Augustino, quod infert cruciatum, & dolorem, unde & pœna alia est iusta, alia iniusta, nempe iniusta est; quæ sine prævio demerito innocenti à tyranno infligitur. At mors nequit esse naturalis, ut non sit pœnalis. Etenim anima à corpore separari non potest, nisi prævijs morbis, & doloribus, siue ijs longi sint, siue breves, qui enim breves sunt, magni sunt. Ergo ex S. Doctore nequit mors esse naturalis sub iusto, & omnipotente Deo, qui tanquam iustus, non infligeret malum pœnæ sine culpa, tanquam omnipotens, non sine-
ret, ab alio toti innocenti naturæ infligi. Hinc clamat eodem lib. 6. cap. 20. *Neque enim sub Deo iusto miseri esse quisquam, nisi mereatur; potest.* Quomodò autem Adam licet ex elementis & corpore animali compositus mortuus non fuisset, egregiè explicat S. Doctor ibidem cap. 39. Sed his omisiss, comminus datam responsionem oppugno. Briam si homo in natura pura futurus fuisset ijs miserijs subiectus, quæ ex complexione elementorum, & quibus constat, & in quibus vivit, ortum ducunt, multæ sunt aliæ gravissimæ miseriæ, quas homo ex sua natura non patitur. Etenim plerumque pueri à Dæmone invaduntur, & ad mortem vsque cruciantur, illa autem pœna non oritur ex conditione materiz. Urget hoc argumentum Augustinus lib. 6. con. Iul. cap. 6. *Tu, inquit, asserere si potes, quomodo sibi non obscure, sed aperte vendicet parvulos, quos immundus Spiritus vexant. Si ei traditis dicis, videmus ambo supplicium, tu dic meritis: ambo cer-*

bo cernimus penam, tu qui nulla mala merita dicis ex parentibus trahi, cum Deum iustum ambo fateamur, demonstra ista pena dignam, si potes, in infantibus culpam. An ruerò non agnoscis etiam hoc ad illud graue iugum pertinere, quod est super filios Adam à die exitus de ventre matris eorum &c. Ideo enim Dæmones permittuntur, tantis cruciatibus pueros torquere, quia isti sunt peccato deturpati. Itaque durante eodem reatu iuste Dæmon poterit illos affligere. Rursus reijcitur eadem responsio. Si miseriæ per accidens consequuntur priuationem iustitiæ originalis in statu præsentis vitæ, cur etiam in altero statu eadem miseriæ itidem saltem per accidens non consequuntur priuationem originariæ innocentia? Profectò cum peccatum in pueris in præsentem, æquè ac futura vita remaneat, nescio vndenam diuinam iustitiam in altero sæculo futuram erga infontes mitiorem deducant, cum in aliena vita seueriùs peccatores puniat. Et quidem si Deus Adamum post peccatum morti non destinasset, & hic æternum inter miseras vnà cum posteris vixisset, nullus iudicium Dei culpæ posset, qui inimicum genus, ac sordè pollutum pœnis addidisset. Ergo in illa hypothesis ob solum originale delictum pueri æternum iuste pœnas subirent.

Probat 2. Deus odio habet pueros originaria labe pollutos, illis est iratus, atque inimicus, ergo iuste potest exercere contra eosdem actus iustitiæ vindicatiuæ, prout hæc est inflictiua pœnæ sensibilis. Antecedens colligitur ex Ioan. 3. 36. *Qui autem incredulus est Filio, non videbit vitam, sed ira Dei manet super eum.* Quam sententiam parvulis non credentibus applicat S. Doctor lib. 1. de pec. mer. & remis. cap. 20. Scribit etiam Apostolus Ephes. 2. 3. *Erant natura filij iræ*, nempe ob peccatum originis, quod cum natura in prolem transfunditur, quo fit, vt puer recens natus sit auersus à Deo, & ex consequenti eiusdem inimicus. Consequentiam verò acutè deducit Augustinus tract. 44. in Ioannem inquit: *Apostolus natus in gente Prophetarum dicit: Fuimus & nos aliquando natura filij iræ, sicut & cæteri. Si filij iræ, filij vindictæ, filij pœnæ, filij gehennæ. Quomodo natura, nisi quia peccante primo homine vitium pro natura inoleuit?* Sunt optimæ illationes. Quandoquidem si Deus est iratus pueris, ergo potest contra eosdem exercere actum iustitiæ vindicatiuæ, ergo etiam eosdem pœna afficere, obiectum enim iustitiæ vindicatiuæ est punizio rei, ergo potest illos gehennæ, hoc est inferni flammis destinare, vbi eris fletus, & stridor gentium. Nec valet, si dicas, iram Dei, eiusque iustitiæ vindictam apparere in pœna damni, qua puniuntur pueri, nec oportere, vt ab eadem iustitia pœna sensibili castigentur. Etenim pueri sunt rei eiusdem omnino peccati, quod commisit Adam, ita vt crimen, quod in Adamo fuit actuale, euaserit in posteris originale; vnde dicit Apostolus Rom. 5. *in quo omnes peccauerunt*, ergo sicuti in Adamo peccatum actuale punitum fuit inflictiōe pœnæ sensibilis, in posteris etiam eodem supplicio castigari poterit. Vti pestis non tantum nocet illi, in cuius corpore primùm nascitur, verum etiam alteri, qui eadem per contactum inficitur, ita pueros peccati paterni contagione mori dixit Augustinus lib. 6. con. Iul. cap. 4. Huc facit, quod docet S. Thomas 1. 2. q. 81. art. 2. ad 1. *Pœna*, inquit, *corporali interdum iudicio diuino, vel humano puniuntur filij pro parentibus, in quantum filius est aliquid patris secundum corpus.* Deus enim è vita sustulit filium David, vt patris adulterium puniret, & tamen puerulus non erat reus paterni delicti. Hinc Exodi 20. 5. dicitur Deus visitare iniqui-

Mat. 11.

11.

tatem

Erod. 10.

scitatem patrum in filios in tertiam, & quartam generationem. Quo ergo potiori iure Deus poterit punire pœna sensibili pueros, qui reapse contrahunt maculam primorum parentum? Sed etiamsi illationes illæ Augustini ex his verbis Apostoli, *fuimus & nos aliquando natura filij ire*, possent utcumque eludi, nobis interrim sat est, easdem recitari ab Ecclesia Romana inter officia precum seria IV. Dominicæ IV. Quadragesimæ in lectione priori expositionis Evangelij. Vti enim certum est, Augustinum eo loci iuxta propriam sententiam de sensibili puerorum pœna in gehēna locutum esse, ita eiusdem doctrinæ suis precibus ab Ecclesia inserta, ingenti authoritatis pondere fulcitur; saltem omni censura liberatur, quod vnum hic intendimus aduersus recentiores Criticos, excessus Augustino obijcientes.

Probatur 3. Pueri prædestinati ex meritis Christi habebunt in alia vita bona corporis, quæ dotes à Theologis nuncupantur, ergo pueri reprobi patientur in alia vita mala corporis ex demeritis Adæ. Simile argumentum ponitur ab Augustino lib. 6. con. Iul. cap. 10. vbi paritatem negantes vocat importunos. De eiusdem verba: *Vide ergo, inquit, quam importune nolis, parvulum de alieno peccato reportare malum, & velis eum de alieno recte factio reportare bonum, non qualecunque, sed Dei regnum. Alienum quippe opus est, cum credit per alterum, sicut alienum opus fuit, cum peccauit in altero.* Respondent negando paritatem, nam licet diuina bonitas possit dare bona corporis ijs, qui eodem corpore tanquam instrumento pro eorundem acquisitione nihil boni egerunt; contra æquitatem tamen est pati corpus illius, qui eodem corpore nunquam peccauit; præsertim cum pœna sensus sit proportionata ijs delectationibus peccaminosis, quæ corpore percipiuntur, Sed contra est. Quia sicut in alia vita non ponitur novum meritum, aut demeritum, sunt enim animæ in termino, sed Deus eo modo erga illas se habet postea, ac quando recesserunt; cum pueri sine baptismo defuncti numerentur in familia Diaboli, sicuti è contra mortui suscepto sacramento in familia Christi, æquum est, ut sicut isti sub Christo bonæ corporis recipiunt, ita illi sub Dæmone mala corporis sentiant. Etenim si in hac vita sunt sub potestate Dæmonis, ita ut illos in corpore torqueat, ut superius ostensum est, cur in alia vita, in qua nulla est redemptio, ab illius potestate, quam antea in eorundem corpora habebat, eximentur? Scribit S. Doctor proximè laudatus: *Iam itaque vobis ipsis reddite rationem, ne putetis indignum, ut qui non admittuntur in regnum Dei, sint sub illo, qui cecidit de regno Dei: Et qui non habent vitam, sint sub illo, qui perdidit vitam.* Nec iuvat, quod pueri corpore non peccarunt, unde nec in corpore puniendi videntur, nam peccatum solius voluntatis superbientis iuste punitur pœna sensus, nec Dæmones corpore peccarunt, & tamen pœna sensibili affliguntur. Imò cum totum peccatum, quod fuit actuale in Adam, sit originale in pueris, & illius reatum ex toto subbeant, cum in peccato Adæ fuerit voluptas sensus in comestione pomi, huius etiam voluptatis pœnas luit infelix posteritas, cuius pariter reatus in ipsam per generationem transfusus est.

Hic tamen aduertendum est, Augustinum asserere mitissimam esse pœnam, quam infantuli in inferis subeunt. Illam *damnationem omnium leuissimam* vocat lib. 5. con. Iul. cap. 11. quod 8. est in editione Basileensi, & *mitissimam sancti omnium pœnam* in Enchiridio cap. 93. & lib. 1. de pec. mer. & remiss. cap. 16.

Cum

Cum ignis calefaciat, & si calor sit intentus, etiam comburat, quandoquidem ex Augustino pœna illa est *leuissima*, ac *mitissima*, erit ab igne calefaciente, cum aliqua molestia pueros, sed non eòdem vltulante. Quare sicuti eò intensius ardebunt reprobi adulti, quò plura scelera admisere, cum pueri hæreditarij tantum criminis rei sint, calore ad molestiam vsque, ac dolorem incutientium intenso affligentur. Video Fulgentium superius laudatum scribere pueros *arsuros*, sed ea voce calorem cum dolore, qui tamen esse potest citra combustionem, in corpus agentem significauit. Confirmatur hoc ipsum ex lib. 5. con. Iul. capite proxime memorato, vbi ait pueros in damnatione omnium *leuissimâ* futuros. *Qua, qualis, & quanta erit, quamvis definire non possim, non tamen audeo dicere, quò eis, ut nulli essent, quàm ut ibi essent, potius expediret.* Quod si ab igne comburerentur, profectò melius illis esset, nunquam extitisse. Ibi verò non recusat definire genus pœnæ, nec speciem, nempe an sint in igne, & an ibi solummodò caleant, vel vltulentur, sed tantum quo gradu, vel intensione caloris iidem pueri torquantur.

Solent quærare Scholastici, an pueris pœna damni tristitiam incutiat. Respondent Scholarum Principes, nulla tristitia pueros affici. Recentiores tamen plerique, quos inter eminet Bellarminus lib. 6. de amif. grat. &c. cap. 6. tristitiam in parvulis admittunt, quod à gloria æterna se exclusos vident. Pudet me ex Augustino nonnulla recitare; etenim inde palam fiet, tam proculab Augustini sententia abijisse illos Doctores, qui ob exclusionem à gloria nullam in pueris tristitiam gigni pronunciarunt quàm propius ad Pelagianorum paradoxam accesserunt. Profectò S. Doctor irrisit, imò execratus est Pelagianos ita sentientes, quasi regni cœlestis contemptores. Scribit lib. 3. oper. imperf. cap. 99. *In regnum Dei non intrare imaginem Dei, nullam esse contumeliam putatis, ipsum regnum etiam sic amatis, ut non ibi esse, non saltem leuem pœnam credatis hominis esse, sed nullam.* Idem Pelagianos grauiter arguit lib. 3. con. Iul. cap. 3. iniquiens: *Verum vos excellentissimi amatores illius vite, quæ futura est æterna cum Christo, nullam poenam putatis esse, imaginem Dei exulare à regno Dei; cum si paruum poenam esse diceretis, non esset hæc vox beati amatoris illius regni, sed MISERI CONTEMPTORIS.* Rursus lib. 5. cap. 1. loquens de plebeis Christianis ait: *Quorum si quisquam gestans paruulum filium, nec sine clamore inuidioso, & in parte, ubi nullus audiret, compellaret, & diceret: Ego ea mente, intelligentia, ratione, in qua sum factus ad imaginem Dei, tantum amo regnum Dei, ut hominis MAGNAM iudicem poenam, si eò nunquam possit intrare. Itane verò tu, non homo de turba imperitorum, sed inter paucos prudentissimos regni illius amator, tanto ætius ardentius, quanto magis te flagrantissima paucorum societas in illud accendit, nec facit inde torpescere frigidior multitudo, responsurus es homini, atque dicturus: NON SOLVM MAGNA NON EST, SED NULLA OMNINO POENA EST imaginis Dei, nunquam posse intrare in regnum Dei?* Puto, quòd nec vni homini, cuius nec vim, nec testimonium formidabis, hoc dicere audebis. Te itaque siue respondente quodlibet, siue quod magis à te exigeret, si non Christiana, certè humana verecundia, reticente, ingereret aspectibus tuis paruulum suum &c. Pœnam autem hic intelligi prout est inflictiua doloris, non verò prout est tantum quid malum in se inferius ostendam. Illa autem veteres haud legisse credam, neque enim illam sententiam publicè docuissent, quam ne à Pelagianorum quidem insolentissimo Iuliano vni ho-

mini non quidem docto, sed de vltima fæcæ vulgi clanculum citra vilius testi-
monium inculcari potuisse Augustinus existimauit. Patet ne Mastrio curæ fuis-
se, quid hac de re sentiret Augustinus? Nam ab eodem in 2. sœnt. disp. 4. de
hom. q. 6. num. 163. adducitur *Augustinus de pecc. meritis, & remissione cap. 27.*
affersens infantes in Limbo non trislarî, nec dolorem pati. Augustinus tres scripsit li-
bros de pecc. mer. & remissione, quos Mastrius non distinguic, simulq; illi affri-
cat eam opinionem, quam veluti paradoxum detestatus est. Nemo ergo no-
bis vitio vertat, si maiorem in Augustino legendo diligentiam in Scholasticis
desideremus.

Moraines cum alijs responder, futuram paruum illam tristitiam puerorum
ob exclusionem à gloria. Sed hæc erat aliorum Pelagianorum responsio teste
Augustino lib. 3. con. lul. cap. 3. Porro, inquit, si quod huic sufficit causa, PAR-
VAM saltem POENAM fatemini esse, quæ magna est, cui imago Dei non sinatur in-
trare in regnum Dei &c. Idem verò serm. 14. de verb. Apost. ita contra Pela-
gianos argumentatur: *Si amatur patria, magna pena, si autem non amatur patria,*
peior est cordis pena. Penam malum est in hominis corde, qui societatem non querit San-
ctorum, qui non desiderat regnum celorum? Si non desiderat, pena est de peruersitate: si
autem desiderat, pena est de fraudata charitate. Sed si, quod vis, parua sit pena, &
ipsa parua magna est, si nulla culpa est. Hæc ille. Nec iuuat quod reponunt, tri-
stitiam illam vel nullam esse, quod amissio sit boni supernaturalis, quod ipsis
naturaliter non debebatur, vel saltem leuem, quod videant, non sua ipsorum,
sed primi parentis culpa se ab æterna gloria ciectos. Etenim natura humana
erat ordinata ad gloriam, quæ gratia omnibus posteris Adæ decreta erat, à
qua tamen cum sc. ob illius delictum excidisse videant, ingens doloris argu-
mentum occurrit. Ita si quis ob crimen læsæ maiestatis amittat bona sibi à
Principe antea donata, nonne citius filij toties ingenti tristitia corripientur,
quoties presentem paupeniam cum amissa bonorum affluentia comparabunt?
Quod autem aliena culpa in eum statum deciderint, pudorem quidem, sed non
dolorem trinuert, imò istum plus augebit. Pueris verò non modò poena inibi-
ta est, verum etiam inest culpa, & sunt reapse peccatores, unde cum tristitia
etiam pudor in illis reperitur.

Respondent alij pueros nullam habituros cognitionem gloria æternæ,
quod hæc est supernæ naturalis, nec naturali puerorum cognitione attingi pote-
rit. Sed hæc responsio superius reiecta est, vbi probauimus pueros futuros
in sinistra, videbunt enim è diuerso electos, eosque ad æternam gloriam voca-
ri. Interim quid his reponeret Augustinus, qui absurdum putauit pueros
imagines Dei haud amare regnum Dei, scribens lib. 6. con. lul. cap. 4. *Si hoc*
eis non erit inuolunt, non ergo amabunt regnum Dei tot innocentes imagines Dei. Si au-
tem amabant, & tantum amabunt, quantum innocents amare debent regnum eius, &
quo ad ipsas imagines scemur, nihil mali de hac ipsa separatione patientur. Quid his
inquam, reponeret, dum in Scholis audirat, pueros non in modò non amare, sed
ne cognoscere quidem regnum Dei? Tam procul ab Augustini semitis nobiles
Scholastici abiire. Verùm hæc illis concedamus, aliunde tristitiam pueror-
um probò. Etenim non solum sunt auersi à Deo, vt authore supernaturali,
sed etiam vt authore naturæ, Adam enim per peccatum relicto incommutabili
bono, adhæsit bono creato, quod peccatum cum ex origine à pueris traha-
tur,

tur, redduntur auersi à Deo, & conuersi ad creaturam. Hoc ipsum confirmatur, quia vel pueri habent aliquem finem naturalem; quo possessio satiantur, vel nullum talem finem possunt possidere. Si primum detur: peto vel erit hic finis Deus, vel creatura; si creatura, erunt igitur peccatores, & auersi à Deo ut anthore naturæ. Si verò Deus erit vltimus finis, quatenus abstractiue cognitus, ergo amabunt Deum, & à Deo quoque amabuntur; quomodo ergo *ira Dei manet super illos*? Nonne per peccatum verè sunt inimici Dei? qua igitur ratione illum amabunt? Si verò illud alterum asseratur, nempe pueros nullum habituros vltimum finem, erunt ergo æternum miseri, vt pote summi boni possessione exclusi. Et quidem vix posse explicari puto, pueros nulla tristitia affici, dum cernunt, quòd *ira Dei manet super illos*, dum se vident macula peccati infectos. Dolet-ne ipsos, quòd in peccato sunt? Quis autem hoc neget? Magna enim tunc foret illorum peruersitas, æ supplicijs grauioribus addicendi essent, si de peccato non tristantur. Si autem status peccati dolorem ingerit, iidem etiam tristantur, tristitia enim est dolor de ijs, quæ nobis nolentibus accidunt. Pueros autem nolle esse in statu peccati, certum puto, quod tamen, quamuis nolentibus, æternum illis adhærebit. Sanè arbitror illos, qui negant tritari parvulos, ne cogitare quidem de macula peccati; cum tamen sint propriè peccatores. Pelagiani, qui pueros innocentes putabant, magis consequenter dicebant, eosdem vel paruam, vel nullam tristitiam pati. Profectò Scotus inde probat, pueros non tritari; quia id non posset contingere, nisi nollent carere beatitudine, neque esse in carcere captiui, quæ pœnæ ipsis nolentibus accidissent, at tunc peccarent, quia haberent voluntatem difformem voluntati diuinæ. Ex quo discursu patet, virum subtilissimum ne cogitasse quidem de tristitia, quæ oritur ex peccato. Sed nec ratio illa, quam ante Scotum noster Ægidius produxit, quicquam probat. Etenim pueri cum sint peccatores, habent voluntatem difformem voluntati diuinæ; sunt auecti à Deo, & ad creaturam conuersi: sunt vasa iræ, & contumeliæ: sunt è numero reproborum: non sunt reconciliati Deo, sed inter eiusdem inimicos computantur, vnda ira Dei manet super illos. Habent ergo ex origine voluntatem difformem voluntati diuinæ. An vero quòd iustè se videant torqueri, patienter tormenta sustineant? Respondet Poncius num. 34. non esse sibi inconueniens, quòd parvuli in inferno peccent actu, cum enim habeant vsum liberi arbitrij, & puniantur æternaliter à Deo, tum carentia beatitudinis, tum pœnæ sensus, esset sanè maxima virtus in ipsis conformare se diuinæ voluntati. Quod si Martyres intensissima gratia indiguere, ne in tormentis deficerent, sed pro religione pugnarent, nequaquam fieri posse videtur, vt pueri solis viribus naturæ tantos, ac tam longos cruciatus patienter sufferant. Nec ex alia parte videtur iustitiæ diuinæ consonum, vt hostibus suis, qui sunt de familia Diaboli, tantam diuinæ gratiæ vim impertiatur.

Soluantur contrariæ sententiæ argumenta.

O Primè iudicasse arbitror Ioannem Poncium superius laudatum, cum num. 10. dixit, oppositæ sententiæ argumenta esse *parui momenti*, quod breuiter apparebit ex subiecta eorundem dissolutione. Obijciunt 1. Augustinum

de pœnis parvulorum dubitasse, & ut Goneri verbis utar disp. 7. de peccato originali art. 7. num. 190. fuisse dubium, & anxium in hac materia. Nam lib. 3. de lib. arb. cap. 23. ait: *Non enim metuendum est, ne vita esse poterit media quædam inter rectè factum, atque peccatum, & sententia iudicis media esse non possit inter premium, atque supplicium.* Ibi autem de parvulis loquitur. Addit Bellarminus, illa numquam, quod sciam, Augustinus retractavit. Omisssa responsione P. Macedo, non quòd falsa sit, sed quòd melior hæc altera nostra videtur, dico Semipelagianos olim eodem testimonio abusos fuisse, ut gradum facerent ad infringendum argumentum à parvulis ab Augustino deductum, ut gratiam ex meritis exploderent. Hæc scribit Hilarius ad Augustinum: *Parvulorum autem causam ad exemplum maiorum non patiuntur afferri: quam & tuam Sanctitatem dicunt catenus attingisse, ut, INCERTUM ESSE volueris, ac potius de eorum panis malueris DUBITARE.* Quod in libro tertio de libero arbitrio ita posuisse meministi, ut hanc eis occasionem potueris exhibere. Huic Massiliensium obiectioni respondet S. Doctor in lib. de dono persever. cap. 12. Se olim Presbyterum libros de libero arbitrio, quos laici Romæ inchoarat, in Africa consecuisse, nempe ante annum 395. Quare etiam si tunc de parvulorum pœnis dubitasset, nemo, ait, ut opinor, esset tam inustus, atque invidus, qui me proficere prohiberet, atque in hac dubitatione remanendum mihi esse indicaret. Addit non oportere credi, se ea de re dubitasse, sed quòd Manichæi, quicquid de pœnis infantium sentiretur, reiiciendi erant, ne duarum naturarum, nempe mali, bonique permixtio crederetur, & concludit: *Absit ut causam parvulorum sic relinquamus, ut esse nobis dicamus incertum, utrum in Christo regenerati, si moriantur parvuli, transeant in æternam salutem; non regenerati autem transeant in mortem secundam &c.* Itaque S. Doctor ideo non retractavit, quod olim docuerat, de pœnis parvulorum, quia de iisdem non dubitauerat. Imò in epist. 28. ad Hieronymum, quæ scripta fuit anno 414. cum Orosius in Asiam transmitteret, hæc scribit S. Pater de eodem libro tertio de libero arbitrio: *Non tamen de damnatione eorum parvulorum, qui sine illo, nempe baptismo, ex hac vita emigrant, tunc aliquid dicendum putavi, quia non quòd nunc agitur, agebatur.* Etenim Augustinus ibidem disputat tantum de pœnis, quas in hac vita parvuli patiuntur. Hinc factum est, ut Hieronymus cum Augustino senserit; nam in eadem epistola diserte scribit, parvulorum animas damnari, inquiens: *Damnari enim eas, si sic de corpore exierint, &*

²⁰ *Sancta Scriptura, & sancta est testis Ecclesia.* Orosius autem unà cum hac epistola detulit in Asiam ad Hieronymum libros tres de peccatorum meritis & remissione, in cuius priori cap. 28. locum medium puerorum explodit. Quare Hieronymus ijs lectis, ac in calce dialogorum laudatis, Augustino ea in sententia adhæsit, ut superius ostensum est.

²¹ Obijciunt 2. Sapientes Patres oppositum sensisse. Etenim Nazianzenus in orat. in sanctum lauacrum dicit, quòd pueri nec celesti gloria, nec supplicij à iusto iudice afficiantur. Gregorius Nyssenus orat. 1. scribit, pueros sine baptismo mortuos neque in doloribus, neque in tristitia esse. Addunt Ambrosium in cap. 5. ad Rom. ubi ait: *Est & alia mors, quæ secunda dicitur, quam non peccato Ade patimur, sed eius occasione propter peccatū acquiritur.* Denique Innocentius III. lib. 3. decret. tit. de bapt. 1. Maiores scribit: *Pena originalis peccati est carentia rationis. Deinde actualis peccati pena peccati est gehennæ perpetua cruciatus.* Respondet ea ferè ratio,

ne, qua S. Pater cap. 14. de prædest. SS. satisfaciit Massimianis, qui obiectos
 bant, veteres Patres de hominum prædestinatione, secus ac Augustinum, sen-
 sisse. Quid igitur, inquit, opus est, ut eorum seruetur opuscula, qui priusquam ista
 hæresis oriretur, non habuerunt necessitatem in hac difficultate solvendam questione ter-
 sari, quod procul dulcio facerint, si respondere talibus cogerentur? Vnde factum est, ut de
 gratia Dei (dicam de pœnis parvulorum) quid sentirent, breviter quibusdam scripto-
 rum suorum locis, & TRANSEVNTER ATTINGERENT, immorarentur, ut ei in
 eis, quæ adversus alios inimicos Ecclesiæ disputabant. Respondeo rursus Gregorium
 Nazianzenum eo loci tria hominum genera sine baptismo decedentium recen-
 sere. Vnum eorum, qui baptismum contempserunt: alterum eorum, qui illud
 ex negligentia omiserunt: Postremum illorum qui nec ex contemptu, nec ex ne-
 gligentia sine illo mortui sunt. Comparat autem pœnas eorundem: priores
 ait, graves pœnas dare, alteros minores pati, postremos nec cœlesti gloria
 donari, sed nec supplicijs addici, quibus alij ob contemptum, vel negligenter
 omissum baptismum subijciuntur. Quod verissimum est, illi enim actuale pec-
 catum commiserunt in contempnendo, vel omittendo baptismum, cuius delicti
 cum pueri rei non sint, neq; supplicijs iisdem torqueri possunt. Gregorius ve-
 rò Nyssenus dubitanter loquitur; nam ibidem quæstionem hanc de parvulis si-
 ne baptismo morientibus vocat *difficilem, atque perplexam*. Addit nescire se an
 illa quæque anima iudicem videbit, tribunals cum alijs sistetur? &c. Quæ tamen om-
 nia postea definita sunt, nam teste Beda in proemio. Canticorum, qui negat
 pueros iudicandos *contradicti Catholica fidei*; Gelasius etiam definit pueros in si-
 nistra regione sine baptismo remanere. Ad testimonium Ambrosij respondeo, op-
 timè à Cardinali Bellarmino observatum, esse, commentaria illa in epistolas
 Pauli perperam Ambrosio adscribi, passim enim Pelagianorum sententiæ iis-
 dem inscriptæ sunt, quod fusè, & crudite probat Conrius cap. 8. Profecto in
 cap. 5. in illa Apostoli *Si enim unius delicto* &c. ait *Plures enim gratiam consequun-
 tur, quam mortui sunt delicto Adæ*. Præterea in cap. 8. *Vocare*, inquit, *est cogitan-
 tem de fide adiuvare*. Item in cap. 9, ad illa. *Igitur cui vult, miseretur* &c. scri-
 bit: *Ex persona contradicentis loquitur*. Ex constanter tradit, homines illos in si-
 militudinem Adæ peccasse, quicuiusdem exemplo Deum contempnere, quæ
 omnia à Pelagianis asserta sunt. Nec obstat, quod obijcit Conetus, vixisse
 illum Scriptorem sub Damaso, quando Pelagiana hæresis nondum eruperat.
 Nam Pelagium *distinxisse* Romæ vixisse scribit S. Augustinus, qua de re legantur
 à nobis dicta lib. 1. Hist. Pelag. cap. 3. Quod denique ex decretali Inno-
 centij Papæ opponitur, abhinc trecentis annis à Gregorio Ariminensi solum
 est. Præterea Ponticus num. 28. ait, quod Pontifex intendit ostendere, non
 posse auctore dormienti, vel non consentienti dari baptismum, quia tunc tolle-
 retur peccatum originale, & non actuale, & per consequens, ille si moreretur
 non careret visione Dei, quia non haberet peccatum originale, & tamen esset
 in inferno, quia esset in peccato actuale. Quæ ratio nulla est; etenim etiam
 peccato actuale debetur privatio visionis Dei. Vnde glossa vocat illam ratio-
 nem superficiale, nec videtur ab ipso Pontifice asserta, sed ab aliquo non sa-
 tis docto Secretario addita. Hæc ille. Sed ista responsione omissa, facile di-
 co, quod scripti ait pœnam actualis culpæ esse gehennæ cruciatum in inferis,
 & tamen non inde excluditur pœna dampni, quia non inserit particulam restri-
 ctivam,

diuam, seu exclusiuam tantum, solum, ita & poena originalis rectè statuitur carentia visionis; sed non sola.

Obijciunt 2. Poena sensibilis non est proportionata peccato originali, ergo pueri ob illud non torquentur igne in inferis. Probant antecedens, quia poena sensus est per passionem huius particularis personæ, peccatum autem originale non est commissum per actum voluntatis personæ particularis, sed trahitur per infectionem naturæ. Respondeo negando antecedens cum eius probatione. Etenim omnes homines peccauerunt in Adam, & peccatum illud fuit imputatum singulis ex eodem propagatis, ita vt peccatum, quod in illo fuit actuale, originale fuerit in posteris. Audiat Augustinus lib. 1. de pecc. mer. & remiss. cap. 10. *Si enim peccatum intellexeris, quod per unum hominem intrauit in mundum, in quo omnes peccauerunt, certum, manifestumque est, alia esse propria cuique peccata, in quibus hi tantum peccant, quorum peccata sunt: aliud hoc unum, in quo omnes peccauerunt, quando omnes ille unus homo fuerunt.* Igitur peccatum vnius fuit, & omnium, qui idem erant in vno. Qua ratione poena sensus est eadem æqualiter destinata omnibus, & singulis, qui idem fuere in Adam, & toti naturæ est debita, nisi qua parte ex baptisimi gratia eidem subducitur. Quare sicut leges Principum pupillorum voluntates tutorum voluntati alligant, ita vt quod isti volunt, illis ratum sit; hoc quoque pacto Deus omnium posterorum voluntates Adami voluntati adstrinxit, ita vt quod ille fecisset, omnibus hominibus imputaretur. Vnde sicut ex defectu improbi tutoris pupilli quandoque detrimenta subeunt, ita ex peccato Adæ humanum genus in miseria decidit. Imò poena sensus magis videtur proportionata peccato originali, quam poena damni, nam poena damni est in anima, poena sensus in corpore; posterius autem animam à Deo creatore recipiunt, corpus vero per traducem ab Adam deriuatur. Quare cum filij puniri possint pro peccatis parentum, inquantum secundum corpus sunt aliquid illorum, vt ex D. Thoma diximus, humanum genus; quod secundum corpus ex virtute seminali ab Adam deducta aliquid illius est, potiori iure secundum corpus poterit ob illius peccatum, quod etiam proprium euasit, puniri, quam secundum animam. Hinc si anima à Deo creata infunderetur corpori nequaquam per virtutem feminalem ex Adamo traducto, illa non contraheret peccatum originale; quare intantum peccatum traducit, inquantum in corpus ex Adamo per concupiscentiam carnalem propagatum immittitur. Ex his confirmatur nostra sententia, nam si caro per concupiscentiam genita est causa, cur anima peccato inficiatur, & ex consequenti poenam subeat, ipsa caro, quæ veluti vehiculum peccati fuit; neutiquam debet esse à quacunque poena immunis.

Obijciunt 3. Peccatum originis non tollit ordinem naturalem, sed supernaturalem, nempe conversionem ad Deum per donum gratiæ habitualis, ergo solum debet puniri priuatione eius boni, cui opponitur, non supplicio naturæ, quam in nulla re eidem debita lædit. Respondeo primò negando consequentiam; nam neque peccatum actuale lædit naturalia hominis, sed tantum priuat hominem gratia sanctificante, & tamen punitur poena sensus. Imò in sententia illorum, qui dicunt, peccatum consistere formaliter in priuatione gratiæ, hæc priuatio non potest esse poena, cum poena ponatur à voluntate iudicis, & sit contra voluntatem rei, respectu cuius est inflictiui doloris. Respondeo

spondeo secundo negando antecedens, tum quia peccatum originale tollit
conformatem ad rectam rationem, sicut quodlibet peccatum actuale, & ha-
bituale, ille autem ordo est naturalis; tum quia ex dictis §. 2. ex peccato ori-
ginali ortum traxit concupiscentia, quæ naturalia hominis læsit. Hinc scribit
Augustinus lib. de nat. & grat. cap. 3. *Omnia quidem bona, quæ naturalia habet in-
formatione, vita, sensibus, mente, a summo Deo habet creatore, & artifice suo. Ita-
tum vero quod naturalia ista bona contenebat, & infirmat, & illuminatione, & cu-
ratione opus babeat, non ab inculpabili artifice contractum est, sed ex originali peccato,
quod commissum est libero arbitrio. Ac per hoc natura penalis ad vindictam iustissimam
pertinet.* His accidit per peccatum originale hominem nasci subditum Diabo-
lo, & de familia eiusdem, vt ex exorcismis in baptismo superius ostendimus,
quæ sanè captiuitas naturam hominis & vexat, & deturpat. De hac captiui-
tate post Driedonem eruditè agit magnus ille noster Salmanticensis Theolo-
gus Basilius Poncius par. 1. relect. de grat. cap. 16. Denique gratia est donum
liberaliter à Deo homini datum; at quando persona grauiter offenditur v. g.
Rex crimine læsæ Maiestatis, non est sufficiens poena, quod priuè rebellem
beneficio olim eidem liberaliter collato, sed alia etiam poena exigitur. In
Adam verò omnes posteri à Deo rebellarunt, vnde inimici Dei nascuntur, &
per gratiam baptismi fiunt amici, sine qua non solum sunt indigni gratia libe-
raliter conferenda, sed digni poenis iuste irrogandis.

Obijciunt 4. cum Vasquez 1. 2. disp. 124. num. 8. Goneto disp. 7. cit. num.
178. Moraj. 9. & alijs. Nullus puniri debet ob id, pro quo ne vituperari,
aut reprehendi potest; at nemo pro peccato originali vituperari potest; igitur
nec puniri. Major patet, quia poenæ sensibiles habent quandam vim in-
crepationis. Minor probatur ex Aristotele 3. Ethic. cap. 6. vbi ait, neminem
esse dignum vituperio, & exprobatione, nisi illa faciat, quæ potuit non face-
re, at pueri non possunt non contrahere peccatum originale, ergo ob illud
nulla reprehensione digni sunt. Respondetur negando minorem, nec Philo-
sophi dictum nos moratur, qui actualia tantum, ac personalia delicta cognouit,
originali enim peccato Aristotelicum illud dictum non conuenit. Et qui-
dem Pelagiani ex Aristotelis doctrina tentabant tollere peccatum originale
vnde sunt illa Augustini lib. 6. con. Iul. cap. 20. *Ad hoc enim redacta est heresis
vestra, vt gemant sectatores vestri non mueniri dialecticos iudices in Ecclesia de scholis
Peripateticorum, aut Stoicorum, à quibus positis absolui.* Iulianus querebatur Ca-
tholicos Episcopos, à quibus damnatus fuerat, nescire secundum categorias Ari-
stotelis de dogmatibus inuicere. Sanè si Aristotelici principijs standum sit, pec-
catum originale negandum est, neque enim, qui nascitur tanquam tabula rasa,
maculas antiqui criminis ex Aristotele portare potest, cum generatio opus na-
turæ sit, non voluntatis, cuius est posse peccare. Certum est ex fide, Deum
esse iratum pueris, cum nascuntur, ob originale crimen; nascimur enim natura
sibi ira ex Apostolo, ac per peccatum sumus auersi à Deo, & Deus pueros odia
habet, quatenus peccatores sunt, quod catholicum dogma est, vituperat igitur
Deus vitium, quod ipse non fecit in homine. Adde infantes esse *uas
contumelie*, & ex consequenti esse dignos contumelia, ac vituperio. Miror au-
tem Vasquez virum in Augustini doctrina adeo versatum, vt sodales Complu-
tenses Augustinum alterum, vel saltem mentem, ac linguam Augustini eundem
nuncu-

nuncupauerint, miror, inquam, illud argumentum veluti solidum obiecisſe, quod tamen diſertè ab Auguſtino euerſum fuerat. Audiatur S. Doct̃or lib. de corrept. & grat. cap. 6. *An verò ideo prauitas iſta corripienda non eſt in homine, quia non eius propria, qui corripitur, ſed communis eſt omnibus? Imò verò corripitur & in ſingulis, quod eſt omnium. Non enim propterea cuiuſquam non eſt, quod ab ea nullus immunis eſt. Peccata quidem iſta originalia ideo dicuntur aliena, quod ea ſinguli de parentibus trahunt, ſed non ſine cauſa dicuntur & noſtra quia in illo vno omnes, ſicut dicit Apoſtolus, peccauerunt. CORRIPIATUR ergo ORIGO DAMNABILIS, vt ex dolore correptionis voluntas regenerationis oriatur &c. Ex quibus patet, poſſe hominem corripì ob peccatum originale.*

Inſtat Moraines num. 41. Non ſolùm Ariſtotelem, aut Ethnicos Philoſophos dicere, neminem eſſe vituperio, & reprehensione dignum propter id, quod non liberè fecit, aut omiſit, ſed omnium fidelium, & infidelium communem illam vocem eſſe, vt confirmat S. Auguſtinus lib. de duabus animabus cap. 11. Quare cum nullus commiſerit peccatum originale liberè, ſed illud ex infectione naturæ trahatur, nemo poteſt ob illud vituperari, aut reprehendi. Reſpondeo laudatam S. Doct̃oris teſtimonium à Iuliano eidem Auguſtino ſæpè ſæpius obiectum fuiſſe lib. 1. oper. imperf. cap. 45. lib. 5. cap. 43. & 45. & aliibi. Cui S. Pater reſpondet lib. 1. oper. imperf. cap. 48. *Ipe, inquit, Adam eſt, quem noſtra illa deſinitio, qua tibi placuit, intuebatur, cum dicerem. Peccatum eſt voluntas retinendi, vel conſequendi, quod iuſtitia vetat, & vnde liberum eſt abſtinere. Adam quippe omnino quando peccauit, nihil in ſe habebat mali, quo nolens rueretur ad operandum malum, & propter quod diceret. Non quod volo facio bonum, ſed quod nolo malum hoc ago, ac per hoc id egit peccando, quod iuſtitia vetabat, & vnde illi liberum fuerat abſtinere. Nam ei, qui dixit, quod nolo malum hoc ago, abſtinere inde liberum non eſt. Ac per hoc ſic tria iſta diſcernas, & ſcias aliud eſſe peccatum, aliud pœnam peccati, aliud vtrumque, ideſt, ita peccatum, vt ipſum ſit etiam pœna peccati. Intelligis quid horum trium pertineat ad illam deſinitionem, ubi voluntas eſt agendi, quod iuſtitia vetat, & vnde liberum eſt abſtinere. Peccatum namque iſto modo deſinitum eſt, non pœna peccati, non vtrumque. Et poſtea: Sed pertinet originale peccatum ad hoc genus tertium, ubi ſic peccatum eſt, vt ipſum ſit & pœna peccati. Certum igitur eſt poſſe peccatum originale eſſe verè, & propriè peccatum, etiamſi non inde liberum ſit abſtinere, & doctrinam illam traditam à S. Doct̃ore lib. de duab. anim. cap. 11. quam poſt Iulianum Moraines obijcit, applicandam non eſſe peccato originali, de quo ibi S. Pater non loquebatur. Vnde falſa ſunt quæ poſtea idem Moraines addit: Si ex mente D. Auguſtini, inquit, imò ex ſenſu totius Eccleſiæ, & conſenſu generis humani, iudicandum eſt de peccato originali, cuiusque pœna, dicendum eſt neminem propter illud non à ſe commiſſum, ſed ubi originis ex neceſſitate contràctum eſſe dignum reprehensione, & vituperio, ac proinde nec ſupplicio poſitivo & connaturali. Falſa, inquam, hæc ſunt. Nam ex mente S. Doct̃oris oppoſitum dicendum eſt; docet enim arguendum eſſe etiam illum, qui peccat tertio illo genere peccati, inquit enim ibidem: Tertium verò genus, ubi peccatum ipſum eſt, & pœna peccati poteſt intelligi in eo, qui dicit: Quod nolo malum hoc ago. Ad hoc pertinent etiam omnia, quæ per ignorantiam eum aguntur mala, non putantur malo; vel etiam putantur bona. Cæcitas enim cordis, ſi peccatum non eſſet, iniuſte argueretur, arguitur autem iuſte, ubi dicitur: Pha-*

risæ cæce, & alijs plurimis diuinorum eloquiorum locis. Imò ab illa necessitate vituperationem destrui erat ipsissima obiectio Iuliani dicentis lib. 5. oper. imperf. cap. 52. *Huius vituperatio ad necessaria non recurrit, quia quidquid ad necessarium peruenit, ipsum pulsas auctorem, nempe Deum. Cui S. Pater respondet: Nunquid hoc malum hominis, ubi dicit, quod nolo malum hoc ago, ipsum hominis pulsas auctorem? & tamen eum, qui sic agit malum, satis apparet ad necessarium peruenisse, necessitate quippe agit, quod non agit voluntate.*

Obijciunt 5. Durum videri, & diuinæ bonitati minimè consentaneum, ut pœna ignis æterni puniat infantes, qui propria voluntate non peccauerunt, sed aliena tantùm, atque ex vi, & miseria suæ originis peccato originali infecti sunt. Responder Augustinus lib. 5. oper. imperf. cap. 13. *Si autem crudele esse arbitramini, damnari paruulos, quos originale peccatum trahere non putatis, crudele vobis videatur, non rapi ex hac vita paruulos secundum vos nullum habentes omnino peccatum, quos Deus vtiq; nouit, in multis, magnisque peccatis sine ulla in melius mutatione morituros. Nam secundum RATIOCINATIONES HUMANAS crudelius videtur, non liberare, cum possit, nullis inquinatum paruulis, magnisque peccatis, quàm damnare progeniem peccatoris. Porro cum illud iustum esse, qua potestis voce clamaris, & hoc esse iniustum, qua fronte contenditis? Et quidem si secundum humanas rationes loquamur, videtur etiam durum, hominem ob vnicum prauum desiderium, quod momento euauit, damnari in æternum, & tamen hoc fide credimus; in eo enim actu nulla sensus delectatio fuit, qui tamen pœna sensus æternùm torquebitur. Quare nec durum videri debet, pueros secundum sensum puniri, qui sensu non peccauerunt, nisi quatenus idem fuere cum Adamo. Præterea cum primus parens, si perseuerasset in bono, transmissurus fuisset in posteros iustitiam originalem, & omnia bona tum animi, tum corporis, ut tradit S. Pater lib. 3. oper. imperf. cap. 199. cur durum videtur, si præuaricatus miseras, ac pœnas posteris hereditarias fecit?*

Obijciunt 6. Propter peccatum originale non iniungitur hominibus baptizandis aliqua poenitentia, nec iubentur habere vllum dolorem de illo, ergo non correspondet illi aliqua pœna sensus, sicuti correspondet peccatis actualibus. Respondeo primò aduersariorum plerosque, qui hoc argumentum vrgent, concedere in parvulis tristitiam ob carentiam visionis, quam patiuntur; igitur debetur peccato originali dolor interior, etiamsi pro peccato originali nullus internus dolor ab Ecclesia præcipiatur. Respondeo 2. data priori parte antecedentis negando consequentiam, quia cum miseria huius vitæ sint effectus peccati originalis, cur noua pœna imponeretur, cum innumeræ pro eodem nobis subeundæ sint? Sat est, si dicatur Catechumenis, omnes homines in Adamo peccasse, ac proinde è terrestri paradiso expulsos, tot tantisque poenis addictos, quas diuina gratia adiuvante fortiter sustinere possumus. Respondeo 3. negando secundam partem antecedentis, nullum dolorem iniungi Catechumenis ob peccatum originale, oppositum enim expressè tradit, imò iubet Augustinus cap. 6. superius laudato de correptione, & gratia iniquens: *Corripitur ergo origo damnata, ut EX DOLORE correptionis voluntas regenerationis oriatur: si tamen qui corripitur, filius est promissionis, ut strepitu correptionis foris, secus insonante, atque FLAGELLANTE, Deus in illo intrinsecus occulta inspiratione operetur & velle.* Nonne Catechumenus primùm docendus est, se vel ab ortu

in peccato esse, inimicum Dei, sub Dæmonis potestate, eiusdem membrum, in eiusdem familia? Quæ ille audiens statim dolore corripitur, quod natus sit sub potestate Dæmonis, atque sub eo diutius vixerit. Audiatur S. Augustinus lib. 1. de pec. mer. cap. 19. *Dicit aliquis: Quomodo ergo & ipsi vocantur in penitentiam? Nunquid tantillus potest aliquid penitere? Huic respondetur. Si propterea penitentes dicendi non sunt, quia sensum penitendi nondum habent, nec fideles dicendi sunt, quia similiter sensum credendi nondum habent. Si autem propterea rectè fideles vocantur, quoniam fidem per verba gestantium quodammodo profitentur, cur non prius etiam penitentes habentur? cum per eorundem verba gestantium Diabolo, & huic seculo renunciare monstrantur. Igitur si penitentiam pueris eo pacto S. Doctor asserit, adulti ad baptismum accedentes eandem non habebunt? Tunc ergo dolet ipsos peccati originalis, quando ex Augustino renunciare se Diabolo dicunt.*

Antequam hanc disputationem claudam, volo recitare obiectionem Guilelmi de Rubione, qui in 2. dist. 32. q. 2. art. 2. hoc argumento impugnatur cruciatus puerorum. [Ille, qui est æquè innocens alio peccante, sicut non peccante, non est affligendus, nec magis iuste potest affligi post peccatum alterius, quàm si ille nunquam peccasset, sed propter peccatum primorum parentum eorum filij, qui nunquam peccaverunt, non sunt magis culpabiles, quàm si non peccassent ipsi eorum parentes; imò sunt æquè innocentes post ipsorum peccatum, sicut fuissent, si nunquam ipsi peccassent, licet enim sint modò rei, ergo &c.] Negat hic Scriptor maculam veram, & propriam, quæ inest pueris ante baptismum, in quo iuxta Ecclesiæ canones parum conformiter loquitur, putat enim posteros dici peccatores per denominationem extrinsecam à culpa Adæ, ut patet ex ijs, quæ habet dist. 30. q. 2. §. *Et ideo*, ita ut culpa fuerit in solo Adam, reatus verò, seu obligatio ad poenam, quæ, ut ibidem ait, est culpæ effectus, & quid eandem consequens in nepotibus. At Tridentina Synodus in decreto de peccato originali definiuit anathema esse, qui dixerit Adam inquinatum per inobedientiam peccatum, mortem, & penas corporis tantum in omne genus humanum transfudisse, non autem & peccatum, quod mors est anima. Et sess. 6. cap. 1. statuunt Patres: *Omnes homines in prævaricatione Adæ innocentiam perdidisse, factos immundos, & ut Apostolus inquit, natura filios iræ &c.* Ille verò Nominalis ait, pueros esse æquè innocentes post peccatum progenitorum, sicut fuissent, si nunquam isti peccassent. Quare cum Rubion tantum innocentie pueris tribuat, nil mirum illorum post mortem supplicia negari. Hæc itaque argumenta Augustinianæ sententiæ obijciunt, quæ facili negotio solvuntur, nec illorum opinionem valent reddere Augustiniana probabiliorem, uti notat Estius dist. 33. §. 8. cui S. Patris assertio probabilis visa est. Nec audiendus est Du Vallius tract. de pec. q. 4. art. 3. ubi ait, sententiam contra Augustinum accedere ad fidem, & habere rationes, quas constat esse evidentes.

Essent hic conferendæ sententiæ de poenis parvulorum, nempe S. Augustini, Pelagianorum, ac Scholasticorum. Sed quia id ex hucusque dictis facile coniici potest, & id tentans invidiam fortè mihi consilare, libens periculosam collationem omitto. Hoc mihi certum est, in statuendis infantium poenis non excessisse Augustinum, sed potius eos Scholasticos, qui pueros natu-

rali beatitudine donandos scribunt, ac felicissimam eisdem regionem promittunt. Ita censuit acerrimus Catholicæ Religionis vindex Cardinalis Bellarminus, qui tomo 3. lib. 6. cap. 3. hanc censuram ponit: *Non igitur, inquit, Augustinus aliquid humani passus esse, aut excessisse in hoc dogmate censendus est; sed illi humanum aliquid patitur, & EXCEDUNT, qui parvulos in superiore parte terre, quasi in terrestri paradiso collocant, eosque beatos, ac felices dicunt.* Ad-dam etiam de iisdem iudicium Reuerendissimi P. Laurentij Brancati à Lauræa Vaticanæ Bibliothecæ Præfati, & eximij nostræ ætatis Theologi, qui in eru-ditissimo volumine de Nouissimis disp. 27. art. 7. num. 159. ait: *Quod dicunt nostri moderni, hucusque censeo inane, novum, & ridiculum, nempe de statione, habi-taculo, & deambulatione super terram; unde id habent? quis eis reuelavit? Ego au-tem mirari satis nequeo, quando video veteres Scholasticos S. Thomam, S. Bonaventuram, Ægidium, Scotum, & alios negasse, parvulos tristiari ob ami-ssionem gloriæ, cum oppositum tam apertè, tam disertè, tam asseueranter Au-gustinus asseruerit, & Pelagianos, quod secus sentirent, acerrimè increpue-rit. Scio illos non affirmare, pœnam damni esse leuem, vel nullam secundùm se, quatenus enim est priuatio summi boni possessi in patria, dicitur ab ipsis summum malum, cum eiusdem grauitas ab excellentia boni, quo priuat, men-suretur; unde minùs propriè superiùs S. Doctoris testimonia exaggerasse vi-debimur, ubi idem tradit, non esse in patria, esse magnam pœnam, cum id vl-tro Scholastici concedant. Sed profectò non disputauit S. Doctor cum Pela-gianis de pœna sic intellecta, illi enim cum acutissimi essent, nequaquam ne-gabant pœnam exclusionis à regno cœlorum, prout dicit nudam priuationem Dei possessi in patria, esse in se magnum malum, sed dicebant leuem, vel nul-lam pœnam in pueris, quia nullum, vel leuem dolorem pueris incuriebat. Damnum enim, quod quisque subit in amissione boni, intantum eidem infert pœnam, inquantum sentitur, si enim non sentiat, nulla illi pœna est, vt patet in pueris, quorum bona dilapidantur, patiuntur enim malum, sed non sen-tiunt, quia ex defectu cognitionis illud non percipiunt. Pœna verò à iudice præsertim intenta, non dicit malum prout est nuda priuatio boni nulla habita consideratione subiecti, sed significat id, quod est malum alteri, quatenus illi dolorem ingerit aliquid ponendo, vel tollendo, quod reus nollit. Porro hoc pacto accipi pœnam ab Augustino certum est. Nam lib. 6. con. Iul. cap. 10. ait: *Si hoc eis non erit malum, non ergo amabunt regnum Dei tot innocentes imagines Dei* Quo dimisso tanquam absurdo, quod nunquam Iulianus admisisset, instat: *Si autem amabunt, & tantum amabunt, quantum innocentes amare debent regnum eius, à quo ad ipsius imaginem creantur, nihil-ne mali ex hac ipsa separatione patientur?* At ma-lum, quod sentitur ex amissione boni, quod amatur, habet rationem pœnæ affligentis subiectum, quod priuatur eo bono, quod ab eodem amatur. Præ-terea ferm. 14. de verb. Apostoli cum dixisset Pelagianos non percutere par-vulos, hoc est, non infligere illis pœnam sensus, sed tantum illos in exilium mittere, negando ipsis regnum cœlorum, probat eos pati, ac cruciari ob ex-clusionem ab eodem regno: *Si amatur patria, magna pœna, si autem non amatur patria, peior cordis pœna. Paruum malum est in hominis corde, qui societatem non que-rit Sanctorum, qui non desiderat regnum cœlorum? Si non desiderat, pœna est de peruer-sitate: si autem desiderat, pœna est de fraudata charitate.* Ex quibus apertè con-*

stat, Augustinum velle, parvulos cruciari ob exclusionem à patria cœlesti, eo quòd illam amant, & desiderant, quam si non amarent, essent *peruersi*, & *mali*, quippe qui societatem non quærerent Sanctorum. At malum, quod sentitur amissione boni, quod amatur, est allativum doloris, & tristitiæ, dolemus enim, & tristamur, quoties amato bono priuamur. Iam verò si Patrum, qui Augustinò fauent, suffragia ad calculum reuocentur, erunt hi viginti-quatuor Seniores, nam Byzaceni quindecim fuere, qui S. Augustini sententiam subscripserunt. Inter Patres fuit Gelasius Papa, qui in epistola decretali tertium locum à Pelagianis inuentum de medio tollendum decreuit. Non desunt Scholasticorum suffragia. Albertus Magnus, Eftius, Driedo, Polmanus vti probabilem Augustini sententiam defendunt. Stant pro eadem inito sœdere quinque ex Ordine Minorum, & totidem Augustiniani nostri Theologi. Et quidem spero fore, vt deinceps, vbi hæc nostra disputatio legetur (si tamen vlla horum scriptorum cura posteris erit) plures in S. Augustini partes transeant, vel saltem à censuris abstineant, neque S. Doctorem excessus insimulent in ea sententia tradenda, quam vnanimi consensu Pontifices, Synodi, ac Patres docuere, vt huc vsque luculenter monstratum est.

S. VI.

*An Augustinus discrens de lege veteri contra Pelagianos
exceserit.*

Pelagiani ne gratiam omnino negando Orthodoxorum indignationem subirent (videbant enim eandem gratiam in sacris Literis, à Paulo verò præcipuè commendari) dixere legem, qua Deus homini facienda, vel fugienda præcipit, esse gratiam, vtpotè quam Adæ posteris profunda agendorum ignorantia laborantibus, & longo vitiorum vsu naturali lumine penè extincto misericorditer proposuit. Imò legem contra gratiam impudentissimè exerce-
re. Etenim arguebant ex lege nullam esse aliam insuper Dei gratiam necessariam. Hæc est ratiocinatio sexta Celestij apud S. Doctorem cap. 3. de perfect. iust. *Quarendum est, utrum præceptum sit homini, sine peccato esse. Aut enim non potest, & præceptum non est: aut quia præceptum est, potest.* Et in lib. de grat. & lib. arb. cap. 16. scribit Augustinus: *Magnum aliquid Pelagiani se scire putant, quando dicunt: Non iuberet Deus, quod sciret non posse ab homine fieri. Quis hoc nesciat? Hinc hæretici in laudes legis effusi, in eadem vti in arce causæ ab Augustino se tutos arbitrabantur. Audiatur magnus Ecclesiæ magister lib. 4. ad Bonifacium Papam cap. 5. subdolos hostium conatus publicans: Nusquam autem, inquit, isti inimici gratiæ ad eandem gratiam vehementius oppugnandam occultiores moluntur insidias, quam ubi legem laudant, quæ sine dubitatione laudanda est. Legem quippe diuersis locutionum modis, & varietate verborum in omnibus disputationibus suis volunt intelligi gratiam &c.* Augustinus quòd Pelagianam hæresim à fundamentis euerteret, ex sacris literis, & subtilissimarum rationum momentis ostendit, legem non modò non esse gratiam homines ad bona capefendam adiuuantem, sed reos tantùm facere iubendo, terrendo, puniendo, non adiuuando. Pleni sunt huiusmodi phrasibus S. Patris libri, præsertim liber de Spiritu,

ritu, & litera; qui totus in hoc argumento versatur. Plura loca indicat Cor-
tina P. Macedo ad thesism 48. Vnum testimonium profero ex cap. 8. libri de
gratia Christi: *Ac per hoc, inquit, utque adeo aliud est lex, aliud est gratia, ut lex
non solum nihil profit, verum etiam plurimum obsit, nisi adiuvet gratia: Et hac osten-
datur legis utilitas, quoniam quos facit prævaricationis reos, cogit confugere ad gratiam
liberandos, & ut concupiscentias malas superent, adiuvandos. Iubet enim magis;
quàm iuvat, docet morbum esse, non sanat, imò ab eo potius, quod non sanatur, auge-
tur, ut attentius, & sollicitius gratia medicina queratur. At Moraines Augustini
de lege veteri dicta examini subiiciens, hanc de iisdem sententiam profert
Disp. 24. Anti-Iansenij num. 44. Augustinum pluribus locis durius loqui de lege
veteri, sed sicut ipsemet ait lib. 3. de doctr. Christ. cap. 10. Scriptura verba quando ali-
quid absolum videntur præferre, sunt in benignum, & commodum sensum interpre-
tanda: quidni etiam verba ipsius Augustini, quotiescunque vel nativo impetu animi,
vel astu disputationis abreptus, videtur ad extrema declinare. Quid autem durius
de lege veteri Augustinus dixerit, non erit indagatu difficile, cum probè sciamus,
in quo S. Patris doctrina à Moraino culpetur furoris, & excessus in di-
sputando. Dixit Augustinus cum Apostolo ad Galatas 3. Legem datam præ-
varicationis gratia, de quo plura disserit serm. 11. de verb. Apost. cap. 8. & 9.
Dixit *literam occidere* cum eodem Apostolo 2. Cor. 3. atque integro volumine
verba illa explicat. Dixit cum eodem Paulo Rom. 3. *Lex subintravit, ut abun-
daret delictum*. Quam sententiam exponit serm. 13. de verb. Apostoli, & epist.
89. q. 3. Vocavit legem cum eodem Galat. 3. *Pedagogum molestissimum*, ac si-
militudinem probavit sermone eodem, & epist. 144. Vbi etiam nuncupat le-
gem *non absolutionis adiutorium, sed vinculum criminis*. Quod Augustinum in ex-
cessuum suspicionem traxit, ac durius assertum videtur, est ubi idem Doctor
pronunciavit tantum abesse, ut lex homines adiuvarit, quin potius reos fe-
cerit sine gratia iubendo, non adiuvando. Scribit cap. 1. de cor. & grat. de-
clinare à malo, & facere bonum nullus potest sine spiritu gratiæ: *que si desit, ad hoc
lex adest, ut reos faciat, & occidat*. Serm. 6. de verb. Apost. ait: *Lex enim iube-
bat, & non implebat, quia caro, ubi non erat gratia &c. Quomodo ergo lex mihi opi-
tularetur iubens per literam, & non dans gratiam?* Sermone 13. laudato dixit: *Lex
timorem dedit*. Vbi aut gratia non infundit amorem, observatio legis ex puro
timore servili facit prævaricatorem, qua de te egregiè agit in epistola 144. ad
Anastasium. Videtur ergo Augustinus sensitse, homines lege urgeri ad rectè
operandum, neque tamen semper adesse gratiam adiuvantem, ex quo infer-
ri videtur tunc præcepta Dei esse observatu impossibilia, nam sine gratia im-
pleri non possunt, qua tamen illos carere idem tradit. Hinc Iulianus hæc Au-
gustino exprobat lib. 3. oper. imperf. cap. 119. *Taceo interim, quæ ratione in to-
tam legem fremas, quam credis ea imperasse mortalibus, quorum apud eos nullam fa-
cultatem videret*. Quam stropham sæpius cantat.*

Duo hic possunt difficultatem facere, num lex aliquando imperet, & obli-
get, ut aiunt, sub peccato, si desit gratia adiuvans ad implendam legem, ut
videtur velle Augustinus, & an in lege veteri timor tantum servilis sine gratia
regnaret, quod eundem quoque sensitse nonnulli opinantur. Hæc enim duo
Morainio fortè duriora videntur, in quibus Augustinum extra veritatis li-
neam saltasse putat. Pro expediendo priori dubio res mihi altius repetenda
est,

est. In primis statuendum est discrimen inter obseruationem legis in statu naturæ innocentis, & statu corruptæ. Etenim Adam habuit auxilium proximè sufficiens ad obseruationem cuiuscunque præcepti in omnibus, & singulis occasionibus, & instantibus. Hoc adiutorium eruditè exponitur ab Augustino cap. 11. & 12. de corrept. & grat. Dicitur ab eodem adiutorium *sine quo non*, non *quo*; nam Adam illo adiutorio posito non statim operabatur, sed cum volebat eodem semper præsentè poterat operari. *Tale quippe*, inquit cap. 11. *erat adiutorium, quod desereret, cum vellet, & in quo permaneret, si vellet, non quo fieret, ut vellet. Hæc est prima gratia, quæ datæ est primo Adam, sed hæc potentior est in secundo Adam. Prima est enim; quæ sit, ut habeat homo iustitiam si velit, &c. Addit, quòd primo illo adiutorio ostensa est potentia liberi arbitrii; nam ut antea præmiserat, Deus illud adiutorium reliquit in eius libero arbitrio, & ut ait lib. 3. oper. imperf. cap. 112. Rectorem habebat, quem libero reliquit arbitrio. Quare illud adiutorium semper præstò erat Adam; scribit enim Augustinus, quod desereret cum vellet. Paulo verò post in eodem cap. 11. hæc tradit: Si autem hoc adiutorium vel Angelo, vel homini, quàm primùm facti sunt, defuisset, quoniam non talis natura facta erat, ut sine diuino adiutorio posset manere, si vellet, non utique sua culpa cecidissent. Adiutorium quippe defuisset, sine quo manere non possent. Nunc autem, quibus deest tale adiutorium, iam pena peccati est, quibus autem datur secundùm gratiam datur. Et his infero primò in statu naturæ lapsæ non omnibus dari, nec semper præstò esse illud adiutorium, aliàs oratio esse superflua. Nam, ut ait Augustinus lib. de nat. & grat. cap. 18. quid stultius, quàm orare, ut facias, quod in potestate habeas? Et in epistola 95. Ipsa igitur oratio clarissima est gratiæ testificatio. Non rogamus autem, ut Deus det quod habemus, sed cuius maxime indigemus; etenim ex epist. 105. Si in potestate haberetur, non utique posceretur. Quare cum urgente quolibet præcepto, possit homo orare Deum, ut gratiam ad illius præcepti impletionem largiatur, signum est, gratiam illam non adesse semper in omnibus, & singulis occasionibus. Hinc factum est, ut cum Adamus gratiam illam habuerit pro omnibus, & singulis momentis sibi inhærentem, non indiguerit oratione ad obseruandum vllum præceptum. Scio Recentiore hoc vltimum uti nuperum paradoxum non approbare, sed planè est apertissima sententia Augustini lib. 6. oper. imperf. cap. 15. Dominica, inquit, testatur oratio, ubi non solum dicimus, dimitte nobis debita propter mala, quæ fecimus, verùm etiam, ne nos inferas in tentationem, propter hoc utique, ne mala faciamus; unde & Apostolus dicit: Oramus autem ad Dominum, ne quid faciatis mali. Quod si ita esset in potestate, quomodo fuit ante peccatum, priusquàm esset natura humana vitata, NON UTIQUE POSCERETUR ORANDO, sed agendo potius teneretur.*

Quare cum ex inhærente diuino, eoque iugi adiutorio Adam in quolibet momento temporis potuisset legem implere, frustra orasset Deum, ut vires sibi ad mandata facienda ministraret. Vidit ista Theologorum huius nostri sæculi acutissimus Basilicus Poncius, qui in relectionibus de gratia 1. p. cap. ult. pag. 213. scribit: Atque hoc est adiutorium, quod sæpè Augustinus dicit, Adamum habuisse, quod nos in hoc statu non habemus, quia non habemus pro singulis occasionibus perseverantes cogitationes, & affectiones boni, ut notum est. Unde Adamus non egebat oratione, ut adiutorium illud compararet, quia iam Dei munere cum ipsa natura ingenuum erat, sed gratiarum actione pro tanto beneficio, quod à Deo in prima sui origine

accepe-

acceperat. Neque reâdè diceretur Adam intensiorem gratiam potuisse petere, vt faciliùs legem impleret. Etenim vanum fuisset, nouas vires petere in tanta non peccandi facilitate, vt loquitur S. Pater cap. 12. Poterat tamen Deum orare, vt tentatorem procul arceret, ne ad malum pelliceretur, vel cadendi periculo vicinus fieret. At posita tentatione neutiquam, nisi inaniter, à Deo petijisset vires eidem resistendi. In statu autem naturæ lapsæ illud adiutorium pro omnibus, & singulis momentis proximè sufficiens non semper præsto est hominibus, vnde necessitas orationis elucet, qua rogamus Deum, vt mandata ipsius implere possimus. Hinc scribit ibidem Augustinus: *Ideo in hoc agone magis nos Deus voluit orationibus certare, quàm viribus, quia & ipsas vires, quantas hic habere nos competit, ipse subministrat certantibus, quem rogamus. Si ergo hi, quorum contra carnem spiritus concupiscit AD ACTVS SINGVLOS INDIGENT DEI GRATIA, ne vincantur, qualem libertatem voluntatis habere possunt, qui nondum de potestate truti tenebrarum, dominante iniquitate nec certare cœperunt, aut si certare voluerunt, nondum liberatæ voluntatis seruitute vincuntur. Vbi affirmat gratiam ad singulos actus virtutis dari, neque tamen omnibus ministrari. Breuiùs idem tradit epist. 107. ad Vitalem: Scimus gratiam maioribus ad singulos actus dari. Scimus non omnibus hominibus dari. Et lib. 4. oper. imperf. cap. 128. scribit: Proinde hominibus natura filijs iræ dantur præcepta viuendi, quia datur & gratia, vt qui inbet, iuvet, ac sic mala non solum quæ voluntate addita, verum etiam quæ sunt congennerata vincantur. Quod enim hominibus impossibile est, Deo facile est. Quibus autem NON DATVR gratia, propter quam dictum est. Quis enim te discernit? 1. Cor. 4. quid autem habes quod non accepisti? præuicinatores sunt accedente lege, non iusti. Sed si quam ad vilitatem viuunt filiorum misericordiæ, vt eos videntes, & quid sibi non merito, sed gratia donetur, intelligentes non extollantur, sed qui gloriantur in Domino gloriatur.* Quæ sententiæ passim in Augustino occurrunt.

Quòd autem lex, ad hoc vt obliget, non debeat supponere in operante potentiam proximam ad faciendum opus, quod imperatur, est constans eiusdem S. Patris doctrina contra Pelagianos, qui, vt vidimus, ex præceptorum impositione humanæ voluntatis potentiam ad mandata facienda cum cuiuscunque diuini adiutorij exclusionem prædicabant. Quibus Augustinus cum collegis Africanis respondet epist. 95. ad Innocentium Papam: *Distinguenda est lex, & gratia. Lex iubere nouit, gratia iuuare. Nec lex iuberet, nisi esset voluntas, nec gratia iuaret, si fas esset voluntas.* Postea inculcaris sacris testimonijs, in quibus lex, & oratio asseruntur, concludit: *Sicut ergo agnosceamus voluntatem, cum hæc præcipiuntur, sic & ipse agnoscat gratiam, cum petuntur.* Quare cum instante quolibet præcepto legis, homo non irrisoriè, sed veraciter Deum debeat orare, vt sibi gratiam donet ad faciendum mandatum, signum est diuinam gratiam necessariam ad exequendum opus imperatum non adesse in omnibus, & singulis momentis, nam vt clamat vbique magnus Doctor: *Si adest possibilitas, ut quid orant?* Lib. de nat. & grat. cap. 53. Hæc doctrina, quæ planè verissima est, probatur ex Synodo Tridentina sess. 6. de iustificat cap. 11. vbi ait: *Deus impossibilia non iubet, sed iubendo monet, & facere, quod possis, & petere, quod non possis, & adiuuat, ut possis.* Est sententia exscripta ex libro S. Augustini de nat. & grat. cap. 43. & licèt illa postrema verba, & adiuuat, ut possis, non asserantur explicitè ab Augustino, subintelliguntur; nam si ab illo petis,

ut possis, signum est, quod ille est, qui adiuvat, ut possis. Sed plenam eandem sententiam ex tract. 53. in Ioannem exhibeo: *Sed audiamus, inquit, Dominum & precipientem, & opulentem, & iubentem quid facere debeamus, & adiuvantem, ut implere possimus.* Premo illa S. Synodi ex Augustino verba, & petere, quod non possis: Ergo dum petis, vel etiam antequam petas, stas sub lege præcipiente, & nondum habes gratiam adiuvantem, tunc enim non potes facere, quod lex iubet. Quare errarunt Pelagiani, qui ex lege hic, & nunc obligante existimarunt hominem posse suismet viribus exequi imperata. Inde etiam reijciuntur plures Theologi, qui putant legem non posse hic, & nunc obligare, nisi adsit gratia adiuvans, nam dum petis, ut possis, profectò sentis te urgeri præcepto, & simul cognoscis te destitutum gratia proximè necessaria ad opus implendum, unde oras, ut eandem tibi Deus largiatur. Hic vero reijcienda est sententia illorum, qui dicunt gratiam proximè sufficientem semper adesse, nec unquam legem obligare, nisi adsit gratia adiuvans, aliàs homo ob impotentiam excusaretur ab observatione legis.

Nam si lex, ut obliget, semper infert assistentiam gratiæ sufficientis, sequeretur gratiam sufficientem ad observationem legis necessariam non fuisse amissam ex peccato Adæ, quod licet à pluribus concedatur, puto esse falsissimum. Probat sequela, nam Adam per peccatum non exemit homines à lege naturali, hæc enim lex perinde obligat Adamo peccante, vel non peccante, ergo si ut lex obliget, habet connexam assistentiam gratiæ sufficientis, hæc gratia sufficiens siue stante Adamo, siue cadente, connexa erat cum lege propter obligante, ergo non fuit amissa ex peccato primi parentis. Probo modò illam gratiam sufficientem esse amissam argumento eodem, quo Paulus Galat. 2. usus est ad contundendam superbiam eorum, qui dicebant, legem posse iustificare; arguit breviter, sed solidissimè: *Si enim per legem iusticia, ergo gratis Christus mortuus est.* Cuius argumenti vis tota in hoc consistit; quod si lex sola sufficiebat ad hoc, ut homines observando præcepta se innocentes conservarent, Christus gratis passus diceretur. Cur enim venit in mundum, ac tot tormenta subiit, si aliunde ex legis doctrina homines poterant se iustos servare? Iam verò eandem vim habet Apostoli ratiocinatio contra gratiam sufficientem: Si per legem, & gratiam sufficientem poterat homo implere totam legem, ergo Christus gratis mortuus est. Respondebunt Christum venisse, ut abundantior gratia humana fulciretur. Instamus; Igitur Christus mortuus est, ut faciliùs possemus implere legem ex donis ipsius gratiæ, quam tamen, licet difficiliùs, implere poteramus per gratiam sufficientem etiam absque ipsius Redemptoris morte. Ad hoc verbum *faciliùs* veluti ad sacram anchoram in tempestate confugiebant Pelagiani, quos hys Augustinus execratus est lib. 2. oper. imperf. cap. 198. ubi recitatis iisdem verbis Pauli ait: *Apostoli est vox ista, non mea: iam erumpite in apertum inimici crucis Christi, quid timetis magnum populum Christi, & Christi magnum iudicium non timetis? Aperte dicite, iustificari natura, iustificari lege possumus, gratis mortuus est Christus, sed formidantes multitudinem Christianam, Pelagianum verbum supponitis, & querentibus à vobis, quare mortuus sit Christus, si natura, vel lex efficit iustos, respondetis, ut hoc ipsum faciliùs fieret, quasi posset, quamvis difficiliùs, fieri tamen siue per naturam, siue per legem. (Poteris addere, siue per gratiam sufficientem connexam necessariò cum lege obligante) Christe*
respons.

respondere, vincere, atque convincere, clama: sine me nihil potestis facere, ut taceant hi, ^{Luc. 11. 15.} qui clamant, etsi difficilius, tamen possumus & sine te facere, aut si tacere non possunt, se ipsos in labebras aliquas ducant, ut alios non seducant. Hanc nostram sententiam eruditè Basilius Poncius defendit 1. p. relect. de grat. cap. 14. vbi argumenta soluit Suarez, & Vasquez, qui ingenuè fatetur 1. 2. disp. 193. cap. 4. num. 36. Augustinum fuisse in hac ipsa sententia, quam exposui.

Lex igitur ex Augustino homini data est, non ut cum gratia sufficienti secum necessario connexa homines agendorum cognitione instructos ad opera præcepta implenda iuvaret, sed ob hoc data est, ut homo conatus facere, quæ præcepta erant, & cernens per semet illa exequi non posse, gratiæ auxilium imploraret. Hæc scribit ad Anastasium epistola 144. *Lex itaque docendo, & iubendo quod sine gratia impleri non potest, homini demonstrat suam infirmitatem, ut quærat demonstratæ infirmitatis Salvatorem, à quo sanata voluntas possit, quod infirma non posset.* Idem tradunt Augustini discipuli, Fulgentius lib. 2. de verit. prædest. cap. 4. *Dum ergo, ait, præcipitur nobis, ut velimus, ostenditur quid habere debeamus. Sed quia id ex nobis habere non possumus, admonemur, ut à quo nobis datur præceptum, ab ipso petamus auxilium.* Et Prosper in epist. ad Demetriadem: *Nec ob aliud nunquam datur præceptum, nisi ut quærat præipientis auxilium.* Igitur lex non infert potentiam proximam voluntatis faciendi, quod iubetur, & ex consequenti non habet annexam gratiam proximè sufficientem ad faciendum opus imperatum. Augustinus ex Apostolo Galat. 3. vocat legem *Pedagogum*, quia lex ducit ad gratiam. Legatur sermo 13. de verb. Apostoli. Egregiè in lib. de Spir. & lit. cap. 19. *Lex ergo data est, ut gratia quæretur: Gratia data est, ut lex impleteretur.* Neque enim suo vitio non implebatur lex, sed vitio prudentia carnis. *Quod initium per legem demonstrandum, per gratiam sanandum fuit.* Pergit ulterius S. Doctor scribens legem iubere faciendâ, fidem verò impetrare adiutorium ad imperata exequenda. Hinc celebre evasit illud eiusdem dictum: *Fides impetrat, quæ lex imperat.* Epist. 89. q. 2. lib. de spir. & lit. cap. 29. & alibi. *Audiendus est cap. 13. libri proximè laudati: Ac per hoc, inquit, lege operum dicit Deus, fac quod iubeo: lege fidei dicitur Deo, da quod iubes. Ideo enim iubet lex, ut admoneat quid faciat fides: id est, ut cui iubetur, si nondum potest, sciat quid petat: si autem continuo potest, & obedienter facit, debet etiam scire, quo donante facit.* Ex quibus patet quandoque auxilium proximè sufficiens præsto esse, inquit enim si autem CONTINUO potest. Illud verò ex Augustino certum est, nequè fidem posse mouere hominem ad petendum diuinum auxilium, ad hoc ut possit implere præcepta, nisi Deus infundat gratiam actualem, qua homo moveatur ad orandum. Semipelagianorum error fuit, posse hominem petere, & desiderare suis viribus gratiam, quem damnavit ex Augustino Synodus Arausiana canone 6. Etenim licet quis sit fidelis, non habet in singulis momentis præsens diuinum auxilium proximè sufficiens ad orandum. Hoc passim in Augustino habetur, Lib. de dono perseu. cap. 23. de Semipelagianis ait: *Nec uolunt intelligere, etiam hoc diuini munus esse, ut oramus, hoc est, petamus, quæramus, atque pulsemus: Accipimus enim Spiritum adoptionis in quo clamamus Abba Pater &c.* Idem habet epist. 105. ^{Rom. 8.} lib. de corrept. & grat. cap. 1. Epist. 121. cap. 15. In libro 1. qq. ad Simplicianum q. 2. inde probat orationem seruandam, qua impetramus, esse à Deo: *Nonne aliquando, inquit, ipsa nostra oratio sic tepida est, non potius frigida, & penè*

nulla, imò omnino interdum ita nulla, ut neque hoc in nobis cum dolore aduertamus, quia si uel hoc doleremus, iam oramus? Ex his colligitur, quomodo infideles peccent non obseruando legem, quandoquidem sine fide manent tantum sub lege præcipiente, non sub gratia proximè adiuvante, unde opera, quæ ipsi faciunt, semper sunt peccata, nisi ubialiquando Deus quosdam bonos adus ipsis necessitibus in eorundem voluntatibus operatur. Scribit Augustinus in epist. 144. *Lex igitur adducit ad fidem, fides impetrat spiritum largiorem, diffundit Spiritus Charitatem, implet charitas legem: Ideo lex pedagogus uocatur, sub cuius ministratione seueritate, qui inuocauerit nomen Domini saluus erit. Quomodo autem inuocabunt, in quem non crediderunt.* Itaque cum infideles in Christum non credant, Dei gratiam ad implendam legem naturalem non petunt; unde nec eandem obseruant, & si quæ bona facere videntur, illa non faciunt bene; vt S. 4. probatum est. Cur uero non excusentur tradit Augustinus in lib. de Spir. & lit. cap. 33. & epist. 105. ad Sixtum. Quamvis enim careant auxilio proximè sufficienti, habent tamen auxilia quædam remota; unde non patiuntur antecedentem necessitatem peccandi, quam licet humanum genus ex peccato primiparentis incurrerit, Christi tamen Redemptoris beneficio sublata est, vt acutè probat noster Poncius 2. par. relect. de grat. c. 15. Nihil igitur Augustinus durius de lege impetu animi, uel æstu disputationis asseruit, vt contendebat Moraines. Sed quòd nec de lege veteri durius quidpiam pronuntiari offendo.

In primis, si verba, uosoris sonant, tantum considerentur, profectò non Augustinus, sed Paulus censendus foret durius locutus de veteri lege Moysis. Dixit Rom. 5. *Lex autem subintravit, ut abundaret delictum.* Cum tamen lex ideo promulgetur, ut delicta tollantur, & cessent; Dixit 2. Cor. 3. *Litteræ occidit.* Cum tamen lex subditos à criminibus arceat. Dixit 1. Cor. 15. *Virgatus uero peccati lex.* Cum lex peccata prohibeat. Has tamen loquendi formulas Augustinus locis superius laudatis explicuit, nihilè absurdi continere monstrauit. In eo autem S. Doctor reprehenditur, quòd uisus sit, asserere legem veterem reos fecisse homines iubendo, non adiuvando; quod, ut opera facta in lege ueteri peccata dixit; cum Iudæi illa fecerint timore pœnæ, non amore iustitiæ. Iudæi habita lege eò superbiam delapsi sunt, ut putarint solam legem ad hominem iustificandum sufficere, neque necessariam esse Dei gratiam, sed tantum liberum arbitrium. Hic autem error tam altè eorum mentibus infidebat, ut plerique etiam ad fidem ex Iudaismo conuersi, in veteri errore obstinati uersarentur, unde illos Apostolus arguit in epistola ad Galatas cap. 2. argumento superius recitato: *Si ex lege iustitia, ergo Christus gratia mortuus est.* Testatur Augustinus hæc ipsa sæpius Apostolum inculcasse, ut eorundem superbiam contunderet. Ad hoc ducit, inquit serm. 13. de verb. Apostoli, & commendat ista Apostolus propter Iudæos, qui de lege gloriabantur; & libero suo arbitrio legem sufficere arbitrabantur: ac per hoc quia libero suo arbitrio legem sufficere arbitrabantur, ignorantes Dei iustitiam, id est, ex fide iustitiam datam à Domino, & suam uolentes statinere, quasi suis uiribus implerant, non dante fide impetratum; iustitia Dei, sicut dicit, non sunt subiecti. Et in lib. de Spir. & lit. cap. 29. ait: *Israhel uero persequens legem iustitiæ, in legem iustitiæ non peruenit. Quare & quia non ex fide; sed tamquam ex operibus: id est, tanquam eam per semetipsos operantes, non in se credentes operari Deum.* Porro cum hunc errorem forbuerint postea Pelagiani, asserentes gra-

gratiam Dei in veteri testamento non esse nisi legem Moyſi traditam, gratiam verò noui testamenti eſſe Euangelium, & exemplum Chriſti, Auguſtinus, vt iſtorum errorem confutaret, acutè probauit legem à gratia ſeparatam reos facere homines iubendo, non adiuvando, vt ex teſtimonijs adductis conſtat. Neque iniurius fuit legi; non enim hæc impoſita fuit, vt homines ſe ſola iuſtos faceret, ſed vt oſtenderet, quid faciendum eſſet, & cum homo ſe præceptis faciendis imparem eſſe cognosceret, ad auxilium gratiæ confugeret, quod ex S. Doctore, eiſque diſcipulis probauimus, oſtendentes non *durius* loqui, qui aſſerat, in hypotheſi, quòd ſola lex iubeat, nec gratia proximè ſufficiens adſit, legem eandem obligare, & transgreſſorem reum eſſe peccati. Porro ſicuti Hebræi non ex amore iuſtitiz bona opera faciebant, ita mala vitabant timore tantum pœnæ. Hinc Auguſtinus dixit opera Iudæorum in veteri lege fuiſſe peccata, & legem illam fuiſſe legem ſeruilem, quòd illi qui eandem implebant, timori inferuient. Scribit S. Doct. lib. 4. ad Bonifacium cap. 5. *Quod ex lege teſtimonium commemoratum ab Apoſtolo propter uitam temporalem intelligitur, propter cuius amittendam timorem, faciebant homines legis opera non ex fide, quæ transgreſſores legis eadem lege à populo iubebat occidi.* Idem in lib. de ſpir. & lit. cap. 32. ex his Apoſtoli Rom. 8. 15. ſuam ſententiam probat: *Non enim accepſiſtis Spiritum ſeruitutis iterum in timorem ſed accepſiſtis Spiritum adoptionis filiorum, in quo clamamus, Abba Pater.* Erat ergo lex vetus lex timoris, quòd carnalis ille populus ſe, ac ſua tantum amans, quicquid boni iuxta legis mandata faciebat, amore ſui faciebat, volens ſibi bona, ac timens mala. Lex ergo tanquam ſeruis incurrit timorem, gratia, quæ per fidem Chriſti impetratur, inſpirat amorem. Quare S. Pater lib. eodem de ſpir. & lit. cap. 29. ait: *Ex lege autem timemus Deum, ex fide ſperamus in Deum, ſed timentibus penam abſconditur gratia.* Cur autem ijs, qui ex puro timore ſeruili legem implent, gratia abſcondatur tradit ibidem cap. 19. Serm. 13. de verb. Apoſtoli. Epiſt. 144. vbi hæc habet: *Quis coram Deo innocens inuenitur, qui nult fieri, quod uetatur, ſi ſubtrahas quod timeatur? Ac per hoc in ipſa voluntate reus eſt, qui nult facere, quod non licet fieri, ſed ideo non facit, quia impune non poteſt fieri. Nam quantum in ipſo eſt, mallet non eſſe iuſtitiam peccata prohibentem, atq; punientem. Ex utiq; ſi mallet non eſſe iuſtitiam, quis dubitauerit, quòd eam ſi poſſet, auferret? Ac per hoc quomodo iuſtus eſt iuſtitia talis inimicus, ut eam, ſi poteſtas detur, precipientem auferat, ne comminantem, uel iudicantem ſerat?* lege ibi plura. Timor quidem ſi deſinat eſſe purè ſeruilis, & per aliquem Dei amorem incipiat eſſe caſtus, eſt bonus, nec vitiat opera ex eodem deriuata, qua de re & ſuſſimè, & etuditimè diſputarunt duo inſignes Louanienſis Academiæ Doctores Chriſtianus Lupus, & Franciſcus Feracques Auguſtiniani editis à ſexennio quotannis de eodem argumento libris, & apologijs. Plurimi tamen veteris testamenti Patres non ſub lege tantum fuere, ſed ſub gratia adiuvante, quia propriæ infirmitatis conſcij ad ſectanda virtutum opera diuini auxilij opem implorant. Cæterum omnibus hominibus a deſe auxilium ſaltem remotum, mihi videor colligere ex Auguſtino lib. de nat. & grat. cap. 67. vbi ex lib. 3. de lib. arb. cap. 10. hanc ſententiam recitat, approbatque aduerſus eos, qui Adami peccato omnia crimina imputabant, & ſe ipſos innocentes aſſerebant: *Reſte enim forte quererentur, ſi erroris, & libidinis nullus hominum uictor exiſteret. Cum uerò ubiq; ſit præſens, qui MYLTIS MODIS PER*

CREATURAM sibi Domino seruientem, auersum vocet, doceat credentem, consoletur sperantem, diligentem adhortetur, conantem adiuet, exaudiat deprecantem, non tibi deputatur ad culpam, quod innitus ignoras, sed quod negligis credere, quod ignoras. Neque illud, quod vulnerata membra non colligis, sed quod volentem sanare contemnis. In quo autem consistant huiusmodi auxilia remota, non ita facile explicatur; etenim miris modis Deum humanas voluntates ad bonum faciendum mouere idem Augustinus lib. 1. ad Bonifacium cap. 19. verissimè affirmat, quos modos satius est humili silentio venerari, quàm curiosa disputatione perquirere. De his auxilijs remotis locutum arbitror eundem S. Doctorem in lib. de dono perseu. cap. 9. vbi ait: *Ex duobus etate iam grandibus impijs cur iste ita vocetur, ut vocantem sequatur: ille autem aut non vocetur, ut vocantem sequatur, aut NON ITA vocetur, ut vocantem sequatur, inscrutabilia sunt iudicia Dei.* Vocatio illius, qui non sequitur, est per auxilium debile, & remotum, quo intellectus transcurrent tantum quasdam bonas cogitationes elicit, sed adeo debiles, ut nec voluntatem trahant ad bonum, sed leuiter tantum excitent, & citò citiùs intellectus aliò euolet, & in malum voluntas longo scelerum vsu obdurata feratur.

§. VII.

An sententia S. Augustini de prædestinatione ad gloriam ante omnem meritum prævisionem sit per excessum prolata.

Ioannes Adamus, & Antoninus Moraines in quæstione etiàm de prædestinatione, & ea quidem præcipua grauem Augustino excessum obijciunt. Adamus lib. 3. sui Caluini destructi hæc de eodem scribit cap. 8. pag. 639. *Profecit quando constat ipsum in materia de gratia, & prædestinatione cum excessu locutum esse, ac verba ipsius esse mitiganda, ne ab illorum acrimonia in errorem contrarium propellar, licitum mihi esse debet aliquod Catholicum temperamentum inquirere.* Subit mentem illud Augustini dictum lib. 3. oper. imperf. cap. 57. *Dic, quod diciturus es, egregie corrector.* Moraines cum dixisset Didacum Ruizium ex S. Augustino gratuitam prædestinationem docere, hæc inquit: *Ruiz falsum supponit, & si Augustinus id faceret, non doctrina affinitas, aut connexio, quæ nulla est, sed estus disputationis ad hoc illum impelleret.* disp. 9. num. 50. Verùm sententiam illam de gratuita prædestinatione ad gloriam antè præuisa merita docuerit S. Prosper, S. Fulgentius, Patres Africani in epistola Synodica, aliq̃ue tanta certitudine, ut hæc dixerit S. Fulgentius, imò cum Fulgentio Patres Synodi Sardinienfis in fine libri de Incarnatione, & gratia: *Deus enim, qui hominem condidit, ipso prædestinatione sua, & donum illuminationis ad credendum, & donum perseuerantia ad proficiendum, atq; permanendum, & donum glorificationis ad regnandum, quibus dare voluit præparauit, quique non aliter perficit in opere, quàm in sua sempiterna, atq; incommutabili habet voluntate dispositum.* Cuius prædestinationis veritatem, quæ nos ante mundi constitutionem prædestinatos in Christo testatur Apostolus, si quis detractis cordis credulitate recipere, vel oris confessione proferre, si ante ultimam dictæ vitæ presentis impietatis suæ contumaciam, quæ Deo viuo, & vero rebellis obstitit, non abiecerit, manifestum est quin non pertinere ad eorum numerum, quos Deus in Christo ante mundi constitutionem gratis elegit, & prædestinauit ad regnum.

Sanè Semipelagiani iam olim dixerant, absque ea doctrina de prædestinatione Ecclesiæ causam aduersus Pelagianos per plures annos fuisse defensam, vt refert Hilarius in epistola ad Augustinum, quibus S. Doctor respondens lib. de dono perseuer. cap. 20. ait: *Hæc est prædestinatio manifesta, & certa Sanctorum, quam postea diligentius, & operosius, cum iam contra Pelagianos disputaremus, DEFENDERE NECESSITAS COMPLUIT. Didicimus enim singulas quasque hæreseos intulisse Ecclesiæ proprias questiones, contra quas diligentius defendendæ scriptura diuina, quàm si nulla talis necessitas egeret. Porro cuiusnam maior fides habenda est Augustino-ne, qui ad illud de prædestinatione dogma asserendum se necessitate compulsus testatur, ad Pelagianos diligentius ex Scripturis confutandos, an Morainio, qui id nulla vel doctrinæ affinitate, sen connexionne ab Augustino scitatum comminiscitur? Quòd verò hanc connexionem etiam Annatus negat, illam cap. 8. contra eosdem probabimus. Magnus ille Ecclesiasticorum Annalium Scriptor Baronius ipsos Recentiores excessus meritis accusat, qui Caluini hæresim fugientes, in alterum extremum à S. Augustini doctrina discedentes declinant, & quidem in hac materia de prædestinatione: Cum igitur, inquit, *Fausi sententia ubique ab Ecclesia fuerit contradictum, videant quanto periculo quidam ex Recentioribus, dum in Nouatores exurgunt, et eos confutent, à Sancti Augustini de prædestinatione sententia recedunt, cum aliqui arma non desint, quibus aduersarij prostiguntur.* Anno 490. pag. 449.*

Sed audio Petauium inclamantem: *Iam pridem disputari in utramque partem capit in Scholis quæstio de prædestinatione, neque pro aliquo præiudicio valere ad hanc controuersiam credita est auctoritas Augustini.* Tom. 1. dog. Theol. lib. 10. cap. 1. Sed huius Recentioris voces grauiissimo, etque domestico testimonio comprimam. Anno 1584. à Claudio Aquauia magno illo, & incomparabili vniuersæ Societatis moderatore præuo sex doctissimorum Theologorum eiusdem sodalitijs examine, selectæ sunt quædam sententiæ omnibus suis defendendæ, ne quolibet vento doctrinæ circumferrentur. Porro pag. 37. vbi de opinionum delectu agitur, hæc leguntur: *Item definitum est prædestinationis nec rationem, nec conditionem esse ex parte nostra. Id ad pietatem parum pertinere dicit aliquis. At hanc Augustini doctrinam non modò communiter Theologorum schola iam recipit, sed & Ecclesia Patres per mille, & ducentos circiter annos, qui id contendunt probare ex Scripturis, & responsis Pontificum Romanorum, nempe Zosimi, Sixti, Celestini, Leonis, Gelasij, apud quos Mafsilienfes, Casianus, Faustus, aliique huius prædestinationis oppugnatores malè semper audierunt.* Examinata hæc cum alijs sententiis fuit ab Ioanne Azorio Hispano, Gaspare Gonzalez Lusitano, Iacobo Tirio Gallo, Petro Buzæo Austriaco, Antonio Guisano ex superiori Germania, & Stephano Tuccio, qui Romæ morabatur, vt in præfatione illius libri asseritur. Augusta Theologorum nomina. Et hi quidem S. Augustini sententiam de gratiosa prædestinatione ad gloriam ante meritum præuisionem defendebant, antequam Augustiniani excessus fingerentur. Hoc idem asserunt S. Thomas, eiusque nobilissima Schola, ac melior Scotistarum, pars itemque è Societate plurimi grauiissimi, ac doctissimi Scriptores propugnant, quorum iudicia contra Recentiorum censuras appello.

An S. Augustinus exceſſerit, docens copulam coniugalem ſolius voluptatis gratia eſſe peccatum veniale.

DOcuit Auguſtinus copulam cum vxore abſque proliſ generandæ voluntate propter ſolam delectationem eſſe peccatum veniale. Non placet hoc dictum Auguſtini Morainio, ſed ait diſp. 17. num. 22. *exceſſiſſe interdum aſtu diſputationis abreptum, & in odium hæreſis, quam impugnabat; ad contrarium extremum declinaſſe.* Ne id vitij Auguſtino obijciens Lectorum oculos offendat, accuſationis acerbitem aduerbio interdum mitigat, cum tamen, vti dicebam, paſſim & vbique in hoſce exceſſus præcipitem Auguſtinum faciat. Ceterum S. Doctõris ſententia communi Sanctorum Patrum, & veterum Scholaſticorum iudicio veriſſima eſt. Inquit Auguſtinus tomo 6; lib. de bono coniugali cap. 6. *Coniugalis enim concubitus generandi gratia, non habet culpam, concupiſcentiæ verò ſatiandæ, ſed tamen cum coniuge, propter fidem thori veniale habet culpam.* Hoc aſſertum docuerat Clemens Romanus lib. 6. Conſtitut. Apoſt. vt dicunt cap. 7. *Sola enim voluptas, ſi quis ea etiam tratur in coniugio, eſt præter leges, & iniuſta, & à ratione aliena.* In eadem ſententia eſt S. Anſelmus in 1. Cor. 7. ad illa verba: *Hoc autem ſecundum indulgentiam, vbi ait: Tunc enim ſolum coniuges ſine culpa ſunt in admixtione, cum non pro explenda libidine, ſed pro ſuſcipienda prole miſcentur.* Sed tamen & alia commixtio, quæ fit pro ſola voluptate, veniam accepit propter nuptias. S. Fulgentius in epiſt. de debito coniugali cap. 3. ſcribit: *Coniugatus ergo ſi fornicatur, damnabiliter peccat; ſi verò thori fidem non deſerat, ſed in vxore ſua naturali diuinitatæ uſu aliquantulum intemperatus excedat, non ſolum ſcilicet generationem quærens, ſed aliquando libidini carnis obediens, hoc equidem ſine culpa non facit.* Et cap. 4. *Retenta ergo thori fides maculam diluit, quam contrahit infirmitas carnis, ſi mulieri non miſceatur alteri, quiſquis non pro ſola generatione, ſed etiam propter fragilitatem carnis ſua miſcetur vxori.* Sed ex S. Gregorio Papa pulcherri-
mè hoc probatur. Cum S. Auguſtinus Monachus, quem ad Anglos ad fidem conuertendos in Britanniam miſerat, quædam dubia eidem propoſuiſſet, inter quæ num vir ſuæ coniugi permixtus, antequam aqua lauaretur, Eccleſiam ingredi poſſet, vel ad ſacram communionem accedere, reſpondet Sanctus Pontifex lib. 12. epiſt. cap. 10. ad interrogat. Aug. *Romanorum tamen ſemper ab antiquioribus uſus fuit, poſt admixtionem propria coniugis, & lauacri purificationem quærere, & ab ingreſſu Eccleſiæ paululum reuerenter abſtinere.* Nec hoc dicentes deputamus culpam eſſe coniugium, ſed quia ipſa licita admixtio coniugum ſine voluptate carnis fieri non poteſt, à ſacri loci ingreſſu abſtinendum eſt, quia voluptas ipſa eſſe ſine culpa nullatenus poteſt. Et poſtea: *Si quis ergo ſuam coniugem non cupidinè voluptatibus captus, ſed ſolummodo liberorum creandorum gratia trahitur, iſte profeſſio de ingreſſu Eccleſiæ, ſeu de ſumendo corporis Dominici, ſanguiniſque myſterio ſuo eſt relinquenda iudicio, quia à nobis prohiberi non debet accipere, qui in igne poſitus neſcit ardere.* Cum verò non amor procreandæ ſobolis, ſed voluptas dominatur in opere commixtionis, habent coniuges etiam de ſua commixtione, quod deſcant. Item adductis illis verbis Pauli 1. Cor. 7. *Hoc autem dico ſecundum indulgentiam, ait: Non enim indulgetur,*
quod

quod licet, & iustum est. Quod enim indulgenti dixit, culpam esse monstravit. En non solum Augustini sententiam assertam à Gregorio Magno ex Apostolica Sede ad fidelium instructionem loquente, verum etiam ex Apostolo, & ex antiquo Romanæ Ecclesiæ ritu eandem confirmatam. Quid ad hæc repones Moraini? Et Gregorium, & Fulgentium, & Anselmum, & Clementem ad præcipitâ de flexisse dices à istâ nullo actu disputationis abrepti illa dixere, unde graviter errasse sanè dicendi sunt, cum Augustinum zelus hostium expugnandum excuset?

Sed volo ostendere Theologiæ Scholasticæ Procetes in eadem sententia cum Augustino concinere. Primus sit, quem omnes secuti sunt, Magister sententiarum; qui in 4. dist. 31. ita scribit: *Hoc autem ne prædictis obviet, intelligendum est in illis, qui non gratia prolis conveniunt, quorum voluptas non est sine peccato.* Et loquitur de coniugatis. Accedat Albertus Magnus tomo 16. 4. sent. dist. 31. art. 21. §. Responsio, vbi ait: *Sed cum sola libido movet &c. aut servet inira mentis honestatis, & concessionis matrimonij, & tunc veniale dicendum est, ut patet ex verbis Augustini in lura positis.* Dabo huic supparem Alexandrum Alensem, 22. p. sum. q. 147. memb. 2. Si enim, inquit, illa delectatio sit sub Deo, veniale peccatum est, excusatur enim propter Sacramentum coniugij. Unde Augustinus de bono coniugali &c. Ita hi duo lumina Theologiæ Scholæ eam sententiam tradunt Augustini auctoritatem secuti. Non dissentit Angelicus Magister S. Thomas dist. 31. cit. q. 2. art. 3. vbi quaerit utrum peccet mortaliter cognoscens uxorem intendendo solam delectationem, cui quaestioni in fine corporis respondet: Si autem quaeratur delectatio infra limites matrimonij, ut scilicet talis delectatio in alia non quaeretur, quam in coniuge, sic est veniale peccatum. Iungatur Angelico Seraphicus Doctor Bonaventura, qui dist. eadem q. 3. in fine ita iudicat: *Si autem mea vult delectari, quia uxor, & nullo modo eam cognosceret, si uxor non esset, tunc non est enormis inordinatio, & tunc est peccatum veniale, & excusatur per bonum matrimonij, ut non sit mortale.* Possem innumeros Doctores addere, qui plenis suffragijs Augustini sententiam comprobant. Appello Sanchez inter Recentiores doctissimum, qui tomo 3. de matr. lib. 9. disp. 11. num. 4. hanc thesim proponit: *Secunda conclusio: Actus coniugalis solius voluptatis gratia exercitus, nec fines matrimonij transgrediens, est culpa venialis.* Quod sanè assertum quinquaginta Doctorum tum veterum, tum Recentiorum testimonijs comitatur. Hanc S. Augustini sententiam nuper defendit noster P. Alipius Réylof Belga lib. 4. de anima c. 2. §. 4. I nunc Moraines, & Augustino furorem, nimiumque in disputando impetum oppone. Ita est, à regia via in extrema ille declinavit, sed secum & Patres, & cunctos Theologiæ procetes traxit, ut iam tot sapientissimis viris præsumptibus possit quilibet inoffenso pede illac iter carpere, licet Moraines alia via progrediatur, qui si fortè tantorum virorum vestigia nocisset, eosdem & ipse secutus licet longo positis intervallo, sibi melius confuisset.

Hæc quidem de obiectionibus ab vno Morainio Augustinianæ doctrinæ excessibus dicta sufficiant, quæ si ipsimet Recentiores attentius considerent, dubio procul fatebuntur non Augustinum, sed semet in periculosos excessus declinasse; cum enim audirent à Iansenio Iprensi Episcopo vnum ubique Augustinum laudari, vnus Augustini sententias, veluti ex oraculo responsa proferri, eundemque

demque in Theologica palestra supra cæteros Ecclesiæ Patres attolli, ipsi quod procul à Iansenio declinarent, eò vsque præcípites *disputationis astu abrepti* sunt, vt Augustino ferè nuncium remisserint, clamantes cum Morainio in præfatione Anti-Iansenij: *Qui prius Augustinum in omnibus deposcebant iudicem, nunc sibi liberum putant ne quidem arbitrium honorarium in alijs illam admistore.* Imò quod faciliùs cæteros ad Augustini dicta examinanda animarent; diuinum illis ad tam sanctum opus auxilium adfuturum polliciti sunt illis Annati vocibus lib. 8. sui Aug. vind. cap. 5. pag. 897. *Neque adeo peruersum est hoc consilium, vt habere non possit adiutorem Deum.* Augustinus ad Adrumetinos Monachos initio libri de gratia, & libero arbitrio scripsit, ad sua ipsius scripta intelligenda diuinam opem implorandam: *à Domino vt intelligatis orate.* Annatus verò ad eadem S. Doctoris scripta censuris perstringenda, etiamsi non rogetur, Deum obuium adiutorem spondendit, cum temeritatis ultorem potius timere debuisset. Adamus pag. 632. in fine cap. 7. Augustini excessus *innocentem passionem contra Pelagianos* nuncupauit, sed lepido vocabulo accusationis acerbiter non mitigauit. An verò Recentiorum in Augustino reprehendendo excessus *innocens passio* contra Augustinum dici possit, ipsorum conscientiam appello; certè ipse ita iudico.

CAPVT IV.

Recentiores S. Augustino plures errores perperam obijciunt.

INuitus quidem in hanc arenam à Recentioribus trahor, quippe qui inuito Augustino Augustini causam defendendam suscipio, vereorque ne mihi vitio detur, Parentis imperio refragari. Etenim cum vir clarissimus S. Marcellinus summa cum potestate ab Honorio in Africam contra Donatistas delegatus, accepisset nescio quem Augustino errorem obijci, id amicissimo Antistiti per literas significauit, quod obtristentium calumnijs obuam iret. Verùm Augustinus hæc rescripsit: *Vos autem, qui me multum diligitis, si talem me asseritis aduersus eos, quorum malitia, vel imperitia, vel intelligentia reprehendor, vt me nusquam scriptorum meorum errasse dicatis, frustra laboratis, non bonam causam suscipitis, facile in ea me ipso iudice superamini.* Epist. 7. Sed haut difficulter à magno Patre me veniam impetraturum spero, si eiusdem factum imiter, qui cum errorem, cuius argui se ex Marcellini epistola intellexerat, procul à suis scriptis esse cognosceret, prauam de sua sententia conceptam opinionem confutauit, ostendens eam accusationem non correctorum intelligentiæ, sed malitiæ, atque imperitiæ tribuendam. Quare cum Recentiorum etiam non quidem malitia, sed vt mitiùs loquar, imperitia plurium errorum idem reus accusetur, nostrum est innoxium patrem ab aduersariorum obiectis vindicare. Huius quoque defensionis necessitatem subiere Sancti illi Doctores, qui aduersus Pelagianorum reliquias pro Ecclesiæ, & Augustini doctrina certarunt. Nam eò vsque audaciæ quidem deuenere, vt non illos puduerit, indicem errorum S. Augustini contexere, (S. Prosperi verbis vtor) *vt quæ in libris prædicti viri damnabilia reperisse iactabant, breuium capitulorum indiculis publicarent, talique commento, & detestationem ejus, quem impeterent, obtinerent, & ab his, quæ infamassent,*

curam

auram exteriori lectoris auerterent. In præfat. ad capit. Gallorum: Horum vestigijs nonnulli recentes Scriptores inhærentes plurium Augustini errorum indicem publicarunt, quod S. Doctoris fama, atq; auctoritas in ordinem redigeretur. Hosce catalogos non vnus edidit. Adamus tamen par. 3. cap. 3. pag. 584. ac Moraines disp. 12. Anti-Iansenij à num. 32. cæteris hac in re diligentiorē operam posuere. Contra hosce Augustinianæ doctrinæ censores egregiè stylū acutè sapientissimus Pater Carolus Moreau Augustinianus integrò volumine inscripto *Vindiciæ pacificæ*, quod primo tomo sui Tertuliani appendicis loco apposuit, vbi diffusissimè obiectos Augustino errores procule esse à tantī Patris doctrina demonstrat. Nos eos tantū refutabimus, quos Adamus, ac Morainius concinnarunt, & quos velut capitales ad Augustini famam, vel saltem auctoritatem eleuandam obiectant, in qua quidem re ita procedo, vt quæ in Moreau desiderari ab eruditīs poterant, hic tantū afferens, nihil interī ex illo Scriptore mutuare velim.

Inter cætera volumina, quæ innumera quidem posterorum memoriæ Augustinus consignauit, primo loco laudantur libri eiusdem *Retractionum*, & *Confessionum*, in istis voluntatis, in illis intellectus errores, quos cæteri tantā arte, ac conatu celare solent, Orbi vniuerso patefecit. In vtro magis laudandus incertum. Et quidem quò edita abs se volumina attentiori curâ examinaret, Eradium in Episcopatu sibi adhuc viuenti successorem impetravit. Ira ab ingenti negotiorum tumultu sequestratus, diu noctūq; destinato operi incumbens, qualibet à se dicta censoria auctoritate discussit, vt nullus in Augustini libris examinandis seuerior Augustino index esse potuerit. Ea verò diligentia, ac tam rigorosa censura Recentioribus non suffecit, sed nouas in Hipponensi Sole maculas notaturi, Augustini iterum libros in quæstionem vocarunt, vociferantes nouos se in Augustinianis libris natos, ac maculas deprehendisse, quò Augustino oculatiores haberentur. Sed age nouos hosce censores audiamus.

S. I.

An S. Augustinus errauerit, putans animas rationales,

& Angelos esse corporeos.

Objicit primo loco Adamus docuisse Augustinum: *Animas, & Angelos esse corporeos, ac solum Deum esse immaterialem.* pag. 585. At Moraines scribit: *Sentit etiam Angelos, & Demones esse corporeos.* Adamus prius refellendus est, qui Semipelagianorum errorem ipsorum hosti Augustino imponit. Docuerat Cassianus collat. 7. cap. 13. solum Deum esse spiritualem, animas verò hominum esse corporeas; eundem vtī in materia de gratia, ita ea in opinione secuti sunt Faustus in epist. ad Paulinum, & Gennadius in lib. Eccles. dogm. cap. 11. At S. Augustinus animam rationalem non solum spiritualement abscissa corporeâ facis permixtione asseruit, verum etiam id solidè demonstrauit. In epistola 28. ad Hieronymum ait: *Incorpoream quoque esse animam, & si difficile cardioribus persuaderi potest, mihi tamen fateor esse persuasum.* Illo sanè optimo argumento, quò in omnibus, & in singulis particulis corporis tota

simul esse non posset, si per illas ita diffunderetur, ut videmus corpora diffusa per spacia locorum minoribus suis partibus minora occupare, & amplioribus ampliora; quam sententiam firmissimè de anima tenere se dicit. Et lib. 12. de Gen. ad lit. cap. 33. ait: *Animam verò non esse corpoream non me putare, sed planè scire audeo profiteri.* In libro de quantitate animæ diligentissimè, ac subtilissimè disputatum est, inquit, ut tam si possemus ostenderemus corporalis quantitatis non esse. Lib. 1. Retract. cap. 8. Præterea lib. 4. de origine animæ à capite 12. vsq; ad cap. 22. euidentibus argumentis probat animam esse incorpoream. Quid clarius ab Augustino dici vnquam potuit? & tamen eam S. Doctori absurditatem Adamus affricat! Scribit lib. 10. de Gen. ad lit. cap. 24. *Nihil vicinius, aut fortasse nihil tam consequens, quam ut credito, quod anima corpus sit, etiam Deus corpus esse credatur;* quod Tertulliano accidisse addit cap. 25. Epist. 157. ad Optatum: *Illi, qui animas ex terra propagari asserunt, quam Deus primo homini dedit, atq; ita eas ex parentibus trahi dicunt, si Tertulliani opinionem sequuntur, profectò eas non spiritus, sed corpora esse contendunt, & corpulentis seminibus exoriri. Quò peruersius quid dici potest? Neq; hoc Tertullianum somniasse mirandum est, qui etiam ipsum Creatorem Deum non esse nisi corpus opinatur. Qua demencia repulsa &c.* Itane Augustinus docuit animam corpoream esse, cum hoc effectum somnium, dementiamq; pronunciauerit, nihilque peruersius dici posse asseruerit? Adamus hæresim illam Augustino apponit, nec vnicum saltem locum Augustini designans, vbi animam corpoream ille putarit, quasi tam celebris fuerit ea Augustini sententia, ut neq; vllius textus citatione indigeret. Audiat interim Claudianum Mamercum, qui eodem sæculo paulò post Augustinum vixit, ita de S. Doctore loquentem: *Aurelius Augustinus & acumine ingenij, & rerum multitudine, & operis mole veluti quidam Chrysippus argumentandi virtute, aut Zeno sensuum subtilitate, aut Varro noster voluminum magnitudine, & qui profectò talis natura, attentionis, discipulis extitit, ut non immeritò ab istis corporalibus nostri seculi Epicureis, aut Cynicis spiritualis Sophia dissenserit, libro ad Hieronymum de origine animæ sic pronunciat: Incorpoream esse animam, & si difficile tardioribus persuaderi potest, mihi tamen fateor esse persuasum. Cumq; id ita fore rationibus magnis, atque insolubili argumentatione conuicat &c.* Lib. 2. de statu animæ cap. 9. Putasne Lector Adamum harum vnâ rationem, vel argumentationem legisse?

Sed iam illo Scriptore patentissimè falsitatis conuictò, quid de Angelorum corporibus Augustinus senserit videamus. Celebris sententia Platoniorum fuit, Angelos conflatos esse ex spiritu, & corpore quodam subtilissimo elementari quolibet longè nobiliori, ut ex Apuleio pluribus tradit Augustinus lib. 8. de Ciuit. Dei cap. 8. & 16. Hanc sententiam ex Patribus secuti sunt Origenes, Tertullianus, Clemens Alexandrinus, Iustinus Martyr, Lactantius, & pro eadem citantur Athanasius, Basilius, & Methodius à Ioanne Episcopo Antiocheno cuius verba etiam sunt in Synodo Nicena II. act. 5. *Solummodo autem Deus incorporeus, & informabilis. Intelligibiles autem creatura nequaquam ex toto sunt incorporeæ, & imitabiles pictura existunt.* Eidem opinioni adhærere Callianus, Faustus, Gennadius, alijque. Verùm plures sapientissimi Patres oppositum opinabantur, omnem ab Angelis corpulentiam remouentes. Augustinus, quod eam quæstionem tractare ex professo noller, videretq; veramq; partem plurimorum auctoritate firmatam, in re difficili, ac dubia sententiam

suspens-

An S. Doctore asseruerit Solem, & astra esse animata.

1991 1/2

mas 1. p. q. 70. art. 3. ubi quaerit, verum lumina cœli sint animata, ait: *Similiter etiam apud Doctores fidei fuit circa hoc diuersa opinio. Origenes enim posuit corpora cœlestia animata. Hieronymus etiam idem sentire videtur &c. Basilus verò, & Damascenus asserunt corpora cœlestia non esse animata. Augustinus verò sub dubio dereliquit in neutram partem declinans. Idem Angelicus Doctor 2. con. Gent. cap. 70. ingenuè testatur, nihil ab Ecclesia de anima cœli definitum esse: Hoc autem, inquit, quod dictum est de animatione cœli, non diximus quasi asserendo secundum fidei doctrinam, ad quam nihil pertinet sine fide, sine aliter dicatur. Scotus verò 2. dist. 14. q. 1. in fine scribit: Si cœli non sunt animati, hoc est magis creditum quàm animatum probatum. Quod si neque auctoritate Ecclesiæ, ut ait Angelicus, neque efficaci ratione, ut subdit Subtilis, quicquam de cœlorum anima certè stabilitum est, nonne iure Magnus noster Doctor ea de re poterat dubitare? Cū lib. 13. de Ciuitate Dei cap. 16. retulisset sententiam Platonis ait: Et hoc quidem verum. Plato verum de syderibus dicat, alia questio est. Neque enim continuo concedendum est globos istos luminum, siue orbiculos luce corporea super terras seu die seu nocte surgentes, suis quibusdam propriis animis viuere, usque intellectualibus; &c. Ex quibus patet, Augustino illam de cœlorum animabus sententiam non multum placuisse, eam tamen ob Platoniorum, ac Patrum præsertim auctoritatem ibi medio reliquisse.*

Cæterum cœlos sine anima melius statuendos ex propria sententia non seniel docuit. In libro posteriori Retract. cap. 7. ubi corrigit libroꝝ contra Faustum ait: *In decimoquarto de Sole; & Lunatralia dicta sunt, tanquam sentiant; & ideo tolerent vanos adoratores suos. Quamuis verba ibi accipi possint ab animalia de iuamale translata modo locutionis, qui vocatur græcè metaphora. Vides S. Patrem retractare sententiam, qua visus fuerat, astris animas dare, idque metaphoricè tantum intelligendum esse apertè protestari? In his verò libris definitiuam veluti sententiam tulit, qua quid de astrorum animabus ipse sentiret, intimaui, ita ut etiam si alibi oppositum dixisset, ex posteriori asserto corrigeretur. Idem habet tract. 1. in Ioannem illa verba, Quod factū est in illo viderat. Legatū eruditus P. Alipius Reylof Augustinianus lib. 1. de Anima cap. 4. ubi de S. Augustini sententia doctissime disputat. Opinio verò illa de cœlorum anima damnata demum legitur in literis à Iuliano Imperatore scriptis ad Mennam Patriarcham C-P. ubi inter reliquos anathematismos hic habetur: Si quis dicit cælum, & Solem, & Lunam, & stellas, & aquas, quæ super cælum sunt, animatas, & materiales esse quasdam virtutes, anathema sit: Vti præcipuus Origenis error ille proscripsum fuit. Porro Iulianiani literas Vigilius Papa cum vniuersa Ecclesia Catholica approbauit, ut testatur insignis tum temporis Carthaginensis Diaconus Liberatus cap. 23. Breviarij; qua de re pluribus egimus in disserat. de Synodo V. Hunc autem canonem in eadem Synodo V. Occumenica anno 553. celebrata approbatus fuisse scribit Nicephorus lib. 17. cap. 27. Vnde P. Lupus eundem uti ab eadem Synodo statutum more solito, nempe eruditè notis, ac scholijs illustrat. An verò modò defendi possit anima cœlorum post damnatam illam Origenis opinionem, nolo disputare; posset enim quis respondere, damnatam solummodò illam sententiam, iuxta mentem Origenis intellectam, de qua hæc scribit S. Hieronymus epist. 61. contra Ioannem Hierosolymitanum: *Origenes docet Solem ipsum, & Lunam, & omnia**

astrorum

astrorum chorum esse animas rationalium quondam, & incorporalium creaturarum, quæ nunc Vanitati subiectæ, ignitis videlicet corporibus, quæ nos imperiti, & rudes luminaria mundi appellamus, liberabuntur à seruitute corruptionis in libertatem filiorum Dei. De quâ Origenis opinione hæc tradit S. Augustinus tomo 6. in lib. contra errores Priscillianistarum cap. 8. De Sole, & Luna, cæterisque syderibus, quòd cælestia sint corpora videmus, quòd animata sint, non videmus. De diuinis hoc libris legitur, & credimus. Hæc ibi. Et quidem Fromondus lib. 1. de Anima cap. 1. art. 8. fatetur eum, qui animam vegetatiuam, aut etiam sensitiuam astris concederet, in Synodum V. non peccare, quæ animas tantum intellectiuas à cælestibus corporibus exclusit. Petrus Aureolus Parisiensis Scholæ præclarissimum decus, & Ordinis Minorum singulare ornatum, quem nunquam sine admiratione se legisse testatur Basilius Poncius in quodlibetis quæst. 8. c. 3. est enim ob ingenij acumen, & argumentorum siue copiam, siue vim spectes, quicquid noua plerunq; abs se inuenta asserta communis, nemini Scholastico secundum, hic, inquam, cum in 2. sent. dist. 14. q. 2. pluribus inuestigasset, num intelligentia mouens cælum vniuerum tanquam motor, an vero vt forma, & probabiles rationes ad animam cælorum persuadendam adduxisset, solutis etiam argumentis, quæ à Theologis contra eandem opinionem fieri communiter solent, ita concludit: Sed dimissis Philosophis, & alijs, intelligendum est in hac materia, quæ via prædictarum duarum est probabilior, cum utraque satis probabilis videatur. Respondeo: Augustinus dicit (recitato vno, & altero testimonio) sed nec illud certum habeo, vtrum ad eandem societatem pertineant Sol, & Luna, & cuncta sydera, quamuis nonnullis lucida esse corpora, non cum sensu, aut intelligentia videantur: Hæc Augustinus. Si ergo TANTVS DOCTOR, in hac materia dubitauit, ego nihil desinio in hac parte. Ridendus igitur Morainius, qui Augustini dubitationem inter errores reiecit, quam subtilissimus Scholasticorum sola S. Doctoris auctoritate, atq; exemplo motus, secutus est, ille inquam Aureolus, cuius vestigijs non erubescit modò tota Neutralium schola inherere, principia D. Thomæ, & Scoti deferendo, quæ verba sunt sapientissimi Patris Magistris Meldulensis in præfat. ad tommum 1. Metaphysices.

S. III.

Augustinus de origine animæ dubitans perperam erroris arguitur. Ostanditur Sanctos Patres eam in dubitatione Augustino per plura secula adhasisse.

Tertius S. Augustini error palmaris, ac capitalis excutiendus est. Clamat Morainius: Dubitauit etiam de origine animarum, vtrum creentur de nouo, quòd certissimum est, an ex Adam propagentur. Sed hic Recentior eam dubitationem errori Augustino vertens supinam, qua laborat, totius antiquariorum ignorantiam patefacit. Non vna erat antiquitus de origine animæ inter Patres sententia, vt videre est in epist. Aug. 157. ad Optatum Episcopum, & Hieronymum in epistola ad Marcellinum, quæ est 27. inter Augustinianas. At duæ reliquis reiectis celeberrimis in Ecclesia enaserant; alij enim creari à Deo animas in singulorum hominum conceptione dicebant, plurimi vero non creari animam à Deo, sed ex anima parentis traduci contendebant. Augu-

stinus in hanc quæstionem totius summi ingenij vires contulit, nihilque penitus indiscussum reliquit, quo rei veritatem assequeretur; sed cum neutram quæstionis partem efficaci auctoritate, aut demonstratiua ratione sibi probari animaduerneret, neutri adhæsit, fuscè tamen ea re ventilata in lib. 10. de Gen. ad lit. cap. 6. & seq. in quatuor libris de origine animæ epist. 28. ad Hieronymum, & in tribus epistolis ad Optatum, quas laudat S. Fulgentius lib. 3. de verit. prædest. & grat. cap. 18. Verùm exortis postea Pelagianis, qui peccatum originale inficiabantur, illud præcipuè argumentum iactantes, creati à Deo animas, nec illas posse à Deo produci cum peccato, ea sententia, quæ animarum propagationem defendebat, S. Doctori probabilior videri cœpit. Audiatur Augustinus lib. 10. de Gen. cit. cap. 23. ubi post longissimam disputationem concludit: *His igitur quantum pro tempore potuimus pertractatis, omnia paria, vel penè paria ex utroque latere rationum, testimoniorumque momenta pronunciamus, nisi eorum sententia, qui animas ex parentibus creati putant, de baptismo parvulorum præponderaret.* Itaque ad finem vsque vitæ Augustinus in eo dubio perseverauit. Ceterùm tantùm valuit Augustini exemplum, ut sapientissimi Patres eundem subsecuti, per plura sæcula cum Augustino de animarum origine dubitarent, donec Scholasticorum opinione prævalente, animarum traduce antiquato, earundem creatio in Ecclesia communis euasit. Hoc quidem diligentius ostendendum est, quia Bellarminus lib. 4. de amiss. grat. cap. 11. ex traditione Ecclesiastica contendit certam esse sententiam de creatione animarum, quòd tam falsum apparebit, quàm verum, dubitationem Augustini ex traditione Ecclesiastica antiquis temporibus fuisse receptam.

2. Et quidem ante Augustinum de origine animæ dubitauit Rufinus in epistola ad S. Anastasium, ubi tribus recitatis de origine animæ sententijs; *Ego vero, inquit, cum hac singula legerim, Deo teste dico, quia usque ad præsens certis, vel definitis aliquid de hac quæstione non teneo, sed Deo relinquere scire; quid sis in ætæro, & si cui ipse reuelare dignabitur.* Quia verò Rufinus tertiam sententiam posuerat de animabus, quòd factas iam elim, idest, tunc cum Deus omnia creauit ex nihilo, nunc eas iudicio suo dispenset in corpore, quod Origenem sensisse subdit, merito vapulat à Hieronymo in apologia, & in epistola ad Marcellinum. At Augustinus nunquam de ea Origenis opinione dubitauit, esset-ne falsa, ut in epist. 28. ad Hieronymum fatetur, rationem reddens, cur in libris de libero arbitrio ex illius suppositione disputaret. Rufinus tamen suo tempore, nempe Anastasio Summo Pontifice, quæstionem de anima magnis contentionibus agitari cœptam ibidem testatur, & Hieronymus in epistola laudata vocat eandem maximam Ecclesiasticam quæstionem. At tempore S. Augustinienatis Pelagianis eade de re lites recruderent. Hinc ab Oratio in Africam ad Augustinum, inde in Asiam ad Hieronymum peregrinationes susceptæ; hinc Augustini ad Hieronymum, & Optati ad Augustinum epistolæ missæ; hinc ab eodem Optato vnum, quatuor ab Augustino, & duo à Vincentio quodam de origine animæ scripta volumina. Restamen dubia permansit, nihilq; tot elucubrationibus peractum est. Hieronymus sententiam afferentem singulas singulis hominibus animas creari potius credidit, scribens tamen traducem animarum Occidentalem Ecclesiam solera sentire, teste Augustino epist. 157. At non ita creationem animarum tenebat, ut rem illam dubiam esse ingenuè non fateretur, cum ea-

de re ab Augustino consultus respondit: *Vnusquisq; in suo sensu abundet.* Quare S. Eueherius Episcopus Lugdunensis in cap. 3. Genes. ad illa verba *Et ædifica: vit Dominus Deus ait: Vtrum sicut caro nascentium ex carne, sic anima ex animabus procreentur, an noua semper creentur à Deo ex nihilo? quæ questio in definiendo difficilis est, quia nihil à Sanctis viris, vel Scripturarum auctoritate manifestius pronunciatum est.* Pomerius etiam Africanus vir eruditissimus apud Massiliam scripsit octo libros de anima, in quorum quarto disputauit: *Vtrum anima, quæ nascituro corpori insundenda est, noua fiat sine peccato, an ex substantia anime primi hominis velut propago è radice producta etiam peccatum prima anima secum originaliter retrahat.* Apud Genadium de viris illustr. cap. 98. & licet nesciamus, quid in ea questione senserit, rem tamen suo tempore dubiam non obscure significat. Floruit hic circa annum 480.

Sequitur sextum sæculum, in quo & Patres, & Synodi de origine animæ cum Augustino dubitarunt. Obortis Constantinopoli de origine animæ dissidijs Africani Episcopi de eodem argumento consulti ita responderunt in epistola Synodica ex Sardinia, vbi exulabant, Byzantium missa: *Questionem rertò animarum, aut tacitam debemus relinquere, aut sine contentione tractare; quia siue ex propagine veniant, siue noua singulis corporibus fiant, quod Sanctarum Scripturarum auctoritas non manifestè pronunciat, cum cautela debet inquiri, maxime quòd sine fidei decorem potest à fidelibus ignorari.* Cap. 10. In eadem dubitatione fuit S. Fulgentius lib. 3. de verit. prædest. & grat. à cap. 18. vbi Augustino, quòd ea de re dubitauit, eximij laudibus commendato cap. 20. concludit. *Quanto ergo melius ab huius questionis certamine temperamus, in qua nos inaniter laborare cognoscimus, præsertim quia quod à Sanctis viris maioribus nostris videmus minime definitum, oportet nos tanto cautiùs, atq; temperantiùs querere, quanto ad eius finem illos præclaros viros cernimus minimè peruenisse.* Coetaneus Fulgentij Cassiodorus in lib. de anima cap. 14. tantùm abest, vt illud Augustini dubium reprehenderit, vt eundem potius ob id laudauerit: *Pater, inquit, Augustinus religiosissima deuotio ne laudandus, nihil temerè dicit esse affirmandum, sed in ipsius esse secreto, sicut & alia multa, quæ nostra non potest nosse mediocritas.* Et statim: *melius est enim in tam occultis causis confiteri ignorantiam, quàm periculosam assumere fortassis audaciam.* Ita altero post Augustinum sæculo dubitatio de origine animæ sapientissimorum Patrum menti altius infederat.

Verùm circa sæculum VII. Augustiniana dubitatio longè celebrior, atque dignior euasit, eam enim suo iudicio Apostolica Sedes approbavit, suamq; effecit, ac doctissimi Patres eandem inter fidei dogmata retulere. Sanctus Gregorius Magnus lib. 7. epist. 53. ad Secundinum scribit: *Sed hæc de re dulcissima mihi tua charitas fiat, quia de origine anima inter Sanctos Patres requisitio non parua versata est, sed rertum ipsa ab Adam descendit, an certò singulis detur, incertum remansit, eamq; in hac vita insolubilem fassi sunt esse questionem, gravis enim questio est, vt uales ab homine comprehendi.* Hæc doctissimus, ac sanctissimus Pontifex. Ex quibus prorsus euanesceit illa Ecclesiastica traditio, ex qua creationem animæ Bellarminus deducit; nam teste Gregorio Sancti Patres eam de origine animæ insolubilem fassi sunt esse questionem. Vides igitur non vnum à Morainio Augustinum erroris argui, sed & in Gregorio Apostolicam Sedem, & Patrum Senatū, à quibus dubitatio Augustini approbata fuit. Sed aliquid maius addendum

dum est. Itaq; cum communiter de origine animæ dubitaretur, tantum ea dubitatio in Ecclesia inualuit, vt Sanctus Isidorus Hispalensis Antistes non fuerit veritus, eandem inter regulas fidei veluti ab omnibus Catholicis credendam reponere. Etenim lib. 2. de offic. eccles. cap. 23. quod incipit: *Hæc est. antea post Apostolorum symbolum certissima fides, quam Doctores nostri tradiderunt*, inter alias sententias, quas de fide tenendas proponit, hanc inserit: *Quod incerta sit animæ origo*. O' eximiam Recentiorum eruditionem, qui eam Augustino dubitationem errori vertunt, quam & Apostolica Sedes, & Synodi, & Patres plenis suffragijs subscripserunt, eamq; vnus eorum doctrinæ ac pietate illustris de fide populi credendam proposuit!

At nec octauo, neq; nono sæculo res definita fuit, sed sapientissimi Patres cum Augustino, imò cum Apostolica sede adhuc dubitabant. Testis sit S. Prudentius Episcopus Tricassinus, cuius laudes recitat Saussaius in Martyrologio Gallicano, qui in lib. de prædest. aduersus Ioannem Erigenam ita loquitur cap. 16. *Nascitur enim de carne caro, sed utrum & anima similiter de anima nascatur, magna questio est, & à Patribus diu, multumq; discussa, sed absq; certa definitione relicta*. Itaq; vsq; ad annum 850. quo tempore S. Prudentius vivebat, ex Ecclesiastica traditione dubia erat de origine animæ sententia. Verum nec post millesimum annum ita certa erat sententia de creatione, vt plures de eadem non dubitarent. S. Anselmus Cantuariensis Antistes morti proximus cuidam familiari sibi dicenti: *Ad Paschalem Domini tui curiam relicto sæculo vadis*, hæc respondit: *Et quidem si voluntas eius in hoc est, voluntas eius non contradico; verum si mallet me adhuc inter vos saltem tandiu manere, donec questionem, quam de animæ origine mente reuoluam, absoluerè possem, gratiosus acciperem, eò quòd nescio, utrum aliquam me defuncto sit absolurus*. Hæc ille ad annum 1109. teste eius discipulo lib. 2. de vita eiusdem cap. 59. apud Surium 21. Aprilis. Hugo à S. Victore Lib. 1. de sacram. par. 7. cap. 30. probat animam non esse ex traduce, sed creari, ait tamen: *Probabilius constat animas ex traduce non esse*. Et inferius: *Hinc igitur, & huiusmodi rationibus probabile factum est, animas ex traduce non esse, sed nouas de nihilo creatas nemis quotidie corporibus de paterno semine fieri, & rursus in vuluina formatæ ad reuiscitationem infundi*. In quibus tamen omnibus nulla unquam ratio, sine authoritas intacta improualere potuit, vt dubietatem tolleret questionis, excepto eo solo, quòd fides catholica magis credendum elegit, animas quotidie corporibus reuiscitandas: sociandas de nihilo fieri, quam secundum corporis naturam, & carnis humane proprietatem de traduce propagari. Ex quibus patet ad annum vsq; 1130. quo floruit Hugo, nulla neq; ratione, neque authoritate dubietatem questionis de origine animæ sublatam fuisse, sed tunc in Ecclesia magis communiter defenstatam esse sententiam de creatione animarum. Hinc Magister sententiarum in 2. dist. 19. dixit, Ecclesiam Catholicam docere animas non esse ex traduce, qua sententia ab Scholasticis recepta animarum creatio asserta est, ita tamen vt teste Bellarmino lib. 4. de amiss. grat. & statu pec. cap. 10. in fine, adhuc non delint, qui in ea S. Augustini dubitatione hærendum censent. Estius quidem nobilis Theologus scribit 2. sent. dist. 17. S. 14. nihil esse de origine animæ ab Ecclesia definitum, nec futuros læsæ fidei reos, qui ea de re dubitarent. Sed viderint illi, qui ita dubij adhuc esse vellent, sat mihi est ostendisse, iure Augustinum de origine animæ dubitasse, eamq; dubitationem per plura sæcula Sanctis

Patribus placuisse. Sanè prudentissimus fuisse dicendus est, qui in quaestione difficillima iudicium suspendit, cum nihil certi ab Ecclesia definitum esse sciret; ubi enim de re obscurissima disputatur non adiuvantibus diuinarum scripturarum certis, clarisque documentis, cohibere se debet humana præsumptio, nihil faciens in partem alteram declinando. Ita suam hanc perplexitatem defendit lib. 2. de peccat. mer. cap. 36. Hinc cum Pelagiani ex creatione animarum, quam altiùs exag. gerant, deducere non posse illas habere peccatum originale, ne aliàs in Deum creatam culpa rediret, lib. 3. ad Bonif. in fine, & ex literis Zosi mi, quarum fragmentum recitat in epistola 157. Sanctus Doctor in utraque sententiâ tam affirmantium animarum traducem, quam negantium, peccatum originale benè posse componi demonstrauit, ac rem apud Ecclesiam certissimam iuxta utramque opinionem explicare conatus est, ne cui peccatum originale incredibile videretur.

Bellarminus concedit Augustinum de animæ origine dubitasse, addit tamen in scriptis post libros de Genesi ad litteram apertissimè refellisse sententiâ de traduce animarum, quod in epist. 157. ad Optatum hæc scribat: *Itaque illi, qui propaginem animarum inconsideratè temeritate defendunt.* Et superiùs loquens de sententiâ Tertulliani, qui ponebat traducem animarum dicat: *Quo quid peruersius dici potest?* Non assentior, cum in illa epistola adhuc se dubitare fateatur; nam recitatâ utraque opinione de creatione, & traduce animarum initio statim epistolæ ait: *Quarum autem rerum, atque causarum consideratione permonear, ut in neutram assensionem meus inclinetur assensus; sed AD HÆC: inter utramque di. septem.* Et lib. 1. de origine animæ cap. 18. de traduce animarum ait: *Ego nec desendo, nec refello.* Hos autem libros S. Doctor composuit, post illam epistolam, quam Cæsarea dedit ad Optatum, ut ostendimus lib. 1. Hist. Pelag. cap. 15. in ijs autem libris suam dubitationem fustillimè descendit contra Vincentij Victoris reprehensiones. Soluit tamen ibi mōre solito argumenta utriusque sententiæ, quod non est opinionem de traduce refellere, sed eiusdem incertitudinem demonstrare. Hinc illius assertores inconsideratæ temeritatis arguit, non quod putaret illos falsum asserere, sed quod culparet promptam eorum audaciam, qua opinionem non certis argumentis stabilitam vti veram contentiosè defenderent, quia ut inquit in epistola laudata: *ubi res naturaliter obscura nostrum modulum vincit, & apertè diuina scriptura non subuenit, temere hinc aliquid definire humana coniectura presumit.* Vnde apud Augustinum inconsiderata etiam temeritate alij mordicè oppositam sententiâ de animarum creatione sustinebant. Sed neque quod Augustinus de sententiâ Tertulliani dixit, contra sententiâ de traduce animarum eo mōdo, quo ab Augustino explicabatur, ut argumentis contrariæ sententiæ responderet, accipiendum est. Nam Tertullianus inde ab Augustino reprehenditur, non quod traducem animarum poneret, sed quod non rectè illum assereret, cum putaret animam esse corpoream, atque adeo per semen corporeum generantis traduci: Nam & illi, scribit Augustinus, qui animas ex vna propagari asserunt, quam Deus primo homini dedit, atque ita eas ex parentibus trahi dicunt, si Tertulliani opinionem sequuntur, præfeliò eas non spiritus, sed corpora esse contendunt, & corpulentis seminibus exoriri. Quo peruersius quid dici potest? Et in hoc sensu S. Thomas 1. p. q. 118. art. 2. ait, hereticum esse dicere animam traduci cum semine, nempe corporeo, ut ipse ibi.

dem probat, in quò sensu communiter etiam Scholastici 2. d. 17. & 18. sententiam de traduce animarum rejiciunt. At S. Doctor nunquam de hoc modo Tertulliani traducendæ animæ dubitavit, sed eundem tum in ea epistola, tum lib. 10. de Gen. c. 25. exposcit, atque *incredibilis* dogma pronunciauit. Sed dubitauit Augustinus, *utram INCORPOREVM semen anime sua quadam occultâ, & inuisibili via seorsum ex patre currat in matrem, cum sit conceptus in semina*, in eadem epist. 157. De ijs verò, qui minori cum difficultate traducem defendebant scribit lib. 10. de gen. ad lit. cap. 20. *Per semen quippe concumbentis patris transfunditur semen anime volunt.* Nam animam rationalem ex materia corporea factam fuisse, illi soli dixere, qui eandem corpus esse putarunt ex Augustino lib. 7. de Gen. cap. 9. contra quos in eo libro idem acutissimè disputat. Quare censura illa Augustini eos tantùm perstringit, qui animam corpoream iuxta Tertulliani errorem ex corpulentis seminibus originem trahere assue-
rabant: Qualem verò se exhiberet Augustinus erga utramque sententiam audiatur lib. 10. de Gen. cap. 21. *Ego adhuc inter utrosque ambigo, & moueor aliquando sic, aliquando autem sic.* Et cap. 23. *Admoneo sanè, inquit, quantum va-
leo, si quis ista preoccupauit opinio, ut animas ex parentibus credant propagari, quan-
tum possum se ipsos considerauit, & interim sapiant, corpora non esse animas suas.* Ex quibus Adamus iterum misellitur, dum scribit Augustinum credidisse animam esse corpoream, quem errorem S. Doctor toto eo libro persequitur.

Bellarminus, ut probet ex traditione Ecclesiastica animas à Deo creari, nonnullos Patres adducit, qui etiam si aliquo modo explicari possent, nullo nobis impedimento esse debent; nam apud Græcos in Orientali Ecclesia creatio animarum communiter tenebatur. Apud Occidentales verò, teste Hieronymo, opinio de traduce præualebat. Idem Pater initio quidem hanc secundam sententiam irridebat in cap. ult. Eccles. motus illis verbis, *& Spiritus redeat ad Deum, qui dedit illum.* Vers. 7. Sed hoc testimonium egregiè interpre-
tatur Aug. lib. 10. de Gen. cap. 9. & cum in epist. 28. ad eundem Hieronymum ostendisset, cum locum plus suffragari eis, qui ex una putant omnes esse animas, non amplius sententiam de traduce Hieronymus irrisit, sed laudata Augustini diligentia in explicandis sacræ Scripturæ testimonijs adhibita rescripsit epist. 30. apud Augustinum: *Vnusquisque in suo sensu abundet*, contestatus nihil se in literis Augustini, in quibus laxissimè de origine animæ disputauit, reprehendendum putare. Commentarios autem in Ecclesiastem scripsit ante annos ferme decem quàm scriberet ad Pammachium contra errores Ioannis Hierosolymitani, anno nempe 483. nam epistola illa data est anno 493. ut eruditè num. 2. eius anni probat Baronius. Cum verò libri Augustini per Ecclesiam auidè, legerentur, sapientiores quique cum Augustino dubitare cœperant in neutram partem inclinantes, ut demonstrauimus, magna cum Augustini gloria, cum Patres subsecuti tanti illius auctoritatem fecerint, ut non modò docentem, sed etiam dubitantem sequi voluerint, quasi desperantes veritatem illam assequi, ad quam Augustini ingenium peruenire non potuerat. Itaque S. Doctor tanto studio, ac diligentia omnia scripturarum loca pro utraque parte adducta exponens, rem satis dubiam apud posteros fecit, suamque illis dubietatem persuasit. Bellarminus ibidem ex Hieronymo eam Ecclesiasticam traditio-
nem ita probat: *In epistola ad Pammachium de erroribus Ioannis Hierosolymitani an-*

te modum recitatis sententijs Origenis, Tertulliani, & Apollinaris Hæreticorum de anima, dicit: Ecclesiasticum dogma esse, ut Deus quotidie animas fabricetur: Vbi cum opponat Ecclesiasticum dogma sententijs hæreticorum, videtur omnino sensisse, Catholica fide esse tenendum, animas non traduci à parentibus, sed creari. Hæc Bellarminus. Verùm Hieronymi verba audire præstat in epistola ad Pammachium: *An certe (quod Ecclesiasticum est secundum eloquia Saluatoris: Pater usque modò operatur, & ego operor: & illud Esaiæ: Qui format spiritum hominis in ipso, & in psalmis, qui fingit per singulos corda eorum) quotidie Deus fabricetur animas &c.* Bellarminus addit dogma, & silet hæc, secundum eloquia Saluatoris, cum Hieronymus illud assertum Ecclesiasticum dixerit, non quòd esset dogma definitum ab Ecclesia Catholica, ac de fide tenendum, cum scripserit Ecclesiasticos Occidentales traducem solere communiter defendere, ut fatetur ipsemet Bellarminus cap. illo 11. *S. Quarta sententia, sed ut ibidem subdit, quod esset secundum auctoritatem Scripturæ, quæ videtur creationem insinuare, quæ tamen loca explicat Augustinus superiùs laudatus, & Bellarminus, ipse ait: Quare ut S. Augustinus disputat in epistola 28. ad Hieronymum, nullus fortasse Scripturæ locus, inuenietur, in quo perspicue doceatur, animas non fieri ex propagine, sed creari. Quare secundum eloquia Saluatoris haud perspicue statuitur assertum illud de creatione animarum, & sic Bellarminus à Hieronymo discedit, quem pro se produxerat, neque erit ampliùs assertum Ecclesiasticum, cum eo titulum tantum à Hieronymo dicatur, quòd sit secundum eloquia Saluatoris, iuxta explicationem auctorum illius sententiæ.*

Opponit idem Auctor Leonem Magnum in epistola ad Turibium cap. 10. hæc scribere: Catholica fides constanter prædicat, atque veraciter, quòd anima hominum priusquam suis inspirarentur corporibus, non fuisse, nec ab ullo incorporantur, nisi ab ipso Deo, qui ipsarum est creator, & corporum. Sed ibi Pontifex Origenis sententiam de antiqua, ac simultanea omnium animarum creatione confutat, ut patet ex illa epistola 91. initio cap. 10. neque minùs dicitur ibidem Deus creator corporum, ac animarum; unde sicut ex illo modo loquendi non deducitur corpus non esse ex traduce, nullo item modo inferri potest, non fieri ex traduce ipsam animam. Addit Leonem eundem epist. 11. ad Iulianum ita loqui de anima Christi: *Nec alio illi, quàm ceteris hominibus, anima est inspirata principio, quæ excelleret non diversitate generis, sed sublimitate virtutis.* At anima Christi producta est ex nihilo, non per traducem propagata ex Augustino lib. 10. de gen. c. 19. & 20. unde & reliquorum hominum animæ iuxta Leonis decretum à Deo creatæ fuisse credendæ sunt. Sed Leo ibidem damnat opinionem Eutychetis cum Origene concinentis; nam ita loquitur: *Arbutor enim talia loquentem hoc habere persuasum, quòd anima, quam Saluator assumpsit, prius in cælis sit commemorata, quàm de Maria Virgine nasceretur, eamque sibi Verbum in utero copularet.* Ex quibus patet, illis verbis: *Nec alio illi, quàm ceteris hominibus anima est inspirata principio,* non significari principium, quod idem est ac causa animæ productivæ, de quo nulla erat cum hæretico controuersia, sed principium, hoc est, initium durationis, quod idem fuerat in Christo, ac in nobis, nempe initium vivendi in corpore, non in cælis ante corporis formationem. De verba Pontificis de Verbo scribentis, *nec animam enim, quæ antequam extitisset, nec carnem, quæ non materni corporis esset, accepit.* Quomodò verò dependentes traducem acurè

probarent animam Christi fuisse creatam à Deo, non verò reliquas aliorum hominum. Lege Augustinum lib. de Gen. cit. c. 20. nobis enim satis est ostendisse nihil contra traducem à Leone esse statutum, ut Ecclesiastica illa traditio de creatione animarum à Bellarmino asserta, nullis innixa fundamentis appareat, cum potius de animæ origine dubitatio Augustiniano speculatu corroborata, per plura sæcula apud Patres inuauerit, ut satis hucusq; est demonstratum.

Moraines, quæ eam S. Patris dubitationem in errorum indicem reiecit, non modò omnia, quæ antiquitus dicta sunt, ignorauit, sed nec quid Recentiores audacter pronunciarunt, planè nouit. Scripserat vir doctissimus Christianus Lupus, cum adhuc iuuenis scripto luderet, in defensione apologiæ de anima, cui cap. 15. Doctores Marpurgenfis Academiæ hanc thesim defendere: *Animæ rationalis per traducem infunditur, non creatur.* In hac etiam sententia alios esse testantur Vossius lib. 2. Hist. Pelag. par. 1. thesi prima, & Alipius Roylof lib. 6. de anima ad mentem S. Augustini cap. 2. §. 3. nominans Timotheum Brighthum Cantabrigensem, Georgium Sohnium, & Daniele Sennertum, qui cum ob eximiam eruditionem inter celeberrimos nostræ ætatis Medicos meritò reponatur, audiendus est, licet non adprobandus. Hic ergo Hypomnemate 4. cap. 14. ait: *Rationalis animæ in primâ creatione & à Deo Opt. Max. condita, & corpori humano infra quidem est, verum per illud: Crescere, & multiplicari, uim se propagandi, & multiplicandi accepit, & quidem cum semine. Neq; enim animæ rationalis essentia per se completa est, ut Angeli, quæ per se sola subsistat, sed est pars altera hominis, quæ corpus humanum informat, & proinde sicut societas illa corporis nihil eius nobilitati derogat, ita nec propagatio cum semine.* Item ibidem addit: *Quod Dem. Fictus falsum, absurdum, & à Religione Catholica alienum putat, animam esse ex traduce, est & crissimum, & sacris literis consentaneum.* Adducitq; nonnulla Sacræ Scripturæ testimonia, quæ tamen eruditè olim exposuit Augustinus, ne ex sacris arcanis aliquod oppositæ sententiæ præiudicium fieret. Hæc, inquam, refero, sed non probò. Illud tamen aduertendum est, quòd superius ex epistola 157. ad Opratum indicauimus Augustinum dubitasse, num anima per INCORPOREVM semen traduceretur, in qua sententia nulla videri debet euidentis repugnantia, cum plerique Scholastici admittant materiam spiritualem non esse impossibilem. Ita ex materia spiritali Angelos componant S. Bonauentura 2. dist. 3. in 1. p. art. 1. q. 2. Alensis 2. p. q. 20. memb. 2. §. 1. Aureolus 2. dist. 3. q. 1. art. 3. Ex Recentioribus materiam illam possibilem tradunt Bubalus in q. 50. S. Thomæ de Angelis art. 2. quæst. 2. difficul. 2. §. 1. Ariaga disp. 1. de anima sect. 5. Comptonus disp. 9. de anima sect. 2. Hanc sententiam de materia spiritali, ex qua anima componatur, fusè defendit P. Matthæus Vegliensis in hac celeberrima Patavina Academia Theologicæ cathedræ Scoti moderator, vir rari ingenij, ac nostro præconio maior. Hic enim tomo priori de Angelis q. 27. probat Angelos ex materia spiritali componi, quod quæstione sequenti etiam de anima dicendum esse contendit laudans cap. 1. num. 3. quosdam Scotistas, qui in eandem sententiam descenderunt. Hæc ergo materia spiritali animæ admissa, quam tot Scholastici defendunt, non erit difficile statuere animarum educationem secundum formam ex eadem materia spiritali. Noster Alipius Roylof proximè laudatus ex eo animarum traducem

ducem possibilem defendit, quod anima ut Del instrumentum alteram animam creare potest: quam virtutem creaturæ communicari posse nobiles Scholastici existimant. Sed prior modus magis placet. Quæ hic libuit insinuare, ut insulas quorundam censuras refellam, qui Augustinum reprehendunt, quod traducem animarum probabilem asseruerit, cum tamen evidenter constet, animas non posse educi de potentia materiæ corporeæ aliàs essent mortales. Etenim nusquam S. Doctor arbitratus est, animas posse educi de materiæ corporeæ, sed tantum de materiæ spiritali, quam esse possibilem tot superiùs memorati Doctores concedunt; illa autem concessa non video, cur educitio formæ spiritalis ex materiæ spiritali adeo evidenter impossibilis appareat, ut errori verti debeat Augustino, quod illam educationem probabilem duxerit. Fateor materiam spiritualem, ex qua anima fieret, visam fuisse difficilem Augustino, ut patet ex lib. 7. de Genesi ad lit. cap. 6. & seq. Vnde ait cap. 7. *An vero illa spiritalis materies, si fuit ulla, unde anima fieret, vel si est ulla, unde anima sunt, quid ipsa est, quod nomen, quam speciem, quem usum in rebus conditis tenet? Vituit an non?* &c. ubi fuse materiam spiritualem per modum disputantis examinat. Idem verò S. Pater epist. 137. ad Optatum proponit difficultates, quæ insurgunt postea illo semine spiritali, ex quo anima fiat: ut inde satis pateat quantum studij illi dubitationi tollendæ impenderit, sed cum utrimque magnis difficultatibus se premi cerneret, assensum suspendit. Neque enim probare possum hæc Bellarmini verba lib. 4. de amiss. grat. cap. 11. *Certe S. Augustinus, si nunc inter homines viviret, non solum fauere, sed etiam gratias agere videretur, qui nostram hanc sententiam de Creatione tuerentur.* At cur hæc gratias Recentioribus Augustinus deberet? Quod ex Scripturæ sententiâ de creatione animarum ostenderint? At omnia sacrarum literarum testimonia Augustinus expendit, excussitque. An Scholasticorum auctoritatem sequeretur? Imò potius cum Patribus, quos laudat, adhuc in veteri dubitatione persisteret. Ratio nibus eorundem contra traducem convinceretur? At illæ præterquam quod ab affirmantibus materiam spiritualem facile solui possunt, id tantum evincerent, ut Augustinus ab admittendo traducem assensum contineret, quod & semper fecit, non autem in sententiâ de creatione singularum animarum eundem traheret, in qua non minoribus difficultatibus se premi sentiebat, præcipue verò, quod data ea sententiâ, quam etiam Pelagiani toto conatu urgebant, difficultas traducem dei peccatum originale statim emergit, qua adeo preiudicatur Scholastici, ut in assignando modo, quo labes illa per generationem trahatur, minime inter se conveniant, sed sese invicem acerrimè oppugnent. Suspenderet igitur etiam nunc assensum Augustinus, & tunc gratias tantum ageret, cum certum modum proponerent, quod data creatione animarum peccati originalis propagatio adeo evidenti ratione constaret, ut modus ille à nemine rejici posset.

Ex hucusque dictis satis elucet, quam immerito, Moraines, Augustino de origine animæ dubitanti erroris notam inuris, nam plenis Sanctorum Patrum suffragiis ille absolvitur, & te invito panegyricum eidem recitat magni Africanæ Ecclesiæ ornamentum Sanctus Fulgentius Ruspensis Antistes his planè verbis conceptum: *Questionis de origine animæ B. Augustinus profunditatem sibi imperscrutabilem cernens, nullam voluit huius rei definitam proferre sententiam, incom-*

grum prorsus existimans aliquid affirmare sine dubitatione velle, quod alter posset con-
traria responsione conuellere. Cuius tam in decimo libro de Genesi ad litteram, quam in li-
bris ad Vincentium Victorem de origine anime, nec non in libro primo ex duobus, quod
ad S. Hieronymum scripsit, in tribus quoq; Epistolis, quas ad Optatum Episcopum de
hac questione composuit, disputatione resulget non minus copiosa, quam profunda. & eo
magis laudabili, quia congrua temperie moderata, ubi quicquid ingens acumine, quic-
quid ratiocinationis ordine, quicquid auctoritatis pondere inquirendum, discutiendumq;
conspexit, & inquisiuit singulariter, & discussit, consensum tamen ab utraque definitio-
ne continui, ne laborem tantæ disputationis inaniter susceperet, quem cuiuslibet sententia
temeraria definitio vacuaret. Lib. 3. de verit. prædest. & quat. cap. 18.

An fuerit sententia S. Augustini queros baptizatos sine reali Eucharistie
sumptione non posse saluari.

Transfameus modò ad reliquos errores, quos de Augustino Recentiores publicant. Opponit Adamus pag. 384. Augustinum docuisse, infantes etiam suscepto baptismorum posse saluos fieri sine reali sumptione Sanctissime Eucharistie. Moraines recitatis verbis S. Augustini lib. 1. de pec. mer. cap. 20. S. auferatur iam dubitatio, ait: *Que verba sunt adeo manifesta, vt difficillime patiantur benignam interpretationem, qua pleriq; Theologorum Augustinum ab errore excusare conantur, error enim est notatus, & damnatus sub anathemate à Concilio Tridentino.* Hic quoq; Augustini causa tuta est Romana Ecclesia S. Doctori patrocinante, Apostolica enim Sedis Pontifices eadem omnino Augustini verba contra Pelagianos vsurparunt. Cum Hæretici coacti illis verbis Domini Ioan. 3. 6. *Nisi quis renatus fuerit ex aqua, & Spiritu Sancto, non potest introire in regnum Dei,* concederent pueros sine baptismo mortuos non ituros in regnum cœlorum, cum illos sine peccato originali esse vellent, negabant eosdem in ignem æternum projiciendos, sed dicebant, illos habituros nescio quam vitam æternam, beatam, a felicem, vt tradit Augustinus serm. 14. de verb. Apost. Lib. 4. de orig. animæ cap. 13. Epist. 106. & alibi. Quare vt hocce effugium Pelagianis præcluderet, illud Ioannis 6. 54. opposuit: *Nisi manducaueritis carnem filij hominis, & biberitis eius sanguinem, non habebitis vitam in vobis,* inferens parvulos sine baptismo decedentes, cum non manducauerint carnem filij hominis, aut eius sanguinem biberint, non habituros vitam beatam, & per consequens fore damnatos. De hoc argumento ex sacris literis ab Augustino deducto hæc scribit ibidem Moraines: *Item lib. 1. de pec. mer. & remiss. cap. 20. & lib. de predest. SS. cap. 13. & lib. 2. oper. imper. con. Iulianum cap. 29. docere videtur, Sacramentum Eucharistie non minus esse necessarium parvulis ad salutem, quàm baptismum, neq; minus ad eos pertinere, quod dicitur Io. 6. 54. Amen amen dico vobis, nisi manducaueritis carnem filij hominis, & biberitis eius sanguinem non habebitis vitam in vobis, quàm sifus Io. 3. 6. Nisi quis renatus fuerit ex aqua, & Spiritu S. non potest introire in regnum Dei. &c.*

Sed post Augustinum Romani quoque Pontifices, qui Pelagianos damnarunt, eodem prorsus testimonio Ioannis 6. citato vsi sunt, ad vitam illam, quam

quam pueris Pelagianis sine baptismo promittebant, eliminandam. S. Innocentius in literis ad Patres Synodi Mileuitanæ ita scribit: *Illud rursus quod eos rursus fraternitas asserit predicare, parvulos æternæ vitæ præmijs etiam sine baptismatis gratia posse donari, petitarium est. Nisi enim manducaverint carnem filij hominis, & biberint sanguinem eius, non habebunt vitam in semetipsis. Qui autem hanc eis sine regeneratione defendunt, videntur mihi ipsum baptismum, velle cassare, cum prædicant eos habere, quod in eos creditur non nisi baptismo conferendum.* Putat Maldonatus textum esse corruptum dicens, ea verba Innocentij vix sensum illum congruentem habere posse: *Vbi ergo, inquit, est descendunt, legendum puto deferunt, & vbi est nisi baptismate, legendum puto, sine baptismate.* Valquez 3. p. disp. 279. cap. 4. num. 55. cum animadversiones Maldonati notasset, legit in eis descendunt. At illa verba optimum sensum habent, nam vel ipse Cicero usus est illis particulis non nisi in lib. de amicitia, *Hoc primum sentio nisi in bonis amicitiam esse non posse.* In Synodo etiam Carthagenensi A. 397. can. 29. dicitur: *Ut Sacramenta altaris non nisi à ieiunis hominibus celebrentur.* Verbum verò descendunt cum dativo iungit Horatius lib. 1. Car. ode 17. *Descendit æstatem capellis,* & Virgilius Eclog. 4. *Solstitium pecori descendito.* Nec Præfectus urbem descendere sibi dicendus est, sed Principi. Quare textus S. Innocentij nulla novæ Grammaticæ castigatione restituendus venit; sed leviora hæc insinuasce sit satis. Eodem prorsus testimonio S. Gelasius Papa Pelagianos insecutus est in epistola ad Episcopos per Picenum: *Ut providentia Dei, inquit, omnes Pelagianorum nequitias amputaret, non solum dictum est: Qui non fuerit renatus ex aqua, & Spiritu S. non intrabit in regnum cælorum, sed etiam pariter dictum est: Qui non manducaverit carnem filij hominis, & biberit eius sanguinem non habebit vitam in semetipso. De vita autem æterna hoc dictum nullus addubitat, quoniam multi non manducantes hoc sacramentum vitam videntur habere presentem.* Audis Moraines, non minùs ad parvulos pertinere illud Ioan. 6. *Nisi manducaveritis, &c.* quàm illud Ioan. 3. *Nisi quis renatus &c.* Hoc Innocentius credit, hoc Gelasius statuit, quod tamen in Augustino tanquam palmarem errorem reprehendebas,

Maldonatus in comment. cap. 6. Ioan. 54. ait: *Misam facio Augustini, & Innocentij I. sententiam, quæ sexcentos circiter annos viguit in Ecclesia; Eucharistiam etiam infantibus necessariam.* Rursus ibidem affirmat Augustinum, & Innocentium eo testimonio Ioan. 6. adductos fuisse, ut crederent infantes etiam baptizatos, nisi Eucharistiam petiperent, salvos esse non posse. Ita socium erroris Augustino tribuunt Innocentium, & si Gelasium legissem, eundem quoque addidissent. Duq; hic nobis præstanda sunt, & Maldonatus castigandus, & Augustinus vñ cum Apostolica Sede ad errorem, ac censuris vindicandus est. In primis certum est veteres Patres confuevisse, pueris statim post baptismum sacram Eucharistiam ministrare, ut tradunt Cyprianus in libro de lapsis, Gennadius de Eccles. dogmat. cap. 52. Augustinus epist. 107. Concilium Toletanum II. cap. 11; Quod verò inquit Maldonatus illos ita fecisse, quod putabant, *Eucharistiam etiam infantibus necessariam*, nullo pacto concedi potest, id enim est contra Tridentini decretum sess. 21. cap. 4. vbi de eodem antiquorum ritu, dandi parvulis Eucharistiam, loquens ait: *Ut enim Sanctissimi illi Patres sui facti probabilis causam pro illius temporis ratione habuerunt; ita tunc eos nulla salutis necessitate id fecisse sine controversia credendum est.* Quod rursus addit Maldonatus Sanctos In-

nocentium, & Augustinum dixisse *infantes etiam baptizatos, nisi Eucharistiam perciperent, saluos esse non posse*, & Adamus, dixisse Augustinum *infantes etiam suscepto baptismo non posse saluos fieri sine reali sumptione sanctissimæ Eucharistiæ*, falsissimum est. Illi quidem dixere, *infantes sine Sacramento Eucharistiæ saluos esse non posse*, at id de pueris baptizatis nunquam affirmarunt, cum ea tempestate statim post baptismum daretur omnibus etiam Eucharistia. Ob hanc verò causam eo testimonio Ioannis 6. contra Pelagianos optimè & Romani Pontifices, & Augustinus vsi sunt. Nam cum Pelagiani vitam æternam extra regnum Dei parvulis sine baptismo morientibus darent, Sancti Patres ita arguebant: Nullus sine baptismo potest suscipere Eucharistiam, per quam ex verbis Domini Ioannis 6. donatur vita æterna, igitur pueri morientes sine baptisni, & Eucharistiæ Sacramentis non possunt participare vitam æternam. At nunquam dixere *infantes tantum baptizatos ante Eucharistiæ sumptionem non habere gratiam, & ius ad vitam æternam*. Eo autem discursu optimè Pelagiani conuincebantur, quia vnde vitam æternam parvulis promitterent, non habebant. Marius Mercator S. Augustini amicus, & defensor in opusculo contra Iulianum hoc ipso argumento vtitur ea prorsus ratione, qua illud ipsi explicauimus. Do illius sententiam ex MS. Palatinæ Bibliothecæ in Vaticano Num. 234. pag. 8. col. 2. *Vox Saluatoris est: Nisi manducaueritis carnem meam, & biberitis sanguinem meum, non habebitis vitam in vobis*met ipsi. Quod certè absque ulla tergiversatione sine baptismo nullus usurpat, nec fit illius particeps Sacramenti. Porro hoc argumentum validissimum esse testatur Eusebius Episcopus Gallicanus, cuius homiliæ sub Emisleni titulo circumferuntur, qui tamèn Emisleno & posterior, & melior fuit. Hic in hom. 5. de Paschate ait: *Nisi manducaueritis carnem filij hominis, & biberitis sanguinem eius, non habebitis vitam in vobis*. Quod testimonium contra Pelagij blasphemias EVIDENTISSIMUM, atque VALIDISSIMUM est, qui asserere arrepta impietate presumit, non propter vitam, sed propter regnum celorum baptismum parvulis conferendum. Sub his enim Dei verbis, quibus Euangelista pronunciat, non habebitis vitam in vobis; aperte intelligenda est omnis anima munere baptisni vacua non solum gloria carere, sed vita. Tomo 5. Bibl. SS. Patr. par. 1. pag. 560. edit. Colon. Illam verò auctoritatem sacræ Scripturæ ita adhibuisse S. Augustinum patet ex eiusdem epistola 106. ad Paulinum, vbi ait: Si autem cedam Sedi Apostolica, vel potius ipsi Magistro, & Domino Apostolorum, qui dicit non habituros vitam in semetipsis, nisi manducauerint carnem filij hominis, & biberint sanguinem, quod NISI BAPTIZATI non verique possunt; nempe aliquando satebuntur parvulos NON BAPTIZATOS vitam habere non posse. Neque S. Innocentius scribit parvulis etiam baptizatis vitam æternam nisi per Eucharistiam conferri, vt illi Maldonatus imponit, sed in eos creditur NON NISI BAPTISMATE conferendam, vt vitam æternam non ab Eucharistia, sed à baptismo conferri significet. Vnde Augustinus in laudata epistola ad Paulinum notat, ab Apostolica Sede adhibitum illud testimonium Evangelicum, ne parvuli NON BAPTIZATI vitam posse habere credantur. Non ait, ne parvuli etiam baptizati sine Eucharistiæ sumptione vitam posse habere credantur. Quæ grauis est aduersariorum hallucinatio.

Sed cum ea tempestate omnibus vtrumque illud Sacramentum, baptismus scilicet, & Eucharistia daretur, non tam frequenter legimus in Augustino, quid

quid senserit, si baptismum tantum sine Eucharistia collatum fuisset. Cæterum semel casum illum lego apud S. Doctorem lib. 1. de orig. animæ cap. 9. & lib. 3. cap. 9. ubi cum Vincentius Victor exemplo boni Latronis probaret, pueros sine baptismum posse saluari, S. Doctor responderet, fieri potuisse, ut latro ille fuerit baptizatus, & antequam in carcerem iret, acceperit in baptismum remissionem peccatorum; vel ut plerique credebant, in ipsa cruce baptizatus fuerit aqua à Christi latere exiliente. Et lib. 2. Retract. cap. 18. ait, incertum esse, an latro fuerit baptizatus, quæ de re sermo redibit cap. 5. §. 11. At certum est, latronem non sumpsisse Eucharistiam, quæ pridie ante mortem in cæna à Domino instituta fuerat. Igitur per Augustinum homo tantum baptizatus sine reali sumptione Eucharistiæ potest accipere remissionem peccatorum, & salutem æternam. Hoc etiam deducitur ex constanti eiusdem sententia, quæ asseruit fidem, conversionemque cordis, quæ fit per charitatem actualem, posse reddere hominem salvum, si à recipièdo baptismum improvise necessitate excludatur; ita passim scribit in libris contra Donatistas præcipuè lib. 4. de baptismum cap. 22. At puer baptizatus, etiamsi non percipiat Eucharistiam, longè perfectiori modo habet fidem, & charitatem sibi à Deo in sacramento regenerationis infusus; igitur iuxta doctrinam S. Augustini verè salvabitur. Cum verò Sancti Patres docent sine participatione corporis, & sanguinis Domini, neminem vitam æternam consequi posse, intelligendi sunt de participatione spirituali, quando per fidem infusam fiunt participes corporis Christi, dum fiunt membrum Christi, cui per fidem incorporantur, sicuti qui sumunt Eucharistiam dicuntur fieri membra Christi, dum manent in eo, & Christus; in eis. Hinc Augustinus tract. 27. in Ioannem plura de hac re habet, inter cætera: *Ut autem simus membra eius, unitas nos compaginat; ut compagine unitas, quæ facit nisi charitas* Et tract. 26. *Hoc est ergo manducare illam escam, & illum bibere potum, in Christo manere, & illum manentem in se habere.* Ita etiam se explicat S. Pater in iisdem libris contra Pelagianos, ubi cum lib. 3. de pec. merit. cap. 4. dixisset: *Quia nisi manducaverint homines carnem eius, hoc est participes facti fuerint corporis eius, non habebunt vitam.* Paulò superius modum assignauerat, quo pueri participant corpus Christi: *Vnde fit consequens, inquit, ut quoniam nihil agitur aliud, cum parvuli baptizantur, nisi ut incorporentur Ecclesie, id est Christi corpori, membrisque socientur.* Et hanc ipsam esse Augustini mentem, testatur S. Fulgentius in responsione ad duas quæstiones Ferrandi Diaconi. Scripserat Ferrandus iuvenem Æthiopem mortis proximum fuisse baptizatum, ac statim antequam Eucharistiam sumeret, decessisse, petens, num eo pacto salvari posset. Respondit Fulgentius hominem per baptismum fieri participem corporis Christi, seu incorporari Christo, etiamsi Eucharistiæ Sacramentum reapse non sumat, & cum plurima ad hoc suadendum testimonia ex sacris literis adduxisset, sermonem tandem S. Augustini ad infantes ante altare producit, ubi S. Doctor inter alia ait: *Intelligite; & gaudete, unitas; pietas, veritas, charitas; unus panis, unum corpus multi sumus; recolite enim, quia panis non fit de uno grano, sed de multis. Quando ergo exorcizabamini, quasi molebamini; quando baptizati estis, quasi conspersi estis; quando spiritus sanctificationem accepistis; quasi coeti estis; estote quod videtis; & accipite quod estis.* Igitur infantes ex Augustino per gratiam sanctificantem baptismi facti sunt membra corporis Christi. Porro Fulgen-

tius post illa Augustini verba concludit : *Arbitror Sancte frater disputationem nostram præclari Doctoris Augustini sermone firmatam, nec quicquam esse aliquatenus ambigendum, tunc nunquamque fidelium corporis, sanguinisque Dominici participem fieri, quando in baptismo membrum corporis Christi efficitur, nec alienari ab eo panis, calicisque consortio, etiamsi antequam panem illum comedat, & calicem bibat, de hoc sacculo in unitate corporis Christi constitutus abscedat.* In resp. ad quæst. Ferrandi Diaconi. Beda tomo 6. in comment. cap. 10. 1. ad Corinthios, qui conflati sunt ex centonibus Augustini, ita citat priora illa verba S. Augustini, ut eidem etiam attribuat sequentia, quæ ex Fulgentio retulimus, omisso priori versu *Arbitror Sancte frater &c.* in quem lapidem impegit etiam compiler canonum cap. Nulli de consecr. dist. 4. verba illa Fulgentij Augustino adscribens. Ex his error ille de necessaria pueris præter baptismum reali Eucharistiæ assumptione à Recentioribus Augustino attributus in fumum evanescit, cuius vocibus cum Romani Pontifices vti sint ad eosdem diuinæ gratiæ hostes conuincendos, baud ille vnus erroris argui potest, sed vnà cum Augustino Apostolica Sedes accusanda venit, præsertim cum S. Doctor illud testimonium Ioan. 6. inculcarit, tanquam ab Apostolica Sede adhibitum, uti diximus ex epist. 106. Quod si Recentiores religioni ducunt, adeo præposterè de Romanis Pontificibus sentire, qui ex communi Ecclesiæ sensu contra Pelagianos sententias dixere, mitiores etiam erga Augustinum animos induant, atque in eadem prorsus causa, & Romanos Præsules, & Hipponensem Antistitem benignis interpretationibus excipiant, non illas quidem honoris gratia è proprio cerebro fingentes, sed ab ipso Augustino vnà cum Fulgentio easdem inaudientes. Vnus enim Augustinus sibi est ad sui intelligentiam clavis, ac suorum sensuum planus, ac sincerus interpret.

S. V.

Non errasse S. Doctorem exponentem illud Apostoli Rom. 14. Omne quod non est ex fide, peccatum est. Ecclesia Catholica, Romani Pontifices, ac Patres S. Augustini interpretationem approbant.

Sed rursus Morainius contra Augustinum clamat : *Perperam quoque exponis id, quod ait Apostolus Rom. 14. 23. Omne quod non est ex fide, peccatum est, quasi velit dicere Apostolus, omnia opera infidelium esse peccata, & sine vera fide nullum posse fieri bonum opus. Cum tamen ibi sermo sit de eo, quod non sit ex dictamine conscientia indicantis bona fide licitum esse id, quod sit, ut ex textu ipso liquet, & communis interpretatio Doctorum contradicit Augustino, qui etiam aliquot locis, ut alibi notauimus, videtur hanc suam assertionem restringere ad bonum opus utile vitæ æternæ consequendæ &c. Vtrumque tamen à vero sensu Apostoli loco citato planè alienum est.* Hæc ille. Nos quidem superiori capite §. 4. quæ fuerit S. Doctoris mens de operibus infidelium indicauimus, modò Morainij ignorantia castiganda est, qui eam interpretationem, quam Ecclesia inter sacras cæremonias secuta est, à vero sensu Apostoli planè alienam dicere non dubitauit. Etenim ex antiquo Ecclesiæ ritu Episcopus eos, qui Subdiaconi consecrandi sunt, ita alloquitur : *Estote ergo tales, qui sacrificij diuinis, & Ecclesiæ Dei, hoc est corporis Christi* dignè

digne servire valeatis in vera, & Catholica fide fundati, quoniam, ut ait Apostolus: Omne quod non est ex fide, peccatū est, schismaticum est, & extra unitatem Ecclesie est. In Pontificali Romano. Ecce Augustinianum interpretamentum, Catholicæ Ecclesiæ approbatione consecratum, & per vniuersum Orbem Orthodoxum ab Episcopis inter sacras cæremonias recitatum. Igitur vna est Ecclesiæ, & Augustini de illis Apostoli verbis sententia, nempe vt de vera fide Christiana intelligatur. Videre mihi videor, novos Censores hæere, vt aiunt, ad aquas. Si Ecclesiam Catholicam *perperam* textum Apostoli explicare dicant, iā vident, quā graui se piaculo obstringunt. At si Ecclesiæ voces reijcere religioni ducunt, iam tandem Augustino Ecclesiastica auctoritate coacti herbam porrigant. Nec mirum Ecclesiam Catholicam ita Apostoli verba intellexisse, eo enim prorsus modo Apostolicæ Sedis Pontifices eadem antiquitus interpretati sunt. S. Leo Magnus serm. 2. de ieiunio Pentecostes differens de Infidelium, ac Christianorū virtutibus ita Apostoli sententiā explicat: *Aliud agit sub veritate ratio, aliud sub falsitate deceptio. Apud nos fides iustificat etiam manducantem, apud illos infidelitas polluit ieiunantem. Vnde quia extra Ecclesiam Catholicam nihil est integrum, nihil castum, dicente Apostolo.* Omne quod non est ex fide peccatum est &c. Idem serm. 8. de Quadragesima ait: *Is vera, & rationabili purificatione se preparat, cuius cor nulla infidelitate polluitur, dicente Apostolo:* Omne quod non est ex fide, peccatum est, inutelia erunt, & vana eorum ieiunia, quos illusionibus suis decipit mendacij pater, & vera Christi caro non pascit. Fortè dicetis, illam fuisse priuatam Leonis interpretationem, qui ea in re cum Augustino sensit, docuisse illa Leonem pro concione differentem, non è Cathedra contra hæreses quicquam definientem. Sed parum vos ista iuvant, dum Catholici laudatam explicationem ab Apostolico ore inaudierunt, nec nisi temerè dicere potestis, Leonem licet non è Cathedra definientem, sed docentem *perperam* locutum fuisse. Sed habemus Pontificem Bonifacium II. qui septuagesimo à Leonis obitu anno contra Semipelagianos sententiam è Cathedra pronuncians Augustinianam interpretationem probauit. Etenim in epistola ad S. Cæsarium Arelatensem loquens de fide Christiana, ait: *Præter quam fidem nihil est boni, quod secundum Deum quilibet valeat operari, sicut beatus Apostolus dicit: Omne quod non est ex fide, peccatum est. Quod cum ita sit, aut nullum bonum gratia deputabunt, si ei fidem subtrahere moliantur, aut si quod bonum esse dicunt de gratia, ipsa necessario fides erit gratia deputanda.* At si duo Romani Pontifices non satis auctoritatis addunt Augustini interpretationi, produco suffragia quindecim Patrum doctissimorum, ac Sanctissimorum, qui ex Africa in Sardiniam à Trasamundo Rege Ariano in exilium deportati in libro de Incarnatione, & gratia omnium subscriptione, vt ex titulo patet, approbato hæc tradunt cap. 25. *Quis audeat illas in hoc loco gentes accipere, quas constat non esse iustificatas ex fide, cum ipse testetur Apostolus: quia omne quod non est ex fide, peccatum est: & quia sine fide impossibile est placere Deo? Quod si Abraham ex fide iustificatum esse constat* *sub. 17.* &c. Hæc Synodus Byzacena. Quæ profectò faciunt, vt nostri Patris explicatio nisi temerè censuræ subijci possit. Sed alij Patres, atque antiqui Scriptores eidem interpretationi albos calculos adiecere. S. Prosper in epistola ad Rufinum, S. Fulgentius lib. 2. de peccat. remiss. cap. 1. S. Ildorus lib. de summo bono cap. 2. S. Bernardus serm. 30. & 31. in Cantica, Iulianus Pomerius

lib. 3. de vita contempl. cap. 1. Facundus Hermianensis lib. 1. de tribus capit. ad Iustinianum Imperatorem cap. 1. in fine, alijque, ita ut si Patrum suffragia numerentur, plusquam viginti Augustino in eadem Apostolici textus intelligentia consentiant, cum in altera interpretatione longè pauciores à Recentioribus nominentur, nisi semet pariter istis adiungant, à quibus tam longo interuallo disjuncti sunt. Et tamen audacter Morainius contestatur, quòd communis interpretatio Doctorum contradicit Augustino, quasi illi Patres, quos adduximus, Doctores non sint, sed plebeia de fœce Saburræ. Video tamen Bernardum alteram etiam interpretationem admittere, nempe, quod non est ex conscientia, peccatum est, in lib. de præcept. & disp. cap. 18. & 20. Vossius vir satis suo nomine notus lib. 3. hist. Pelag. par. 3. thesi 12. conatur vno verbo Augustini interpretationem cum altera memorata de conscientia componere, nempe *ut mens Apostoli sit, quicquid non provenit ex fide Christiana per conscientiam ad opus applicata, illud peccatum censetur*. Sed nullis interpretamentis indiget Augustinus, quide vera intelligentia Paulinæ sententiæ cum Iuliano litigavit. Etenim cum S. Doctor in primo libro de nupt. & concup. cap. 3. initio, ubi incipit contra Iulianum disputare, ex illis Apostoli verbis *Omne, quod non est ex fide peccatum est*, intulisset sine fide pudicitiam non esse veram virtutem, Iulianus quatuor libros vni illi Augustiniano opponens, reiecta interpretatione S. Patris, alteram dubio procul de conscientia supposuit, ut vim argumenti elideret. At Augustinus contra hosce quatuor Iuliani libros è vestigio alterum de nuptijs, & concupiscentia exaravit, dein sex etiam volumina longè maiori labore composuit, in quorum quarto cap. 3. Iuliani expositionem rejicit, suamq; datam cap. 3. denupt. & concup. cit. constanter defendit his planè verbis. *Testimonium illud, quod ex Apostolo posui: Omne quod non est ex fide, peccatum est, sicut tibi visum est, accepisti, & exposuisti, non ut scapis, sed ut scapis: De cibis enim Apostolus loquebatur. Verum cum dixisset: Qui autem discernit, si manducaverit, damnatus est, quia non ex fide, hanc peccati speciem, de qua agebat, generali voluit probare sententia mox inferens: Omne enim quod non est ex fide peccatum est. Hæc Augustinus, ex quibus dictamen conscientiz à fide dirigendum esse deducitur, à qua sola, ut ibidem probat, in ultimum finem opus refertur, quam ille conditionem ad bonitatem moralem operis ex omni circumstantia perfecti semper requirit. Etenim iudicium practicum; quod dicat abstinendum à cibis lege vetitis, dirigitur à fide, qua creduntur præcepta illa esse servanda per ordinem ad ultimum finem. Quare, qui discernit, si manducaverit, damnatus est, quia non operatur ex fide dirigente iudicium practicum, seu conscientiam, quod dictum generali sententia probans Apostolus ait: omne quod non est ex fide, à qua sola bonum opus saltem virtualiter ad Deum referri potest, peccatum est. Neq; hic audienda est violenta interpretatio Cornelij à Lapide ad hunc Pauli textum dicentis: Augustinum cum suis id quod non est ex fide, per missum sic accipere, quasi dicat Apostolus, quod est ex infidelitate, vel quod est contra fidem, quod tunc fit ad cultum Idoli, hoc peccatum esse, & quia S. Augustinus putabat pleraq; opera ab infidelibus fieri hoc fine, scilicet ad colendum Idolum, hinc consequenter pleraq; opera putasse esse peccata. Etenim S. Pater ad veram virtutem relationem in ultimum finem necessariam adeo putavit, ut nec virtutes propter sui honestatem citra vitium expeti posse affirmaverit, ut fufius cap. 3. §. 4. probavi.*

bauimus; deficit enim illis relatio saltem virtualis proxima in vltimum finem, eò quod eliciantur ab homine veri Dei cognitione priuato, ac philantiæ vitio corumpantur, quæ constans Augustino sententia stetit.

Dices. Igitur si *omne quod non est ex fide, peccatum est*, videlicet omnis actio, quæ non supponit fidem in operante, à qua in vltimum finem dirigatur, est peccatum, eaque adstruitur germana intelligentia verborum Apostoli ex Patrum, Pontificum, ac totius Ecclesiæ Catholicæ interpretatione, sequitur omnia opera infidelium esse peccata, quæ tamen est 26. propositio Baij ad Apostolicam sede toties damnata. Respondeo nos iam superius cap. 3. §. 4. insinuas, procul esse Augustini sententiam à damnata Baij propositione, sed ne videamur recentiores Pontifices, qui memoratam thesım sæpius proscribere, cum antiquis decessoribus, imò cum ipsamet Ecclesia Catholica committere, quæ ex Apostolo docet, *omne quod non est ex fide, peccatum esse*; pauca hic iterum subiiciam. In primis illa propositio vigesima sexta Baij à plerisque recitatur, præcipuè verò à Suario hoc pacto: *Et ad Pelagianismum reijcienda est illa sententia, omnia opera infidelium sunt peccata, & philosophorum virtutes sunt vitia*. Scribit autem Turrianus in tractatu de erroribus Baij ad calcem tomi de gratia cap. 5. §. 1. num. 4. *Sic habent aliquæ bullæ typis mandata Romæ, & aliquot manu scriptæ, quas ego vidi*. Mendosè autem esse illam thesım sic describi, certum est, nam tantum abest, vt Pelagiani dixerint omnia opera infidelium esse peccata, vt è contrario potius assererent, infideles pleraque virtutum opera elicere; putantes ea ratione diuinam gratiam expungere ex Augustino lib. 4. con. Iul. cap. 3. Suarez prolegom. 6. de grat. cap. 2. num. 7. ait: *Vnde suspicor in illa propositione hypothetica deesse negationem aliquam, seu verbum negandi, nempe: Et ad Pelagianismum reijcienda est illa sententia, non omnia opera infidelium sunt peccata, & philosophorum virtutes non sunt vitia*. At Vasquez 1. 2. disp. 191. cap. 2. ita recitat illam propositionem: *Omnia opera infidelium sunt peccata &c.* Et in eadem bulla non semel edita Romæ contra Iansenium verba illa, *Et ad Pelagianismum &c.* omissa sunt. In primis damnata est illa propositio ob censuram, qua Pelagianismi incusabat negantes omnia opera infidelium esse peccata, & illam censuram primitus in bullis fuisse patet ex ijs, quæ antiquitus Romæ editæ sunt, quas etiam Turrianus insignis è Societate Scriptor testatur se legisse; quis audeat dicere, Typographos Romanos propria auctoritate ea verba addidisse? Hæc confirmantur ex hac propositione 23. eiusdem Baij, nempe: *Cum Pelagius sentire, qui textum Apostoli Rom. 2. Gentes, quæ legem non habent, naturaliter ea, quæ legis sunt, faciunt, intelligunt de gentibus fidei gratiam non habentibus*. Quæ quidem propositio vel secundum historicam narrationem accipitur, idest, eos qui ita sentiunt, id asserere, quod itidem Pelagius affirmauit. Et in hoc sensu propositio illa est vera, nec vlla ratione damnari potest; nam Pelagius ita illa Apostoli verba explicabat in epist. ad Demetriadem cap. 4. Et Patres Byzaceni in lib. de Incarnat. & grat. cap. 5. recitata illa Pauli sententia scribunt: *Quem quidem Apostoli locum hi, qui gratia contradicunt, gentibus incredulis assignare conantur*. Quod etiam tradit Augustinus lib. 4. con. Iul. cap. 3. §. 5. *Vnde & illi*. Vel eadem assertio accipitur pro vt censura configit eos, qui laudatum textum de infidelibus intelligunt, quasi hæresim Pelagianam eo pacto doceant, & reatè ob impudentem censuram, tanquam scandalosa damnatur eadem Baij propositio.

positio. Itaque etiam propositio illa 26. ob censuram proscripta fuit, quæ eandem doctrinam cum 23. continet; oppositum enim thes. 26. probari solet ab omnibus ex textu memorato Apostoli Rom. 2. Respondeo 2. propositiones illas damnari respectiue, & in sensu ab assertoribus intento, vt in fine bullæ asseritur. Illa propositio 26. damnatur respectiue ad 35. quæ est: *Omne quod agit peccator, vel seruus peccati, peccatum est.* Ex qua necessariò inferitur, omnia opera infidelium esse peccata, & philosophorum virtutes esse vitia, cum illi sint peccatores. Quare meritò damnatur, vt deriuata ex hæretica doctrina reiecta in Tridentina Synodo sess. 6. can. 7. & ab Augustino, vt contra Maldonatum ostendimus cap. 3. §. 4. Respondeo tertio infideles aliquos actus bonos elicere, ad quos à Deo præmouentur, qui profectò peccata esse non possunt. Tradit hoc disertè S. Doctor cap. 24. de gratia Christi, vbi recitat illo Scripturæ sacræ de Alsuero mutatione testimonio Hester 15. 11. *Conuertit Deus; & transiit indignationem eius in lenitatem*, cum priùs præmisisset Alsuero tunc fuisse infidelem, & peccatorem; concludit: *Interna, atque occulta mirabili, ac ineffabili potestate operari Deum in cordibus hominum non solum veras reuelationes, sed etiam BONAS VOLUNTATES.* Banius verò nullos actus bonos ex Dei gratia ab infidelibus fieri volebat, eò quod gratiam tantum admitteret Spiritus Sancti inhabitantis in anima, qui cum in infideli non inhabitet, hinc arbitrabatur, nullum in eodem diuinæ gratiæ auxilium reperiri. Horum testem appello Gabrielem Vasquez 1. 2. disp. 190. cap. 18. num. 184. vbi de opinione Baii in libro de iustitia, & virtutibus impiorum cap. 4. & 5. hæc habet: *Non admitteret ille distinctionem gratiæ Spiritus Sancti nondum habitantis, qualem concedimus ante remissionem peccatorum, & inhabitantis, qualem dicimus esse post remissionem.* Quæ doctrina est contra Tridentinam Synodum, quæ sess. 14. cap. 4. admittit Spiritus S. impulsu, non adhuc quidem inhabitantis, sed tantum mouentis. Ex his patet Gregorium nostrum Ariminensem in hac thesi cum Michaelæ Baio neutiquam conuenire. Nam licet in 2. sent. dist. 26. q. 1. art. 1. dicat, omnia opera infidelium esse peccata; attamen art. 3. in resp. ad testimonia Augustini ait: *Sic tamen aliquod taliter factum, scilicet debito fine, & alijs debitis, scilicet circumstantijs, reperitur ab infidelibus, dicendum est eos id fecisse non sine speciali adiutorio Dei.* Quod in resp. ad 8. de facto in obstetricibus Ægyptijs pueros Hebræorum occulantibus factum concedit, nempe Deo specialiter adiuvante. Quæ etiam ibidem probat S. Doctoris testimonio lib. 4. con. Iul. cap. 3. Vbi concedit aliqua bona opera in infidelibus ex speciali tamen Dei gratia deriuata, & admittit insuper adiutorium Dei, seu Spiritus Sancti nondum inhabitantis, quorum neutrum Banius asserbat. Basilius Poncius 1. p. relect. de grat. cap. ultimo pag. 204. ait: *Ponamus enim id, quod PROBABILIS OPINIO fert, vt dicam in secunda parte, omnia infidelium opera esse peccata &c.* Quis autem existimet virum inter Salmanticenses celeberrimum Baii sententiam probabilem duxisse, præsertim cum cap. 15. de eiusdem Baii propositionibus agat? Etenim Poncius inter Principes huius sæculi Theologos meritò à doctis quibusque recensetur. Hujc doctissimi Patres Carmelitæ Excalceati Salmanticenses honoris gratia hocce epitaphium posuere tract. 3. de scientia Dei disp. 10. dub. 8. num. 130. *Quamuis omittere non possimus magnum illum virum, qui modo dum huc aperi insudaremus, maximo omnium dolore, & totius huius Vniuersitatis, imò & Orbis sa-*

dura à visis creptus est, nempe Magistrum Basilium Poncium Legionensem Augustinianæ familie augustissimam prolem, & in hac Academia Cathedræ primaria sacre Theologiæ meritisissimum moderatorem. Itaque cum illa propositio, omnia opera infidelium sunt peccata, à nobilissimis Theologis etiam post editam bullam, contra Baium defendatur, palam fit in recto sensu posse accipi, à quo procul fuit Baius, vnde meritò eadem thesis ab Apostolica Sede proscripta fuit. Hæc autem fusiùs prosecutus sum, non modò vt ostenderem Summos Pontifices, ac tot Patres, imò ipsam Catholicam Ecclesiam, dum illa verba Apostoli Rom. 14. Omne quod non est ex fide, peccatum est, explicant de fide Chrlitiana, nulla ratione suffragari damnatæ Baij propositioni, verùm etiam vt satis molestam quorundam Recentiorum importunitatem refellerem, qua crudam illam propositionem absque sensuum, quos plures pati monstraui, distinctione damnatam volunt.

S. VI.

S. Augustinus nunquam censuit cogitationes morosas esse duntaxat peccatum veniale, vt Recentiores eidem falsò imponunt.

Restaurat tamen accusationem Moraines, & alterius erroris Augustinum reum postulat his verbis: *Præterea lib. 2. cap. 10. docet cogitationes morosas, siue delectationes voluntarias de rebus veneris esse duntaxat peccatum veniale, modò absit consensus in opus, seu malum desiderium, vel illius periculum; quæ doctrina ab omnibus catholicis iam pridem reijcitur, nec sine scandalo à quoquam obtruderetur.* Sed respondemus Augustinum intelligendum esse de delectatione, quæ est sine plena aduertentia malitiæ, vel periculi illius, in quo casu non esse illam peccatum mortale communis Theologorum sententia est; testibus Salas 1. 2. ^{s. Theomas q 15. de malo art. 2. ad 16.} tt. 13. disp. 6. se. 6. & Vasquez 1. 2. disp. 97. cap. 3. At S. Doctorem de delectatione eo modo erumpente locutum fuisse non obscurè ex illiusmet verbis cognoscitur. *Quando in talibus, inquit, cogitationibus cum ALIQUA delectatione remorantur, non quidem decernentes flagitium, sed intentionem mentis non sicut oportet, ne illò incidat, inde auertentes, aut si inciderit, inde rapientes. Cap. 10. cit. Oportet enim mentem, si eas in cogitationes inciderit, statim inde auertere, quod si ex defectu plenæ aduertentiæ non fiat, (quod sæpè accidit, cum non sit in nostra potestate, quid nobis veniat in mentem, sed turpia quandoq; irrepant, animumq; repentina delectatione titillent,) nequitiam peccatum mortale censetur. Hinc Augustinus consultò addidit aliqua delectatione, vt eius grauitatem, ac vim ad peccatum mortale causandum non sufficere ostenderet. Porro sensisse Augustinum cogitationes, seu delectationes morosas esse peccatum mortale, patet ex lib. 12. de Trinit. cap. 12. vbi apertè docet tales delectationes morosas esse peccatum sufficiens ad pertrahendum hominem in æternam damnationem, nisi sacramentali gratia culpa remittatur: Ita dici potest, inquit, in homine vno, si delectationibus illicitis, à quibus se continuò deberet auertere cogitatio, libenter sola pascatur, nec faciendæ decernantur mala, sed tantum suauiter in recordatione teneantur, quasi mulierem sine viro posse damari, absit hoc credere. Hæc quippe vna personæ est, vnus homo est, totusq; damnabitur, nisi hæc, quæ sine voluntate operandi, sed*

sed tamen cum voluntate animum talibus oblectandi, solius cogitationis sentiuntur esse peccata, per mediatis gratiam remittantur. En claram, apertamque S. Doctoris sententiam, qui si alibi ita locutus fuit, vt & in pravam, & in bonum sensum trahi poterit, cur non ipsum audit Moraines suorum verborum interpretem, sed ex semel contra ipsum concepta opinione in erroneum sensum detorquet, vt eiusdem accusandi patientiorem locum sibi faciat? Tales nos erga aliorum scripta præstare debemus, quales nostris chartis Lectores volumus, nempe candidos, ingenuos, extra odium, ac liuorem positos, quique ea, quæ æquiuoca fortè excidere, congruis interpretamentis exponunt. Cæterum quantum sanctissimus ille Ecclesiæ Doctor delectationes hæcæ furtim in animum irrepentes timuerit, atque exhorruerit, ex his precibus, quas in fine præclari illius operis de Trinitate ad Deum profudit, satis abundè intelligitur: *Multe sunt, ait, cogitationes meæ tales, quales nosti, cogitationes hominum, quoniam vane sunt. Dona mihi non eis consentire, & si quando me delectant, eas nihilominus improbare, nec in eis velut dormitando immorari. Nec in tantum valeant apud me, vt aliquid in opera mea procedat ex illis, sed ab eis mea saltem sit tuta sententia, tuta conscientia, te tuente.* Quid est in delectationibus velut dormitando immorari? nisi ex non plena aduertentia immorari, sicuti qui dormitat, non plenè aduertit ea, quæ fiunt.

S. VII.

An S. Augustinus putauerit baptismum datum sine intentione esse validum.

Sed alio rursus errore Augustinum inuoluit aduersarius: Item dubitauit, inquit, num baptismus sine intentione datus per iocum, & irrisoriè validus sit lib. 7. de baptismo cap. 53. censetque expectandam esse reuelationem, antequam talis rebaptizetur. Ita Morainius ibidem. Non vna, sanè fateor, est Theologorum sententia in explicando Augustino, ne videatur à baptismo necessitatem intentionis remouisse, quam tamen necessariè requiri & Flórentina, & Tridentina Synodus decreuere. Magister sententiarum 4. dist. 6. dubium fuisse Augustinum concedit. At S. Thomas ibidem in fine distinctionis exponens textum docet, dupliciter posse quempiam irrisoriè baptizare. Vel propter solam oblectationem, quam ex illa exteriori actione capit, non habens interim intentionem faciendi, quod facit Ecclesia, neque conferendi rem sacramenti, nempe gratiam, & hoc modo tradit nullum esse baptismum. Vel potest quis ludicrè alterum baptizare, vt intendat quidem facere, quod facit Ecclesia, sed non conferre rem sacramenti, quod ipse falsum, nullumque arbitratur, & in hoc posteriori sensu ait esse validum baptismum, quare cum nesciamus, quo ex his duobus intentionis modis ludicrè baptizans alterum abluerit, expectanda est, inquit S. Thomas, diuina reuelatio, vt docet Augustinus. P. Macedo lib. 4. de clauibus cap. 9. partis primæ hanc explicationem subscribit, laudans Augustini prudentiam, qui ad eam occultam cogitationem per ludum baptizantis detegendam, Dei vnus testimonium, qui cordium scrutator est, necessarium pronunciauerit. Addit ibidem Recentiores gerere se insolenter, qui

Augu-

Augustinum ob id reprehendunt, vti est Antoninus Moraines in suo Anti-ian-
senio iniquissimus, ait, *Augustino author, sed non miror, quod cum in eo libro fictus sit*
author, cum persona decorem deposuit; Bellarminum imitari debuit multo se doctiorem, &
meliozem, qui Augustinum intellexit, & vindicauit. Sed sanè Moraines, qui de
necessitate intentionis ministri Augustinum dubitasse dicit, Bellarminum imi-
tatur, qui lib. 1. cap. 28. in sol. 3. arg. Kemnitij scribit Augustinum de inten-
tionis necessitate dubitasse, addens: *Nunc autem res definita est in duobus generali-*
bus Concilijs Florentino, & Tridentino.

Hæc tamen explicatio mihi probari nullo modo potest. Nam in dubio re-
peti debet baptizatus, vt communis Doctorum sententia tradit ex Concilio
Carthaginensi post cons. Fl. Stilichonis A. 401. vbi in dubio, an puer barba-
rus venundatus sit baptizatus, decernitur esse illum baptizandum; expedit
enim exponere potius sacramentum periculo nullitatis, quàm hominem pericu-
lo damnationis, neque dicunt Patres in eo dubio implorandam diuinam re-
uelationem. Porro illud decretum notum fuit Augustino, quo præsentè repe-
titum est cum cæteris canonibus Synodorum Africanarum sub Aurelio Car-
thaginensi habitatum in plenario Concilio Africano anno 419. Igitur non ap-
parente voluntate per ludum baptizantis, iterum est baptizatus repetendus.
Ita si quis Iudæus apud suos in scena nostra sacra irridentes esset baptizatus,
ad fidem verò vellet accedere, Ecclesia illum baptizaret, nec reuelationem
expectaret, quæ Iudæi olim in scena baptizantis intentio innotesceret. Quan-
do autem Augustinus eo cap. 53. ait: *utrum approbandus esset baptizatus, qui sic*
daretur, diuinum iudicium per alicuius reuelationis oraculum &c. implorandum esse
conferem, non intelligit in dubio facti, sed in dubio iuris, nam talis persona sic
baptizata esset iterum baptizanda. At de sufficientia, & valore talis modi
baptizandi, vt inter dogmata Ecclesiæ certa definitio reponeretur, expectan-
dam dixit reuelationem, non quidem quæ alicui personæ priuatæ fieret per
novum miraculum, sed quæ fieret Patribus Synodi per solitas illustrationes
Spiritus Sancti; vnde statim addit: *Ita sanè, vt post me dicturos sententias, ne*
quid iam exploratum, & cognitum afferrent; humiliter expectarem.

Inter cæteros Recentiores, qui de intelligentia huius cap. 53. Augustinia-
ni agunt, primas ferunt Vasquez 3. p. disput. 138. cap. 4. & Lugo Cardinalis
disp. 8. de sac. in genere sectione 3. Ego sic iudico rem ab initio repetendo.
Occasione quæstionis, quam Donatistæ de rebaptizandis ijs, qui ab hæreti-
cis baptizati erant, Catholicis faciebant; nonnulla dubia de baptismo inter
ipsoſ Catholicos suboriri fuerant, quæ S. Augustinus in finem septimi, & vlti-
mi libri de baptismo reiecit, ea verò ibi recitat non quidem soluturus, sed
posteris potius soluenda proponens. Itaque sic caput illud 53. exorditur: *So-*
let etiam queri, utrum approbandum sit baptisma, quod ab eo, qui non accepit, ac-
cipitur &c. Tres verò ibi quæstiones præcipuè proponit. Prima est an fal-
lacier, & simulatè tradens baptismum verè baptizet, fallens, inquam, in Ec-
clesia, vel quæ putatur Ecclesia. Altera quæstio est: An fallaciter, & cum
simulatione suscipiens in Ecclesia baptismum verè, & validè baptizetur. Po-
strema quæstio est, an tum præbens, tum recipiens baptismum extra Eccle-
siam mimicè, & ludicrè ablutionem peragentes, verè conficiant sacramen-
tum baptismi. In his dubijs non audet Augustinus quicquam definire, sed

Q

ait:

ait: *Nobis tutum est in ea non progredi aliqua temeritate sententia, quæ nullo in Catholico regionali Concilio capta, nullo plenario Concilio terminata sunt.* Postea insinuat, si in ea Synodo sederet, in qua illa dubia soluenda essent, malle se aliorum sententias, sequi; & si eo animo tunc esset, quo erat, cū illa dictabat, ita respondurum: Ad primam quæstionem quidem: *Habere eos baptismum, qui rubicumque, & à quibuscunque illud verbis Evangelicis consecratum sine sua simulatione, & cum aliqua fide acceperunt.* Ad alteram quæstionem respondet: *Præteritis maiorum statutis non dubito etiam illos habere baptismum, qui quamvis fallaciter id accipiant, in Ecclesia tamen accipiunt, vel ubi putatur esse Ecclesia ab eis, in quorum societate id accipitur.* Itaque ex Augustini sententia sufficit ad valorem baptismi, quod in alterutro tantum sit vera fides, licet in vno possit esse fallacia, & simulatio. Porro non est certum, an de intentione necessaria ad baptismum loquatur. Nam Vasquez putat, per *ly simulatus animus, fallacia, simulatio*, excludi veram intentionem aut dantis, aut accipientis baptismum. Quare cum dicit Augustinus, qui *fallaciter* accipiunt baptismum, idem sonat, ac *absque intentione*. Et concludit putasse Augustinum, intentionem non esse necessariam in dante, & suscipiente baptismum, sed satis esse, quod sit in alterutro, quæ sententia modò ob decreta Conciliorum tutam non est. Sed hæc explicatio difficultatem patitur, quod Augustinus apertè scribit: *Præteritis maiorum statutis non dubito etiam illos habere baptismum, qui quamvis fallaciter id accipiant, in Ecclesia tamen accipiunt.* Si igitur fallaciter accipere baptismum, est sine intentione recipere baptismum, Maiorum statutis decretum erat, recipientem sine intentione esse verè baptizatum, hoc enim testatur Augustinus, qui ob decessorum statuta recipientem baptismum cum ea fallacia, ac simulatione non dubitat esse validè baptizatum. Et superiùs loquens de dante, & accipiente cum fallacia ait: *An plus valent ad confirmandum sacramentum illi veraces, inter quos agitur, quam ad frustrandum illi fallaces, à quibus agitur, & in quibus agitur, & tamen si postea prodatur, NEMO REPETIT, sed aut excommunicando puniunt illa simulatio, aut puniendo sanatur.* Per *ly fallaces, à quibus agitur*, intelliguntur dantes baptismum, & per *ly in quibus agitur*, accipientes baptismum. Quod si fallacia, & simulatio significant carentiam intentionis, quis non videat communem olim in antiqua Ecclesia sententiam damnatam fuisse à Tridentina Synodo, nempe non requiri intentionem ad valorem Sacramenti? Augustinus enim Maiorum statuta appellat, quibus decretum erat fallaciter, hoc est sine intentione, vt explicat Vasquez, accipientem habere verum baptismum. Item testatur tales cum ea fallacia baptizatos, si prodatur ea simulatio, excommunicari, non verò rebaptizari, quod significat illis verbis, *nemo repetit*, scilicet baptismum, cuius oppositum modò docet Ecclesia, quæ cum definiat, baptismum collatum sine intentione, esse nullum, illum repeti iubet. Itaque explicatio, quæ Augustini dicta Vasquez interpretatur, stare nullo modo potest, nisi dicamus vel antiquos Patres errasse, & non rebaptizantes eos, qui cum simulatione baptismum peregerissent, eorundem damnationis causam fuisse. Vel certè Tridentinos, ac Florentinos Patres contra vetustioris Ecclesiæ sententiam statuisse, intentionem esse necessariam ad valorem Sacramenti; quod vtrumque falsum, & absurdum est. Fictus ille Moraines in disputationibus Theologicis, quas sub vero nomine nempe Ioannis Martinoni edidit 3. par. disp. 22.

sect. 3. num. 33. non sibi coherentem doctrinam Augustini arguens ait: *Cum que D. Augustinus eodem loco rectè consuerit, eum non recipere baptismum, qui fide, & sine intentione recipiendi accedit, par fuit ratio, ut non dubitaret, eum quoque non verè baptizare, qui non serio, ac sine intentione baptizat.* At S. Doctor oppositum prorsus scripsit, nam plana sunt eius verba superius recitata: *Non dubito etiam illos habere baptismum, qui quamvis fallaciter* (hoc est sine intentione, ut cum Valsquo interpretatur Martinonus) *id accipiant, in Ecclesia tamen accipiunt.* Nul- lius autem minùs coherentis sententiæ Augustinus auctor fuit, ut opinatur Martinonus, sed validum esse baptismum dixit, & in fallaciter accipiente, & à fallaciter dante.

Explicandum igitur est, quid nomine fallaciæ, & simulationis Augustinus intelligat, cum dici nequeat, significasse carentiam intentionis modò ex Tridentino ad valorem baptismi necessariæ. Itaque fallacia, & simulatio in duplici sensu accipi possunt, vel quatenus excludunt intentionem faciendi, quod facit Ecclesia in conficiendo sacramento, vel quatenus excludunt fidem, seu credulitatem, vel existimationem de re, & effectû Sacramenti, qui est sanctificatio animæ per gratiæ infusionem, quæ duo sunt valdè diuersa. Nam si quis Gentilis velit baptizari ob lucrum, quod inde sperat à Principe Christiano, fallaci animo, ac simulato accipit baptismum, fallacia tamen, & simulatione non excludente intentionem necessariam ad valorem Sacramenti, per quam intendit facere, quod facit Ecclesia, sed excludente rem, & effectum Sacramenti, nempe gratiam sanctificantem. Quare cum ex dictis contra Valsquium intelligi non possit Augustinus de fallacia, & simulatione excludente intentionem faciendi, quod facit Ecclesia, quam Synodi posteriores statuerunt, necessariam esse ad valorem sacramenti, de fallacia, & simulatione excludente intentionem, seu credulitatem, & existimationem de re, & effectû Sacramenti accipiendus est. Hinc Augustinus ad valorem sacramenti requirit, ut qui illud fallaciter accipiunt, in Ecclesia tamen accipiant &c. Et ante ait: *Utrum fallens sicut in Ecclesia, vel in ea, quæ putatur Ecclesia.* Qui enim in Ecclesia petit baptismum, vult sanè exterius in se fieri, quod facit Ecclesia, licet de effectû gratiæ nihil credat. Idem Augustinus lib. 1. de baptis. cap. 12. cum dixisset sumoni Mago in baptismo dimissa fuisse peccata, quærit: *Quid si ad ipsum baptismum fictus accessit hoc est non habens fidem, vel intentionem de effectû baptismi, sed animo simulato, atque fallaci.* Addit: *Quæro, si postea fictionem suam corde conculso, & vero dolore fateretur, denuò baptizandus iudicaretur? Qui si est demensissimum dicere &c.* Ex quibus patet per fictionem illam excludi intentionem de re, & effectû baptismi, non verò intentionem faciendi, quod facit Ecclesia; si enim hoc secundo modo intelligenda esset, quomodò esset demensissimum dicere, illum esse denuò baptizandum, cum ex Tridentino illud Ecclesia, modò doceat? Præterea ibi opponit fallentem in Ecclesia iocanti in mimo in- suscipiendo baptismum. Quærit enim an teneat baptismus peractus cum simulatione, *utrum fallentis sicut in Ecclesia, vel in ea, quæ putatur Ecclesia, an iocantis, sicut in mimo.* At fallens in Ecclesia, & iocans in mimo in hoc conueniunt, quòd uterque non habet fidem de effectû baptismi, quia neuter habet intentionem de sanctificatione animæ. At differunt in hoc, quòd fallens in Ecclesia serio intendit verè facere, quod spectat externam actionem, quod

facit Ecclesia, vt & ipse censeatur esse Christianus. At iocans in mimo vult tantum repræsentare per ludum, quod facit Ecclesia, quod non est velle seriò facere, quod facit Ecclesia, sed per ludum velle irridere, quod facit Ecclesia.

Verùm quid ad tertiam illam difficultatem respondit Augustinus? *Vbi autem neq; societas nulla esset ita credentium, neq; ille qui ibi acciperet, ita crederet, sed totum ludicrè, & mimicè, & ioculariter ageretur, vtrum approbandus esset baptismus, qui sic daretur?* Respondet rem satis dubiam esse, & vt certa definitio in Synodo statueretur, diuinum auxilium à Patribus implorandum. Et quidem S. Patrem de aliquo dubitasse, quod modò extra dubium ponitur, necessariò dicendum est. Quando enim ait mimicè, & ludicrè collatum baptismum: vel mimicè, & ludicrè ira intelligebat, vt procul inde esset non solùm intentio de effectu sacramenti, verùm etiam intentio faciendi, quod facit Ecclesia; vel ita, vt hæc secunda intentio minimè excluderetur. Si de hoc secundo dubitauit, iam modò constat, satis esse hanc intentionem faciendi, quod facit Ecclesia, ad valorem baptismi. Si de primo dubius fuit: Item certum modò est inter Catholicos, baptismum exclusa qualibet intentione non esse validum. Profectò ex verbis Augustini patet omnem, & quamcumq; tunc intentionem excludi, ait enim, *sed totum ludicrè, & mimicè, & ioculariter ageretur*. Siquidem si adesset intentio seriò faciendi, quod facit Ecclesia, iam non totum, hoc est omni ex parte ioculariter, & ludicrè ageretur. Quis autem hanc dubitationem Augustino virio vertat, nisi Moraines parùm æquus Augustino scriptor, qui eas S. Doctori sententias affricat, quarum oppositas sine dubio idem se tenere pronunciat. Iure autem Augustinus iudicium suspendit ea præsertim tempestate, qua ob rebaptizationem Donatistarum, quæcunq; iteratio baptismi per ludum dati asserta fuisset, fideles minùs rerum periti, ac simplices longa via ab schismaticis rebaptizantibus in errorem trahi poterant, cui periculo prudenter Augustinus cauit. Quod verò in votis habuit, vt in plenaria Synodo res definiretur, iam definita est in Concilio Florentino in decreto fidei post vltimam sessionem, & in Tridentino sess. 7. can. 11. dum intentio ministri decernitur requiri ad valorem Sacramentorum. Ita Augustinus caput illud 53. concluserat: *Quanto magis ergo nunc sine præiudicio diligentioris inquisitionis, vel maioris autoritatis illud dixisse accipiendus sum*. Quare sua illa suspensione sententiæ nullum præiudicium inferre voluit *diligentiori inquisitioni*, quæ de intentionis necessitate in vtroq; Oecumenico Concilio summa diligentia à sapientissimis Patribus adhibita est, aut *maiori autoritati* vtriusq; Synodi necessitatem intentionis citra dubium ad valorem sacramenti definientis. Neq; hic sibi plaudant Heterodoxi, quorum Princeps est Kemnitius, suum esse Augustinum mentientes, dum necessitatem intentionem inficiantur. Nam planè contra ipsos est. Ille enim dubitauit, num sine intentione esset validus baptismus, at illi validum esse audacter, & citra vllam dubitationem pronunciant. Augustinus dixit, nolle se in ea *progrederi aliqua temeritate sententiæ, quæ nulla in Catholico regionali Concilio cepta, nullo plenario Concilio terminata sunt*. At cum in vno, & altero Concilio veritas illa Augustini tempore occulta, postea inclaruerit, nihilo eos Augustini dubitatio inuat, sed vbi ille aiebat, *dicēvos sententiæ, me quid iam exploratum, & cognitum afferrent, humiliter expectarem*, deberent ipsi Augustini verba inaudientes à duplici Synodo pronunciatam sententiam sequi.

Mirentur verò Recentiores Augustini ingenium, qui ideo dubitavit de necessitate intentionis, quia illam aliquo argumento suaderi videbat, at quia nullius Concilij autoritate decreta erat, eiusdem modestiam laudent, qui de incertis certam ferre sententiam recusavit. Ita ex illa dubitatione, ex qua Morainus Augustinum arguit, idem nobis quàm maximè commendandus venit.

S. V I I I.

Utrum Augustinus dixerit tellurem non esse rotundam, nullosque dari Antipodas.

HActenus errores, quos Augustino obiecit Morainus, à S. Patris libris propulsauius. Adamus nobis modò refellendus est, qui vti ceteris Recentioribus eruditione inferior est, ita vniuersos in censura aduersus Augustinum ferenda facillè superauit. Hic quosdam errores de Augustino publicat, quos Moraines etiam opposuit, à quibus procul fuisse S. Doctorem ostendimus, addit verò dixisse insuper Augustinum: *Terram non esse rotundam, nullosque dari Antipodas*. Pag. 185. cap. 3. Eadem fronte, qua finxit, Augustinum negasse animam esse spiritualem, hic eundem S. Doctorem terræ rotunditatem ignorasse comminiscitur. Sed illi, qui absq; vllius textus appellatione de Augustino, vt libet, vt lubet, quælibet affirmare sibi licitum putauit, satis facillè fuit talia portenta Hipponensi Præsuli adscribere. Sanè Augustinus lib. 1. de Gen. ad lit. cap. 12. terram rotundam fatetur: *Cum enim*, inquit, *totam terram adhuc aqua tegeret, nihil impediebas, vt aquosa; & GLOBOSA* mules ex vna parte faceret diem lucis presentia, ex alia noctem lucis absentia. Et lib. 16. de ciuit. Dei cap. 9. vbi de Antipodis disserit: *Nec attendunt*, inquit, *etiamsi figurâ conglobata, & rotunda mundus esse credatur, sine aliqua ratione monstratur, non tamen esse consequens, vt etiam ab illa parte ex aquarum congerie nuda sit terra*. Nullus igitur in Augustino legitur de telluris rotunditate error, sed ea sunt inania Adami obiecta.

Verùm negasse Augustinum Antipodas, non lbo inficias, sed vulgarem hominum sententiam secutus est. Testatur Plinius magnam litem de Antipodis fuisse inter literarum professores, & vulgus. At Augustinus haud vulgari argumento in eam opinionem ductus est, nempe quòd periculum esset, ne quî nobis aduersa vestigia premunt, in cælum ruerent; sed tum ex sacra, tum ex profana historia rationes considerauit, quæ sapientissimos quosq; in eam sententiam traxere. Liger ille Argonauta noui Orbis inuentor non ab vno Principe circulator habitus est, cum se ad Antipodas classem ducturum polliceretur, nec vt arbitror, Arragoniæ Rex integram magno promissori fidem præstitit, sed quæ est hominum insatiata cupido, pauca nauigia in spem Orbis naufragijs obiectari, in lucri loco reposuit. Macrobius lib. 2. de Somniæ Scipionis cap. 9. sola coniectura Antipodas credi dixit in opposita Orbis parte, quòd propter similem temperiem similiter incolitur, sed à quibus non licuit vnumquam nobis, nec lrebris agnoscere. Et quidem Aristoteles, Plinius, Ptolomæus, ceterique Historici, Cosmographi, ac Philosophi veteres, quibus Scholastici Parisienses ad stipulat sunt, tellurem non vbiq; habitabilem posuere, sed tantum sub

Zonis temperatis, cum tamen etiam sub torrida, ac vtraq; frigida terram incoli certum sit. Quid quod Zacharias Papa epistola 10. ad Bonifacium scripta anno 748. *peruersam, & iniquam doctrinam* vocat asserentem quòd *alius mundus, & alij homines sub terra sint*. Et ille quidem vulgarem sententiam secutus est. Nos quidem ex nostrorum navigationibus ista didicimus. At vti Sapientibus illis maioribus nostris, quibus literas omnes acceptas ferimus, vitio non datur, quòd tellurem ex maiori parte inhabitabilem scripserint, neq; reprehendendus venit Augustinus, si eandem terram ex opposita parte habitari negauerit. Difficile illi videbatur, potuisse homines ab vno Adam propagatos in oppositam terræ partem Oceani immensitate traiecta, semel nauigasse, iterumq; post diluvium illuc aduectos fuisse, nullamq; huius rei adeo niemorabilis mentionem, vel in sacris, vel in profanis literis fieri. Profecitò hucusque nescitur, quomodò ex Europa illuc bis homines peruenerint. Itaque cum ponentes Antipodas coniectura tantum, quæ leuem prorsus, ac debilem certitudinem parit, ad id dicendum mouerentur, & Augustinus Antipodas negauerit omnium historicorum fide, ac antiquissima Patrum traditione suffultus, potiori iure ille Antipodas sustulit, quàm alij adstruxere. Verùm non adeo opinio negans Antipodas Augustino inhæsit, quin aliquando admiserit, libro enim de decem categorijs cap. 10. ait: *Terra, quæ videtur in medio ubique subitus est, & Antipodes nostri, qui nobis dicuntur figere aduersa vestigia, cælum super se habent*. Pater Macedo vir in Augustini lectione versatissimus in volumine, quod Concentum Euchologieum inscripsit, in commentarijs ad Orationem in festo S. Marci videtur velle insinuate, Americam Augustino innotuisse, dum non vno loco quatuor esse partes terræ affirmat, mirari libet, inquit, *Augustinum quatuor Orbis partes tam perspicuè nominare, quasi sua iam etate America detecta esset*. S. Doctor lib. 16. de ciuit. cap. 9. opinionem Antipodas affirmantem veluti absurdum reiecit: *Nimisque, inquit, absurdum est, ut dicatur aliquos homines ex hac in illam partem Oceani immensitate traiecta nauigare, ac peruenire potuisse, ut etiam illic ex primo illo homine genus instituere humanum*. Quatuor partes dixit, Augustinus nempe Orientem, Occidentem, Meridiem, & Aquilonem. Ita tract. 118. in Ioannem. Propter quod alibi dicit, *missurum se Angelos suos, ut colligant Electos eius à quatuor ventis, quod quid est nisi à quatuor partibus mundi, Oriente, Occidente, Aquilone, & Meridie*. At hæ partes in veteri Orbe probè censcebantur esse, etiam si America ignoraretur.

S. I X.

An sententia S. Augustini de simultanea rerum creatione sit erronea.

Hic etiam Recentiorum querelæ, imò censuræ, quibus insignem S. Doctoris interpretationem in cap. 1. Geneseos excipiunt, resellendæ sunt. Magnum illud ingeniorum monstrum, si vsquam aliàs in explicando Hexameron admirabilem subtilitatem præ se tulit, sed quantum inde laudis apud veteres sibi comparauit, tantum reprehensionis apud Recentiores sibi contraxit, aut plus etiam fortasse. Augustinus, quòd videbat sex priores dies, quæ

Moyſes Mundum à Deo creatum ſcribit, ſi literaliter accipiantur, grauiffimis difficultatibus ſubijci, quas ipſemet in libris de Genefi ad literam proponit, ſubtilem prorfus, ac ſe dignam ſententiam excogitauit, nempe dies illos intelligendos eſſe myſticè iuxta cognitionem Angelicam de rebus in Deo, & in proprio genere, & iuxta ordinem rerum ſimul à Deo creatarum dierum etiam ordinem in Angelorum mente diſignauit. Hanc S. Patris explicationem de ſimultanea rerum creatione myſticè in ſex illos dies ſic diuiſam paucis refert S. Thomas 1. p. q. 74. art. 2. At, quæ fuit Auguſtini modeltia, hoc à ſe excogitatum interpretamentum ita docuit, vt meliori explicationi nullum ſe præiudiciū aſſerre velle proteſtatus ſit: *Quisquis ergo, inquit, non eam, quam pro noſtro modulo vel indagare, vel putare potuimus, ſed aliam requirit in illorum dierum enumeratione ſententiam, quæ non in prophetia figuratè, ſed in hac creaturarum conditione, propriè, meliusque poſſit intelligi, querat, & diuinitus adiutus inueniat. Fieri enim poteſt, vt etiam ego aliam hiſ diuina Scriptura verbis congruentiorem ſenſus inueniam; neque enim ita hanc conſirmit, vt aliam, quæ præponenda ſit, inueniri non poſſet, contendam.* Hiſ ſe munitum voluit aduerſus maleuolorum Lectorum cenſuras lib. 4. de Gen. ad lit. cap. 28. Hæc ſola Auguſtini verba ſolidæ apologiæ loco habenda eſſent, nec quicquam rurfus addendum foret pro eiufdem interpretationis defenſione. Cæterum ex noſtris ſcriptoribus Magiſter Emanuel Cerdà Luſitanus publicus in Academia Conimbricenſi Theologiæ profeſſor in ſuis quodlibetis Theologicis acerrimè contra Recentiorum impetum Magni Parentis ſententiam propugnat, eorumque & in cenſurando audaciam, & in impugnando debilitatem oſtendit, idem quoque præſtitit Carolus Moreau noller Bituricenſis in vindicijs pacificis. Ego Recentiorum acceſſiones cum veterum Theologorum, & quidem Principum iudicijs conferre volo, nam, qui exactam Auguſtinianæ ſententiæ defenſionem deſiderat, Cerdæſem legat.

Igitur Ludouicus Molina, in tract. de opere ſex dierum diſp. 1. ita de Auguſtini explicatione iudicat: *Exponere in eo ſenſu Scripturas, eſt ſanè earum authoritatem enervare, & ludibrio fortè eam coram infidelibus exponere. At non ita abiectè de Auguſtini interpretatione ſenſit Magnus Theologiæ, imò Eccleſiæ Doct̃or S. Thomas in 2. ſent. diſt. 12. quæſt. 1. art. 2. Harum igitur, inquit, expoſitionum prima Auguſtini eſt ſubtilior, magis ab irriſione infidelium Scripturas defendens.* Alterum eiufdem Angelici Præceptoris textum mox laudabò, in quo contraria, prorfus ſcribit ijs, quæ de Auguſtino Recentior ille affirmauit. Cornelius à Lapide cenſoris perſonam contra Auguſtinum induens ait: *Contrarium docent omnes alij Patres, idque omnino vincit ſimplex, & hiſtorialis narratio Moyſis; quare erroneum iam eſt dicere omnia r̃no die eſſe creata.* Verùm Auguſtino conſentit Albertus, qui ob multiplicem, ac mirabilem literaturam Magni cognomento inſignitus fuit, hiſ planè verbis: *Sine præiudicio ſententia melioris videtur Auguſtino conſentiendum.* 1. p. ſummæ q. 12. de quatuor coæuis. Addit S. Thomas proximè laudatus: *Hæc opinio Auguſtini PLUS MIHI PLACET.* Ita-ne, Corneli, ſententia illa, quam Albertus Magnus, ac S. Thomas Scholaſticorum lumina, ac columina probant, & ſequuntur, hac ætate erronea euasit? Quænam illam Synodi? Qui Romani Præſules? Quæ Doct̃orum Academiæ proſcribere? An quia tibi, tuiſquè diſplicet, erronea cenſenda eſt? At ſcito Recentio-

recentioribus Augustinianis Doctoribus probari Cerdensi, Moreau, atque Ludouico ab Angelis Doctori Conimbricensi lib. 5. de vita S. Aug. cap. 9. ubi alios Patres, qui Augustino ea in re consensere, producit, atque in Molinam ob Patrem reprehensum inuehitur. Tertius Augustini accusator Arriaga clamat: *Explicatio hac censetur ab omnibus improbabilis, nec ego dubito, quin si Augustinum non haberet Patronum, manifestè damnata fuisset, & hæretica.* Tom. 2. in 1. p. disp. 28. num. 40. At Recentioris huius voces comprimunt duo Parisiensis scholæ Theologi præcipui S. Bonaventura, & Egidius Romanus. Ille quidem in 2. dist. 13. art. 1. q. 1. scribit: *Quamvis autem hæc positio probabilis esset, & rationabilis, Catholici tamen tractatores, qui Augustinum secuti sunt, viam aliam approbauerunt magis.* Ille verò 1. p. Hexam. cap. 28. *Non autem, inquit, ista dicimus, ut improbemus opinionem Augustini, quæ est valde subtilis, & solemnitas.* Sed quid tandem dicat ille Augustini censor Moraines audiamus. Ille quidem recitans catalogum errorum S. Patris, hunc primo loco posuit: *Sensit ille mundum in instanti creatum fuisse &c: quod non convenit cum scriptis à Moysæ cap. 1. Genesæ, ut ostendunt accuratioris Theologi, speciatimque Suarez, Molina, & MARTINON* (ita semet inter accuratiores Theologos recenset) *communiterque rejicitur à Doctoribus Catholicis.* Disp. 12. Anti-Ianf. num. 32. Sed non ita iudicavit Dionysius Carthusianus, dum in cap. 1. Gen. art. 5. scripsit: *Augustinus excogitavit quandam expositionem subtilem, per quam defendit scripturam ab irrisione huiusmodi, & tamen salvavit scripturam, & fidei veritatem.* Et ante ipsum S. Thomas recitata Augustini, & altera aliorum Patrum explicacione inquit: *Verumque sensum circumstantia literæ patitur.* In 2. sent. cit. Næ S. Thomas, Albertus Magnus, S. Bonaventura, & Egidius Romanus inter accuratiores Theologos minimè recensendi sunt. Erunt ne illi de vltima Theologorum plebe, Senatores verò Suarez, Molina, & Martinon? Imò omnium nobilissimi illi sunt, quibus & Suarez, & Molina assurgant, Martinon verò nec eadem cum illis die nominetur.

Illud quidem Principum Theologicæ Scholæ iudicium de S. Augustini interpretatione fuit, cui sanè alij ante Augustinum viam aperuerant. Philo Hebræorum Plato communem sententiam de opere sex dierum non modò rejecit, verùm etiam irrisit lib. 1. allegor. inquit: *Rusticana simplicitatis esse, putare sex diebus, aut utique certo tempore mundum esse creatum.* Ex Græcis Clemens Alexandrinus lib. 6. Strommatum eandem explicationem secutus est, quam apud Latinos noster Augustinus quàm maximè illustravit. Illam etiam tanti fecere vniuersi Scholastici Doctores, ut magno studio adlaborarint in explicanda sententia Augustini de cognitione illa matutina, & vespertina rerum, nempe in diuina natura, & in se ipsis. Ita de vero Augustini sensu inter se non leuiter litigant Doctores Scholarum Principes Albertus Magnus 1. p. sum. q. 12. art. 6. & 7. S. Thomas 1. p. q. 58. art. 6. & 7. Bonaventura 2. dist. 4. art. 3. q. 1. Scotus 2. dist. 3. quæst. 9. Egidius 1. p. Hexamer. cap. 29. & cæteri communiter, quos non sine laude in eadem Augustini mente indaganda imitari sunt Iesuiticæ scholæ Duces Suarez lib. 1. de opere sex dierum cap. 10. Vasquez 1. p. disp. 51. cap. 2. Mitto hiç quæ ex Cassiodoro, Isidoro, Iunilio, alijsque in commendationem Augustinianæ explicationis adducunt Lusitani nostri Doctores Cerda, & Ludouicus ab Angelis. P. Macedo in altero Theo-

logico tomo Collationum de Angelis, qui iam prælo paratus est, doctissimè S. ^{Collat. 4.} Patris interpretationem defendit, ubi plures Recentiores laudat, qui Augu- ^{Diss. 2.} stini sententiam amplexati sunt. Interim legendus omnino est idem Augustinus lib. 12. Confess. ubi à cap. 14. vsque ad 32. quo liber ille clauditur, iusta sibi apologiam parauit, qua suas in Moysen interpretationes fugillantes solidè confutauit.

S. X.

S. Augustinus non errauit asserendo, peccatum originale esse causam reprobationis.

A Desudum Lector, nam immanem prorsus Augustino errorem obijcit Adamus, dum cap. 3. pag. 584. & cap. 6. pag. 614. scribit Augustinum sensisse, *solum peccatum originis esse causam reprobationis damnatorum*. Postea cap. 10. pag. 667. hanc eandem Augustini sententiam sequenti censura perstringit: *Sed si iste Doctor, nempe Augustinus, adderet peccatum originale esse solam causam reprobationis, & esse id, quo ad saluatos à damnatis separandos mouetur Deus, non solum pro huius opinionis defensione mortem oppetere nolo, sed credo mihi licere illam horrere, quia mater est illius, quam Caluinus tanta impietate, ac rabie urget contra Ecclesiam*. Quis autè sit iste error Augustinianæ sententiæ filius subticuit, fat enim illi fuit S. Doctoris assertum Calvinismi agnatione obiecta, non suspectum modò, sed & exosum reddere. Porro quicumque iste error fingatur ex illa sententia S. Doctoris illatus à Caluino, interrogatum velim Adamum, num ex thesi S. Augustini de reprobatione ex originali solo peccato orta Calviniana illa opinio deducatur verè, an apparenter tantum? Si primum dicat, tunc faciet Augustinum ex Ecclesiæ Doctore Calviniani erroris Magistrum, quod impium est cogitare. Si verò alterum affirmet, videbit S. Augustini sententiam non modò reapse non esse Calvinianæ hæreseos, vt perperam putat, matrem, sed neque affinem, & optimè cum Calviniani erroris confutatione posse componi. Vnde igitur, Adame, tale monstrum finxisti? an quòd ita Calvinistæ arbitrantur? Sed si horum præiudicia sequeris, iam poteras vniuersam Augustini doctrinam imò & sacros codices compendio horrere, nam Calvinistæ quotquot hæresum portenta nutriunt, ne veterum patrociniò nudati videantur, sub sacræ Scripturæ, atque Augustinianæ togæ quibusdam veluti lacinijis eadem obuoluerunt, tota arte conantur.

O' vtinam hocce Caluini effatum ex Augustini sententia deductum protulisses, nulla nobis eiusdem refellendi difficultas esset, qui tenebras non inuehi, sed fugari Solis præsentia nouimus. Sed cum nullum tale dogma appellaueris, eo silentio non obscure significasti, non esse illud quidem Augustinianæ sententiæ filium, sed è tuo cerebro natum figmentum, si tamen vigilans illa scripsisti. Sed age videamus, quàm longè S. Augustini sententia de reprobatione ex solo peccato originali orta, distet ab errore Caluini. Certa S. Augustino sententia stetit, reprobationem supponere necessariò peccatum saltem originale. Quare versans illa Pauli ad Rom. 7. *Cum nondum nati fuissent, aut aliquid boni egissent, aut mali &c. Jacob dilexi, Esau autem odio habui*, in quibus

verbis reprobatio Esau designatur, eandem peccatum originis supponere docuit. In Epistola 105. ait: *Quid oderat in Esau antequam fecisset aliquid mali, nisi originale peccatum?* Et lib. 1. ad Simplic. q. 2. scribit: *Non igitur odit Deus Esau hominem, sed Esau peccatorem.* Quod quidem peccatum non esse factum à Deo, qui bonorum tantum est auctor, ibidem probat concludens: *Odit enim in eis impietatem, quam ipse non facit.* Quare nullo pacto Deum futurum iustum asseuerat, si homines reprobareret nullo in ipsis existente peccato: *Ut autem odisset Esau, nisi iniustitie merito, iniustum est.* Ibid. Et epist. 106. ad Paulinum: *Hæc massa si esset ita media, et quemadmodum nihil boni, ita nec mali aliquid mereretur, non frustra videretur iniquitas, et ex ea vasa fierent in contumeliam.* Idem habet epist. 157. ad Optatum: *Merito autem videretur iniustum, quod sunt vasa ira et perditionem, si non esset ipsa universa ex Adam massa damnata.* Quod ergo sunt inde nascendo vasa ire, pertinet ad debitam penam. Hinc contra Pelagianos urget, Deum futurum iniustum, si pueros morientes sine peccato originis, licet non forent baptizati, damnaveret, dicens: *Bonus est Deus, iustus est Deus, potest aliquos sine bonis meritis liberare, quia bonus est, non potest quemquam sine meritis damnare, quia iustus est.* Lib. 3. con. Iul. cap. 18. Plurima ad hoc ipsum probandum S. Patris testimonia passim obvia sunt. Ergo hæc fixa, constansque Augustino sententia fuit, neminem à Deo ante prævisionem peccati saltem originalis reprobari. At Calvinus in contrariam prorsus partem iuit dicens, Deum suo decreto homines non solum reprobare ante prævisum eorum peccatum, verumetiam ex diuina reprobatione hominum peccata fieri. Ad usque tradit lib. 3. instit. cap. 22. & 23. Dabo nonnulla testimonia. Scribit cap. 23. S. 4. *Eateor sanè in hæc, quæ nunc alligati sunt, conditionis miseriam Dei voluntate decidisse universos filios Ade, atque id est, quod principio dicebam, redeundum tandem semper esse ad solum diuinæ voluntatis arbitrium.* Et S. 7. *Disertis verbis hoc extare negant, decretum fuisse à Deo, ut sua defectione periret Adam.* Et postea: *Decretum quidem horrificum fuisse, inficiari tamen nemo poterit, quin præscierit Deus, quem exitum esset habiturus homo, antequam ipsum conderet, & idcirco præscierit, quia decreto suo ordinaverat.* Item S. 1. *Minime consentaneum est preparationem ad interitum aliò transferre, quam ad arcanum consilium Dei.* Et cap. 22. S. 11. *Si non possumus rationem assignare, cur suos misericordia dignetur, nisi quoniam illi ita placet, neque etiam in alijs reprobandis aliud habebimus, quam eius voluntatem.* Præterea cap. 23. S. 9. *Excusabiles peccando haberi volunt reprobi, quia evadere nequeunt peccandi necessitatem, præsertim cum Dei ordinatione sibi injiciatur huiusmodi necessitas.* Nos vero inde negamus ritè excusari, quandoquidem Dei ordinationi, qua se exitio destinatos consequuntur, sua conflet æquitas nobis quidem incognita, sed illi certissima. Hoc idem, & copiosius repetit in libro de æterna Dei prædestinatione pag. 917. editionis Genevensis anni 1552. *Quomodo autem Dei præscientia, & decreto statutum fuerit, quod de hominibus futurum erat, neque tamen in culpe societatem trahendus sit Deus, quasi transgressionis vel auctor sit, vel approbator, cum longe altius humanæ mentis perspicacia esse ascanum palam sit, ne ignorantiam fateri pudeat.* Hinc Zanchius lib. 5. de nat. Dei cap. 2. ait: *Fuit hoc primum, quod de reprobis constituit Deus ab æterno, nempe quorundam hominum ad exitium sempiternum destinatio, ad hoc autem ordinata fuerunt ipsorum peccata.* Ergo Calvinii sententia est, Deum suo immutabili decreto homines in peccata impellere; unde reprobatio Dei antecedit prævisionem

nem peccatorum, quæ ut aiunt, sunt effectus ipsius reprobationis. Sed quid pluribus ago, quasi Caluini opinio omnibus nota non sit, cum idemmet Adamus cap. 14. pag. 725. aperte id fateatur, scribens Caluinum dicere: *Deum subtrahere lumen, & gratiam necessariam ad salutem omnibus illis, quorum damnationem decreuit ante, vel post visionem peccati originalis*. Porro si S. Augustini, & Caluini sententiæ contradictoriè opponuntur, quò longiùs ab illo Caluini errore, quemcumqueingas, recedere possumus, quàm accedendo ad sententiam S. Doctoris è diametro cum Caluini errore de reprobatione malorum ante præuicam peccati pugnantem? Et tamen, si superis placet, ausus est Adamus eam Augustini sententiam Caluinianæ hæresi non propinquam publicare, sed propinquissimam, matrem enim hæreseos asseuerauit, cum tamen Caluinistas validè premat, ac suffocet. Decretum hoc Caluinianum reprobos in peccata compellens, mater est omnium errorum, quos in materia de prædestinatione, gratia, & libero arbitrio Caluinus concessit. Inde enim hominis libertas euertitur, necessitas ad peccandum imponitur, fatale decretum Stoicorum inducitur, Deus criminum Auctor publicatur, & mille huiusmodi errorum portentia nata sunt, quorum nullum ex memorata S. Patris sententia deriuat.

Est igitur *celebris*, ut ait Ioannes à S. Thoma, sententia S. Augustini peccatum originale fuisse causam reprobationis omnium damnatorum, quam sæpè docuit S. Pater, epist. 105. ad Sixtum, 106. ad Paulinum, 157. ad Optatū, in Enchiridio cap. 98. & 99. Lib. 2. ad Bonif. cap. 7. Alia plurima loca designat Cortina P. Macedo thesi 20. Augustinum secuta est eius schola, Fulgentius lib. 1. de verit. prædest. & grat. statim post initium, Prosper ad septimam obiectionem Gallorum, Africani Patres in Sardinia exules in epistola Synodica cap. 6. S. Thomas q. 6. de verit. art. 2. ad 9. vnde uti ad mentem Angelici Præceptoris eandem defendunt præclarissimi Dominicani instituti Theologi, Thomas de Lemos, Illustrissimus Godoy, Io. Baptistà Gonettus tom. 4. Clypei Thomistici disp. 5. art. 3. qui priores illos ex suis Doctores citat. Sed ex Societate Augustino astipulantur Suarez in 1. p. lib. 5. de reprob. cap. 5. Vasquez disp. 95. cap. 4. num. 17. & cap. 9. num. 60. licet variant inter se circa modum, quo peccatum originale sit causa reprobationis; hic enim dicit esse peccatum originale prout est in primo parente, quo gratia congruæ negationem nepotibus meruit; ille verò eam vim demeritoriam ipsimet peccato originali prout inficit singulos quosque inesse arbitratur. Melius Dida-cus Ruiz Recentiorum eruditissimus id ipsum explicat, ac latè defendit disp. 14. de prædest. sect. 4. & seq. Sed ad obiectionem Adami repellendam refertur decretum, quo Augustini sententiam de reprobatione ex peccato originali ortam Theologi Societatis defendere iussi sunt à Claudio Aquauina Præfeto totius familiæ. Olim, ut capite 3. §. 7. diximus, impressus est liber de ratione studiorum Societatis Romæ anno 1586: vniuersis propòsitus, ut regula & discendi, & docendi post annuam sex insignium Doctorum Societatis disputationem, ac longissimum examen. Ibi autem in titulo de opinionum delectu regula 6. pag. 14. proponitur, & eligitur definienda, & tradenda vniuersæ scholæ Societatis hæc propòsitio 12. *Non solum ex parte nostra nulla fuit opinio, seu conditio prædestinationis; sed neque absolute dicendum est, esse in nostra pote-*

state, ut prædestinemur, nec salui fient ulli, nisi prædestinati. Et 13. Reprobationis, qua ceteri homines excidere ab ultimo fine permisi sunt, causa fuit peccatum originale. Hæc ibi. Iamne vides, iamne sentis, Adame, quæ sit sapientissimorum veterum tuorum Theologorum reuerentia erga Augustini sententiam de reprobatione ex solo originali peccato primitus deriuata, quam tamen præ tua singulari pietate, eruditione, ac zelo horrere te dicis, vti Calviniani erroris matrem? Plurimi quidem Theologi varios modos excogitarunt, quibus eam S. Patris doctrinam explicarent, atq; defenderent. Dominicus Bannez 1. p. q. 23. art. 5. quinque explanationes refert, quarum nullam probat. Quinque etiam modos recenset Gonettus cit. S. 6. quos singulos in ipsorum probabilitate relinquit. Ego iuxta doctrinam S. Augustini ita difficillimi mysterij solutionem propono; neq; enim facile est, diuinæ voluntatis arcana rimari, quis enim consiliarius eius fuit?

Certum dogma est, hominem ex peccato primi parentis euasisse massam perditionis, ita vt seclusa gratia Redemptoris nunquam inde suis viribus potuisset resurgere, quod olim ab Innocentio I. & Africanis Concilij contra Pelagianos statutum fuit. Euaserant igitur omnes homines in Adamo natura filij iræ, subiecti potestati Dæmonis, inimici Dei, & indigni qualibet gratia, facti obiectum diuini odij, atq; vindictæ. Potuisset summa Numinis iustitia, qualibet vel minima gratia negata in æternum genus humanum originali peccato infectum perpetua damnatione punire. Docuit hoc Augustinus sæpissimè. In Enchirid. cap. 99. Vniuersum, ait, genus humanum eam in isto iudicio diuino in apostatica radice damnatum, & etiamsi nullus inde liberaretur, nemo recte posset Dei vituperare iustitiam, & qui liberantur, sic oportuisse liberari, vt ex pluribus non liberatis, atq; in damnatione iustissima derelictis ostenderetur, quid meruisset vniuersa conspersio, & quò etiam istos debitum iudicium Dei auerret, nisi eius indebita misericordia subueniret. Similia habet lib. de cor. & grat. cap. 10. lib. de dono perseu. cap. 8. initio. lib. de prædest. SS. cap. 8. Hæc exemplo Angelorum malorum confirmat cap. 27. Enchiridij: Et si quidem, inquit, in melius hominum reformationem nullum presus esse voluisset, sicut impiorum nulla est Angelorum, non immerito fieret. Itaque in illa massa perditionis homo euasit indignus tota serie gratiarum, quas inter primæ sunt gratia iustificans, per quam homo accedit ad Deum, & gratia perseuerantiæ finalis, per quam homo non ampliùs potest recedere à Deo. Homo igitur ex peccato originali incidit in priuationem gratiæ iustificantis, & in priuationem potentiæ proximè expeditæ ad perseuerandum in semel accepta gratia iustificante, quæ priuationes cum respiciant diuersas formas, diuersæ etiam sunt inter se, & vna sine altera donari à Deo potest, vt certum est ex fidelibus, qui damnantur, quibus dedit Deus gratiam iustificantem, illis tamen negauit gratiam perseuerantiæ finalis. Hinc perseuerantiam esse ex speciali auxilio Dei, docuit Tridentina Synodus sess. 6. can. 22. & olim Arausica II. can. 10. duce S. Augustino, qui Catholicam veritatem integro volumine de dono perseuerantiæ inscripto, solidissimè contra Semipelagianos propugnauit. Portò hæc est differentia inter vtramq; priuationem, quòd priuatio gratiæ sanctificantis vel est ipsamet formalis ratio peccati, vel est necessariò connexa cum peccato. Altera verò priuatio, nempe potentiæ proximè expeditæ ad perseuerandum stat cum gratia sanctificante. Sancti enim

enim orant, vt Deus donet illis perseverantiam, non igitur illam habent, vt probat Augustinus cap. 23. per totum; aliâ enim non esset speciale Dei beneficium à gratia iustificationis distinctum; vnde per gratiam sanctificantem non tollitur ipsa priuatio potentie proximè expeditæ ad perseverandum. Hæc verò priuatio est in pœnam primi peccati, sicuti etiam priuatio subiectionis concupiscentiæ respectu rationis, & licet in baptismo nihil est damnationis *ips*, qui *verè consecutus sunt cum Christo per baptismum in mortem*, vt ait Tridentinum in decreto de peccato originali, quod dixerat antea Augustinus lib. 1. ad Bonif. cap. 10. *Nulla ergo condemnatio est nunc his, qui sunt in Christo Iesu*, non id intelligitur de pœnalitatibus, ita enim loquuntur Theologi, sed de culpa, cuius nihil remanet post baptismum: illæ enim etiam post baptismum remanere.

Hanc priuationem relictam esse in pœnam primi peccati adeo notum est in S. Augustini sententia, vt vel ipsi Semipelagiani hoc ex Augustino supponere solerent contra ipsum arguentes. Etenim cum probare vellent, Adamum eò quod perseverantiæ donum non acceperit, sine culpa cecidisse, solitam, ac familiarem Augustino responsionem præcludentes ita instabant, teste Hilario in epistola ad Augustinum: *Neg; enim dici potest ideo non accepisse, quia non est discretus à massa perditionis gratia largitate; nondum quippe erat illa in genere humano perditionis massa, antequam peccasset, ex quo tracta est origo vitiosa*. Ergo supponunt iuxta mentem S. Doctoris priuationem potentie proximè expeditæ ad perseverandum esse pœnam massæ peccato originali infectæ; cui argumento soluendo S. Doctor aurea illa tria capita de correptione & gratia, nempe 10. 11. & 12. exarauit. In illo cap. 11. palam concedit auxilium ad perseverandum in pœnam peccati deesse, quod tamen non potuit deesse Angelis, vel Adamo: *Si autem*, inquit, *hoc adiutorium vel Angelo, vel homini, quum primum facti sunt, defuisset, quoniam non talis natura facta erat, vt sine diuino adiutorio posset manere, si uellet, non itiq; sua culpa cecidissent; adiutorium quippe defuisset, sine quo manere non possent*. Nunc autem quibus deest tale adiutorium, iam pena peccati est, quibus autem datur, secundum gratiam datur. Non potest autem intelligere Augustinus, nisi in pœnam peccati originis donum perseverantiæ negari; nam baptizatus cum primùm lethaliter peccauit, caruit dono perseverantiæ in bono semel accepto, ergo in pœnam peccati originalis fuit à Deo denegatum. Idem tradit latè cap. 8. de dono perseverantiæ, vbi quærenti, cur quibusdam, qui cum coluerunt bona fide, perseverare usq; ad finem non dedit, respondet perseverantiam non esse debitam naturæ, sed esse gratiam, quæ potest negari, cur autem negetur, tradit initio capitis: *Ex uno quippe, inquit, omnes in condemnationem non iniustam in dicati sunt ire, sed iustam. Qui ergo liberatur, gratiam diligit, qui non liberatur, debitum agnoscit*. Hanc perseverantiam tam magnum beneficium vocat lib. de cor. & grat. cap. 8. in fine, & hac sola discerni electos à massa perditionis probat ex professo cap. 8. & 9. illius libri, & rursus lib. de dono persequ. cap. itidem 8. & 9. Hinc cap. 7. de cor. & grat. ait: *Ac per hoc & qui Euangelium non audierunt, & qui eo audito in melius commutati perseverantiam non acceperunt &c. non sunt ab illa conspersione discreti, quam constat esse damnatam, euntibus omnibus ex una in condemnationem*. Et postea statim: *Ab illa perditionis massa, qua facta est per primum Adam debemus intelligere neminem posse discerni, nisi quod hoc donum habet, quisquis habet, quod gratia Saluatoris accepit*. Igitur ex Augustino ex Adæ peccato incidi-

mus in priuationem doni perseverantiæ, quod gratuito tantùm à Salvatore prædestinatis donatur. Priuatio verò huius tam magni beneficii est causa damnationis illatiua; quicumq; enim caret dono perseverantiæ damnabitur; vnde apertè deducitur peccatum originale esse causam reprobationis. Vno verbo concludo. Carentia doni perseverantiæ est causa damnationis, sed peccatum originale est causa carentiæ doni perseverantiæ, ergo peccatum originale est causa damnationis. Minor est Augustini, & superius etiam probata est, quia per peccatum originale homo est indignus tota serie gratiarum, & licet sit baptizatus, adhuc habet priuationem doni perseverantiæ, quæ est speciale Dei beneficium. Maior non ita intelligenda est, quasi illa carentia sit causa per se damnationis, sed tantùm tanquam non remouens prohibens, homo enim iustificatus, si tentatione graui pulsetur, & stet sub priuatione potentiæ proximè expeditæ ad perseverandum, infallibiliter succumbet, ni Deus speciali auxilio donet vim perseverandi, quod auxilium, cum ex primo peccato non debeat homini, iustè à Deo negari potest. Vide quæ dixi superius cap. 3. S. 6.

Hæc sententia de reprobatione ex peccato originali orta deducitur etiam ex Epistola Synodica Patrum Africanorum in Sardinia exulum, vbi cap. 6. inquit: *Dixistis itaq; quod vobis dicentibus, quod Esau, & Iacob necdum natis, Iacob per misericordiam gratuitam eligitur, Esau autem originali peccato detentus iusto iudicio Dei est odio habitus. Illi è contrario dicunt in Esau figuram esse populi Iudeorum ex futuris malis operibus condemnandi; in Iacob verò figuram esse populi Gentium ex futuris operibus bonis saluandi. Hæc duo, quæ singula proponitis, bonum est, ut Catholica consensione iungatis.* Itaque per ipsos catholicum est dicere, Esau originali peccato detentum iusto iudicio Dei esse odio habitum. At cap. 7. scribunt: *In Esau veret iudicium iustæ seneritatis ostendit: qui sacramento quidem circumcisionis octauo die secundum tenorem diuinæ constitutionis accepto, reatu peccati originalis caruit, sed per nequitiam cordis in hominis terreni vetustate permansit; illius ibi iudicio derelictus, qui gratis saluat, iustèque damnat.* At Esau non est detentus originali peccato secundum reatum, ergo secundum aliquid ab ipso originali causatum, est enim derelictus iudicio Dei, quod est carere dono perseverantiæ; nam vt supra inferebam, pmissio primi peccati actualis sit iusto iudicio Dei negantis donum perseverantiæ in bono iustitiæ per baptismum acceptæ, at ex Augustino illud donum negatur in pœnam peccati non actualis, nam de primo peccato actuali loquor, ergo in pœnam originalis. In eadem explicatione est S. Gregorius Papa in psal. 101. ad versiculum: *Quia cinerem tanquam panem manducabam,* sic enim ait: *Et cum iuxta Apostoli sententiam, neque volentis, neq; currentis, sed miserentis sit Dei, alios qui corruerant misericorditer erigit, alios qui stare videbantur, cadere iustè permittit. Ex peccato namq; primi parentis accepimus, vt nunc in ipsa iustitia stabiles esse possimus.* Quod idem est, quod dicebam, subisse nos priuationem potentiæ proximè expeditæ ad perseverandum, quæ non auferretur nisi ex speciali auxilio Dei. Lege S. Prosperum in resp. ad 7. Gallorum.

Igitur præcipuæ pœnæ relictæ ex peccato originali sunt concupiscentia, & priuatio potentiæ proximè expeditæ ad perseverandum. Concupiscentiam relictam esse ad agonem dogma fidei est, ex Tridentino in decreto de peccato originali, qua de re eleganter Augustinus lib. 2. con. Iul. cap. 4. *Contra quam re-*
genera-

generatus, si iam ratione virtutis, illo spectante, atque adiuvante velut in agone confli-
git, quia virtus in infirmitate perficitur, dum contra hoc nostrum, quod à iustitia deficit, illo
nostro, quod ad iustitiam proficit, dimicatur, ut vincente profectus totum surgat in me-
lius, non vincente defectus totum vergat in pelus. Ideo verò hæc pugna pœnalis nô-
bis iusto Dei iudicio relicta est, ut homo propriam infirmitatem cognoscens
elationem illam, qua olim in paradiso contra Dominum superbiuit, deprime-
ret, atque divinum auxilium supplicet imploraret. Audi Augustinum lib. 4. con-
sol. cap. 2. Sed quia in ista humana miseria peior hostis est educta superbia, ideo nimirum
non penitus extinguatur in carne continentium Sanctorum illa concupiscentia, cum pu-
gnatur adversus eam, periculorum suorum animus admonetur, ne securus infletur, do-
nec humana fragilitas ad tantam perfectionem perveniat sanitatis, ubi nullâ putredo la-
sciiva, nullus tumor superbiæ formidetur. Idem pariter dicendum est de privatio-
ne huius potentia proxime expeditæ ad perseverandam, nempe relictâ illam
ad agonem, & ad humanam superbiam contundendam; unde concupiscentia,
& privatio ista veluti fœderatæ homini insidiantur, ac mutuo se iuvant ex con-
cupiscentia enim inclinante ad peccatum impotentia, & infirmitas standi in
bono proposito iustitiæ fouetur. Docet hoc eleganter Author libri 2. de vo-
cat. gent. cap. 28. In ceteris vero, inquit, hominibus donec caro concupiscit adversus
spiritum, & spiritus adversus carnem, & donec spiritus quidem promptus est, caro au-
tem infirma, incommutabilis animi fortitudo non potest reperiri, quoniam non huius, sed
alterius vita est verè perfecta, & secura felicitas. In presentis autem agonis incerto,
ubi tota vita tentatio est, & ab insidiantī superbia nec ipsa est tuta victoria, mutabili-
tatis periculo non caretur. Et licet innumeris Sanctis suis donec virtutem perseverandi
usque in finem divina protectio, à nullis tamen auferi, quod ipsi repugnat ex ipsis, ut
in omnibus studiis eorum, atque conatibus semper inter se noleat, & velle decernerent. Hoc
ipsum docuerat S. Pater lib. de dono persever. cap. 8. ubi respondens quæren-
ti, cur fideli Deus denegat donum perseverantiæ, ait: Deus autem melius esse iu-
dicauit miscere quosdam non perseveraturos certo numero Sanctorum suorum, ut quibus
non expedit in huius vita tentatione securitas, non possint esse securi, multas enim à
perniciosa elatione reprimat, quod ait Apostolus: Quia propter qui videtur stare, vi-
deat ne cadat. Voluntate enim sua cadit, qui cadit, & voluntate Dei stat, qui stat
&c. Hinc quæcumque contra hanc privationem objici solent eodem prorsus
modo soluenda sunt, ac illa, quæ contra pœnalitatem concupiscentiæ Pela-
giani Augustino olim opponebant.

1. Cor. 10.

Expediendâ hic est difficultas, unde tradita Augustinianæ sententiæ expli-
catio maximè illustrabitur. Carentia, inquiunt, doni perseverantiæ fuit in
Adamo, nam perseverantiæ donum, ait Augustinus in lib. de cor. & grat. cap.
11. si habuisset, perseverasset, ergo privatio doni perseverantiæ non est pœna pec-
cati, quippe quæ fuit etiam in homine ante peccatum. Hoc argumentum
olim Semipelagiani Augustino objiciebant in laudato lib. cap. 10. ubi de Ada-
mo inquiunt: Non ergo habuit in illo bono perseverantiam, & si non habuit, non etiam
accepit. Quomodo enim & accepisset perseverantiam, & non perseverasset? Porro si
propterea non habuit, quia non accepit, quid ipse non perseverando peccavit, qui perseve-
rantiam non accepit? Neque enim dici potest, ideo non accepisse, quia non est discretus à
massa perditionis gratia largitate: Nondum quippe erat illa in genere humano perditionis
massa, antequam peccasset, ex quo tracta est origo vitæ. Nullum argumentum neque
subtri-

subtilius, neque operosius isto solum vnaquam fuit ab Augustino, vt summi ingenij vires omnes eidem diluendo impendisse videatur, tria enim capita in libro de correptione, & gratia integræ responsioni insumpsit, quorum summa est: Adamum habuisse auxilium Dei, quo proximè, & expeditè poterat perseuerare, sed ita vt perseuerantia actualis reposita esset in vsu libero eiusdem ponendo ab ipsamet voluntate Adami, quam per modum habitus adiuuabat. Ad hoc explicandum ibidem duo illa capita 11. & 12. scripsit, vnam & alteram sententiam dabo, ne vniuersa huc transferam: *Vt ergo, inquit, non acciperet hoc donum Dei, idest, in bono perseuerantiam primus homo, sed perseuerare, vel non perseuerare in eius relinqueretur arbitrio, tales vires habebat eius voluntas, quæ sine ulla fuerat instituta peccato, & nihil illi ex se ipsa concupiscentialiter resistebat, vt digne tante bonitati, & benè viuendi facilitati perseuerandi committeretur arbitrium.*

Cap. 12. Et cap. 11. scribit: *Tunc ergo dederat homini Deus bonam voluntatem, in illa quippe cum fecerat, qui fecerat rectum. Dederat & adiutorium, sine quo in ea non posset permanere, si vellet, vt autem vellet, in eius libero reliquit arbitrio.* Itaque Adam non indigebat dono actualis perseuerantiæ, quia habebat adiutorium, quo per modum habitus inerat illi potentia proximè expedita ad perseuerandum; vnde Augustinus in fine cap. 12. ait: *Cum & voluntas primi hominis fortis, & sana in bono ampliore non perseuerauerit habens virtutem liberi arbitrij, quamuis non desit uero adiutorio Dei, sine quo non posset perseuerare, si vellet: non tamen tali, quo in illo Deus operaretur, vt vellet. Fortissimo quippe dimisit, atque permisit facere, quod vellet.* Quare Adamo nil desuit ex parte Dei ad hoc, vt posset perseuerare, sed sibi nolens desuit; nam si voluisset, facillimè perseuerasset. Addit Augustinus, si Deus hoc adiutorium denegasset, Adamum, itemque Angelos non sua culpa casuros fuisse, rationem assignans, *adiutorium quippe desuisset, sine quo manere non possent. Nunc autem quibus deest tale adiutorium, iam pena peccati est, quibus autem datur, secundum gratiam datur, non secundum debitum.* Ergo donum præbens potentiam proximè expeditam ad perseuerandum traditum fuit Adamo, ita vt carentia perseuerantiæ actualis non potuisset illi imputari culpæ, si eo adiutorio caruisset. Cæterum ex peccato perdidit sibi, & nobis hoc auxilium constituens potentiam proximè expeditam ad perseuerandum. Quare priuatio huius potentia in nobis est pœna primi peccati, nam secundum gratiam datur, non secundum debitum. Tanta verò per peccatum Adæ contracta est impotentia ad proximè expeditè perseuerandum, vt si idem omnino adiutorium, quod datum fuit Adæ ad perseuerandum, nobis in statu naturæ lapsæ donaretur, non esset sufficiens ad amouendam illam impotentiam perseuerandi, vt docet S. Doctor propè finem cap. 12. hæc tradens: *Si in tanta infirmitate ruita huius, in qua tamen infirmitate propter elationem reprimendam perfici virtutem oportebat, ipsis relinqueretur voluntas sua, vt in adiutorio Dei, sine quo perseuerare non possent, manerent, si vellet, nec Deus in eis operaretur, vt vellet, inter tot, & tantas tentationes infirmitate sua voluntas ipsa succumberet, & ideo perseuerare non possent, quia deficientes infirmitate nec vellet, aut non ita vellet infirmitate voluntatis, vt possent.* Ex his patet solutio propositi argumenti, negandum est enim antecedens, vt intelligatur de carentia potentia proximè expeditè ad perseuerandum, hæc enim priuatio in Adamo non fuit, qui habebat adiutorium sufficientissimum ad perseuerandum, solumque illi velle suum desuit. At ipse &

sibi,

sibi, & toti generi humano subsecuto talis potentie priuationem intulit, cuius occasione tanta crimina committuntur. Hanc doctrinam fufius explicauimus superius capite 3. Gregorius Ariminensis in 2. dist. 26. q. 1. & 2. idem ex Augustino docet.

Obijciunt plures, qui licet peccatum originale in ijs, quibus non est remissum, concedant esse sufficiens motivum reprobationis, in baptizatis tamen id nullo pacto dici posse existimant. Nam peccatum remissum non potest esse causa, cur homo damnetur, non esset enim remissum, si propter illud morte perpetua plecteretur; baptizato verò est remissum originale peccatum, & propter illud nulli pœnæ est subiectus; nec potest componi voluntas remittendi peccatum cum voluntate damnandi, & illud æternum puniendi. Sanè Tridentinum in decreto de pec. orig. statuit nihil damnationis esse in baptizatis, esset autem multum damnationis, si inesset aliquid dignum puniri pœna æterna. Hoc argumentum pariter Semipelagiani contra S. Augustinum adducebant; nam cum ille assereret, peccatum originale esse causam, cur homines vniuersim fuerint reprobat, quos diuina prædestinatio suos non fecerat, inferebant hoc absurdum ex Augustini sententia: *Quod ab eis, qui non sunt prædestinati ad vitam, non auferat percepta baptismi gratia originale peccatum*. Hæc est enim secunda obiectio Gallorum, qua doctrinam S. Patris teste Prospero, sugillabant. Respondeo peccatum originale intulisse pœnas proprias ipsius naturæ, & has per baptismum non remitti, quarum præcipuæ sunt concupiscentia, & priuatio potentie proximè expeditæ ad perseuerandum in accepta iustitia, & sic nihil damnationis remanet in baptizato, prout damnatio culpam significat, non verò prout dicit pœnam. Nam ibidem docet S. Synodus, remanere concupiscentiam, quæ ex peccato est, & ad peccatum inclinat. Nullo verò pacto conceditur, hominem baptizatum damnari propter peccatum originale formaliter, & esse ratione illius vt causæ proximæ reprobato, sed dicimus radicaliter peccatum originale esse causam reprobationis fidei, qui damnantur, quatenus ex illo ortum habuit priuatio potentie proximè expeditæ ad perseuerandum, sub qua præciso auxilio speciali Dei homo salutem non consequitur, sed labitur in peccata, ob quæ proximè, & formaliter à Deo damnatur. Neque enim negamus Deum reprobare aliquem ob peccata actualia, neque dicimus Deum prius reprobare propter originale, deinde etiam ob actualia, vt opponit Io. à S. Thoma disp. 10. de Reprob. art. 2. num. 30. sed asserimus Deum immediatè damnare pœna æterna hominem ob peccata actualia, in quæ incidit ob impotentiam perseuerandi, seu ob priuationem potetie proximè expeditæ ad perseuerandū, quæ est pœna humanæ naturæ relicta ad agonem ex peccato Adæ. In baptismo verò remittitur culpa, & pœna debita personæ, quæ peccauit, non pœnalitas inflicta ex primo peccato ipsi naturæ, quod exemplo concupiscentiæ diximus fieri manifestum. Quare ob peccata actualia homines damnari concedit S. Pater cap. 13. de cor. & grat. in fine, vbi de reprobis loquens: *Aus enim, inquit, iacent sub peccato, quod originaliter de generatione traxerunt, & cum illo hereditario debito hinc exeunt, quod non est regeneratione dimissum, aut per liberum arbitrium alia insuper addiderunt &c. alij magis, alij minus, sed omnes mali, & pro ipsa diuersitate diuersis supplicijs iudicandi, aut Dei gratiam suscipiunt, sed temporales sunt, nec perseuerant, deserunt*.

& defunctus. Dimissi enim sunt libero arbitrio non accepto perseverantia dono iudicio Dei iusto, & occulto. Lege cap. 93. In chiridij. Ex quibus colligo, taxationem pœnæ dependere à peccatis actualibus, in quæ homo labitur, quia deserit Deum, deserit verò, quia est dimissus libero arbitrio, non accepto dono perseverantia iudicio Dei iusto, nempe in pœnam peccati originalis. Cæterum homo baptizatus licet habeat illam privationem doni perseverantia, & non sit dignus hanc habere, quia non datur secundum debitum, non est tamen dicendus illa indignus, seu habere debitum non habendi, quomodò sunt peccatores, sed tantum non habet debitum habendi, quod debitum habebat Adam, unde non esse huius potentia proxime expedita ad perseverandum non potest dici sola negatio, sed vera privatio, quia est carentia doni aliàs debiti naturæ prout eleuatæ ad finem supernaturalem.

Hactenus hæc pro explicanda sententia S. Augustini insinuata sint, pluribus enim eandem sententiam & exponunt, & defendunt eruditissimi Theologi Ruizius, & Gonettus laudati. Unde nescio quo pannico timore perculsus illam Adamus horruerit, accusans eandem tanquam matrem Calvinianæ hæreseos; quod quidem attentius considerans, arbitror illum intellexisse errorem satis notum, nempe in baptizatis verè remanere peccatum originis; etenim si post baptismum adhuc fidelis potest reprobati ob peccatum originis, non igitur est deletum, & remissum, cum aliquid remaneat in renatis, ob quod æternum damnentur. At hæc erat vetus calumnia, quam Semipelagiani, ut ex Prospero diximus, Augustinianæ sententiæ inferebant, à qua eandem procul esse ostendimus. Longè verò abest S. Doctor à Calvinistarum sententia, isti enim putant ipsam concupiscentiam esse formaliter peccatum originis, quæ cum remaneat post baptismum, dicunt non fuisse deletum peccatum, sed reatum, & non imputatum. At S. Doctor non constituit in ipsa concupiscentia essentiam peccati originis, sed in reatu, & macula, quæ tota deletur in baptismo. Unde lib. 2. de pecc. mer. cap. 28. loquens de concupiscentia ait: *Non sic manet in membris eorum, qui ex aqua, & spiritu renati sunt, tanquam non sit eius facta remissio, ubi omnino plena, & perfecta sit remissio peccatorum omnibus inimicis interfecit, quibus separabamur à Deo.* Lege Bellarminum tom. 4. lib. 5. de amissione gratiæ cap. 8. id ex Augustino eruditè probantem. Hoc ipsum tamen melius, ac fusiùs explicat P. Macedo lib. 4. de Clauibus Petri cap. 5. & 7. Non est igitur, cur Adamus celeberrimam S. Patris sententiam Calvinismi infimulet, cum Calvinus hac in re longius ab Augustino, si quis alius abierit. Sed transeamus ad alia, sui que consilij causas aduersario dimittamus.

§. IX.

An errauerit Augustinus docens occisionem grassatoris mortem intentantis non esse licitam.

Vltimum, quem S. Patri errorem obijciunt, in examen vocamus; inquirunt enim eundem dixisse: *Haud licitum esse occidere grassatorem, qui nobis vellet vitam eripere.* Est Adami contra Augustinum accusatio cap. 3. pag. 385.

385. Disputat Augustinus lib. 1. de libero arbitrio cap. 5. possint ne citra culpam interfici *hostis irruens*, vel *insidiator sicutarius*, siue pro *uita*, siue pro *libertate*, siue pro *pudicitia*. Postquam dixit lege Romana grafsatores posse impunè occidi, dum vitam alteri stricto mucrone auferre tentant, ait: *Legem quidem non reprehendo, quæ tales permittit interfici, sed quo pacto istos defendam, qui interficiunt, non inuenio*. Ex his Augustini verbis in varias sententias grauissimi scriptores abiire. Multi putarunt Augustinum negasse, esse licitum occidere inuasorem etiam cum moderamine inculpatae tutelæ, quorum nonnulli tanti Doctoris auctoritate moti eandem sententiam subscribere, vel saltem probabilem existimarunt. Augustinus Triumphus Anconitanus insignis Theologus Augustinianus in libro de potestate Ecclesiastica quæst. 52. art. 3. ponit, & probat hanc conclusionem: *Puto, quòd culpa sit hominem occidere, ne ipse occidatur, quamque inenitabili necessitate hoc fiat*. Ad hoc est, addit, auctoritas Augustini in pluribus locis. Primò de libero arbitrio dicentis &c. Tostatus illud ingeniorum monstrum in cap. 5. Matt. 9. 109. recitata sententia Triumphi, & opposita, quæ est communior ait: *Vtraque istarum positionum videtur aliquantulum rationabilis, maxime cum ista secunda aliquantulum videatur esse de intentione Augustini*. Vasquez cap. 2. de restit. dub. 6. num. 18. Augustinum eam sententiam secutum fuisse affirmat, quàm, inquit, quidam ex Canonistis amplectuntur. Molina disp. 3. cit. num. 3. ait: *Vehemens suspicio est, Augustinum eius fuisse sententia*. Gerson pro eadem sententia refertur in tract. de Eucharistia. Certè 2. p. compend. Theol. in exposit. 5. præcepti ait: *Dicunt quidam, quòd nullo modo licet occidere etiam defendendo, maxime autem viro perfecto, & hæc videtur esse opinio Anselmi*. Vbi etiam recitat contrariam opinionem, neutram verò rejicit. Sequuntur Accursius, & Glossa super l. vim vi ff. de iust. & iure. Richardus insuper à S. Victore, & Almaynus citantur à nostro Salonio. Quare non solum fuit in ea sententia Augustinus, sed habuit sectatores & Theologos, & Iuris consultos, apud quos plus ponderis vnius Augustini auctoritas valuit, quàm vulgaris aliorum opinio. Antequam tamen S. Doctoris sententiam explicem, monico haud opus fuisse, nonnullos tanta diligentia vtriusque iuris testimonia conquirere, quæ inuasoris occisio cum moderamine inculpatae tutelæ conceditur, vno enim verbo iam olim responderat S. Doctor cap. 5. laudato: *Legem quidem satis videtur esse munitam contra huiusmodi accusationem, quæ in eo populo, quem regit, minoribus malefactis, ne maiora committerentur, dedit licentiam; multo enim mitius est eum, qui alienæ uitæ insidiatur, quam eum, qui suam tuetur, occidi*. Vbi quærit an homines, quibus ciuiles leges inuasoris occisionem permittunt, aliqua vehementiore, ac secretissima lege teneantur tales non occidere.

Sanctus Thomas 2. 2. q. 64. art. 7. nolens discedere à S. Augustini sententia, neq; item à communi opinione, distinguit vnum, & alterum modum, quo quis se defendens potest inuasorem occidere. Potest enim quis habere tantum intentionem se defendendi, licet inde ex accidenti sequatur mors inuasoris; vel potest intendere occisionem aggressoris, vel tanquam medium, vel tanquam finem, vt exponit ibi Caietanus. Potest hoc explicari exemplo satis apto. Præcipit medicus scindi venam infirmi, vt emissionem sanguinis curetur, licet sciat infirmum ex tali emissionem passurum deliquium, quod re vera ipse nollit, si aliter infirmus curari possit. In hoc casu Medicus vult salutem.

infirmi, vt finem, emissionem sanguinis, vt medium, deliquium nullo pacto intendit, nisi vt quid consecutum ex accidenti præter suam intentionem, in quod tantum materialiter consentit. Ita hoc secundo modo potest aggressus occidere inuasorem, nullo verò pacto potest intendere mortem grassatoris irruentis neq; vt medium, neq; vt finem. Et hanc esse mentem S. Doctoris rectè ostendit Salonijs in fine art. 7. eandemq; explicat Toftatus citatus. Quare S. Thomas in resp. ad. 1. scribit Augustinum intelligendum esse de intentione occidendi aggressorem, non verò si intendat directè conseruare propriam vitam, nam talis actus non habet, inquit, rationem illiciti, cum hoc sit cuiuslibet naturale, quodd se conseruet in esse, quantum potest. Omitto hanc sententiam vix posse in praxim reduci, quis enim surgente ira, animoq; in sui defensionem subito erecto, illam intentionem habere potest? quod Salon, Molina, alijq; adnotarunt. Certè illa explicatio non est ad mentem Augustini, cum tamen, inquit Molina tom. 4. disp. 3. num. 3. fortasse Augustini testimonia D. Thomam impulserint ad asserendum, aggressum non posse intendere mortem aggressoris. Nam Augustinus occisionem aggressoris inde esse malam probat, quia oritur ex cupiditate seruandæ vitam, quæ non debet amari, sed contemni: Quomodo enim, inquit, apud eam (diuinam prouidentiam) sunt isti peccata liberi, qui pro ijs rebus, quas contemni oportet, humana cæde polluti sunt. Et antea. Non enim lex eos cogit occidere, sed relinquit in potestate, liberum eis itaq; est neminem necare pro ijs rebus, quas inuijs possunt amittere, & ob hoc amare non debent. At S. Thomas vult, ex instinctu naturæ amare vnumquemq; suam vitam quantum potest, ex quo amore sequitur defensio ad illam conseruandam etiam cum morte insidiantis. Porro inter illa, quæ contemni debent, ibidem vitam reponit Augustinus, eo vtens dilemmate de vita animæ, dum corpus interimitur: si auferri potest, contemnenda est, si non potest, nihil metuendum. Et Angelicus Doctor illam intentionem ex ira contra hostem infici malitia opinatur, at Augustinus nimia concupiscentia, & immoderato amore erga se occisionem illam vitari existimat.

Sed iam videndum est, vtpdenam Augustinus in eam sententiam descenderit. Ille quidem cum originem mali, quam contra Manichæos disputans indagabat, à libidine, seu praua cupiditate deriuari statuisset, omnia malefacta, inquitens, non ob aliud mala esse; nisi quod libidine, idest improbanda cupiditate sunt. Cap. 4. Postea quærit cap. 5. Vtrum vel hostis irruens, vel insidiator scarius sine pro vita, sine pro libertate, sine pro pudicitia sine ulla interficiatur libidine? Respondet occisores inuadentium non esse ab hac praua cupiditate immunes: Quomodo possum, ait, arbitrari carere istos libidine, qui pro ijs rebus, digladiantur, quas possunt amittere inuijs &c. At statim obijcit sibi Romanas leges permittere aggressorem imponere occidi, quod autem lege licitum est, peccatum nullo modo esse potest. Respondet tales quidem non teneri reos lege Principum temporali, sed aliqua vehementiori, ac secretissima lege. Quomodo enim apud eam sunt isti peccata liberi, qui pro ijs rebus, quas contemni oportet, humana cæde polluti sunt? His ita constitutis, tota rei difficultas in eo erat, vt Augustinus rationem daret, cur apud leges ciuiles occisor inuasoris non esset homicidij reus, sed bene apud legem æternam, & immutabilem. Ad hoc verò probandum S. Doctor reliquum illius libri impendit, cuius summa est. Lex æterna vult omnia esse ordinatissima. Cap. 6. vnde fit consequens, vt homo in se ipso ordinatissimus sit. Cap. 7. Cum

verò

verò habeat homo plures motus cum beluis communes, nam appetere voluptates corporis, & vitare molestias ferine vite omnis actio est. Cap. 8. Hisce motibus animæ cum ratio dominatur, ordinatus homo dicendus est. Non enim ordo rectus, aut ordo appellandus est omnino, ubi deterioribus meliora subiunguntur. Ratio ista ergo, vel mens, vel spiritus cum irrationalibus animi motus regit, id scilicet dominatur in homine, cui dominatio lege debetur ea, quam æternam esse comperimus. Cum ergo ita homo constitutus, atq; ordinatus est, nonne tibi sapiens videtur? Cap. 8. Eos enim sapientes voco, quos veritas vocari iubet, id est regio mentis omnis libidinis subiugatione pacati. Cap. 9. Putasne ista mente, cui regnum in libidines æterna lege concessum esse cognoscimus, potentiorum esse libidinem? Ego enim nullo pacto puto. Neq; enim esset ordinatissimum, ut impotentiora potentioribus imperarent. Quare necesse arbitror esse, ut plus possit mens, quam cupiditas, eo ipso, quo cupiditati rectè, iusteq; dominatur. Cap. 10. Ex his Augustinus intantum deducit: Nam cum quis aggressorem occidit, non ratio, sed cupiditas illi dominatur. Quomodo possum arbitrari, inquit, carere istos libidine, qui pro his rebus digladiantur, quas possunt amittere inuiti, aut si non possunt, quid opus est pro his usq; ad hominis necem progredi? Neq; enim actum occidendi ratio, sed cupiditas regit, cum ratio dicat, vitam non esse verum bonum hominum, quia illam possunt amittere inuiti. Quod enim, inquiunt, à natura in vitam esse sui conseruationem, ac proprii boni defensionem, nihil iuvat; nam vita corporis non est proprium bonum hominis, sed hominis pars vilissima. Cap. 16. Bene quidem feræ naturali instinctu etiam cum aggressoris occisione vitam tuentur, quia hæc unicuique summum bonum illis est, idq; cupiditate sui conseruandi faciunt, ne amittant esse. At si homo, ut se defendat, inuadentem perimit, cupiditate mouetur, qua & beluæ in eos motus impelluntur, existimans tantum bonum vitam corporis, ut pro illa necesse putet usq; ad hominis necem progredi. Cap. 5. Beluarum enim proprium est, appetere voluptates corporis, & vitare molestias. Cap. 8. Ergo tunc mouet homines ad occidendum cupiditas, qua bestijs meliores non sunt, neq; tunc ratio irrationalibus animi motus regit. Ibidem. Ergo homo non ordinatè agit, & per consequens contra legem æternam agit, quæ vult, omnia esse ordinatissima, ut ibidem præmiserat.

Dices. Non igitur citra vitium poterimus amare vitam corporis? Respondet S. Doctor cap. 15. nos posse amare vitam, ac reliqua bona corporis utendo illis, non fruendo, quod egregiè sic explicat: Cum igitur eisdem rebus aliis male, aliis bene utatur, & is quidem qui male amore inhaereat, atq; implicetur, scilicet subditus eis rebus, quas sibi subditas esse oportet, & ea bona sibi constituit, quibus ordinandis, beneq; tractandis ipse esse utiq; deberet bonum. Ille autem, qui rectè his utitur, ostendat quidem bona esse, sed non sibi, non enim cum bonum, meliorem res faciunt, sed ab eo potius sunt. Et ideo non eis amore conglutinetur, neq; velut membra sui animi faciat, quod sic amando, tunc cum refecari ceperint, eum cruciatur, ac tabe sedene, sed eis totus superferatur, & habere illa, ac regere, cum opus est paratur. & amittere, aut non habere paratur. Vnde qui occidit aggressorem non superferitur totus, neq; regit bonum vitam corporis, sed ei amore conglutinetur, ac membrum sui animi facit, dolens cum cruciatur eam sibi refecari, neq; paratior est illam non habere, sed totis viribus colluctatur, ut habeat, putans eam suum bonum esse, pro quo conseruando digladiatur, quæ tamen vita ad beatam vitam nihil facit, nam beatè viuere, est ceterisq; bonis gaudere. Cap. 13. inter quæ vita

corpo-

corporis non reponitur, tot varijs subinde affectionibus perturbata, quas eruditè congerit S. Doctor cap. 11.

Tandem Augustinus cap. 15. post longam disputationem disparitatem assignat, cur lex civilis Principum permittat occidi inuasorem vitæ, honoris, vel diuitiarum, & id alia ex parte lex æterna veter. Etenim lex civilis Reipublica temporalis nihil aliud iubet, nisi ut hec, quæ ad tempus nostra dici possunt, quando eis homines cupiditate inhaerent, eo iure possideant, quæ pax, & societas humana seruetur, quantæ in his rebus seruari potest. Postea: Ergo & ad id, quod vult, torquet, ac retorquet miserorum animos; quibus regendis accomodata est. Dnm enim hec amittere timeant, tenent in his citendis quendam modum aptum vinculo ciuitatis, qualis ex huiusmodi hominibus constitui potest, non autem vlciatur peccatum, cum amantur isti, sed cum alijs per improbitatem auferuntur. At vt consequamur vltimum finem, lex æterna vetat amari illa, quæ non sunt media ad illum obtinendum, vt quæ homines possunt & volentes non adipisci, & amittere iniit. Cap. 15. Iubet igitur æterna lex auertere amorem a temporalibus, & cum mundatum conuertere ad æterna. Ibidem. O dignam Augustino doctrinam! Lex civilis Principum non vlciatur peccatum, cum amatur vita corporis, sed cum alijs per improbitatem auferitur; & parum curat de illa noxia cupiditate, cum de internis nihil statuatur. At lex æterna hanc cupiditatem damnat, cum in homine dominatur, ac rationem regit, dum quis arbitratur, tantum bonum esse sibi vitam corporis, vt vsq; ad necem hominis pro illa defendenda progrediatur, cum tamen illius bonum verum minimè sit, neq; enim facit illum meliorem, quod proprium solum est bonorum animi; quæ nullus potest amittere inuitus; & si vult, habet. De qua re late agit à cap. 12. Quis verò non videat, quo iure Augustinus datum inter vtramq; legem discrimen nuncuparit *sublimia quædam petentem distinctionem*? Cap. 3. in fine.

Hæc quidem argumento motus in eam sententiam iuit S. Pater, in qua tradenda, & confirmanda nec vnum è sacris literis testimoniū adhibuit, sed quod cum Manichæis res erat, rationi tantum innixus philosophatus est. Quæ tamen noua nemini videri debent; eo enim in argumento Stoici, ac veteres pleriq; alij philosophi summa cum laude versati sunt. Siquidem quo celebre illud apathia dogma persuaderent, ac omne bonum hominis in mentis arce collocarent, nihil extra virtutem in bonis habendum esse pluribus argumentis contendebant. Hæc Seneca probauit luculento opere, quod hoc titulo exarauit: *Quod in Sapientem virtutem non eadem iniuria*. Hoc Philo intendit suo illo opusculo inscripto: *Quod omnis probus liber*. Idem adstruxit Lactantius in tertio Institutionum, sed cæteris Patribus subtilius, atq; ornatiùs Ioannes Chrysostomus in Oratione, cui hunc titulum dedit: *Nemo leditur nisi à se ipso*. Quam sententiam alij diffusis commentarijs postea illustrarunt. Itaq; noster Augustinus in eo primo libro de libero arbitrio & ipse Philosophum agens, supra omnia corporea animum hominis ad veri sui boni cognitionem euexit, suumq; rationi imperium prauæ cupiditatis motibus subactis asseruit. Sanè docuit nihili habenda esse qualiaconq; hæc bona temporalia, quæ miseri mortales ad insaniam vsq; mille votis expetunt, neq; enim illa ad summi boni ascensionem viam muniunt, sed impediunt. Quæ si vera sunt, culpandam dixit illius cupiditatem, qui pro bulla, ita enim sapientes hominis vitam corpoream di-

xere,

xere, defendenda mucronem stringit, atq; humana cæde polluitur. Augustinus Anconitanus, qui hanc S. Doctoris sententiam ex professo defendit, alio ac planè diuerso argumento illam confirmauit, nempe quia: Animam proximi plus teneor diligere, quàm corpus proprium, quod me inuito possum perdere. Planum est autem, quòd anima proximi perditur, ex quo idem in actu iniustæ inuasionis pèr me occiditur; cui argumento cedit Cardinalis Lugo tomo 1. de iust. & iure disp. 10. sect. 6. num. 143. si restringatur ad hominem ebrium inuadentem, & se defendens putet probabiliter se esse in gratia, de qua re pluribus agit Tostatus. Sed nostrum est Augustinianam tantùm sententiam explicare, quæ philosophicæ rationi innititur.

Cæterùm licèt Augustinus iuxta subtilioris philosophiæ principia negauerit, licitam esse inuasoris occisionem, numquid contra legem etiam Dei illam esse existimauit? vt planè homo à grassatore inuasus, cum nulla sit alia via, qua euadat, si inuasorem occidat, homicidij reus censendus sit, quod contra communem Theologorum sententiam esse ita certum est, vt Salon cit. concl. 2. dicat: *Opposita sententia est forsan temeraria tot textibus, & communi omnium serè Doctorum placitis repugnans.* Ego quidem iudico S. Augustinum ex sacris literis, quas cum scriberet librum primum de libèro arbitrio, parum se calluisse testatur, postea oppositam sententiam tradidisse. Hanc legem Hebræis Deus Exodi 22. dedit: *Si effringens fur domum, siue suffodiens fuerit inuentus, & accepto vulnere mortuus fuerit, percussor non erit reus sanguinis; Quod si orto sole hoc fecerit, homicidium perpetravit, & ipse morietur.* Ex quibus apertè deducitur, non esse contra legem Dei occidere inuasorem, cum hoc Deus ipse permiserit, ac hominem occidentem negauerit reum esse homicidij. At S. Doctor tom. 4. q. 84. in Exodum disparitatem assignat, cur nocturnus fur citra homicidium interfici possit, non verd diurnus, ita inquit: *Intellegitur ergo tunc non pertinere ad homicidium, si fur nocturnus occiditur, si autem diurnus, pertinet, &c.* Poterat quippe discerni, quòd ad furandum, non ad occidendum venisset, & ideo non deberet occidi. Hoc & in legibus antiquis secularibus (ff. ad leg. Aquil. leg. 4.) quibus tamen ista est antiquior, inuenitur, nempe occidi nocturnum furem quoquomodo, diurnum autem, si se cum telo defende- rit, iam nimis est, quàm fur. Igitur si in dubio, an fur me velit occidere, possum iuxta legem diuinam ex Augustino citra peccatum homicidij illum occidere, potiori iure eundem licetè potero interficere, si certam mihi mortem stricto mucrone intenter. Neq; enim fas est dicere, Deum permisisse peccatum, & veluti lata lege non improbasse. Etenim licèt lex illa data esset ad firmandam civilem Rempubicam Hebræorum, patuit tamen diuinam voluntatem permisisse homicidium, vti permisere mundani Legislatores, & sicuti occidens inuasorem non agit contra voluntatem Legislatoris ciuilis, ita neque contra Legislatoris Dei voluntatem agere dicendus est. Non est tamen necessè, vt dicamus, S. Doctorem priorem sententiam retractasse, cum præcipuè ab scripto libro primo de libero arbitrio post triginta & amplius annos libros retractationum scribens illam priorem sententiam non expungens, iterum approbasse censendus sit. Itaq; verumq; dictum est componendum ex eiusdem S. Patris effato lib. 1. de lib. arb. c. 5. vbi ait: *Potest ergo illi legi, quæ tuendum est ciuium causa, vim hostilem eadem vi repelli iubet, sine libidine obtemperari.* Augustinus vt hostis occisio sit licita, hoc tantùm vult, vt actio occidendi ab illa noxia cupi-

V. q. ad
Macedon.

cupiditate sequeſtretur; quare ſi quis ſe defendens id agat, non motus illa cupiditate, qua ad ſui deſenſionem bruta etiam impelluntur, ſed pacato rationis imperio, nempe ob bonum reipublicæ, vel familiæ, vel vt moriatur, cum maiori probabilitate ſalutis, quæ maximè Chriſtianum conſideratio decet, vel quocumq; alio digniori fine procul ab illo cupiditatis irrationalis impulſu, aggreſſus citra culpam poteſt licitè inuaſorem occidere. Quæ quidem conſideratio, licèt illis in anguſtijs, non ita in promptu eſſe videatur, eadem probabilitate defenditur, qua S. Thomas intentionem occidendi hoſtis vel vt finem, vel vt medium diſtinxit ad hoc vt quis poſſet licitè inuaſorem interimere, vt per ſe conſideranti patebit.

Eſt alius etiam facilior modus Auguſtinianæ ſententiæ exponendæ, ſi dicamus, Auguſtinum, quando occiſionem aggreſſoris peccatum appellauit, intellexiſſe moralem defectum actionis, in quem incidit, qui relicto actu longè perfectiori, imperfectiorem eligit, vnde ex inſipientia operari dicitur. At qui ſe permittit occidi, nec curat, cum poſſit, nec hoſtis vitam redimere, excellentiorem quouis infortunio animum habere ſe moſtrat, haud in bonis reputans vitam, quam amittere paratus eſt, & non habere paratior, vnde ſummè laude commendandus venit, quo pacto Anaxarchus, Stilpo, alijq; veterum præconia demeruerit. Secus verò agens exilis animi ſe eſſe oſtendit, vt quem viliffimi boni poſſeſſio impleat, ac tanti vitam faciât, vt omnibus viribus pro illius conſeruatione ſibi dimicandum putet. Quare apud veram ſapientiam ſtultè hic poſterior agere iudicabitur, vilisq; animi pœnas luet, ingenti illo laudum cumulo priuatus, quæ vitæ corporis contemptori debentur. Accedit fortitudinem maiorem exeri ab eo, qui generoſè mala patitur, quam ab eo, qui inſert, vt poſt Ariſtotelem 3. Ethic. cap. 9. probat S. Thomas 2. 2. q. 123. art. 6. vnde ait S. Pater cit. cap. 13. *Quid fortitudo? Nonne eſt illa anima affectio, quæ omnia incommoda, & damna rerum non in noſtra potestate conſtitutarum contemnimus?* Inſuper certum eſt, excellentis charitatis acutum illum futurum, quo quis mortem libens oppeteret potius, quam irruentem hoſtem interimens eiufdem perpetuæ damnationis cauſam eſſe; vt docet Aragon, Salon, Caietanus, alijq; ad q. 64. cit. S. Thomæ. Poteſt hæc explicatio colligi ex ijs, quæ idem in eo libro primo de libero ſcribit. Nam cum dixiſſet occiſionem inuaſoris nulla lege ciuili pleâ, ait cap. 5. *Ille verò culpa alias penas aptas habet, à quibus ſola mihi videtur poſſe liberare ſapientia.* At non agit iuxta regulas ſapientiæ, qui ob viliffimæ rei, quæ ſit in homine, conſeruationem ingenti ſe laude priuat, vnde ſecundùm eaſdem ſapientiæ regulas defectuoſè agit, quod eſt peccare. Sed plus aliquid velle fateor S. Doctorem, nam cap. illo 5. ait: *Quomodo enim apud eam, prouidentiam diuinam, ſunt iſti peccato liberi, qui pro ijs rebus, quas contemni oportet, humana cæde polluti ſunt? Videtur ergo mihi & legem iſtam, quæ populo regendo ſcribitur, rectè iſta permittere, & per diuinam prouidentiam vindicari.* Quæ ſanè verba inuaſoris occiſorem pluſquam dicti defectus moralis citra peccatum in operando reum conſtituunt. Igitur ſententia S. Doctoris ex ſubtilioris philoſophiæ principijs deducta generoſiori, ſuiq; eſtimatore animo digna non niſi iniuſtè reprehendi poteſt, cum illam Hebræorum, Græcorum, ac Latinorum ſapientiffimi ante Auguſtinum defenderint, qui vitam inter contemptibilia bona reiecere, vnde noſtri Patris aſſertum deriuat, vt ex ipſo luculenter oſtendimus.

S. XII.

*S. Augustinus in libris Retractionum nihil abs se de diuina gratia assertum
in libris contra Pelagianos scriptis expunxit.*

HOs Augustino errores Adamus, ac Moraines obijciunt, sed vano prorsus euentu; nam eo improbo labore non Hipponensis Præfulus famam, vel auctoritatem decurtarunt, sed quàm maximè promouerunt. Quis autem initio causæ non fuisset veritus, ne Augustinus in ducentis, & ampliùs libris, quos edidit, in tot epistolis, quas publicauit, in innumeris concionibus, quas ad populum habuit, in tot commentarijs, ac quæstionibus, quibus sacras literas explicuit, à rigidioribus hisce censoribus alicuius errati reus teneretur, cum vel bonum ipsum Homerum quandoque dormitare in adagijs sit? Neque enim omnia dicta illi licuit perpendere; aliquoties etiam scripsit animo distracto, ac calamo ad alia properante. Adjice immensam illam hæresum sytham, cui excindendæ, ac comburendæ vnus & securim, & facem Augustinus admouit. Nunc enim Manichæi: modò Arriani confutandi erant; nunc in Donatistas scribendum: statim contra Pelagianos eundem: sæpè simul omnes improbandi; neque hoc quidem commodè fieri poterat ob innumeras tum voce, tum per literas & petitas, & subinde datas consultationes. Haud in nonum annum volumina premere illi licuit, sed impolita, atque imperfecta emittere cogeatur, tantisque temporis angustijs premebatur, vt nec dictatos libros semel relegere posset, vt ipsemet testatur in epistola ad Marcellinum. Quamobrem si quid veritati minùs conforme eidem excidisset, iure meritò excusandus esset. Illud verò maximè notandum venit, quòd Augustinus, cum vniuersos à se elucubratos libros censoria grauitate recenseret, ac sæpè spongiam adhiberet, exarata aduersus Pelagianos volumina recognoscens, duò hæc tantum corrigenda dixit, nempe quòd lib. 3. con. Iulianum Medici cuiusdam veluti certum nomen posuisset, quod tamen penitus ignotum postea animaduenerat, quòdque in libro de natura, & gratia librum quendam Sixto Pontifici adscripserit Pelagij fidem secutus, qui tamen à Sexto Philosopho editus fuerat. Cæterùm nullum illis in libris contra Pelagianos assertum dogma recantauit, nullam non dicam sententiam correxit, sed neque vnum verbum veluti minùs aptum erasit, sed vniuersa, ac singula senili auctoritate approbavit, vt vel hinc diuina Gratia, quam triginta, & ampliùs libris contra Pelagianorum insultus acerrimè propugnauit, dignam veluti tanto labore vicem rependens, scribenti adfuisse credita sit, quo procul à quolibet vel leuissimo errore volumina illa cedro digna perscriberet. Et tamen hisce in libris Recentis Aristarchi tot excessus, tot antilogias, tot errores se deprehendisse iactant! Augustinus modestissimi vir ingenij suos hosce censes ita monitos vult in fine libri de dono perseverantiæ: *Qui verò errare me existimant, etiam, atque etiam, quæ sunt dicta, considerent, ne fortassis ipsi errent. Ego autem cum per eos, qui meos labores legunt, non solum doctior, verum etiam emendatior fio, propitium mihi Deum agnosco, & hoc per Ecclesie Doctores maximè expecto, si & in ipsorum manus venit, dignenturque nosse, quod seribo.* Quæ verba cum legisset summus Eccle-

fiasticorum annalium Scriptor, ac Vaticanæ Senatûs immortale decus Cæsar Baronius in hæc Augustiniani ingenij præconia erupit: *Hæc ipse digna quidem S. Augustini modestia, animique eius admirabili cum summissione verecundia, ut plane nisi aliunde, ex his saltem intelligere valeas, afflatum illo diuino spiritu illa scripsisse, cum non super quempiam alium, quam super humilem, quietum, & trementem sermonem Dei diuinum affore Numen, Deus per Prophetam fuerit contestatus.* At Ecclesiæ Doctores tantum abest, ut vel vna litura S. Augustini de diuina gratia doctrinam emendarint, ut veluti è sacrationi cortina datam eandem venerantes, contra Semipelagianos defenderint, ac Romana ipsa Ecclesia fidelibus sequendam proposuerit. Quod si Recentiores tot retrò sæculorum approbatione repudiata, eos se *Ecclesiæ Doctores* dicant, quibus sua scripta examinanda permisit Augustinus, sæculi huiusce nostri tantorum Hominum nutritoris felicitati adgratulandum erit, si Augustini tamen errores melius persuadere poterunt, quam hucusque fecere. At meliorem ipsis mentem, meliorem in Augustinum meum animum à Superis precor, ut prædicatio SUMMI IN ECCLESIA VIRI, (Prosperi verba sunt de antiquis Augustini calumniatoribus ad Rufinum scribentis) etiam ab his, à quibus ad præsens reuelliur, adiuvetur.

CAPVT V.

Recentiores XXXV. Doctorem testimonia, nempe Pontificum, Cardinalium, Episcoporum, aliorumque contra S. Augustinum producunt, quorum fides expenditur.

Recentiores nonnulli, ne S. Augustini auctoritatem alicubi deferentes, bonorum omnium indignationem subirent, in id consilij descendunt, Scriptorum omnium schedas sibi excutiendas esse, & si quid in illis minus honorificè de Augustino assertum sit, in publicum proferendum. Nam ubi eo in stadio aliorum vestigijs se inhæsisse monstrauerint, omnem facti inuidiam se declinaturos existimarunt. Ioannes Adamus, ac Franciscus Annatus id magno studio, ac ingenti labore executi sunt; ille 3. par. Caluini destructi cap. 7. p. 631. hic autem eo loci, ubi erga Augustinum debuerat esse reuerentior. Etenim Annatus, ut Iansenistarum iactantiam, qui totum sibi Augustinum vindicabant, compesceret, satis iustum volumen procudit, quo Augustinum contra Iansenium stare demonstrare conatus, vnus Augustini verbis contra aduersarium loquitur, & sicuti venæ toti corpori inspersæ sunt, ita & illa toto eo opere oberrant, resonantque. Quod verò Augustini se vindicem, ac propugnatorem ostenderet, hunc titulum libro dedit, AVGVSTINVS A' BAIANIS VINDICATVS, Iansenistas Baianos ignominie causa vocans, quòd Michaelis Baij proscriptas à Sede Apostolica theses defendere dicebantur. Qua fide id septem prioribus libris præstiterit, viderint illi, contra quos ibi decernat, à quorum causa procul sum. Octavus eiusdem voluminis liber totus contra Augustinum est, ut alterum sanè, atque omnino oppositum priori titulum poscere videatur. Siquidem postremo illo libro vniuersa in S. Augustinum dicta hinc inde magna industria, ac labore collecta producit. Augustinum Iudicem, Annate, appellas, ad eius tribunal cum Iansenianis

nianis litigas, illius sententiæ stare te dicis, cum nil nobis de tua fide mentuentibus, Augustinum non suspectæ quidem fidei Iudicem pronuncias (hoc enim utcumque tolerari posset) sed ex Iudice reum facis, ac contra eundem triginta, & amplius testes producis, uociferans te nominare: *Præcipuos Ecclesiæ Principes, Pastoresque celeberrimos, & Doctores scientissimos sensuum Ecclesiasticorum, minimeque suspectos.* Lib. 8. initio: Et ne paucorum contra Augustinum ea conspiratio censeatur, protestaris cap. 3. te aduocasse testes *ex Gallia, ex Italia, ex Hispania, ex Germania:* miror cur non etiam ex Iaponia. Cum Augustinum à Baianis vindicatum nobis ostensurum promittis, eundem miserè laceratum exhibes. Sanè Magnum illum Ducem Hipponensem ab hostibus tua virtute defensum in capitolio triumphantem cernere sperabamus: illi quidem lauream, tibi verò ciuicam coronam intexturi. Cum repenti ex defensore hostis acerrimus, à Iansenio in Augustinum aciem deflectis, ac innumeros tecum trahens eundem oppugnas. Scire vellem, quæ te ratio, Annate (si quæ in hisce vlla esse potest) ad longiorem hanc, & acerbiorum censuram scribendam impulerit? Respondes cap. 4. pag. 877. *Hæc duxi proponenda, ut intelligamus, non nimis inuerecundos fore, si qui forte non ita se faciles exhibeant in ijs omnibus admittendis, quæ videri cupiamus possint proposita fuisse ab Augustino.* Addis pag. 874. *Quæ plerique non videntur satis aduertisse, dum Molina audaciam exaggerant, indicantis aliquid lucis defuisse Augustino in concilianda cum creata libertate diuinorum decretorum, & auxiliorum efficacia.* Ergone ut Molinæ audaciam, quam exaggerant, excusares, Augustinus eximius ille Ecclesiæ Doctor tot errorum publicè coram Orbe Catholico ingenti testium turba conductâ accusandus fuerat? Et quidem Annatus nonnulla contra Augustinum testimonia producit, quibus nec ipse integram fidem præstare dicit. Hinc sunt præ illæ eiusdem voces initio cap. 3. pag. 864. *Refero tantum, non probo.* Quæ repetit cap. 4. pag. 876. *Quæ quidem ego refero, sed non probo.* Imò alicubi, dum pessimè Augustino obloquentes producit, quasi Sancti Doctoris vices dolens, hæc publicè initio cap. 3. contestatur: *Vellem & hoc, & alia quædam, quæ subiungam, mitius concepta.* Et pag. 876. cap. 4. dictèria Pighij in Augustinum recitans ait: *Omitto honoris causa, quod de Augustino subiungit.* Et pag. insequenti: *Non referam, quæ dixit lib. 6. &c. quod mihi videantur in S. Doctorem acerbius, quàm vellem, esse dicta.* Mirum hæc Annato in religionem venisse! Ego quidem huius Scriptoris voces furda aure pertransire decreueram; quis enim adeo erga Superos irreligiosus esse potest, ut dicenti velle se contra Augustinum testimonium dicere, aures præbeat, ac non potius audax hominis consilium execratus, procul abire eum iubeat? Ne tamen Augustinus qualiumcumque hominum testimonij succumbere videatur, libeat eadem repetere; etenim aduersarij testimonia infirmare, vel rejicere, boni aduocati, & bonæ causæ; præsertim cum plurimos contra Augustinum testes producit, qui Augustiniani nominis studiosissimi semper fuere. Initio autem eos testes nominat, quibus Iudices ipsi assurgant, Celestinum Papam, qui in epistola ad Episcopos Galliæ non vniuersam, ut putat, Augustini doctrinam approbavit, sed certas tantum quasdam sententias, de quibus nulla modò controuersia est. Verùm pluribus hæc suo inferiùs loco cap. 8. nobis examinanda sunt. Idem postea subnectit purpuratos Vaticani Senatus Patres, nempe Baronium, Sadoletum, Ro-

nauenturam, Caietanum, Perronium, & Valerium; de quibus sigillatim iudicandum est.

S. I.

Baronij, ac Sadoleti testimonia expensa. Ludouici Donij pro Sadoleta contra S. Augustinum dictare felluntur.

Igitur Annatus lib. 8. cap. 2. ait Baronium postquam tomo 5. ad annum 431. retulit illa verba Celestini in fine epistolæ ad Galliarum Episcopos *Profundiores autem &c.* dicere. *His, inquam, proficetur profundiores quæstiones illas de prædestinatione Sanctorum nequaquam ab Apostolica Sede definitas, illasque tantum esse stabilitas, quæ ad condemnationem errorum satis posse sufficere viderentur.* Quibus recitatis addit Annatus: *Hic ergo quæro, quæ sint illæ Auctorum quæstiones de prædestinatione, quarum liberam affirmandi, aut negandi facultatem Celestinus facit interpretæ Baronio.* Hallucinatum puto hunc Recentiorum, qui ea de Baronio publicat, quæ ille nusquam afferuit. Etenim eruditissimus Scriptor capita illa Celestini epistolæ annexa, nequaquam Celestino ipsi adscripta, sed Prosperi esse dixit, ita enim ibi ait: *Putantur illa capita esse Prosperi, qui tunc profiteri videtur, ea collegit ex decretis Romanorum Pontificum, simulque Concilij Africanæ, ubi idem Auctor hæc habet in fine: Profundiores verò, difficilioreque partes &c.* Et tamen Annatus audet affirmare, Baronium ita Celestini verba interpretatum, cum eadem Prospero attribuerit, imò nec citra dubium illius capitis hunc esse auctorem asserere ausus sit, putari tantum dixit. An verò Prosperi, & Baronius quæstionem illam de prædestinatione ad gloriam sine meritorum præuisione contra S. Augustinum resolui possit citra reprehensionem, affirmarint, iidem nos doceant. S. Prosper ad dub. 10. Genuensium ait: *Augustinus pia tamen, constantique doctrina abundanter probauit, prædicandam esse Ecclesiæ prædestinationem, in qua est gratia preparatio, & gratiam, in qua est prædestinationis effectus, & præscientia Dei, quæ ante sæcula æterna, quibus esset collaturus sua dona præsciuit, cuius prædicationis quisquis est impugnator, apertissimus est Pelagianæ elationis adiutor.* Baronius verò tom. 6. ad annum 490. postquam dixit, omnes Patres aduersus Faustum scripta conspirasse, hæc addit: *Cum igitur Faustum sententia ubique ab Ecclesiis fuerit contradictum, videant quanto periculo quidam ex Recentioribus, dum in Nouatores insurgunt, aut eos confutent, a S. Augustini de prædestinatione sententia recedunt, cum alioqui armis non desunt, quibus aduersarii profliguntur.* Et tamen de sententia S. Doctoris de prædestinatione ad gloriam hæc Annatus tradit: *Quamuis Augustinus in contrarium propendat, permittenda tamen erit huius quæstionis determinatio libera disputantium electioni, quod consensit etiam Cardinalis Baronius. Cap. 1. pag. 857.* Si nobis nullus esset oculorum vsus, ac ea tantum de Baronio crederemus, quæ de eodem Recentior ille publicat, Augustinus fortè causa caderet, sed cum opus diserte, clarissimè, citra ambages Cardinalis pronunciet, appellanda est hic Annati fides, qui vel in primo teste producendo apertissimè errat, Augustini salua res est, aduersario initio causæ falsitatis conuicto. In limine impiegit Annatus: infaustum omen.

Alter testis Purpuratus producit Jacobus Sadoletus, qui lib. 2. in epist.

ad Rom. interpretans illa Pauli *Quos præcinit &c.* hæc ait referente Annato pag. 860. *Ex altera quoque parte, & si ab ea fiat Doctor maximus, idemque grauiissimus, & Sanctissimus vir, Augustinus, tamen durum admodum mihi videtur, quodque illi non facile queat ad sensus nostros, si omnino à nobis nihil sit, quod valeat ad obtinendam gratiam in pari conditione cunctorum, ita quosdam eligi, ut ceteri in calamitate, & damno deficiantur &c.* Verùm ubi in Baronij testimonio recitando falsum Annatum vidimus, hic si non inuidum, saltem negligentem liceat appellare, qui delatas à Sadoletto Augustino laudes decurtat, testis ipsius verbis haud fideliter repetitis. Hæc scribit Sadoletus: *Sed ex altera quoque parte, & si ab ea fiat DOCTOR OMNIVM MAXIMVS, idemque grauiissimus, & Sanctissimus vir &c.* Vides verbi illius OMNIVM energiam, qua Sadoletus cæteris Ecclesiæ Doctoribus Augustinum anteposit? At illud Annati calamo hæsit, quod sanè casu, non consilio accidisse concederem, nisi aduersarij in Augustinum animus in aliam me sententiam traheret. Enimverò, si diceres, Suarium Doctorem maximum, eundemque grauiissimum, libenter id audiretur. At si adderes esse illum OMNIVM maximum, ac grauiissimum, ingentem illi inuidiam conflare, quasi Aquinate, Scoto, Alberto, cæterisque principibus Scholasticis superiorem faceres. Sed ad Sadoletum veniamus.

Hic Scriptor non solum contra Augustinum, sed & contra Annatum ipsum sententiam dicit. Annatus cap. 1. & 2. tradit, homines prædestinari sine meritis ad gratiam, dicamusque, inquit pag. 860. *ante præuisa merita homines ad gratiam prædestinari, post præuisum autem bonum usum gratia prædestinari ad gloriam &c.* At Sadoletus aliquid meriti ad obtinendam gratiam exigit, fatetur enim durum sibi videri, si omnino à nobis nihil sit, quod valeat ad obtinendam GRATIAM. Audin, gratiam dixit, non gloriam, quæ sanè fuerat damnata Semipelagianorum opinio, in quam Sadoletus minus cautè impegit. At quoniam Sadoletus post editum Annati librum elegantem aduocatam inuenit, Ludovicum Donium tom. 3. Hist. de Cardinalibus pag. 206. qui non modò Sadoletum defendit, verùm etiam num. CX. S. Augustinum arguit, quod hic *dam toto spiritus, ac verborum ardore pro defensione diuinæ gratiæ pugnat aduersus Pelagianos liberum arbitrium cum iniuria diuinæ gratiæ extollescentes, in alteram quasi fosseam delabi videretur, minusque interdum tribuere, quam par sit, liberæ hominis voluntati.* Quam censuram ad verbum Donius exscripsit ex Sixto Senensi in præfat. lib. 5. Bibl. Sanctæ: imò ex Iuliano infensissimo illo Augustini hoste apud S. Doctorem lib. 2. de nupt. & concup. cap. 3. Quare ut huius testis ab Annato conducti, & à Donio defensi, error aperiatur, eiusdem sententia de initijs fidei, ac reliquarum virtutum nobis monstranda est. Nam si ea in opinione eundem ad Semipelagianos accessisse monstrabimus, quis statim non intelliget, nullius fidei eiusdem testimonium haberi, quippe qui cum Augustini hostibus conspirauit? Scripsit Iacobus Sadoletus commentarius in epistolam Pauli ad Romanos, ubi cum ab Augustini sententia de prædestinatione recedere vellet, ad Semipelagianos miserè declinauit. In illud Apostoli cap. 8. vers. 29. *Quoniam quos prænouit, & prædestinuit &c.* hæc scribit: [Sic illud addo, ne in eodem quidem facto intelligi à nobis eius sapientiam, si nulla causa, ac ratione discrimen faciente, alios improbet, reijciatque ad interitum, alios ad salutem, & gratiam suam recipiat, cum isto agere modo, atque operari casus potius, quam consilij esse videat.

videatur.] Ita vult ex parte liberi arbitrij aliquid boni præcedere, vt gratia
 huic potius, quàm alteri donetur. Hæc planè Cæsianus sentiebat, cuius de
 Deo verba sunt Collat. 13. cap. 12. *Ne penitus dormienti, aut inerti otio dissoluto
 sua dona conferre videatur, occasiones quodammodò quærens, quibus humana segnitiei
 torpore discusso non irrationalis munificentia sua largitas videatur, dum eam sub co-
 lore cuiusdam desiderij, ac laboris impartit.* Affirmat tamen ibidem Sadoletus hæc
 initia bonæ voluntatis, quæ nos per nos ipsos ponimus, esse bona quædam im-
 perfecta, nam concedit virtutem secundum sui perfectionem sine gratia haberi
 non posse. [Nihil enim, inquit, perfectum esse à nobis potest. Sed NOSTRA
 sunt INITIA & cogitandi, & volendi. Atque ita nostra, vt magnam quo-
 que partem in illis obtineat Deus. Ipsum enim necessariò propositum nobis
 habemus, cum ipsum volumus, & cogitamus, vt sit ipse prius nostrarum co-
 gitationum, voluntatumque inuitamentum, ad quem cum inclinauerimus,
 quod bonum propositum vocat Paulus, velle deinde, & operari ex illo bono
 proposito PERFECTIVS à Deo nobis est, cum ipsius ope, & subsidio ad re-
 cte agendum, constantique volendum & fulciamur, & præmoueamur.] Hoc
 ipsum docebant Semipelagiani, qui initia, & boni tantum imperfecti inchoa-
 tionem viribus liberi arbitrij deputabant. Audiatur idem Cæsianus lib. 12.
 cde instit. Mon. cap. 14. *Sed planè constantissimè non mea, sed Seniorum sententia
 definitio, PERFECTIONEM quidem sine his omnino capi non posse, his autem solis si-
 ne gratia Dei posse eam à nemine consummari. Vt enim dicimus conatus nostros appre-
 hendere eam per se ipsos sine Dei adiutorio non posse, ita pronunciamus laborantibus tan-
 tum, ac desudantibus misericordiam Dei, gratiamque conferri.* Quæ cap. 23. de do-
 no pers. S. Pater explodit. Idem Sadoletus in illa cap. 9. vers. 22. *Si autem vo-
 lens Deus ostendere iram &c.* scribit: [A nobis aliquæ initia bonæ voluntatis, vt
 præparari ad misericordiam apti sumus, proficiuntur.] Non dissentit à Cæs-
 siano lib. 6. de instit. Mon. cap. 18. vbi ait: *Non omnibus una gratia Spiritus S.
 tribuitur, sed ad quam se unusquisque studio, vel industria sua dignum aptumque præ-
 buerit.* Præterea Sadoletus in caput 9. memoratum hæc habet [Nam cum
 sub seruitute peccati nati nos simus, neque nostra ope ex illo, nostrisque viri-
 bus emergere, atque eijcere nosmetipsos queamus, volumus quidem EX NO-
 BIS etiam, & adnitimur, verumtamen ad confurgendum Dei ope indigemus,
 qui TENDENTES BRACHIA ad sese, corpusque agentes, vt euoluantur,
 misericordia sua adiuvat, ignavos verò, & desides, neque quicquam agentes,
 quamobrem debeant subleuari, in ipso luto infixos, perditosque relinquit.]
 In quibus egregiè concinit Fausto Semipelagianorū coryphæo lib. 1. de grat.
 & lib. arb. cap. 17. *Et ita se, inquit, duo ista coniungunt, attrahentis virtus, &
 obediens affectus, quomodò si æger aliquis assurgere conetur, & facultas animum non se-
 quatur, & propterea sibi porrigi dexteram deprecatur.* Addit: *Afficienti, & vocanti Do-
 mino famulus MANVM fidei, qua attrahatur EXTENDIT &c.* At Sadoletus
 ne positis iniitijs bonæ voluntatis ex viribus naturæ præter Dei auxilium, sta-
 tuere videretur, gratiam perfectioris virtutis dari ex meritis, addit: [Sic no-
 strum credere simplex illud, & inchoatum, quo ad obediendum Deo incipi-
 mus inclinari, non continuo mereri est, sed tunc meremur, cum firmati in bo-
 na voluntate ab ipso Deo &c.] Hoc pariter Semipelagiani tradebant, quo-
 rum princeps Collat. 13. cap. 13. ait: *Dum eam gratiam sub colore cuiusdam desi-
 derij,*

derij, & laboris impartit, & nihilominus gratia Dei GRATVITA perseveret, dum exiguis quibusdam, parvisq; conatibus tantam immortalitatis gloriam, tanta perennis beatitudinis dona inestimabili tribuit largitate. Irrisit hoc subterfugium Augustinus lib. de prædest. SS. cap. 2. Quis autem, inquit, dicat eum, qui iam capis credere, ab illo, in quem credidit, nihil mereri? Unde sit, ut iam merenti cetera dicantur addi retributione divina, ac per hoc Gratiam Dei secundum merita nostra dari. Vide eundem lib. 4. ad Bonifacium cap. 6. Ex his patet Sadoletum, dum imprudenter ab Augustini sententia desceſcit, Semipelagianis adhæſiſſe, qui initia quædam fidei, ac bonæ voluntatis in nobis ex nobis afferebant, quos Arauſicana Synodus II. hoc canone V. damnauit: *Si quis sicut augmentum, ita etiam INITIVM fidei, ipsamque CREDVLTATIS AFFECTVM, quo in eum credimus, qui iustificat impium, & ad regenerationem baptismatis peruenimus non per gratie donum, id est per inspirationem Spiritus S. corrigentem voluntatem nostram ab infidelitate, ad fidem, ab impietate ad pietatem, sed NATVRALITER nobis inesse dicit, Apostolicis dogmatibus aduersarius approbatur &c.*

Hic verò nobis res erit cum Donio, qui num. 106. scribit: *Verum quis tantum virum, tamque Orthodoxum Semipelagianis milaqueis irretitum credat, aut valentem, aut imprudentem?* Miror hunc Scriptorem adeo perfunctoriè epistolas ipsas Sadoleti legiſſe, ut non inde intellexerit, Sadoletum ob eam sententiam de initij virtutum, quam suis in Paulum commentarijs inseruerat, à doctissimo, ac sapientissimo Cardinale Gaspere Contarenò per literas reprehensum fuisse. Hæc enim rescribit Sadoletus lib. 9. epist. 9. Quod autem parciòr fui in præueniente Dei gratia explicanda, quàm par eſſet, agnosco eum errorè, cū tibi ita videatur. Rursus tamen ibidem repetit. (Pelagianum eſſe non puto si in initij aliquid retineamus, quod sit nostrum) Conqueſtus amicè fuerat Contarenus, quòd non satis pro dignitate de Augustini sententia in eiſdem interpretationibus locutus fuerat, videbat enim Contarenus eam opinionem de initij virtutum ex ſolis viribus arbitrij in Pelagij reliquijs ab Augustino ſolidiſſimè expugnatam fuiſſe. Illi verò in epistola 10. anno inſequenti data hæc Sadoletus repoſuit: [Cum ſcripiſſem ad Paulum, me quadam in re leuiter à te diſſidere, iſque mihi dixerit, cupere te ſcire, vbi, & qua de re ſit diſſenſio. Primum tibi prædico, me in illa de libero arbitrio ſententia non omnino aſſentiri Augustino, qui libertatem noſtræ voluntatis PERSPICVE aufert: dumque Dei gloriam maximè complecti vult, videtur mihi illi derogare aliquid potius, quàm quod videatur, tribuere. Hæc ſi eſſemus vnà, librosque in manibus haberemus, facilè me tibi probaturum conſiderem.] Hæc ſi Annatus legiſſet, dubio procul inter nobiliora contra S. Doctorem testimonia recenſuiſſet. Sed nec Donius commentarios Sadoleti legit; nam ſi eoſdem vel leuiter inſpexiſſet, proſectò intellexiſſet ſemet operam perdere, dum Sadoletum ab errore conatur vindicare, quaſi ille hoc tantum voluerit, ut in initij ex ſpiritu gratia operantis factis, aliquid noſtrum reperiatur, quia anima, vel eius potentia inſtuitur phyſicè in actus vitales ſupernaturales. At Sadoletus duriùs loquitur, quàm vt eo pacto emolli ri poſſit. Etenim loco ſuperiùs laudato Pauli Rom. 8. vt vniuerſam quaſtionem tolleret, ſeq; ob initia virtutum naturaliter poſita à quacunque erroris ſuſpicionè liberaret, ſcribit quòd [cum Deus dupliciter cauſa bonarum rerum ſit, vel vt effectòr, & ipſe agens, vel vt finis, reſque deſiderata] priori modo

modo ait, Deum mouere ad actus nobiliores, & perfectos virtutum fidei, amoris Dei, religionis &c. postea verò addit: [Verum quâ Deus finalis rerum causa est, & ad eum, vt ad summum bonum mentes nostræ mouentur, nostra licet æuens voluntas, & cogitatio, & prima illa, atque inchoata actionum nostrarum consilia ex Deo quoque sunt.] Rationem assignat: [Non enim tunc vt mouens, & impellens author ipse est, & principium vniuersum nostræ voluntatis, sed vt appetitus, & desideratus: magnum quidem tum quoque momentum afferens ad inclinandum nos, atque alliciendum.] Non ergo primi illi boni motus in Deum ex Sadoletò sunt *ex spiritu gratia operantis*, vt Donius dicebat; neque enim Deus tunc mouet, *vt effector, & ipse agens*, qua ratione semper mouet per spiritum gratiæ operantis: vnde sunt illa Arausicanæ Synodi can. 9. *Quoties enim bona agimus, Deus in nobis, atque nobiscum, vt operemur, operatur.* Neque Semipelagiani negabant ad initia illa bonorum operum Deum mouere in ratione finis, Deus enim erat obiectum apprehensum sub ratione veri, & boni, cui inchoatiuè credebant, quod desiderabant, quod petebant. Ideo verò damnati sunt, quia non satis est, Deum mouere tantum vt obiectum, sed mouere debet tanquam agens ad hoc vt credamus, & velimus per infusionem S. Spiritus ex eodem Arausicano can. 6. & can. 5. vbi statuitur *initium fidei, ipsumque credulitatis affectum fieri in nobis per gratiæ donum, idest per inspirationem Spiritus Sancti.* Aliunde etiam Donius Sadoleti errorem intelligere poterat; dum idem hæc de Augustino scribit: *Libertatem nostræ voluntatis perspicuè aufert.* Sunt hæc putidæ Semipelagianorum tum veterum, tum recentiorum voces. De primis scribit S. Prosper ad Rufinum: *Scripta eius, nempe Augustini, quibus error Pelagianorum impugnatur, infamant: dicentes, eum liberum arbitrium penitus submouere.* Easdem tibias contra Augustinum inflarunt Arminiani, noua Semipelagianorum progenies, quorum vnus Hugo Grotius lib. 17. Hist. Belgiæ ait: *Primus omnium Augustinus, ex quo ipsi cum Pelagio, & eum secutis certamen (nam ante aliter & ipse senserat) acer disputandi ita libertatis vocem relinquere, vt et decreta quadam Dei præponeret, quæ vim ipsam destruerent viderentur.* Quis igitur posthac Sadoletum eo in errore cum Semipelagianis, incautè quidem, & inscianter, negabit conspirasse, dum illorum conuicia in Augustinum iactat? Donius num. C VIII. quod in calce literarum, vt putat, Celestini legitur, Profundiores verò &c. *magnopere animaduertendum* dicit. Verùm & id, quod cap. 3. asseritur *magnopere animaduertendum* illi fuerat, vbi de Semipelagianis contra Augustinum scribentibus, hæc recitantur: *Cum Pelagium, atque Celestium anathematizare non dubitent, magistris tamen nostris TANQUAM NECESSARIUM MODVM EXCESSERINT, OBLOQUUNTUR.* Quæ quidem si *magnopere animaduertisset*, haud equidem pronunciasset, quod Augustinus in alteram quasi foueam delabi videretur, minusque interdum tribuere, quam par sit, *libere hominis voluntati.* Num. CX. Ex hucusque fusiùs probatis euidenter constat Iacobum Sadoletum cum Semipelagianis contra Augustinum incautè sensisse, & reapse in extremam, & remotissimam sententiam contentionem disputandi, magis quam considerata, & quietaratione adductum se contulisse, quæ verba ita ille meritò audire debet, vt iuste eadem epistola 10. ad laudatum Contarenum contra S. Doctorem illemet vsurpauit. Interim Annatus videat, qualem contra Augustinum testem appellauerit, nempe Scriptorem, qui contra eundem cum

Semipelagianis quod initia virtutum attinet, conspirauerit; & tamen promiserat initio statim libri octauo se in iudicium contra Augustinum conducturum testes *minimè suspectos*. Hactenus de Sadoleto, cuius quidem erratum libentiùs sinitsem, sed Annati, & Donij ex Sadolèti verbis instituta contra S. Patrem accusatio inuito penitus, ac reluctanti hucusque dicta extorserunt.

§. II.

S. Bonaventura, & Caietani dicta examinantur.

Tertium testem opponit S. Bonaventuram in 2. sent. d. 33. q. 2. art. 3. dicentem: *Ad illud, quod primò obijciatur in contrarium de verbis Augustini, dicendum, quòd Augustinus in verbis illis non intendit dicere, quòd paruuli sensibilibiter crucientur; sed intendit eorum penam manifestare quantum ad earentiam visionis Dei, & quantum etiam ad vilicatem loci, & hoc valde abundanter exprimit, plus dicens, & minùs volens intelligi.* Verùm negotium nobis non facessit Bonauenturæ contra Augustinum testimonium, nam eo loci loquitur de libro de fide ad Petrum Diaconum cap. 27. vbi legimus, pueros decedentes sine baptismo *ignis æterni sempiterno supplicio puniendos*; qui liber est Fulgentij, non Augustini. Quare si communi illius sæculi opinione ductus Seraphicus Doctor Augustini illa verba esse putauit, cum alterius sint, eius testimonio non perstamus, non enim illius dictum apud Iudices quicquam ponderis habet, quo per deceptionem, de quopiam aliquid affirmatur, quod non ab illo, sed ab altero assertum constat. Hinc Sancti Doctoris modestia elucet, qui Augustini sententiam, vt putabat, haud seueriori censura perstrinxit, sed leni interpretatione mitigauit. At Annatus graui supercilio eandem in sententiam tonat lib. 8. cap. 1. *Negamus crudelem consequentiam.* Rursus eo dicto, Augustinus *plus dixit minùs volens intelligi*, semel Bonauentura vsus est; & ea in sententia, quæ à latere contra Pelagianam hæresim tradita est. Verùm Annatus pag. 893. laudata S. Bonauenturæ moderatione abutitur ad mitigandas Augustini sententias in quaestione de efficacia diuinæ gratiæ, hæc enim scribit: *Et si quis inslet, Augustinum alijs locis id exprimere, quis non videt, si hoc esset, nihil aliud sequiturum, quam vt dicit S. Bonauentura, illis locis Augustinum plus dicere, ijs autem, quæ sunt a nobis allata, minùs velle.* An verò illa in sententia de pœnis parvulorum fuerit Augustinus, nihil ad rem præsentem facit, nam de libro de fide ad Petrum locutus est Bonauentura, cuius verba, quàm parum aduersarios iuvent, abundè superius diximus cap. 3. §. 1.

Audiamus quartum Cardinalem Caietanum, qui sic loquitur 1. p. q. 70. art. 3. *Sustinent autem verba hanc glossam, quia quando contra Auerroem erat sermo, factum erat declinare in oppositum, vt Augustinus contra Pelagianos facit. Hoc est, ait Annatus pag. 862. excedere lineam necessaria veritatis, vt sit nimia quadam seueritas, & iniqua vexatio, quæ medium illud, in quo veritas sedet, transgredi iubet, si præcat Augustinus.* At medium se tenere clamat Augustinus, atque hoc primus mortalium docuit lib. 4. con. duas epist. Pelag. cap. 3. ad Bonifacium Papam hæc scribens: *Ista nepharia, & damabilia dogmata in hac tripartita diuisione; quisquis mente catholica exhorret, illius quinque partia latebras, insidiaque demittet, atque ita*

inter utrumque sit cautus, ut sic declinet Manicheum, ne se inclinet in Pelagium, ut-
 susque ita se coniungat à Pelagianis, ne se coniungat à Manicheis, aut si in alterutris iam
 teneatur, nec sic se à quibuslibet alteris seruet, ut in alteros itruat. Quis igitur Cai-
 tano in hoc credat, ac non potius Augustino coram Apostolica Sede hoc pro-
 testanti? Sed dices, impetu disputationis Augustinum extra subimit statutos
 à se limites excurrere, hoc est extra lineam necessariæ veritatis, ut loquitur tes-
 tium conductor. Miror Annatum, qui capita epistolæ Celestini ad Gallos
 annexa, ipsius Celestini esse putat, imò, quæ est hominis diligentia, atque
 eruditio, ne dubitavit quidem, hanc crambem iterum recoxisse. Vetus illa
 fuit calumnia à Semipelagianis Augustino opposita, unde eosdem falsarios
 obloquutores Pontifex reiecit, ut S. superiori diximus, cuius sanè verba; cum
 illi accusationem repetant, pro defensione nobis etiam repetenda sunt, hæc
 enim scribit: *Quia nonnulli, qui catholico nomine gloriantur, in damnatis autem hære-
 ticorum sensibus seu pravitatibus, siue imperitiis demorantur, piissimè disputatibus ob-
 uiare presumunt, & cum Pelagium, atque Celestium anathematizare non dubitent, ma-
 gistris tamen nostris, tanquam necessariū modum exceßerint, obloquuntur.* Sed Anna-
 tus, qui solam appendicem epistolæ, *Profundiores uerè &c.* ante oculos habuit,
 hæc in anteriori paginæ legere non valuit, vel legere, ac negligere idem fuit.
 Igitur Augustinus, Celestino iudice, vel si negatis, saltem teste, lineam neces-
 sariæ veritatis non excessit. Quis autem vnius Caietani testimonium S. Cele-
 stini Papæ contestationi præponendum ducat?

S. III.

*Cardinalis Perronius, Valerius, ac S. Carolus Borromeus minus rectè
 contra S. Augustinum adducti.*

Sequitur quintus accersitus ex Gallia Perronius & purpura, & crectis ex
 continuo cum hæreticis bello trophæis clarissimus, cuius sunt hæc ver-
 ba, inquit Annatus: *Sat monui in quarta mearum obseruationem nos admodum distin-
 guere proprias S. Augustini opiniones, dum loquitur, ut priuatus Doctor, & eiusdem
 narrationes, quibus loquitur, ut testis usus communis Ecclesiæ, vel ea dicit, quæ Do-
 ctorum ætatis suæ communi consensui conformia sunt; ab cunctis siquidem argumentari
 nos tantum probabiliter, ab alijs demonstratiue.* Benè ille quidem, ac dignè de Au-
 gustino sentit; quis enim priuatas Augustini sententias in Sacræ v. g. paginæ
 explicatione intra fidei canones refert? At hic controuertitur, quid de Au-
 gustini auctoritate Perronius sentiat in questione de prædestinatione, & gra-
 tia. Nam de Augustini auctoritate in ijs, quæ ad diuinam circa homines providen-
 tiam spectant, testimoniate producturum in ipso titulo libri octauo sponde-
 ras. Liceat mihi Augustini huc verba inflectere: *Ingredere, Perroni, ingredere,
 & conside cum fratribus tuis, à quibus nulla ratio, nulla tentatio te separauit, opus est
 tua, & maxime tua sententia.* Lib. I. con. Iul. cap. 6. Arrige Annate aures,
 Perronius suum de Augustino testimonium profert: *Augustinus Maximus post
 Apostolos prædestinationis Doctor, imò OS, & LINGVA VETERIS ECCLESIAE
 quantum ad illam de gratia doctrinam.* Lib. I. Resp. ad Regem Angliæ cap. 12.
Quid te igitur, addit Augustinus, adiunxit quod Perronij, tanquam tibi suffragaretur,

testimo-

testimonium, posuisti? Vis scire an suam de prædestinatione sententiam docuerit Augustinus ut priuatus Doctor, an ut testis usus communis Ecclesiæ? Audi ipsum tunc hæc dicentem lib. de dono perseu. cap. 23. in fine: Ac per hoc prædestinationis huius fidem, quæ contra nonos hæreticos noua sollicitudine nunc defenditur, nunquam Ecclesiæ Christi non habuit. Non igitur ea in re loquutus est Augustinus, ut priuatus Doctor, sed ut tradit Perronius, ut os, & lingua uetëris Ecclesiæ. Quare quis non indignetur Annato, qui eos contra Augustinum testes nominat, qui S. Doctoris sententias ad cælum vsque laudibus efferunt?

Itane sextum contra Augustinum testem dabit Verona nostra Augustinum, ut ais, recentiorum Valerium Venetum Cardinalem? Hic lib. 3. Rhetor. Eccles. cap. 42. horum Clericos monet: *Beatis Augustini scripta Clerici caute admodum legant. Ita enim acumine ingenij præstitit, & de rebus difficilibus tam subtiliter disputauit; ut non mediocri ingenio præditi uiri eius libros legentes in errores aliquando lapsi sint.* Hoc egregium scholion affingit Annatus pag. 863. *Et hoc quid aliud est, quam id ipsum, quod monentem audiuiamus Bonauenturam, Augustinum plus dicere aliquando, & minus uelle intelligi.* O præclarum nostri commentatoris commentum! Cardinalis Valerius nonnullos Augustinensium librorum Lectores lapsos in errores scribit, quod subtilissimum Augustini sensum minimè assecuti sunt. Annatus ex Valerio inde lapsos dicit, quod Augustinus disputans plus quandoque uerbis excurrat, quod non est de difficilibus tam subtiliter, ut ait Valerius, sed tam incaute, ut interpres contendit, disputasse. O Superi mires animos! Magnus ille Patriæ meæ Antistes Augustiniani ingenij acumen, atque in disputando subtilitatem, quam plerique licet nobili ingenio præditi, assequi nequiuerunt, commendat: Annatus inde contra Augustinum excessum accusationem truit, ac testem contra S. Doctorem illum se dare fingit, qui est eiusdem Augustini eximius laudator. Eos sanè, de quibus Valerius loquitur, in errores lapsos fuisse, Augustini-ne, an ipsorum, qui Augustinum non intellexerunt, culpa est? Quis autem nesciat, plurimos profundos quorundam Sacræ paginæ uerborum sensus non assequentes in hæreses ruisse? Itane in Sacri eloquij Authorem Spiritum S. culpam deuoluemus, an non in ipsorum potius petulantiam, qui ultra ingenij vires sese euehere conati sunt? Hinc eruditè Facundus Hermianensis Episcopus, qui pro tribus capitulis sub Iustiniano scripsit in lib. con. Mocianum ait: *Quid autem, inquit, in hoc miremur, neque enim melius loqui potuit Augustinus, quam Propheta, quam Apostoli, & Euangeliste, quorum mentibus similiter male intellectis, & incongrue adhibitis tam multi suos defendere conantur errores.*

Notat ibidem Annatus, S. Carolum Borromæum Valerium ad illud opus scribendum excitasse, idemque absolutum approbasse, unde uti Valerius, ita & S. Carolus contra Augustinum stare Annato visus est: *Vt ideo, inquit, uideri possit, ac debeat unum hoc testimonium esse duorum uirtute, ac Sanctitate Eminentissimorum Cardinalium.* Ita contrarium S. Doctori S. Carolum facit, qui id ne somnauit quidem. At cum Valerius pro Augustino loquatur, suppar illi Borromæus addendus est. Sed age, ipsius S. Caroli de Augustino testimonium proferamus. Ille in epistola ad Ciuitatem Mediolanensem ait: *Nemo est, qui ignoret, quantum utilitatis, & fructus attulerit Ecclesiæ Dei magnus illius Doctor Augustinus. Exinxi in Africa Manichæos, expulsi Donatistas, in nihilum Pelagid-*

nos hæreticos redegit, Fortunatum Hæresiarcham confutavit, & ut uniuersa paucis complectar, omnia venena aduersus Orthodoxæ Religionis puritatem à Demone eructata, sustulit. Hinc factum est, ut ex illius doctrina, & à Patribus eundem subsequitis, & a Synodis, à Theologis, ac Catholicis Academicis tot Ecclesiæ dogmata fulcimentum, & robur acceperint. Et hæc quidem fuit sanctissimi Mediolanensis Antistitis de D. Augustino sententia.

S. IV.

Falli eos, qui S. Augustinum interdum iniquiorem libero arbitrio fuisse calumniantur.

Post purpuratos testes ingentem aliorum Scriptorum cateruam contra S. Augustinum trahunt, quos sigillatim repetere non vacat, eos verò ad certas veluti classes redigam, si qui plures in eandem de Augustino opinionem coierint. Et primo loco opponit Annatus libro 8. Adamus par. 3. Cal. destr. capit. 7. & Decampsius libro 3. hæref. Ians. disp. 1. cap. 3. Genebrardum Aqueensem Antistitem in epist. præfixa oper. Origenis, Albertum Pighium lib. 3. de lib. arb. & Sixtum Senen. in præfat. lib. 5. Biblioth. dicentes Augustinum interdum libero arbitrio fuisse iniquiorem. Vetus ea quidem, ac rancida Pelagianorum, & Semipelagianorum calumnia est. Iulianus lib. 1. oper. imper. cap. 54. scribit contra Augustinum: *Liberum arbitrium in natura hominis perseverat, quod et tu cum Manichæis negas, ita nos cum Apostolis, & omnibus Catholicis cōfitemur.* De Semipelagianis patet ex epistola Prosperi ad Rufinum, cuius verba data sunt S. 1. Quanta autem veritate hanc à se calumniam Augustinus propulsauit, illos solum nescire arbitror, qui S. Doctoris libros nec à limite salutauerint. Totus liber de gratia, & libero arbitrio pro humana libertate decernat, initio statim hæc scribit: *Quoniam sunt quidam, qui sic gratiam Dei defendunt, ut regent hominis liberum arbitrium, aut quando gratia defenditur, negari existiment liberum arbitrium, hinc aliquid scribere ad vestram charitatem, Valentinus frater, & ceteri, qui simul Deo seruitis, compellente mutua charitate curant.*

Genebrardus ait: *Augustinus fuit iniquior interdum libero arbitrio.* Sixtus Senensis pag. 875. testatur Sanctum Doctorem minus interdum, tribuere, quam par sit, libera hominis voluntati. Hi quidem INTERDUM libero arbitrio minus æquum S. Doctorem fuisse affirmant. At Decampsius proximè nominatus de iisdem scribit: *S. Augustinum PERSÆPE libero arbitrio minus æquum fuisse affirmans.* Neq; hic fideliter testium dicta exhibens. Imò nec Sixto Senensi Augustinus indignaretur, qui apertè hæc habet lib. de grat. Christi cap. 47. *Sed quia ista questio, ubi de arbitrio voluntatis, & Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur, quando autem asseritur Dei gratia, liberum arbitrium putetur auferri.* Cum verò Iulianus obieciisset Augustino, dicere ipsum liberum arbitrium Dei gratiam commendando negari, respondet lib. 4. con. eundem cap. 8. *Non dixi negari arbitrium liberum, vel auferri, sed dixi, ut putetur auferri.* Albertus Pighius ineptissimus S. Doctoris cenfor est, nam libro 3. de libero arbitrio hæc in S. Augusti-

num effutit et non extimuit: *Libero arbitrio alicubi videtur iniquior, etiam parum illi, quam potest, tribuit: eius facultatem vel extenuat, vel dissimulat, vel eludit, certe omnibus viribus desecit.* Quis autem impudentis hominis testimonio credat, cum S. Hormisdas Papa in epistola ad Possessorem scribat: *De arbitrio tamen libero, & gratia Dei quid Romana, hoc est Catholica sequatur, & seruet Ecclesia, licet in varijs libris B. Augustini, & maxime ad Prosperum, & Hilarium abunde possit cognosci &c.* Itaq; Augustini doctrina de libero arbitrio doctrina Ecclesiæ est. Non igitur iniquus est Augustinus libero arbitrio, non illud elidit, non extenuat, non suffocat; nam pessimum alioqui Ecclesia Magistrum sequeretur. Quis etiam non spernat ineptum Pighij consilium, quo monet ad veram de libero arbitrio doctrinam percipiendam, legendos esse potius libros S. Doctoris ad Catholicos datos, quam reliquos contra Pelagianos scriptos. Stultè: quasi diuersa in alterutris via abierit. Irrisit hoc Massiliensium effugiù, quo S. Doctoris libros vniuersos recipere recusabant, S. Prosper in fine libri cõtra Collatorem: *Maneat, inquit, planè maneat ista conditio, ut horum librorum nouitas repudiata videatur, si in eadem causa eiusdem viri dissentit antiquitas, & ut inutile, aut incongruum iudicetur, quod ab his, quæ contra Pelagianos condidit, dissonans inueniatur.*

Porro si queramus, vndenam iisdem Scriptores moti sint, ad Augustinum tanta calumnia onerandum? Respondet Decampsius citatus, quod Augustinus dixit, peccato Adæ amissum, ac perditum liberum arbitrium. Quod in Enchiridion cap. 30. his expressit: *Libero arbitrio malè utens homo, & se perdidit, & ipsum.* At eadem ferula vapulabunt Synodi, ac Pontifices, qui iisdem verbis Sanctissimi Magistri sensum definire. S. Gelasius Papa in epistola ad Episcopos per Picenum ait: *Dicunt, quod homo per liberum arbitrium, quod corrupit, sedauit, ac PERDIDIT, bono suffragante natura beatius efficiatur.* Concilium etiam Arausicanum can. 13. hæc definit: *Arbitrium voluntatis in primo homine infirmatum, nisi per gratiam baptismi non potest reparari, quod AMISSUM, nisi a quo potuit dari, non potest reddi.* Quis enim neget Adamum amisisse potestatem benè, ac meritorie operandi ob peccatum commissum? Sanè hæc est S. Innocentij definitio in epistola ad Patres Carthagenenses: *Librum enim arbitrium, inquit, ille perpeffus, dum suis inconsultijs utitur bonis, cadens in prauaricationis profunda demersus est, & nihil quemadmodum exinde exurgere posset inuenit, suaq; in æternum libertate deceptus huius ruina iacuisse oppressus, nisi eum post Christi pro sua gratia releuasset aduentus.* Audiatur interim sui interpres Augustinus apud Apostolicam Sedem sua dicta exponens: *Peccato Adæ arbitrium liberum de hominum natura perisse non dicimus, sed ad peccandum valere in hominibus subditis Diabolo, ad benè autem; pièq; viuendum non valere, nisi ipsa uoluntas hominis Dei gratia fuerit liberata, & ad omne bonum actio-*

Lib. 2. ad
Hensl. 5.
& Lib. 1.
cap. 2.

S. V.

Falli item eos, qui dicunt S. Augustinum contra Arium ad Sabellium, & contra Sabellium ad Arium declinasse.

DVos alios testes contra Augustinum vel nolentes trahit Annatus, Cornelium Mussum Episcopum Bituntinum pag. 865. & Magnum Theologum

gum Ioannem Scotum pag. 872. Ille quidem in cap. 5. epist. ad Rom. ait: *Non ergo uos moueat Augustinus uel tantillum. Hoc est enim illi peculiare, ut cum aliquem expugnat errorem, tanta uerementia illum exaggeret, ut alteri opposito causam præbere uideatur.* Ita cum Arium insectatur, uidetur fauere Sabellio, cum Sabellium Ario, cum Pelagium Manichæis, cum Manichæos Pelagio. Ille uero in 2. d. 33. q. 2. ad 1. scribit: *Et ita multum ponderandum est, contra quos hereticos sancti sunt loquuti, sicut Augustinus contra Arium uidetur quasi declinare ad Sabellium, & e conuerso: similiter uidetur contra Pelagium declinare ad Arium.* Rectè corrigit Annatus dicendum, fortè Manichæum. Hæc quidem illi.

At enim modestè loquitur Mussus, ait enim Augustinum contra Arium disputantem uideri Sabellio fauere, mitiùs Subtilis hoc ipsum expressit, addidit enim quasi uidetur. Quod non ob ineptam Augustini methodum, sed ob mysterij difficultatem, ac Lectorum quorundam minùs perspicax ingenium dixerè, quæ libenter, uti notauimus, concedit Augustinus, & tamen Annatus ait eadem pagina 872. *Quas factum sit, quemadmodum antea ex alijs referebamus, ut Augustinus declinat in oppositum: cum tamen illi uisum fuisse, uel quasi uisum fuisse declinare scribant.* At quod Recentiores inde uelint conuincere, S. Augustinum contra Arium disputantem ad Sabellium declinasse, patens calumnia est, numquam enim contra Arium disputans, atq; unitatem. essentiae adstruens uisus est personas in vnum confundere, ut fauere Sabellio dicendus sit. Augustini dictum uel vnum producant, & causam integram illis cedimus. Imò nullus mortalium adeo exactè mediam inter Arium, & Sabellium uiam tenuit, ut Augustinus, qui media ipsius uia linea incescit. Vnum, & alterum testimonium proferam, quo aduersarij falsitatis penitus conuincantur.

S. Doctor tract. 37. in Ioannem ita Hipponenses suos alloquebatur: *In errore Sabellianorum vnus est solus ipse Pater, qui filius. In errore Arianorum, alius est quidem Pater, alius filius, sed ipse filius non solum alius, sed etiam aliud. Tu IN MEDIO quid? Exclusisti Sabellianum, exclude & Arianum. Pater Pater est, Filius Filius est, alius, non aliud, quia ego, & Pater, inquit, vnus sumus, sicut etiam hesternæ die, quantum potui commendauimus. Cum audit, sumus, abscedat confusus Sabellianus, cum audit, vnum, abscedat confusus Arianus. Gubernet Catholicus INTER VTRVMQUE fidei sua nauigium, quoniam cauendum est in utroque naufragium. Quid cruditiùs, quid subtilius, quid uerius dici potuit? Passim hoc Populo inculcabat, quò regia inter Sabellium, & Arium via procederet. Omnino audiendus est iterum Augustinus tractatu 71. in Ioannem ubi elegantissimè ita hæreticos confutat: *Contraria dicitis, sed non eodem modo, sicut est falsum contrarium uero, sed sicut sunt inter se duo falsa contraria. Errando in diuersis itis, IN MEDIO est uia, quam relinquitis. Inter uos ipsos longiore intervallo separati estis, quam ab ipsa uia, cuius desertores estis. Vos hinc, uos autem illinc huc uenite, alteri ad alteros transire nolite, sed hinc, atq; illinc ad nos ueniendū, inuicem uos inuenite. Sabelliani agnoscite, quem prætermittis; Ariani æquate, quem subditis, & in uia uera nobiscum ambulabitis: est enim quod inuicem ex uobis alteri ex alteris admoneri utiq; debeat. Audi Sabelliane: Vsq; adeo non ipse Pater, sed alter est Filius, ut cum Arianus inæqualem asserat Patri. Audi Ariane: Vsq; adeo filius æqualis est Patri, ut Sabellianus eundem esse dicat & Patrem. Tu adde, quem tollis, tu adimpe, quem minuis, & nobiscum ambo constitis, quia nec tu tollis, nec tu minuis eum, qui & alter est a Patre, ut conueniat**

cas Sabellianum, & equalis est Patri, ut conuincas Ariannum. Vtrisque enim clamat: Ego, & Pater vnum sumus. Quod ait, vnum, audiant Ariani, quod ait, sumus, audiant Sabelliani, & nec illi æqualem, nec illi alterum negando sint rani: Ira-ne, si superis placet, qui non modò regia via semper incescit, sed qui eandem posteris non dicam digito monstraui, sed pedibus fecit, extra orbitas excurrisse, & ad extrema declinasse dicetur? Ego quidem priùs credam, reapse Solis currum ductante Phætoñte extra Eclipticam præcipitem actum, quam illis Augustini excessibus præstem fidem.

S. VI.

Expenduntur illorum testimonia, qui S. Augustinum nouitatis accusant.

Isti quidem tres Præsules sunt, quorum auctoritatem, ac doctrinam Annatus satis exaggerat: nempe Claudius Xaintes in lib. Atheis. Cal. tit. de prædestinatione, Ambrosius Catharinus in libello itidem de prædestinatione, Hieronymus Osorius lib. 9. de Iustitia, qui S. Augustini doctrinam de prædestinatione, & reprobatione nouitatis accusant, quasi senserit contra sententiam omnium Patrum, qui eundem præcesserunt. Verus sanè contra S. Augustinum Semipelagianorum cantilena est, vè ex literis Prosperi patet, cui S. Doctor hæc reponit lib. de prædest. SS. cap. 14. Quid igitur opus est, ut eorum serute mur opuscula, qui priusquam ista hæresis intraret, non habuerunt necessitatem in hac difficili ad soluendum questione versari, quòd procul dubio facerent, si responderet talibus cogenterentur. Sed hæc de re pluribus alibi dictum est. Sanè Clemens VIII. in disputationibus de Auxilijs Molinæ sententiam ad Augustinianum dogmatis de prædestinatione amissim exegit, & Fabstus Reiorum Episcopus inde præcipuè reiectus est, quòd S. Doctoris de prædestinatione sententiam impugnauit, quam Patres Augustinum subsecuti, Prosper, Fulgentius, Cæsarius, atque Africani Episcopi in Sardinia exules, itèmq; Monachi Scythæ, Rhemigius, Prudentius, alijque propugnarunt, quibus S. Thomas cum meliori Scholasticorum parte consensit.

Illud tamen notandum venit, horum trium Episcoporum contra Augustinum testimonia Recentioribus ipsis non exactè probari. Moraines disp. 9. num. 57. cum hæc parum honorifica de S. Doctore Claudij Xaintes verba recitasset: Pro resolutione fidei meæ, quam Ecclesiæ Catholice iudicio submitto, censeo D. Augustinum nimio contra Pelagianos ardore incensum nimis præcipitanter sententiam, & consensum prædecessorum suorum contempsisse, hanc ipsam censuram improbens ait: Hucusque Episcopus Ebroicensis, qui, ut opinor, & pace illius dictum volo, consultius fecisset, tantique Doctoris auctoritati conuenientius, si semper, & constanter quacunque dixit Augustinus, in sensum illum commodum exposuisset, & non tantam in opinando inconstantiam ei tribuisset. Dixerat enim Sanctissus Augustinum varium ea in sententia fuisse. Ambrosius Catharinus in libro de præscientia, & prædestinatione adeo aduersus S. Augustinum procax est, ut bilem mouerit vel ipsi Vafquo, vnde his Catharinum increpat 1. p. disp. 90. num. 11. Contra Augustinum parum modeste loquitur Catharinus, & in illius sententiam suo modo explicatam

tam maledictis procaciter fertur &c. At in hoc turpissime certe Catharinus lapsus est, tum quod non intelligens mentem Augustini, ipsum impudenter impugnat, & reprobat, tum quod ipse Augustinus contra Massilienses, & alios à Celestino Primo in epistola prima ad Episcopos Gallie honorifice defenditur. Et ibi recitatur Celestini elogio addit, hoc Celestini testimonium sufficere, ut os ipsi Catharino obstrueretur. Accedant ex Hispania duo Dominicanæ familiæ nobilissimi Doctores, qui hominis in Augustino impugnando licentiam castigant. Dominicus Soto in cap. 9. epist. ad Roman. Non potuit, inquit de Catharino, hic Reuerendus Pater citra temeritatis notam non solum Augustinum, verum Sanctos omnes noua, inauditaque sua commentatione contemnere. Et Bannez 1. p. q. 23. art. 7. propè initium de Catharino ita loquitur: Edidit tres libellos de prædestinatione, in quibus nihil est eruditionis, sed plurimum erroris. Quis verò quantulusue fuerit iste S. Augustini reprehensus, & vnde emerferit, tradit Soto in apologia de certitudine gratiæ initio his ipsum Catharinum alloquens: Iam ætate prouectus ex Iuriconsulto (trigesimum ætatis annum natus Florentiæ Dominicanæ familiæ nomen dedit) Theologus derèpente prodijisti, simul & audire cœpisti in scholis, & contra egregios scholarum Doctores scribere. Tanti auctoritatis apud suos habet Catharinus. Cæterum non possum non indignari Annato, hanc glossam pag. 866. Catharini testimonio appendenti: Ambrosij Catharini iudicium esset meruissimum suspectum, si quam proficeretur interdum in Augustino deferendo libertatem usurparet solus. Sed tanta cæterorum Doctorem conspiratio satis ostendit, Catharinum in ea re, non ut Catharinum, qui suo sæpe ingenio nimium indulsit, sed ut Ecclesiæ Catholicæ Archiepiscopum, & Doctorem id sensisse &c. Erras, Annate, erras. Catharinus libros illos de prædestinatione scripsit antequam esset Antistes, nam editi sunt Parisijs anno 1541. Ille verò Minorensis Episcopus in Picentinis dictus est anno 1546. die 27. Augusti ex tomo 7. Italiæ Sacræ Vghelli, Archiepiscopus verò Compis anno 1552. die 3. Iunii. Non itaque locutus est, ut Archiepiscopus Ecclesiæ Catholicæ, sed teste Soto uti nuperus ex Iuriconsulto Theologus in ijs libris, in quibus, assertore Bannezio, nihil est eruditionis, sed plurimum erroris. Hinc factum est, ut Catharinus Iuris peritus in illis libris sæpe laudaret Codices, & Digesta, ut suas de prædestinatione opiniones Theologis persuaderet.

Restat Oforius, de quo hæc habet Gabriel Vasquez 1. p. disp. 89. cap. 8. num. 62. Alterum, in quo hi Auctores nempe Catharinus, Camerarius, Oforius, fuerunt decepti, est, quod putarunt Gratos Patres Augustino contraria docuisse, quasi assereret Augustinus, homines ad gloriam sine meritis electos fuisse &c. Itaque Vasquio teste, Oforius deceptus est. Annatus libro primo sui Augustini à cap. 2. vsq. ad nonum fusiùs conatur probare, Augustinum non sensisse contra antiquos Patres, & præcipuè cap. 6. ubi Faustum contra Augustinum loquentem inducit. Qua ergo ratione Augustinum illis testimonijs oppugnat? Quid si dicat recitare se, quid illi senserint, non quid illis sentiendum fuerat de Augustino, hoc nobis fat est, haud plene eos testes Recentioribus probatos esse, quorum ipsis fatentibus, primus minus consulte locutus, alter impudens, parum modestus, & procax, imò nec mentem Augustini intelligens. Postremus denique deceptus dicitur. Annate, hos contra Augustinum testes? Sed alios modò audiamus.

S. VII.

Testimonia Driedonis, Tapari, Medine, & Vallofilli contra S. Augustinum producta falsata esse, nec fideliter recensita.

ANnatus quasi lippis, imò cæcis scriberet, ausus est eos contra S. Augustinum testes aduocare, qui vel maximè S. Doctoris auctoritatem tueretur, quod sanè nisi varijs technis vsus præstare potuit. Etenim eos citat, qui apertis verbis citra vllam contrariam interpretationem non modò Augustinianos se probant, sed Augustinianissimos; nouis enim verbis insolitæ Recensorum assertiones castigandæ sunt. Quò verò fidem testibus parer, aliqua eorum verba dissimulat, alia detruncat, alia mutat, graui contra tot Doctores iniuria.

In primis appellat Driedonem, testatus pag. 878, hæc scripsisse: *Neque sentire contra diuinam gratiam, neque si fallatur, perniciosè falli eum, qui quamuis Augustinus aliter sentiat, generalem agnoscit erga omnes homines, cum primum ad vsus rationis perueniunt, bonitatem, et eos iuvet peculiaribus auxilijs.* Driedo ed loci, nempe in lib. de capt. & redempt. gen. hum. cap. 2. tract. 4. memb. 2. par. 8. immediatè ante illa verba ab aduersario adducta hæc tradit: *Quamvis TVTIOR vivat quisquis cum venerabili Patre Augustino non per auxilia sufficientia ex aquo omnibus adultis proposita, sed per diuinam misericordiam, & iustitiam à curiosis hominum quæstionibus se absolvit, humiliatus sub potentis manu Dei.* Deinde quam ibi insinuat de auxilijs communibus sententiam locum in parvulis non habere ostendit, quo insolubili argumento S. Augustinus illam semper impugnaerat. At qui secus sentiat, non falli, inquit, perniciosè, si fallitur; nec contra diuinam gratiam sentire. Nam contra iustitiam potius sentit, quàm contra gratiam, nec perniciosè, sed tolerabiliter fallitur. Tu verò, Annate, ut Augustini in fine lib. 6. con. Iulianum verba, velis nolis, tibi ingeram, miserabiliter fallaris, vel etiam detestabiliter falleris, quando Driedonem contra Augustinum testimonium dicere tibi fingis, qui TVTIOREM S. Doctoris sententiam contestatur.

Rursus adducit eundem Driedonem lib. 1. de lib. arb. cap. 2. par. 5. ubi ait: *Ex Scripturis Sacris ab Augustino adductis super hac re non expressè, & efficaciter concludi potest, infantes sine baptismo decedentes supplicio æterni ignis esse cruciandos.* Adicitque Annatus nobile scholion: *En ut inefficaces fatetur adductas ab Augustino ex Scriptura Sacra probationes, utque optioni studiosorum permittit, ut illum, aut sequantur, aut deserant.* Intelligit Driedo testimonia scripturæ ab Augustino allata non efficaciter, hoc est, haud demonstratiuè probare poenam sensus puerorum in inferis; nam immediatè hæc de veraque sententia præmiserat: *Cum neutra videatur efficaciter ex Scriptura Sacra demonstrabilis.* Neque hanc sententiam demonstratiuè probatam nos contendimus; alias nullus posset oppositum tueri. Neque optionem facit, ut Augustinum vel sequamur, vel deferamus. Nam Augustino etiam illa in opinione nobis inhærendum esse exemplo docuit, hæc adstruens: *Ut ergo, quod nobis PROBABILIS, scripturisquæ sacris magis consonum videtur, asseramus, arbitramur huiusmodi parvulas sensibili*

quadam molestia, seu afflictione ab igne, & in igne torqueri. Audis, Annate, eam sententiam, quam tu pag. 838. tanquam crudelem detestaris, à Driedone adstrui probabiliorē, ac Sacræ paginæ magis consonam? Augustino igitur militat doctissimus ille vir, neq; vlla arte in Recentiorum castra abduci potest, sed inane tantum illius nomen fingi ad decipiendos incautos.

Driedoni Magistro supparem submitunt Ruardum Taperum ex eadem Lovanienſium Academia Doctorem, quem hæc contra Augustinum scribere tradit Annatus pag. 879. *Alia tamen opinio magis consentanea est Augustino, quod non omnibus Deus concedit tale auxilium &c.* Et deinde: *Hæc tamen opinionum prior videtur magis commendare divinam bonitatem &c.* At est, quod de Annato conqueramur, quippe qui verba Taperi plurimum Augustinianæ sententiæ fauentia omiserit; nam ita scribit Taperus ad art. 7. pag. 222. *Alia tamen opinio magis est consentanea Augustino, ET PATRVM CONCILIIIS, quod non omnibus Deus concedit tale auxilium.* Pupugere Recentioris mentem duo illa verba, quis enim inde non videat, quantum ponderis Augustinianæ sententiæ, teste Tapero, accedat? Illa igitur consilio omisit. Quare iure cum Augustino lib. 4. con. lul. cap. 8. hic liceat exclamare: *Vt appareat de re tanta, quibus abs te fraudibus disputetur.* Addit Annatus, significare Taperum, eandem sententiam esse Adriani VI. 4. Sent. q. 1. de penitentia. Hinc insultat pag. 886. *Adrianus quoque Sextus iuxta id, quod retulimus antea ex Ruardo Tapero, iungendus erit.* Sed profecto nullas nobis præstigas facies. Quid scripsit Adrianus citatus in sol. 3. dubij 5. *Ex his respondeo ad quesitum modò proferimus: Eam misericordiam, ait, ut probabiliter teneo, viatoribus exhibet Deus, qua sufficienter eis assistit, & suam gratiam offert, qua pro extremis saltem virium laborando, possent peccati indulgentiam promereri, cui in hoc differentia sit viatorum ab ijs, qui transierunt terminum. Si tamen contrarium faciat, id est, si non dat eis indulgentiam peccatorum laborando pro viribus, quod apud Doctores dubium, & incertum est, nequaquam iniustitia argui posset.* Vides primò dicere, se probabiliter hoc tenere. Vides 2. Adriano teste dubium, & incertum esse illud principium: *Faciendi, quod in se est, Deus non denegat gratiam*, quod Recentiores putant esse certissimum. Vides 3. Deum haud reprehendi posse, si laborantibus pro viribus adhuc denegat gratiam. Quæ Adriani dicta cum illorum Theologia non conveniunt. Ibidem verò ait: *In omnibus his exclamandum est cum Augustino: O altitudo divitiarum Sapientia, & scientia Dei.* Cum tamen Recentiores hanc S. Augustini exclamationem non modò non imitentur, sed irrideant, quod ex Ioanne Adamo superius fuit manifestum.

Accedit tertio loco Bartholomæus Medina magnus Dominicani instituti Theologus, eius verba sic recitat Annatus pag. 875. *Sine dubio sententia est Augustini, quod homo in pura natura habet naturalem virtutem operandi, quam non habet in lapsa. Non placet tamen Doctoribus. O integræ fidei exscriptorem! Medina, eò loci adducta sententia nonnullorum assensum, diverſam esse virtutem operandi hominis stantis, & lapsi ait: Quæ sine dubio videtur esse D. Augustini sententia.* Quæ ita recitat Annatus: *Sine dubio sententia est Augustini.* Falleris, ò bone Vir, non ita scribit Medina: *Videri ait, non verò esse reapse illam Augustini sententiam; tu verò illud verbum videri abradis, quo ex Medina vocibus Augustino acris insultes.* Sed nec ait: *Non placet tamen Doctoribus relege, & videbis ita scribi: Non placet tamen Doctoribus, quibus eam aliquibus,*

bus, sed fortè minùs; vt ille quidem putabat, doctis sententiam placere significat, eos autem tacito nomine paulò ante indicauerat. Sed alia rursus audienda est obiectio. Etenim recensita Medinæ sententia exclamat Recentior ille pag. 876. *Atq; hac ratione hic Auctor in dubitatam Augustini doctrinam hoc in puncto & Doctoribus contrariam esse fatetur, & SIBI sine ullo fidei violatæ, vel sprete antiquitatis scrupulo.* Bellè hæc sibi Annatus fingit. Medina sua ipsius sententia recitata apertè protestatur se non habere aduersarium Augustinum. Hæc sunt eius verba: *Neq; D. Augustinus huic nostræ sententiæ ullo modo aduersatur.* Et audes coram iudicibus, affirmare Medinam fateri, sibi esse contrariam Augustini doctrinam? Egregiè Augustinus contra Iulianum lib. 4. cap. 8. *Quis non expectet, inquit, sapientiam disserentis, qui fidem cognouerit mentientis.*

Eadem fide, animoq; Annatus pag. 870. ad tribunal contra Augustinum. Ferdinandum Vallofillum vel nolentem trahit, qui multis locis, inquit, satis indicat liberam esse ab Augustino interdum discedendi copiam. Deia plura Vallofilli testimonia producit, in quibus tamen hic adeo constanter cum Augustino stare se proficitur, vt mecum sanè illa reputans, in eam opinionem abeam, alienis illa oculis Annatum lecitasse: pudet enim, ac piget de viro tanti inter Recentiores nominis adeo palmares hallucinationes (non enim imposturas dicam) suspicari. Verùm eadem obiecta excutiamus. *Multis locis, ait, satis indicat liberam esse ab Augustino interdum discedendi copiam, vt quæsto 13. in 2. Tomum Chrysostomi, dum querit causam prædestinationis, & reprobationis.* At cur Vallofilli verba contra Augustinum non producis; quod cæterorum testimonia referens præstitisti? Sanè quia nullà sunt; debui dicere, contraria sunt. Etenim adeo mordicus Augustinianæ sententiæ de gratuita prædestinatione adhæret, vt ibidem dicat: *Opinio contraria non est probabilis, licet non heretica, & nullus eam deberet asserre in scholis, neq; alibi.* Et hunc dicis in disputatione de prædestinatione facere liberam ab Augustino discedendi copiam? Rursus ibidem, nempe quæsto 13. Chrysostomi testimonijs explicatis addit: *Augustinus Patrono non indiget, nam cum prius huic dogmati constanter adhesisset, re tamen diligentius perspectæ, opinionem locis innumeris retractauit.* Nempe Deum homines prædestinare ex præcuis meritis fidei naturalis. Addit aduersarius: *Et quæsto 18. in 3. Tom. S. Augustini, ubi disputat, an possint aliæ virtutes esse sine fide, & sic loquitur &c.* Non enim S. Thomas consentit cum Gregorio Ariminensi, neq; cum B. Augustino, quod omnes actus infidelium sint peccata. Respondemus Vallofillum hæc dixisse ex aliorum sententia calamo ad alia properante; nam quæsto 22. in D. Ambrosium, vbi ex professo quæstionem illam agitat, & ad quam se refert tom. 7. Aug. quæst. 18. & 19. & tom. 8. quæst. 3. & alibi, apertè S. ad argumenta Gregorij in responsione ad 4. tradit, S. Augustinum non idem sensisse cum Gregorio Ariminensi de operibus infidelium. Et in tom. 3. quæst. 18. scribit, de virtutibus infidelium S. Augustinum sensisse cum S. Thoma. Et tom. 8. quæst. 3. ait de eodem S. Doctore quærens, an omnia infidelium opera sint peccata: *Et ita in re conuenit cum communi sensu Ecclesiæ, & cum doctrina Doctorum Scholasticorum.* Et hæc est: Vallofilli de Augustino sententia.

Pergit Annatus: *Et quæsto 25. in 3. tom. Augustini, ubi concludit timorem seruilem tum bonum, tum meritorium esse, quamvis Augustinus videatur illi aliud sensisse, in quo fortè Vallofillus deceptus est.* Sed appello oculos Lectorum, nihil enim ibi

ait de Augustino, vt fingit Annatus, in fine tamen quæ sit eiusdem S. Doctoris dictum interpretatur, nec vsquam scribit, sibi videri, Augustinum asseruisse, timorem seruilem non esse bonum. Vnde non solum ille Recentior in S. Augustinum iniuriosus est, verum etiam in ipsum Vallosillum, quem *deceptum* dicit, ea de Augustino pronunciando, quæ ne somniauit quidem. Addit quartò. *Et quæsto 10. in 10. Tom. ubi dicit Augustini sententiam de causa reprobationis displicuisse plerisque veterum Patrum.* Benè: at statim quinam fuerint illi Patres significat, nempe *Masilenses, & Faustus Reinsis.* Hæc tamen siluit Annatus, videbat enim illos Patres esse Semipelagianorum Magistros, Hoc est, nullius prorsus auctoritatis. Potrò ibidem Vallosillus confutat Catharinum S. Augustini sententiam reprehendentem, & concludit: *Non ergo est, cur Catherinus in proloquio sui libelli diceret, se punctum prædeterminationis vera ratione attigisse, quæ Augustinum, ac ceteros antea Patres celata semper fuisset.* Tandem sic concludit: *Et quæsto 30. in 4. tom. ubi responsionem ad oppositam sibi auctoritatem Augustini in ea quæstione, num licet uxori de consensu mariti fornicari, sic exorditur: Pro B. Augustino respondemus, quod quid secundum veritatem tenendum sit, definimus.* Ita truncatum testimonium Vallosilli refert Annatus, vt putetur parui habita Augustini auctoritas, nam ille Scriptor statim addit: *Et ipse tantum proposuit quæstionem, an in casu uxor possit licite fornicari, accedente consensu viri, in quo sensu Doctores scholastici quæstionem non disputant.* Postea aliam explicationem annexit: *Secundò dicimus B. Augustinum casum non definisse, quod ex verbis eius constet, postquam enim casum proposuit, conclusit sic asserens: Nihil hic in alteram partem disputo, liceat cuique existimare quod velit &c.* Ex qua litera constat, quod cum dicat, liceat cuique existimare, quod velit, quod definit nihil asseruit, sed opinioni, & iudicio aliorum existimandum reliquit. Hæc doctissimus ille Episcopus, qui summa diligentia, atq; ingenti labore quæcunq; dubia in vniversis S. Augustini voluminibus occurrere poterant, explicuit, vnumq; præsertim ostendendum sibi proposuit, nil falsi alicubi ab Augustino assertum fuisse. Quare quis non ægrè ferat, & acerbè, hunc strenuissimum S. Doctoris defensorem contra eundem ad tribunal obtorto collo à Recentioribus trahi, fieri illum ipsorummet ore ea loquentem, quæ non modò non dixit, sed quæ ab Augustini sensibus procul abesse solidissimè demonstrauit?

S. VIII.

Viguerij, Soti, Fabri, Horantiij testimonia discussa.

Recentiores licet in superiori testium repetitione conuicti sint, ora tamen Iudicum aspicere, ne dum sua iterum contra Augustinum aperire non erubescant, imò nouos contra S. Doctorem testes adducunt, ita vt sit testium numero certandum foret, verendum esset, ne illorum multitudine Augustinus obrueretur: Sed re nobis hucusque feliciter succedente animosiores facti, ad reliquorum testium examen accedimus.

Ioannes Viguerius pag. 872. nominatur, quod §. 6. de peccato originali hæc scripsit: *Præterea in hoc non tenetur D. Augustinus. Vnde Gennadius de vitiis illustribus de eodem Augustino loquens ait, licet minùs capacibus dubitationem de*

abor-

abortiuus fecerit; error tamen illius, ut superius dixi, multo sermone contrarius, lucta hostium exaggeratus, necdum hæresis quæstionem dedit. *Per quæ verba dat intelligere, D. Augustinum in hac opinione errasse, sed ipsum hæreticum non fuisse, eo quod non fuit pertinax, imò retractauit in epistola ad Iulianum...* Præterea decretalis Maiores de Baptismo, in qua est determinatum, eos non pati penam sensus, tempore D. Augustini nondum edita erat. Quia idem Augustinus, qui supra modum Ecclesiam reuerbatur, si edita fuisset, oppositum non dixisset. Verum hic testis nullam apud Iudices fidem meretur, quod eorum, quæ dicit, prorsus inficium se propalat. In primis Gennadius cap. 38. de sententia S. Augustini de pœnis parvulorum sine baptismo morientium non loquitur, sed de resurrectione puerorum in vteris matrum decedentium. Nam Gennadius, cum dixisset Augustinum ex multiloquio errasse, ait: *De resurrectione etiam mortuorum simili cucurrit sinceritate, licet minus capacibus dubitationem de abortiuis fecerit. Catholicus permansit tamen, & error illius sermone multo, ut dixi, contractus lucta hostium exaggeratus necdum hæresis quæstionem dedit.* Etenim S. Doctor lib. 22. de ciuit. Dei cap. 13. dubium proponit: *An abortiuus partus in die iudicii resurrecturi sint.* Quare Viguerius verba Gennadij nec percepit, nec fideliter retulit, nam hæc omisit: *Catholicus permansit tamen, quibus periodi sensus variatur, errorem enim non de abortiuis Gennadius obiicit, sed de prædestinatione ex absoluto Dei decreto, ut alibi dictum est.* Neque enim sententia Augustini de pœnis parvulorum fuit lucta hostium exaggerata, nam de illis Augustinum tantummodo dubitasse Semipelagiani dicebant, ut patet ex literis Hilarij ad Augustinum. Præterea falsum est, S. Doctorem sententiam illam retractasse in epistola ad Iulianum. Etenim nullam ad Iulianum epistolam Augustinus scripsit. Sanè in opere imper. con. Iul. lib. 3. cap. 200. quod vltima ætate conscripsit constans in eadem fuit sententia: *Si autem, inquit, non eruitur de potestate tenebrarum, & illic remanet parvulus, quid miraris in igne æterno cum Diabolo futurum, qui in Dei regnum intrare non sinitur?* Neque hoc S. Doctoris assertum damnatum est ab Innocentio III. in illa decretali, ut optimè notat Gregorius in 2. sent. d. 33. q. 3. & superius ex professo ostendimus.

Augetur testium numerus Dominici Soti censura, qua sententiam S. Augustini de pœnis parvulorum perstringit, inquiens lib. 1. de nat. & grat. cap. 14. apud Annatum pag. 874. *Augustinus plus iusto videtur torquere parvulos, unde quæ eius sententia subscribunt, perpauci sunt, & tortores parvulorum nuncupantur.* Idem verò Annatus pag. 871. Ioannem Fabrum Episcopum Viennensem hom. 9. de pec. orig. in eandem Soti sententiam adduxerat, quippe qui dixit Augustinum sic opinantem excessivè locutum. At quæstio de pœnis parvulorum nusquam ex professo ab Augustino agitata fuit, sed occasione à Pelagianis data suam sententiam pronunciauit; in sermone 14. de V. Apostoli fulius quidem quam alibi, ea de re loquutus est. Nec perpauci sunt, qui eidem adhaerent, nam Gregorius, ac Gregorius Pontifices, Auitus, Fulgentius, Isidorus, Synodus Sardinensis Patrum Africanorum, Prudentius, Beda, Aëlredus, alijq; Sancti Patres Augustinianam de parvulorum pœnis sententiam secuti sunt. Itemq; ex Theologis Gregorius, Driedo, Musæus, Moreau, Macedo, Polmanus, Paludanus, Poncius, Conrius, ac Doctores Louanienfes communiter, quorum omnium testimonia indicauimus cap. 3. §. 5. Quantum verò Sotus Augustino in-

dispu-

disputationibus de gratia detulerit, ex cap. 2. eiusdem libri colligitur ubi ait: Hoc ipsum Augustinus agnovit, & pleraque alia, quæ in argumentum huius operis exco-
gitari possunt; quem propterea nihil mirum si ferme VNICVM CORYPHÆVM idē-
tēdem huc vivens PRÆ CAETERIS PATRIBVS accersituri. Hæc ille.

Franciscus etiam Horantius contra Augustinum citatur, vir sanè eruditus, & qui Synodo Tridentinæ interfuit, quod cum Cyprianum, itemque Hierony-
mum in quibusdam errasse dixisset, hæc de Augustino subiungit lib. 4. cap. 3. de locis Theologicis: Idem Augustino longè doctissimo contigit. Sed quo feror? cui
non? Qui nusquam Augustinum errasse diceret, eximia Augustinum laude
fraudaret, & duos Retractionum libros expungendo. Verum Annato proban-
dum erat, Augustinum in libris contra Pelagianos ab Horantio reprehensum
fuisse, hoc enim se Scriptorum testimonijs evicturum sponderat. Audite
interim quæ sit illius Scriptoris de Augustino iudicium. Ille lib. 1. cap. 51. ubi
de gratia, & libero arbitrio disputat, hocce nobile Augustino elogium ap-
pendit: Hæc longè omnium in perlustrandis fidei nostræ sacramentis Princeps Augusti-
nus. Quam quidem doctrinam tanquam è celo lapsam suscipimus, & sanctam vene-
ramur; & fidei nostræ regulæ conformem amplexamur, & ut antiquæ Patrum traditi-
onis satias constantem, modisq; omnibus veritati consentaneam, & convenientem retinemus.
Cap. 46. vocat S. Augustinum unum omnium doctissimum, & sanctissimum. Cap.
48. ait: Magni Augustini mens expendatur. Hæc de S. Doctore Horantij senten-
tia est, ut haud iure contra eundem à Recentioribus nominari possit.

S. IX.

Ioannis à Bononia; Arborei, Aragonij, Pennoti, Estij, Vige, & Toftati
testimonia examinata.

Timoth.
20.

OMnium Bibliothecarum schedulas Recentiores excusserunt, rimantes si
quæ Doctorum licet haud ita celebrium dicta inveniunt, quibus Au-
gustini auctoritas decurtaretur. Enimverò in librum exiguum nescio cuius
Ioannis à Bononia inciderunt, qui, ut refert Annatus pag. 878. expositiones
Augustini in illa Apostoli: Deus vult omnes homines salvos fieri, non recipiens
ait: Non videtur hic modus dicendi sufficiens. Item: Non est verisimile Apostolum
hoc sensisse. In primis hic scriptor in tacita solutione obiectionum pag. 365.
edit. Louanienſis anni 1555. quò modestiùs Augustini interpretationem alte-
ram secutus omitteret; S. Doctorem noluit nominare, religioni sibi ducens à
tam sacro nomine palam discedere, sed ait: Deniq; haud me latet, eximium quem-
dam sacrarum literarum Interpretem hunc locum ad hunc modum explicare. Postea:
Alium sensum ponit idem Doctor eximius. At Recentiores non modò Augustino
nominato easdem interpretationes reiiciunt, sed distictis etiam onerant, vo-
cantes easdem cum Molina vel primo aspectu peregrinas, & extortas, in concord.
q. 19. art. 6. disp. 1. vel cum Petauio ad eludendum magis, quam rectas, & solidas
videri tom. 1. dog. Theol. lib. 10. cap. 3. At idem Scriptor in præcipua quæ-
stione de prædestinatione hæc tradit: Nostram mox subiiciemus sententiam, eamq;
dictis B. Fulgentij sumptis ex B. Augustino stabilicemus. Pallumq; eo in opere S. Au-
gustini testimonia inculcat.

Oppo:

Opponit pag. 880. Ioannem Arboreum in illa verba epist. ad Rom. cap. 3. *Vbi est gloriatio tua? exclusa est; per quam legem? factorum? Non, sed per legem fidei.* Vbi S. Augustini interpretationem ieiunam vocat, & explodendam. Miror alterum summa Annotati diligentiâ subterfugisse; etenim ait: *Expositio est ridicula, & explodenda.* Verum ridiculus potius testis sit Arboreus, qui Augustinum latinum sermonem docere præsumit. S. Doctor lib. de Spir. & litt. cap. 10. vt probet homines non iustificari ex lege, sed ex fide auxilium gratiæ impetrantē, illa verba Apostoli adducit, hæc subiungens: *Sine gloriationem dixerit laudabilem, quæ in Domina est, eamq; exclusam, idest, non ut abscederet, pulsam, sed ut eminceret, expressam, unde & exclusam dicuntur quidam artifices argentarij &c.* Sine gloriationem vitiosam de superbia eximentem commemorare voluerit, eorum scilicet, qui cum sibi iusto videntur uiuere, ita gloriantur quasi non acceperint eam, quam non per legem factorum, sed per legem fidei dicit exclusam, id est reiectam, & abiectam; quia per legem fidei quisque cognoscit, si quid bene uiuit, Dei gratia se habere. Itaq; S. Doctor subindicta prima explicatione, quæ alicui fortē venire posset in mentem, ad alteram descendit, cui semper inhaeret in libris contra Pelagianos. At Arboreus ridiculum grammaticum agit, dum Augustinum barbarismi accusans ait: *Nec Pictoras eximij, elegantissimæq; picture pictores, aut expressores dici solent exclusores, sed exculpores, aut effigiatores.* Quasi Augustinus vulgare illius ætatis quorundam argentariæ artis opificum nomen potuerit ignorare. Scribit idem S. Pater in illa psal. 67. ut excludant hi &c. *In arte argentaria exclusores uocantur, qui de confusione massæ nouerunt formam nasci exprimeres.* Vnde patet eos argentarios artifices, quos Latino vocabulo futores dictimus, tempore Augustini à vulgo appellatos fuisse exclusores. Certè uti 4. Reg. 24. *Clusores* argentarij nominantur, qui gemmas auro, vel argento claudebant, ita exclusores dicebantur, qui ex auro, vel argento vasa fundebant; cuius quidem vocis æthymologiam non vaeat curiosus inquirere, cum & nomina ad placitum imponantur, & vox illa vulgò vsurparetur. Arboreus autem de pictoribus, & pictura nomen illud perperam accipit, quod ab Augustino de excusoribus argentarijs, seu de ijs, qui statuas, seu quodlibet aliud excudent, intelligitur. Igitur ineptè in hoc Arboreus calculum posuit. Verum Annotatus hoc inobabile scholion addit pag. 881. *Et tamen liber ille ab Augustino contra Pelagianos scriptus est, & locus Pauli contra eosdem illic ugetur.* Quid ruerit? Scribit S. Doctor duas ex positiones excogitari posse laudatæ Pauli sententiæ, quarum utraque Pelagiana hæresis suffocatur: siquidem vna displicat, altera recipiatur, hoc satis Augustino fuit, neq; qui primam non admittit, Augustini hostis statim censendus est; non enim hoc exigat Augustinus, dum ait, *sine gloriationem dixerit laudabilem &c.* Sine gloriationem vitiosam, quibus significat nolle se in ijs explicandis immorari, utraq; tamen interpretatione Pelagianos conuinci, sequente quolibet quam velit.

Ceterum excederint illi Arboreo, modò in quaestionibus de prædestinatione & gratia Augustinianum se profiteatur. Lib. 10. Theosoph. cap. 9. Augustinus ait, *liberi arbitrij asserit studiosissimus.* Lib. 14. cap. 7. *Si non nihil,* inquit, *tibi in iudicij, facile cognoscēs ex sana, & luculenta Augustini doctrina;* Deum non ex eo dilexisse Iacob, quod futura eius merita præuiderit. Tot o eo volumine in quaestionibus de gratia ait: *Hæc Augustiniana est assertio.* Et initio libri vel à limine se S. Doctoris studiosissimum ostensurus scribit: *Huius confessionis partes, quæ Augustina-*

Augustinianam sapiunt doctrinam, seorsim stabiliemus. Igitur Recentiores suum ipsum de Augustino iudicium, quod dogmata de prædestinatione, & gratia attinet, huius Arboris nec folijs, nec umbra obtegere valent.

Quò tamen Augustini auctoritatem propius arietent, Petrum Aragonium, & Gabrielem Pennorum Augustinianos in subsidium vocant: Aragonius 2. 2. q. 10. art. 6. cum probasset hominem sine gratia Dei posse bene moraliter operari, addit: *Ex dictis ergo inferitur, sententiam D. Augustini fuisse, quòd homines nulum bonum opus moraliter efficere possunt sine gratia Dei, quòd idem affirmabat Gregorius.* Vnde ait Annatus pag. 882. *Atq; ita palam proficitur Petrus Aragonius se ab Augustino discere.* Pennotus verò lib. 5. Propugnac. cap. 6. tradit minime credendum esse, omnem Augustini rationem esse exactam demonstrationem, omnem responsionem esse dogma fidei, omnem expositionem locorum sacre scripturae esse certam regulam, & infallibilem ipsas divinas scripturas interpretandi &c. quibus recitatis his Annatus insultat: *Vide Lector, quòd moderamine in commendanda S. Augustini doctrina utantur etiam illi, qui ex instituto eius cultores, imitatores, & alumni sunt inter, utroq; Ordine Canonicorum, & Eremitarum. Ut perspicere liceat, quàm sit supersticiosa hodiernorum Baianorum religio, qui specioso errorum prætextu, solum Augustinum in ore, in oculis, in corde habere se fingunt.* Non possum negare Aragonium in ea sententia fuisse, attamen ibidem concl. 2. fatetur hominem sine gratia vado, & infrequenter, & cum magna difficultate posse efficere bonum opus, ut parum ab Augustiniano dogmate recedere videatur. At S. ceterum hoc non obstante probat sententiam S. Augustini nullum continere errorem, ac proinde posse sustineri. Hinc tamen domestico testi, ne tantillam iudices moueat, opponimus tres ex hac nostra Eremitana familia celeberrimos Doctores, qui mordicus S. Augustini sententiæ adherent Gregorium Ariminensem 2. d. 29. q. 1. art. 2. Basilium Pöntium Magnum Theologum Salmanticensem in relectionibus de auxilijs diuinæ gratiæ, & Gasparem Casalium Lusitanum Episcopum lib. 1. de quadripartita iustitia, qui Augustini dogma explicant, solidissimis argumentis muniunt, atq; ab aduersariorum iaculis vindicant. Imò Recentiorum subtilissimus Vasquez idem fusissimè propugnat 1. 2. disp. 190. quem sequuntur ex eadem familia Turrianus tract. de grat. disp. 4. Meratius tom. 2. tract. eodem sect. 8. Ripalda tom. 1. de ente super. disp. 20. sect. 6. aliique.

At Pennotus non aduersatur; etenim Augustinus vsus est in suarum sententiarum confirmationem argumentis etiam probabilibus, quæ si essent demonstrationis argumenta, stultos diceremus Recentiores, qui eisdem responsionem procudunt. Vnum contendimus, capitales S. Augustini sententias aduersus Pelagianos, & Semipelagianos non posse citra temeritatis notam impugnari. Quam verò Pennotus patrum Recentiorum causæ fauere, in his eiusdem verbis nemo non videt: *Si Celestinus, inquit, Romana Ecclesia Pontifex calumniatores doctrina D. Augustini de prædestinatione vocat plantas male crescentes, & improbos, quibus perpetuum silentium imponendum sit, & sectatores dogmatum peruersorum, & damnatorum, à contraria doctrina Augustini de prædestinatione probat, ut doctrinam sanam, piam, Catholicam, & de fide, cui à Catholicis non possit contradici.* Lib. 5. propug. cap. 16. num. 2. Annatus tamen lib. 8. cap. 2. pag. 860. ait: *Constatuimus illam partem, quæ plus fauet libero arbitrio, dicamusq; ante præuisa merere homines ad gratiam prædestinari, post præuisum autem bonum usum gratia prædestinari*

ad gloriam, quid inde sequitur contra regulas à Celestino positas? prorsus nihil. Hæc igitur una est ex questionibus, quas adstruere non vult Celestinus, si credimus Baronio. Iam sentis, iam vides, quàm bellè tibi Pennotus concinat. Quod de Baronio addis, falsum esse §. 1. ex eodem Baronio demonstrauimus.

Guillelmus etiam Estius intromittitur, qui 1. sent. dist. 44. §. 14. ait: Quod si nihilominus contendat aliquis, Augustini verba, quæ obiecta sunt, huc insecti non posse, putetque eum re vera alterius esse sententia, tum respondebimus ea, quæ de adiutorio primi hominis, & Angelorum obscurius, & ut videtur extra Scripturæ autoritatem ab eo disputata sunt, ad hoc, ut ex comparatione gratiæ nostræ per Christum reparationis magis emineret, non debere præiudicare doctrinæ, quæ apud alios Patres, ipsumque S. Thomam in huiusmodi rebus exactissimum Doctorem expressior reperitur. Estius quò suam erga S. Doctorem obseruantiam ostenderet, eadem dist. 44. §. 13. & 14. multum laboris impendit, ut eundem in suam sententiam traheret; quòd verò videbat id fatis ægrè posse persuaderi, ea quæ recitata sunt, apposuit, non ut parui fieri ab ipso Augustinum iudicaremus, sed ut molesti forsitán aduersarij obiectionem effugeret. At quòd Estio displicuit, olim pariter Semipelagianis displicuisse scribit Hilarius Arelatensis in epistola ad Augustinum §. Deinde molestè ferunt ita diuidi gratiam, quæ vel tunc primo homini data, vel nunc omnibus datur &c. Ille tamen Scriptor 2. dist. 24. §. 10. ait: Atque horum primus sit Augustinus, ut quem constat causam fideli Catholica contra Pelagianos præ ceteris Ecclesiasticis Scriptoribus acius, & veriusque defendisse. Et in 1. dist. 41. §. 6. B. Augustini de gratiæ Christi doctrinam, quæ magna ex parte consistit in astringenda prædestinatione gratuita, approbauit Celestinus Pontifex in epistola ad Episcopos Gallie. Omitto plura, quæ passim in commendationem S. Doctoris Estius recitat, Louanien- ses enim, ac Duacenses consuevere Augustinum semper esse addictissimi.

Alphonsus Tostatus in nonnullis ab Augustino dissentit, quæ ad sacræ pagine explicationem pertinent. At Annatus pag. 867. ait: Vide Lector... an- putet dandam esse nemini facultatem in aliquo repugnandi ex omnibus, quæ ille contra Pelagianos, & Semipelagianos scripsit. Contendimus S. Augustini doctrinam contra Pelagianos ex tanta Ecclesiæ approbatione in excellentiori gradu auctoritatis locandam esse, quàm illorum, qui, ut ait Tostatus apud Annatum, humano ingenio solo scripserunt. Cæterùm insigne elogium Tostati de Augustino lege apud Macedo in concentu Euchologico pag. 431. vbi de Tostato ait: Quàmquam minutis quibusdam in questionibus ab Augustino interdum dissentiat, in materia de prædestinatione, & gratiæ Augustino penitus consentit.

His additur ab Adamo par. 3. Caluini destructi cap. 6. Andreas Vega, qui dolere se dixit, Augustinum aduersariorum gratiæ obiectionibus clarè non satisfecisse lib. 12. in Trident. cap. 22. de iustificat. Cæterùm Vega ibidem cum dixisset Pelagianos contra diuinam gratiam decem & sex argumentis stetitisse ait: Et ad ea omnia copiose, & erudite pro sua eximia doctrina respondit Augustinus. Addit tamen ibidem nonnulla, quæ nec Aduersarijs ipsis placere possunt. Nam hanc regulam prædicandi mysterium prædestinationis, & necessariæ gratiæ ad credendum, diligendum Deum, poenitendum &c. concionatoribus tradit: Cupetem hoc clarè, & distinctè tradi, perinde esse in nostra potestate omnia exercitia virtutum, ad quæ credimus necessariam esse specialem Dei gratiam, ac si solus generalis Dei concursus sufficeret; imò ac si non esset nisi nostra sola voluntas ad ea

omnia requisita. Et post nonnulla similia addit: *Et hæc sæpè desiderari, ut Augustinus palam, & aperte respondisset obijcientibus ipsi, quòd à prædicatione prædestinationis, & gratia cessandum esset coram populo. Quis verò non videat, ex illa Vegæ regula orationem nunquam auditoribus inculcandam esse? Etenim oratio est diuinæ gratiæ testificatio, cum nullus petat ab altero auxilium ad aliquod faciendum, quod per semet æquè facillè præstare potest, quo argumento Pelagiani à Patribus conuicti sunt. Si fideles ad diuinam opem implorandam adhortandi sunt, ut in sacris mysterijs facit Ecclesia, non ita commendanda est voluntas, ac si sola ipsa ad virtutes capessendas, & fugiendas tentationes sibi sufficiat. Miror autem cum Vegam hanc sententiam ibidem interferentem audio, debere nos, ipsius opem assiduis, & importunis gemitibus flagitare. Porro si hoc populi docendi sunt, qua ratione sola voluntatis humanæ potentia asserenda est? imò summa eiusdem infirmitas ostenditur, dum ad illam adiuuandam Dei gratia, non dicam expectatur, sed assiduis, & importunis gemitibus imploratur. De his autem adeo solidè agit Augustinus in lib. de dono perseu. à cap. 14. & seq. ut nihil vel clarius, vel efficacius à quoquam desiderari possit. Quare Vegæ testimonium nec aduersarij ipsi probent, dum ea adstruit, quæ ipsimet improbent, si sanè sapiant.*

S. X.

Dominici Bannæ testimonium aliis contra Augustinum exaggeratum discentur.

Hispani huius Theologi, quem semper infensum Recentiores experti sunt, testimonium contra S. Doctorem grandi fiducia exaggerant, in qua quidem re cum mala fide procedant, illud nobis diligentius examinandum venit. Adamus par. 3. sui Caluini destructi cap. 9. pag. 667. cum sibi licitum esse scribat, S. Augustini sententiam de reprobatione ex solo peccato originali ortam horrere, quod mater est illius, quam Caluinus tanta impietate, ac rabie contra Ecclesiam inculcat, Bannesij patrocinio, vel testimonio vitur, ita de eadem sententia Augustini scribentis. 1. par. q. 23. art. 5. *Hæc sententia non est probabilis. Non modicam habet difficultatem. Impossibile uidetur; & omnino incredibile, quòd Deus propter culpam originalem hominem reprobaueit. Hoc nullus fidelium dicere audebit. Si D. Augustinus voluisset attendere malitiam huius consequentiæ, nunquam posuisset, quòd originale peccatum solum est causa reprobationis omnium reprobatorum hominum. Annotatus lib. 8 cit. cap. 4. pag. 874. prioribus omissis, illa Si D. Augustinus &c. longe grandioribus characteribus; quòd Lectoris oculos statim & vocent, & impleant, exarauit, quibus recensitis exclamat: *Hæc Bannæ, quæ plerique non videntur satis aduertisse, dum Molina audaciam exaggerant indicantis aliquid lucis Augustino desuisse in conciliandâ concitata libertate diuinorum decretorum, & auxiliorum efficacia. Ita insignis Theologi suffragium contra Augustinum iactant.**

Adamus illa contra Augustinum à Bannesio dicta commentatur, quorum oppositum ille Scriptor asseruit. Etenim hic recitata sententia S. Augustini de prædicatione, fatetur non modicam illi inesse difficultatem, & statim, ut id ostendat, sex argumenta contra eandem proponit, ubi in fine tertij habet: *Er-*

go non est probabilis sententia Augustini. In fine secundi: *Impossibile videtur, & omnino incredibile &c.* quæ non ex propria sententia, sed aduersus Augustinum arguentis persona inducta posuit, vt patet ex ijs, quæ postea tradit. Ille autem tres ibidem sententias refert: primam S. Augustini: alteram quorundam Thomistarum: postremam S. Thomæ. De secunda S. Præterea manifestum est, ita iudicat: *Atque ita secunda opinio facile potest sustentari, neque existimo differre à sententia D. Thomæ nisi solo nomine.* Porro S. Tertia sententia est D. Thomæ, collata Augustini sententia cum illa secunda ait: *Quapropter vt postea dicemus, non est minus probabilis, imò fortè probabilius secunda illa sententia, quam prima D. Augustini.* Ergo teste Bannesio sententia S. Augustini est probabilis; imò dubitat an secunda sit probabilius (ait enim fortè) illa S. Augustini, illa, inquam, secunda, quam differre putat à sententia S. Thomæ nisi solo nomine. Ergo falsus conuincitur Adamus, dum verba illa, *ergo non est probabilis sententia Augustini*, quæ arguendi gratia ille Theologus dixit, eiusdem sententiam esse pronunciauit. Rursus idem de altero Bannesij dicto dicendum est, dum in argumento secundo ait: *Impossibile videtur, & omnino incredibile, quòd Deus ab æterno statuerit originalem culpam misericorditer, & verè remittere; & nihilominus propter illam culpam hominem reprobauerit.* Et in tertio argumento infert: *Ergo originale peccatum iam remissum est causa; & ratio condemnationis æterna, quòd nullus fidelium dicere audebit.* Adamus verò abrais illis verbis peccatum iam remissum &c. raptim alia in vnam sententiam congeffit, quòd acerbiorẽ censuram faceret. Sed ex persona aduersariorum illa se dixisse Bannesius ostendit, dum paulò inferiùs hæc scribit: *Sed opera pretium erit, prius quædam aduerte circa sententiam Augustini, quæ omnino cauenda sunt ab eis, qui illam volunt defendere.* Et statim: *Ante omnia cauendum est, ne concedatur, quòd aliquis propter originale peccatum iam remissum tanquam propter causam demeritoriam damnetur pœna damni &c.* Ex quibus patet, illam propositionem, quàm infert in argumentis; *originale peccatum iam remissum est causa, & ratio condemnationis æterna*, esse omnino negandam ab ijs, qui volunt defendere sententiam S. Doctoris. Quare si illam propositionem veluti absurdam, procul ab asserto Augustini remouendam putat, qui fieri potest, vt eandem ipsemet Augustino imponat? Et quidem nusquam Augustinus dixit, peccatum originale remissum esse solam causam, & rationem, cur plurimi reprobentur, ita vt formaliter id intelligatur, de quo plura diximus cap. 4. S. 10.

Hæc contra testis conductorem dicta sunt, iam cum ipsomet Bannesio res sit, cuius verba, quo pacto ab Annato citantur ita se habent: *Est deniq; de hac re nostrum iudicium, si quid valet. Crediderim enim, quòd Augustinus tantum fuit sollicitus destruere errorem Pelagianorum asserentium merita præcisa causam esse diuinæ prædestinationis, & electionis, & quia si consideretur, quòd præscientia malorum operum Esau fuit causa reprobationis ipsius, videbatur D. Augustino statim fieri consequens, quòd etiam futura bona opera Iacob fuerint causa prædestinationis ipsius, propterea semper negauit præscientiam malorum operum Esau causam fuisse reprobationis ipsius. Rationem verò ponit, cur illatio illa non sit legitima. Eo quòd ipsa merita bona sunt effectus prædestinationis, peccata verò non sunt effectus reprobationis; vnde benè possunt esse ratio, & causa reprobationis. Tandem addit censuram, quam grandioribus caracteribus Annatus expressit: *Propterea manifestum est, quòd non est eadem ratio prædestinationis, & reprobationis, vt si detur causa reprobationis**

bationis ex parte nostra, datur etiam prædestinationis. Si itaque D. Augustinus voluisset attendere malitiam huius consequentiæ, nunquam posuisset, quod vniuersaliter originale peccatum solum est causa reprobationis &c. Produxi illius Scriptoris totam sententiam, quam contra Augustinum tulit, nam vbi eandem confutauero, nihil ex Banneſij censura præiudicij Augustino fieri constabit. In primis non rectè credidit in libro 1. ad Simplicianum q. 2. Vbi ea de re S. Doctör fusiùs agit, sollicitum illum fuisse, erroris Pelagianorum confutandi, nam liber ille exaratus est initio Episcopatus Augustini ex lib. 2. Retract. cap. 1. & lib. de prædest. SS. cap. 4. incidit verò initium Episcopatus S. Patris in annum 395. cum Pelagiani anno tantum 411. apparere in Orbe cœperint. Igitur eo in opere ad Simplicianum nequaquam Pelagianorum errorem confutabat, sed rogatus ab eodem Antistite Mediolanensi caput septimum epistolæ Diui Pauli ad Romanos à vers. 10. vsq; ad 30. ita enim ille petierat, fusè explicuit, vt patet ex initio quæstionis secundæ. Porro proluxiùs disputat de illis Pauli verbis à Rom. 9. *Cum enim nondum nati fuissent, aut aliquid boni egissent, aut mali (vt secundum electionem propositum Dei maneret) non ex operibus, sed ex vocante dictum est ei, quia maior seruiet minori sicut scriptum est: Iacob dilexi, Esau autem odio habui. Vbi cum demonstrasset, Iacob non fuisse electum ob opera bona præuisa, idem à pari dicendum esse intulit de Esau, nempe neq; ipsum fuisse odio habitum ob præuisa mala opera. Audiat S. Doctör: An forte, inquit, quemadmodum illud de Iacob nullis meritis bona actionis dictum est, ita Esau nullis meritis mala actionis odiosus? Si enim quia præſciebat Deus futura eius opera mala, propterea eum prædestinauit, vt seruiet minori; propterea prædestinauit & Iacob, vt ei maior seruiet, quia futura eius bona opera præſciebat, & falsum est iam, quod ait: Non ex operibus. Si autem verum est, quod non ex operibus, & inde hoc probat, quia de nondum natis, nondumq; aliquid operatis hoc dictum est, unde nec ex fide, quæ in nondum natis similiter nondum erat, quo merito Esau odio haberetur antequam nasceretur? Ex illa particula fortè colligo S. Patrem per modum disputantis loqui: quod etiam constat ex ijs, quæ paulò inferiùs ponit: Vt autem, inquit, odiſſet Esau, nisi iniustitia merito iniustum est. Quod si concedimus, incipit & Iacob iustitia merito diligi. Quod si verum est, falsum est, quod non ex operibus. Videatur S. Cur enim est improbatus Esau. Disputans igitur illam consequentiam intulit, non quòd veram illam arbitraretur, vt dicemus. Tota igitur vis illius illationis est in verbis Apostoli, qui apertè excludit bona opera, cur fuerit dilectus Iacob, & mala item opera, ob quæ odio habitus fuerit Esau: inquit enim antequam aliquid boni egissent, aut mali, quod idem est, ac antequam aliqua opera mala, aut bona egissent, non ex operibus nempe bonis, vel malis, Iacob dilexi, Esau autem odio habui. Vnde patet, falsum esse, quod ait Bannez S. Propterea manifestum est, Paulum dum ait, non ex operibus, loqui tantum de operibus bonis Iacob, nam vt ait Augustinus: Non ex operibus, & inde hoc probat, quia de nondum natis, nondumq; aliquid operatis hoc dictum est, nam si opera tantum bona Iacob excludere voluisset, dixisset, Cum nondum natus fuisset, aut aliquid boni egisset &c. non ex operibus, sed ex vocante dictum est, quia maior seruiet minori. Itaq; certum est, ibi Apostolum loqui de operibus vtriusque: Quod etiam confirmatur ex ijs, quæ ibidem addit: Iacob dilexi, Esau autem odio habui. Quid ergo dicemus, numquid iniquitas apud Deum? Cum neuter egerit aliquid boni, aut mali, vnum tamen Deus diligit, alterum odio*

odio habet, qua ergo iustitia id facit Deus? At si Deus futura mala opera Esau prævidisset, nullus datur calumniæ locus. Ex his apparet vis illius paritatis, quam per modum disputantis affert S. Doctor. Nam ita discurre: Si enim quia præsciebat Deus futura eius opera mala, propterea cum prædestinavit, ut serviret minori, ergo prædestinavit & Iacob, ut ei maior serviret, quia futura eius bona opera præsciebat. Hæc illatio probatur, quia æqualiter excluduntur ab Apostolo opera bona, cur fuerit Iacob electus, ac opera mala, ob quæ Esau fuerit reprobatus: ergo currit par ratio de operibus utriusque in ordine ad amorem, vel odium. Et ita disputat Augustinus, iudicium interim suspendens.

Cæterum scribit Bannez: Propterea manifestum est, quod non est eadem ratio prædestinationis, & reprobationis, ut si detur causa reprobationis ex parte nostra, detur etiam prædestinationis. Si itaque D. Augustinus voluisset attendere malitiam huius consequentiæ &c. Planè hæc in Augustini libris legendis viri diligentiam desiderari ostendit; nam malitiam consequentiæ non solum attendit Augustinus, verum etiam solidè confutavit, & quod mirum est, eo ipso loco, ubi minùs diligentem Bannesius illum credidit. Etenim hanc paritatem semper Augustinus negavit: Deus reprobatur ex prævisione demeriti, seu peccati, ergo è contra etiam prædestinatur ex prævisione boni operis. En totum hoc argumentum ab illa paritate deductum à Pelagianis in epist. 106. ad Paulinum: *Quomodo, inquirunt, Esau non damnatur indignus; si non ex operibus, sed ex vocante dictum est, quia maior serviet minori?* Sicut enim illius nulla præcesserant opera bona, ut ad gratiam pertineret, sic nec huius mala, ut ad penam pertinere deberet. Respondet S. Doctor. Nulla planè in utroque opera vel bona, vel mala, sed propria; uterque autem illi uni obnoxius erat, in quo omnes peccaverunt &c. Sed ambo, qui nondum propria vel bona, vel mala operabantur, vel tamen ex origine nascebantur. Laudet misericordiam, qui liberatur, non culpet iudicium qui punitur. Vides negari paritatem ab Augustino, nam Esau est reprobatus ratione maculæ ex Adamo contractæ, Iacob verò per solum misericordiam liberatus. Hinc celebre veluti axioma Augustini est: *Bonus est Deus, iustus est Deus: potest aliquos sine bonis meritis liberare, quia bonus est, non potest quemquam sine meritis damnare, quia iustus est.* Lib. 3. con. Iul. cap. 18. Audi rationem disparitatis, & fatere Augustinum optimè vdisse, quod non est eadem ratio prædestinationis, & reprobationis, ut si detur causa reprobationis ex parte nostra, detur etiam prædestinationis, nam actus reprobationis est actus iustitiæ punitivæ hominem damnantis. At clamat Augustinus: *Non potest quemquam sine meritis damnare, quia iustus est.* Prædestinatio autem est actus puræ misericordiæ, & bonitatis divinæ, quæ nulla opera nostra bona supponit, sed facit, hinc ait: *Potest aliquos sine bonis meritis liberare, quia bonus est.* Ergo laudet misericordiam, qui liberatur, non culpet iudicium, qui punitur. Eat nunc Bannez, & addat, Augustinum malitiam consequentiæ attendere noluisse, & hæc ipsa palmaribus characteribus Annatus exscribat.

Verum in eadem quæstione secunda ad Simplicianum ubi disputans eam paritatem urgebat: *Ut odisset Esau nisi iniustitia merito iniustum est.* Quod si concedamus, incipit & Iacob iniustitia merito diligere, respondens, ac quæstionem pluribus abs se adductis in vtramque partem argumentis implexam tandem dissolvens, paritatem negat; ibi enim diffusius probat, nulla opera bona, nec ipsam fidem præcessisse, cuius intuitu Iacob fuerit electus, & concludit: *Ergo ante omne me-*

ritum est gratia. Postea verò eruditè pluribus euincit, Deum non potuisse odio habere Esau, antequam in illo peccatum cerneret, quia *omnis creatura Dei bona est, & omnis homo in quantum homo est, creatura est, non in quantum peccator.* Est ergo creator Deus & corporis, & animi humani. Neutrum horum malum, & neutrum odit Deus &c. nec odit in homine nisi peccatum. Ex his concludit: Non igitur odit Deus Esau hominem, sed odit Deus Esau peccatorem. Vnde confirmata illa propositione: *Vt autem odisset Esau, nisi iniustitia merito iniustum est,* consequentiam illatam negat, ergo incipit & Iacob iustitiæ merito diligere, nam priori illo dicto concessio, probat falsum esse, quod posterius deducunt, nempe Iacob etiam dilectum ob bonamerita: Cur ergo, addit, Iacob dilexit, numquid peccator erat? Sed dilexit in eo non culpam, quam debebat, sed gratiam, quam donabat. Ergo per Augustinum grandis est disparitas inter reprobationem, & prædestinationem, quia reprobatio supponit meritum malum, quod odit, prædestinatio verò nullum supponit meritum bonum, sed causat. At Bannez in eo deceptus est, quòd non legens Augustinum quæstionem resoluentem, ea putauit à S. Doctore affirmata, quæ ante suæ sententiæ expositionem proposuit, ad difficultatem quæstionis totis viribus augendam. Non igitur D. Augustinus noluit attendere malitiam consequentia, sed Bannez noluit attendere D. Augustinum malitiam consequentia & attendentem, & solidissimè confutantem.

Rursus notanda sunt, quæ ibidem Bannezius scripsit, vt ostenderet malitiam illius Augustinianæ consequentiæ: Nam facillè, inquit, negari poterat à contrariam sententiam sequentibus, & assignari differentia in prædestinatione, & reprobatione, quòd prædestinatio est causa non solum consecutionis ultimi finis, sed etiam meritorum ad ultimum finem. Reprobatio verò quamuis sit causa eius, quod redditur in futuro, scilicet pœna aeterna, non tamen est causa eius, quod est in presenti, scilicet peccati, propter quod totus reprobationis effectus potest cadere super reprobum tanquam propter demeritum. At certè Augustinus hanc differentiam vidit, & ne Bannezium mita tam ad alios S. Doctoris libros, eo ipso in loco, vbi ab Augustino minimè illam obseruatam dixit. Etenim ibi fusè probans prædestinationem esse causam meritorum hæc ait: *Vocantis secundum propositum est ergo gratia, percipientis verò gratiam consequenter sunt opera bona, non quæ gratiam pariant, sed quæ gratia pariantur.* Non enim vt feruat, calefacit ignis, sed quia feruet; Nee ideo currit rota, vt rotunda sit, sed quia rotunda est. Sic nemo propterea bene operatur, vt accipiat gratiam, sed quia accepit. Lege cap. 10. de præd. SS. Postea dat differentiam reprobationis à prædestinatione, quòd illa non causat peccatum, ob quod homo reprobatur, licet causet pœnam sceleri debitam, ita enim de reprobante Deo loquitur: *Odit enim in eis impietatem, quam ipse non fecit. Sicut enim Iudex in homine odit furem, sed non odit, quod datur ad metallum, illud enim fur, hoc iudex facit; ita Deus, quod ex conspersione impiorum facit vasa perditionis, non odit, quod facit, id est, opus ordinationis suæ in pœna debita pereuntium.* Itaque Augustinus prædestinationis, & reprobationis latum discrimen nouit, nempe quod prædestinatio Dei vocantis est causa bonorum operum, non verò reprobatio est causa malorum. Imò S. Pater adeo constanter illam disparitatem asseruit, vt ex illa vnà originale peccatum deduxerit, & ante tria lustra, quàm erumperent, Pelagianos profligauerit. Cum enim probasset diuinam electionem nulla merita in homine supponere, & ex alia parte ad reprobationem iustam demerita requiri intelli-

telligeret, quærens de reprobatione Esau, qui si nullo merito improbatum est, petit rationem, quomodo eius improbatum iusta dici potest? Cum verò ex Apostolo pateat, ipsum ex suis operibus non esse reprobatum, & ex alia parte certissimum esset, quòd ut Deus odisset Esau, nisi iniustitia merito iniustum esse, concludit, quòd facta est una massa omnium veniens de trádite peccati, nempe quia, concupiscentia carnalis de peccati pena iam regnans uniuersum genus humanum tanquam totam, & unam conspersionem originali reatu in omnia permanente confuderat. Et antea: Una est enim ex Adam massa peccatorum, in qua & Iudei, & Gentes remota gratia Dei ad unam pertinent conspersionem. Quomodo verò ex hac massa eligantur vasa alia in honorem per electionem, alia per reprobationem in contumeliam, fufius ibidem tradit. Quare rectè ab eodem dictum est: Ecce enim odit Esau, quod uas ipse fecit in contumeliam. Quis verò non miretur vastum Augustini ingenium de efficacia gratiæ, de Prædestinatione Sanctorum, de reprobatione, de peccato originali adeo diffusè eo in opere disputasse, ac si iam cum Pelagianis collato veluti pede certaret, qui tamen post tria iustra erupere? Hinc videas Pelagianos nvm Augustinum hostes habuisse implacabilem, à quo pessimam hæresim, antequam nasceretur, suffocatam videbant. Omnes quidem in controuersijs contra Pelagium de diuina gratia primas illi debent, cum Augustino nullus scripserit, vel melius, vel diffusius. Sanè cæteros Patres eo in argumento tanto post se intervallo reliquit, ut si omnia de gratia, ac peccato originali à prioribus Patribus asserta colligantur, huic vni secundæ quæstioni ad Simplicianum, siue argumentorum pondus, siue doctrinæ acumen, siue rerum difficillimarum explicationem spectes, sine dubio cedere videantur: quæ tamen quæstio, antequam audirentur Pelagiani, uti diximus, scripta est, ut vel hinc importuna Recentiorum voces alios Patres inelamantium satis solidè comprimantur. Etenim ex ijs, quæ S. Pater ad Simplicianum scribit, euidenter ostenditur, in quæstionibus de diuina gratia reliquos Patres esse viles, Augustinum verò necessarium, quod tam certum est, ut Recentiorum, quorum obiectis satisfacimus, acutissimus Vasquez hanc Augustinianæ auctoritati laudem dederit: *Augustinus in materia de gratia, & prædestinatione inter cæteros Ecclesiæ Patres non aliter, quàm Sol inter minora sydera præfulget* 1. p. disp. 89. cap. 1. num. 8.

Volo hic vnum aduerte, quo Bannesij de Augustino censura ita rejiciatur, ut eadem ipse Bannesius percellendus sit. Dico igitur differentiam illam prædestinationis à reprobatione, quòd hæc supponit mala merita, quæ puniat, illa verò non supponat merita bona, quæ præmio compenset, longè constantius, ac rigidius fuisse ab Augustino assertam, ac defensam, quàm ab ipsomet Bannez. Nam si huic Scriptori obijciatur hoc argumentum: Diuina prouidentia sine meritorum præuisione assumit ad gloriam æternam, ergo eadem prouidentia sine demeritorum præuisione potest excludere à gloria. Naliam hic maliciam consequens notat, non hic repetit disparitatem, quam Augustino veluti suggerit, prædestinationem causare merita, reprobationem verò non causare demerita, sed supponere, sed totum concedit; etenim in responsione ad argum. 2. ait: *Ausc. præscitum peccatum potest intelligi Deus odiosum habere quosdam, idest non diligere in vitam æternam.* Ibi enim cum alijs passim concedit reprobationem, ut vocant, negatiuam, qua Deus negat gloriam non in pœnam

nam peccati, sed vt purè donum indebitum, non supponere præuisionem demeritorum. At S. Augustinus adeo mordicus sustinet disparitatem datam inter reprobationem, & prædestinationem, vt vbique reprobationem illam sine præuisione demeritorum, licèt negatiuam, exclusèrit, atq; in Pelagianis semper damnauerit. Pelagiani enim contendebant, pueros nasci sine vilo peccato originali, negabant tamen, illos admitti ad vitam æternam regni cœlorum, nisi per baptismi gratiam adoptarentur; etenim cum gloria liberè à Deo donetur, dicebant Deum statuisse, eandem baptizatis tantùm conferre. Illorum verba apud Augustinum lib. de peccat. originali cap. 5. hæc ipsa sunt: *Quia Dominus statuit, regnum cœlorum non nisi baptizatis posse conferri, quod quia vires nature non habent, conferre necesse est per gratia libertatem.* Vnde erat illorum celebre axioma: *Habet gratia, quod adoptet, non habet runda, quod diluat,* apud Scriptorem libri 2. de vocat. gent. cap. 24. Ita pueri sine baptismo morientes excludebantur à regno cœlorum non in poenam peccati originalis, quod Pelagiani negabant, sed quòd possit illud regni cœlorum non erat debita, nam *viros, aiunt, nature non habent, vt possint illud acquirere.* Quare pueros sic excludi à regno cœlorum nullam penam esse asseriebant apud Aug. lib. 3. con. Iul. cap. 3. & lib. 4. oper. imperf. cap. 99. & lib. 5. cap. 11. asserit pueros sine baptismo defunctos ex Pelagianorum sententia *liberos ab omni damnatione esse.* Erant igitur exclusi reprobatione purè negatiua, hoc est non admissi in regnũ cœlorum, nulla interim poena illis inflicta, ita vt ipsa exclusio, seu non admissio in regnum cœlorum *nulla pena illis esset.* At S. Augustinus vbique contra Pelagianos contendit, pueros sine baptismo morientes; si nulla culpa originis infecti sint, iniuste reprobatione negatiua excludi à regno Dei. Sexcentis in locis id contra hæreticos virget. Lib. 1. de pec. merit. cap. 30. *Nunquam explicant isti, quia per iniustitiam nullum peccatum habens imago Dei separatur à regno Dei.* Et lib. 5. con. Iul. cap. 11. *Verũm vos quoq; qui eos velut liberos ab omni damnatione esse contenditis, cogitare non vultis, qua illos damnatione puniatis, alienando à vita Dei, & à regno Dei tot imagines Dei.* Hæc autem iniuste patiuntur, si nullum habent omnino peccatum; aut si iuste, ergo habent originale peccatum. Et lib. 2. oper. imperf. cap. 325. *Nunquam dicetis es, vt fieri iustum, ut paruuli nulla sua, nulla plerunque etiam suorum culpa sine baptismo mortui à parentibus, & proximis fidelibus separentur, & ad regnum Dei non admittantur.* Lib. 3. con. Iul. cap. 9. scribit: *Quapropter natos ex Adam transferri renatos oportet ad Christum, ne à regno Dei pereant imagines Dei, quod sine malo fieri, qui dicit, nec amorem habet, nec timorem Dei.* Et epist. 106. *Hæc à iniustitia Dei penitus alienum scribit.* Lib. 6. cap. 4. *Si nihil meruissent mali, nunquam priuarentur in communi causa priuatione tanti boni.* Lege Ier. 14. de Verbis Apostoli vbi clamat. *Quare enim patrimonium regni cœlorum ab impijs innocenti? A quo regnum cœlorum non acquiritur, profecto magno bono fraudatur.* Quæ est ista iniustitia? Sec. Idem docuit S. Gelasius Papa in epist. ad Episcopos per Picenum contra Pelagianos: *Cur igitur, inquit, infans hoc forte concluditur, nempe non admitti in regnum cœlorum, si nullum habet omnino peccatum; magisque videtur, quod absit, iniustus Deus, si illic infligatur pena, ubi nulla sit culpa.* Concinit Synodus Byzacenorum Patrum in lib. de incarnat. & grat. cap. 14. vbi aiunt: *Et cum non sit iniquitas apud Deum, qui fecit hominem ad imaginem suam, quæ iustitia est, vt imago Dei, qua nihil potuit per se ipsam delinquere, si non redimatur sanguine filij Dei, in*

regnum Dei non permittatur intrare? Quæ duo testimonia consulê addidi, quia nonnulli memoratam S. Doctoris sententiam falsam existimant. Itaque fixum fuit, certumque omnino apud Augustinum, ac Sanctos Patres eiusdem discipulos, neminem posse sine culpa reprobari purè negatiuè à regno cœlorum tanquam beneficio indebito, vti certissimum fuit eidem, neminem in statu naturæ lapsæ prædestinari ex præuisione alicuius boni operis. Quare disparitatem inter prædestinationem, & reprobationem eam necessariò esse dixit, vt Deus citra iniustitiam non posset excludere à regno cœlorum parvulos sine culpa, licet id non faceret in pœnam. Non est igitur Augustinus docendus illam disparitatem, vel malitiam consequentiæ à Bannesio, cum & ipso melius eandem norit, & longè rigidius defenderit. Recentiores Alarcon, Herice, alijque reprobationi illi negatiuæ ante præuisa demerita Caluinismi fuliginem obiectant, vnde magnæ contra ipsos querelæ Thomistarum inaudiuntur, Io. à S. Thoma 1. p. disp. 10. de Reprob. num. 19. Gonetti disp. 5. tom. 4. art. 2. §. 3. Et certè Caluinus reprobationem posituiam ante præuisionem peccatorum astruxit, imò ab eadem dixit peccata causari, atque ad hæc perpetranda homines impelli, quæ à Thomistis vnà cum reliquis Catholicis negantur. At nos absit, vt Pelagianismum sapientissimis viris, & in Augustino defendendo ex iuramento Salmanticensi commilitonibus, ac nostris fœderatis imponamus, illa enim tantùm diximus, quæis Bannesij censuram plenius confutaremus. Non est tamen cur aduersarij huius Theologi testimonium contra Augustinum producant, qui in eodem loco nempe articulo illo quinto in consutatione sententiæ Iauelli ait: *Augustinus gratia Dei testis insignis, & prædicator.* Et S. *His ergo opinionibus, addit: Statuenda est vera sententia iuxta mentem Augustini, & D. Thoma.* Quare siquid deceptus dixit de Augustino, vti excusatione illum quidem dignum ducimus, ita non tantæ auctoritatis habendus est, vt eius testimonium contra S. Doctorem palmaribus caracteribus expressum ab aduersarijs exaggerandum videatur.

S. XI.

S. Bernardus perperam contra Augustinum ab Annato adductus.

Recentiores, vt ingens testium agmen, quo S. Augustinum non loco tantùm mouere, sed etiam penitus obruere tentarunt, nobilissimi Patris testimonio claudant, S. Bernardum contra Augustinum suffragium dare affirmant, clamantes cum Annato pag. 884. *Veniat ergo post ultimum S. Bernardus, qui nominari debuit ante primum.* Ille verò nunquam contra Augustinum descendit, nec si machinas omnes admoueat. At inquit: *Igitur S. Bernardus tam religiosus S. Augustini cultor, tam studiosus Lector, tam idoneus arbiter Ecclesiastica, ac necessaria doctrina peculiarem tamen eius sententiam, qua negat S. Ioannem Baptistam accepisse plenam in utero materno sanctificationis gratiam, rejicit in epistola ad Canonicos Lugdunenses, & principio, quo vivebatur Augustinus, quod scilicet nemo renatus dici possit, priusquàm natus, contrarium opponit, atque posse aliquem prius Sanctum esse, quàm natum.* Cum verò sciant Augustinum quandoque à Bernar-

nardo appellatum validissimum malleum hæreticorum, atque Catholicæ religionis columnam, quasi per risum ita concludunt: *Constat ergo exemplo S. Bernardi tales esse, quas dixerat duas illas columnas, ut non sit necessarium emendandum, si quis ita diuellatur ab Augustino, ut tamen innutur Ambrosio, etiam in ijs, quæ contra Pelagianos Augustinus disputauit, neque nullum videri posse aliquando validissimi hæreticorum mallei incertum ictum.* Hæc illi.

Fatemur particularem fuisse S. Doctoris sententiam, aduersus Pelagianos de peccato originali disputantis, Hieremiam, ac Ioannem Baptistam non fuisse plenè à peccato originali in vteris matrum per gratiam sanctificantem liberatos. Hoc docuit epist. 57. ad Dardanum, & lib. 4. con. lul. oper. imperf. cap. 133. ubi ait: *Quia, & Hieremias, & Ioannes quamuis sanctificati in vteris matrum, traxerunt tamen originale peccatum, Nam quo alio merito interirent eorum anime de populo suo, nisi die octauo circumciderentur, nisi ad Christi gratiam peruenirent &c.* Erant ergo illi, & natura filij ira ab vteris matrum, & gratia filij misericordia ab vteris matrum, quia nec adhuc eis inerat sanctitas, qua vinculum solueret successione obnoxia, quod suo tempore solui oportebat, & inerat tamen, qua præconem Christi à maternis viscibus designabat. Duo hic consideranda sunt. Ioannem Baptistam repletum per Spiritus Sancti gratiam prophetiæ dono, postea noxa originali liberatum fuisse in vtero. Primum concedit S. Augustinus: alterum negat, ut eius verba clarè ostendunt. Sanctus Bernardus primum & ipse sine hæsitacione concedit, de altero verò dicit, se non audere quippiam definire. Audiantur dulcia melliflui Doctoris verba, ne Annati in Augustinum amarus sermo nobis fastidium ingerat: *Certissimè autem, inquit, Sanctus Spiritus, quem repleuit, sanctificauit. Caterùm quatenus aduersus originale peccatum hoc ipsa sanctificatio valuerit, siue proisso, siue pro illo Propheta, vel si quis alius simili præueniens gratia fuerit, NON TEMERÈ DIXERIM.* Deinde sententiam S. Augustini considerans addit: *Attamen quis dicat Spiritum S. repletum manere adhuc filium nihilominus ira, & si mori in vtero contigisset, cum hac plenitudine spiritus paratissimum luiturum damnationis? Durum est; MINIME tamen AVSIM hinc QUIPPIAM MEA SENTENTIA DEFINIRE.* Sed quicquid de hoc sit &c. Vides, Annate, nihil ea in re Bernardum definire vnus, ut iure quidem arbitror, Augustini, quem habebat, ut dicis, dum hæc scriberet, præsentem, autoritate remoratum? Dura illi Augustini sententia visa est: at durius falsus est ab Augustino discedere: *Minimè tamen, inquit, ausim hinc quippiam mea sententia definire.* Hoccine est Annate, ut iocaris, diuelli ab Augustino? hoc putare nullum aliquando validissimi hæreticorum mallei incertum ictum? Imò hoc est, Lectoris fucum facere, ac Bernardo nimium iniuriosum esse, dum illum ea recitantem inducis de Augustino, quæ ne cogitauit quidem. Illa itaque est Melliflui sententia epist. 174. ad Canonicos Lugdunenses.

Sed aliud Annatus garrit, contenditque, Bernardum diuersa, imò aduersa sapere vel eo ipso in loco ab Augustino recedendo, ubi se cum Augustino aut errare, aut sapere profitetur, nempe epist. 77. ad Hugonem. Do Annati verba: *Ut omitam, quod relata illa sententia, qua sensit Augustinus, internam cordis conuersionem ad Deum externam baptismi susceptionem posse supplere, utinam minimè iactabundus, negere audeat fuisse vspiam ab eo retractatam, quamuis retractasset exemplum, quod subiecerat, sancti Latronis ea ratione, quod incertum esset, an fuisset baptizatus.*

zatus. Nescio quo consilio Annatus hic paralepsi vtatur. Eia age, edissere, cur ex Bernardo Augustinum accusare tibi in religionem venit? Ita est, Bernardus vir minimè iactabundus Augustini sententiam, qua asserit internam cordis conuersionem ad Deum baptismum posse supplere, *negare audet fuisse vspiam ab eo retractatam*. Fortè hanc sententiam retractandam Augustino fuisse putas? Illam sententiam ante S. Augustinum docuerat S. Cyprianus, quem laudat S. Doctor lib. 4. de baptif. cap. 22. vbi de baptismo ait, si ex necessitate desit, posse supplere *fidem, conuersionemque cordis*, quia, *tunc impletur inuisibiliter, cum mysterium baptismi non contemptus religionis, sed articulus necessitatis excludit*. Sed & S. Ambrosius hoc ipsum docuerat de Valentiniano Imperatore, vt patet ex eiusdem oratione in qua defuncti Valentiniani laudes recitat. Vtrumque verò Ambrosium nempe, & Augustinum sequitur S. Bernardus illa in epistola 77. quorum testimonia laudat, scribens: *Ab his ergo duabus columnis (Augustinum loquor, & Ambrosium) crede mihi difficile auellor. Cum his, inquam, me aut errare, aut sapere fateor; credens, & ipse sola fide hominem posse saluari cum desiderio percipiendi Sacramentum, si tamen pio adimplendo desiderio mors anticipans, seu alia quæcumque vis inuincibilis obuiauerit. Audis, Bernardum virum minimè iactabundum cum Augustino sapere, & credere, sola fide hominem posse saluari cum desiderio percipiendi sacramentum?* Cur verò eam sententiam Augustini diceret, fuisse vspiam ab eo retractatam, in quam pedibus iuit? Sed & Apostolica Sedes eandem sententiam ob Augustini auctoritatem approbavit. Innocentius 111. in literis ad Cremonensem Episcopum, quæ apud Gregorium IX. extant Lib. 3. tit. 43. cap. 2. ita scribit: *Quem sine vnda baptismatis extremum diem clausisse significasti, quia in S. Matræ Ecclesia fide, & Christi nomine perseuerauit, ab originali peccato solutum, & celestiu patrie gaudia esse adeptum adserimus incunctanter. Lege super octauo libro Augustini de ciuitate Dei, vbi inter cætera legitur: Baptismus inuisibiliter ministratur, quem non contemptus religionis, sed terminus necessitatis excludit*. Error tamen irrepsit, nam verba illa leguntur non in libro 8. de ciuit, sed lib. 4. de baptismo, vt recitauimus, quæ etiam laudatus Bernardus ex eodem lib. 4. adduxit. Hinc Theologi baptismum flaminis, & Tridentina Synodus sess. 6. cap. 4. baptismum in voto iustificare decernunt. Quid igitur tibi in mentem venit, Annate, dum sententiam illam S. Doctoris ab Ecclesia approbatam quasi retractatione dignam recensuisti, quam etiam constanter idem tenuit post exortos Pelagianos ad finem vsque vitæ? Legatur lib. 1. de orig. animæ cap. 9. & 2. Retract. cap. 18. Qui plura ea de re scire cupit, consulat Christianum Lupum authorem satis notum in lib. de Attritione, & contritione cap. 8.

An fortè irides, quòd de baptismo S. Latronis Augustinus insinuauit? S. Doctor rem sibi certam, nempe conuersionem cordis supplere vicem baptismi, non posse satis efficaciter illo exemplo demonstrari fassus est in libro 2. Retract. cap. 18. affirmans à quibusdam non incredibiliter dici, latronem aqua illa, quæ de vulnere lateris eius emicuit, tanquam sacratissimo baptismo fuisse persusum. Lib. 1. laudato. Cæterùm idem Pater non putauit, illum fuisse ante crucifixionem baptizatum. Apertè ait ibidem: *Latro ille non ante crucem Domini seclator, sed in cruce confessor &c. Tunc etiam fides eius de ligno floruit, quando discipulorum marcuit*. Illa verò de baptismo latronis adducit, quibus confutaret erro-

rem Vincentij Victoris, qui exemplo latronis contendebat, pueros sine baptismo mortuos peruenire posse ad originalium indulgentiam peccatorum, ut patet ex lib. 3. de orig. animæ ad Vincentium, ubi toto capite nono de baptismo latronis discurret. Quæ tamen ita adduxit, ut omnem errandi occasionem ex illius latronis exemplo refecaret. Hinc lib. 1. cap. 9. cum varios modos recensuisset, quibus Latro ille vel dicebatur, vel dici poterat baptizatus, concludit: *Verum hæc, ut vult, quisque accipiat, dum tamen de baptismo non præscribatur Saluatoris præcepto huius latronis exemplo.* Et ipse Bernardus consentit, incertum esse, an latro fuerit baptizatus, dicens: *eo quod sanè incertum sit, utrumnam fuerit baptizatus.* Hinc Pater Lupus in Sanctorum Patrum lectione summa cum laude versatus in opusculo laudato de contrit. & attrit. cap. 9. ait: *Latronis baptisma esse incertum. Variat non solum Augustinus, sed Patres passim omnes.* Hæc quidem addidi, quia ex illa S. Bernardi epistola 77. ad Hugonem, quale Augustini dictum ab aduersario per reticentiam reprehensioni expositum, iure notari possit, prorsus non video, sed nec eundem Annaum vidisse existimo.

S. XII.

S. Augustinum contra Augustinum producant.

REm confecisse, ac tota causa Augustinum deiecisse sibi persuadent, fauentibus suffragijs, ut glorianur, *trium Summorum Pontificum, sex Cardinalium ex omni numero eruditissimorum, & serè sanctissimorum, tot deinde Antistitum, tot Doctorum omnium Scholarum, Ordinum, & Nationum.* Annati sibi victoriam, ac triumphum canentis voces sunt cap. 4. pag. 887. Sed ut Augustino omnem prorsus euadendi aditum præcludant, ad ipsiusmet confessionem prouocant, quippe qui tantorum testium omni exceptione maiorum vocibus conuictus integram ipsis litem sit concessurus. Audiatur Annatus cap. 5. pag. 888, qui adeo victoriæ securus in arenam descendit, ut nullo pacto dubitet, vel ipsomet Augustino iudice postrema veluti acie dimicare; *Quando, inquit, ea conditione disputamus, ut stemus Augustini iudicio, inquirendum est hoc quæque, censuerit-ne Augustinus placita omnia sua etiam illa, quæ dum Pelagianos insectatur, exposuit, amplectenda esse necessariò.* In primis contendunt statuisse Augustinum, tria tantum dogmata aduersus Pelagianos iuxta Catholicam fidem esse tenenda, quod Sadoletus Recentiores docens olim dixerat in epistola ad Contarenum, uti §. 1. narrauimus. Rursus plura S. Patris testimonia producant, quibus asserit, nolle se eam Lectoribus legem imponere, ut omnibus abs se positis assertionibus acquiescant, ablata omni prorsus contradicendi libertate. Vnum dabo, nam idem reliquorum sensus est diuersis tantum verbis expressus. In Epistola ad Fortunatianum scribit: *Neque enim quorumlibet disputationes, quamuis Catholicorum, & laudatorum hominum velut Scripturas canonicas habere debemus, ut nobis non liceat, salua honorificentia, quæ illis debetur hominibus, aliquid in eorum scriptis improbare, atque respicere, si fortè inuenerimus, quod aliter senserint, quam veritas habet diuino adiutorio, vel ab alijs intellecta, vel a nobis. Talis ego sum in scriptis aliorum, tales volo esse intellectores meorum.* Ex quibus

quibus, alijsve eandem in rem adductis exclamant: *Licet ergo ex Augustino Augustini doctrinam aliorum scriptorum iudicio censendam exponere, licet & proprio, idq; salua honorificentia. Neq; adeo perversum est hoc consilium, ut habere non possit adiutorem Deum.* Loquitur Annatus pag. 897. Nil tamen novi hisce censores afferunt, sed Pelagianorum, ac Lutheranorum voces contra Augustinum integras repetunt. Pelagiani, cum ab Augustino Patrum testimonij oppugnarentur, ex Augustini libris nullam sibi Patribus adhærendi necessitatem esse insolenter respondebant. Audiatur Iulianus lib. 4. oper. imper. cap. 111. *Sed bene, quod nos onere talium Personarum leuasti. Nam in libro, quem ad Timasium contra liberum arbitrium contexuisti, cum Sanctus Pelagius venerabilium virorum tam Ambrosij, quam Cypriani recordatus fuisset, qui liberum arbitrium in libris suis commendauerant, respondiisti, nulla te gravari auctoritate talium, ita ut diceret, eos processu vite melioris, si quid malè senserant, expiassè. Tua tibi ad hoc relata sint, ut excitare de solis nominibus crubescas invidiam.* At non veterum tantum hæreticorum, sed & recentium Dogmatistarum tritum hoc effugium esse ad Sanctorum Patrum, ac præcipuè Augustini auctoritatem eludendam, testatur eruditissimus vir Stapletonus tomo 1. contr. 3. lib. 7. cap. 15. *Alij, inquit de Protestantibus, non plures, nempe Patribus, tribuendum esse arguunt, quam ipsimet Patres sibi tribui postulant, & hoc in loco varias Augustini sententias producunt, quibus ille suis scriptis non aliter fidem haberi postulat, quam quatenus ex Scriptura sacra, vel ex evidenti ratione sententiam suam confirmaverit.* Additq; in verbis S. Augustini ex lib. 11. con. Faustum cap. 5. in quo loco sibi plaudit Annatus pag. 897. eos mirificè exultare.

Doctissimus, idemq; sanctissimus Pater cæteris virtutibus, quibus diuino munere ad stuporem usq; ornatus fuit, sociam modestiam adiunxit, neq; tantum sibi vnquam tribui voluit, quantum Pythagoræ à discipulis delatum fuit, ut illud esset ineluctabile argumentum, *avros ipæ.* Hoc vnum Augustinus rogat tota Epistola septima ad Marcellinum. Cæterum disputans contra Pelagianos passim capitalia dogmata tanquam Catholicas sententias defendere se profitetur. Ita lib. 5. con. Iul. cap. 12. quinque de concupiscentia quæstiones agit, ubi ait: *In his quæstionibus Catholica veritate antiquitus tradita, vestra impia novitas suffocatur.* In Epistola 107. ad Vitalem duodecim theses de gratia statuit, asserens easdem ad fidem rectam, & Catholicam pertinere. Idem de prædestinatione docet lib. de dono perseu. cap. 23. in fine. Illud vel maxime iterum recolendum est, S. Doctorem, cum in libris Retractionum plures sententias correxerit, nullam contra Pelagianos statutam, aut defensam thesim expunxisse, ut planum fiat, Augustinum censuisse omnia, & singula, quæ illis in libris docuerat, à vero non dissonare, sed novum laborem, atq; exactiorem diligentiam Augustinus fortè Recentioribus reliquit, qui iterum severiori iudicio eadem Hipponensis scripta, ut ait Annatus pag. 897. *inspirante Deo examinata errores continere demonstrarent.*

Cum olim Semipelagiani Augustinum erroris arguerent in ijs libris, quos contra Pelagianos procuderat, modestissimi vir ingenij respondit in fine lib. de dono perseu. *Qui verò errare me existimant, etiam, atq; etiam diligenter, quæ sunt dicta considerent, ne fortassis ipsi errent.* Ibidem verò cap. 21. ait: *Quamvis neminem velim sic amplecti omnia mea, ut me sequatur, nisi in ijs, in quibus me non errare perspexerit. Nam propterea nunc facio libros, in quibus Opuscula mea retractanda susce-*

suscepi, ut nec me ipsum in omnibus me secutum fuisse demonstrem &c. Quæ quidem attentiori mentis acie considerans Magnus ille Annalium Ecclesiasticorum scriptor Cardinalis Baronius tomo 5. ad Annum 426. pag. 498. hæc in Augustini commendationem scripsit, quæ licet superius recitata sint, libeat hic quoque repetere: Hæc ipse, ait, digna quidem S. Augustini modestia, animiq; eius admirabili cum submissione verecundia, ut planè nisi aliunde, ex his saltem intelligere valeas afflatum ipsum diuino spiritu illa scripsisse, cum non supra quempiam alium, quam super humilem, quietum, & tremensem sermonem Dei diuinum affore Numen, Deus per Prophetam fuerit contestatus: Sicut & Iacobus docuit ubi ait: qua defursum est sapientia primum quidem pudica est, deinde pacifica, modesta, suauis, bonis consentiens. Hæc ille. Et tamen ed prorupit Annatus, ut affirmare non extimuerit cap. 5. pag. 897. impugnatorem Augustini habiturum adiutorem Deum! Et hic inter S. Doctoris defensores numerari vult, Augustinum à Baianis vindicando? Non est hoc, Annate, Augustini causam tueri, sed prodere.

Verùm licet præ animi modestia adeo humiliter de se Augustinus sensit, Catholica tamen Ecclesiæ iudicio eius de diuina gratia doctrina ita approbata est, ut vel ipsi Recentiores, qui post Annatum contra Iansenium scripsere, rei euidentia coacti hanc Augustinianæ auctoritati, non dicam laudem, non testimonium, sed confessionem cum Decampsio dederint: Conciliorum sanctiones, & Romanorum Pontificum edicta, quibus Pelagiana hæresis iugulata occubuit, ex S. Augustini libris petita sunt, S. Augustini doctrinam continent, S. Augustini verbis exprimuntur. Fuit Augustinus quodammodo Ecclesiæ præceptor, cum Romanis Pontificibus, & Concilijs ore prauit, quod de superbissima hæresi iudicarunt. Fuit lingua Ecclesiæ, cum eius verbis decreta concepta sunt, & qua prius fuerant Augustini voces, Spiritus S. oracula esse ceperunt. Fuit ille Conciliorum Dux, atq; implices, cum ipsarum rationes, & argumenta subministravit, quibus Pelagium, eiusq; complices fregerunt; Lib. 3. Hæres. Ians. disp. 1. cap. 6. Video Annatum spissum hic puluerem excitare, quo tantam Romanæ Ecclesiæ lucem Augustinum quaquaversum irradiantem obducatur. Quas enim ille nebulas cogit toto capite sexto, quibus delatas à Romanis Præsulibus Augustino laudes offuscat? Illius tamen vanos conatus insequenti capite reprimemus, ubi S. Doctoris auctoritatem Apostolicæ Sedis sententia toties munitam ab huius S. Patris Vindicatoris, uti se iactat, obiectionibus, prauisq; interpretantis asseremus.

Attamen etiam si nullus pro Augustino veterum Patrum staret, ac Vaticana oracula silerent prorsus omnia, non adeo deplorata censenda esset Augustini causa, ut Annato eidem aduersante, nullum fauentem ludicem sortiri in Orbe posset, præsertim cum manifestum sit, plura ipsum testimonia falsasse, alia prorsus finxisse, quosdam in testes adduxisse, vel Semipelagiano errore infectos, vel Grammaticos imperitos, vel nouosex Iuris consultis Theologos, vel impudentes, minùsq; consultò locutos, atq; Augustinium librorum, prorsus incios. At cum S. Augustini doctrina tot Romanorum Præsulum laudibus, tot Conciliorum decretis, tot omnium veteris Ecclesiæ Patrum encomijs ornata, munita, ac defensa sit, quis nuper eandem in iudicium à Recentioribus vocatam damnari vel minima ex parte posse suspicetur? Ab Augustino enim stat antiquitas, à Recentioribus nouitas; illinc sanctitas, hinc audacia; illinc antiqui Patres, hinc noui scriptores; illinc tot sæculorum consensus,

hinc

hinc nostræ ætatis scholasticorum minima portio. Quæ sanè cum attentius considero, illud subinde mecum reputo, nescire me, an laudem, vel odium potius apud probos hoc opere mihi met conciliarim, contraxerimve. Proferò arbitror non defuturos, qui me inane operam posuisse dicent, Augustinum in iudicio contra Recentiorum accusationes defendendo, quasi horum temeritas vel initio causæ non statim intelligatur, qui contra summum Ecclesiæ Magistrum conductis testibus coram Orthodoxo Orbe dimicare ausint. Sed veniam precor, si quicquam à Recentiorum testibus Augustino timere malivis sum; eius enim causam defendendam suscepi, ne apud imperitos, nimiumque credulos tantorum testium nomina, quæ aduersarij longo ordine contra Augustinum producere gloriabantur, vel fidem inuenirent, vel suspensionem saltem ingererent.

CAPVT VI

Elogia à Summis Pontificibus Augustinianæ doctrinæ contra Pelagianos delata à sinistris Recentiorum interpretationibus vindicantur.

SANÈ non leuem inuidiam redolet Recentiorum factum, de quo hoc loco sermonem institui. Romani Præsules S. Augustini de diuina gratia doctrinam miris præconijs consecrarunt. Vnde tanta eidem ab omnibus per tot retrò sæcula veneratio impensa est, vt post eorundem Pontificum voces Orthodoxi vnum Augustinum inaudierint, imò Augustini dogmata in Pontificum decreta, ac Synodorum canones transferint, quod in historia Pelagianæ demonstrauimus. Hæc quidem Recentiorum animus altius pupugere; quare delata Augustinianæ doctrinæ à Romanis Præsulibus elogia falsis interpretationibus partim decurtare, partim eludere audacter quidem, sed non æquè feliciter conati sunt.

Primus inter Pontifices, qui S. Augustinum commendarunt, Innocentius producit, qui cum ab Augustino literas accepisset, à quatuor alijs collegis subscriptas, quibus Pelagij errores eidem significabamur, respondit epist. 96. inter Augustinianas: *Quod earum tenor, omnisq; contextio est in consideratione quotidiane gratiæ Dei, & in eorum correctione, qui contra sentiunt, integritate conseruata, vt & illis omnem tollere possit errorem, & idoneum dato curæ nostræ legis exemplo, quem sequi debeat dignum possit præbere Doctorem.* Legantur, quæ diximus lib. 1. Hist. Pelag. cap. 11. Recentiores haud vniuersam S. Augustini doctrinam contra Pelagianos ab Innocentio approbatam fuisse contendunt, sed qua parte tantum decurtat contra duos Pelagij errores, quos ibi Pontifex damnat: *Do verba Moraines disp. 12. Anti-Ianſ. num. 49. Ex hac autem approbatione huiusmodi literarum de vno, aut altero tantum errore loquentium, inferre, totam D. Augustini doctrinam de gratia fuisse specialiter ab Innocentio approbatam; est malitiosè simplicibus illudere, & eruditorum patientia intolerabiliter abuti.* Quod verò S. Augustinus, quò melius Pelagianæ hæresis faciem Innocentio suis coloribus pictam ostenderet, eiusdem Hæresiarchæ librum in laudem naturæ emisit, atq; aduersarium abs sede natura, & gratia compositum volutem miserat; addit ibidem: *Respondens Innocentius sequenti epistola 96. nullam sa-*

cui mentionem aliorum errorum Pelagij, neque libri de natura, & gratia D. Augustini, sed tantum laudas precedentem epistolam ab illis ad se scriptam. Duos verò errores ibidem tantum damnatos esse ait, nempe non dari peccatum originis, neque Del gratiam esse necessariam ad rectè, pièque viuendum.

Quid de libro Pelagij S. Innocentius decernat, audiamus: *Librum sanè, inquit, qui eius esse diceretur, nobis à vestra charitate transmissum euoluimus, in quo MULTA blasphemia, nihil, quod placeret, NIHIL, quod non penitus displiceret, à quouis dammandum, atque calcandum, cui similia, nisi qui ista scripserat, nemo alter in mentem reciperet, atque sentiret. Itane nihil Pelagiani libri Innocentio placere, nihil in eo scribi, quod non displicat, est vnus tantum, aut alterius erroris condemnari, an potius plenum erroribus iudicari? Vnam interim particulam disiunctiuam corrigas, Morainie; dixisti enim Innocentij literas de vno, aut altero errore loqui, reponas coniunctionem, de vno, ET altero illam periodum reddens, ne quis erga te malevolentior dubitasse te dicat, duo-ne, an vnus tantum Pelagij error illis in literis proscribatur. Sed ad Augustinum meum redeo. Hic Pelagij librum ad Innocentium mittens cum eiusdem confutatione asteriscis loca Pelagij signarat, vbi hic non rectè de diuina gratia sentiebat, quæ displicuisse Innocentio, cui NIHIL illius libelli placuit, quis dubitet? Librum verò Augustini approbatum, ac laudatum fuisse, & quidem de lege reos sine gratia homines faciente disputantem, quæ falsa, atque ob furorem contra hæreticos Augustino excidisse fingit Moraines disp. 24. num. 44. ex his Innocentij verbis colligitur: *Nam hoc loco latius de lege disputare velut coramposito, repugnanteque Pelagio necessarium esse non duximus, cum reuoluissemus TOTVM SCIENTIBVS, PARIQUE NOBISCVM ASSENSIONE gaudensibus colloquamur.* Audin Augustinum totum scientem, ac per omnia Innocentio in ijs, quæ de lege sine gratia proximè sufficienti reos faciente disputarat, plenissime consentientem?*

Innocentio successit Zosimus, dein Bonifacius, qui S. Augustinum mirificè coluerunt, quibusque eiusdem doctrina probata fuit. Annatus lib. 8. cap. 6. pag. 908. hæc scribit: *Quare non possit ab eiusmodi Doctore instructio peti ad compiciendum erroris contrarij damnationem, ut Zosimus, ut Bonifacius, ut Felix huius nominis IV. petiisse dicuntur ab Augustino.* Hæc quidem rectè se habent, sed rectius foret, id non vulgari fama assertum dicere, sed constanter adstruere. Ea enim phrasi vtimur, cum de re mindus comperta loquimur, quis enim mero meridie pronunciet, Solem DICHI splendescere? Nouimus Annati erga Augustinum animum, hinc suspicioni locum damus. Zosimus non prius decretoriam in Celestij, ac Pelagij causa sententiam tulit, quàm ab Africanis Synodis, quorum teste Prospero Augustinus ingenium erat, literas accipetet, vt in historia Pelagiana lib. 1. cap. 13. dictum est. Bonifacius etiam Iuliani literas ad Augustinum confutandas transmisit, vt ibidem pariter narrauimus cap. 21. De Felice Papa diximus lib. 2. cap. 23. Quæ, ne actum agamus, iterum non repetimus. Itaque, & reapse Pontifices illi contra Pelagianos instructionem ab Augustino petiere, idque ex ipsius Augustini libris, & eiusdem sæculi Patribus, & non vulgi tantum rumore manifestum est.

Bonifacio subrogatus Celestinus non modò S. Augustini doctrinam laudauit, sed eiusdem calumniatores datis ad Episcopos Galliæ literis perculit.

Elogium verò veluti paulò ante demortuo Augustino sepulchralem inscriptionem, hocce apposuit: *Augustinum Sancta recordationis virum pro vita sua, atque meritis in nostra communione semper habuimus, nec unquam hunc sinistra suspitionis saltem tumor aspersit, quem TANTAE SCIENTIAE olim fuisse meminimus, ut inter Magistros optimos etiam à meis semper Decessoribus haberetur. BENÈ ergo DE EO OMNES in commune SENSERVNT, utpotè qui VBIQUE CVNCTIS, ET AMORI FVERIT, ET HONORI; unde RESISTENDVM TALIBVS, quos malè crescere videmus. Tradit Celestinus, imò iubet, resistendum Augustinianæ samæ decurtatoribus. S. Prosper cum eximiam hanc de Augustino laudem ex Celestino recitasset in fine libri contra Collatorem exclamavit: Contra istam clarissimæ laudationis tubam, contra istam sacratissimæ testimonij dignitatem audet quispiam MALIGNAE INTERPRETATIONIS murmur emittere, et perspicua, sincerissimaque sententia nubem oblique ambiguitatis obtendere? Ita planè, ò Prosper, conantur, audentque Recentiores. Imò vti inter cætera ab Apostolica Sede Augustino data præconia illud iure meritò primo loco reponitur, ita totis ingenij viribus defudant, quò tantarum laudum splendori nubem oblique ambiguitatis obtendant, ne tantùm inde lucis in Augustinum deriuat.*

Annatus lib. 1. sui Augustini cap. 8. audito Celestini elogio ait: *Non dicit esse Patrem Patrum, Doctorem Doctorum, primum Angelum inter ceteros Episcopos, inter omnes excellentissimum, verè irrefragabilem, & ineffabiliter mirabilem. Habitum esse dicit à suis prædecessoribus Innocentio, Zosimo, Bonifacio inter Magistros optimos; atque ita putabantur quidem alij Sancti Patres esse quoque optimi Magistri, à quibus si discessisset Augustinus, quid putamus Celestinum fuisse nobis præcepturum, ut optimos optimo postponeremus, & multos uni, quoniam id iurè vel quæ ratione?* Cum verò Celestinus postea, ut putant, cap. 3. Semipelagianos reprehendat pijsimis disputatoribus obviare præsumentes, addit Annatus: *Hos ergo dicit Celestinus obuiasse non Augustino soli, sed pijsimis disputatoribus, & Magistris, quibus verbis non est dubium, quin comprehendatur etiam Hieronymus.* Hæc illi omni arte adnitentes, Augustinum in ordinem ferè redigere, ut in Pelagianò bello non supremus quidem Imperator, sed tanquam è prædecessoribus numero æquali cum multis auctoritate habeatur. Hæc autem eo consilio moliuntur, ut quoniam Augustini nomine se grauari ferè iam tandem sentiunt, aliorum Patrum, qui de gratia quid sentirent breuiter quibusdam, ut cap. 14. de prædest. SS. ait Augustinus, scriptorum suorum locis, & transeunter attigerunt, suffragia iacere possint. Etenim cum illi non tam apertè, & perspicuè de diuinæ prædestinationis, ac gratiæ mysterijs differuerint, quædam eorum dicta, quando nondum Pelagianus, ut idem lib. 1. con. Iul. cap. 6. scribit, litigantibus securius loquebantur, veluti sibi fauentia Recentiores arripiunt, dimissis S. Augustini sententijs clarissimis, apertissimis, euidentissimis, eam cæteris Patribus postpositi Augustini causam, rationemque reddentes cum Adamo 3. par. Cal. destr. cap. 16. pag. 760. *Hæc Augustini tenebræ me cogunt ad lucem alibi querendam, quam in Synodis, & aliorum Doctorum libris inuenio.* Mira docent. Profectò non dicam obscurè, sed non tam clarè locuti dicendi sunt alij Patres, qui de gratia breuiter, & transeunter quædam solummodò attigerunt, non verò Augustinus, qui copiosissimè, ac subtilissimè in triginta & ampliùs libris de eadem gratia disputauit, ex breuitate enim obscuritas, ex copia verò sermonis claritas deriuat.

Sed Augustinum cæteris præponendum esse, vbi de diuinæ gratiæ auxilijs agitur, tanquam supremum Catholici exercitus Ducem vetustioris Ecclesiæ Patres tradidere. Canit S. Prosper contra Ingratos cap. 3.

ISTIVS inter cunctos, qui de grege sancto

Inferas populere feras, industria maior,

Maius opus, totum præstantius imbuat Orbem.

S. Fulgentius Episcopus Ruspensis lib. 2. de verit. prædest. & grat. cap. 17. ait: *Hæc itaque Catholicorum Patrum Apostolicis institutionibus tradita permanet in Ecclesia sine dubitatione doctrina, quam Græci, Latinique Pontifices Sancti Spiritus infusione firmati, vno atque indissolubili semper tenuere consensu. In qua Beatus Augustinus indutus virtute ex alto abundantius illis omnibus laborauit: non autem ipse, sed gratia Dei cum illo. Ipsius enim ministerio Dominus ceteriorem huius rei fidelibus suis instructionem præbuit &c.* Audiatur iterum proximè laudatus magnus ille Prosper in præfatione contra Collatorem ait: *Viginti amplius annis contra inimicos gratiæ Dei Catholica acies HVIVS VIRI ductu pugnauit, & vincit. Fortè Annatus respondebit cum suo Vasquezio l. p. disp. 97. cap. 3. num. 20. Fateor sanè suspecta mihi esse testimonia Prosperi, & Fulgentij, quòd diligentissimi, & exactissimi Augustini discipuli sint. Audiatur igitur ipsius Vasquij confessionem, quando vtriusque illius Patris testimonia suspecta sunt. Scribit hic in l. p. disp. 90. capite 6. numero 37. Quamuis nullus esset ex Patribus commemoratis, quem pro hæc sententia de gratiæ necessitate ad singula opera bona moralia Scholastici Doctores allegare possem, in VNO SOLO AVGVSTINO, eiusque schola sua opinionis præsidium libenter collocarent, eumque sibi sufficere meritò arbitrarentur, quod VNICVS sit, qui dum agitur de gratiæ necessitate, sicut Sol inter reliquos præfulgeat. Verùm nos non ex Vasquio ista discimus, sed ex Romanæ Ecclesiæ Pontificibus, Cum Iulianus aduersus diuinam gratiam scripsisset, S. Bonifacius Papa ab vno Augustino responsum postulauit. Cum Oriens pb Fausti Reienfis libros in partes diuisus esset, S. Hormisdas ab Augustino cognoscendum scripsit, quid Romana sequeretur, & seruaret Ecclesia. Gallijs etiam per centum ferè annos iisdem dissensionibus contusus Felix IV. ex vnus Augustini libris sententijs desumptis pacem dedit. Nostro hoc etiam sæculo vniuersa Europa exortis de auxilijs diuinæ gratiæ litigijs in partes dilancinata, Clemens VIII. eas lites ad vnus Augustini tribunal iussit agitari. Quibus sanè Romani Pontifices non obscure significarunt, in controuersijs de diuina gratia vnus Augustini vestigijs nobis inhaerendum esse. Nusquam tamèn solus est Augustinus, sed secum ingens subsecutorum Patrum agmen trahit, nempe Prosperum, Fulgentium, Cæsarium, Petrum Diaconum, Patres Byzacenos in Sardinia exules, Rhemigium, Prudentium, Anselmum, Bernardum, aliosque, qui S. Doctoris vestigia illis in controuersijs sequuntur, quæ quidem consideratione ruit ingens ille apparatus, quem Annatus libro primo per plura capita componit, quasi in aliqua sententia de gratia solitarius esse possit Augustinus. Sanè Prosper, & Fulgentius, qui de Semipelagianis triumpharunt, semper cum Augustino sunt, ita vt si ex vna parte Augustinus, duoque isti tantum sint, ex opposita vero longè plures Patres numerentur, quis non potius illi Patrum Triadi inhaereat, quæ de Pelagiana hæresi triumphauit, neque citra temeritatem erroris accusari potest? Procul etiam hinc abeant illæ Morainij quærelæ in præfatione*

satione ad Orthodoxos: Quid enim, si heretici suis argutijs possent euincere, se non esse aperte ab Augustino damnatos, Ecclesiæ causa deferenda esset, & insufficiens foret omnium aliorum Patrum pro veritate consensus, quia Augustinus est necessarius: Iniqua certe esset Ecclesiæ conditio, cui Deus non unicuique Doctorem, sed Doctores promisit, ut non circumferamur omni vento doctrinæ. Erras, o bone vir, & toto ostio erras, nunquam solus es Augustinus, & si quidpiam primus de prædestinatione dixit, iam non solus hoc dixit, tot subsecutus Patribus Augustini verba reddentibus, quæ aduersarij non satis adnotarunt.

Quod verò addit Annatus, illis verbis Celestini contra Semipelagianos: *Piissimis disputatoribus obuiare præsumunt, & cum Pelagium, atq; Celestium anathematizare non dubitent, Magistris tamen nostris, tanquam necessarium modum excesserint, obloquuntur, non vnum Augustinum intelligi, sed etiam Hieronymum, imperite prorsus asseritur.* Etenim Semipelagiani contra vnum Augustinum loquebantur, quod solus illam de prædestinatione gratuita sententiam docuisset. Scribit enim Prosper ad Augustinum: *Ea quæ de epistola Apostoli Pauli Romanis scribentis, ad manifestationem diuinæ gratiæ præuenientis electorum merita proferuntur, a NULLO unquam Ecclesiasticorum ita esse intellecta, ut NUNC sentiantur, affirmant.* Non igitur vnà cum Augustino Hieronymus reprehendebatur à Semipelagianis. Imò ita Hieronymus de gratia contra Pelagianos scripsit, ut Semipelagianorum sententiam tenuisse quibusdam visus fuerit; nam lib. 3. dialog. con. Pel. ait: *Iustitia labore, & industria, ac diligentia, & semper super omnia Dei clementia custoditur; ut nostrum sit rogare, illius tribuere quod rogitur, NOSTRUM INCIPERE, illius perficere, NOSTRUM OFFERRE, quod possumus, illius implere, quod non possumus.* Quæ quidem à Semipelagianis pro suo ipsorum dogmate accipi poterant, quorum sententiæ erat, ut verbis utar Prosperi con. collat. cap. 8. *Ut boni, salubresq; conatus nequeant quidem proficere, nisi Deus adiuvet, possunt tamen, etiamsi non à Deo inspirentur, incipere.* Et sanè Hieronymum cum Semipelagianis sensisse eo loci scribit Iansenius, durius locutum Vossius, & ante utrumque de Hieronymo aliqui dubitarunt apud Vasquium 1. p. disp. 91. cap. 8. Hieronymum verò pluribus conatur defendere idem Annatus lib. 7. A. V. cap. 12. cui subscribo, nam aperte ait, Dei clementia semel habitam gratiam custodiri; neq; labor, & industria solitariæ, nempe sine gratia, intelligenda sunt, ut fusiùs discurret idem Recentior. Igitur Semipelagiani Hieronymo non obloquebantur, quem in sua ipsorum sententiâ esse suspicari poterant. Præterea Celestinus ait, Semipelagianos adnixos, *quiescentium fratrum memoriam dissipare, & immediatè laudat post illa verba Augustinum concludens, resistendum obloquentibus.* Vnus igitur ibi defenditur Augustinus; nam si cum Augustino Hieronymus quoq; eorundem dictis lacerabatur, cur Pontifex de vno Augustino laudes reddit, Hieronymo in angulum prorsus reiecto? Profectò Prosper, qui apud Celestinum S. Augustini calumniatores detulerat, huius Celestini sanctionis, quam ipsemet impetrarat, mentionem faciens contra Collatorem cap. 42. ait: *Per hunc virum intra Gallias istis ipsis, qui S. mem. AVGVSTINI scripta reprehendunt, maleloquentiæ est adempta libertas.* Augustinum tantum & à Massiliensibus reprehensum, & à Celestino laudatum scribit, nihil de Hieronymo locutus. At Recentiores Augustino illatæ à Semipelagianis calumniæ, atq; iniuriæ socium Hieronymum faciunt, non sola-

tijgratia, sed vt Celestiniani elogij parstantum ad Augustinum deuoluatur, altera Hieronymo reſeruetur. Porro Augustinum plurali numero Magistrum, ac Doctorem ab Apostolica Sede appellatum paulo inferius constabit, vbi de Felice IV. dicemus.

S. Gelasius Papa inter S. Augustini cultores numeratur, eumq; non immerito Vasquius 1. p. disp. 91. num. 75. vocat *per omnia Augustinianum*. Ille igitur in epistola ad Episcopos per Picenum, vti lib. 2. Hist. Pelag. cap. 17. obseruauimus, hæc scribit: *Adhuc maius scelus accrescit, vt sub conspectu, & presentia Sacerdotum beate mem. Hieronymum, atq; Augustinum Ecclesiasticorum lumen Magistrorum musca moritura, sicut scriptum est, exterminans oleum suauitatis lacerare contenderet*. Sua hic glossemata apponit Annatus lib. 1. cap. 8. *Ecce Hieronymus quoque lumen est Magistrorum, sicut Augustinus testimonio Romani Pontificis. Quis hoc inficias ibit? At multum interest, vndenam aduersus Pelagianorum tenebras magis Ecclesia illustretur, plusque luminis accipiat, ab Hieronymo-ne, an ab Augustino? In Conuentu Hierosolymitano contra Pelagium producta fuit ab Orosio epistola S. Augustini ad Hilarium, itemq; paulò post etiam in Synodo Diospolitana, de qua re ita scribit S. Doctor lib. de pec. orig. cap. 10. hæc Synodi verba referens: Quoniam Sanctus Episcopus Augustinus aduersus discipulos eius in Sicilia respondit Hilario ad subiecta capitula scribens librum, in quo ista continentur &c.* Quo sanè tempore Hieronymus iam ediderat epistolam datam ad Ctesiphontem contra Pelagium, & in Palæstina ipsa aderat, in qua Synodus habebatur, maioremq; ipsa præsentia, ac sanctitatis fama authoritatem sui nominis reddebat, & tamen Hieronymi epistola prætermissa, ad Augustinianæ epistolæ amussim Pelagius examinatus fuit. Obijcient Recentiores Ioannem Hierosolymitanum Hieronymi hostem acerrimum, sed in Diospolitana Synodo non præsidebat Antistes Hierosolymitanus, sed Eulogius Casarensis Palæstinæ Metropoli. Vt certè vel initio illarum disputationum satis apparuerit, vnum Augustinum supra cæteros in Pelagiano bello validissimum, ac strenuissimum Ducem cœlitus destinatum, ac talem Patrum Synodis probatum. Sed quid nobilius ipso Hieronymi & testimonio, & exemplo? Cum Orosius libros priores ab Augustino contra Pelagianos publicatos in Asiam ad Hieronymum detulisset, Bethleemiticus Pater doctrinæ copiam, eruditionis excellentiam, rationum momenta, integrumq; opus admiratus, silentium sibi indixit, idq; scripto coram Orbe vniuerso publicauit in fine lib. 3. dialogorū, vbi loquens de libris S. Augustini contra Pelagium ait: *Alios quoque specialiter tuo nomini cedere dicitur, qui necdum in nostras venire manus, unde supersedendum huic labori censeo, ne dicatur mihi illud Horatii, in syluam ne ligna feras, aut enim eadem diceremus ex superfluo, aut sinona vluerimus dicere, à CLARISSIMO INGENIO OCCUPATA SVNT MELIORA*. Adeo verò Hieronymus religiosè silentium postea coluit, vt ab Anniano eiusdem epistola ad Ctesiphontem impugnata, non modò defensionem nullam adornarit, sed per literas Augustinum ad illam confutandam hortatus fuerit, de qua re libro primo hist. Pelag. cap. 19. fusiùs dictum est. Ille, inquam, Hieronymus impugnatus certamen recusauit, qui nec ab amicissimo olim Rufino impunè se vel minimum perstringi passus est, sed editis apologijs illatas quasq; calumnias propulsauit. Itaque cum Hieronymus in hoc stadio lampadem Augustino tradi-

derit,

derit, ab isto quodque vnice lumen Ecclesia accepit, quo Orbem catholicum illustraret. Ex his patet etiam vanam esse illam Morainij vocem in præfatione ad Orthodoxos: *Quid de Hieronymo? Eritne etiam ille Augustini discipulus, & de Angelis inferioribus?* Non discipulus Augustini fuit, sed initio certaminis commilito, dein domi quiescens Augustinensiu prætorum, ac victoriarum admirator extitit, toto belli onere in Augustinum deuoluto. Gelasius quidem Hieronymum æquę ac Augustinum laudat; quod Seneca ille hæreticus vtrumque maledico dente proscindebat. Sicuti cum Celestinus Pontifex vnum Augustinum contra Semipelagianorum conatus nominatim defendit, vnum illum ab iisdem fuisse impetum intelligimus, non verò vnā cum Hieronymo, vt Annatus comminiscetur. Cæterum Gelasius ea in epistola S. Augustini folius doctrinam, atq; dogmata, & quidem quæ Recentioribus minimè probantur, adeo perspicuè tradit, vt verè dicendus sit per omnia *Augustinianus*, idque superius luculenter à nobis probatum est.

Succedit his S. Hormisdas Papa, qui vti lib. 2. Hist. Pelag. cap. 19. narrauimus, de libris Fausti Reienfis à Possessore Episcopo consultus, vbi hos ab Ecclesia minimè receptos respondit, hæc addidit: *De arbitrio tamen libero, & gratia Dei quid Romana hoc est Catholica sequatur, & seruet Ecclesia, licet in varijs libris B. Augustini, & maxime ad Prosperum, & Hilarium abundè possit cognosci, tamen & in scrijjs Ecclesiasticis expressa capitula continentur &c.* Quo præconio S. Augustini doctrinam Ecclesię doctrinam declarauit. Recentiores tamen parum inde ponderis Augustinianę auctoritati adijci putant, prauisque restrictionibus Hormisdę testimonium limitant. Annatus lib. 8. cap. 6. ait: *Postquam enim mittitur ad libros de bono perseuerantię, & de prædestinatione Sanctorum, qui scripti sunt ad Prosperum, & Hilarium, hoc vnum putare debemus, pertinere ad Romanam, & Catholicam fidem, quod Augustinus intendit toti illis libris.* Addit duo ibidem tantum intendi initium fidei; & vsq; in finem perseuerantiam in bono esse dona Dei. Hinc concludit pag. 905. *Ergo qui nos ad hos libros mittit Summus Pontifex audituros, quid Romana, hoc est Catholica doceat Ecclesia de gratia, & libero arbitrio, discere nos hoc tantum iubet. Ergo si quę alia intercurrent, dum hec confirmantur ab Augustino, nec habeant necessariam connexionem cum ijs, quę potissimum intenduntur, non est mentis Pontificis, vt eis firmiter adhiereamus, si nihil aliud cogit, quia nec est mentis ipsiusmet Augustini.* Verum inuidiosa, ac præpostera prorsus hæc glossæmata sunt. Quis enim nesciat, libros Fausti præcipuè, imò vnice scriptos contra prædestinationem ante merita præuisa, totus enim in eo est, vt S. Augustini sententiam confuteret. Hinc Petrus Diaconus in fine lib. de Incar. & grat. scribit, se cum Monachis socijs anathematizare libros Fausti Galliarum Episcopi, qui de Monasterio Lirinensi prouectus est, quos contra prædestinationis sententiam scriptos esse non est dubium. Quare cum Hormisdas Fausti opus reprobat, ac è contra S. Augustini libros legendos inculcet, sententiam S. Augustini de gratuita prædestinatione illis in libris assertam probat, quam tamen inter adiphora Annatus rejicit. Reprobat Pontifex Fausti libros inscriptos de gratia, & libero arbitrio: approbat verò ea, quę de illa materia scribit Augustinus præcipuè ad Prosperum, & Hilarium. Itaque quęcunq; theses de gratia, & libero arbitrio posite sunt ab Augustino, quibus aduersarias opposuit Faustus, illas à Romana Ecclesia seruari, ac defendi tradit Hormisdas. Sanè inui-

inuidiam redolet maximam, tam amplum testimonium ad duo tantum dicta coarctari. Sed Pontifex non illos duos tantum libros Augustini laudat, sed VARIOS Augustini libros, præcipue verò ad Prosperum, & Hilarium datos appellat. Vnde ibidem cætera etiam volumina Augustini approbantur; quicquid igitur in illis docet de gratia, & libero arbitrio, hoc teste Hormisdæ, Romana sequitur, & seruat Ecclesia. Annatus verò quasi particula illa *maximè* idem esset ac restrictiua *solum*, duas tantum S. Doctoris sententias, quas præcipue stabilis in libris de prædestinatione SS. & de dono perseverantiæ, ab Hormisdæ confirmatas fingit. Non ita est, Annate, Non ita: præter id, quod in illis duobus libris in alijs quoque VARIIS LIBRIS de gratia, & libero arbitrio Augustinus scripsit, hoc totum Romanæ Ecclesiæ probatur.

Alia via contra Hormisdæ testimonium vadit Decamps lib. 3. de hæc. Ianf. disp. 1. cap. 4. nam cum Hormisdas dixerit capitula quædam de gratia, & libero arbitrio in scrinijs Ecclesiasticis contineri, hæc putat esse illas sententias, quæ epistolæ Celestini Papæ ad Episcopos Galliæ annexæ leguntur. Porro has tantum ex Augustinianis libris esse Ecclesiæ Romanæ probatas scribit, eius verba sunt: *Afferit Hormisdas, cognosci ex S. Augustini operibus posse, quid de gratia, & libero arbitrio Ecclesia sentiat, quia nimirum in his acerrimè defenduntur hæc ipsa capitula, quæ in scrinijs Ecclesiasticis continentur, quæque epistolæ sue Celestinus intexit. Quis unquam ex nobis istud negavit? fatemur in S. Augustini operibus illa ipsa contineri, acriterque defendi, quæ ab Ecclesia contra Pelagianos sancita sunt. At negamus aliud nihil in eius libris reperiri, nobisque in hac parte Hormisdas suffragatur, dum collecta à Celestino capitula appellat, in quibus disertè traditur, profundiores quæstiones, quæ ab Augustino contra Pelagianos dimicantè latius pertractantur, ab Ecclesia Romana non fuisse comprobata. Verum quis Ecclesiastica scrinia Decampio reclusit, ut tam confidenter scire potuerit, Hormisdam nomine capitulorum illas Celestini sententias intellexisse? Vnde nouit ex vniuersa S. Augustini doctrina nouem solummodò Celestini capitula in Ecclesiasticis scrinijs fuisse sèposita? Scimus S. Leonem Magnum, qui tertius à Celestino Pontifex sedit, in epistola ad nostrum Metropolitam Aquileiensem duo integra capita ex libro S. Augustini contra Pelagianos ad verbum exscripsisse. Cur non ista pariter Hormisdas appellat? Scimus S. Gelasium Papam ad Honorium Episcopum contra Pelagianos scripsisse, atque mentionem quorundam capitulorum fecisse: *De quibus, inquit, si, quos tua charitas destinauit, si plenius instrui uoluerim, sequentes titulos cum suis responsionibus intinabunt. Quare Hormisdas hæc insinuat à Gelasio capita non intellexit? An nil aliud statuisse Gelasius credendus est, quàm illa, quæ sub nomine Celestini vulgata sunt? Quis hoc sine teste dicenti credat? Scimus eundem Gelasium in epistola ad Episcopos per Picenum tres, quatuorve S. Augustini sententias, ut superius ostendimus, inculcare, quas Recentiores reprehendunt, ac furenti contra Pelagianos Augustino excidisse comminiscuntur; vnde credibilis est, has quoque inter illos titulos à Gelasio connumeratas, quàm illas tantum Celestini. Scimus Felicem IV. ad Patres Arausicanos ex S. Augustini libris excerptas de diuina gratia sententias contra Semipelagianos transmississe, & hæc quidem in XXV. canones digestæ sunt: inuenitne Pontifex omnia illa aserta in Ecclesiasticis scrinijs, vel cum illa tantum nouem à Celestino selecta reperisset, nouis ex Augustiniano thesauro diuitijs**

serinia Ecclesiastica locupletauit? Quid dicitis, ò noui antiquarum Romanorum Pontificum constitutionum interpretes?

Sed quòd de Felicis IV. capitulis mentio incidit, ex libro primo Hist. Pelag. cap. 23. recolendum est, Romanum Pontificem ad lites de auxilijs diuinæ gratiæ per centum ferè annos Gallias turbantes, Apostolica auctoritate sopiendas, vigintiquinq; sententias ex libris S. Augustini decerptas ad Sanctū Cæsarium Arelatensem transmisisse, ipsi cæterisq; Galliæ Episcopis subscribendas. Quis porrò non intelligat, quantum eo facto honoris incrementum Augustino additum sit, cum quæ priùs illius voces fuerant, in Romanorum Præsulum, ac Synodorum oracula transferant? At hic rursus puluerem excitant Recentiores, quo tanta Augustino delatæ authoritatis gloria obscuretur. Clamat Annatus cap. 6. pag. 903, *Et Felix, quem etiam referunt Baiani inter approbatores Augustini, propterea quòd canones Arausicane Synodi extractos ex libris Augustini, & ipsius etiam uerbis conceptos ad Episcopos Gallia misit, extractione illa monstrauit, quid esset necesse ab omnibus recipi ex vniuersa illius doctrina, nempe id, quod canonibus illis exprimitur, permixta Lectoribus iudicij libertate circa cæteras, quæ intercurrunt, controuersias.* Bellè, ac benè: Igitur non nouem solummodò Celestini sententiæ ex Augustinianis libris approbatæ sunt, quod ad nauseam vsq; inculcatis, sed tot insuper alia dogmata, nempe XXV. quibus refragari piaculum sit. Sed reclamat Annatus ibidem: *Ergo vi huius approbationis nulla fieri debet controuersia ista, qui capita illa selecta recipiunt, etiamsi alia quadam reiiciant.* Nolo hic disputare, an Recentiores ita canones Augustinianos Arausicæ firmatos recipiant, quin violentis quandoque interpretamentis eisdem vim inferant, vnde ab eruditis iure reprehenduntur. Mitius vobiscum agam. Quòd Arausicanos canones, vt libet vt lubet explicatis, nullam vobis quæstionem facimus, sed quòd alia, Augustini dogmata reiiciatis, pati nullo modo possumus, atq; contra vos accusationem paramus, non quòd Apostolici decreti, sed quòd exempli contemptores sitis. Enimverò si vniuersas lites de diuina gratia in Gallijs exortas Apostolica Sedes ex vnius Augustini doctrina componendas duxit, insignè posteris exemplum edidit, vt si quando eadem in causa de gratia iterum litigia erumperent, ad eiusdem S. Antistitis doctrinam confugerent, ex Augustini libris sententiam audirent, vni Augustino adhærerent, quod à Clemente VIII. veteri religione, nouoq; exemplo præstitum fuit. Quare cum Aduersarij in plerisque recens exortis de diuina gratiæ controuersijs stare se contra Augustinum profiteantur, Felicis IV. iudicio refragari, eiusdem exemplum parui facere, atque alia prorsus via ab Augustiniana ad veritatem eosdem repere, nemo non videt.

Dolere tamen Recentioribus oculi, cum per Felicem IV. & Arausicanam Synodum tantum honoris Augustinianæ doctrinæ delatum videre, quare glossematum ruderibus illum obruere pertæteant dicentes, Ecclesiam in Synodis Augustini sententijs vlsam fuisse non ex necessitate, sed ex auctoritate, *vi Magistrum, non vt discipulam.* Acutum Adami commentum cap. 9. pag. 633. Vide quomodo se ipsam strangulet hæc responsio. Intendit aduersarij, S. Doctoris auctoritatem imminuere, & eandem auget quàm maximè. Nemo miratur, cum videt discipulum Magistri voces reddere; at Magistrum sententiam dicturum, non nisi discipuli ore loqui velle, hoc planè mirabile censetur, atque in disci-

discipuli eximiam excellentiam venit. Synodi, ac Romani Pontifices Sanctorum Patrum sententias semper secuti sunt, vt ex traditione Ecclesię credenda Orthodoxis proponerent, Colligitur hoc ex epistola S. Leonis ad Leonem. Augustum, vbi pluribus Sanctorum Patrum testimonijs adductis, inter quę etiam Sancti Augustini Episcopi Hippoensis plura numerantur, concludit: *Hęc nos sequi verba debemus, his nos conuenit obtemperare dogmatibus.* In Chalcedonensi Synodo aet. 1. post recitatam fidem Concilij Nicęni Patres dixerunt: *Neceſſarium vñsum est Sanctorum, & Catholicorum Patrum proferre testimonia, quę possunt satisfacere, quemadmodum eam intellexerunt, & predicare confissi sunt, quatenus ex manifesto & omnes rectam, & immaculatam fidem habentes sic & intelligant, & interpretentur, & predicent eam.* Et aet. 2. statim post initium: *Docuerunt enim Patres, & in scriptis custodiantur, quę ab eis sunt exposita, & citra ea dicere non posumus.* Et Aet. 3. *Sequentes igitur Sanctos Patres &c.* S. Agatho Papa in epistola ad Constantinum Imperatorem, quę habetur in VI. Synodo aet. 4. aduersus Monothelitas, Sanctorum Patrum testimonijs productis, vbi laudatur Augustinus tanquam VERITATIS prudentissimus PRAEDICATOR, & praestantissimus DOCTOR, hæc habet: *Ecce pijsſime Domine fili, Sanctorum Patrum testimonijs tanquam radijs spiritualibus Ecclesia Catholica, atq; Apostolica doctrina illustrata est &c.* Vbi etiam scribit, damnandos Monothelitas tanquam non Sanctorum Patrum pedissequos. Attractione 10. omnia illa Patrum testimonia in Synodo relecta sunt, & cum libris Constantinopoli existentibus collata, & aet. 8. Synodus literis Agathonis consensum dedit, quod Sanctorum Patrum doctrinę conformes essent. Vnde Georgius Antistes Constantinopolitanus dixit: *Scrutans Sanctorum, ac probabilium Patrum, qui repositi sunt in venerabili Patriarchio, inueni et neta testimonia sanctorum, ac probabilium Patrum, quę in eisdem suggestionibus continentur, consonantia, & in nullo discrepantia a sanctis, ac probabilibus Patribus, & confertio eis, & sic confiteor, & credo.* Quam sententiam ceteri ibidem subscripserunt. Possent infinita ad hoc demonstrandum testimonia adduci, in quibus ex necessitate Synodi Sanctorum Patrum doctrinam se amplecti, ac sequi professi sunt.

At inquires, loqui te de vno Augustino, non de omnibus Patribus, hos enim idem concordia sententia docentes necessariò in Synodis Ecclesia sequi debet, quippe quę ex Patrum traditione dogmata definit, non verò priuatum Doctorem, qualis est Augustinus. Sed neque hoc te effugium iuvat. Nam dum contendis Felicem Papam, & Arausicanos Patres vnus Augustini sententias secutos esse ex autoritate, non ex necessitate, quzso te, vel secuti sunt Augustinum contra alios Patres docentem, vel cum alijs Patribus idem sentientem? Si primum dicas, id non ex autoritate fecere; nam non potest priuata vnus hominis sententia tanquam de fide definiri, si constet vniuersos Patres oppositum tradidisse, potest tamen ob summam vnus Sancti Doctoris excellentiam iudicium suspendi, ac neutra sententia definiri, quod de priuata Augustini opinione de simultanea rerum creatione Recentiores affirmant. Si verò alterum eligas: iam vides, ex necessitate approbandam esse sententiam ab omnibus Patribus assertam, si ea de re rectum iudicium dandum sit. Præterea Ecclesia de controuersijs fidei sententiam dictura ex necessitate illam partem, in qua veritas est, definire debet, cum falsitatem inter dogmata fidei referre nullo

nullo modo possit. Quare cum Felix, & Arausici Patres S. Augustini sententias vti Catholicas definierint, *ex necessitate* eas secuti sunt, vt oppositas Semipelagianorum opiniones erroneas sequi minimè potuerint. Felix quidem potuit Augustini sententias ad verbum non exscribere, vti exscripsere Prosper, Fulgentius, Prudentius, alijque ex Augustiniana schola Doctores, sed non potuit sensum earundem ex necessitate non tradere, cum iam illas ante Concilij definitiones veras fuisse certum sit, cum nisi id, quod verum est, possit ab Ecclesia definiri.

Eadem facilitate refutatur, quod addunt, Synodum Arausicanam Augustini sententias adhibuisse *vti magistrum, non tanquam discipulam*. Profectò mirum dicunt, dum volunt Arausicanos Patres, qui integro ab Augustini morte sæculo vixere, Augustini magistros esse potuisse, à quibus ille nec iota quidem doceri potuit. Sanè magister ille est, qui docet, discipulus, qui docetur; & qui hoc nescit, mirum si discipulus non modò fuerit, sed vel esse potuerit. Qui verò doceat, qui doceatur, Augustinus-ne, an Arausicana Synodus, vos videris. Olim quidem Augustinus Ecclesiæ discipulus fuit, ac talem se profitebatur, dum ad Bonifacium Papam scribebat, mittere sua scripta, non tam discenda, quam examinanda, & *vbi forsitan aliquid displicuerit, emendanda*. Lib. 1. cont. duas epist. Pelag. ad Bonif. cap. 1. Cæterum quòd à Deo illuminationis gratiam ad docendum assecutus est, vt ait S. Fulgentius, & vnus vniuersas Pelagianorum machinas perfregit, tantùm illi Ecclesiæ detulit, vt ipsius Ecclesiæ per Apostolicam Sedem magister consecratus fuerit. Hinc Celestinus in epistola toties à Recentioribus inculcata Augustinum *magistrum nostrum* honoris causa nuncupat, Gelasius in epistola ad Honorium eundem, *Ecclesiæ magistrum* dicit, & Ioannes II. vt mox dicemus, de Augustino scribit, *cuius doctrinam secundum Prædecessorum meorum statuta Romana sequitur, & seruat Ecclesia*. Profectò si Ecclesia Romana Augustini doctrinam sequitur, Augustinus eiusdem Ecclesiæ magister dicendus est, vti discipulos S. Thomæ, aut Scoti eos appellamus, qui eorundem Doctorum sententias sequuntur. Cur autem hoc mirum videatur? Nonne olim Magnus ille Aquinas inter tyrones in scholis sedit, qui postea Summus Scholasticorum magister euasit? Laudati Antistites, dum in Synodo Chalcedonenſi, & Constantinopolitana Sanctos Patres sequi se dicebant, eorundem se discipulos profitebantur, quorum doctrinis sese instruendos tradebant, illi igitur Leones, Felices, Athanasij, Hilarij, Augustini, Cyrilli, Gregorij, alijque, quos ibidem produciunt, Synodorum magistri fuere. Quare cum Arausicanum Concilium vnum Augustinum secutum sit, vnum Augustinum magistrum habuit.

Inter S. Augustini encomiastas meritò numeratur etiam S. Ioannes II. in Epist. 3. ad Senatores: S. Augustinus, ait, *cuius doctrinam secundum prædecessorum meorum statuta Romana sequitur, & seruat Ecclesia*. Quibus verbis Pontifex non solum S. Augustini doctrinam consecrauit, sed etiam eandem antiquitus à suis Decessoribus approbatam fuisse affirmat. Sed en statim Recentiorum interpretationes. Audi Decampſium lib. 3. cit. disp. 1. cap. 4. num. 12. Cum igitur in hac epistola nec de S. Augustini doctrina contra Pelagianos agatur, nec ullus ex libris appelletur, quibus eos impugnauit, cur inde Ianseniani speciatim colligunt, ita probari ab Apostolica Sede quæcunque in Augustini operibus continentur, *vti ab his vel tan-*

tillum recedere sit nefas? Addit Moraines disp. 12. Anti-Ianſ. num. 30. *Quæ ad-
dit ex Ioanne II. & Clemente VIII. precedentibus ſimilia ſunt, nihilque amplius pro-
bant. Tantum enim affirmant, Eccleſiam Romanam ſeruare, & ſequi doctrinam Au-
guſtini ſibi quaſi dotem relictam, quam tamen non in omnibus ſequitur &c.* Hæc illi.
Scimus eam S. Ioannis epiſtolam eſſe contra Neſtorianos, non Pelagianos,
ſed ſcimus quoque Neſtorianos ex Pelagianis prodidiſſe, utroſque mutuo ſe
ſouentes apud Ephesum condemnatos, utrique hæreſi idem à Proſpero epita-
phium ignominie cauſa inſcriptum. Opponimus tamen, Ioannem inibi ea S.
Doctōris volumina laudaſſe, quibus non tantum auctoritatis ineſt, quantum
tributum eſt ab Apoſtolica Sede libris contra Pelagianos ſcriptis. Cum enim
in illis ceteros poſt ſe longo interuallo reliquerit, in iſtis ſe ipſo quoque maior
euafiſ; vnde ſi Auguſtinum Romana Eccleſia docentem ſequitur, vbi minori
laude ornatus fuit, eidem religioſius adhærebit, vbi tot Romanorum Præſu-
lum encomijs exceptus fuit. Romana Eccleſia non ſolum Auguſtinum docen-
tem inaudit, ſed impugnatum defendit, ut illa Auguſtini auctoritatem propu-
gnante, oleum, & operam perdituri ſint Recentiores, qui contra eandem
inſurgunt.

Clementis verò VIII. decretum, quo vniuerſas de Auxilijs diuinis contro-
uerſias ad tribunal S. Auguſtini expendendas iuſſit, quo olim Recentiores
preſſi ſunt, hiſce modò ſtrophis eludunt: *Nam quod, inquiunt, obijcere aliqui
ſolent, Clementem VIII. inſiſſe tempore diſputationum de auxilijs, ut Auguſtini po-
tiſſimum ſententia exquireretur, facilè ſoluitur. Neque enim id præcepit eo præiudicio,
quaſi nefas duceret illa in re diſſentire ab Auguſtino, repudiata etiam Celeftini diſtin-
ctione illa inter propoſitiones, quas eſſet, & quas non eſſet necesse adſtrere. Neque
idem eſt velle, ut diſputantes Auguſtini ſententiam inquirent, & velle omnino, ut in
omnibus eam ſequantur. Rurſus: Inquirenda fuit Auguſtini ſententia, ut intelligere-
tur, utrum ea, quæ diſputabantur, tangerent conſtituta iam dogmata, necne, an potius
ſpectarent ad quaſtiones indifferentes. Adde cum conſtet ex mente S. Bonauenturæ Au-
guſtinum aliquando minus voluiſſe, & plus dixiſſe, fuiſſe cur iuberet Summus Ponti-
fex, ut eius ſententia inueſtigaretur, nempe ut retineretur, quod perſpicuum eſſet illum
voluiſſe, non autem quicquid conſtaret, cum dixiſſe. Annati verba ſunt lib. 8. cap.
4. in fine. Nullus hucusque dubitauit in ſeſſionibus de auxilijs coram Clemen-
te VIII. celebratis Molinæ doctrinam ad Auguſtinianæ doctrinæ amuſſim vo-
catam. Interim audiant Paulum Leonardum, verè ſcerlogum, in apologia
ſcientiæ mediæ par. 2. num. 39. Equidem, inquit, in diſputationibus Romæ agit-
atis coram Sanctitate Clementis Octauiani, & Pauli V. ſapè & diligenter interrogatum eſt
de mente S. Auguſtini, quòd eo ſpecialim in genere quaſtionum exploratum eſſet, ab ijs
optima proferri, cui tantus diuina Gratia Hyperaſpiſtes faueret. Quare anno 1602.
tractatum: Quis maiores vires ad bonum libero arbitrio tribuat? An Augu-
ſtinus? an Molina? Continetur ille articulus ſeptem quaſtionibus, in quibus ſingulis de
mente Auguſtini diſceptatur cum Molina &c. De quibus liquet altercationis penè omnem
ſcopum, quidnam Auguſtinus ſentiret? Compendio res ageretur, ſi liceret acta illa
Congregationum, vel integram Clementis VIII. Orationem, quam diſputa-
tionibus illis præmiſit, recitare. Sed quando recentiori Romano decreto id
vetitum eſt, cum diſpendio cauſæ, quam defendo, neceſſariam deſenſionem
omitto. Et quidem plus fortè cæteris meliora dicere poſſem, cum legerim
omnia*

omnia MSS. Gregorij Nugnij Coronel Augustiniani Lusitani, qui memoratarum Congregationum fuit à secretis. Pio silentio Religionis lito. Repetam tamen fragmentum laudatæ orationis Clementis VIII. quod suo Euchologico à Congregatione Suprema S. R. Inquisitionis approbato inseruit P. Macedo inter elogia Pontificum, quæ recitat ad diem 28. Augustini pag. 406. *Quamvis*, inquit, *nisi Deo rationem reddere debeam mearum actionum*, dicam tamen *impræsentiarum rationes*, propter quas **ADSTRINGERE STATVI** totam hanc disputationem **AD NORMAM DOCTRINÆ S. AVGVSTINI de gratia**. Prima est, quod si teste B. Prospero scèrè initio libri contra Collatorem, viginti annorum spatio acies Catholice Ecclesiæ ita dimicavit pro gratia contra Pelagianos, ut tandem Augustino Duce vicerit, oportet etiam ut in causa consilij **EVNDEM DVCEM AGNOSCAMVS, ET SEQVAMVR**. Secunda est, quod idem Sanctus nihil videtur prætermisisse eorum, quæ ad præsentis controversias pertinent &c. Tertia tandem ratio est, quod cum multi Pontifices, & Prædecessores nostri doctrinæ S. Augustini tam acres fuerint assertores, ac vindices, ut quasi hereditario iure eam in Ecclesiâ relinqui voluerint, æquum non est, ut patiar illam hac hereditate privari. Orationem hanc ipsius Clementis manu exaratam ostendit nobis Illustrissimus D. Philippus Vicecomes Mediolanensis Episcopus Catacenſis, quod etiam testatum reliquit in notis MSS. ad cap. 4. libri 8. Augustini vindicati, quod volumen apud me est.

Non possum hic non indignari Annato, qui illis in disputationibus de Auxilijs, non suum Molinam, sed nostrum Augustinum in examen vocatum fingit, nam eas sessiones habitas scribit: *Ut Augustini sententia inuestigaretur, nempe ut retineretur, quod perspicuum esset illum voluisse, non autem quicquid constaret eum dixisse*. Quæ sanè ratione Sanctus Doctor, quem Apostolica Sedes causæ id temporis agitæ iudicem pronunciauit, suis è libris sententiam dicturum, ab Annato examini tunc subiectus fuisse dicitur, hac de eodem sententia pronuntiata, ut retineretur, quod perspicuum esset illum voluisse, non autem quicquid constaret eum dixisse. Quod, ut ibidem ait, aliquando Augustinus per excessum locutus est, qui quidem excessus in illis disputationibus ne retineretur, Clementi VIII. sententia fuit. Hoc autem quid aliud est, quàm Augustinum ex iudicè reum facere? Neque secus sentire Annatum iudico, clamat enim in fine cap. 2. pag. 864. *Sepelienda Scholastica est, ut unus regnet Augustinus, an Augustinus legendus ad lucem Scholastica, & ad eius amussim exigendus* Neutrum nobis in votis est, sed vigere Scholasticam optamus, eamque ad Augustini amussim exigi, & non è contra, ut ipse contendis. Perspicua est Clementis sententia, se velle exigere lites Scholasticorum de auxilijs **AD NORMAM DOCTRINÆ S. AVGVSTINI**, quibus quàm bellè consonas, nemo non videt, dum Augustini doctrinam ad Scholasticorum amussim exigit. Profectò Magister sententiarum, qui primus Scholasticam in methodum deduxit, ex Patrum, ac Augustini præsertim sententijs illam conflavit; vnde Ecclesiâ ipsa Romana inter præcùm officia, quæ Augustini die festa perfoluit, ait de eodem: *Quem in primis secuti sunt, qui postea Theologicam disciplinam via, & ratione tradiderunt*. Igitur Scholastici ad Augustinianæ doctrinæ amussim suas ipsorum sententias exegerunt, neque veteribus illis eiusdem disciplinæ viris Principibus verbum vllum contra Augustinum exidit. Secus Recentioribus visum est, quorum vnus Moraines in præfatione sui Anti-Iansenij ait: *Qui prius Augustinum*

*in omnibus deſeſebant iudicem, nunc ſibi liberum putant, ne quide in arbitrum hono-
ratum in alijs illum admittere. Heu quàm ima ſummis atra dies miſcuit ! Augu-
ſtinum olim Clemens Pontifex in controuerſia de Auxilijs iudicem conſtituit,
modò autem Recentiores, vt palam fateri non erubeſcunt, eundem ne quide
arbitrum honorarium admittunt. Et illi quidem exceſſus, antilogias, errores obji-
ciendo non modò S. Doctorem ſuſpectum iudicem publicant, ſed veluti reum
traducunt, vt longioris huiuſce deſenſionis inſtituendæ neceſſitatem nobis
impoſitam nemo negauerit. Et hoc quid aliud eſt, quàm Auguſtinum ex ca-
thedra, in qua ab Apoſtolica Sede poſitus fuit, atque ex eadem cœleſtes do-
ctrinas ediferens, hucusque ſumma religione à Catholicis tanquam Orthodo-
xi dogmatis Magiſter auditus fuit, violentè extrahere ? O ſuperi, mites ani-
mos.*

Sed quid de recentiſſimo Alexandri VII. elogio, quo deceſſorum veſtigijs
inhærens, S. Auguſtini doctrinam conſecrauit, Recentiores blaterent, expo-
nendum eſt. Cum Pater Chriſtianus Lupus Auguſtinianus inſignis Doct̃or Lo-
uanienſis Roma in Belgium profeſſurus eſſet, Alexander laudatus literas ei-
dem ad Sacram Theologicam Louanienuſum Facultatem deferendas tradidit,
Porro ibidem paternum erga benemeritos filios amorem teſtatus, ad S. Augu-
ſtini, eiſque diſcipuli S. Thomæ doctrinam, vt eo vſque ſumma cum laude
fecerant, nouo vtrique Sancto Doct̃ori elogio inſcripto tenendam, deſenden-
damque animauit. *Dereliquo, inquit, non dubitamus vos pro ſingulari ſcientia,
pietatiſque ſtudio ſanam, & incorruptam, qualem tot Apoſtolica Sedis declarationes, &
Sanctorum Patrum traditiones requirunt, doctrinam ſemper amplexuri, & aduerſus
Orthodoxa Religionis hoſtes deſenſuri ſitis, nec non præclariffimorum Eccleſiæ Doct̃orum
Auguſtini, & Thomæ Aquinatiſ inconcuſſa, tutiſſimaque dogmata ſequi ſemper, vos
aſſeritiſ, ac impenſè reuereri velitiſ: Quorum profeſſiõ Sanctiſſimorum virorum penes
Catholicos vniuerſos ingentia, & omnem laudem ſupergreſſa nomina noui præconiij
commendatione non egent &c. Datum Romæ apud S. Mariam Maiorem ſub Anulo Piſcato-
ris die 7. Auguſti 1660. Pontificatus noſtri Anno VII. Profeſſus Romæ Lupus, ac
Piſauro tranſiens, vbi apud noſtrates Scholæ Theologiæ id temporis præfe-
ctum agebam, quantum ſecum in Belgium theſaurum ferret, mihi ſignificauit,
vbi verò Louanium venit, ac Pontificias literas Theologorum Senatui tradi-
dit, mirum eſt quanta eaſdem lætitia vniuerſi, & ſinguli exceperint. Indi-
ctum Theologicum inſtitutum, publicum in gratiarum actionem ſacrum intimum,
ac pro incolumitate beneficentiſſimi Pontificis imperata ſupplicatio. Edi-
cti à Decano Vniuerſitati publicati excerptum exhibeo, integrum donat P. Gabriel
à S. Vincentio mox mihi laudandus. *Vt interſint ſolemni Miſſa per eandem ſacul-
tatem ibidem celebrande pro longæua incolumitate, ac ſelici regimine Sanctiſſimi D. N.
Alexandri diuina providentia Papa VII. qui præter alia paterna ſua erga eandem Aca-
demiã beneuolentia argumenta Apoſtolico reſcripto in forma Breuiſ ad eiſdem prece-
eam decorare dignatus eſt, quo Sanctiſſimos Auguſtinum, & Thomam Aquinatẽ
Scholæ Facultatiſ Patronos, & Magiſtros vti præclariffimos Eccleſiæ Catholice Do-
ctores depradicat, eorumque dogmata tanquam inconcuſſa, tutiſſimaque, & proinde ſem-
per ſequenda, & impenſè reuerenda commendat, ſubiungens penes Catholicos vniuerſos
ingentia, & omnem laudem ſupergreſſa nomina eorundem Sanctiſſimorum noui præconiij
commendatione non egere &c. Datum 6. Nouembriſ Anni 1660.**

Hæc quidem quantum lætitiæ sincerissimis S. Augustini discipulis ingessere, tantum mæroris, non enim dicam inuidis, sed pridem erga Augustinum non tam benè animatis intulerunt. Etenim nonnulli in furorem veluti acti in impias hæc voces erupere: *Laudatum Breue per Diabolicam machinam fuisse impetratum*. Horum testis est ipsemet Christianus Lupus in epistola apologetica de attritione, & contritione cap. 5. ad accusat. XI. pag. 49. quam Louanij edidit anno 1667. mihiq; vti est mei amantissimus, honoris gratia nuncupauit. Cui nam voces adeo inuerecundæ exciderint, designat Vincentius Baronius par. 4. suorum opusculorum lib. 1. sect. 2. art. 5. §. 1. Alter verò Recentior de laudato Alexandri elogio scribit, Summum Pontificem nunquam breue illud priuatum vidisse. Id autem testatur se à viro sui sodalitijs acceperisse, & quo maiorem dicto fidem faciat, ait: *sincere affirmo, ac sanctè iuro*. Hunc etiam Scriptorem nominare nolo, quòd magnam Patronum habeat, cuius ipse etiam patrocinio lætor; illum tamen pluribus impugnauit vir doctissimus P. Gabriell à S. Vincentio in libro de remedijs ignorantie disp. 14. dubio 9. num. 149. inquit: *Cardinalis Nerlius tunc temporis Secretarius Breuium dixit cuidam viro grauisimo, quod hoc Breue ipse composuit ex commissione dicti Alexandri VII. & quod Pontifex illud attentè legit, & sigillum dedit, vt eo signaretur, & ad dictam Vniuersitatem Louaniensem mitteretur. Ex isto vir grauisissimus sic tacto pectore testificatus est*. Hæc quidem P. Gabriell literis consignauit, ac paulo post e vita discessit summo sui desiderio relicto, erat enim Carmelitici rigidioris disciplinæ instituti ornamentum, acceptus in primis Clementi X. Pont. Opt. Max. Viuet ille æternùm de Augustini doctrina benemeritus, cuius glorioso nomini Theologicum volumen nuncupauit. Sciant Recentiores Alexandrum VII. è nobilissima Chisiorum gente prodixisse, cui perpetuum erga Augustini nomen obsequium hæreditarium est, ita vt à trecentis, & ampliùs annis vnum semper in Chisij appellari voluerit Augustinum. Non alium huius mei dicti testem, quam ipsummet Alexandrum volo, qui in frequentissimo Purpuratorum Patrum, atque Antistitum Senatu agens de decernenda Thomæ Villanouani Apotheosi Regis Hispaniæ, plurimorum Principum, atque populorum cum Augustiniana familia obsecrationibus, queis ad id mouebatur, recensitis hæc addidit: *Tum* Ex illis
Censur.
& Thomæ
Villanou. *verò (confidenter dicimus) nostra erga D. Augustinum Sanctissimum Theologia Magistrum à Maioribus secundum carnem per manus quasi tradita, & peculiaris ab adolescentia erga hunc eius Alumnorum veneratio, &c.* Hæc tanti Pontificis hæreditaria erga Sanctissimum Theologie Magistrum deuotio omnibus nota erat, vnde in eodem concessu Franciscus Albitius Purpuratorum Patrum decus, eximie eruditionis Princeps, ac nostro præconio maior sententiam rogatus dixit: *Protractus est, Beatissime Pater, non sine Spiritus S. instinctu rei ardua, atque difficillima exiens, vt à Sanctitate vestra, que Patronum, & Protectorem agnoscit Augustinum, Filius Augustini in Sanctorum numero collocetur*. Ego quidem pluribus illius Recentioris dicta confutaueram, quæ tamen magni Viri imperio iussus omitto; adeo enim absurda sunt, vt satius sit, eadem silentio obducere, quàm prolixiore impugnatione latius diffamare.

CAPVT VII.

Augustiniana doctrina contra Pelagianos per Sedem Apostolicam approbatio à Recentiorum prauis interpretamentis defenditur.

HVcusq; nobiliora Romanorum Præsulum testimonia de Augustinianę doctrinę contra Pelagianos excellentia à sinistris Recentiorum oppositionibus vindicauimus, singula Pontificum elogia Augustino integra adstruentes, modò quid homines illi Augustini approbationi per Ecclesiam vniuersim obijciant, videndum est. Leui id quidem brachio retentabo; nam illorum consilium imitatus, qui ciuilia inter hostes bella serunt, quò domesticis dissidijs encruatos nullo postea negotio suppedient, Anti-Augustinianis domesticos testes opponam, & pila minantia pilis. At non illos quidem nouitijs istis pares, sed longè Superiores, quibus loquentibus nedum assurgant, sed penitus obmutescant, nempe Suarium, & Valsquium, O quanta Scholę nomina! Itaq; in hoc certamine sedebo, duobus illis Ducibus pro meo Augustino in aciem contra nuperos aduersarios descendentibus.

Eia age, quid de Augustinianę doctrinę per Ecclesiam approbatione Annate sentis? si quę aduersus eam habes, liberè profite. *Obijcimus primo*, ait lib. 8. cap. 6. pag. 902. *Vel ita est consecrata, vt Augustinus è numero Scriptorum non Canonorum extractus transferit in numerum Canonorum, vel non.* Si primum: errat totus Christianismus, qui contrarium sentit non modò à tempore scholasticorum, sed à milleducentis annis. Si secundum: ergo illa omnis Ecclesię approbatio relinquit adhuc Augustinum intra numerum scriptorum fallibilium, quibus sine cuiuspiam iniuria repugnare liceat. Sed iam olim huic obiectioni satisfecerat non Baiatus aliquis, sed strenuus Baij oppugnator Suarius, cuius sanè responsonem poterant domilgere. Cum Suarius proleg. 6. de Gratia cap. 6. num. 15. citasset hæc S. Prosperi verba in laudem Augustini: *Tu autem dilectissime, & venerandissime mihi frater; si uerè de his questionibus instrui desideras, sicut desiderare te conuenit, ipsis Beati Augustini disputationibus cognoscendis impende curam, vt in constituenda Dei gratia discretissimam, ac saluberrimam Euangelicę, Apostolicęq; doctrinę intelligentiam consequaris*, hæc scribit: Non tamen dicit, Augustinum Apostolicę scripsisse, quia vel Scriptor canonicus fuerit, vel quia infallibilem habuerit Spiritus S. assistentiam inscribendo, sicut Apostoli habuerunt, hoc enim alienum è sensu Prosperi, & totius Ecclesię est, sed dicit Apostolicę scripsisse, vel quia suam de gratia doctrinam ex Apostolo Paulo præcipuè sumpsit, & ualidissimis eius testimonijs illam confirmat, vel certe quia tam uerè, ac fideliter de gratia scripsit, vt Apostolica Sedes Augustini doctrinam in his, quę ad dogmata pertinent, suam effecerit, ac probauerit.

Pergit Annatus: *Obijcimus 2. eosdem illos Summos Pontifices, qui doctrinam Augustini approbarunt, ea seposuisse, quę necessaria illis uisa sunt, alias autem questiones intercurrentes nec continere, nec adstruere uoluisse.* Hoc enim Celestinus aperte significauit, vt retulimus antea pag. 903. Idem Suarius recensita Celestini restrictione, quam tamen negat esse Celestini, vt dicam, totus Augustino adhæret hæc scribens: Nihilominus tamen etiam in his posterioribus de prædestinatione questionibus auctoritas Augustini maxima est propter alias rationes suprafactas, & ideo semper à nobis ceteris præferetur.

Sed reclamatur aduersarius: Obijciunt tertio approbatam fuisse Augustini doctrinam simul & aliorum Sanctorum Patrum, unde sequitur cadere approbationem hanc in id, quod est Augustino cum alijs Patribus commune, non in id, quod est proprium, si quid tale sit. Ibidem. Sed hoc ceterum Augustinum clypeo protegens Vasquius excepit 1. 2. disp. 190. cap. 6. num. 37. Quamuis, inquit, nullus esset ex Patribus commemoratus, quem pro hac sententia de gratia necessitate ad singula opera bona moralia Scholastici Doctores allegare possent, IN VNO SOLO AVGVSTINO, eiusq; schola suæ opinionis presidium libenter collocarent, eumq; sibi sufficere merito arbitrantur, quod VNICVS sit, qui dum agitur de gratia necessitate, sicut Sol inter reliquos præfulgeat, cuius quidem doctrina egregium testimonium, & commendationem in epistola prima Celestini ad Episcopos Gallie exarata habemus. Porro Celestinus vnum Augustinum laudauit, lege eundem p. p. disp. 89. cap. 4. initio.

At non cedit Suario, non cedit Vasquio Annatus, sed rursus opponit pag. 902. Nempe iam nos docuit Gerson, & Abulensis, quo pertineat hac approbatio, non enim eò ut intelligamus Augustinum nullis esse humanis defectibus obnoxium, sed variioribus, & leuioribus, quo modo ceterorum quoq; Sanctorum laudes intelliguntur. Ecce certe cum eadem sis iudiciorum, & affectuum alea, & Augustinus tanta contumelione pugnet contra Pelagianos, ut obtineat nullum esse quantumvis Sanctum, cui non sis opus dicere, dimitte nobis debita nostra, ob quotidianos voluntatis lapsus, nescio quid Baianis in mentem venerit, ut Augustiniani videri uelint, eum tanto nisu persuadere conantur esse aliquos, qui iudicio nunquam labantur, nempe Augustinum. Verum quis nesciat, Augustinum duplici facto, dum se infra ceteros depressit, supra vniuersos altius sese euexisse? Ille Magnus Ecclesiæ Magister tum affectus, tum iudicij sui errata publicauit, hæc quidem in libris Retractionum, illa in libris Confessionum, singulari prorsus exemplo, cum videamus quosq; tum propria dicta, tum facta ab erroribus vindicare. Vtinam hanc aliquando de socijs, ac suæ familiæ hominibus opinionem aduersarij induant, quorum quempiam si ab aliquo Scriptore imperitam cognoscant, mille apologias procudunt, ut soli ab erroribus immunes esse videantur. Itaque eandem & affectus, & iudicij aleam subiuit Augustinus. Verum dum libros contra Pelagianos retractat lib. 2. cap. 33. 36. 37. 42. 50. 61. 62. 66. & 67. nullam sententiam siue de gratia, siue de libero arbitrio corrigit, sed omnia abs se dicta probat, qui alijs in tractatibus pleraque theses assertas expunxerat. Vnde S. Doctor nusquam in Pelagianis expugnandis se iudicio lapsum fuisse cognouit; aduersarij autem misere iudicio labuntur tam humiliter de Augustino pronuntiantes. Profecto Augustinus futuros fortè censores præuidens, in eorum humeros correctione deuoluta, mitius illo in examine secum egit, Recentioribus hanc gloriam relinquens, quæ iactare possent, se illis in libris contra Pelagianos editis maculas deprehendisse, quæ Augustini aciem, ac spongiam subterfugere. Quid ais, Annate, Augustinum fuisse obnoxium humanis defectibus, at rarioribus, & leuioribus, ac iudicio quandoque lapsum? Alia longè diuersa fuit tui Suarii sententia, qui proleg. 6. de Gratia cap. 6. num. 17. ita & verè, & dignè de S. Augustino scribit: Nihil tam admirandum, & suspiciendum Ecclesiæ reddidit Augustinum, quàm de gratia doctrina; at ei in ea tradenda, & explicanda aliquando fuisset in errorem lapsus, multo lapsus clarescit eius auctoritas, immèritòq; Ecclesiæ tam fidem in iudicium eius in hac doctrina esset secuta, quod impium est cogita-

cogitare. Egregiè hoc ipsum abhinc octingentis annis notarat S. Prudentius Tricasinus in epistola ad Hincmarum, & Pardulum, sed quòd cum Suario, & Vasquio veluri fœdere ictu aliorum suppetijs dimissis, contra Recentiores me pugnaturum pro Augustino pollicitus sum, præclarissimū illius Antistitis testimonium omitto, alibi recitandum.

Nondum Annatus suorum vœcibus ab infelici certamine reuocari potuit, sed instat, obtruditque hanc illationem: *Ergo si stante Augustini testimonio illo, licet tamen singulari cuiuspiam ex alijs Patribus cogitationem in hisce disputationibus non sequi; licebit etiam stante illa Ecclesiæ, vel Summorum Pontificum approbatione non omni adhaerere Augustini sententiæ.* At huic quoque obiectioni obuiam ierat subtilissimus Recentiorum Vasquius, cuius ex 1. 2. disp. 190. verba paulò ante dedimus, item præclare 1. p. disp. 89. num. 21. *Tanetsi, inquit, aliorum Patrum auctoritas in omni controuersia magni ponderis apud omnes esse debeat, in hac tamen, de qua nunc agitur, VNVS PRO MVLTIS mihi semper erit AVGVSTINVS, non solum, quòd omnium, qui bene sentiunt, plurimum emineat, &c.* At quod præmiserat Annatus ibidem pag. 909. *Ex quibus liquido constat, quantum Augustino tribuendum Ecclesiæ censuit, tantum alijs quoq; Patribus tribuendum esse Augustinum ipsum censuisse, hoc, inquam, planè falsum est, nam licet in libris contra Iulianum ex sanctis Patribus peccatum originale fusiùs comprobauerit, itemque in libro de gratia Christi eiusdem gratiæ necessitatem, attamen prædestinationem ante præuisa merita instantibus Massiliensibus & nolle se illà credere affirmantibus, nisi veterum ea de re testimonia produceret, respondit lib. de prædest. SS. cap. 14. Quid igitur opus est, ut eorum scrutemur opuscula, qui priusquam ista hæresis oriretur, non habuerunt necessitatem in hac difficili ad soluendum questione versari, quòd procul dubio facerent si respondere talibus cogerentur.* At cap. 19. de dono perseuer. pro se adducit Ambrosium, & Cyprianum, ex quibus non discretis verbis, sed per necessariam illationem suam ipsius sententiam colligit. Igitur iudice Augustino, non opus est, ut eorum Patrum scrutemur opuscula, vbi de gratuita prædestinatione differitur. At libros de prædestinatione SS. & de dono perseuerantiæ Hormisdas commendauit, ad eos nos remisit Synodus Sardinienfis exulum Episcoporum ex Africa, Clemens etiam VIII. sententiam Molinæ de prædestinatione iuxta S. Doctoris dogma examinandam iussit; non igitur ea in questione tantum Augustinus tribuit alijs Patribus, quantum ipsi Ecclesiæ derulit.

His tandem postremo impetu contra librorum S. Augustini approbationem idem Annatus decernat pag. 911. contendens: *Omnibus illis approbationibus, quas obtinent Non-Augustiniani, doctrinam Augustini vniuersim approbari, nullam verò esse, qua cadat in omnia, & singula eius placita.* Recoctam Semipelagianorum crambem preponit. Etenim cum S. Celestinus libros S. Augustini laudasset, illi eam commendationem Augustini libris vniuersim tantum traditam dicebant, quam tamen prioribus, non item postremis eiusdem voluminibus delatam esse contendebant, contra quos S. Prosper egregiè in fine libri contra Collatorem cap. 42. hæc scribit: *Agnoscant calumniatores superfluum se obijcere, quòd his libris non speciale, neque discretum testimonium sit perhibitum, quorum in cunctis voluminibus norma laudatur; Apostolica enim Sedes, quod à præcognitis sibi non discrepat, cum præcognitis probat, & quòd iudicio ingit, laude non diuidit.* Hæc ille.

ille. Succenturiatus in Annati iam defelli præsidium profilit Moraines, diuerso tamen armorum genere in Augustinum impressionem faciens. Etenim quò Pontificiæ approbationis Augustino datæ splendorem imminuat, non quidem inuidarum interpretationum nebulas opponit, sed nobiliora ab Apostolica Sede alijs Patribus tradita præconia proponit, quorum comparatione illa Augustino delata minora longè censeantur; quo sanè paxo Sol non vmbis quidem, sed immensa propemodum luce quaquauerfum irradiante minimum candelæ splendorem suffocat, nullumque penè facit. Altiori itaque voce insultat Moraines in præfatione ad Orthodoxos; *Quando dictum est de scriptis Augustini ab aliquo Pontifice legem sanciente, quod dixit Gelasius de mirabili illa epistola Leonis Magni ad Flavianum, ut si quis illam non admitteret vsq; ad vnum iota anathema esset?* Verùm quis non videat eximias illas de Leonis literis laudes in Augustinum plenè deuolui? Celebretq; illam Leonis epistolam ad Flavianum à S. Prospero Augustini discipulo compositam fuisse constans non modò Latorum, verùm etiam Græcorum opinio est. Baronius audiatur in notis Martyrol, ad diem 25. Iunij vbi de Prospero ait: *Ado Viennensis, & alij tradunt hunc fuisse ab epistolis S. Leoni Papa, ab eoque scripta fertur famosissima illa epistola S. Leonis ad Flavianum de Incarnatione Verbi, quod non tantum Gennadius, Honorius, & alij Latinorum, sed & Marcellinus Comes testatur in Chronico sub consulatu Olybrij, & Rustici.* Hic est ille Prosper, quem Annatus ipse lib. 2. cap. 5. §. 2. pag. 179. *Præmarium, ac proximum Augustini discipulum, qui vñus est illius & arma, & vices gessisse ad tuendam, quam veluti deposito acceperat eius doctrinam.* Quis verò neget dalatas discipulo laudes in Magistrum deriuare? Profectò si S. Gelasius Leonis epistolam vsque ad minimum iota recipiendam dixit, idem nec vnum iota Augustinianæ doctrinæ improbauit, imò vt sæpè in faciem Recentioribus illisum est, vel illæ Augustini sententiæ, quæ falsæ, seu duræ illis videntur, ab eodem Pontifice Ecclesiæ inculcatæ sunt, qui ex Vasquio fuit per omnia Augustinianus.

Quatit rursus Moraines ibidem Augustinianam auctoritatem duplici ariete Alexandria aduecto: *Quis unquam, ait, habuit Cyrilli Alexandrini auctoritatem in scribendo non tantum in Synodo prouinciali, aut nationali, sed in Concilio generali Ephesino, ut ipse per se scriberet anathematismos, contra quos sentire, ac scribere idem propè censeretur, ac fidei refragare?* Audire mihi videor alium, qui dicat: *Quid ergo Athanasius etiam ille magnus erit ne vnus de numero filiorum, & discipulorum Augustini, qui dicitur sine exceptione Pater Patrum, Doctor Doctorum, ceteros omnes instar primi Angeli sua luce collustrans?* Sanè ingens turbarum origo, quas Ephesina Synodus ab Ioanne Antiochiæ Episcopo, Theodoro, & collegis Episcopis, atque ab ipso Imperatore Theodosio passa est, inde fuit, quò Orientales Episcopi priuati hominis auctoritate statutos anathematismos subscribere recusabant, quam tamen sententiam postea deposuere. Sed de Augustino loquamur. Hic ob sapientiam Africanorum Conciliorum *Ingenium* appellatus fuit. Idem vniuersa acta Concilij Numidiæ, itemque Carthaginensis, cui quidem non adfuerat, ex Patrum decreto in commentarios retulit. De illo scribit Prosper in fine libri contra Collatorem, quò Bonifacius Papa, cum esset doctissimus, aduersus libros tamen Pelagianorum B. Augustini Episcopi responsa posecebat. Augustini sententiæ canones Synodi Araulicanæ, ac Romanorum Pontificum

decreta euasere; de qua re Decampsij Iesuitæ verba reddam: *Fuit*, inquit, *Augustinus quodammodo Ecclesiæ prætor, cum Romanis Pontificibus, & Concilij ore præiit, quod de superbissima hæresi iudicarent. Fuit lingua Ecclesiæ, cum eius verbis decreta concepta sunt, & quæ prius fuerant Augustini Voces, Spiritus S. oracula esse ceperunt. Fuit ille Conciliorum Dux, atque ingenium, cum ijs rationes, & argumenta subministravit, quibus Pelagium, eiusque complices fregerunt &c.* His collegæ dicis si credis, iam Augustinum Cyrillo parem conspicias. Theodosius sanè Imperator parem Cyrillo Augustinum iudicauit, dum ad verumque Sacram (Imperatoris litteras ita vocabant) direxit. Imò longè plus honoris Augustino tributum à Principe fuit, nam ad Cyrillum vti Metropolitam scripsit, quò Synodum cogendam Episcopis suffraganeis intimaret; at cum ad Africæ Primatem Carthaginensem eadem de re pariter perscripsisset, priuatas tamen ad Augustinum litteras misit enixè eundem rogans, vt Synodo adesset, de qua re in historia Pelagiana diximus libro primo ad annum 431. Imò veterum Scriptorum fide constat Cyrillum Alexandrinum egisse per litteras cum Theodosio, vt S. Augustinus ad Synodum Ephesinam se conferret, videbat enim quanto sibi aduersus Nestorianos adiumento futurus esset magnus ille Dux ex continuis contra hæreticos prælijs erectis trophæis toto Orbe celeberrimus. Porro Athanasium magnum illum Arij Antagonistam Augustini discipulum neutiquam facimus, sed motum ab Athanasio aduersus Arianos bellum, ab Augustino feliciter tandem profligatum asserimus. Ioannes Riuius Belga lib. 4. de vita S. Augustini cap. 8. §. 6. pluribus tradit, vnum Augustinum Arianismum à fundamentis euertisse, quod ante ipsum adeo exactè nullus Patrum præstitit. Et sanè contra Arianos & libris, & sacris declamationibus ex professo S. Doctor infudauit, quæ de re Possidius toto cap. 17. de vita Augustini. Quare si argumenta, ac testimonia, quibus Arij sectam Augustinus expugnauit, in considerationem veniant, anteriores Patres S. Doctor omnium eruditorum iudicio faciliè superauit.

Instat rursus Moraines: *Quid de Hieronymo? Eritne etiam ille Augustini discipulus, vel de Angelis inferioribus?* Sed capite præcedenti hoc obiectionem refutauimus. Quod verò nolit Moraines dici Augustinum Doctorem Doctorum, palam Patribus contradicit. Doceri se ab Augustino voluit Bonifacius; Magistrum nostrum Augustinum nuncupauit S. Celestinus. Ad Augustinum Orientales remisit S. Hormisdas: & sanè suum Doctorem Ecclesiæ Romana Augustinum appellat. S. Thomam Augustini doctrinam secutum esse tradit Vrbanus V. in bulla de translat. S. Thomæ. De Scoto hæc habent Patres Hispani Minoritæ in libello supplici apud Petrum à Campo tomo primo hist. Aug. lib. 3. cap. 30. *Adeo Augustiniana doctrina additus fuit, vt in solis Theologicis commentarijs occingens, ac quindecies S. Augustinum in suarum assertionum testem protulerit, enixè præ ceteris Doctoribus satagens illius mentem intimius penetrare &c.* Neget igitur Moraines, Scotum, S. Thomam, totque Romanæ Ecclesiæ Pontifices S. Augustini discipulos fuisse Doctores, ne Augustinus dici possit Doctor Doctorum. Video tamen ipsum non pati sine exceptione Augustinum dici Doctorem Doctorum. Scias itaque S. Augustinum in disputationibus de auxilijs gratiæ esse Doctorem Doctorum, sed non omnium. Non quidem eorum, qui ipsum præcesserunt, neque enim potuit illos docere, neque posteriorum, qui ab ipso do-

ceri noluerunt; quæ fuit Semipelagianorum obdurata superbia, ac conceptæ olim opinionis defendendæ effrænâs lubido; At qui præcesserunt Augustinum Patres, non sunt Doctores in materia de gratia cum Augustino conferendi, qui teste Augustino cap. 14. de prædest. SS. *de gratia Dei quid sentirent, breuiter quibusdam scriptorum suorum locis, & transseunter attigerunt.* Et ridendus ille esset, qui sepositis Augustini libris, vellet quæstionum de gratia solutionem petere ab Hilario, vel Athanasio, vnde qui de diuina gratia scribentes Ecclesiam illustrarunt, omnes S. Augustini discipuli fûere, qui primus Sanctorum Patrum, & quidem in doctrina tantum de gratia scholam sibi fecit, cui nomen dedere Prosper, Fulgentius, Petrus Diaconus, Eugippius, Cæsarius, Prudentius, alijque, yz verè Doctores dicatur Augustinus. Illorum verò Recentiorum Doctorem Augustinum numquam pronuntiabimus, qui eiusdem discipuli esse dedignantur. Augustinum quidem legunt, non vt Ducem illum habeant, sed vt præconceptæ suæ ipsorum opinionis sectatorem volentem, nolentem faciunt, admotis etiam tot Volentarum interpretationum machinis. Annatus totis libris septem vnum Augustinum appellat, Morainij volumen millies Augustini Voces reddit; istos-ne Augustini discipulos dixerim, & sectatores? Videri quidem discipuli Augustini volunt: sed ficta citò in naturam suam redeunt. Hinc Moraines, cum in Præfatione ad Orthodoxos, quam suo Anti-lansenio præfixit, Augustini laudes, ne ea in re aduersario cedere cense-retur, recitasset, paulatim panegyricum in satyram vertit, strenuus Augustinianæ gloriæ decurtator, qui initio quidem non inelegans eiusdem promotor videbatur. Eadem via Annatum iuisse ex dictis initio cap. 5. patet. Quis enim præposterum hominis consilium non irrideat, qui cum ad Augustini tribunal septem libris cum lansenianis disputasset, atque ab Augustino causam sibi totam, integramque adiudicatam gloriatus esset, exclamans in limine lib. 8. *nihil esse, quod lanseniani possint ab Augustino sperare presidij*, cum ludici gratias agere, eiusque erga se propensum, suisque fauentem animum commendare eundem putas, datisque ad amicos literis laxatis habénis in illius laudes effundi, pessimè ab illo Augustinum acceptum videmus, conductis contra ipsum longo ordine testibus mille conuicijs laceffitum: vno verbo, ex iudice reum factum. O gratissimos S. Augustini discipulos! Insuper non patiuntur dici Augustinum: ceteros omnes instar primi Angeli sua luce collustrasse. Scimus Prosperum olim cecinisse cap. 2. con. Ingratos.

Augustinus erat, quem Christi gratia cornu

VBERIORE rigans, nostro lumen dedit æuo

Accensum vero ac lumine.

S. Fulgentius lib. 2. de verit. prædest. & grat. cap. 18. *Augustinum legat omnis, qui salutem æternam adipisci desiderat, humiliter orans misericordiam Dominum, vt eundem spiritum intelligentia legens accipiat, quem ille accepit, vt scriberet, & eandem illuminationis gratiam adipiscatur, vt discat, quam ille adeptus est, vt doceret.* Sed cur non audiatur S. Thomas Villanouanus Archiepiscopus Valentinus con. 1. de S. Aug. O Pater, ait, *amplissime Augustine, qui non solû vitæ sanctitate, sed etiam miro sapientia tue fulgore Christi Ecclesiam luce propria, luce plena, luce fixa irradiasti.* Si enim sapientia lux est, quis in Ecclesia Dei ita lucet, vt Augustinus? A Sole omnia astra lucent, ab Augustino omnes, qui post ipsum fuerunt Doctores sapientiæ lumen,

accipiunt, ipse verò propria luce lucet, quam à nullo hominum, sed à Deo solo accepit, nullo enim tradente, nullo Magistro cunctas didicit disciplinas. Non-ne igitur, teste Thoma, Augustinus est instar primi Angeli, quo in cæteros intelligentiæ lumen derivari Theologi autumant, cum ipse à solo Deo illustretur? Hipponensis quidem noster Angelus suæ doctrinæ radijs Prosperum, Fulgentium, Thomam, cæterosque Orthodoxos Patres illustravit, at Recentiores, qui contendunt cum Annato: *Aliquid lucis Augustino defuisse in concilianda cum creatis libertate divinarum decretorum, & auxiliorum efficacia.* Lib. 8. cap. 4. pag. 874: quive, ut idem alibi ait, nempe disp. 3. de scientia media cap. 5. num. 113. *Radium quendam videre se putant ex Augustini Sole non emissum*, qui denique scribere non erubere cum Molina 1. p. q. 23. art. 4. & 5. disputatione 1. memb. 6. *Dum sub ea quasi caligine D. Augustinus ad hoc non attendit, arbitratus primo aspectu cum sua de prædestinatione opinione &c.* Recentiores, inquam, isti quibus purior doctrinæ lux affulget, Augustino sub caligine posito, huius primi Angeli fulgores non excipiunt, imò ferè contemnunt, ut mirum minimè videri cuiuspiam debeat, eos adeo molestè ferre tantùm lucis Augustino attribui, ut uniuersos subsecutos Doctores irradiare potuerit, & antecessorum Patrum sententijs de diuina gratia plenioris, ac solidioris doctrinæ lumen adferre.

Sed Annatus collecto spiritu iterum contra Augustinum inuchitur, atque Morainij collegæ factum æmulatus, domesticum contra S. Doctorem librum ab Apostolica Sede expressiori, atque efficaciori, quàm quoduis Augustini volumen, approbatione communiter opponit. Aduersarij verba sunt: *Obijcimus 8. omnibus illis approbationibus, quas obtinent Nou-Augustiniani, doctrinam Augustini uniuersim approbati, nullam verò esse, que cadat in omnia, & singula eius placita, quòd si aliqua talis esset, non negabunt, opinor, expressiorem fore, & efficaciorē in omnibus consentiendi necessitatem. Quid igitur facient, si reperatur in natura rerum aliud quidam liber, cuius omnia, & singula in eo contenta auctoritate Sedis Apostolica per bullam ad perpetuam rei memoriam editam, & promulgatam approbentur. Eia age delapsum sanè cœlo libellum pande, nisi fortè sacratiora tam citò in propatulo esse piaculum putas. Est, inquam, ait, talis quidam liber in rerum natura, & Auctoris Sancti. Iam pietatem, ac religionem excitas, dum Authorem commendas, ac Divum contestaris. At pergit Annatus Lectorem suspendere: Sed quis est? libellum potius dicere debui, quòd sit mole parvus, & specie contemptibilis, sed qui tamen virtutis plurimum habet. Hunc libellum, cui supra omnia Augustini Magni volumina ex Apostolicæ Sedis approbatione expressior, & efficacior in omnibus est consentiendi necessitas, citò citiùs exhibeas. Quis verò, addit, tandem, & cuius est? Ita quidem hoc petimus, hoc rogamus, ne quz diu nostram expectationem torqueas, per sanctum illius libelli Auctoris nomen ac numen obtestor. Contrahant, inquit, licet frontem Baiani, & toruū intueantur, sorbenda pilula est. Næ tuo pharmaco illi indigent quoscumque Baianos dicis? Nos quidem validiori stomacho sumus iam pridem tuis in Augustinum conuicijs pilulis omnibus amarioribus deuorandis assueto, neque pilulis præmuniendi sumus, quòd authorem, libellumque citra fastidium, ac deliquium audiamus. Imò quando libri Scriptorem sanctum autumas, sacris doctrinis conspersas paginas summa religione deosculantes, Divum Authorem pro Augustiniana auctoritate contra novos censores facta testaque seruanda etiam, atque*

atque etiam rogabimus, sua enim vicissim tutari Diuoruni est. At inquis: Liber est Exercitiorum Spiritualium S. Ignatii, quem Paulus III. seuerè examinatum &c. sic approbavit, ut dicat, se documenta, & exercitia prædicta ac omnia & singula in eis contenta auctoritate prædicta tenore præsentium ex certa scientia approbare, collaudare, ac præsentis scripti patrocinio communit. Hæc ille suspensis diu quasi per iocum Lectoribus lib. 8. cap. ultimo: exclamatur pag. 912. Scire velim, quid sint responsuri tam discretæ, tamq; explicitæ approbationi, qui minùs expressam, explicitamque, Augustini scilicet, subiobtrudunt erroribus.

Abstulit, ut per nos quicquam approbationi Ignatianæ libelli detractum sit; imò quanti illam Augustiniani fecerint vestri Scriptores tradunt in imagine primi sæculi lib. 3. cap. 10. ubi de exercitijs Sancti Patris Ignatii loquentes hæc scribunt: *Testes sunt infiniti toto Orbe, quia non minori sua voluntate, quam fructu sunt experti.* Sed unus instat omnium Augustinus Carauaius Augustiniani Ordinis Theologus, Is cum Indiam Occidentis peragraffet, & in Hispania varijs muneribus cum laude persundetur esset, Italia quoque canobia sui Ordinis iussu Summi Pontificis visitaret, Bononiam tandem ab eodem Pontifice Visitator Apostolicus missus ad D. Iacobi canobium in veterem disciplinam restituendam non alijs id prædictis facere aggressus est, quam ppijs his Societatis commendationibus, quibus ipse cum per mensem se exercuisset, testatus est candidè se quandiu in Religione vixisset, rationem aliquam, quare dissimulè incederet, semper optasse, eamq; tunc demum, cum in hæc S. Ignatii exercitia incidisset, inuenisse; Quæ quidem ille auidissimè hausta, atq; in intimum demissa pedibus tanti fecit, ut in ijs aliquand verè diuinum inesse apertè diceret &c. Hic Carauaius ex Assistente Hispaniarum electus est Episcopus Guamangensis apud Petuanos, de quo Herrera in Alphabeto Augustiniano. Vtinam per nos Ignatianis chartis maior laudis fieri posset accessio! Illud tamen ægrè patimur, quod scribit Anstus, Augustinianam doctrinam minùs explicita, atque expressa approbatione, quàm Ignatianam, esse ab Apostolica Sede firmatam. Quæso vos, quandonam doctrina S. Ignatii in Synodorum canones transijt? Arauscanæ Synodus ex ipsis S. Doctoris sententijs conflata est. Quando illa in Pontificum Romanorum literis ad verbum exscripta est? Duo integra capita ex Enchiridio S. Augustini Leo Magnus inseruit suæ ad Aquileiensem Antistitem epistolæ, & quidem contra Pelagianos datæ. Quando ad illam pro veritate percipiendam ab Apostolica Sede Orthodoxi remissi sunt? Ad Augustini libros S. Hormisdas Orientis Principes viros, Episcopos, ac Monachos, vno verbo Catholicum Orbem retulit. Quando ad illius normam Pontifices Catholicorum doctrinam exegere? Clemens VIII. iuxta Augustini mentem lites de auxilijs diuinis componendas iussit. Quandonam S. Ignatii libellus tantis Romanorum Præsulum commendationibus exceptus? tantis Sanctorum Patrum elogijs decoratus? tantis omnium penè sæculorum plausibus honoratus fuit? Quæ quidem laudes si in librum cogerentur, iam decuplo maior ille euaderet, quàm liber exercitiorum S. Ignatii. Audio sanè, quid de libro illo S. Ignatii Romana Ecclesia iudicet in lectionibus Breuiarij Romani: *Homo*, inquit, *literarum planè rudis admirabilem illum composuit exercitiorum librum Sedis Apostolicæ iudicio, & omnium utilitate comprobatum.* Mirabile sanè, libellum illum à literarum planè rudi esse conscriptum: at profectò mirabilius Recentiorum factum, qui eundem ex Apostolicæ Sedis testimonio *literarum planè rudem* in sapientia,

In Orat.
u. S. M.
b. d. a.

pientia, authoritatis, ac laudum campo Augustino non dicam velut æqualem opponere, sed quod ad illam expressiorem, ac efficaciorē commendationem, ac consensuendi necessitatem pertinet, veluti superiori pradicare conatur, illi, inquam, Augustino, qui tantæ scientiæ fuisse ab Apostolica Sede iudicatus est, *ut nihil penè, verba sunt Martini V. ex sacris literis possit, nisi eo Duce intelligi, nihil nisi eo interprete explicari. Eo iam auctore factum est, ut nec Philosophis Sapientiam invidemus, non Oratorum eloquentiam desideremus, non studioforum ingenia requiramus, non deniq; nobis acumen Aristotelis necessarium sit, non Platonis eloquentia, non prudentia Varonis, non gravitas Socratis, non auctoritas Pythagoræ, non Empedoclis solertia, non cuiusquam illius generis hominum scientia, aut virtus exemplo, aut documentum nobis esse debeat. Idem nobis Prophetarum oracula, idem Apostolorum voces refert, idem omnem omnium scripturarum sensum exprimit, unus postremo omnium Patrum, Sapientumq; ingenia, ac studia exhibet.* Itane, si superis placet, huic Apostolicæ approbationi eximie, præclarissimæ, excellentissimæ Ignatiani libelli approbationem, Augustino Ignatium, tot Summis Pontificibus Paulum III. opponetis? Respondet Annatus: *Quæ à me minimè referuntur, ut vel Ignatium Augustino, vel Paulum III. superioribus opponam Pontificibus, absit. Sed dictis facta non cohærent. Qualis, enim quantasve esset Augustinus, si Ecclesia illum non approbasset? iam cum Cassiano, ac Fausto numeraretur. Igitur tantumdem nobis probandus venit, quantum idem ab Ecclesia approbatus fuit. Quare si Ignatij libellus ab Ecclesia approbatus est, itemq; approbati fuerint libri Augustini, sed isti approbatione minus, ut ait, expressa explicitave, unde illi Ignatiano, te iudice, efficacior in omnibus consensuendi necessitas est, quàm istis Augustinianis, iam vides Ignatium Augustino vel præponi abs te, vel ex æquo saltem opponi. At citò commentaris, tuique facti hanc rationem reddis, ea te de Ignatiani libri approbatione recitasse: Quod constat, in hoc libello aliqua esse, quæ capitalibus Baianorum principiis opponuntur, scire velim, quid sint responsuri tam discretè, tamque explicitè approbationi, qui minus expressam, explicitamve suis obtulerunt erroribus. Nos quidem pro Baianis nullam volumus, imò nec possumus responsionem adornare, sed quòd eodem iù & Baianos, & Augustinum ferias, tibi vitio vertimus, qui per Baianorum latera Augustinum impetis. Sint in libello Ignatij sententiæ, quibus capitalia illorum dogmata strangulentur, ipsi viderint; at quòd eadem periodo Augustini per Apostolicam Sedem approbationem minus expressam, explicitamque contendis, nobis placere non potest. Parce Patri, & Baianos in exilium non Baias, sed in Gyaram deportato.*

Si Annati exemplo insistere, & par pari reddere vellemus, uti ille ad imminuendam S. Augustini adversus Pelagianos scribentis authoritatem, tum collectis plurium testimonijs, tum violentis, pravisque Romanorum Præfulum, elogia eidem S. Doctori delata interpretationibus corrumpens, contra Augustinum insurgit, possemus & nos eadem prorsus audacia huc revocare, quæ Abbas Constantinus, quæ Vincentius Baronius vir satis notus par. 2. Theol. Mor. disp. 3. scet. 1. art. 2. S. 2. quæ alijs de eisdem exercitijs S. Ignatij scripsere, ac subinde frigidam illam Annati excusationem Augustino quorundam censuris insultantis repetere: *Refero tantum, non probo, si quidquam iuste offensivæ causam det: lib. 8. cap. 6. pag. 864.* Sed absit, ut hominis errorem redarguens, eundem imiter, eiusque criminis reus fiam, cuius hunc Recentiorens
apud

apud Iudices reum postulo. Erubescant profectò aduersarii, erubescant, dum nos in hanc arenam vel inuitos propellunt, in qua odiosis prorsus comparationibus de Diuorum auctoritate litigetur. Scitote Augustinianos S. Ignatij libellum vti Augustinianæ doctrinæ conformem recipere, euoluere, deofculari, & ne quis de hoc ipsorum obsequio dubitet, editis commentarijs hoc ipsum coram Catholico Orbe profitentur. P. Franciscus Macedo Minorita Lusitanus Seraphicæ Gentis splendor, hanc sibi gloriam felicissimè comparauit. Hic Augustinianæ doctrinæ adeo studiosus est, vt in Isagoge initio suæ Cortinæ hac veluti tessera in literariam palæstram descenderit: *Ego Augustinianus sum: Augustiniansissimus sum*. Hic, inquam, in eruditissimo illo volumine, quo Ecclesiæ orantis, & Augustini scribentis concentum descripsit, harmoniam quoque exercitiorum S. Ignatij Societatis Iesu fundatoris, & operum S. Augustini Ecclesiæ Doctōris (nam planè hunc operi titulum dedit) exhibuit, cuius illud exordium est: *Soleo, idque expertus, ac prudens dicere, haud faciliè inter Sanctos reperiri alium Augustino cum doctrinâ, quæ à Deo est, & mystica appellatur, tum instituta à se, & alijs indicata vitæ ratione, quàm Ignatium similiorum*. Quæ quidem vir doctissimus subtilissimè per viginti octo capita collatis ex utroque sententijs ita comprobatur, vt profectò minimè timendum sit, ne Augustino quicquam detrimenti ex Ignatiani libelli expressiori, ac magis explicita, vt inquis, approbatione inferatur, ne-ve tantis Romanorum Præfulum, ac Patrum elogijs Augustinianæ volumina nobiliterantibus Ignatij libellus suffocetur, sed cum eadem dogmata & paruum Ignatij, & prolixa Augustini volumina de diuinæ gratiæ auxilijs tradant, eadem prius approbatione munita dicantur, Augustino & doctrinam, & eiusdem etiam commendationem in Ignatianum codicem transfundente, & Ignatio noua à Paulo III. approbatione obtenta, antiqua Pontificum de Augustini libris decreta recentiori iterum eiusdem Apostolicæ Sedis testimonio confirmante. Vos quidem magnæ animæ beatæ illius regionis ciues, vti in libris, ita & in cœlesti patria concordēs æternùm eritis, & Angelicis cantibus vestrarum doctrinarum harmonia recitabitur, ac dulcior inde concentus inaudietur. Filijs quoque vestrīs eundem doctrinæ consensum immitte, eosque inuicem officiosos vel seruare, vel facite. Turpe sit in tanta Patrum concordia filios odiosis sanè comparationibus de eorundem auctoritate contendere.

CAPVT VIII.

Recentiores ex epistola S. Celestini Papæ D. Augustini auctoritatem limitant. Refelluntur.

SANCTUS Celestinus Papa ex literarum commercio Augustini amicus, ac deinde demortui aduersus Semipelagianos defensor, in Augustiniana doctrina commendanda omnium nobilissimo elogio vñsus est, vnde Recentiores ad illud decurtandum, limitandumque vires omnes intendunt, & quod est eorum acumen, ex eadem Celestini epistola, vnde ab alijs vel supra Sydera Augustiniana auctoritas euehi solet, eandem deprimere conantur. Vltimæ epistolæ verba recitant, nempe vbi Celestinus ait: *Profundiores verò, difficilioreſq;*
partes

partes incurrentium questionum, quas latius pertractarunt, qui hereticis resisterunt, sicut non audemus contemnere, ita non necesse habemus adstruere. Quibus significare Celestinum contendunt, præter paucas S. Augustini sententias ab Ecclesiæ Præsulibus, ac Synodis receptas, quas in superioribus capitulis recitat, abs se iterata approbatione confirmatas, polle reliquas de diuina gratia opiniones, quas ille in suis contra Pelagianos editis disputationibus tenuit, tanquam de fide adstruere, ob asserentis tamen Augustini auctoritatem eas se non contemnere, sed easdem libero Lectorum assensui, vel dissensui citra reprehensionis periculum permittere. Et quidem Annatus lib. 8. cap. 1. cum numerosam testium cateruam contra Augustinum produxurus esset, eidem Celestinum Papam Ductorem dedit in clamans: *Agmen ducet, cui par est, Summus Pontifex Celestinus Primus*. Cum tamen hucusque inter præcipuos S. Doctoris Encomiastas ille idem primas tenuerit. Quin imò Recentiores isti Theologi gloriantur, se eiusdem epistolæ limitationem, qua angustior fiat Augustini autoritas, è tenebris in scholæ oculos reuocasse. Audiatur Moraines in præfatione ad Orthodoxos: *Quàm multi sine ulla discrimine Augustini auctoritatem adnitebantur, qui nunc audita limitatione, quam eius approbationi Celestinus apposuit, dum audiunt aliquid ex Augustino proponi, querunt: Est ne hoc de illis profundioribus questionibus, quas non necesse indicauit adstruere, quas in ancipiti opinandi libertate reliquit? Tripudiat in illis Celestini verbis Annatus lib. 8. cap. 1. pag. 858. Nos uero, inquit, Auctore Celestino distinguimus inter necessarias, & indifferentes Augustini sententias, omnemque huic lumini contrariam lucem tenebras reputamus*. Itaque hoc loco pro Augustiniana doctrina cum Recentioribus comminus ueluti collato pede pugnandum est, in quo quidem campo minùs feliciter Recentiorum impetus alij sustinuerunt, unde illi animosiores facti, sibi ea in lite de Augustini uictoriam, & triumphum cecinerunt.

In primis eximia Recentiorum eruditio commendanda occurrit, qui è re prorsus incerta certum, inuietumque contra Augustinum argumentum exerere arbitrantur. Etenim uiris eruditissimis, & sapientissimis haud probatur, uerba superius memorata adscribi Celestino, sed cuiuspiam alteri Augustinianæ doctrinæ studioso deputanda esse contendunt. Celestini epistola illis uerbis in fine cap. 2. concluditur: *Deus uos incolumes custodiat, Fratres charissimi*. Postea decem capita adnectuntur, in quibus Pelagianorum, ac Semipelagianorum errores ex Innocentij, Zosimi, ac Synodi Carthaginensis decretis refutantur. Porro ista decem capita non esse Celestini, tradit Ecclesiasticæ historiæ parens Cæsar Baronius ad annum 431. pag. 603. Vbi ait de epistola illa Celestini: *Iunguntur epistolæ capita quadam aduersus Pelagianos errores ab Apostolica Sede olim, & ab Africanis decreta Concilijs, quibus deberent insistere, qui sub Catholico nomine licet Pelagium, atque Celestium anathemate condemnarent, eorum tamen descendere conarentur errores*. Putantur illa capita esse Prosperi, qui ut prosperi uidentur, ea collegit ex decretis Romanorum Pontificum, simulque Concilijs Africanis, ubi idem Auctor hæc habet, in fine: *Profundiores uero difficilioresque partes incurrentium questionum, quas latius &c. ut supra*. Ante Baronium Laurentius Surius in sacra historia satis percelebris, alijque post ipsum Collectores Conciliorum hoc ipsum prænotarant; nam in editione Colonienſi Conciliorum Anno 1551. à latere hæc leguntur: *Sequentia uidecim capita uidentur potius ab alio quopiam interposita,*

posita, quam esse ipsius Celestini Papæ. In editione sub Sixto V. hoc scholion post secundum capitulum inseritur: *Non videtur dubitandum quin sequentia sint Presperis, tam sunt similia & argumenta, & stylo eius scriptis.* Gerardus Vossius vir, quem librorum hellsuonem dixeris, lib. 1. hist. Pelag. cap. 36. eandem sententiam probat duplici argumento: vno, quod Celestinus in illa epistola non meminit horum capitum, quæ annexa eidem sunt: aliud his verbis proponit: *Alterum argumentum, cur Celestinus esse non possit, hoc est, quod Innocentij, & Zosimi epistolæ citet sæpius, nec usquam vel hunc decessorem, vel illum prædecessorem suum appellet, contra quam Romanis Episcopis mos est, & Celestinus ipse in epistola facit his verbis:* Augustinus inter Magistros optimos etiam ante à meis decessoribus habebatur. Sane hæc argumenta tanti apud me sunt, ut Celestino ἀπλῶς tribuere non ausim. At cuius sit ultra disquirendum. Sed neque ex Theologis ex Recentiorum schola desuere, qui negarent illa capita esse Celestini; vnus pro mille sufficiat Franciscus Surarius proleg. 6. de Gratia cap. 1. num. 11. vbi hæc scribit: *Ex modo loquendi intelligimus, Scriptorem illius partis non fuisse Celestinum, nec aliquem Romanum Pontificem, ut patet ex illis verbis.* Quia nonnulli, qui Catholico nomine gloriantur, in damnatis autem hæreticorum sensibus seu prauitate, siue imperitia demorantes, piissimis disputatoribus obuiare præsumunt, & cum Pelagium, atque Celestium anathematizare non dubitent, Magistris tamen nostris tanquam necessariū modum exceßerint, obloquuntur, eaque tantummodo sequi, & probare profitentur, quæ sacratissima B. Apostoli Petri sedes contra inimicos gratiæ Dei per ministerium Præsulū suorum sauxit, & docuit. Necessarium fuit diligenter inquirere, quid Rectores Romanæ Ecclesiæ de hæresi, quæ eorum temporibus exorta fuerat, iudicarint: Hæc enim non videntur curia Romani Antistitis, non enim de Romanâ Sede tanquam de propria loquitur, nec Romanos Rectores vocat prædecessores suos; prout Pontifices consueverunt, tamen habens ad desinendum auctoritatem loquitur; Quæ propter aliqui censent; illa capita fuisse à Prospero collecta, & illi epistolæ adiuncta, à qua sententia non longè abest Baronius Anno 431. num. 185. & est certe verisimilis, indicaturque in illis verbis, Magistris nostris tanquam necessariū modum exceßerint; obloquuntur; Hæc enim verba in gratiam Augustini dicta sunt; magisque redolent Prosperum; quam Celestinum. Hæc ille.

Vidit ista in Surio Gabriel Vasquez 1. p. disp. 91. num. 85. dixitque ab eo Authore sine fundamento negari capita illa esse Celestini, cum vti Celestini sanctiones protulerit Petrus Diaconus? Addere poterat & Cresconium in collectione canonum. Verū ista vixit Anno 698. Petris verò Diaconus integro post Celestinum sæculo floruit, ut ex historia nostra Pelagiana intelligitur; quare potuit ea capita edita à Prospero per errorem tribuere Celestino. Hinc Phorius veterum monumentorum diligens indagator, & censor Cod. 53. de eodem Celestino hæc habet: *Scriptit idem & ad Galliarum Episcopos de fide B. Augustini, & contra eos, qui hæresis licentia nimis elati insolecerent.* Quæ quidem in duobus prioribus capitibus continentur, neque illam ea in epistola statutorum dogmatum mentionem fecit. Iacobus etiam Sirmondus tomo 1. Concil. Galliæ capita illa epistolæ nemoratæ annexa ab eadem prorsus separauit lineis interpositis, quo alieno Authori illa prorsus deputanda esse monstraret. Sed age, probemus ea capita non fuisse à Celestino scripta, quod fa-

nè præstabo argumento, quo ipse conuictus sum. Priùs tamen nonnulla notanda veniunt, quibus tantorum Scriptorum sententia illustratur; nempe Prosperum, & Hilarium pro Augustinianis libris, quos Massilienses carpebant, ac se ipsis quoque, qui vti hæretici passim tradebantur, Romam ad Celestinum profectos fuisse, quæ patet ex Prospero cap. 40. con. Collatorem, & cap. 1. epistolæ Celestini ad Episcopos Gallię. Celestinus verò literas ad Gallos Antistites destinavit, quibus S. Augustinum eximie commendavit, vetans eiusdem memoriæ novis Massiliensium conatibus percelli, ac Prosperum, & Hilarium hæresis accusari, nihil interim scripti aduersus eosdem publicans, quo illorum errores damnarentur, hinc epistola inscribitur *pro Prospero, & Hilario*. Sed hoc nobis est demonstrandum.

S. Prosper contra Collatorem probaturus, *bonarum voluntatum initia Dei inspiratione generari*, adducit cap. 10. testimonia Innocentij, Zosimi, & Concilij Carthaginensis eadem omnino, quæ Celestini literis adiuncta leguntur, & concludit: *Vide siue regulas tuas inuictarum constitutionum soliditate confractas, & in fidei structura prauas, ruinosasque suncturas, velut Hierochoninos muros ad sacerdotalium tubarum ruisse concentum? Cum enim de sanctarum origine voluntatum, & fidei, charitatisque principijs inter nostros, & Pelagianos questio versaretur, non accipiti victoria, nec dubio diremptū est sine certamen, ut adhuc nobis de iniquissima huius faderis tui pace tractandum sit. At si illa decem capita Celestini fuissent, cur non illa protulisset Prosper veluti clariora, efficaciora, & ex toto litem dirimentia? Longè enim expressius Celestinus eam Cassiani opinionem damnat, quàm Innocentius, vel Zosimus. Profectò Massilienses testimonia horum Pontificum, & Sacræ paginæ explicabant, ita ut non de initio fidei, sed de eiusdem incremento intelligenda essent ex D. Augustino cap. 2. de prædest. SS. Sed nunc eis respondendum esse video, quia diuina testimonia, quæ de hac re adhibuimus, ad hoc dicunt valere, ut nouerimus ex nobis quidem nos habere fidem, sed incrementum eius ex Deo. Quæ Massiliensium sententia clarè damnatur cap. 12. illius epistolæ, vbi hæc leguntur: *His ergo Ecclesiasticis regulis, & ex diuina sumptis auctoritate documentis, ita adiuvante Domino confortati sumus, ut omnium bonorum affectuum, atque operum, & omnium studiorum, omniumque virtutum, quibus ab initio fidei attenditur, Deum profiteamur auctorem, & non dubitemus ab ipsius gratia omnia hominis merita præueniri, per quem sit, ut aliquid boni & velle incipiamus, & facere. Præterea hæc scribuntur cap. 11. Præter beatissimæ, & Apostolicæ Sedis inuolabiles sanctiones, quibus nos pijsimi Patres pelspera nouitatis elatione deiecta, & bonæ voluntatis exordia, & incrementa probabilium studiorum, & in eis usque in finem perseverantiam ad Christi gratiam referre docuerunt &c. Idem habet cap. 9. Ut sancta cogitatio, pium consilium, omnisque motus bonæ voluntatis ex Deo sit, quia per illum aliquid boni possumus, sine quo nihil possumus. Itane hæc Celestini oracula Prospero rogante data, ac literis pro eodem ad Episcopos missis inserta, adeo memoria eiusdem excidisse credenda sunt, ut illa, cum vel maximè ad Massiliensium petulantiam comprimendam necessaria essent, omitteret? Sibi cusa tela, atque elaborata arma tam parui fecit, ut cum ijs Semipelagiani penitus conficiendi forent, eisdem veluti obtulis vti noluerit, qui contra Massilienses omnium fortissimus, ac solertissimus post Augustinum Dux à Recentioribus, & meritò quidem prædicatur?**

Laudatas literas à Celestino emissas ad damnandos Massiliensium errores scribit Vasquez 1. p. disp. 91. num. 83. *Quibus, inquit, locis cum Celestinus omnia bona opera, studia, & merita in quouis tempore causa, & negotio ad Deum auctorem gratiæ referat, manifestè Massiliensium errorem confutat.* Et hæc adeo constanter docent Recentiores, ut eorum eruditissimus, ac sapientissimus Annatus Celestini personam induens, quod satis ridiculum est, altiori, ac clariori voce in Massilienses ita tonet: *Cum eo tantum spectet Romane Sedis consilium, & providentia, ut MASSILIENSES isti, QVORVM CAUSA HÆC SANCTIMVS, nihil penitus subtrahant diuinæ gratiæ, ne illum quidem morbi sensum, & desiderium medicinæ, quod gratuito, & supernaturali auxilio præmittunt, prædicta regule, seu præfixæ sententiæ ita sufficiunt, ut sicut non debet videri Catholicum, quod eis repugnat, ita neque quod non repugnat, videri debeat erroneum, aut à sensu Catholico alienum.* Hæc elegantissimus Paraphrastes. Hic tamen obiter noto, hunc hominem siue contra suos Baianos, siue contra Massilienses loqui incipiat, sermonem tandem contra Augustinum semper finire. De Baianis id vidimus capite superiori; hic verò cum Celestini personam agens illa dixisset, statim addit: *Vnde sequitur, si quid vel ab Augustino, vel ab alio quodam Ecclesiastico Traditore assertum, aut negatum sit, quod non repugnet regulis illis, atque sententijs, esse hoc inter adiutoria numerandum, & quæ libero Catholicorum consensui, atque dissensui permixta sunt.* Ego quidem certissimum puto in adiunctis illis capitibus Massiliensium errores capitales, quorum reliqui veluti appendices erant, aperte damnari, neque hoc in dubium vocari posse arbitror, quod rectè à Vasquio, Annato, alijsque communiter est observatum. Duo erant capitalia Semipelagianorum dogmata, fidem incipere à nobis, itemque à nobis esse usque in finem in bono perseverantiam, ut docet S. Augustinus capite ultimo de dono perseverantiæ: *Satis, inquit, docuissè me existimo, vel potius plusquam satis, dona Dei esse, & incipere in Dominum credere, & usque in finem in Domino permanere.* Hoc verò utrumque statuitur in literis illis, quæ Celestino adscribuntur; nam cap. 11. decernitur, ut dicebam: *Bona voluntatis exordia, & incrementa probabilium studiorum, & in eis usque in finem perseverantiam ad Christi gratiam referri.* Ibiq; fusè probatur, fidem non esse à nobis, sed donari à Deo, & cap. 12. iniungitur, ut *omnium honorum affectuum, atque operum, & omnium studiorum, omniumque virtutum, quibus ab initio fidei attenditur, Deum proficemur auctorem.* Hæc ibi.

Ex his nostrum argumentum instauramus. Cum Prosper contra Semipelagianos Celestini elogium recitasset cap. 42. contra Collatorem, illorum invidiosum interpretamentum apponit, quo discutabant, laudatos à Celestino priores S. Augustini libros, non posteriores, nempe de correptione, & gratiâ, duosque ad Proserum, & Hilarium datos de prædestinatione SS. & de dono perseverantiæ. Hoc commentum statim refellit, tum quia idem semper in omnibus libris Augustinus scripsit, idemque fuit semper in illo spiritus, & doctrina, tum quia *Apostolica Sedes, ait, quod à præcognitis sibi non discrepat, cum præcognitis probat, & quod iudicio iungit, laude non diuidit.* At quorum isthæc è longinquo librum S. Augustini de prædestinatione SS. & de dono perseverantiæ petita ab Apostolica Sede approbatio? Cur Celestini literas abs se impetratas, in quibus doctrina librorum S. Doctoris de initio fidei, & de perfe-

uerantia apertis definitionibus statuitur, non protulit, & eas inquam literas, quas in eorundem Augustini calumniatorum faciem eodem ipso loco illiserat? Annatus quidem de posterioribus libris S. Augustini scribit lib. 8. cap. 6. *Manifestum igitur est, Augustini menti his in libris satis factum ab eo, qui fateatur, & gratiam esse necessariam ad initium fidei, nec eius meritum sequi, sed præire, & donum Dei esse perseverantiam.* Quodnam igitur efficacius argumentum adduci poterat, ad demonstrandum, posteriores eos libros esse ab Apostolica Sede probatos, quàm literæ illæ Celestini, in quibus doctrina librorum postremorum S. Patris adeo disertè, adeo perspicuè, adeo solidè asserbatur? Semipelagianos, cum Augustini auctoritatem eleurent, Prosper ex Celestini literis, in quibus eximè ille laudabatur, confutavit. Quare cum iidem S. Augustini doctrinam la-cesserent, ex iisdem omnino literis Celestini compressi, ac conuicti non sunt? Scripsit sanè Prosper post Celestinum aduersus Cassianum, & literas Celestini ea in disputatione in digitis habebat. Hoc quidem argumento capita illa infarta probantur literis Celestini.

Rursus dicam aliquid, quod cæteris argumentis semper prætuli. Si capita illa Celestini essent, & à Sede Apostolica emanassent, non video, qua ratione Faustus Reiorum, Vincentius Lerinensis, Hilarius Arclatenfis Episcopus (û in sententia perstiteret) ac alij Galliarum Episcopi ab hæresi excusari possint, atq; inter Diuos erectis aris connumerari. Faustus fidem esse nobis ex naturæ viribus docet lib. 2. cap. 6. 7. & 8. vnde lib. 1. cap. 7. ait: *Tempus gratiæ, quo redempti sumus, merita hominum non expectauit, opera penitus non quesuiuit, sola Deus fidei nostræ deuotione contentus fuit.* Addens: *Fidem expectat à paruulis, opera etiam cum fide à confirmatis requirit, ita tamen, ut credulitatis affectum proficientibus augeat.* Legatur Vossius lib. 4. hist. Pelag. par. 1. thesi 2. Idem lib. 2. cap. 10. & ante ipsū Vincentius Lerinensis in common. cap. 37. scribunt, nos posse nostris viribus petere, pulsare, querere, vt Dei gratiam obtineamus, quæ erat Semipelagianorum opinio ex literis Prosperi ad Augustinum. Item aliquot etiam Episcopi Galliarum mortuo Fausto, fidem nobis ex nobis nasci dicebant, vt ex literis Bonifacij II. ad Cæsarium intelligitur: quæ quidem sententiæ apertè damnantur in illis capitibus, in quibus fidem, & huius initium, sancta cogitatio, pium consilium, omnis bonus affectus, omnisq; bonus motus voluntatis asseritur, esse à Deo, quia per illum aliquid boni possumus, sine quo nihil possumus. Sanè si quis modò Massiliensium sententias assereret, non extantibus Arausicanis, alijsve Apostolicæ Sedis decretis, nonne ille ex literis Celestini reus hæresis conuinceretur? Damnasce quippe inquit Celestinum Massiliensium dogmata. Quàm igitur excusationem concinnabimus pro Hilario, pro Fausto, pro Vincentio, pro reliquis Galliæ Præsulibus, qui ante Arausicanam Synodum Massiliensium opiniones mordicus sustinebant? An isti fortè Celestini literas prorsus ignorasse dicentur? At literæ illæ datæ erant ad Episcopos non Macedoniæ, aut Bithyniæ, sed ad Episcopos Galliæ, eo tempore, quo Faustus in Lerinensi cœnobio florebat, cui post annum Abbas præfectus fuit. Quid quod! Idem Vincentius Lerinensis easdem producit in commonitorio aduersus profanas vocum nouitates, easque plurimum commendat. Qua verò fronte Vincentius eas sibi fauere literas iactasset, quibus ipsiusmet opiniones condemnabantur? Hæc ille scribit: *Sed & S. Papa Celesti-*

nus pari modo, eademq; sententia: ait enim in epistola, quam Gallorum Sacerdotibus misit &c. Tota igitur Gallia sonantes Celestini voces, ac Vincentij, & Prosperi ore etiam redditas quis eruditorum Antistitum non inaudiuisse credendus est? Itaque capita illa à Celestino emissa non fuisse, ne hæreticos pronunciamus eos, quos & sanctitas, & eruditio celebres reddidere.

Verùm dubium hic expediendum alterum est, cuinam capita illa Celestini literis annexa tribuenda sint? In libro Ecclesiasticorum dogmatum, qui inter opera S. Augustini tomo 3. recensetur, à cap. 22. vndecim capita leguntur ad verbum ex literis Celestini exscripta. Sed illius voluminis non est author S. Augustinus, cum etiam ibidem inferantur capita Concilij Arausicani, quod anno 529. celebratum est; quare nec illa scribere potuit Gennadius ob rationes adductas libro 2. hist. Pelagianę cap. 16. qui cum Cassiani dogmata vti Catholica perperam à Prospero impugnata fuisse dicat, non eas sententias docere potuit, quę Cassiani opinionibus prorsus repugnarent. Sutor etiam ille, quicumque fuerit, ineptus est, nam cap. 25. ait: *Idem Magister in epistola ad Mileuitanum concilium data predicat dicens &c.* Cum tamen prius non citasset Innocentium, ex quo illa verba referuntur in annexis capitibus illis nempe cap. 7. Præterea duo postrema capita scilicet 11. & 12. ad verbum habentur in homilia S. Ioannis Chrysostomi de Adam, & Eva tomo 2. edit. Basileę, vbi etiam illa verba in fine ponuntur, quarum occasione ista perquirimus, nempe: *Profundiores verb, diffilioresq; partes &c.* in qua etiam homilia S. Cum ergo dicitur hominibus tradidi desiderijs suis &c. ad verbum inseruntur quadraginta versus ex libro 5. S. Augustini con. Iul. cap. 3. Vnde Author illius homilię non est Chrysostomus, sed Latinus quispiam debilis ingenij Scriptor, qui nec suo ore loqui potuit, sed aliorum tantum sententias in centones coegit. Baronius, ac Suarius verisimile putant, quod quidam scribunt, ea capita fuisse à Prospero concinnata; Vossius non audet spondere à solo Prospero elaborata esse, Hilarium, aliosque Augustini defensores focios Prospero tribuit, nam plurali numero loquuntur. Quid hac in re diuinari possumus? Dicamus igitur constata esse à Prospero illa capita, demusque vnam, aut alteram coniecturam. Prima sit, quod cap. 8. leguntur verba literarum Zosimi, & Patrum Africanorum, quę eadem omnino, eodemq; modo recitat Prosper contra Collatorem cap. 10. quo loco eadem Innocentij testimonia ponit, quę in capitibus vulgò Celestini leguntur. Literę illę Zosimi perire, earumque initium apud Prosperi, & in capitulis illis tantum habetur. Altera verò est, Prosperum cap. 9. con. Collatorem, eundem arguere, quod dixerat, Augustinum quędam contra Pelagianos iusto amplius asseruisse: ibiq; vellicat sobrietatem aduersarij. At in cap. 3. Celestino reprobanduntur Massilienses, quod ausi sint, obloqui Augustino, tanquam necessariū modum excesserit. Quę si verè à Celestino dicta fuissent, repetenda sanè fuerant Prospero ea de re pro Augustino contra Collatorem litigante, quidenim validius adduci poterat ad os calumniatori obstruendum tam celebri Apostolicę Sedis testimonio? Vnde minùs etiam probatur Recentiorum sententia ea capitula absq; vlla dubitatione Celestino tribuens. Cum Prosper à Celestino Pontifice in commendationem Augustini, ac suę fidei approbationem diploma impetrasset, in Galliam rediens iisdem Semipelagianis insultabat; at illi eas laudes prioribus libris S. Doctoris datas fuisse

fuisse commentabantur; quo verò omnem abs seipsis erroris suspicionem propulsarent, profitebantur, ea se tantum dogmata defendere velle, quæ in disputationibus de gratia contra Pelagianos ab Apostolica Sede sancita fuissent. Inde onus Augustinianis incubuit demonstrandi ex Innocentio, Zosimo, & Africano Concilio à Romana Sede approbato Massiliensium opiniones esse proscriptas. Quare decem illa capita contextentes, quò validiori autoritate donarentur, eisdem Celestini epistolam ad Episcopos Galliæ præfixere. At cum in quorundam manus ea scripta deuenissent, in illam sententiam abiire, ut putarent, vniuersum libellum fuisse à Celestino Pontifice publicatum, in qua opinione video esse ex antiquioribus Petrum Diaconum, dein Cresconium, quos citavi, & post quadringentos annos Ecclesiam etiam Lugdunensem in libro de tribus epistolis, atq; alijs passim editis in causa Goteschaci. Notandum tamen est, Petrum Diaconum, ac socios Scythas errasse, dum in libro de Incar. & grat. cap. 8. laudant verba, quæ habentur initio cap. 8. Celestiniani tanquam Innocentij ad Synodum Mileuitanam; vnde patet eos, non legisse Innocentij literas, sed in hæc Celestino attributa capitula incidisse, haud distinguentes vltima verba cap. 7. quæ S. Innocentij sunt ad Milcuitanos à primis octauis, capitis quæ alterius auctoris sunt.

Ex his patet imprudenter Recentiores ex literis Celestini Augustinianæ auctoritatis adeo securè insultare, conantes Augustinum ferè in ordinem redigere. Neque enim certum est, postremam illam appendicem: *Profundiores verò, difficilioreq; partes &c.* ab Apostolica Sede emanasse, quod præclarissimi Scriptores negant. Quem verò ex Theologis cum Suario parem ex suis faciant, quemve ex historicis vel Baronio, vel Sirmondo suo opponent? Solidissima etiam argumenta eandem sententiam confirmant, quibus plures impofterum manus, herbamq; daturus spero, nisi nostrorum adulatio nobis illudat. Quæ verò dicturi insuper sumus in gratiam Recentiorum asserta sunt, ut omnem illis ad Augustinianæ auctoritatis truncandæ aditum præcludamus. Hucusque in remotiori, quàm putant, campo pugnatum est, nunc ad eorum castra accedimus, eadem etiam in arena, in quam nos prouocauerant, dimicaturi. Dabo igitur gratis decem illa capita esse à Celestino concinnata, ab eodem etiam appendicem illam adiunctam concedam, inde tamen nihil Augustinianæ doctrinæ, nihil eiusdem dignitati, nihil auctoritati detractum fuisse docebo. Antequam tamen hoc ipsum exequar, mens, animusq; Recentiorum indagandus est, suisq; veluti coloribus delineandus.

Veteres Semipelagiani Massilienses, quò conceptum semel contra S. Augustini doctrinam odium specioso quodam prætextu velarent, Pelagium ac Celestium damnabant, profitentes amplecti se quæcunq; contra eosdem ab Apostolica Sede sancita fuissent; cæterum in alijs, de quibus nulla emanarant à Pontificibus decreta, non stare se cum Augustino dicebant, quòd ille in doctrina contra Pelagianos tradita necessarium modum excefferat. Do verba Celestini cap. 3. *Quia nonnulli, qui Catholico nomine gloriantur, in damnatis autem hæreticorum sensibus, seu prauitate, sine imperitia demerantes, pijsissimis disputatoribus obuiare præsumunt; & cum Pelagium, atq; Celestium anathematizare non dubitent, Magistris tamen nostris, tanquam necessarium modum excefferint, obloquuntur, eaque tantummodo sequi, & probare profitentur, quæ sacratissima beati Apostoli Sedes contra*

inimicos gratiæ Dei per ministerium Præfulum suorum sanxit, & docuit. At nos propinquis Recentioribus S. Augustini de gratuita ad gloriam prædestinatione sententiam, in hanc transeant ob assentis authoritatem rogamus. Respondet Moraines disp. 9. Anti-Ianf. num. 30. si eam sententiam docuit Augustinus, non statueret contra Pelagianos doctrinæ affinitatem, aut connexionem, quæ nulla est, sed æsum disputationis ad hoc illum impulisse. Addunt se tantum teneri ad defendendas sententias à Romana Sede approbatas: Quamvis enim, inquit, præferenda sit ea sententia, quæ talem modum prædestinationis ex meritis omnino negat, tamen ut damnata etiam censeatur illa, quæ affirmat, videndum erit, quàm sit necessaria connexio cum articulis à Celestino definitis: Si enim non sit, quamvis Augustinus in contrarium propendat, permittenda tamen erit huius questionis determinatio liberæ disputationum electioni. Verba sunt Annati lib. 8. cap. 1. pag. 856. Igitur nullo gradu distat hoc Recentiorum de Augustino iudicium à veteri Semipelagianorum opinione; utriq; enim admittunt necessitatem credendi ea, quæ contra hæreticos de diuina gratia ab Apostolica Sede statuta sunt: at non illa, quæ per excessum contra eosdem S. Augustinus asseruit. Dicam tamen, quid inter utrosq; discriminis intersit. Cum S. Prosper Celestini approbationem Augustinianæ doctrinæ Massiliensibus obijceret, illi eas laudes anterioribus libris Augustini delatas dicebant, non posterioribus, in quibus & prædestinatio sine meritis, & fides Dei donum adstruitur. At Recentiores libros etiam posteriores recipiunt, aiuntq; approbatos, qua parte fidem ex Dei munere effe dicunt, non qua etiam prædestinationem ante præuisa merita ponunt. Itaque Massilienses ex toto postremos Augustini libros laudatos à Romanis Pontificibus negabant, Recentiores ex parte tantum approbato concedunt.

Certum est Iacobum Arminium apud Batauos Semipelagianissimum ab Orco reuocasse, vel si alibi adhuc superstes erat, communiuisse, vnde P. Macedo scribit in prologo Scriniij: *Sint. ne hodie hostes gratiæ & scire qui velis, inspicias is, an sint hodie Augustini hostes & Cumq; hos inuenierit, & illos inuenisse se putes. At in Belgio sunt hostes Augustini, sunt & in Anglia, licet multo pauciores, idest Arminiani, & Remonstrantes.* Itaque hic Batauorum Semipelagianorum nouus Princeps illa Celestini clausula contra Augustini authoritatem armari se, satiq; instrui putabat, dat eius verba amicus laudatus in antithesi Arminiana ibidem: *Tantum verò abest,* inquit Arminius, *ut doctrina ipsius etiam Augustini de prædestinatione in illis Concilijs recepta sit, ut Celestinus Episcopus Romanus, qui illo tempore vivebat ad Episcopos Gallia scribens, & Pelagianorum doctrinas condemnans, in fine suarum litterarum in hæc verba concludat: Profundiores verò difficilioreq; partes occurrentium questionum, quas latius &c.* Quibus Celestini verbis Arminius erecto veluti aggere contra Augustinum stetit. Hinc ridenda sunt Morainij verba in præfatione Anti-Iansenij: *Quam multi,* inquit, *sine ulla discrimine Augustini auctoritatem admittebant, qui nunc audita limitatione, quam eius approbationi Celestinus apposuit, dum audiunt aliquid ex Augustino proponi, querunt: Est ne hoc de illis profundioribus questionibus, quas non necesse iudicauit adscribere, quas in capiti opinandi libertate reliquit.* Quasi ipsi Recentiores in nupera Iansenij causa illa Celestini verba adnotarint, cum non modò Arminius, verum etiam ante octingentos annos eadem recitata fuerint ab Ecclesia Lugdunensi cap. 12. de tenenda Sac. Script. veritate. Arminius veteris Semipelagianismi rector eam Celestini clausulam versauit,

reuer.

2. 1. Hap.
1. 1. 1. 1.
1. 1. 1. 1.

reuerfauitq; difcipulorum chorus, cum quibus Recentiores concinunt, quorum vnus & nobilis exclamat: *Ita est, multa habemus cum Arminianis communia.*

Verûmenim verò audire mihi videor Recentiorum querelas, se grauari inuidiofis tantum nominibus, non autem ipforum fententiam falutatis, errorifve conuinci. Agitedum, relinquamus ifta, vt potè odiofa, ad arcem caufæ accedamus. Author illorû capitum intendit tradere contra Maffilienfes, quænam fint liberi arbitrij vires ad bonum, ac quantâ gratiæ neceffitas. Hoc patet ex fine literarum, vbi legimus: *Quia ad confiderandam gratiam Dei, cuius operi, ac dignationi nihil penitus fubtrahendum eft, fatis fufficere credimus quicquid fecundum prædictas regulas Apoftolica Sedis nos fcripta docuerunt.* Quare ea, quæ de peccato originali, ac modo, quo idem propagatur, de concupifcentia, ac miferijs reliquis, quæ funt pænæ peccati originalis, fufius contra Iulianum S. Auguftinus docuit, in illis Celeftini literis non definiuntur, quia de illis nulla erat Auguftinum inter, & Maffilienfes controuerfia, nec vllam inde Semipelagiani Auguftino quæftionem faciebant. Quare Celeftinus dixit: *Nonneceffe habemus adftruire, quod eft nollè fe de illis canones edere, quòd ad præfentem cum Maffilienfibus controuerfiam non conducebant, non quòd libero difputantium affenfui, vel diffenfui illa dimittere vellet, quæ eft infulfa Recentiorum interpretatio.* Hinc patet inanem laborem fubire eos, qui nomine intercurrentium quæftionum quasdam intelligunt ex Auguftini libris defumptas, quas ad rem non facere fatis commodè & lepidè oftendit Annatus lib. 8. cap. 1. At dices, fi non funt approbata à Celeftino ea, quæ S. Doctor de concupifcentia latiffimè tradit contra Iulianum, libero fubfante Lectorum affenfui, vel diffenfui. Ad hoc quidem fuo inferius loco refpondebimus; interim fcendum eft, Auguftinum lib. 5. con. Iul. cap. 12. quinque de concupifcentia quæftiones propofuiffe (in quarum tertia Recentiores ftant contra Auguftinum iisdem argumentis, quibus Iulianus vfus eft, decertantes) atq; hæc ibidem dixiffe: *In his quæftionibus Catholica veritate antiquitus tradita veftra impia nouitas fuffocatur.* Repetere autem hic possumus, quæ in alia caufâ dicebat Bellarminus Cardinalis lib. 2. de grat. & lib. arb. cap. 11. *Nam fi Auguftini de prædeftinatione (dicas concupifcentia) fententia falfa efferet, non poffet idem Auguftinus ab ingenti temeritate defendi, quippe qui non folum tam acriter pro falſitate certaffet, fed etiam eam pro fide Catholica vendicare aufus efferet.* Nunquam S. Doctor proprio è cerebro natas opiniones pro Catholicis fententijs publicaffet. De qua re repete dicta cap. 3. §. 2.

Scribit Author in fine cap. 3. *Conſtitutiones Sanctorum Patrum compendioſo manifeſtamus indiculo, quo ſi quis non nimium eſt contentioſus, agnoſcat omnium diſputationum connexionem ex hac ſubditorum authoritatum breuitate pendere.* Hic magnæ difficultates emergunt; vndenam ſcire poterimus hanc dogmatum connexionem? Recentiores ſe huius myſterij Magiſtros proficentur, irridentq; Auguftinum ea de connexionem ſcribentem. Legimus cap. 12. homines non priùs baptiſmum ſuſcipere, quàm exorcifmis, & exſufflationibus Clericorum ſpiritus ab eis immundus abigatur, ut tunc rere appareat, quomodo princeps mundi huius mittatur foras &c. inferimus, ergo Dæmon ſenſibili pœna nocere poterit pueris inſectis originali peccato, vtpote ſuis mancipijs, quorum ipſe eſt Princeps. Clamat Annatus pag. 858. *Negamus crudelem conſequentiã.* At connexionem illam alie-

asseueravit satis constanter S. Augustinus lib. 4. oper. imper. cap. 200. *Si autem non eruitur, inquit, de potestate tenebrarum, & illic remanet parvulus, quid miraris in igne aeterno cum Diabolo futurum, qui in Dei regnum intrare non finitur?* Respondet Moraines disp. 40. Anti-Iansenij num. 60. id dixisse Augustinum *est* *disputationis abreptum*. En Semipelagianorum voces, Augustinum *necessarium modum excessisse*, à Celestino damnatas, cuius quidem literas, prout vile est ipsorum causę, recipiunt, sed prout in rem Augustini faciunt, minimè imitantur. Itaque errauit Augustinus furore abreptus eam connexionem adstruendo, quam nullam esse Recentiores contendunt. Opponimus cap. 11. *Perseuerantiam usque in finem ad Christi gratiam referri*, datur enim gratis, vt ex precibus fusè probat Augustinus, & definitum est in Araucana Synodo canone 10. Inde inferimus prædestinationem ad gloriam esse pariter merè gratuitam; nam prædestinatio, quę segregat reprobam à prædestinata, fundatur, seu connectitur cum dono perseuerantię finalis merè liberaliter meritis superaddito, ergo à mera liberalitate Dei prædestinatio dependet. Hanc connexionem vidit, ac propugnauit Augustinus, eandem Sancti Patres Augustiniani, Prosper, Fulgentius, Prudentius, Rhemigius, alijque asseruere. At Recentiores eam connexionem negant, qui Augustini doctrinam iuxta connexionem cum Celestini literis recipiunt, quam tamen connexionem iuxta proprias opiniones recipere, vel respicere nec piget, nec pudet. Vno verbo: Augustini libri ad normam literarum Celestini examinandi sunt, Celestini verò literę iuxta suam ipsorum imaginationem interpretandi. Illi quidem, vt probent hæc capita, quę epistolę Celestiniannę connexa sunt, esse reapse ab Apostolica Sede emissa, producunt Petrum Diaconum, & Ecclesiam Lugdunensem, à quibus illę sententię laudato Pontifici adscribuntur. At respondemus, eos Patres illam epistolę appendicem legisse, & tamen vt dogma Catholicum prædestinationem absque meritorum præcognitione statuissē; sed dicent, mitioris illorum de Augustini doctrinā iudicio non stare; benè, nec illorum nos conuincimur testimonio, vt Celestino illas theses deputemus.

Subit hic mentem, quoniam de prædestinatione sermo incidit, Recentiorum modestia in sententia S. Augustini de prædestinatione merè liberali examinanda, inquit enim honoris gratia cum Molina, esse *duram, & indignam diuinā bonitate, eiusque occasione plurimorum salutem fuisse periclitatam*, cum Mariana esse *nouam*, & Augustinum in illa haud constantem, *inducere desperationem*, cum Lessio: breuique à contraria opinione obducendam cum Petauio. Nonne hoc ipsum est, Augustini sententiam *contemnere*? & tamen de illa dictum fuisse à Celestino asseritis, se illam non *audere contemnere*. Peccatum originale esse potissimum, ac proximam causam reprobationis est S. Augustini sententia, idque concedit Adamus pag. 614. sui Caluini destructi, de qua pag. 667. cap. 10. 3. p. scribit. *Credo mihi licere eam exhorrescere, quia mater est Calviniani dogmatis*. Poruit-ne Augustini sententia vilius excipi? Ridet Annatus lib. 8. cap. 1. quosdam, qui explicaturi verba illa Celestini: *Profundiores verò, difficilioresque partes incurrentium questionum, quas latius pertractarunt, qui hæreticis resistunt*, quarundam questionum indicem texunt, quas ad propositum non facere, non prauè idem ostendit. At petimus vbinam contra Pelagianos latius agitarit Augustinus questionem illam de prædestinatione, certè in epistolis

ad Paulinum, & Sixtum de illa non multa loquitur, ut vix dicendus sit, fusiùs inibi eam pertractasse. Verùm in libris ad Prosperum, & Hilarium latiùs de illa differuit; at eo in opere S. Doctor hæreticis non resistebat, erant enim Semipelagiani Catholici, eratq; id nomen factionis, non hæresis. Celestinus verò illas quæstiones appellat, quas illi, qui hæreticis resistunt, pertractarunt. Scio quid responsuri sitis, intelligenda esse Celestini illa verba, qui hæreticis resistunt, *specificatinè*, non *reduplicatinè*. Scholæ interpretamentum est; ne sim litigiosior, cedo herbam, nec me hoc postremum multùm mouet, ad alia transeamus.

Sed mitissimè, atq; humanissimè vobiscum agamus; Scitote adeo in tuto esse S. Augustini auctoritatem, ut causam, de qua hucusq; litigauimus, ex integro vobis vtrò cedere possimus, quib; quicquam detrimenti Augustinianæ doctrinæ dignitas subeat. Habuerint decem illa capita Celestinum Authorem, nullum Augustini dogma cum illis connexionem habeat, damus omnia, ut liber; ut lubet. Hinc tamen non fit, ut capitalia S. Augustini dogmata, inter adiaphora numerentur, quæ libero disputantium arbitrio permilla sunt. In illis capitibus initium fidei, pium consilium, probabile studium, sanctam cogitationem, perseverantiam finalem esse Dei dona decretum est, Augustino id gloriæ detur, suas ipsius theses aduersùs Massilienses defensas in fidei dogmata à Celestino relatas fuisse. Interrogatos velim niòdò Recentiores, an post Celestini obitum vlla alia Augustini asserta ab Apostolica Sede contra hæreticos, aliosve statuta sint? Affirmabunt professò, qui sciunt vigintiquinque canones Arausicanos à Felice IV. ex S. Augustini libris desumptos fuisse. Celestinus ex S. Augustini doctrina quidquid Massilienses in dubium vocabant, definiuit, ex eiusdem etiam sententijs contra novos Pelagianorum conatus à successoribus idem præstitum fuit. S. Gelasius Papa D. Augustini sententiam de transfusione peccati originalis in prolem ratione concupiscentiæ, de exclusionè à regno cælorum, de miserijs ex peccato originali venientibus, de infantium damnatione, de libertate ad bonum per peccatum amissa, aliæque multæ in epistola ad Episcopos per Picenum approbavit. Leo Magnus integra duo capita Augustinianæ doctrinæ suis literis inseruit, in quibus asserit Augustinus, non improbabiler dici, parentum quoq; peccatis parvulos obligari, non solum primorum hominum, sed etiam suorum cap. 46. Enchirid. Quare si Sanctissimo, eidemq; doctissimo Pontifici Leoni illa Augustini sententia placuit, quam hic tantum non improbare iudicabat, quantum illas Apostolicæ Sedis placuisse dicemus, quas tanquam certas, tanquam sacris literis conformes, tanquam deniq; planè orthodoxas totis lacertis contra hæreticos propugnauit? Statuerit itaque Celestinus quid contra Massilienses ab omnibus tenendum sit, non inde intra cancellos breuissimos Augustiniana doctrina restringitur, latiùs expatiatur, ac secum vnanimi consensu Romani Præsules procedunt Augustinum in statuendis de auxilijs diuinæ gratiæ decretis summa, semper religione secuti. Subsidat ergo iam tandem tantus ex his, ut putant, Celestini capitulis pulvis à Recentioribus contra micantissimos Augustiniani Solis radios excitatus, ac Sancti Præsulis doctrina quacunq; salutarum interpretationum depulsa caligine Ecclesiam vniuersam illustret.

CAPVT VLTIMVM.

*Centum ac triginta quinque Recentiorum contra D. Augustinum conuicia ;
in nouem B. dictoria, ac censura ab eodem S. Doctore, & Sanctis
Patribus repulse.*

Mirari satis nequeo Augustinum tam magno, ac felici ingenio excelluisse, vt non modò eos hostes, quibuscum viuens acerrimè dimicauit, mille voluminibus conculcarit, protriuertitque, verùm etiam asserita abs se dogmata ijs argumentorum armis munierit, vt & subsecutorum omnium hæreticorum conatus infregerit, ac quocumque hominum censuras eluserit : cum nullas siue hæresis, siue inuidia voces dare possit, quibus suis in libris Augustinus plenissimè non satisfecerit. Exemplo sint recentia conuicia, quibus nonnulli nouitij Scriptores venerandam Magni Patris canitiem temerario ausa discerpere conati sunt : quandoquidem etiamsi nullus pro Augustino defendendo stylum stringat, ex vnius illius dictis omnium calumniantium ora penitus obstruuntur. Hoc modò demonstrare aggredior, productis hinc nouorum Scriptorum censuris, illinc verò datis ex Augustino responsis. Quæ sane quicunque procul amoris, & odij causas habens, attentè perleget, is profectò fatebitur, Augustinum ita esse locutum, ac si cum recentissimis hæc hominibus, qui post duodecim sæcula erupere, reapse litigasset. Hic ramen mihi decretum est, illatas Augustino contumelias repellere, illarum verò auctores silentio præterire. Etenim cum Augustinus Pelagianos primitus impugnandos suscepisset, ita eorundem errores infecutus est, vt Authores minime publicaret. Cuius facti hanc ipse rationem assignat lib. 2. Retract. cap. 33. *In his autem, inquit, libris tacenda adhuc arbitratus sum nomina eorum, sic eos facilius posse corrigi sperans.* Et quidem magni Patris vestigijs inhærentes nostri instituti homines Basilus Poncius Hispanus, ac Carolus Moreau Gallus ita importatas Augustino iniurias confutarunt, vt aduersariorum nominibus perpercerint. Familiare igitur maioribus nostris exemplum secutus, Censorum nominibus suppressis, minùs honorificæ eorundem de Augustino dicta ex Augustino ipso refellam. Optimè enim de humano genere merentur, qui anriodora suggerunt, etiamsi venenorum artifices minime prodant. Dabimus profectò grande patientiæ, grandius inodestix documentum, vt vel hinc mitiora iam tandem erga insignem Ecclesiæ Doctorem consilia eosdem imposteorum inuitos non dubitemus. Verùm ne Censores ita cum Augustino committam, vt sub lite etiam dimittam, Iudices aduocandos decreui, à quibus grauissima hæc, si quæ vnquam aliàs, causâ cognoscatur. Vos, vos, precor, adeste vetustioris Ecclesiæ Parres, bello inuicta manus, ac tot de Heterodoxis reportatis triumphis percelebres. Vos ecclestis Senatus lumina, ac Christianæ Reipublicæ columina, quorum autoritatem Catholicus Orbis sequitur, sapientiam vniuersi adorant, dicta tanquam secretiora Numinis oracula singuli venerantur. Sedere Augustinianæ causæ Iudices honorarij, hinc quorundam Recentiorum accusationes, isthinc Augustini defensionem audituri. Vestram fidem quicunque in suspicionem vocauerit, is ab Orthodoxa fide se

penitus alienum ostenderit. Tu verò, Magne Pater, quando dignam aduocationem nullus tibi mortalium commodare potest, eę ipsius causę suffragator accede. Et si olim Apostolicę Sedis decreto in controuersijs de diuinę gratię auxilij sententiam dicturus Iudex destinatus fuisti, patere parumper, id quorundam (vt mitissimę loquar) importunitate exigente, ad Patrum tribunalisti ex Iudice reum. Neque enim arbitror te id ægrę esse laturum, qui olim nouitij dogmatis à Iuliano accusatus, Patrum iudicium non modò non declinasti, quin imò ad illud vel repugnantem aduersarium obtorto collo transiisti. Erit sanę iucundum intelligere, imò vel oculis ipsis intueri innumeros Ecclesię Doctores albos calculos (neque enim est incerta victoria) Augustino adijcere, eiusdem sententias commendare, auctoritatem defendere, aduersariorumque temeritatem graui iudicio percellere. At citò citiùs adest sacer Diuorum Senatus, & quidem frequentissimus, Augustinianam causam, cogniturus. Tumultuantur rotundo agmine aduersarij Augustinum accusaturi. Interim S. Prosper, qui inter primi subsellij iudices sedet, accusatoribus loquendi facultatem faciens: ecce, inquit, *salua Catholica pace victoria, salua indissolubilem reuerentia decretorum paratissimus PATRONOS DOCTRINÆ EMENDATIONIS. audire, & circumcisas ab omni errore lineas: subtilissime discretionis agnoscere. Constituat in medio quod DE NOVIS EMERSIT INGENIIS.*

¹ *Em Col-
lat inio.*

² *In prof.
resp. ad
cap. Gol-
liam.*

Ve facile vel tenuis diligentia adueritas inspector, quàm inuisis opprobrijs CATHOLICI PRÆDICATORIS: memoria carpatur, & in quod peccatum cadant, qui aliena instigatione commoti SCRIPTOREM CELEBERRIMI NOMINIS promptius habeant culpam, quam nosse.

Censores.

S. P. Augustinus.

Hæc nostræ ratio conciliandi libertatem arbitrij cum diuina prædicatione a uenire, quem viderim hucusque tradita, ideo satius hæc duxi paulò suspensius explicare.

Adira sunt, quæ dicitur: nona sunt, quæ dicitur: falsa sunt, quæ dicitur. Adira suspemus, nona canemus, falsa conuincimus. Lib. 3, con. Iulian, cap. 3.

S. Bernardus.

*Miror admodum, si non vix iste nouarum inuentor assertionum, & assertor inuentio-
num inuenire in hoc rationem potuerit, quæ Sanctos Patres latuerit, Ambrosium, &
Augustinum. Epist. 77. ad Hugonem.*

II

Censores.

S. Augustinus.

Neque verò dubito, quæ ab Augustino, & ceteris Patribus vniuersi consensu comprobata fuisset hæc nostræ prædicationis sententia, rationeque conciliandi libertatem arbitrij cum diuina gratia, præscientia, & prædicatione, si eis propostia fuisset.

O quid perdidit, qui te audire non potuit Lib. 4, con. Iul. opet. imperi. cap. 119.

Ionas Episcopus Aurelianensis.

*Igitur, quia non solum B. Augustino, sed etiam alijs eximij Doctores te supercilio-
sè prætulisti, merito solitaria destructionis tuæ gloriatio in immensum sese extendens, in
irritum deducitur. Ve namque eidem gloriatio tuæ iuxta illud Ecclesiasticis immiser,
quia non habens socum ex consortio aliorum, frigore solitario torpet, & cum ceciderit
non habebit subleuantem. Lib. 1. de cultu imag. tom. 9. par. 1. Biblioth. PP.
edit. Colonien. 1618.*

³ *Ecl. 4.
10.*

Censores.

S. Augustinus.

Quæ dubitandum non est, si ea dare vel Augustinus,

*Quis digneque talem habere Doctorem? O ad-
miratio.*

vel D. Thomas confiteretur, respondens fuisse nihilominus prædestinationem, & reprobationem non sine præntia illa scientia, habitaque consideratione usus liberi arbitrii futuri &c.

miranda, atque laudanda doctrina! Lib. 2. de orig. animæ cap. 9.

S. Celestinus Papa.

Legimus suprà Magistrum non esse discipulum, hoc est, non sibi debere quæquam ad iniuriam Doctorum prædicare doctrinam. Nam & hoc ipsi à Deo nostro positos nominimus ad docendum, cum sit dicente Apostolo, eis terminus locus intra Ecclesiam disputandus. In epistola ad Episcopos Gallie contra S. Augustini calumniatores scripta cap. 1.

Luc. 6.

Censores.
Qua si data, explanataque semper fuissent, forte neque Pelagiana hæresis fuisset avertita.

S. Augustinus.
Qua tibi non audieris, Pelagiani dogmatis machina sine Anathello necessario pertransisset. Lib. 6. con. lul. cap. 11.

S. Hieronymus.

Scriptis dudum vir Sanctus, & eloquens Episcopus Augustinus ad Marcellinum, qui postea sub invidia tyrannidis Heracliani ab hæreticis innocens cæsus est, duos libros de infantibus baptizandis contra hæresim vestram &c. Alios quoque specialiter tuo nomine cedere dicitur, qui necdum in nostras venerat manus, unde supersedendum huic labori censeo, ne dicitur mihi illud Horatii In sylvam ne ligna feras; aut enim eadem diceremus ex superfluo, aut si nova voluerimus dicere, à clarissimo ingenio occupata sunt meliora. In fine lib. 3. dialogi contra Pelagianos.

Censores.
Neque ex Augustini opinione tui fideles fuissent turbati, ad Pelagianismum defecissent, faciliusque religio illa Pelagianorum in Gallia, quam in epistolis Prospero, & Milario hi mentio, fuisset exorta, concetnationes denique inter Catholicos facili fuissent compositæ.

S. Augustinus.
Doctrinam, cuiusdam atque aures ferrat, quæ homines apostolos, quæ denique Præbiteras mercedis habere discipulos; Legat, legat in cenone quod scripsit, notat, atque ignotus, doctus, atque in doctos sapientissimus implet; Seniores cum iunioribus convenit, quod nesciebant, dicit, quod nesciebant audierat, audire. Lib. 2. de orig. animæ cap. 5.

S. Prosper.

Ecce salva Catholice pace victoria, salva indissolubilium reverentia decretorum prævati sumus Patronos doctrinæ emendationis audire, & circumcisas ab omni errore lineas subtilissima discretionis agnoscere. Constituantur in medio, quod de novis emerfit ingenijs. Initio lib. con. Collatorem S. Augustini reprehensorem.

Censores.
Qui novarum solutionum mentionem putat iniquissimam esse Augustino, idem viri facere videntur, quod dicitur, qui sine Scipione, & Caesarum iuvencis disci posse non gerere, esse iam aliam instruenda aciei rationem, quidam tempore fundarum, & balistarum.

S. Augustinus.
Melius exponat ista meliores, non isti quorum nominem sententiam reprehendimus sed alij, qui veraciter possunt. Epist. 89. ad Hilarium contra Pelagianos.

S. Fulgentius.

Proinde memoratus Dei Pontifex Augustinus iurim fortitudinis ipsam gratiam temens, & exinde cuncta hostilium machinamenta telorum celestis invicem revolvit, confringens, non solum ipse de hoste victoriam referens triumphavit, quin etiam postea certandi, & vincendi ordinem, si quando visita prævitæ reciduo ausu insandum caput erigere nisteretur, ostendit. Lib. 2. de verit. prædest. & grat. cap. 18.

V I I.

Censores.
Ab his, ut ego Augustino præpauca, aliquem partem coram, qui successerunt, sed ne aquandem quidem. At multum interest, utrum deas, tollat in eum esse scientia deus longe plura, quam ceteri, an omnia. Item

S. Augustinus.
Non improbi humanitatem quam in deo peritiam laudo, quod boniasti Doctorum inveni, nec boniasti, sed ipsam, qua tibi per illum loqui dignatus est veritatem, si tamen potueris demonstrare, quod per illum veritatis accipis.

verum succallens omnibus citra comparationem pauciora servata esse, an nulla, ut crimini sit, quid alijs radiamus quendam videre se putant ex Augustini Sole non emissum. Et alibi: Quæ plerique non videntur satis advertisse, dum Molina audaciam exaggerant indicantis aliquid lucis defuisse Augustino in concilianda cum creatis libertate divinorum decretorum, & auxiliorum officia.

peris. Velle itaque rescriptis tuis, quid te doceris, me doceres; Absit cum vi erubescam à Presbytero discere. Lib. 2. de orig. sacror. cap. 1. & 2.

S. Thomas Villanovanus.

Si Sapientia laxa est, quis in Ecclesia Dei ita lucet, ut Augustinus? A Sole omnia astra lucent, ab Augustino omnes, qui post ipsum fuerunt, Doctores Sapientia lumen accipiunt. Serm. 1. de S. Augustino. Et B. Iordanus de Saxonia serm. 1. 3. Unde etiam de Augustino potest exponi illud Job. 14. Qui claudit stellas, quasi sub signaculo, quia in ipso in scrinio sui pectoris, quasi tota sapientia sua reclusa, quæ quasi aperto sigillo eructatione sua doctrina ore, & manu suis mundo panditur, & reserata. Unde ipse dicitur, claudere stellas, id est, omnium aliorum Doctorum doctrinas in suo pectore, quasi sub signaculo ad modum, quo liber, vel litera clauditur sigillo.

VIII.

Censores.

Quæ Augustini doctrina plurimos ex fidelibus præstitit ex eis, qui in Gallia morabantur non solum indolens, sed etiam doctissimos viros, atque in Episcopali dignitate constitutos, mirum in modum turbavit; ne dicam illius occasionem salutem eorum fuisse periclitatam. Ne enim eiusmodi doctrina adhaerent, barefi potius Pelagiana ex parte ostendendum putabant.

S. Augustinus.

Itaque dilectissimi, ne vos conturbet huius quæstionis obscuritas, monero vos primam, ut de ipsa, quæ intelligitur, agatis Deo gratias, quicquid est autem, quod pervenit nondum potest vestra mentis utilitas; præsertim nate vos, & charitatem servantes à Domino, ut intelligatur, orate. Et donec vos ipse perducatur ad ea, quæ nondum intelligitis, ibi ambulate, quod pervenire possitis. Libro de grat. & lib. arb. cap. 1. vide cap. 16. de dono perseverantiae.

Ecclesia Lugdunensis.

Augustinus nec tanta perturbatione, & permotione fidelium ab invectione veracissima, & fidelissime doctrina sue frangi potuit, aut renocari; sed magis eos & scriptis suis in quantum potuit admonuit, & instruxit, & orationibus apud Deum profusis fideliter adiunxit, ut intelligerent, & agnoscerent, quam necessariam, & quam salubriter propter commendationem divinæ gratiæ eiusdem prædestinationis veritas omnino & credenda, & prædicanda esset. Lib. de tribus epist. cap. 35. Tomo 9. Bibl. PP. par. 1. pag. 1009.

IX.

Censores.

Interim verò dum sub ea quasi caligine D. Augustinus ad hoc non attendit, arbitratus primo aspectu cum sua de prædestinatione opinione esse consonantem &c.

S. Augustinus.

Adhuc quippe in quæstione caligat de Prædestinatione Sanctorum. Loquens de Semipelagianis lib. de prædest. Sanctorum cap. 1.

S. Paulinus.

O lucerna dignè supra candelabrum Ecclesiæ posita, quæ latè Catholicis viribus de septiformi luce pastum oleo lætitiæ lumen effundens, densas licet hereticorum caligines discutis, & lucem veritatis à confusione tenebrarum splendore clarifici sermonis enubilas. Epistola 31. ad Augustinum in eiusdem commendationem.

X.

Censores.

Præterea hæc sententia, nempe Augustini de prædestinatione, occasionem præbet hominibus despiciendi animo, ne dicam desperandi, sequens operandi, obtinendi & excusationes, atque ea de causa nimis hominum animos erga Creatorem diligendum, ac colendum exorta videntur. Certè non videtur quantum ratione patentissima libertas arbitrii nostri, quam experimur, quæque iam aperte in scriptis sacris traditur, cum divinæ prædestinatione ita explicata coherere valeat.

S. Augustinus.

Ego autem nolo exaggerare meis verbis, sed illis cogitandum potius relinquo, ut videant, quale sit, quod sibi perscraserunt; prædicationem prædicatorum audientibus plus desperationis, quam exhortationis affert; hoc est enim dicere, quod de sua salute hominem desperare, quando spem suam non in se ipso, sed in Deo didicerit ponere, cum Propheta clamet: Maledictus omnis, qui spem ponit in homine. Lib. de dono pers. cap. 17.

S. Prosper.

Hoc propositum vocationis Dei; quod vel ante mundi initium, vel in ipsa conditione generis humani eligendorum, & reijciendorum dicitur facta discretio, &c. & lapsi cu-

ram resurgendi adimere, & sanctis occasionem temporis adferre. Item. Remoueri itaque omnem industriam, tolliq; virtutes, si Dei constitutio humanas præueniat voluntates, & sub hoc prædestinationis nomine fatalem quandam induci necessitatem. Ita Semipelagianos sentire scribit ad Augustinum.

XI.

Censores.

Primum tamen est difficultas ab Augustino, & ab alijs suis semper indicatum, veram inuenire rationem, & modum. qui difficultates omnes pelleret, & humanum intellectum pacatum omnino redderet super coherentia libertatis arbitrij cum diuina gratia, præsentia, & prædestinatione. Ac quoniam hi hæretici, qui vel diuina gratia, vel libertati arbitrij præiudicium asserere moliti sunt, ex Scripturis sanctis, principijq; fidei efficaciter sint expugnati, haud tamen scio an explicata penitus, & abunde reddita a ratione integra conciliandi libertatem arbitrij cum illis tribus, & hæreticis aduersis, quo facilius ad pacem, unitatemq; Ecclesiæ redirent, sit patefactus, & concertationes, quæ ante mille annos inter viros Catholicos oborta sunt, quantum par est, sint compositæ.

S. Innocentius Papa.

Sancta fraternitatis vestrae literas plenas fidei, totoq; Catholice religionis rigore firmatas à vobis missas, & Concilijs vestris per fratrem, & Coepiscopum nostrum Iulium pergrato suscepimus animo, quia earum tenor, omnisq; contentio in consideratione quotidiana gratiæ Dei, & in eorum correctione, qui contra sentiunt, integra ratione consistit, ut & illis omnem tollere possit errorem, & idoneo dato quouis nostra legis exemplo, quem sequi debeant, dignum possint præbere Doctorem. In epistola ad S. Augustinum, quæ est 96. inter Augustinianas.

XII.

Censores.

Expositiones alia Augustini ad locum Pauli (nempe Deus vult omnes homines saluos fieri Timoth. 2.) præter Damasceni, & communem Patrum expositionem, omnes vel primo aspectu peregrinas, & extorci apparent.

XIII.

Censores.

Frustra noluit Augustinus concedere hanc voluntatem Dei circa omnium salutem, & locum illum Pauli nullo ex tribus modis rectè exposui.

XIV.

Censores.

Tres, quatuorve ex Augustino commemorati sunt à nobis modi exponendi verba illa (Deus vult omnes homines saluos fieri) cum illius opinionem exponeremus, qui mihi quidem ad eludendum magis, quam rectè, & sanctè videri solent.

Ecclesiæ Lugdunensis.

Sensus illorum verborum Apostoli, quibus ait (qui vult omnes homines saluos fieri) etiam nos superius commemorauimus, & fideliter posse accipi diximus, si tamen & ille sensus B. Augustini, quem ille iuxta alterius diuinæ Scripturæ auctoritatem diligenter inquiri, & multis, ac veracibus modis exponit, pariter recipiatur. Nec propter istum ille damnetur, sed potius utriusque sensui propter veracem, & piam Patrum auctoritatem fideliter obediatur. In lib. de trib. epist. cap. 26. idem habet c. 24. S. Bonauentura ait: Expositiones Augustini Doctoris egregij super illud 1. ad Tim. 2. Deus vult omnes homines saluos fieri, bonæ sunt 1. sent. dist. 46 q. 1. art. 1.

XV.

Censores.

Hæc cessat obediens, quem sapient Augustinus reperit.

S. Augustinus.

Sed primum secundum auctoritatem Scripturarum Sanctarum, verum se ita fidei balcat, demonstrandum est. Deinde si volueris, & adiuueris Deus, istis generalibus rationatoribus elationibus, quam esparioribus, atque ideo morbo periculosiore laborantibus, sic fortasse seruiamus, non mouens aliquid, vnde dubitare non possint. Lib. 1. de Trin. cap. 2.

Quoniam vos aliquando contra euidentiſſimam auctoritatem ratio humana deſeſſas, proferre ipsam regulam rationis vestra. Serm. 14. de Verb. Apostoli.

S. Augustinus.

Manifestum est eis, qui huic resistunt tam perspicua veritas, non intelligere omnino, quæ loquutione fit dictum, quod omnes homines vult Deus saluos fieri, cum tam multi salui non fiant, non quia ipsi, sed quia Deus non vult, quod sine ulla caligine manifestatur in parvulis: sed fides illud, quod dictum est, Omnes in Christo iustificabuntur, cum tam multi æterna morte puniantur, ideo dictum est, quia omnes quicunque vitam æternam percipiunt, non percipiunt nisi in Christo; ita quod dictum est: omnes homines vult Deus saluos fieri, ideo dictum est, quia omnes, qui salui fiant, nisi ipso volente non fiant, & si quo alio modo illa verba apostolica intelligi possint, ut tamen huic apertissima veritas, in qua videmus tam multos volentes hanc vitam sed Deo nolente saluos non fieri, contraria esse non possint. Epist. 107. ad Vitalem. item cap. 103. Enchirid. & cap. 14. de cor. & grat.

S. Augustinus.

Quid de illis dictis quibus dicitur mortuorum vult Augustinus.

Serm.

quaque in causa fuit, vi testimonium Pauli non de omnibus numeris hominibus exponeret, sed ad tres illas expositiones configeret. Sapē enim obicit, pueros in utero matris interdum perire ante baptismum, neque tamen per pueros, neque per parentes, neque per ministros flare, qui percuterent eis subvenire, & remedium baptismi ad salutem adhibere, nec tamen possunt.

Serm. 7. de verb. Apot. Idem epist. 105. ad Sixtum. Et cur providentia Dei, cui nostri capilli numerati sunt, sine cuius voluntate non eadem passer in terram, qua nec fato premittit, nec fortuitis casibus impeditur, nec illa iniquitate corruptur, ut renascantur ad bariditatem celestem, non consilium omnibus parvulis filiorum suorum, & nonnullis consilium etiam parvulis impiorum?

S. Fulgentius.

Vbi enim duorum parvulorum nec in actibus aliqua sunt merita, nec in origine dissimilis causa, manifestum quidem nobis est, quod ambo fuerint originalis peccati vinculis obligati, occultum verò cur non ambo fuerint absoluti. Sciamus igitur imperscrutabile nobis esse, cur uno derelicto alterum Deus ab illa perditionis massa gratis eripiat &c. Dicit aliquis, cur non ambobus largius est Dominus gratuitam misericordiam, cum unus ambobus reatus obstrinxerit? Eni salua imperscrutabili altitudine iudiciorum Dei, respondemus, ideo non utrumque liberatum, vel utrumque damnatum, quia Dominus, qui malum nec velle potest aliquando, nec facere, ab uno iusta severitate debitum præcepti exigere, alteri vero iusta gratuita bonitate dimitti. Lib. 1. de verit. prædest. & gratiæ cap. 13. Idem docet S. Prosper con. Ingratos cap. 31.

XVI.

Censores.

Appellare cognitiones illas rerum in Verbo, & in proprio genere diem, multiplicareque ea ratione diem comparatione diversorum obiectorum, est vi vocabulis ad libitum, & præter omnium sensum, & opinionem; nec ullam verisimilitudinem habet, Mosem cum populo rudi in ea significatione fuisse loquentem, quam vix illius potuit excogitare, excogitavitque sibi persuadere. Quare exponere in eo sensu scripturas, est sanè eam auctoritatem enervare, & (si in impugnanda Sanctissimi, Eminentissimique Doctoris de Ecclesia, & Sacre Theologia quàm meritisimam sententia, fas est ita loqui) ludibrium fortè eam eorum infidelibus exponere. Merito ergo sententia Augustini ab alijs Patribus, & Doctoribus communiter reprobatur.

S. Augustinus.

Quisquis ergo non eam, quam pro nostro modulo vel indagare, vel putare possumus, sed aliam requirit in illorum diem enumeratione sententiam, qua non in prophetia figuratè, sed in hac creaturarum conditione proprie, meliusque possit intelligi, quærat, & diuinitus adiutus inveniat. Fieri enim potest, ut etiam ego aliam his divina scriptura verbis congruentiorem fortassis inveniam. Neque enim ita hanc confirmo, ut aliam, qua præponenda sit, inveniri non posse contendam. Lib. 4. de Gen. ad litt. cap. 28. Cum his autem, qui eandem illam, qua vera sunt, falsa esse non dicunt, honorantes, & inculcime sequenda auctoritatis nobiscum constantes illam per sanctum Moysen editam Sanctam Scripturam tuam, & tamen nobis aliquid contradicunt, ita loquor. Tu es Deus noster arbor inter confessiones meas, & contradictiones eorum. Lib. 12. Contell. cap. 16.

S. Thomas.

Harum igitur expositionum prima, scilicet Augustini, est subtilior, magis ab irrisione infidelium scripturas defendens. Secunda verò, scilicet aliorum Sanctorum, est planior, & magis verbis literæ quantum ad superficiem consona, quia tamen neutra earum à veritate fidei discordat, & utrumque sensum circumstantia literæ patitur, ideo ne neutri harum expositionum præiudicetur, utramque opinionem sustententes, utriusque rationibus respondendum est. In Quæst. disput. q. 4. de mat. informis creat. art. 2.

XVII.

Censores.

Temerè affirmabimus auxilium sufficiens aliquibus denegari, atque ab Augustino, alijsque idem sententibus petere possumus, iudicium huius voluntatis Dei certiores facti fuerint.

Item, 2.
Item, 11.
21:

aliud vix in bonorem, aliud in contumeliā. Disputare vix mecum? Imò mirare mecum, & exclamare mecum: O altitudo diuturnarum. Serm. 11. de Verb. Apost.

S. Augustinus.

Quid responsurus sum? Audistis es Augustinum, qui non audisti Apostolum dicentem: O homo tu, qui es, qui respondes Deo? Duo parvuli nati sunt, si debuit quaras, ambo teneant massam perditionis &c. Sed habet figuræ lati potestatem ex eadem massa facere

S. Prosper.

Eo ipso tempore, quo ad omnes gentes prædicatio Evangelij mittebatur, quedam loca Apostolis adire prohibebatur ab eo, qui vult omnes homines saluos fieri, & ad agnitionem veritatis venire. Multis utique in illa rarioris, atque aversis Evangelij mora sine agnitione veritatis, & sine regenerationis consecrationis morituris. Dicit ergo scriptum

scriptura, quod gestum est: Transcuntes autem, inquit, Phrygiam, & Galatiæ regionem vetiti sunt à Sancto Spiritu loqui verbum in Asia. Cum venissent autem in Mysiam, tentabant ire in Bithyniam, & non permisit illos Spiritus Iesu &c. In epist. ad Rufinum. Idem docet in cap. 11. contra Ingratos.

*Dic unde probes, quoa gratia Christi
Nullum omnino hominem de cunctis, qui generantur,
Præcreat, cui non regnum, vitamque beatam
Impetire velit? nec enim vel tempore nostro
Omnibus in terris iam certum est insinatum
Christi Evangelium, ne dicam exordia doni
Non potuisse simul toto decurrere mundo.*

Lege epist. Syno-
dicam PP. Afri-
canorum c. 9.

XVIII.

Censores.

Fateor sane suspecta mihi esse testimonia Prosperi, & Fulgentij, quod diligentiissimi, & exactissimi Augustini discipuli sint.

S. Augustinus.

Nunc in familiarissimis meis similiter non sentienti-
bus me iam vulneratis, torquentisque sententiam. Lib.
de duabus animabus cap. 14.

S. Prudentius.

Huius rei testis est S. Antistes Fulgentius, qui super hoc &c. certe si nulla nobis alia, aut auctoritatis, aut ratio suppeditaret, solus ille nobis in huius sermonis intelligentia sufficere poterat, cuius doctrina, atque scientia tanto in Catholica Ecclesia honore, & amore conualuit, ut de illius scriptis nullus unquam dubitauerit, nullus derogaverit &c. Testis est etiam S. Prosper vir in omni literarum eruditione doctissimus, ac sacundissimus, qui Gallorum, aliorumque sequacium impudentijs, & libris fideliter editis, & Romani Pontificis edicto sua instantia impetrato propugnator fortissimus, ac fidelissimus obtulit. Proinde impudentior ceteris tui similibus comprobatus, qui cum eorum venenabilia scripta legeris, quippiam secus ausus es musitare. Lib. de prædest. cap. 11.

XIX.

Censores.

Verum opinio Augustini hoc modo intellecta Theologis scholasticis tam non probatur, & merito, ex ea enim cogitur incidere in sententiam Pelagij.

Idem alibi.

Contra Augustinum parum modestè loquitur Cathari-
nus, & in illius sententiam suo modo intellectam proce-
dit ferar licet. In hoc turpissimè cerè & abominabili
lapsus est, quod non intelligens mentem Augustini, ipsius
impudenter impugnatur, & reprobat.

S. Augustinus.

Quomodo sperem te auditurum esse, quod dico, qui tam in proximo non audis ipse, quod dicis, dum tibi continuo contradicis? Lib. 2. con. Cresconium cap. 12. tom. 7.

XX.

Censores.

Mihi in hac parte non probatur doctrina B. Augustini &c. sed existimo aliter posuissopandum de donis, quam in Adamo perdidimus.

S. Augustinus.

Si autem hoc adiutorium vel Angelo, vel homini
quam primò a facti sunt, defuisset, quoniam non talis
natura facta erat, ut sine diuino adiutorio posset manere,
si velles, non vique sua culpa cecidissent, adiutorium
quippe defuisset, sine quo manere non possent. Nunc autem quibus deest tale adiutorium, iam parua peccati est. Lib.
de cor. & grat. cap. 11.

S. Innocentius Papa.

Librum enim arbitrium ille, nempe Homo primus, perpeffus dum suis inconsul-
tius utitur bonis, cadens in prauaricationis profunda demersus est, & nihil quam amo-
dum exinde exurgere posset, inuenit, suaque in æternum libertate deceptus huius ruine
idenuisset oppressus, nisi eum post Christi pro sua gratia releuasset aduersus &c. In epist.
ad Patres Concilij Carthaginensis.

Censores.

Augustinus argumentis vitiis novam predestinationis formam inue-
nit post lapsum hominis non fluxam quoad
euentum, & inconsistentem, quippe ex libero arbitrio, sed
ex gratia certam potius, & ratam.

Islo nostro labore defendi, nisi quid Pelagiani dicant, Gratiam Dei secundum merita nostra dari. Lib. de dono
perseu. cap. 10.

S. Augustinus.

Didicimus enim singulas quasque barefes intulisse Ec-
clesia proprias questiones, contra quas diligentius descen-
deretur scriptura diuina, quam si nulla talis necessitas co-
geret. Quid autem coegit loca Scripturarum, quibus
predestinatio commendata est, copiosius, & enucleatius

XXII.

Censores.

Augustinus primus, quod sciam, inter antiquos in vete-
ri spatio novam sententiam inuenit, noua impressis vestigia.

S. Augustinus.

Ac per hoc predestinationis huius fidem, qua contra
nouos hereticos noua sollicitudine unue defenditur, nun-
quam Ecclesia lapsa non habuit. lb. dem in fine cap. 23.

S. Fulgentius.

Nos itaq; charissime hac interim pauca de libris S. Augustini, & de responsionibus
Prosperi ad hoc malumus huic libello inferre, ut cuncti nouerint, quid debeant de prede-
stinatione Sanctorum, impiorumq; sentire, simulq; ut appareat eiusdem B. Augustini di-
ctis tenorem sententia nostra conuenire. Lib. 1. ad Monimum cap. 30.

XXIII.

Censores.

Nampe asserendum est, quamuis B. Augustini, B. Ful-
gentii, & sequacium sententia de obduratione Pharaonis
videatur dura, nimisq; conformis diuina benignitati.
& ideo nobis non placeat, amen non esse asserere cen-
suram percellendam.

S. Augustinus.

Dicit enim Scriptura ad Pharaonem: Qui ad hoc te
excitui, ut ostendam in te potentiam meam &c. Ergo
cuius vult miseretur, & quem vult obdurat. Mose facit
opus quem non est iniquitas. Miseretur itaq; gratuito dono,
obdurat autem iustissimum merito. Epist. 103. ad Sixtum.

Ecclesia Lugdunensis.

Beatus quoq; Antistes, & gloriosus Confessor Fulgentius de hac iudici in utramque
partem prescientia, & predestinatione egregium librum scripsit, qui sicut & cetera eius
admiranda, & reuerenda scripta semper ab Ecclesia fideliter receptus, & inter scriptores
Ecclesiasticos laudabiliter annumeratus est, & nunc nescimus, qua ratione, imò infideli-
tate, & contentione simul cum B. Augustino abijcitur, & ab ijs, qui Catholici videri
volunt tales, ac tanti viri Dei iniquissimè iniuriati, & spreti velut quisquilia, & pur-
gamenta vilissima conculcantur, & est nimis mirabile, imò horribile, quomodo ut suis
adinnuentionibus, & ineptijs credatur exigant, cum ipsi beatissimos Patres, & illu-
strissimos Doctores Ecclesie abiecerint. Lib. de trib. epist. cap. 8.

XXIV.

Censores.

Non omnes Augustini sententiam de predestinatione
probans, horrida multis videtur, & aspera.

S. Augustinus.

Nimia igitur contentio est predestinationi contradi-
cere, vel de predestinatione dubitare. Lib. de dono
perseu. in fine cap. 11.

S. Amolo Archiepiscopus Lugdunensis.

Sed iam audiamus B. Augustinum quomodo & ipse post Apostolum precipuum prede-
stinationis, & gratie predicator hortetur fideles ad studia pietatis, & instantiam oratio-
nis, ut mereantur accipere premium vocacionis. In fragmento epist. ad Hincma-
rum.

XXV.

Censores.

De auctoritate cum agitur, Augustinum sic amemus,
ut eos non audiamus, qui illum supra quàm par est, extol-
lere student.

S. Augustinus.

Tantum mihi tributum est, ut viderem, me presente
loqui opus esset ad populum, rarissime tacere, atq; alius
audire permitterer. In prologo lib. Retractionum.

Hilarius Arelatenfis.

Quicquid pro ea gratia, quam in te pusilli cum magnis defendimus, volueris, aut
valueris, gratissime accipimus tanquam à nobis charissima, & reuerentissima au-
dioritate decretum. In epist. ad Aug. Molestè ferunt, quod de his, qua aduersum ex-
cellen-

cellentissima auctoritatis virum inter multas collationes asseruere, resistimus. Piosper in epistola ad Rufinum.

XXVI.

Censores.

Quid enim vehementius urgebant, qui Fausti libri infesti erant, quàm quod Petrus Diaconus, ceterisq; cum eo in epistola sua criminatur, contra prædestinationis illos sententiam scriptos esse? Quid hoc autem ad Augustinum? Nam contra prædestinationis sententiam scriptos a se Faustus non abnebat, sed contra illam duntaxat, quæ vel fatum asserat, vel liberum arbitrium neget, quorundam virumq; ab Augustini sensu non abhorreere non inficias ierint ipsi.

S. Augustinus.

Ita est prædestinatio manifesta, & certæ Sanctorum, quam posita diligentiis, & operosius, curiam contra Pelagianos disputaremus, defendere necessitas compulsi &c. Lib. de dono peritæ, cap. 10.

Faustus Rhegiensis.

Si ergo unus ad vitam, alter ad perditionem, ut asserunt, deputatus est, sicut quidam Sanctorum dixit, non indicandi nascimur, sed iudicati. Lib. 1. de grat. & lib. arb. cap. 4.

Vasquez.

Intelligit certe Augustinum, 1. p. d. 89. n. 6.

B. Lupus Abbas Ferraricnsis.

Reuerendissimus Papa Gelasius cum septuaginta Episcopis viris eruditissimis statuens, qui Scriptores essent, vel non essent recipiendi, post approbationem Augustini, & amplissimas laudes Hieronymi memoratum Faustum ab autoritate his verbis remouit: Opuscula Fausti Regensis Galli apocrypha. Nos igitur incorruptum Sanctorum Scripturarum sequentes intellectum, & Apostolica Sedis gravitatem suspicientes quid aliud dicamus? nisi taceat Faustus, & similiter sentientes, loquantur cum suis consortibus Hieronymus, & Augustinus, scilicet illius prouerbij recordantes: Conticescant vanæ, dum cælum tonat. In collect. de trib. quaestionibus quaest. 3.

XXVII.

Censores.

Iam pridem disputari in utramque partem in scholis quaestio de prædestinatione, neq; pro aliquo præiudicio valere ad hanc controversiam credita est auctoritas Augustini.

S. Augustinus.

Ipsa est igitur prædestinatio Sanctorum, quæ in Sancto Sanctorum maxime claruit, quam negare quis potest recte intelligentium eloquia vernacis? Lib. de prædest. Sanct. cap. 15.

XXVIII.

Censores.

Sententiam de gratuita electione ad gloriam amplexus Augustinus fragatioribus habuit complures posteros, neq; tamen aut illius auctoritas, aut illorum consensus à contraria sequenda tuncdaq; res ordam infignes aliquos pietate, & doctissima Theologos, quorum tantum valuit exemplum, & hoc tempore communiter. & promiscue adhibeatur in scholis, & ut initia vident, paulatim obdulta alia, reuiri positura videatur.

S. Augustinus.

Itoc scio neminem contra ipsam prædestinationem, quæ secundum scripturas sanctas defenditur, nisi errando disputare potuisse. Lib. de dono peritæ. cap. 19. Nullum est, inquam, illustrius prædestinationis exemplum quam ipse mediator. Quisquis fidelis vult eam bene intelligere, attendat ipsam, atq; in illo inuentis, & se ipsam, libidem cap. 24.

S. Prudentius Episcopus.

Cum aliqui Gallorum, sicut quidam de eis ait, quod eorum semper sint repentina consilia, nequaquam prædestinationem perditorum reprehenderent, sed Sanctorum prædestinationem nouo colludio derogare maluerint, quorum insana præsumptionis memorabilis idem Augustinus Doctor eximius petentibus Prospero, & Hilario, orthodoxè respondens, duos libros, alterum de prædestinatione Sanctorum, alterum de dono perseuerantiæ plenissime, fidelissimèq; consecit, in quibus per pauca de prædestinatis ad interitum, quàm plura de prædestinatis ad gloriam verissime differuit. In epist. ad Hincmarum, & Pardulum.

XXIX.

Censores.

Potremò ne longum faciam, illud suscepisse Tridentinum Concilium videtur, ut cum monachis bareticorum, qui Augustini doctrina ad errores sui potrocinum abutebatur, insana occurrere vellet, nonnullis necessariis ad idus illam faceret Catholicum.

S. Augustinus.

Multa diximus, & fortasse iam dudum potuimus persuadere, quæ volumus, & adhuc tam bonis ingenijs sic loquamur, quasi obstitis, quibus & quod nouum est, non est satis. Lib. de prædest. SS. cap. 20. in fine.

S. Remigius cum sua Ecclesia Lugdunensi.

Mirificè prius laudato S. Augustino ait: *Sanctorum, atque Orthodoxorum Patrum de libero arbitrio plenissimis, & clarissimis definitionibus nec addendum aliquod fuerat, nec subtrahendum, quia & quod fidei Catholica necessarium est plenissimè continent, & si quid inde subtrahatur, veritatis integritas violatur.* Lib. de tenenda Verit. S. Scripturæ cap. 4. tomo. 9. Bibl. PP.

XXX.

Censores.

Non enim pauca, neque contemnenda sunt Augustini dogmata, quæ vel Ecclesiæ universæ vel Theologorum aut omnium, aut multorum, nec infimi subsejly reprobandur.

Censores.

XXXI.

Augustini, & aliorum Patrum, quos cum eo nominavit, approbavitque sancta Synodus, non pauca, neque lenia errata circumferuntur, quæ profecto, neque Catholica sunt, neque haberi Synodus ulla Oecumenica voluit.

S. Augustinus.

Nec trepidus ero ad proferendum sententiam meam, in qua magis emabo suspecti à rectis, quam timebo morderi à peruersis. Gratanter enim suscepti oculum columbinum pulcherrima, & modestissima ebaritas, denique autem caninum vel catus tantissima humilitas, vel restituit solidissima veritas. Magisque oporbo à quolibet reprehendi, quàm siue ab errante, siue ab adulate laudari. Nullus enim reprehensor formidandus est ematori veritatis. Etenim aut inimicus reprehensurus est aut amicus: Si ergo inimicus insultat, ferendus est: Amicus autem, si errat, docendus: si docet, audiendus &c. Lib. 2. de Trinit. in præmio.

S. Prudentius Episcopus.

Si enim S. Augustini doctrinam adversam fidei Orthodoxæ in quoquam conspiceret, nequaquam eam Romana Ecclesiæ Antistes venerabilis Innocentius cum totius Orbis Episcopis suscepisset, neque prædictum memorabilem suarum epistolarum communiter, privatimque officiis afficeret, neque successor eius Zosimus eodem tramite cucurrisset, neque Bonifacius eiusdem Apostolica Sedis Præful epistolas Pelagianorum sibi delatas ei ad respondendum misisset, aut responsionem eius quatuor libris eadem probabiliter, atque honorabiliter suscepisset. Celestinus quoque memoratæ Urbis Episcopus quid contra Gallorum insaniam super eo, eiusque doctrina senserit ex autoritate Apostolica decretorum suorum scita declarant, quæ ita se habent &c. Vbi recitat elogium S. Augustino delatum. In epistola ad Hincmarum, & Pardulum.

XXXII.

Censores.

Quantum Concilia, quæ Pontificum Romanorum edita Augustini de prædestinatione, ac reprobatione sententiam, quatenus æternam salutem respiciunt, pari cum his, quæ de gratia docuit, gradu auctoritatis adscribunt, ut in fides dogmata transferretur.

S. Augustinus.

Ac per hoc prædestinationis huius fidem, quæ contra nonnos hæreticos nova sollicitudine nunc defenditur, nunquam Ecclesiæ Christi non habuit. Lib. de dono peccæ, cap. 23.

S. Prosper.

Agnoscant calumniatores superfluum sese obijcere, quod his libris, nempe postremis S. Augustini ad Prosperum, & Hilarium, ubi fusè agit de prædestinatione, non speciale, neque discretum testimonium sit perhibitum, quorum in cunctis voluminibus norma laudatur. Apostolica enim Sedes, quod à præcognitis sibi non discrepat, cum præcognitis probat, & quod iudicio iungit, laude non separat. Contra Collatorem. cap. 42.

XXXIII.

Censores.

Quibus verbis additis rigidum illud, ac nimis severum Augustini sensum, ut quidem nonnullis visum esse novimus, scilicet Tridentini Patres, decretum Nullum esse opus bonum nisi ex gratia Christi, prædicti cautione moderati sunt.

S. Augustinus.

Non sic est adiutorium Dei, non sic est adiutorium Christi, non sic est adiutorium Spiritus Sancti. Item: Si defuerit, nihil boni agere poteris, agis quidem illo non adiuvante libera voluntate, sed male. Ad hoc idem est voluntas tua quæ vocatur libera, & male agendo fit damnabilis ancilla. Serm. 23. de Verb. Apostol.

Sancti Patres Africani in Sardinia exules.

Ante largitatem quippe gratia est in homine quidem liberum arbitrium, sed non bonum, quia

quia non illuminatum. Proinde nisi gratia datur, bonum ipsum arbitrium non habetur. Sic namque est liberum hominis arbitrium absque dono gratiæ, sicut est oculus sine luce, nam & oculus ad videndum factus est, sed nisi lumen acceperit, non videbit. In epist. Synodica cap. 5. tomo 6. Bibl. PP. par. 1. Nemo habet de suo nisi mendacium, & peccatum. Synodus Arausiacana canone 22. Quæ est sententia exscripta ex tract. 5. S. Patris in Ioannem.

XXXIV.

Confores.

Ridiculi S. Augustini adoratores ubique dicunt illum esse fidelissimum antiquitatis resem, ut loquitur Caluini, primum Ecclesiæ oraculum, Principem Patrum, & omnium Doctorum subtilissimum.

S. Augustinus.

At ego ubiqueque flos, ubiqueque legere ista poteris, te ante istos in tuo corde confutui, quos non amicos tuos, & inimicos tuos aliqua in meam partem gratia propendentes, aliquo abs te merito tuo offensiois auerisi, & ob hoc tibi aduersos in hac nostra disputatione confutui cognito- res & 6. Lib. 2. con. Iulian. cap. 10.

S. Hieronymus, atque alij Patres.

Hieronymus epistola 25. inter Augustinianas ita Augustinum alloquitur. Maie virtute in orbe celebraris, Catholici te conditorem antiquæ rursus fidei venerantur, atque suspiciunt. Audax Episcopus epistola 139. inquit: Thesaurum sapientiæ desideravi, sed minus accepi, quam volui, licet minus non debet dici, sed minus, quod Oraculum legis contuleris Augustinus, sacrorum iustitiæ, instaurator spiritalis gloriæ, dispensator salutis eterne. Sixtus IV. in bullario August. Augustinus inter intemeratæ Ecclesiæ Doctores præcipuus, & subtilissimus Evangelij, ac sacrarum literarum perfruator.

XXXV.

Confores.

At æqui admiratores docent S. Augustinum nunquam adeo vagam, & indeterminatam in Ecclesiæ auctoritatem obtemperasse, ut Catholici sese omnibus eius opinionibus cæcis oculis submittere teneantur, & illa absque temeritate, & errore impugnari non possint.

S. Augustinus.

Vos autem & tam cauti, & tam turbulenti, & tam non verum dubium est, qui nihil dignum auctoritate præferatis. Lib. de utilitate credendi cap. 14.

S. Hieronymus.

Mihi autem decretum est te amare, te suspicere, colere, mirari, tuæque dicta quasi mea defendere. Certè & in dialogo, quem nuper edidi, tuæ beatitudinis, ut dignum fuerat, recordatus sum. Epist. 30. ad S. Augustinum inter Augustinianas. Nolo autem Sanctitas tua sic me arbitretur hæc scribere, quasi de ijs, quæ nunc edidisti, ego dubitem. Hilarius in epistola ad Augustinum.

XXXVI.

Confores.

Sanctum Augustinum venerantur, ut decet, sed non pendunt more, & sine ratione, cum ipso profitemur, quod minus illum amamus, quam veritatem.

S. Augustinus.

In hoc te plaudo laudo, quod veritatem esse nunquam percepisti, certè quam parasti, homini parastis, ideo quidem temerè, quia existimasti scire te, quod nescis, sed ideo libere, quia personam non veritas, elegisti aperire, quod sentis. Lib. 4. de orig. animæ cap. 1.

S. Alipius Tagastensis.

Habemus Ducem Augustinum, qui nos in ipsa veritatis arcana Deo iam monstrando se perducit. Lib. 3. Aug. contr. Academ. in fine. Rupertus Abbas lib. 7. de oper. Spiritus S. c. 19. Iste est Augustinus columna, & firmamentum veritatis. Prosper in epist. ad Rufinum: Augustinum abundantissimè spiritus veritatis implevit.

XXXVII.

Confores.

Consendimus ipsius arma omni ex parte inopugnabilia non esse, sine licet illustria.

S. Augustinus.

Nempe cum arma tua vana quidem, & obusa habueris dentibus. Lib. 5. con. Iul. cap. 9.

S. Paulinus.

Ideoq; cum hoc Pentateucho tuo contra Manichæos me satis armaveris, si qua in alios quoq; hostes Catholica fidei munimina comparasti, quia hostis noster, cui mille nocendi artes, tam varijs expugnandus est telis, quàm oppugnat insidijs, quæso promere mihi de armamentario tuo & conferre non abnuas arma iustitiæ. Epist. 31. apud S. Augustinum. Et potè inter multa Dei dona, quibus illum abundantissimè Spiritus veritatis implevit, habens etiam hanc scientiæ, & Sapientiæ ex Dei charitate virtutem, et non solum istam adhuc in suis detractionibus palpitantem, sed etiam multas prius hereses inuictò verbi gladio debellaret. S. Prosper ad Rufinum. Ioannes XXII. ait: Augustinus & c. Catholica fidei veritatem in lucem produxit, eduxit in publicum, firmis, ac innuictis rationibus solidavit.

XXXVIII.

Censores.

Neque enim in sententiarum suarum, & fundamentorum, quibus eas confirmat, delectu adeo felicem esse (ut demonstrabo si mihi illud iniunctum fuerit) quin mentibus nostris plenissimam ipsius doctrinam non consentiendi, imò oppositam partem tuendi libertatem relinquat, quin & ipsemet de opinionum, quas docet, certitudine addubitet.

S. Augustinus.

Hoc quidem dicitur, sed tu dicis, qui autem legit, & intelligit, si non Pelagianus est, hoc non dicit. Lib. 1. oper. imper. cap. 15. ut relictæ illa lulari: Nobil itaq; ibi de omnibus Augustini argumentis, & propositionibus inexploratum remanet.

Probet, si potest, & fatebor me didicisse ab illo. Lib. 1. de orig. animæ cap. 14.

Sanctus Prosper.

De argumentis S. Augustini contra Pelagianos ita canit in carmine contra Ingratos cap. 3.

Istius ergo inter cunctos, qui de grege Sancto
Insanas pepulere seras, industria maior,
Maius opus, totum præstantius imbuat orbem.
Quaq; per ambages anceps iter egit operas,
Huius ab occursum est præventus, mille viarum
Insidijs aditum non reperientibus ullum.
Cumque foris rabies audiorum exclusa luporum
Frenderet, inque omnes mendacia verteret artes;
Ne mentes villarum ovium corrumpere posset,
Non dubia obliquis turbaret corda querelis,
Istius ore viri fecit Deus, istius ore
Flumina librorum mundum effluxere per omnem,
Que mites, humilesq; bibunt, campisq; animorum
Certant vitalis doctrina immittere riuos.

XXXIX.

Censores.

Si Augustinus hac restit dicit, desere eum possum, ut omnibus Doctores me adiungam: Sin vero absq; ratione hac dicit, eum etiam deserre possum hoc ipso, quod me id posse asserit, quia sine ratione loquitur, & ita quovis modo sumatur Augustinus, ipsius mancipium fieri, & omnes eius sententias adorare nequaquam cogor.

S. Augustinus.

Si enim turpe est sine ratione cuicumque credere, quid expellat, quid satagis, ut aliquid sine ratione credam, quo facilius tua ratione duci possum? An firmum aliquid superadificabit ratio tua fundamento temeritatis? Lib. 6. de vitul. credendi ad Honorat. cap. 14.

S. Bernardus.

Ab his duabus columnis, Augustinum loquor, & Ambrosium, credite mihi, difficile tuellor, cum ijs me errare, aut sapere fateor. In epistola septuagesima septima ad Hugonem.

XXXX.

Censores.

Hoc sufficit ad confessionem hanc ab effratis Augustini

S. Augustinus.

Neminem velim sic amplecti omnia mea, ut me sequatur.

fini adoratoribus extorquendam, licitum esse absq; erroris, & temeritatis nota Augustini sententias non semper sequi.

1. ne, nisi in iis, in quibus me non errare perspexeris. Lib. de dono pet. leu. cap. 21.

S. Idelphonfus.

Audiant B. Augustinum, cui contradicere fas non est. Serm. 2. de Beata Virgine.

XXXXI

Censores.

Pleriq; mortalium pietate, ac doctrinis illustres, Episcopi, Cardinales, ipsiusq; scilicet Augustini, amici, servi, ac sanctores, fratres, ac filij sepe illum reliquerunt.

S. Augustinus.

O si vos non essetis, qui contra testimonium veritatis falsum testimonium vestrum & dicitis, & insuper scribitis! Lib. 2. oper. imperf. con. Iulian. cap. 79.

Nunquid ideo vni veritatis effugere poteris, quia nobis calumniam impensas socios falsitatis? Lib. 1. con. Iul. cap. 7.

S. Vincentius Ferrerius.

Audeo dicere; Omnes Doctores, qui venerunt post Augustinum, sustentantur super eius doctrinam sanctam, puram, immaculatam, auri purissimi, sine errore falsarum opinionum. In Serm. de S. Augustino.

XXXXII.

Censores.

Inaudium in Ecclesia est, quod & ipse Augustinus testatur, licet eius imperitantes adoratores illum supra ceterorum Patrum capita ponant. Solimanites sue rationantur: Vnus hoc Doctor asseruit, ergo credendum est.

S. Augustinus.

Ecce non Ego unus, sed tot, ac tanti Sancti, eruditiq; Doctores tibi pro me, vel mecum, proq; omnium nostram, & tua ipsius, si sapis, salute respondent. Lib. 1. con. Iul. cap. 7.

S. Vincentius Ferrerius.

Quilibet Doctor est contentus ad probandum dictum suum, si potest habere unam auctoritatem Augustini. Ibidem.

XXXXIII.

Censores.

Ita Augustini obsecritas etiam in pertractandis praedestinationis & gratia mysterijs apparuit; siquidem in scholas Theologorum disensiones iniecit, Doctores inter se diuisit, turbis, & contentibus partim in Africa, partim in Gallia iam ipso viuente, quam & viuis sublato exorta occasione praebuit.

S. Augustinus.

De qua difficillima questione, hoc est de voluntate, & gratia, non opus habui etiam in hac epistola diutius disputare, quoniam & aliam iam eis de eadem tanquam citius rediturus. Et scripsi ad vos etiam librum, quem si adiuvante Domino, diligenter legeritis, & vincter intellexeritis, nullas exstimo inter vos de hac re disensiones ulterius remansuras. Epist. 47. ad Valentianum.

S. Thomas Villanouanus.

O Sydes maximum, Augustine Pater, quantum Ecclesiam Dei tua sapientia irradians illustrasti? quantum tua praesentia errorum tenebras effugasti? nunc enim te auctore, te Magistro ita omnia sunt lucida, ut errare non possit, nisi qui ex industria velit hallucinari. Est enim, ut mihi videtur, in Ecclesia Dei Schola Theologica velut quadam area &c. Conc. 1. de S. Augustino.

XXXXIV.

Censores.

Quin eadem Augustini obsecritas per atypo fuit horis Praedestinationis, qui ferocia, horridaq; sua dogmata in huius Patris doctrina fundabant.

S. Augustinus.

Arbitror sane nonnullos tardiores id opinaturos me sensisse, quod non sensi, aut non sensisse, quod sensi: quorum errorem mihi tribui non debere quis nesciat, si velut me sequentes, neq; apprehendentes denuncierint in aliorum quam falsitatem, dum cogor per quadam densa, & opaca viam carpere, quandoquidem nec ipsi Sancti diuinarum librorum auctoritatibus illo modo quisquam recte tribuerit tam multos, & varios errores hanc notorum, cum omnes ex eisdem scripturis falsas, atq; fallaces opiniones suas conentur defendere. Lib. 1. de Trinit. cap. 2.

Facundus Episcopus Hermianensis.

Quid autem in hoc miremur? Neque melius loqui potuit Augustinus, quam Propheta, quam Apostoli, & Euangelista, quorum mentibus similiter male intellectis, & incongrue adhibitis, tam multi suos defendere conentur errores. Libro contra Mocianum. De Facundo Hermianensi lege S. Isidorum de Ecclef. Script. cap. 19.

Cen-

Censores.

Mibi concludere licet, eum noluisse suis inlibris animi sui sensa clarè exponere, aut in ijs expouendis satis clarum non fuisse, ut nullum legentibus de eius vera mente, & insentione dubitandi locum relinqueret.

S. Augustinus.

Quia, quæ pro natura questionum diligendè dicta ex-
simo, adhuc non intelligunt, non mihi calumniantur pro
mea facultatis indigentia, sed Deum potius pro accipien-
da intelligentia deprecantur. Lib. 3. de peccat. merit. &
remis. contra Pelagium cap. 2.

S. Prudentius Episcopus.

O monstrum horrendum, ò linguam præcidendam, quæ vel ignorantiam, vel inui-
diam tantis Doctoribus importare non metuit, et qui obscura reuelare subierant, obscu-
rioribus dictis ea implicasse credantur &c. de quare testes nobis sunt libri Beatissimi Pa-
tris Augustini. Lib. de prædest. contra Io: Erigenam cap. 11.

XXXXVI.

Censores.

Augustinus cum pondere alicuius insuperabilis diffi-
cultatis premebatur, ad illa verba Scripturæ confugebat:
O altitudo diuitiarum sapientiæ, & scientiæ Dei.

S. Augustinus.

Nimia vanitatis, & cecitatis sunt, si etiam his consi-
deratis nondum dignantur exclamare nobiscum: O alti-
tudo diuitiarum sapientiæ, & scientiæ Dei. Epist. 105.
ad Sixtum.

Adrianus Papa VI.

In omnibus his exclamandum est cum Augustino: ò altitudo diuitiarum sapientiæ, &
scientiæ Dei. In 4. sent. quæst. 1. de poenitentia in solutione tertij dubij.

XXXXVII.

Censores.

Docrinam S. Augustini de mysterijs gratiæ, liberta-
tis, prædestinationis, & Eucharistiæ discretè esse dis-
tinctissimam intellectu, & obscuram.

S. Augustinus.

Prorsus intelligor, velis nolis, sed tu contra ista nihil
dicturus vis non intelligi, quod ego verissimum, atq; fir-
missimum dixi. Lib. 4. oper. imper. cap. 140. Relege,
& intelliges. Lib. 3. cap. 191.

Cassiodorus.

Ipse etiam Doctor eximius Augustinus debellator hæreticorum, defensor
fidelium, & famorum palma certaminum; in quibusdam libris nimia difficultate re-
conditur, in quibusdam sic est planissimus, ut etiam parvulis probetur acceptus, cuius
aperta suavia sunt, obscura vero magnis utilitatibus farscita pinguescunt. Cap. 22. de
diuin. lection. In quibus propter obscuritatem rerum, & subtilitatem disputationum mi-
nus Augustinum intelligere possumus, vel a Domino intelligentiam postulemus, vel ab
eis, quos ipse suo dono illuminare dignatus est, humiliter nos doceri patiamur, ac depre-
cemur. Ecclesia Lugdunensis lib. de tenenda sac. Script. verit. cap. 9.

XXXXVIII.

Censores.

Nova argumenta ad probandum doctrinam S. Augu-
stini de mysterijs gratiæ, & prædestinationis esse obscu-
ram, & difficile intellectu.

Si non vis intelligere, aut si te fingis non intelligere,
noli obstrepere volentibus, & valentibus intelligere. Lib.
4. con. Iul. cap. 46.

S. Prosper.

In quibus Augustini dictis nulla est obscuritas, si de fide prædestinationis, & gratiæ,
ex qua est omnium bonorum origo, perseverantiaq; meritum, hoc teneatur, quod habet
veritas. In fine resp. ad excerpta Genuensium ex libris S. Augustini de prædest.
SS. & de dono Perseuer.

XXXXIX.

Censores.

Denig. ut hoc caput de S. Augustini verborum obscu-
ritate irrefragabili ratione concludam, & vera ipsius
mentis detegende difficultatem demonstrem &c.

S. Augustinus.

Non tamen laboras, ut me intelligas, quod facillimè
potes, sed laboras, ut me resellas, quod non potes. Lib.
3. oper. imper. cap. 141.

S. Antoninus.

Quasi Sol refulgens, qui Dominus dicitur planetarum, & pater luminis super omnia
luminaria splendens, delectabilis oculis, ac per omnia respiciens: Sic Augustinus Eccle-
siam

sic illustravit, gemma Doctorem, Pater Theologorum, suavis eloquio, omnes materias penetrando dilucidans. Parte 2. Histor. tit. 8. Et inferius: Merito igitur sicut Sol refulgens, sic iste in templo Dei refulsit splendore doctrinæ clarissimæ. S. Prosper in epist. ad Augustinum: Recensito autem hoc Beatitudinis tuæ libro, sicut qui Sanctam, atq; Apostolicam doctrinæ tuæ auctoritatem antea sequebantur, intelligentiores multò, instructioresq; sunt facti, ita qui persuasionis suæ impediabantur obsecro, aversiores, quàm fuerant, receperunt.

L.

Censores.

Observandum est ipsiusmò S. Augustinum fateri, se circa multas prædicationis quæstiones dubium sept habere, se ills insuperabilibus difficultatibus plenas reperire, quibus nullam unquam responsionem, cui acquiesceret, dare poterit præter ignorantiam suam, & altitudinem iudiciorum Dei confessionem.

via eius, & tu inuestigare venisti? & inscrutabilia scrutari venisti, & inuestigabilia inuestigare venisti? crede, iam peristi. Sectm. 10. de Verb. Apost.

S. Fulgentius.

Re vera enim frustra labor superflua scrutationis impenditur, ubi nulla inuentionis copia suffragatur, & noxia curiositas in reatum protinus labitur, quando modum suum humanæ inſirmitas non metitur. Quin potius in hoc profundissimo diuinæ voluntatis arcana nihil aliud nostræ saluti congruere nouerimus, nisi cum David unusquisque nostrum humiliter dicat: Mirabilis facta est scientia tua ex me, confortata est, nec potero ad eam. Cum Beato quoque Paulo religiosi clamoris iungamus affectum qui ait: O altitudo diuitiarum Sapientiæ, & Scientiæ Dei. Lib. 1. de verit. prædest. lege Prosperum ad dub. 4. & 7. Genuesium.

L I.

Censores.

Cum S. Augustinus sententiam suam in hac materia ter mutauerit, hoc nos ad credendum induxit S. Augustinum, quamvis eminentis esset ingenij, suis meditationibus non acquiescisse, & post tot conatus ad penetrandam prædicationis mysterium consumptos coalium fuisse infirmitatem suam fateri.

S. Augustinus.

Videtur certe quid tunc de fide, atque operibus sentiebam; quamvis de commendanda Dei gratia laborarem, in qua sententia istos fratres nostros, nempe Semipelagianos, esse nunc video; quia non sicut legere libros meos, ita etiam eis curauerunt proficere mecum. Lib. de prædest. SS. c. 4.

S. Prosper.

Quia ergo nec iusta, nec rationabilis intelligitur eorum fuisse persuasio, qui huius viri, nempe Augustini, scientiam tot incrementorum profectibus a discipulis, tot annorum studiis expolitam ad adolescentiæ rudimenta reuocabant, ut magis suffragaretur hæreticis, quod inter initia conuersionis suæ imperitè senserat, quàm prodesset Catholicis, quod Pontificalis diligentie veritas reuelarat, merito illos hoc præiudicio vitantes, & in his, quæ dudum abdicata fuerant, immorantes, pji Doctores grauitas notat, quod qui curauerunt omnes sensus ipsius indagare, noluerint cum eius eruditione proficere. In resp. ad dubium 3. Excerpt. Genuei. in fine.

L II.

Censores.

Nec mirandum est, si Augustini ingenio inter tot sententias, quæ illi probabiliter videbantur, fluctuante, asseratur ipsum ter mutasse sententiam.

S. Augustinus.

Dicit me quoque ipsum inuouasse sensus meos, & inuitio conuersionis meæ hoc sensisse quod nunc. Sed fallis, aut falleris, siue calamitatio his, quæ nunc dico, siue non intelligendo, vel potius non legendo ea, quæ tunc dixi. Lib. 6. con. lul. cap. 11.

S. Prosper.

Maneat planè, maneat ista conditio, ut horum librorum nonitas repudiata videatur, si in eadem causa eiusdem viri (scilicet Augustini) dissentit antiquitas, & ut

G g

inuiti-

inutile, aut incongruum indicetur, quod ab his, quæ contra Pelagianos condidit, dissolvens inuenitur. In fine lib. con. Collatorem.

L III.

Censores.

Sapissimè S. Augustinus passus est, difficultates aut à semetipso, aut ab adversariis in hac materia propositas suas responsiones excedere, mentemque suam magis obiectationibus vexari, quam solutionibus acquiescere.

S. Augustinus.

Ad omnia me tibi respondisse, Iuliane, & omnia refellisse &c. puto quod perspicis, si peritæx non es. Lib. 6. con. Iul. cap. 26. Unde tibi duobus prioribus libris se me respondisse arbitror, & à nullo amplius requiratur.

Initio lib. 5. con. eundem.

S. Prosper.

Nec sola est illic Synodorum exerta potestas,
Ceu quos non possent ratione euincere nostri,
Vi premerent, discubæ artes, virisque reiectum est
Hæretici sensus, nullumque omnino relictum,
Docta fides, quod non dissolueret argumentum.

Et postea.

An alium in finem posset procedere Sanctum
Concilium, cui Dux Aurelius, ingeniumque
Augustinus erat, quem Christi gratia cornu
Vbersiore rigans nostro lumen dedit ævo.

Contra
Ingratos
cap. 2.

L IV.

Censores.

Fatetur Augustinus suam doctrinam de prædestinatione talem esse, ut populis, aut hominibus tardioris ingenij prædicanda non sit.

S. Augustinus.

Hæc, atque huiusmodi cunctis dicuntur siue paucis Christianis, siue multitudini Ecclesiæ, cur metumus Sanctorum prædestinationem, & veram Dei gratiam, id est, quæ non secundum merita nostra datur, sicut eam Sancta Scriptura prædicat, prædicare? Lib. de dono persæu. cap. 22.

S. Prosper.

Augustinus pia tamen, constantique doctrina abundanter probauit prædicandam esse Ecclesiæ prædestinationem, in qua est gratiæ preparatio, & gratiam, in qua est prædestinationis effectus, & præscientiam Dei, quæ ante secula æterna, quibus esset collaturus sua dona, præsciuit. Cuius prædicationis quisquis est impugnator, apertissimus est Pelagianæ elationis adiutor. In fine Resp. ad excepta Genuensium.

L V.

Censores.

Mihi licet addere, quod si diuersas S. Augustini circa hanc materiam propositiones colligere vellem, corpus quoddam ex diuersissimis partibus coaptarem: Ibi enim asserit salutem nostram absoluto decreto definitam esse, alibi verò dicere nihilominus à libero nostro arbitrio pendere &c.

S. Augustinus.

Non sunt ergo verba mea inter se contraria, quamuis te patiantur, vel non intelligendo, vel alios intelligere non sinendo, contrarium. Lib. 5. con. Iul. cap. 5.

S. Prosper.

Legantur tres ad Marcellinum ipsius libri, ad S. Paulinum Nolanum epistola retractetur, ad beatissimum quoque Apostolicæ Sedis tunc presbyterum Xistum, nunc verò Pontificem emissa pagina recurranter: Ad Sanctum Pimianum, ad Valerium Comitem, ad seruos Christi Timasium, & Iacobum distinctim edita volumina reuoluantur: Sex libri priores contra Iulianum, unus ad S. Aurelium Carthaginensem Episcopum de gestis Palestinis, alius ad Paulum, & Eutropium Sacerdotes contra Pelagium, & Celestium questiones, & ad beatam mem. Papam Bonifacium libri quatuor explicantur. Ac sic in his omnibus operibus, multisque alijs, quæ enumerare longum est, idem doctrinæ spiritus, eandem prædicationis forma præcessit. In fine lib. con. Collat. cap. 41.

Cen.

LVI.

Censores.

Hæc concludo, quod si mihi non licet dicere, S. Augustinum in varijs librorum suorum locis sibi contradixisse, saltem fas est mihi credere, ipsius doctrinam esse intricatissimam, cum nulla reperiatur possit intricatio, quàm quæ sui ipsi repugnare videatur.

S. Augustinus.

Hinc est quod sententia mea inter se contrarias fuerat, vel potius capitis, tanquam improbitur, quod ante approbaverim, aut amplectar, quod ante reprobaverim. Audi ergo apertam sententiam meam, et intellige, vel sine suscitatore alios, non dissimulando abigere diabolo dispersos seruituti sincerissimi veritatis. Lib. 3. con. Iul. cap. 9.

S. Prosper.

Tu autem dilectissime, & venerandissime mihi frater, si verè de his questionibus instrui desideras sicut desiderare te convenit, ipsis Beati Augustini disputationibus cognoscendis impende curam, ut in consistenda Dei gratia defecatisissimam, ac saluberrimam Evangelicam, Apostolicamque doctrinam intelligentiam consequaris. In epistola ad Rufinum in fine.

LVII.

Censores.

Nunquam tamen longius zeli ardore Augustinus abiret, quàm ubi Pelagianos impugnaret, dum cum ab eorum loquendi ratione, & erroribus longissime recedere intendit, in periculosos excessus incidit, ut hinc aliqui Theologi doctrinam, & pietatem infigne dixerint, cum veritatis limites transgressum esse, nimio disputationis calore accensum fuisse, aut visum fuisse favere hæreticis. Verba hæc insolentia, & impudentia essent, nisi vera essent.

S. Augustinus.

Ista nefaria, & damnable dogmata in hac tripartita divisione quisquis mente catholica exhorret, illius iniquitatem latebras, insidiasque devitet, atque ita inter verumque sit cautus, ut sic declinet Manichæum, ne se inclinet in Pelagium, rursusque ita se seringat de Pelagianis, ne se coniungat Manichæis, aut si in alteris iam tenetur, nec sic se de quibuslibet alteris seruet, ut in alteros errat. Lib. 4. con. duas epist. Pelag. cap. 3.

S. Fulgentius.

B. Augustinus indutus virtute ex alto abundantius illis omnibus laboravit, non autem ipse, sed gratia Dei cum illo &c. sensum quippe Christi habens tam gratia Dei, quàm humani arbitrij & officia discrevit, & merita, semper divinis humana subiciens, & veraciter docens, divinitus homini & gratuito iustificationis donum, & bona voluntati exordium, & plenum tribui glorificationis effectum. Lib. 2. de verit. prædest. & grat. cap. 18.

LVIII.

Censores.

Ipsemet Augustinus in pluribus operum suorum locis hunc animi sui imperium agnoscat, quo scilicet in disputationibus cum Pelagianis, & Manichæis ita abreptus est, ut in errorem oppositum illi, quem destruere intendebat, declinaret.

S. Augustinus.

Posuit duo errores inter se esse contrarij, sed ambo sunt derelicti, quia ambo sunt contrarij veritati. Nam si propterea diligendi sunt Pelagiani, quia oderunt Manichæos, diligendi sunt etiam Manichæi, quia oderunt Pelagianos. Sed absit, ut catholice mater propter alterorum odium alteros eligat amare, cum monente, atque adiuvante Deo debeat verumque verumque verumque seruire. Lib. 2. ad Bonifacium cap. 2.

S. Prosper, seu Pomerius.

Sanctus Augustinus Episcopus acer ingenio, suavis eloquio, secularis literaturæ peritus, in Ecclesiasticis laboribus operosus, in quotidianis disputationibus clarus, in omni sua actione compositus, in expositione sua fidei nostra Catholicus, in questionibus absolvendis acutus, in revincendis hæreticis CIRCUMSPECTUS, & in explicandis scripturis canonicis CAUTUS, Lib. 3. de vita contemplat. cap. 31.

LIX.

Censores.

Profecto quandoque constat Augustinum in questionibus de gratia, & prædeterminatione cum excessu locutum esse, verbaque ipsius esse mutanda, ne ab illorum duritie, & acrimonia in errorem contrarium incidam, licet mihi esse debet temperamentum aliquod Catholicum addendum inquirere.

S. Augustinus.

Mentientes conclusiones, aut irreperentes paulatim, vel momento, vel addendo in assensionem falsitatis, qui non metuit, qui non odit i. Libro 2. de Ordine cap. 4.

Sixtus III. Papa.

Quæ sunt tandem illa credenda, & dicenda? Nihil ultra liceat nonitati, quia nihil addi cunctis vetustati. Perspicua maiorum fides, & credulitas nulla cæni permixtione turbetur. In epist. ad Ioannem Antiochenum. Hic est Sixtus; ad quem S. Augustinus scripsit egregiam epistolam 105. contra Pelagianos.

L X.

Censores.

Modò ne in Pelagianorum, quos S. Augustinus infestatur, errores incidam, mihi licet verborum, quibus ad eos expugnandos vixi, impetum non sequi.

S. Augustinus.

*Ita & Manichæi, & Pelagianos superamus, atque vitamus, quorum sic errores retroramus, diversi sunt, ut qui videtur minor, ipse illius, qui videtur maior, demas-
saretur adiutor, Lib. 3. con. Iul. oper. imp. cap. 178.*

S. Prosper.

*An verò ita se novorum Censorum norma ex ædior temperavit, ut nulla eorum, quæ ex-
cisa sunt offerat, & quædam ex his, quæ defensa sunt, respuat? Contra Collatorem
S. Augustini reprehensorem cap. 1.*

L X I.

Censores.

*Hinc fit, ut medium inter Pelagium, & Calu-
mnum, si enim verba Augustini intelligendo me nimium de-
mitterem, Pelagianus esset. Si verò eorum altitudinem
tenere vellem, Calumniassem; medium ergo cum Ec-
clesiastico.*

S. Augustinus.

*Nulla est itaque fontis, quam metuens quasi reuertor in
viam, quò videris me velle revocare. Uic tamen qua-
rum illa via sit, & explica ratiocinationem tuam. Lib.
3. con. Iul. cap. 8.*

S. Prosper.

*Sed nec cum hæreticis tibi, nec cum Catholicis plena concordia est. Postea: Tu informe
nescio quid tertium, & viriq; parii inconueniens reperisti, quo nec inimicorum consensum
acquireret, nec in nostrorum intelligentia permaneret. Ibidem cap. 5.*

L X II.

Censores.

*Ratio, ob quam scilicet non tenebatur sequi B. Augu-
stinum in quæstione de prædestinatione. Sanctorum ad
gloriam, de modo operandi diuinae gratiæ &c. hæc est,
quia Pelagiani de illis quæstionibus nunquam disputant,
nec S. Augustini doctrina est irrefragabilis, nisi cum eo-
rum errores impugnatur. & licet contra eiusmodi relatas
opinionis præcassus sit, Ecclesia eos nunquam hæc de cau-
sa in numerum hæreticorum adscripsit, vel adscribere po-
tuit.*

S. Augustinus.

*Hæc est prædestinatio manifesta, & certa sanctorum,
quam postea diligentiùs, & operosius, cum iam contra
Pelagianos disputarem, defendere necessitas compulsa.
Didicimus enim singulas quæsq; hæreses intulisse Ecclesiæ
propriis quæstiones, contra quas diligentiùs descenditur
scriptura diuina, quam si nulla talis necessitas cogeret.
Lib. de dono perleu. cap. 20.*

S. Prosper.

*Agnoscant calumniatores superfluum se obijcere, quòd his libris Augustini non speciale,
neq; discretum testimonium sit perhibitum, quorum in cunctis voluminibus norma lauda-
tur. Apostolica enim Sedes, quod à præcognitis sibi non discrepat, cum præcognitis probat,
& quod iudicio iungit, laude non separat. Ibidem cap. 23.*

L X III.

Censores.

*Verùm si Augustinus adderet, peccatum originale es-
se solum causam reprobationis, & esse id, quo ad sepa-
rationes prædestinatos à reprobis mouetur Deus (Quem
elicet tentant S. Augustini scribit) non solum pro hu-
ius opiniois defensione, moriem opporere volo, sed credo
mihi licere eam abhorre, quia mater est illius, quam
Calumnus tanta impudètia, ac rabie urget contra Eccle-
siam.*

S. Augustinus.

*Quid enim diligebat in te, ob antiquum naturæ fecisset
aliquid boni, nisi gratitudo misericordiæ suæ donum? Et
quid oderat in te, ut, antequam fecisses aliquid malum, nisi
originale peccatum? Epist. 105. ad Sixtum, quæ ad
diffusius vult.*

S. Thomas.

*Electio Dei, quæ nunum eligit, & alium reprobat, rationalis est, nec tamen oportet,
quodammodo electionis sit meritum, sed in ipsa electione ratio est diuina bonitas, ratio au-
tem reprobationis est in hominibus peccatum originale, ut Augustinus dicit. Quæst. 6. de
verit. art. 2. ad 9.*

Censores.

Vernum haec causa sunt, ob quas Sancti illius, & eruditissimi Doctoris volumina tenebris, & caligine respersa sunt, sicut a celeberrimo Theologo est observatum.

S. Augustinus.

Quia tenebras vestras redarguunt, vobis lucida non videntur, & quæcumque vobis sua radiantie luce molesta sunt, contra illa cor clauditis, ne inde vox fugetur erroris, Lib. 3. con. lul. oper. impet. cap. 61.

Remigius Antifiodorensis.

Beatus Augustinus rerum obscurarum subtilissimus indagator, inter ardua sine offensione decurrens. Et antea: Alij Doctores comparantur stellis, Augustinus Soli, nam sicut stella lumen à Sole recipiunt, sic omnes Doctores lumen recipiunt ab Augustino. In epist. 2. ad Corinthios.

LXV.

Censores.

Quando S. Augustinus videtur defendere prædestinationem ad gloriam ante præmissa merita hominum, non loquitur vi oraculum, nec ipsius sententia ab Ecclesia approbatur, nec omnes Theologorum sequuntur, imò qui eum magis inspicimus, eum deferimus.

S. Augustinus.

Ille itaq; dicitur Ecclesiam aliquando in fide sua non habuisse veritatem prædestinationis huius, & gratia, quæ nunc contra a novis hæreticis eura diligentiori defenditur. Lib. de dono persever. cap. 13.

Synodus Byzacena.

Cuius prædestinationis veritatem, qua nos ante mundi constitutionem prædestinatos in Christo testatur Apostolus, si quis detrectat cordis credulitate recipere, vel oris confessione proferre, si ante ultimum diem vite presentis impietatis sue consummationem, qua Deo vivo, & vero rebellis obstitit, non abiecerit, manifestum est, eum non pertinere ad eorum numerum, quos Deus in Christo ante mundi constitutionem gratis elegit, & prædestinavit ad regnum. In epilogo lib. de Incarnat. & gratia, inter opera S. Fulgentij.

LXVI.

Censores.

Mortalium doctissimi aliqui aqua suffundunt ignem perhorum S. Augustini.

S. Augustinus.

PLÈ mihi, Domine, mitigationes in cor, ut patienter tales feram. Lib. 12. Confrat. cap. 3.

S. Hieronymus.

Hæc de Augustino ad eundem scribit: Qui contra flantes ventos ardore fidei perstitit. Epist. 25. apud Aug. & Paulus Orosius, quem Romana Synodus sub Gelatio virum eruditissimum vocat, ita S. Augustinum alloquitur: Necessè me fuit festinatè edere, & concernare in vultum omnes perditionum arbores cum radicibus, & ramis suis, & offerre ignem spiritui tuo. In præfat. commonitorij tomo 6. ante librum contra Priscillianistas.

LXVII.

Censores.

Fateor sane quædam ab Augustino, qua ad afferendam libertatem, & vim cooperationis nostræ ex gratia pertinent, petisse explicari in hac materia clarius, qua in quibusdam locis, ubi oportuit deterrerent, omitti. Vbi in septimo quæstionibus de gratis assignant modum, quo loqui debebat Augustinus ad animorum necessariam consolationem.

S. Augustinus.

In lectionibus A postolici superioribus, quæ charitati vestre, quantum Dominus adire dignatus est, expulimus, multum laborem, & sollicitudinem passi sumus. Comparabimur vobis, & solliciti erimus & pro vobis, & pro nobis. Quamquam autem auxilio, adire & nos, & vos Dominus, & ea, quæ prorsus difficilissima videbantur, sic per nos evadere dignatus est, ut nulla quæstio sentiantur, qua conturbet mentem piam; impii enim mens edit etiam ipsum intellectum &c. Item, 13. de Verb. Apost. con. Pelagianos.

Ecclesia Lugdunensis.

Ille verò cum hæc legisset tam utiliter, & salubriter ad illuminationem nostræ fidei dicta, non est contentus modum, & pietate Sancti Doctoris Augustini, ne terminos ab eo præfixos excederet, sed addidit de suo. Lib. con. Ioannem Erigenam cap. 8. Floruit anno 852.

Censo-

Censores.

Ad tribunal S. Augustini disputatum hactenus est. & liberata fides, quam obligaveram, hoc est, probandi quicquid ille probaret, improbandi quicquid ille improbareret... Una superest adhuc tractanda questio, nimirum quantis fuerit huiusce conditionis aequitas, & quanta necessitas subeundi legem istam, quam quis illi putant ab Ecclesia impositam, aut re iura precipit quosdam, eundem Ecclesia Principes, Pastoresq. celeberrimos, & Doctores scientissimos sensum Ecclesiasticorum, nimirum, inspectos.

S. Augustinus.

Illorum enim dicta non defendis, ut promiseras sed reprehendis. Tu quoque dogmate cum cogaris illa culpate, & falsa esse ostendere, nullo modo sinceris antioribus eorum defensionem, quam spondideras, exhibere, quia & in accusatione adulator esse conaris, & in adulatione deprehenderis accusator. Lib. 4. con. Iul. oper. imper. cap. 112.

Eugippius Abbas.

Inter magnos Ecclesia Catholica Doctores præclarum fuisse, & esse Beatum Augustinum quis igravit Episcopum? quem divina eruditione mirabilem tum omnes Orthodoxi in tototerrarum Orbe venerantur, præcipue tamen Apostolica Sedis Antistites scripta eius sua auctoritate firmantes, tanto maiori studio simpliciter amplexi sunt, quanto ampliori solatio eis seruis esse testantur. Nam contra multos hostes Ecclesia dimicantes, & maxime contra versipelles inimicos gratia Dei doctrina eius instructi, vel potius eadem illustrati gratia semper exitio victores &c. In præfatione collect. ex libris S. Augustini. Hic Eugippius S. Fulgentii amicus fuit, ad quem etiam literas dedit. Lege S. Isidorum de Script. Ecclesiast. cap. 13.

LXIX.

Censores.

Quamvis enim præferenda sit ea sententia, quæ talem modum prædestinationis omnino negat, tamen ut damnata etiam censetur illa, quæ affirmat, videndum erit, quam sit necessaria conexa cum articulo de Celsu de finis. Si enim non sit, quamvis Augustinus in contrarium propendat, permittenda tamen erit huius questionis doctrina libera disputantium libellorum, quod censuit etiam Cardinalis Baroni.

S. Augustinus.

Nece inter vos testes, vel inter vestros constituo indices, quem potius Patrum tuum. Lib. 1. con. Iulianum cap. 6.

Baronius Cardinalis.

Cum igitur Fausti sententia ubiq. ab Ecclesia fuerit contradictum, videant quanto periculo quidam ex Recentioribus, dum in Novatores exurgunt, ut eos consulent, a S. Augustini de prædestinatione sententia recedunt, cum aliqui arma non desint, quibus adversarij profigentur. Ad annum 490. p. 442.

LXX.

Censores.

Quis, nempe Cardinali Perronius, probabilem tantum esse dici Augustini sententiam, dum loquitur ut primus Doctor, & demonstrativam, dum coniecit cæteris Patribus, satis indicat, nimirum necessarium esse adhibere Augustino, nisi ubi cæteris Patribus ille concinit.

S. Augustinus.

Ut audire quid etiam ipse de hac re perpensisimè dixerit. Ecce etiam ipsum nuncius illi adpono Sanchioz librum.

Perronius Cardinalis.

Augustinus maximus post Apostolos prædestinationis Doctor, imò or, & lingua veteris Ecclesie quantum ad istam de gratia doctrinam. Lib. 1. resp. ad Reg. Britan. cap. 12.

LXXI.

Censores.

Augustinus Valerius Cardinalis in sua Retorica Ecclesiastica hoc Clericos monet: Beati Augustini scripta, Clerici caute admodum legant &c. Et hoc quæ aliud est, quam id ipsum, quod momentane audimus Bonaventuram Augustinum plus dicere aliquando, & minus velle intelligi.

S. Augustinus.

Si legisset, vel si lecta fideliter considerare voluisset, nunquam profectò de liberis, eas ad ostendendas nebulas ignorantibus ea, quæ nihil ad questionem, qua inter nos vertitur, pertrahunt, in his tui libris nescio quæ mentes posuisses. Lib. 1. con. Iul. cap. 3.

Valerius Cardinalis.

Beati Augustini scripta Clerici caute admodum legant; Ita enim acumine ingenij præstis,

stis, & de rebus difficilibus tam subtiliter disputavit, ut non mediocri ingenio præditi viri eius libros legentes, in errores aliquando lapsi sint. Sed eius libros pulcherrimos de doctrina Christiana, & egregios sermones, quos habuit, dum Episcopus ad populum concionaretur, sapè, & diligenter legant. Lib. 3. Rheth. Eccles. c. 42.

LXXII.

Censores.

Referentes Catharinum plura contra Augustinum dixisse, addunt: Tanta cæterorum Doctorem conspiratio satis ostendit, Catharinum in eare, non vi Catharinum, qui suo sapè ingenio unum indulsit, sed vi Catholica Ecclesia Archiepiscopum, & Doctorem id sensisse &c.

S. Augustinus.
O frontem qualimacumq; Episcoporum | Lib. 4. con. Iul. cap. 11.

S. Basilii.

Contemnuntur Patrum dogmata, Apostolica traditiones adnihilantur, novorum hominum inuenta introducuntur. Episcopus autem ille est, qui custos est doctrine Patrum, & omnis novitatis hostis. Apud Stocolouium lib. 3. de veræ, & falsæ Ecclesiæ discrimine cap. 14.

LXXIII.

Censores.

Vellem & hoc, & aliaquadam, nempe contra Augustinum testimonio, qua subingam mitis concepta, sed refero tantum, non proba, si quidquam iusta offensio- nis causam det. Item: Omitto honoris causa, quod de Augustino subiungit.

S. Augustinus.
Vide, quateceus, qua dicas. Puto quod te pungat conscientia, sed vincit rectam timorem, cum ingenti per- nerium pudorem, quoquo modo iam descendenda præcipi- tata sententia. Lib. 5. con. Iul. cap. 9.

S. Hieronymus.

Absit autem à me, ut quicquam de libris Beatitudinis tue attingere audeam; sufficit enim mihi probare mea, & aliena non carpere. Epistola 13. ad Augustinum tomo 2. oper. S. Augustini.

LXXIV.

Censores.

Hæc ego inter alia id genus multa, qua habes, nempe Pighius contra Augustinum, duxi proponenda, ut intellegamus non nimis inuerecundos fore, si qui forte mon- ta se faciles exhibeant, in his omnibus admittendis, qua videri cupiam possint propofuisse ab Augustino.

S. Augustinus.
O mira defensio! Tam densum, & arctum est, ubi eis adhaferunt pedes, ut eos euellere conantes, frustra & manus, & pedes, & caput figant, & in eodem luto ha- sitantes, arctibus involuantur. In Lib. con. Donatistas post collationem cap. 19.

S. Anselmus.

Nihil potui inuenire me dixisse, quod maxime Beati Augustini dictis non coherere. In præfat. Menologij. Nec crimen renuis, sed criminoforum turbam requiris. S. Hieronymus apologia 2. con. Rufinum.

LXXV.

Censores.

Quid ad hoc, & Baiam Scholastico-magister, sepelienda Scholastica est, ut unus regnet Augustinus? An Au- gustinus potius legendus ad lucem Scholasticæ, & ad eius amissionem exigendus?

S. Augustinus.
Rependite mihi beneficium; Et si me Magistrum lib- enter vocatis, reddite mihi mercedem, Lib. 1. de Or- dine cap. 10.

Ecclesia Romana.

Augustinus tam multa piè, subtiliter, & copiose scripsit, ut Christianam doctrinam maxime illustravit, quem imprimis secuti sunt, qui postea Theologicam disciplinam viis, & ratione tradiderunt. In Breuiario Rom. Lectione 6.

LXXVI.

Censores.

Licet ex Augustino Augustini doctrinam aliorum Scrip- torum iudicio censendam exponere, licet & proprio, idq; salva honorificentia.

S. Augustinus.
Non valde curo, inquam, superborum, imperitorumq; iudicia, qui similitur in legendis libris atque in saluta- dos homines irruunt. Lib. 1. de Ord. cap. 11.

LXXVII.

Censores.

Neque adeo pernerium est hoc consilium, ut habere non

S. Augustinus.
Auxilium Dei quæris, ut implicatur vani libri tui & non

non possit adiutorem Deum.

Et non quavis, ut corrigantur peruersi sensus sui. Lib. 3. con. Iul. oper. imper. initio.

S. Prosper.

Vnde ergo hæc sententia tam seueri emerfit examinis? Vnde in hanc austeritatem supercilium tam tetricæ frontis se armavit, ut mensuras sensuum, pondera locutionum, numeros syllabarum insidiosus Scrutator euentilet, magnamque se aliquid consicere presumat, si Catholico Predicatori, scilicet Augustino, notam erroris affigat, quasi incognitum aliquod opus, & quod hæcenus latuerit, impetatur, an non illa ijs morsibus doctrina lanietur, quæ nouorum hæreticorum commenta defecit, & diabolicum tumorem Pelagianæ elationis elisit. In præfat. aduersus Collatorem.

LXXVIII.

Censores.

Vides tertio quantopere alienum putes Augustinus a pia Doctoris humilitate, & veraci de se ipso cogitatione, quod velit, aut putes, libros suos erroris expertes esse. Fuit igitur etiam ipsius Augustini. & pia hæc humilitas, & verax de se ipso cogitatio; ac prouide, quid de ipsius scriptis aliter sentiant, mendacem faciunt, quæ verax supponi debet eius intentio.

S. Augustinus.

Qui legunt hæc, si intelligunt, agant Deo gratias, quod autem non intelligunt, orant, ut eorum ille sit Doctor interior, à cuius facie est scientia, & intellectus. Qui vero errare me existimant, etiam, atque etiam, qui sunt dista, considerent, ne fortassis ipsi errent. In fine libri de dono pericuectianæ.

S. Prosper.

Magna enim gloria sua humano generi consuluerint, si Augustinum ab errore reuocauerint; nisi forte modesti homines, NOVIQUE CENSORES magnorum prius meritorum seni honorabiliter, ac misericorditer parcunt, & securi, quia libros eius nemo usquam recipiat, conquiscent, atque ignoucrunt. In epist. ad Ruffinum.

LXXIX.

Censores.

Quidam multi ferre non possunt, istos homines ad nauseam usque inculcare, Augustinum Patrem esse Patrum, Doctorem Doctorum, primum post Scriptores canonicos mirabilem, inrefragabilem.

S. Augustinus.

Inuidetis, inquam arridens, laudibus meis. In fine lib. 3. con. Academicos.

LXXX.

Censores.

Non dixit Celestius, Augustinum esse Patrem Patrum, Doctorem Doctorum, primum Angelum inter ceteros Episcopos, inter omnes excellentissimum, & verè inrefragabilem, & inestimabiliter mirabilem, sed habitum esse dixit à suis prædecessoribus Innocentio, Zosimo, Bonifacio inter Magistros Optimos.

S. Augustinus.

Quid igitur tibi in hoc genere tentationis, Domine, conficior? Quis est nisi delectari me laudibus, sed amplius ipsa veritate, quàm laudibus. Postea: Percontamini nolle, ut vel augetis mihi gaudium causiliter boni mei suffragatio oris alieni; sed augere cor non solum, sed & inuocatio minuit. Lib. 10. Confess. cap. 37.

Sancti Patres.

S. Praesul Augustinus assumptus est cum Angelis, ubi gaudet cum Prophetis, letatur cum Apostolis, quorum plenus spiritu, quæ prædixerunt mystica, fecit nobis peruia, post quos secunda dispensandi verbi Dei primus refulsit gratia. Ecclesia Augustiniana in antiphona ad Magnificat in eiusdem solemnitate. Excellentissime auctoritatis virum vocat eundem S. Prosper in epist. ad Ruffinum. Admirabilis disputator dicitur ab eodem in resp. ad dubium 8. Genuensium. Magister mirabilis à Cassiodoro in prol. ad psalmos. Cui contradicere fas non est. S. Idelphonus ser. 2. de B. Virgine. Beatus Iordanus de Saxonia hæc scribit: Post Paulum neminem Sanctorum præfero in doctrina fidei Augustino, unde ipso proprio dicitur alter Angelus. Serm. 140.

LXXXI.

Censores.

Novum crimen, inquit aliquis, & quod inuidiam rederet, vocare hominem, in iudicium, quod Augustinum nimis effudit laudauerit. Absoluerit reus, vel ipso Augustino iudice, neque enim illi veni-mus sacclinis impertimur, quæ admodum illi, qui de actibus erga nos laudibus accusatur.

S. Augustinus.

Nunc tibi certè, quod iam male, ac falso de me fueris opinatus, ignosco. Lib. 4. oper. imper. cap. 4.

S. Possidius.

Si cuncta mei corporis membra verterentur in linguas, adhuc non essem dignus; aut sufficiens ad laudandum tantum Patrem, & Doctorem, & tantum fidei reluctantis illuminatorem. In epist. ad Macedonium. S. Thomas Villanovanus ait: O quem te memorem Patrem Augustinum? Omnis laus inferior te est. Conc. 1. de S. Augustino. Quorum profectio Sanctorum virorum, nempe Augustini, & Thomæ, penes Catholicos universos ingentia, & omnem laudem supergressa nomina, commendatione non præconijs plane non egent. Alexander VII. in bulla ad Louanienfes.

LXXXII.

Censores.

Est enim in iure titulus de pluris positione, ut qui plus possulat, minus habeat: & nobis à natura comparatum est, ut cum aliquis plus iusto extollitur, naturali quadam propensione conemur illum deprimeret. & laudes vtrò non roganti concedimus, vel obtrudimus recusanti, quod pro suo iure exigenti negaremus. Quæ postea applicat S. Augustino.

S. Augustinus.

Ora obsecro, ut non laudari volens, sed laudans inuicem Dominum, & ab inimicis meis saluus fiam. Epist. 22. ad Paulinum. Præscriptum quoniam multi sunt hic, qui detrahendo nobis, caterorum animos, à quibus diligere videmur, aduersus nos perturbare conantur. Epist. 227. ad Albium, &c.

S. Hieronymus.

Certe quicquid dici potuit, & sublimi ingenio de scripturarum Sanctorum hauriri fontibus, à te positum, atque disertum est. Sed queso reuerentiam tuam parumper patiaris, me tuum laudare ingenium. Epistola 30. ad Augustinum.

LXXXIII.

Censores.

Ecclesia interest sua omnia iura non tibi committere; periclitatur exercitus, cuius robur vnus hominis virtute nititur. Quid enim si hæretici suis argutis possent euincere, se non esse aperte ab Augustino damnatos? Ecclesia causa deserenda esset, & iustificatus foret omnium aliorum Patrum consensus, quia Augustinus est necessarius? Iniqua certe esset Ecclesie conditio, cum Deus non vnicius Doctorem, sed Doctores promissus, ut non circumferatur omni vento doctrinæ.

S. Augustinus.

Desine talibus, vnus homo sum; Ecclesia inter nos agitur causa, non mea, Ecclesia, inquam, quæ in nulla homine spem ponere à suo didicit Redemptore. Quamquam nec de me ipso vobis, etiamsi meam conuerstationem nossetis, rectè crederetur inimicis mihi. Ad existimationem hominum magna testium, qui me nouerunt, superest copia, ad Dei verò conspectum sola conscientia, quam contra criminationes vestras cum intrepidam geram; non me tamen sub oculis omnipotentis iustificare audeo. Lib. 3. con. Cresconium cap. 80.

S. Prosper.

Viginti amplius annis contra inimicos gratiæ Dei Catholica acies huius VIRI ductum pugnat, & vincit; Vincit dico, quia non patitur respirare, quos vici: In præfat. con. Collatore, & in carmine contra Ingratos cap. 3.

*Istius ergo inter cunctos, qui de grege Sancto
Insanas populere feras, industria maior,
Maius opus, totum præstantius imbuit orbem.
Nam quocumque gradum conuertit callidus hostis,
Quaque per ambages anceps iter egit apertas,
Huius ab occurfu est præuentus mille viarum.
Insidijs aditum non reperientibus ullum.*

LXXXIV.

Censores.

Quæ certe non eo consilio à me commemorantur, ut aliquod Augustini laudibus detractum velim, vti nam maior illis mea opera fieri posset accessio.

S. Augustinus.

Sic audire debeo contumelias tuas, quomodo laudes tuas. Lib. 3. con. lul. oper. imperf. cap. 10.

Pius II.

Magnus Augustinus doctrina, & verecundia iuxta nobilis, cuius tanta gloria est, ut nullius laudibus crescat, vituperationeue minuat, Cum esset Aeneas Syluius epist. 1 30. ad Cardinalem Carauaialium.

Hh

Cen-

Censores.

Sed tantum, ut manifestem, quam male de vero Augustino meritis sit iste suppositus, qui comparationibus odiosis, & laudibus hyperbolicis supra omnem adulationem exaggeratis, plus illi detraxit, quàm addiderit auctoritatibus.

S. Augustinus.

Neque tamen hinc tam familiari amico mira vellem credas, quæ de me fortè laudans dixerit. Sensi enim, etiam ipsum sapere non mentendi studio, sed amandi propensione falli inducentem. Epist. 32. ad Paulinum. Si laudans amico credendum non est, nec inimico detrahendum. Lib. 3. con. Literas Petil. cap. 2.

S. Hieronymus.

Omni quidem tempore Beatitudinem tuam eo, quo decet honore veneratus sum, & habitantem in te dilexi Dominum Salvatorem; sed nunc, si fieri potest, cumulo aliquod addimus, & plena complemur, ut absque tui nominis mentione ne etiam quidem horam praterire patiamur. Postea: Matæ virtute in Orbe celebraris, Catholici te conditorem antiquæ rursus fidei venerantur, atque suspiciunt, & quod signum maioris gloriæ est, omnes heretici detestantur. Epist. 25. apud Augustinum.

LXXXVI.

Censores.

Qui prius Augustinum in omnibus deposcebant indicem, nunc sibi liberum putant, nec quidem arbitrium bonarum in alijs illum admittere.

S. Augustinus.

Non enim vos oblitus credo, indicem mihi munus fuisse delatum. Lib. 2. con. Academicos. cap. 8. hæc Hieron. VIII. S. Augustinum indicem constituit in questionibus de auxilijs.

S. Prosper.

Tantaque insolentia damnati sumentur errores, ut pravitatis invidia, & auctores nostri pulsantur, & Indices. In præfat. contra Collatorem pro S. Augustini doctrina defendenda.

LXXXVII.

Censores.

Nec verum est, quod ipse, tam alij dogmatibus frequenter insens, vniuersam S. Augustini doctrinam contra Pelagianos fuisse approbatam ab Ecclesia, pluribusque summis Pontificibus, adeoque certam, & incontestam esse debere.

S. Augustinus.

Peramptam nosse licet eximus ex eodem, quo etiam iam abundans, etiam capite fluentiorum, hoc à te probari volumus, imique rescipiss de communis participatione vnius gratia consolari. Epistola 95. ad Innocentium Papam contra Pelagianos.

S. Hormisdæ Papa.

De arbitrio tamen libero, & gratia Dei quid Romana, hoc est Catholica sequatur, & seruet Ecclesia, licet in varijs libris Beati Augustini, & maxime ad Prosperum, & Hilarium abunde possit cognosci, tamen & in scrijjs Ecclesiasticis expressa capitula continentur. Epist. 77. ad Possessorum.

LXXXVIII.

Censores.

Ex hac autem approbatione, nempe Innocentij PP. huiusmodi literarum de vno, aut altero tantum errore loquentium, inferre velle totam D. Augustini doctrinam de gratia fuisse specialiter ab Innocentio approbatam, est multis simplicibus illudere, & eruditorum patientia intolerabiliter abusi.

S. Augustinus.

Scripsimus etiam ad B. mem. Papam Innocentium, præter Conciliorum relationes, literas familiares, ubi de ipsa causa aliquantulum diutius egimus. Ad omnia ille nos rescipiss eodem modo, quo fas erat, atque oportebat Apostolica Sedis Auctoritatem. Epist. 106. ad Paulinum.

S. Innocentius Papa.

Librum sanè, qui eius, nempe Pelagij, esse diceretur, nobis à vestra charitate transmissum euoluimus, in quo multa blasphemia, nihil quod placeret, nihil quod non penitus displiceret à quo vis dammandum, atq; calcandum, cui similia, nisi qui ista scripserat, nemo alter in mentem reciperet, atq; sentiret. Epist. 96. ad Augustinum, quæ incipit: Fraternitatis vestra lineas plenas fidei, totoq; religionis Catholice vigore firmatas &c.

LXXXIX.

Censores.

Quam multi sine ulla discrimine Augustini auctoritatem admittunt, qui nunc aucta limitatione, quam eius appro-

S. Augustinus.

sed multum cum ista falsis opinio. Longè aliter se habent quæstiones ista, quas esse præter fidem arbitrat.

approbatione Celestini appositus, dum audiret aliquid ex Augustino proponi, quærant: *Est-ne hoc de illis profundioribus questionibus, quas non necesse indicant adstruere, quas in concipere optandi libertate reliquit?*

Ecclesia Lugdunensis.

Beatus Papa Celestinus de quibusdam profundioribus questionibus in decretis suis posuit dicens de eis, quæ sicut non audemus contemnere, ita non necesse habemus adstruere. Sic ergo inter nos pia cautela, & moderatio, quatenus Sanctis Patribus debitus seruetur honor, & quolibet quis acquiescat modo ex illis sensibus, qui de hac sententia ab eis positi sunt, non iudicemus esse hæreticum. Lib. de tenenda verit. Script. cap. 12. tomo 9. Bibl. PP.

XC.

Censores.

Sed neq. verum est, quod assunt, Romanos Episcopos approbasse omnia tanquam necessaria. quæ Augustinus in hisce questionibus docuisset. Ex recitata Celestini chrestomathia & quibus verbis, clare significat, esse aliquas profundiorum illarum questionum, de quibus loquitur, conclusionem ab Augustino traditas, quæ debent inter adipsiora computari.

S. Augustinus.

Hæc ergo, quæ istis, ut dixi duabus epistolis illorum, respondeo, ad tam potissimum dirigere sanctitatem, non iam discenda, quam examinanda, & ubi fortassis aliquid displicuerit, emendanda consistit. Postea: *Argo autem gratias sincerissimas in nos benevolentia tua, quod eas me latere noluisse literas inimicorum gratia Dei, in quibus reperisti nomen meum calamitosum, atq. eundem expressum.* Lib. 1. ad Bonifacium Papam cap. 1.

S. Prosper.

Bonifacius Papa, cum esset doctissimus, adversus libros tamen Pelagianorum B. Augustini Episcopi responsa poscebat. Unde & venerabilis memorie Pontifex Celestinus &c. Per hunc ritum intra Gallias istis ipsis, qui Sanctæ mem. Augustini scripta repræhendunt, malevolentia est adempta libertas. Postea celebri illo Celestini de Augustino elogio recitato exclamat: *Contra istam clarissimam laudationis tubam, contra ista sacratissimi testimonij dignitatem audeat quisquam maligna interpretationis murmur emittere?* In fine libri con. Collatorem cap. 43.

XCI.

Censores.

Si oculi tamen post hoc testimonio obscurus adhuc videbitur Augustini sensus, expelles tantisper, brevis loquatur Roma, quid senserit Augustinus, vel sentire debuerit.

S. Augustinus.

Inde etiam rescripta venerunt. Cuius fœdita est, error vitia in aliquando pinxit. Ser. 2. de Verb. Apostoli in fine, cum litteræ S. Innocentij Papæ adversus Pelagianos in Africam Roma pervenissent.

S. Prosper.

Imò novierint non solum Romanam, Africanamq. Ecclesiam, & per omnes mundi partes universos promissionis filios cum doctrina huius viri, nempe Augustini, sicut in tota fide, ita in gratia confessione congruere. In epist. ad Rufinum.

XCII.

Censores.

Augustinus, & qui eius de prædestinatione sententiam sequuntur, in prædestinationem referunt, hunc trahi, illam non trahi, quia hic prædestinatus fuerat, ille non faceret, itaq. non magis querendum est, quare hic trahatur, ille non trahatur, quam dicere, cur hic prædestinatus fuerit, ille non fuerit. Vbi posita arguunt S. Augustinum, quod dixi trahi, & prædestinari idem esse.

S. Augustinus.

Ergo trahi à Patre ad Christum, & audire, ac discere, à Patre, ut veniat ad Christum, aliud aliud est, quam dominum accipere à Patre, quo credit in Christum. Neque enim audientes Evangelium à non audientibus, sed credentes à non credentibus differunt, qui dicebas: *Nemo venit ad me, nisi fuerit ei datum à Patre meo; fides igitur & inchoata, & perfecta Dei donum est.* Lib. de prædest. SS. cap. 8.

S. Prudentius.

Quæ verba sua, quam sine mendaciorum nebulis caligata, eiusdem Sanctissimi Patris Augustini verbis cluceat. Lib. de prædest. contra Erigenam capite 8.

XCIII.

Censores.

Certe probatior, magis expedita responsio aliorum, est, hunc trahi, illum non trahi, quia hic trahentem Deum sequi

S. Augustinus.

Valde remota est à sensibus carnis hæc schola, in qua Pater auditur, & docet, ut penatur ad filium. Lib. 1. Hb 1 de

sequi voluit, ille voluit, quod ipse D. Augustinus sateri
coactus est in lib. de predest. & gratia.

de predest. Sancti. cap. 8. At liber de predestinatione,
& gratia, non est Augustini, & contrarium docet, ac
illi auctori imponunt, ut patet ex cap. 15. hinc quicun-
que respondet.

S. Thomas.

Quare autem in speciali trahat hunc, & illum non trahat, non est ratio aliqua, nisi be-
neplacitum voluntatis divina; unde dicit Augustinus, quem trahit, & quem non tra-
hit, quare illum trahat, & illum non trahat, noli indicare, si non vis errare. In com-
ment. ad cap. 6. Ioannis.

XCIV.

Censores.

Si nihil Christiana eruditioni post Augustinum accesserit,
Scholastica Theologia penitus abicienda foret.

S. Augustinus.
Pro magnitudine sapientia vestrae mirabiles dicuntur.
Lib. 3. con. Iul. cap. 1.

XCIV.

Censores.

Augustini auctoritatem inscripturatis responderi
potest. Ecclesiam in suis filiis usque hodie crescere in erudi-
tione.

S. Augustinus.
Modo autem vos vestri Augustini esse poteritis. Lib. 3.
de ord. cap. 3.

S. Thomas Villanovanus.

Augustinus primus cepit catholicas veritates enucleare, dilucidare, distin-
guere, atque in scholasticam formam redigere, docens quid in quolibet fidei mysterio scien-
dum, quid ad obiecta respondendum esset, unde ex Scripturis colligendus locus ad roba-
randum. Denique si quid de fide distincte sentimus, aperte dicimus, audacter assertimus,
ad totum Augustino debemus. Conc. i. de S. Augustino.

XCVI.

Censores.

Ex ipsiusmet Augustini, & Patrum consilio hoc legi-
timum, ac rationi conforme temperamentum appono, &
errorem Pelagianorum fugiens in Augustini excessum
non incido.

S. Augustinus.
Eccce unde se putant hæretici nomi Manichæorum no-
mine obicillo viam subterfugere veritatis, sed non subter-
fugimus, insequitur quippe illa, & simul Manichæos, Pe-
lagiosq; subvertit. Postea: Quod dicimus legem sen-
tiam, iustam, & bonam non iustificantis impio, sed con-
vincendis superbus prauaricationis gratia positam, &
contra Manichæos est, quia secundum Apostolum lauda-
tur, & contra Pelagianos, quia secundum Apostolum,
nemo ex lege iustificatur, & ideo iustificandis eis, quos
littera occidit, id est, quos lex bona præcipus prauarica-
tione reos facit, spiritus gratia gratis operatur. Item
quod arbitrium sui in malum liberum dicimus, ad agen-
dum bonum gratia Dei esse liberandum, contra Pelagianos
est: quod autem dicimus ap illa exortuq; quod autem
non erat malum, contra Manichæos est &c. Virosq; igi-
tur Catholicos fides sicut & catros hæreticos aduersarios
inuenit, virosq; duorum testimoniorum auctoritate, &
lucis veritatis conuenit. Lib. 3. con. duas epist. Pelag.
in fine cap. 9.

XCVII.

Censores.

Tam pridem è Catholicis plurimi doctrina, & pietate
laudabiles confessi sunt, S. Augustinum Pelagianismi odio
ita in contrariam partem inclinasse, ut persapè Calvinus
potius, quam Tridentini Patribus sanare videatur.

XCVIII.

Censores.

Vel deniq; si aliquot locis plus intendit Augustinus,
applicandus illis erit, quod in eo notatur plures, & gra-
ues Doctores Catholici, excessisse interdum astu disputa-
tionis abreptum, & in odium hæresis, quam impugna-
bat, ad contrarium extremum inclinasse.

XCVIII.

Censores.

Vi sis nimia quadam severitas, & iniqua vexatio,
qua modum illius, in quo veritas sedet, transgredi subet,
si precat Augustinus.

S. Celestinus.

Mirificè prius laudato S. August. addit: Quia nonnulli, qui Catholica nomine glo-
riantur, in damnatis autem hæreticorum sensibus seu prauitate, sine imperitia demoran-
tes, pessimis disputatoribus obviare præsumunt, & cum Pelagium, atque Celestium ana-
thematis non dubitant, magistris tamen nostris, tanquam necessarium modum exces-
serint, obloquuntur, &c. In epistola ad Episcopos Galliarum cap. 3. ut Censores ipsi
tradunt.

Censo-

C.

Censores.

Respondere dupliciter intelligi posse R. Augustinum, aliosq; Patres interdum excessivè locutos esse. Primi sciunt, & contra mentem suam, asserendo aliquid à veritate alienum, quod est mentiri, id est, contra mentem ire. Secundò nesciunt, & loquendo quidem, ut sentiebant, sed assu disputations, & vehementia spiritus ad alteram extremum interdum declinantes intellectus, aequè ac veritas, quod non est morari, sed falli, & dicere falsum sine mendacio. Secundum contigisse Augustino, & alijs non solum affirmant auctores citati, sed & plures alij.

S. Prosper.

Multi, inquit, singula hæc credentes, ac iusto ampliùs asserentes varijs, si-
biq; contrarijs sunt erroribus involuti. Placet igitur tibi cum hereticis Catholicos,
cum victis damnare victores, & eos erroris nota adurere, qui errorem ab Ecclesia de-
pulerunt. Lib. con. Collatorem cap. 10. Hinc dicebat Magnus ille Theologus
Gregorius Ariminensis abhinc 300. & ampliùs annis supremus Augustinianæ
Reipublicæ Moderator: Quæ potestate dicunt Augustinum hic non propriè, & verè,
sed excessivè locutum, dicit alius similiter in alijs regulis per Augustinum positæ fuisse,
locutum excessivè, & non ut sonant illas esse tenendas; sed sic dicendo non est dubium
intuenti diligenter, quod in multis quis laberetur errores 2. sent. dist. 33. quæst. 3.

C I.

Censores.

Ita sæpè in libris Retractionum se purgat Augusti-
nus, quod olim contra Manichæos, qui dicebant omnia
bona à Deo bono, omnia mala à Deo malo quali facio, nō
autem liberè ab homine fieri scribens ita liberum arbi-
trium predicare, ut gratia oblitus esse videatur; Contra
postea ordo Pelagii hujus gratia ita gratiam extollit, ut
liberum arbitrium deprimeret consetetur.

S. Augustinus.

Quantis & in his libris, qui non contra illos omnino,
nempe Pelagianos, quippe illi nondum erant, sed contra
Manichæos scripti sunt de libera arbitrio, non omni
modo de illa Dei gratia reticemus, quoniam nefanda im-
pietate conantur asserere: duximus quippe &c. (Id enim
in tem pluribus testimonijs allatis cœcludit) Ecce quoniam
longè antequam Pelagianæ hæresis exitus esset iste disputa-
tione, nec iam contra illos disputaremus. Lib. 1. Re-
tract. cap. 9.

S. Prosper.

Sed videant quomodo se à dedecore istius exuant falsitatis, qui possunt tam ineptè
confingere, tibi, quorum abutuntur auribus, aliquantulum diligentia ad cognoscenda
ea, quæ præstantissimus minister gratia Augustinus disputeavit, intenderint. Licet
omnem istius inquisitionis moram ipsi, qui hæc loquuntur, prævenire deberent, proferen-
do, atq; explicando libros, ullamve eorum particulam demonstrando, quam per dubium
saltem intellectum tali interpretationi obnoxiam vir Sanctus ediderit. In epist. ad Ru-
finum.

C II.

Censores.

An non hoc ipsum est, quod dolina concedis, quodque
ab eo superbi dictum exaggerari consuevit ab adversarijs,
rationem hanc iuranda libertatis non fuisse datam, & ex-
plantam ab Augustino contra Pelagianos disputantem

S. Augustinus.

Unde tibi duobus prioribus libris sic me respondisse ar-
bitror, ut à nullo ampliùs requiratur. Lib. 5. con. lat.
Pelagianum cap. 1.

S. Gelasius Papa.

O si studerent adversus eos, nempe Pelagianos, Majorum nostrorum libros, respon-
saq; cognoscere, illis omnibus modis cereretur nihil esse prorsus, quod ab istis fuerit veni-
tilatum, & ab illis magnifica veritate contritum, siq; de cunctis eorum nequijs & resu-
tandis fideles quoq; viderentur instructi, ut nihil ampliùs quaeretur. In epistola ad
Honorium Episcopum contra Pelagianos.

Censo-

Censores.

Nalli Petrum promissum fuit infallibilitas, & singuli
fere in quibusdam erraverunt, ut Cyprianus in reprobati-
onis hæreticis. Hieronymus in aliquo parte Danielis
revertenda &c. & ut plura dicamus speciatim de Augu-
stino.

S. Augustinus.

Quod dixi, archi obice, ut pergem, Lib. 4. con. Iul. cap.
1. Nam tua me non terret velus lingua Craxoris. Lib. 3.
cap. 21.

S. Prosper.

Doctrinam, quam sanctæ mem. Augustinus Episcopus contra Pelagianos inimicos
gratia Christi, & liberi arbitrij decomptores per multos annos Apostolicè asseruit, literis-
que mandavit quibusdam visum est aut non intelligendo, aut intelligi eam nolendo repre-
hendere, & hoc quasi compendium cognitionis huius, qui iudicio eorum ducebantur, asserre,
ut quæ in libris prædicti Viri damabilia reperisse iactabant, brevium capitulorum indi-
culis publicarem, & aliq; commento & detestationem eius, quem impetorem, obtinerem,
& ab his, quæ infamassent, curam exterriti Lectoris auerterent. In præfat. resp. ad
capitula Gallorum.

CIV.

Censores.

Sensibile, nempe Augustinus, mundum in instanti
fecerat fuisse, lib. 4. de Gen. ad lit. cap. 21. vique ad
finem libri, & lib. 5. cap. 1. & seq. quod non convenit
cum scriptis à Moyse cap. 1. Genesios, ut ostendunt accu-
ratiore Theologi, speciatimq; Suarez, Molina, Marti-
næ, communiterq; rejicitur à Doctoribus Catholicis.

S. Augustinus.

O' vita pauperum Deus, in cuius sinu non est contradi-
ctio, plus multis mitigationes in cor, ut patienter sales fe-
ram, qui non mihi hoc dicunt, quia divini sunt, & in cor-
de famuli sui videntur, quod dicunt, sed quia superbi sūt,
nec noverunt Augustini sententiam, sed amant suam, non
quia vera est, sed quia sua est. Lib. 12. Confess. cap. 15.

S. Thomas.

Sed prior Augustini opinio, de creatione mundi in instanti, est rationabilior, &
magis ab irrisione infidelium sacram Scripturam defendens, quod valde observandum &
docet Augustinus super Gen. lib. 1. ut sic scripturæ exponantur, quod ab infidelibus non ir-
rideantur, & hac opinio plus mihi placet. 2. sentent. dist. 12. q. 1. art. 2. in fine
corporis.

CV.

Censores.

Sensus etiam Angelos, & Demones esse corporeos in-
psal. 85. & 145. & epist. 119. alij in locis, ubi asserunt,
aut supponit habere corpora quadam subtiliora.

S. Augustinus.

Adhærent ergo, si eis nulla sunt corpora, Spiritus
Damonum, imò Spiritus Damonum, dicti incorporei corpo-
reus ignibus cruciandi, Lib. 21. de civit. Dei cap. 10.

S. Thomas.

Augustinus loquitur non asserendo, sed opinione Platonicorum utens, qui ponebant es-
se quadam animalia aërea, quæ Demones nominabant. 1. p. quest. 51. art. 1. ad 1.

CVI.

Censores.

Item dubitavit, num Sol, & Luna, aliq; Sydera, quæ
oculis conspicimus, sint animata.

S. Augustinus.

De Sole, & Luna talia dicta sunt, tanquam sentiant,
& ideo tolerant vanos adoratores suos, quamvis verba
ibi accipi possint ab animalis ad inanimale transmissa, mo-
do locutionis, qui vocatur Græcè metaphora. Lib. 2. Re-
tract. cap. 7.

S. Thomas.

Similiter etiam apud Doctores fidei fuit circa hoc diversa opinio. Origenes enim posuit
verba celestia animata. Hieronymus etiam idem sentire videtur exponens illud Ec-
clesiastici primo, lustrans omnia &c. Basilus vero, & Damascenus asserunt corpora ce-
lestia non esse animata. Augustinus vero sub dubio dereliquit, neutram in partem decli-
nans ut patet ex 2. de Gen. ad lit. & in Enchiridio. 1. p. q. 70. art. 3.

CVII.

Censores.

Dubitavit etiam de origine animarum, utrum crea-
tur de novo, quod certissimum est, an ex Adam propa-
gata.

S. Augustinus.

Proinde ignorantiam meam de origine animarum te
corripicem, atq; oburgantem non molest ferrem, imò
in super

gentur, ut videre est epist. 29. ad Hieronymum. & epist. 157. & in libro de origine animæ.

insuper & gratias magnas agerem, si eam mihi non solum duris percatere conuictis, sed veris etiam excuteret dist. Lib. 4. de orig. an. cap. 3.

S. Fulgentius.

Cuius questionis de origine animæ Beatus Augustinus profunditatem sibi imperscrutabilem cernens nullam voluit huius rei definitam proferre sententiam, incongruum profusus existimans aliquid affirmare sine dubitatione velle, quod alter posset contraria responsione conuellere. Cuius tam in decimo libro de Genesi ad litteram, quam in libris ad Vincentium Victorem de origine animæ, nec non in libro primo ex duobus, quos ad S. Hieronymum scripsit, in tribus quoque epistolis, quas ad Optatum Episcopum de hac questione composuit, disputatione resurgit non minus copiosa, quam profunda, & comagis laudabili, quia congrua temperie moderata. Vbi quicquid ingenij acimine, quicquid rationis ordine, quicquid auctoritatis pondere inquirendum, discutendumque conspexit, & inquisiuit singulariter, & discussit, consensum tamen ab utraque definitione continuit, ne laborem tantæ disputationis inaniter susciperet, quem cuiuslibet sententiæ temeraria definitio vacuaret. Lib. 3. de verit. de prædest. & grat. cap. 18. Quanto ergo melius ab huius questionis certamine temperamus, in qua nos inaniter laborare cognoscimus præsertim, quia quod à Sanctis viris maioribus nostris videmus minime definitum, oportet nos tanto cautiùs, atque temperantiùs querere, quanto ad eius finem illos præclaros viros cernimus minime peruenisse. cap. 20.

CVIII.

Censores.

Perperam quoque exponi id, quod ait Apostolus Roman. 14. vers. 23. Omne quod non est ex fide, peccatum est, quasi vellet dicere Apostolus, omnia opera infidelitatis esse peccata, & sine vera fide nullum posse fieri bonum opus. Cum tamen ibi sermo sit de eo, quod non sit ex dilectione conscientia indicentis bona fide licitum esse id, quod sit, ut ex textu ipso liquet, & communis interpretatio Doctorum contradicit Augustino, qui etiam aliquot locis, ut alibi notauimus, videtur hanc suam assertionem restringere ad bonum opus videlicet viam æternæ consequendæ &c. Et tamen, tamen à vero sensu Apostoli loco citato plane alienum est.

S. Augustinus.

Testimonium illud, quod ex Apostolo posui: Omne, quod non est ex fide, peccatum est, sicut tibi visum est, accepisti, & exposuisti, non ut scire, sed ut sapire. De his enim Apostolus loquebatur, verum quid dicit, qui autem dixerit, si manducaret, damnatus est, quia non ex fide, hanc peccati speciem, de qua agebat, generali voluit probare sententiâ mox inferens, Omne enim, quod non est ex fide, peccatum est. Et inferens: Omne enim velis nolis, quod non est ex fide, peccatum est. Lib. 4. con. Iul. cap. 3.

Bonifacius II. Papa.

Illos autem, qui præcedente fide, cetera, sicut indicas, volunt gratiæ deputare, sua professione constringimus, ut multo magis dono gratiæ etiam fidem cogantur adscribere, præter quam nihil est boni, quod secundum Deum quilibet valeat operari, sicut B. Apostolus dicit: Omne quod ex fide non est, peccatum est. Quod cum ita sit, aut nullum bonum gratiæ deputabunt, si ei fidem subtrahere moliantur, aut si quod bonum esse dicunt de gratiâ, ipsa necessariò fides erit gratiæ deputanda. In epistola ad S. Cæsarium Arelatensem.

CIX.

Censores.

Nam etiam quicquid, in eius lectione versati sunt, non adeo scilicet in indagando literalis sensu scripturæ interdum fuisse. Ex quo tamen potissime argumentandum est, longè, illi in hac parte præferendum esse Hieronymum, & Chrysostomum.

S. Augustinus.

Cum his etiam, qui cunctæ illa, quæ veræ sunt, falsa esse non dicunt, bonorantes, & in culmine sequenda auctoritatibus nobiscum constituantes illam per se sententiam adque editam sanctam scripturam tuam. & tamen nobis aliquid contradicunt, ita loquor: Tu esto locus nobis ubi inter confessiones meas, & contradictiones eorum. Lib. 12. Contell. cap. 16.

Sancti Patres.

Hieronymus epistola 30. ad Augustinum ait: Certe quicquid dici potuit, & subtili ingenio de scripturarum sanctarum hauriri fontibus, atque poscitur, atque dissectum est.

persuadere conantur, esse aliquos, nempe Augustinum, qui iudicio nunquam labantur.

Etiam exemplum quanto humilior, tanto salubrior exhiberem. Sed ea in me reprehendisti, qua non corrigere humilitas, sed potius fateri, potius defendere veritas cogit. Lib. 4. de orig. anime cap. 1.

B. Iordanus de Saxonia.

Ipse tamen postea Augustinus tam ab erroribus intellectus, quam a corruptione affectus per actum hierarchicum purgatus fuit. Serm. 138. S. Thomas Villanouanus ait: Hæc igitur Augustini tam profunda humilitas apud Deum, & homines sapientia, & intellectus illum sublimiter exaltauit, quoniam Deus superbis resistit, humilibus autem dat gratiam. Vnde potest de illo intelligi Prophetae veracitimum, dedit abyssus vocem suam suam altitudinem phantasia. Abyssus, inquam, humilitatis Augustinus vocem doctrinae sue populis dedit propter phantasiae suae, idest, ingenij altitudinem, quam propter humilitatem contulit illi Deus. Conc. 2. de S. Augustino.

hab. 19.
ver. 70.

CXV.

Censores.

Constat ergo exemplo S. Bernardi sales esse, quas dixerat duas columnas, ut non sit necessarium timendum, si quis ita emellatur ab Augustino, ut tamen emittatur Ambrosio, etiam in his, qua contra Pelagianos Augustinus disputauit &c.

S. Augustinus.

Quid ergo, quod me ab illo in hac causa separandum, putas? Poitea: Ergo ille iustus, an reus sit, & vos videtis. Lib. 4. con. Iul. opet. imperf. cap. 119.

S. Bernardus.

Ab his ergo duabus columnis (Augustinum loquor, & Ambrosium) crede mihi, discesse auctor; Cum his, inquam, me aut errare, aut sapere fateor. Epistola 77. ad Hugonem de S. Victore.

CXVI.

Censores.

Quid igitur mirum, si vir aliqui doctissimus, & sanctissimus Augustinus difficultate rei oppressus, nihil aliud inuenit, in quo essentiam originalis peccati consuetudinis.

S. Augustinus.

Hominem tuo iudicio doctissimum, & peritissimum, non dubitasti reprehendere. Ego autem & me doctissimum, ac peritissimum nescio, imò verò me non esse certissime scio. Lib. 4. de orig. anime, & initio.

B. Iordanus de Saxonia.

Quantum ad dictorum sufficientiam, quia nihil deest in libris Augustini, quod peritior ad scientiam legis diuinae; Vnde dicit Volusianus scribens ad Augustinum [cuiusque in alijs Sacerdotibus toleratur infirmitas, sed cum ad Antistitem Augustinum venitur, legi Dei deest, quicquid Augustinum contigerit ignorare] Sermone 148.

CXVII.

Censores.

Nempe iam nos docuit Gerson, & Abulensis, quod periret hac approbatio, non enim eo, ut intelligamus, Augustinum nullis esse humanis defectibus obnoxium, sed variis, & leuioribus.

S. Augustinus.

Senti de Augustino quicquid libet, sola me in oculis Dei conscientia non accusat. Quod enim ait Apostolus: Mihi minimum est, ut de vobis iudicet, aut ab humano die. Lib. con. Secundum cap. 1.

Arnobius iunior.

Serapion dixit: Testor Deum, quia sollicitudini meae vniuersa ambiguitate eliminata, si de his eius, scilicet Augustini, mihi definita prosperas, & de omnibus, quae transacta sunt, euidentia eius offeras documenta; fateor enim me eius assertiones ita probatas habere, ut se ipsum ore suo haeticum detegat, qui Augustinum putauerit in aliquo reprehendendum eloquio. Arnobius dixit: Meo sensu locutus es, nam ea, quae eius nunc profero, ac si sacratissima Apostolorum scripta sic credo, & teneo, & defendo. Tomo 3. Bibl. PP. par. 3.

CXVIII.

Censores.

Sensit Augustinus mandatum in instanti creatum fuisse, quod non conuenit cum scriptis de Moyse &c.

S. Augustinus.

Nemo iam molestus sit dicendo mihi, non hoc sensit Moyses, quod tu dicis, sed hoc sensu, quod ego dico. Si enim mihi diceret, unde scis hoc sensu Moysen, quod de his verbis eius eloquens, aquo animo ferre deberem.

Cen.

CXIX.

Censores.

Contrariam Augustini sententiam non modò probabiliter iudico, sed certa & indubitata veritatis.

CXX.

Censores.

Explicatio hac censetur ab omnibus improbabilis, nec ego dubito, quin si Augustinus non haberet Patrum, manifestè damnata fuisset. v. b. b. b. b. b.

CXXI.

Censores.

Contrarium docent omnes alij Patres, idq; omnino tunc simplex, & bellarialis narratio Moysi, quare iam erroneum est dicere, omnia vno die esse creata.

Patres, & Doctores.

Calliodorus. De iisdem principijs Sanctus quoq; Augustinus disertus, atq; cautissimus disputator duodecim volumina conscripsit, quæ doctrinarum penè omnium decore replevit, hæc; vocavit de Genesi ad litteram, qui quamvis de eadem re tractauerit, quæ B. Basilii, & S. Ambrosii celeberrima laude fulserunt, tamen quod post disertos viros minimè contingere solet, opus suum longè in aliam summitatem, Domino largiente, produxit. Lib. 1. diuin. institut. cap. 22. S. Thomas: Hæc opinio, nempe Augustini de simultanea rerum creatione, plus mihi placet. 2. sent. d. 12. q. 1. art. 2. B. Albertus Magnus. Sine præiudicio sententiæ melioris videtur Augustino consentiendum &c. Dicendum ergo quod per distinctionem, quam ponit Moyses, intelligitur distinctio rerum secundum naturæ principia, & non distinctio temporum. 1. p. summæ quæst. 12. de quatuor cœvis. Aegidius 1. p. Hexameron cap. 28. Non autem ista dicimus, ut improbemus opinionem Augustini, quæ est valde subtilis, & solemnis. Dionysius Carthusianus: Augustinus excogitauit quamdam expositionem subtilem, per quam defendit scripturam ab irrisione huiusmodi, & tamen saluauit scripturæ, & fidei veritatem. In cap. 1. Genes. art. 5.

CXXII.

Censores.

S. Augustinus.

Augustinus verò clariùs Durando adimplari videtur. cum actum peccati nullo modo Deo agenti tribuit, sed solum humano arbitrio &c. id quod clariùs ostendit lib. de perfect. iustitia ratiocinat. 4. ubi sic querit, Quid est peccatum actuale an res? Si res est occ.

Redde verba mea & auerſet calumniam tuam. Libro quarto con. Iulianum cap. 8.

S. Prosper.

Stupeo sanctitatem vestram obiectionem calumniantium à persona defensoris gratia non potuisse discernere, & verba obtruncantium ei ipsi, qui obtruncatoribus suis respondet, aptasse. Ad 10. dubium Genuensium contra S. Augustinum.

CXXIII.

Censores.

S. Augustinus.

Petimus ergo à Ballanis quanti faciendū sit Augustini doctrina dicentis fallibilem esse scriptoris non Canonici auctoritatem, & hanc esse illius differentiam à Canonici, quod sine peccato, vel inuicia cuiusquam suspecta esse quando 3. possit. Si negari esse probandum, fidem saluam, & postea de terminis primi transgredimur, Augustinum de deserendo. Si probandum fatentur, cum negare non possint, quin Augustinus sit intra numerum Auditorum, non Canoniorum, reſat ut fateantur sine peccato, vel inuicia cuiusquam dubium aliquando videri posse illius auctoritatem, atq; sententiam. Eſet autem ridiculus, qui ea, quæ ille dicit de fallibilitate scriptoris non Canonici in-

Sed cum in omnibus litteris meis non solum plura Le-
florem, sed etiam liberum corollarem desiderem, multa
maximè in his, ubi ipsa magnitudo questionis vitare
tam multos inueneris habere posset, quàm multos con-
tradictores habet; verumtamen sicut Leſſerem meum
nolo mihi esse deducum, ita corollarem nolo sibi: ille me
non amet amplius, quàm Catholicam fidem, ista se non
amet amplius quàm Catholicam veritatem. Sicut illi dico:
Noli mei litteris, quasi scripturas Canonici inferre,
sed in illis, & quod non credibas, cum inuenieris, incu-
ſſanter erede, in illis autem, quod certum non habebas,
nisi certum intellexeris, noli firmiter retinere: Ita illi di-

ut intelligenda diceret cum exceptione ipsius Augustini.

co: Nolimeas literas ex tua opinione, vel contentione, sed ex diuina lectione, vel inconcussa ratione corrigere. Lib. 3. de Trinit. in præmio.

S. Thomas Villanouanus.

Plurimum quoque ingenij testimonium hoc est præstantissimum, quod ita conspicue in tanta nebula veritatem intritus est Augustinus, & ita eam in tanta sylua errorum discussit, ut cum in hoc ipse omnium primus extiterit, usq; hodie post tam longum tempus id teneat, id sequatur Ecclesia, & fidei Schola, quod Augustinus decreuerit. Conc. 1. de S. Aug. in fine.

CXXIV.

Censores.

Augustinus argumentis Iuliani non satisfacit. In articulis celsuratis a Sacra Facultate Theologica Louaniensi, & Inquisitione Vallisolerana Anno 1650. Martij 28. & apud Riuium lib. 4. de vita S. Aug. cap. 10. §. 6.

S. Augustinus.

Vitreas argutias tuas, & fragilia, quibus tibi multum videtur acutus, & nitidus, argumenta confringam. In fine lib. 1. con. Iulianum. Dialecticorum quasi iaculis oneratus acutis in certamen procedis, & iactas plumbeos pugiones. Lib. 3. cap. 7. contra eundem.

Ven. Beda, & S. Prudentius.

Iulianus homo ut Rethor peritissimus, ita gratiæ Dei post Pelagium impugnator acerrimus, ut apertius scripta eius, quibus contra strenuissimum eiusdem gratiæ propugnatores Augustinum insaniuit, ostendunt. Initio præfat. in Cantica. S. Prudentius ait: Cum à Patribus, præcipueq; Beatissimo Augustino Pelagianis competentissimè, abundantissimèq; responsum fuerit &c. In epistola ad Gelinonem Archiepiscopum Senonen. ante lib. de prædest.

CXXV.

Censores.

Volentes sustinere partes Iuliani non posse Augustini rationibus conuinci.

S. Augustinus.

Necessarios articulos sermonis tui quantum me adiuuat Dominus comprehendendo, atq; confringo, ut totum corpus victum iacere conspiciat, qui & illa tua, & hæc nostra perlegerit. Lib. 4. con. Iul. cap. 9.

S. Prosper.

Quicquid etiam in libris contra Iulianum ab ipso sub hac questione obiectum, potentissimè debellasti, hoc totum ab istis Sanctis intentiosissimè conclamatur. In epistola ad S. Augustinum.

CXXVI.

Censores.

Si triumphus Ecclesia niterentur posterioribus scriptis Augustini, immerito de Pelagianis triumphasset Ecclesia.

S. Augustinus.

Proficienter me existimo Deo miserante scripsisse, non tamen à perfectione capisse. Lib. de dono perseu. cap. 21.

S. Prosper.

Cōtra istā (recitat enim Celestini Papæ elogiū de S. Augustino) clarissimā laudationis tubam, contra istam sacratissimi testimonij dignitatem audet quisquam malignæ interpretationis murmur emittere? & perspicue, sincerissimeq; sententiæ nubem obliquæ ambiguitatis obtendere? Vi scilicet, quia in epistola Papæ librorum, pro quibus actum est, non expressus est titulus, hinc eos appareat non probatos, & istam in S. Augustinum laudationem pro anteriorum scriptorum meritis fuisse collatam. Maneat planè, maneat ista conditio, ut horum librorum (quos nempe postremos in materia de gratia ediderat) nonitas repudiata videatur, si in eadem causa eiusdem viri dissensio antiquitas, & ut inutile, aut incongruum iudicetur, quod ab his, quæ contra Pelagianos condidit, dissonans inuenitur. Con. Collat. cap. 43.

CXXVII.

Censores.

Augustinus fuit Doctor perinde ac alius etiam modernorum.

S. Augustinus.

Quicquid de arte loquendi, & discernendi, quicquid de dimensionibus figurarum, & de musicis, & de numeris

Cen-

sine

CXXVIII.

Censores.

Augustini dotes seu naturales, seu infusa non fuerunt aliorum ordinis, quàm aliorum Docturum, etiam Scholasticorum.

S. Thomas Villanouanus.

Hoc sibi iustissimè vendicavit Augustinus, hæc pars Augustini in hæc sapientia luce, sicut Sol omnia astra, ita ceteros omnes post Apostolos superat Augustinus &c. Etenim intellectus acumine, ingenij perspicuitate, disputandi acrimonia, inueniendi copia, dissevendi subtilitate monstrum quoddam in natura suis Augustinus, qui humana intelligentie terminos irradiante Deo visus est transcendisse, vir intellectu, ut quidam ait, & sapientia propè divinus. Conc. 1. de S. Augustino. Quis enim ita excelluit ingenio? quis ita valuit facundia? quis humanarum, diuinarumq; rerum sapientia sic effulsit? quis tot, tantisq; voluminibus Dei Ecclesiam illustravit? quis Ecclesiasticos Ordines sic edocuit? Mentitur, ait quidam, qui se omnia Augustini volumina legisse lactat, plus valuit ille scribere, quàm nos sufficimus legere. Conc. 3. de eodem.

CXXIX.

Censores.

Vindicanda est Ecclesia à tæla, & paedagogia Augustini.

S. Augustinus.

Te ergo vera Sponsa veri Christi Ecclesia Catholica alloquer, & ego te pro modulo meo qualescunq; filius, & seruus tuus positus in te dispensare cibaria cœternis meis. Lib. 15. con. Faustum cap. 3.

Facundus Hermianensis.

Audeant isti, si possunt, hæreticum dicere Augustinum, audeant sollicita præsumptione damnare, & tunc verè discent, quæ sit pietas, & constantia Ecclesie Latinorum, quam Deus magisterio eius instituit, atq; firmavit, cum ab omnibus confestim anathematizati fuerint, & tanquam putrida, & morbida membra præcisi. In libro contra Mocianum.

CXXX.

Censores.

Præter Augustinum contra id, quod sentimus, sentias non admodum curandum.

S. Augustinus.

Non valde curo, inquam, superbiorum, imperitorumq; iudicia, qui similiter in legendis libris, atq; in salutandos homines errant. Lib. 1. de Ord. cap. 11.

B. Albertus Magnus, & S. Paulinus.

Dicendum quod sic, quia hoc Augustinus apertè dicit, cui contradicere impium est in ajs, quæ tangunt fidem, & mores. in 2. p. sum. Theol. tract. 14. q. 184. ad q. 3. S. Paulinus epistola 36. ad Romanianum inter Augustinianas ait: Si audias, si si sequaris Augustinum, ut rursus te sermone Salomonis alliciam: Fili coronam accipies gratiarum tuo vertici. Postea: Verè enim Pontifex, & verè Consul, Licenti, eris, si Augustini vestigijs propheticijs, & Apostolicis disciplinis, ut sacro beatus Heliseus Helia, ut illusteri Apostolo Timotheus adolescens adhereas indivulsus per itinera divina comitatu &c.

CXXXI.

Censores.

Tam enim in libris editis constat, quantas turbas excitarit una vocula tanta adulacione iactata: Reliquos quidem Patres viles, sed Augustinum vnicum esse necessarium, & ad omnes materias Theologicas sufficere: Quasi Ecclesia Dei ad tantam solitudinem redacta sit, ut non ex multorum Patrum consensu, sed ab unus suffragio suorum decisionum robur mutuari cogatur. In præfat. ad Orthodoxos.

S. Augustinus.

Tantumq; mihi tributum est, ut vbiq; me præconare loqui opus esset ad populum, rarissimè tacere, atque alios audire permitteret. In prologo Retract.

Abstine d me ista, quam mihi obijci, arrogantia, ut me istam causam contra vos, vnum pro omnibus agere polliceret. In fine lib. 1. con. Iulianum.

Censores.

Vidimus sectione præcedenti Scriptores Synopsi eius vita, nempe Iansenij, hoc ipsius celebre dictum veluti tanto Pro dignum apobtegma referre: Patres ceteros viles esse, sed Augustinum necessarium, imò vnum pro omni materia Theologica sufficere. Quæ propositio non modò grauius exagenerationem, sed etiam perniciosum errorem continet.

S. Augustinus.

Vnus sum è multis, qui prophanas vestras monitates, et possumus, resutamus, sicut vnicuique nostrum Deus partitus est mensuram fidei. Lib. 6. con. Iulian. cap. 8. Nunc ergo ne tui stomachi soliti indigesta maledictorum eruditatis rumpatur, in hunc euome, si audes, calumniosas tuas vanitates, & insanas mendaces &c. Insignis Ecclesiæ nostræ Dكتور loquitur. Lib. 2. con. eund. cap. 8.

Martinus V. Papa.

Quicumque de Christo, de fide, de religione aliquid sapienter, omnibus in ore erat Augustinus, ut nihil penè ex sacris literis possit, nisi eo Duce intelligi, nihil nisi eo interprete explicari. Eo iam authore factum est, ut nec Philosophis sapientiam inuideamus, non Oratorum eloquentiam desideremus, non studiosorum ingenia requiramus, non denique nobis acumen Aristotelis necessarium sit, non Platonis eloquentia, non prudentia Varronis, non grauitas Socratis, non authoritas Pythagore, non Empedoclis solertia, non cuiusquam illius generis hominum scientia, ac virtus exemplo, aut documento nobis esse debeat. Idem nobis Prophetarum oracula, idem Apostolorum voces refert, idem omnem omnium scripturarum sensum exprimit, vnus postremò omnium Patrum, sapientumque ingenia, ac studia exhibet; si veritatem queris, si doctrinam, si pietatem, quis doctior? quis iustior? quis, ut ita dicam, sanctior Augustino? In sermone de translat. corporis S. Monica.

CXXXIII.

Censores.

Non est cur S. Pauli, ac S. Augustini verbis teneamur, qui aliquando omnia mera Dei voluntati attribue videntur etiam absque vilo bonorum nostrorum operum intuitu. Hos enim duos magnos viros, quasi duos maria magna considerare necesse est, qui ingenij sui impetu in vnum litus ita exundant, ut alterum pro aliquo tempore siccum relinquere velle videantur; Verum, sicut Oceanus postquam in aliquam plagam effusus sparsus est, in limites sibi à Deo constitutos regreditur, sic illiusmodi Viri postquam in rebelles veritatis impugnatores insiluerunt, ad tranquillam aequalitatem adificationis fidelium accomodatam redeunt.

S. Augustinus.

Sic vis Disputatoribus non prædicare Catholicis nonnulla, quæ ab eis, sicut putas, incautiùs fusa, vobis obijcimus, quid est hoc, nisi dicere, etiam in Scripturis Sanctis ea, quæ pro se usurpant hæretici, incautiùs fusa esse, quo sceleratius, quid potest dici? lib. 4. oper. imperf. con. Iul. cap. 112.

CXXXIV.

Censores.

Ingenij S. Pauli ardor satis feruebat, ut in eiusmodi expressiones, excessiùs nempe, facile abriperetur. Sic cum vult Christianis sublimem gratia baptismalis ideam tradere, ipsoque ad illius conseruationem potenter hortari, ipseque asserere impossibile esse eos, qui aliquo crimine lapsi sunt, rursus ad eam renouari per penitentiam. Cum in epistola ad Romanos fidem extollit, arma Caluino videtur ministrare ad suam hæresim stabilendam, & videtur asserere per eam solam quemlibet saluari. Cum però in epistola ad Corinthios charitatem prædicat, videtur omnia, quæcumque de fide dixerat, euertere, & omnem spero nostram in ea ponere.

S. Augustinus.

Si enim ad Scripturas Sanctas admissa fuerint velut officiosa mendacia, quid in eis remanebit auctoritatis? Quæ tandem de Scripturis illis sententia proferetur, cuius pondere contentiosa falsitatis conteratur improbas? Statim enim, ut protuleris si aliter sapit, qui contra nititur, dicit illud, quod prolatus est, bouello aliquo officio Scriptorem fuisse mentium? Epistola 9. ad Hicetonymum.

CXXXV.

Censores.

Spiritus Pauli sublimis, & acer in partem, in quam inclinat, ita vehementer fertur, ut in extrema declinare, alterumque extremum negare videatur.

S. Augustinus.

Quæ authoritas literarum aperiri, qui sacer liber enolui, quod documentum cuiuslibet scripturæ ad conuincendos errores exerci potest, si hæc vox admittitur, si alius ponderis asimatur? Lib. 11. con. Faustum cap. 2.

S. Remigius.

Grauius percussi, & confusi animo vidimus in eis, & Scripturæ Sanctæ certissimam veritatem, & Beatissimorum Patrum, præcipueque S. Augustini reuerendam, & in omni Ecclesia Catholica receptissimam auctoritatem nouo conatu, & ausu nimis temerario impugnari, & quantum in ipsis fuit improvidè, atque insolenter labefactari.

Vnde ipsa charitate prouocati, & commoniti, per quam in vno Christi corpore omnes
 vnum esse debemus, ut sicut Apostolus dicit, inuicem pro se solliciti sint membra,
 & siue gloriatur vnum membrum, congaudeant omnia membra, & siue quid
 patitur vnum membrum, compatiuntur omnia membra. *Hæc, inquam, chari-*
tatis affectione visum est nobis, atque complacuit, ut hæc qualiacunque sunt & ad com-
monitionem nostram, & ad eorum, qui legere voluerint a dificationem, & confirmatio-
nem compendioso, lucido (prout Dominus aspirare dignatur) sermone scriberemus; quic-
quid in eo dicendum putauimus non nostro sensu, aut præsumptione, sed præfatorum San-
ctorum Patrum venerabili auctoritate fumantes, a quorum vestigijs, vnitæ absque,
ut vel nos, vel illi, quorum charitate compulsi hæc dicimus, vllatenus recedamus, ne
ab ipsis diuini etiam ab ipso Domino diuidamur, qui illis specialiter dicit: Qui vos audit,
me audit, & qui vos spernit, me spernit. Quos nimirum tanta in Ecclesia sua esse
voluit gratia, & gloria, ut confiderent cum Apostolo dicere possint: Itaque qui hæc
spernit, non hominem spernit, sed Deum; qui etiam dedit Spiritum suum San-
ctum in vobis, &c. Lib. de tenen. verit. Script. cap. 4.

1. Cor. 12.
16.Luc. 10.
16.1. Thim.
4. 2.

S. P. N. AVGVSTINVS.

NOs quidem, charissimi, cum falsa crimina audimus ab eis, quos offen-
 dimus prædicando eloquia veritatis, & erroris vaniloquia conuincen-
 do, habemus, sicut nostis, abundantissimam consolationem. Nam si in eis,
 quibus me criminantur, testimonium conscientie meæ non stat contra me in
 conspectu Dei, quod nullus oculus mortalis intenditur, non solum contristari
 non debeo, verum etiam gaudere, & exultare, quia merces mea multa est in
 cælis. Neque enim intuentum est, quàm sit amarum, sed quàm falsum sit,
 quod audio, & quàm verax, pro cuius nomine hæc audio. Hæc utique falsa
 sunt, & ideo nobis nihil obfunt, cum ea dicitis in nos, nec respicit vos, vo-
 bis autem obfunt, quia cum ea falsa dicitis, in nos non cadunt, sed quia ea ve-
 ra putatis, in vos recidunt. ¹ Ad exstimationem hominum magna testium;
 qui me nouerunt, suppetit copia, ad Dei verò conspectum sola conscientia,
 quam contra vestras criminationes cum intrepidam geram, non me tamen sub
 oculis omnipotentis iustificare audeo, magis ab illo effluentem misericordie
 largitatem, quàm iudicij summum examen expecto. ² Dicitis me, si sub pote-
 state Iudicum premerer, quales tibi ipsi componis, non habiturum fuisse quid
 facerem, quod confugerem, cum tuis argumentationibus vnde occurrerem,
 reperire non possem. Ego planè haberem, quod facere, haberem quod confu-
 gerem, à Pelagianis enim tenebris ad hæc tam clara Catholica lumina prouo-
 carem, quod & nunc iam facio. Tu ergo responde, quid facias, dic quod con-
 fugias. ³ Nec eos, qui nunquam fuerunt, aut non sunt, aut quorum senten-
 tiæ de hoc, quod inter nos disputatur, incertæ sunt, inani cogitatione con-
 finxi, sed sanctos, & in sancta Ecclesia illustres Antistites Dei, non Platoni-
 cis, & Aristotelicis, & Zenonicis, alijsque huiusmodi vel Græcis, vel Lati-
 nis, quanquam & isti aliquos eorum, verum omnes sacris literis eruditos,
 nominatim sicut oportebat expressi, eorumque sententias, quantum sufficere
 videbatur, sine vlla editas ambiguitate digessi. ⁴ Si Episcopalis Synodus ex
 toto Orbe congregaretur, mirum si tales possent illic facile sedere tot, quia
 nec

Lib. 1. con-
tra. Peri-
tani cap.Lib. 1. con-
tra. Peri-
tani cap. 13.Lib. 1. con-
tra. Peri-
tani cap. 10.Lib. 1. con-
tra. Peri-
tani cap. 10.Ibidem
cap. 10.

Ibidem

nec isti vno tempore fuerunt. Sed fideles, & multis excellentiores paucos dispensatores suos Deus per diuersas ætates, temporum, locorumque distantias, sicut ei placet, atque expedire iudicat, ipse dispensat. Hos itaque de alijs, atque alijs temporibus, atque regionibus ab Oriente, & Occidente congregatos vides, non in locum, quod nauigare cogantur homines, sed in librum, qui nauigare possit ad homines. ⁷ Nullas nobiscum, vel vobiscum amicitias attenderunt, vel inimicitias exercuerunt. Quod inuenerunt in Ecclesia tenuerunt, quod didicerunt, docuerunt, quod à Patribus acceperunt, hoc filijs tradiderunt. NONDVM VOBISCVM APVD ISTOS IUDICES ALIQVIB AGEBAMVS, ET APVD EOS ACTA EST CAUSA NOSTRA. NONDVM VOBISCVM CERTABAMVS, ET EIS PRONVNCIANTIBVS VICIMVS, ⁸ Quos oportet vt populi Christiani vestris prophanis nouitatibus antepo-
nant, eisque eligant potius adherere, quàm vobis. ⁹ An non tota vestra causa impulsæ, prostrata, contrita, & sicut puluis, quem proijciæ ventus à facie terræ, sic à cordibus eorum, quos decipere cœperatis, si hæc voluerint deposito studio contentionis cogitare, proiecta est. ¹⁰ Nos autem paratiores sumus cum istis viris, & cum Ecclesia Christi in huius fidei antiquitate firmata quælibet maledicta, & contumelias perpeti, quàm Pelagiani cuiuslibet eloquij prædicatione laudari.

S. PROSPER AQUITANVS.

Sufficienter, ut arbitror, demonstratum est; REPREHENSORES S. AVGVSTINI, & vana obijcere, & recta impugnare, & praua defendere: peremptorumque armis intestinum bellum mouentes ductis diuinis, atque humanis constitutionibus rebel-
lare. Quorum tamen, dum adhuc non sunt à fraterna Societate diuisi, toleranda magis est intentio, quàm desperanda correctio: donec Dominus per Ecclesia Principes, & legitimos iudiciorum suorum ministros hæc, quæ PER PAUCORVM SYPERBIAM, ET QVORVNDAM IMPERITIAM sunt turbata, componat. Nobis Deo adiuvante, sit studium quiescere, modestaque patientia odijs dilectionem reddere, & ineptorum vi-
rare confectus: veritatem non deserere, nec cum falsitate certare. In peroratione contra Collatorem.

S. ALIPIVS TAGASTENSIS.

Quare iam, SOCII MEI, expectationem vestram, quæ me ad respondendum pronocatis, certiore spe mecum ad discendum conuertere. Habemus Ducem Augustinum, qui nos in ipsa veritatis arcana, Deo iam monstrante, perducas. Apud Augustinum in fine lib. 3. contra Academicos.

F I N I S.

(2)
DISSERTATIO HISTORICA
DE SYNODO QVINTA
ÆCVMENICA

IN QVA

Origenis ac Theodori Mopsuesteni Pelagiani erroris
Auctorum iusta damnatio exponitur,

ET

AQVILEIENSE SCHISMA DESCRIBITVR.

AVCTORE

P. M. HENRICO DE NORIS
VERONENSI

AVGVSTINIANO S. THEOLOGIE PROFESSORE,
& S. Romanæ vniuersalis Inquisitionis Qualificatore.



P A T A V I I.

Typis Petri Mariæ Frambotti Bibliop. 1673.

SUPERIORVM PERMISSV.

est. S. Prudentius in epistola ad Hincmarum, & Pardulum: Hoc primum vestram sinceritatem monens, ut doctrinam Beatissimi Patris Augustini omnium absque ulla dubietate undecunque doctissimi, sanctarum scripturarum auctoritati in omnibus concordissimam; quippe nullus Doctorum abstrusa earum scrupulosius rimatus; diligentius exquisierit, verius inuenerit, veracius protulerit, lacerantius enodauerit, fidelius tenuerit, robustius defenderit, effusius disseminauit &c. Remigius Antisiodorensis in 2. ad Corinth. Sicut Sol excedit in lumine omnes planetas, ita Augustinus omnes excescit in exponendis sacris scripturis. Hugo de S. Victore serm. 25. Inde & de ipso in hac eius solemnitate canimus, quod Prophetarum, & Apostolorum plenus spiritu, quæ prædixerunt mystica, fecit nobis peruia, post quos secunda dispensandi verbi Dei primus refulsit gratia &c.

C X.

Censores.

Durius quoque loquitur pluribus locis de veritate corporis Christi in Eucharistia, ut supra indicauimus, quæ de causa iustum plant illum esse gloriantur, sed falsis Calumnias, & Eminentissimus doctrina, aquæ ac dignitate Cardinalis Perronius in libro singulari, cui titulus est, Refutatio oblectionum ex D. Augustino contra S. Eucharistia Sacramentum cap. 1. ipso initio idcirco vocat S. Augustinum magnum præsentium Sacramentarium Patronum.

S. Augustinus.

Admonet me plane, ac mihi habet suauissimo imperio lex Christi, hoc est claritas, ut cum aliquid falsi in libris meis me sensisse homines putant, quod ego non sensi, atque idipsum falsum alteri displicet, alteri placet, malum me reprehendi a reprehensore falsitatis, quam ab eius laudatore laudari; Ab illo enim quantum ego non recte, qui hoc non senserim, error tamen ipse recte vituperatur. Ab hoc autem nec ego recte laudor, à quo existimor id sensisse, quod vituperat veritas; nec ipsa sententia, quam vituperat veritas. Lib. 1. de Trin. cap. 3.

Guitmundus Episcopus.

Quid hic Umbratici respondebunt? Vbi in tanta luce lucifuga nostri umbram parabant? Ecce Augustini manifestissima documenta recitantur, nihil in eis scrupulosum; nihil ambiguum; aut de his se explicent, aut Augustinum nobis obicere desistant. Lib. 3. de veritate Eucharistia contra Berengarium tomo 11. Bibl. PP.

C X I.

Censores.

Item lib. 1. de peccat. meritis & remiss. cap. 20. & libro de prædest. SS. cap. 13. & lib. 2. oper. imperf. con. Iul. cap. 29. docere videtur, Sacramentum Eucharistia non minus esse necessarium parvulis ad salutem; quam baptismum, neque minus ad eos pertinere quod dicitur Jo. 6. v. 54. Amen amen dico vobis, nisi manducaueritis carnem filij hominis, & biberitis eius sanguinem, non habebitis vitam in vobis, quæm ipse Iu. 3. v. 6. Nisi quis renatus fuerit ex aqua, & Spiritu S. non potest introire in regnum Dei.

S. Augustinus.

Sancto Innocentio vide quid respondeat, qui nihil aliud de hac re sapit, quam quod isti, in quorum te conueniunt; si tamen prodest aliquid, te introdunt. Cum his etiam ipse confidet, eissi posterior tempore, prior loco &c. Qui denique parvulos definit, nisi manducauerint carnem filij hominis, vitam proorsu habere non posse. Hanc respondeat immo ipsi Domino, cuius ille Augures vsus est testimonio. Lib. 1. con. Iul. cap. 4.

S. Innocentius Papa.

Illud verò quod eos Pelagium, ac Celestium vestra fraternitas asserit predicare parvulos æternæ vitæ præmij etiam sine baptismatis gratia posse donari, persatuum est. Nisi enim manducauerint carnem filij hominis, & biberint sanguinem eius, non habebunt vitam in semetipsis; Qui autem hanc eis sine regeneratione defendunt, videntur mihi ipsum baptismum velle castare, cum predicant eos habere, quod in eos creditur non nisi baptismate conferendum. In epistola ad Patres Milcuitanæ Synodi apud Aug. epist. 93.

S. Gelasius Papa.

Ut providentia Dei omnes Pelagianorum nequitias amputaret, non solum dictum est: [Qui non fuerit renatus ex aqua, & Spiritu S. non intrabit in regnum celorum] sed etiam pariter dictum est [Qui non manducauerit carnem filij hominis, & biberit eius sanguinem non habebit vitam in semetipso] De vitæ æternæ hoc dictum nullus addubitat, quoniam

quoniam multi non manducantes hoc Sacramentum vitam habere videantur præsentem.
In epistola ad Episcopos Piceni.

CXII.

Censores.

Indèque disputans contra Pelagianos, probat infantes sine Eucharistia sumptione non posse vitam æternam consequi, quam sumptionem distinguit à baptismo, quasi debere infantes necessario esse reipsa, & distinsit utriusque Sacramenti participes baptismi, & Eucharistia, ut vitam æternam obtineant. Sic enim loquitur cap. illo 20. lib. 1. de pec. mer. aucturatur ergo iam dubitatio &c. Quæ verba sunt adeo manifestæ, ut difficillimè patiantur benignam interpretationem, qua pleriq; Theologorum Augustinum ab errore excusare conantur, error enim est notatus, & damnatus sub anathemate à Concilio Tridentino.

S. Augustinus.

Nilil hic de nostro asseramus, ipsum Apostolum item audiamus; Cum ergo de isto Sacramento loqueretur ait: Vnus panis, vnum corpus multi sumus. Intelligite, & gaudete, veritas, pietas, veritas, charitas vnus panis, vnum corpus multi sumus; recolite enim, quia panis non fit de vno grano, sed de multis. Quando ergo exorcizabamini, quasi molebamini; quando baptizati estis, quasi confersi estis, quando spiritus sanctificationem accepistis, quasi cocti estis; esote, quod videtis, & accipite quod estis &c. In sermone ad infantes ante altare.

S. Fulgentius.

Beatus quoque Augustinus de hac re sermonem fecit admodum luculentum, & aptum edificationi, & instructioni fidelium (& toto sermone recitato, in quo verba proximè recensita leguntur) Arbitror, ait, Sancte frater, disputationem nostram præclari Doctoris Augustini sermone firmatam, nec quicquam esse aliquatenus ambigendum, tunc vnumquemque fideliū corporis, sanguisque Dominici participem fieri, quando in baptismo membrum corporis Christi efficitur, nec alienari ab eo panis, calicisque consortio, etiamsi antequam panem illum comedat, & calicem bibat, de hoc sæculo in unitate corporis Christi constitutus abscedat. In respon. ad quæstionem de baptismo Æthiopis.

Concilium Tridentinum.

Neque ideo tamen damnanda est antiquitas, si eum morem, nempe dandi Eucharistiam parvulis, in quibusdam locis aliquando seruauit; ut enim sanctissimi illi Patres sui facti probabilem causam pro illius temporis ratione habuerunt, ita certè eos nulla salutis necessitate id fecisse sine controuersia credendum est. Sessione 21. cap. 4.

CXIII.

Censores.

Præterea lib. 2. con. Iul. cap. 10. docet cogitationes morosas, siue delectationes voluntarias de rebus veneris esse duntaxat peccatum veniale, modò absit consensus in opus, seu malum desiderium, vel illius periculum. Quæ doctrina ab omnibus Catholicis iam pridem rejicitur, nec sine scandalo à quocumque obtruderetur.

S. Augustinus.

Vnum igitur genus est probatissimum, & quasi purgatissimum, quum & bona scripta sunt, & in bonam partem accipiuntur à legentibus. Lib. de utilit. cred. ad Honoratum cap. 5.

S. Augustinus.

Ita dici potest in homine vno, si delectationibus illicitis, à quibus se continuò debere auertere cogitatio, libenter sola pascatur, nec facienda decernantur mala, sed tantum suauiter in recordatione teneantur, quasi mulierem sine viro posse damnari, absit hoc credere. Hæc quippe vna persona est, vnus homo est, totusque damnabitur, nisi hæc, quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata, per mediatoris gratiam remittantur. Lib. 12. de Trinit. cap. 12.

CXIV.

Censores.

Certè cum eadem sit indiciorum, & affectuum alea, & Augustinus tanta contentione pugnet contra Pelagianos, ut obtineat nullum esse quantumvis Sanctum, cui non sit opus dicere, dimitte nobis debita nostra, ob quotidianos voluntatis lapsus, nescio quid Baianis in mentem venerit, ut Augustiniani videri velint, cum tantum sibi per-

S. Augustinus.

Neque enim negare debeo, sicut in ipsis moribus, ita multa esse in tam multis opusculis meis, quæ possint iusto iudicio, & nulla temeritate culpari. Ex quibus si aliena reprehenderes, illis & tibi fortassis offenderem, qualem te esse, in quibus non perperam reprehenderes, vellem; meque tibi iuniori maior, & præpositus subdito corre-

persuadere eorum, esse aliquos, nempe Augustinum, qui iudicio nunquam labantur.

Etiam exemplum quanto humilior, tanto salubrior exhiberem. Sed ea in me reprehendisti, qua non corrigere humilitas, sed pariter fateri, partim defendere veritas cogit. Lib. 4. de orig. animæ cap. 1.

B. Iordanus de Saxonia.

Ipse tamen postea Augustinus tam ab erroribus intellectus, quam à corruptione affectus per aëlium hierarchicum purgatus fuit. Serm. 138. S. Thomas Villanovanus ait: Hæc igitur Augustini tam profunda humilitas apud Deum, & homines sapientia, & intellectu illum sublimiter exaltauit, quoniam Deus superbis resistit, humilibus autem dat gratiam. Unde potest de illo intelligi Prophete vaticinium, dedit abyssus vocem suam altitudinem phantasia. Abyssus, inquam, humilitatis Augustinus vocem doctrinae suae populis dedit propter phantasiae suae, idest, ingenij altitudinem, quam propter humilitatem contulit illi Deus. Conc. 2. de S. Augustino.

hab. 2. g.
ver. 70.

CXV.

Censores.

Constat ergo exemplo S. Bernardi sales esse, quas dixerat duas columnas, ut non sit necessarium timendum, si quis ita emulatur ab Augustino, ut tamen imitatur Ambrosio, etiam in hiis, quæ contra Pelagianos Augustinus disputauit &c.

S. Augustinus.

Quid ergo, quo me ab illo in hac causa separandum, putas? Polle: Ergo ille noster, an refectus, & res videtur. Lib. 4. con. lul. opet. imperf. cap. 119.

S. Bernardus.

Ab his ergo duabus columnis (Augustinum loquor, & Ambrosium) crede mihi, difficile auellor; Cum his, inquam, me aut errare, aut sapere fateor. Epistola 77. ad Hugonem de S. Victore.

CXVI.

Censores.

Quid igitur mirum, si vir aliqui doctissimus, & sanctissimus Augustinus difficultate rei oppressus, nihil aliud inueniret, in quo essentiam originalis peccati constitueret.

S. Augustinus.

Hominem tuo iudicio doctissimum, & peritissimum, non dubitasti reprehendere. Ego autem ac me doctissimum, ac peritissimum nescio, sed verò me non esse certissime scio. Lib. 4. de orig. animæ libro.

B. Iordanus de Saxonia.

Quantum ad dictorum sufficientiam, quia nihil deest in libris Augustini, quod pertinet ad scientiam legis diuinae; Unde dicit Volusianus scribens ad Augustinum [circumque in alijs Sacerdotibus toleratur inscitia, sed cum ad Amisistum Augustinum veniunt, legi Dei deest, quicquid Augustinum contigerit ignorare] Sermone 148.

CXVII.

Censores.

Nempe iam nos docuit Gerson, & Abulensis, quod pertineat hæc approbatio, non enim eo, ut intelligamus, Augustinum nullis esse humanis defectibus obnoxium, sed rationibus, & leuoribus.

S. Augustinus.

Senti de Augusto quicquid libet, sola me in oculis Dei conscientia non accuset. Quod enim ait Apostolus: Atibi minimum est, ut & vobis indicet, aut ab humano die. Lib. con. Secundinum cap. 1.

Arnobius iunior.

Serapion dixit: Testor Deum, quia sollicitudini meae vniuersa ambiguitate eliminata, si de his eius, scilicet Augustini, mihi definita proferas, & de omnibus, quæ transacta sunt, euidentia eius afferas documenta; fateor enim me eius assertiones ita probatas habere, ut se ipsum ore suo hæreticum detegas, qui Augustinum putauerit in aliquo reprehendendum eloquio. Arnobius dixit: Meo sensu locutus es, nam ea, quæ eius nunc profero, ac si sacratissima Apostolorum scripta sic credo, & teneo, & defendo. Tomo 5. Bibl. PP. par. 3.

CXVIII.

Censores.

Sensu Augustinus mundum in instanti creatum fuisse, quod non conuenit cum scriptis à Moyse &c.

S. Augustinus.

Nemo iam inuictus si dicendo mihi, non hoc sensisse Moysem, quod tu dicti, sed hoc sensisse, quod ego dico. Si enim mihi diceres, unde itis hoc sensisse Moysem, quod de his verbis eius eloquaris, æquo animo ferre deberem.

Con-

CXIX.

Censores.

Contrariam Augustino sententiam non modò probabilium iudico, sed certa, & indubitata veritatis.

CXX.

Censores.

Explicatio hac censetur ab omnibus improbabili, nec ego dubito, quin si Augustinus non haberet Patrum, manifestè damnata fuisset, ut hæretica.

CXXI.

Censores.

Contrarium docent omnes alij Patres; idq; omnino evincit simplex, & historialis narratio Moysi, quare iam erroneum est dicere, omnia vno die creata.

Patres, & Doctores.

Calliodorus. De iisdem principijs Sanctus quoq; Augustinus disertus, atq; cautissimus disputator duodecim volumina conscripsit, quæ doctrinarum penè omnium decore vestiti, hæc; vocantur de Genesi ad literam, qui quamvis de eadem retractaverit, quæ B. Basilii, & S. Ambrosii celeberrima laude fulserunt, tamen quod post disertos viros minimè contingere solet, opus suum longè in aliam summitatem, Domino largiente, produxit. Lib. 1. diuin. institut. cap. 22. S. Thomas: Hæc opinio, nempe Augustini de simultanea rerum creatione, plus mihi placet, 2. sint. d. 12. q. 1. art. 2. B. Albertus Magnus. Sine præiudicio sententia melioris videtur Augustino consentiendum &c. Dicendum ergo quod per distinctionem, quam ponit Moyses, intelligitur distinctio rerum secundum naturæ principia, & non distinctio temporum. 1. p. summa quæst. 12. de quatuor coëxibus. Aegidius 1. p. Hexameron cap. 28. Non autem ista dicimus, ut improbemus opinionem Augustini, quæ est valde subtilis, & solemnissima. Dionysius Carthusianus: Augustinus excogitavit quandam expositionem subtilem, per quam defendit scripturam ab irrisione huiusmodi, & tamen salvauit scripturam, & fidei veritatem. In cap. 1. Genes. art. 5.

CXXII.

Censores.

Augustinus verò clarius durando adimplari videtur, cum alium peccati nullo modo Deo agenti tribuit, sed solum homini arbitrio &c. id quod clarius ostendit lib. de perfect. iustitia ratiocinat. 4. ubi sic quærit, Quid est peccatum actusne an res? Si res est occ.

S. Augustinus.

Redde verba mea, & consetetur calumniæ tuæ. Libro quarto con. Iulianum cap. 8.

S. Prosper.

Stupeo sanctitatem vestram obiectionem calumniantium à persona defensoris gratia non potuisse discernere, & verba obtruantium ei ipsi, qui obtruantoribus suis respondet, aptasse. Ad 10. dubium Genuensium contra S. Augustinum.

CXXIII.

Censores.

Petimus ergo à Balano quanti facienda sit Augustini doctrina dicentis fallibilem esse scriptoris non Canonici auctoritatem, & hanc esse illius differentiam à Canonice, quod sine peccato, vel iniuria cuiusquam suspecta esse quandoq; possit. Si negari esse probandum, fidem saluam, & postea de terminis prius transgredimur, Augustinum deferendo. Si probandum saluatur, cum negare non possint, quin Augustinus sit intra numerum Auctorum, non Canonicoz, restat ut fateantur sine peccato, vel iniuria cuiusquam dubium aliquando videri posse illius auctoritatem, atq; sententiam. Ejes autem ridiculas, qui ea, quæ ille dicto de fallibilitate scriptoris non Canonici in-

S. Augustinus:

Sancti cum in omnibus literis meis non solum plium Le-
gorem, sed etiam liberam correctorem desiderem, multo maxime in his, ubi ipsa magnitudo questionis vitam
iam multos inuentores habere posses, quod multos con-
tradictores habet; verumtamen sicut Legorem meum,
nolo mihi esse deditum, ita correctorem nolo sibi: ille me
non amet amplius, quàm Catholicam fidem, iste se non
amet amplius quàm Catholicam veritatem. Sicut illi di-
co: Noli meis literis, quasi scriptoris Canonici inferre,
sed in illi. & quod non crederes, cum inuentis, incu-
bantur crede, in illis autem, quod certum non habebas,
nisi certum intellexeris, noli firmiter retinere: Ita illi di-

Intelligenda dicere cum exceptione ipsius Augustini.

co: Noli meas literas ex tua opinione, vel contentione, sed ex divina lectione, vel inconcussa ratione corrigere. Lib. 3. de Trinit. in proœmio.

S. Thomas Villanovanus.

Plurimum quoque ingenij testimonium hoc est præstantissimum, quod ita conspicue in tanta nebula veritatem intuitus est Augustinus, & ita eam in tanta sylva errorum discussit, ut cum in hoc ipso omnium primus extiterit, usq; hodie post tam longum tempus id teneat, id sequatur Ecclesia, & fidei Schola, quod Augustinus decreuerit. Conc. 1. de S. Aug. in fine.

CXXIV.

Censores.

Augustinus argumentis Iuliani non satisfacit. In articulis celsioribus à Sacra Facultate Theologica Louanensi, & Inquisitione Vallisolerana Anno 1650. Martij 28. & apud Rium lib. 4. de vita S. Aug. cap. 10. §. 6.

S. Augustinus.

Vitæ argutias tuas, & fragilia, quibus tibi multum videris acutus, & nitidus, argumenta confringam. In fine lib. 1. con. Iulianum. Dialecticorum quasi saculis oneratis acutis in certamen procedis, & talia plumbos pugiones. Lib. 3. cap. 7. contra eundem.

Ven. Beda, & S. Prudentius.

Iulianus homo ut Rethor peritissimus, ita gratiæ Dei post Pelagium impugnator acerrimus, ut apertius scripta eius, quibus contra strenuissimum eiusdem gratiæ propugnatorem Augustinum insaniuit, ostendunt. Initio præfat. in Cantica. S. Prudentius ait: Cum à Patribus, præcipueq; Beatissimo Augustino Pelagianis competentissimè, abundantissimèq; responsum fuerit &c. In epistola ad Gelinonem Archiepiscopum Senonen. ante lib. de prædest.

CXXV.

Censores.

Volentes sustinere partes Iuliani non posse Augustini rationibus conuinci.

S. Augustinus.

Necessarios amicos sermonis tui quantum me adiuuat Dominus comprehendere, atq; confringo, ut totum corpus victum iacere conspiciat, qui & ille tua, & hoc nostra perlegerit. Lib. 4. con. Iul. cap. 9.

S. Prosper.

Quicquid etiam in libris contra Iulianum ab ipso sub hac questione obiectum, potentissimè debellasti, hoc totum ab istis Sanctis intentiosissimè conclamatur. In epistola ad S. Augustinum.

CXXVI.

Censores.

Si triumphus Ecclesiæ intererit posterioribus scriptis Augustini, immoerit de Pelagianis triumphasset Ecclesiæ.

S. Augustinus.

Proficienter me existimo Deo miserante scripsisse, non tamen à perfectione capisse. Lib. de dono perseu. cap. 21.

S. Prosper.

Contra istā (recitat enim Celestini Papæ elogiū de S. Augustino) clarissimā laudationis tubam, contra istam sacratissimi testimonij dignitatem audet quisquam maligna interpretationis murmur emittere? & perspicua, sincerissimaq; sententia nubem obliquæ ambiguitatis obicere? Ut scilicet, quia in epistola Papa librorum, pro quibus actum est, non expressus est titulus, hinc eos appareat non probatos, & istam in S. Augustinum laudationem pro anteriorum scriptorum meritis fuisse collatam. Maneat plane, maneat ista conditio, ut horum librorum (quos nempe postremos in materia de gratia ediderat) novitas repudiata videatur, si in eadem causa eiusdem viri dissentit antiquitas, & ut inutile, aut incongruum iudicetur, quod ab his, quæ contra Pelagianos condidit, dissonans inuenitur. Con. Collat. cap. 43.

CXXVII.

Censores.

Augustinus fuit Doctor perinde ac alii etiam modernorum.

S. Augustinus.

Quicquid de arte loquendi, & discerendi, quicquid de dimensionibus figurarum, & de musicis, & de numeris

Con-

sive

CXXVIII.

Censores.

Augustini dotes seu naturales, seu infusa non fuerunt aliorum ordinis, quàm aliorum Doctorum, etiam Scholasticorum.

sine magna difficultate nullo hominum tradente intellexi &c. Non enim sentiebam illas artes etiam ab studiosis, & ingeniosis difficillimè intelligi, nisi eum eis eadem conabar exponere. & erat ille excellentissimus in eis, qui me exponentem non tardis sequeretur. Lib. 4. Confess. cap. 16.

S. Thomas Villanouanus.

Hoc sibi iustissimè vendicat Augustinus, hæc pars Augustini in hæc sapientia luce, sicut Sol omnia astra, ita ceteros omnes post Apostolos superat Augustinus &c. Etenim intellectus acumine, ingenij perspicuitate, disputandi acrimonia, inueniendi copia, dissevendi subtilitate monstrum quoddam in natura fuit Augustinus, qui humana intelligentia terminos irradiante Deo visus est transcendisse, vir intellectu, ut quidam ait, & sapientia propè divinus. Conc. 1. de S. Augustino. Quis enim ita excelluit ingenio? quis ita valuit facundia? quis humanarum, divinarumq; rerum sapientia sic effulsit? quis tot, tantisq; voluminibus Dei Ecclesiam illustravit? quis Ecclesiasticos Ordines sic edocuit? Mentitur, ait quidam, qui se omnia Augustini volumina legisse iactat, plus valuit ille scribere, quàm nos sufficimus legere. Conc. 3. de eodem.

CXXIX.

Censores.

Vindicanda est Ecclesia à tuelia, & pedagogia Augustini.

S. Augustinus.

Te ergo vera sponsa veri Christi Ecclesia Catholica alloquar. & ego te pro modulo meo qualiscumq; filius, & servus tuus positus in te dispensare cibaria cõserais meis. Lib. 15. con. Faustum cap. 5.

Facundus Hermianensis.

Audeant isti, si possunt, hæreticum dicere Augustinum, audeant sollicita præsumptione damnare, & tunc verè discent, quæ sit pietas, & constantia Ecclesie Latinorum, quam Deus magisterio eius instituit, atq; firmavit, cum ab omnibus confestim anathematizati fuerint, & tanquam putrida, & morbida membra præcissi. In libro contra Mocianum.

CXXX.

Censores.

Præter Augustinum contra id, quod sentimus, sensus non admodum curandum.

S. Augustinus.

Non valde curo, inquam, superbiorum, imperitorumq; iudicia, qui similiter in legendos libros, atq; in salutandos homines truant. Lib. 1. de Ord. cap. 11.

B. Albertus Magnus, & S. Paulinus.

Dicendum quod sic, quia hoc Augustinus apertè dicit, cui contradicere impium est in illis, quæ tangunt, fidem, & mores. in 2. p. sum. Theol. tract. 14. q. 184. ad q. 3. S. Paulinus epistola 36. ad Romanianum inter Augustinianas ait: Si audias, si si sequaris Augustinum, ut rursus te sermone Salomonis alliciam: Fili coronam accipies gratiarum tuo vertici. Postea: Verè enim Pontifex, & verè Consul, Licenti, eris, si Augustini vestigijs propheticis, & Apostolicis disciplinis, ut sacro beatus Heliseus Helia, ut illustri Apostolo Timotheus adolescens adhareas indivulsus per itinera divina comitatu &c.

CXXXI.

Censores.

Item enim in libris editis constat, quantas turbas excitarit una vocula tanta adulatione iactata: Reliquos quidem Patres viles, sed Augustinum vnicum esse necessarium, & ad omnes materias Theologicas sufficere. 1. Quæsi Ecclesia Dei ad tantam solitudinem redacta sit, ut non ex multorum Patrum consensu, sed ab unus iussu suo suarum decisionum robur mutuari cogatur. In præfat. ad Orthodoxos.

S. Augustinus.

Tantumq; mihi tributum est, ut vbiq; me præsentem loqui opus esset ad populum, rarissimè tacere, atque alios audire permitteret. In prologo Retract.

Abstine d me ista, quam mihi obijcis, arrogantia, ut me istam causam contra vos, vnum pro omnibus agere pollicerer. In fine lib. 2. con. Iulianum.

Cenfores:

Vidimus sectione præcedenti Scriptores Synopsi eius
vita, nempe Lantieri, hoc ipsius celebre dictum veluti
santo Piro dignum apophthegma referre: Pater ceteros
viles esse, led Augustinum necessestium, imò vnum
pro omni materia Theologica sufficere. Quæ propositio
non modò gravem exaggerationem, sed etiam pernici-
osum errorem continet.

Non sum de multis, qui prophanas vestras unitates,
ut possumus, resistamus, sicut vnicuique nostrum de
partibus est mensura fidei. Lib. 6. con. Iulian. Cap. 8.
Nunc ergo ne tui stomachi follii indigesta maledic-
torum eructio repampetur, in hunc eorum, si audes, co-
lumnasque tuas unitates, & infancias mendaces &c.
Insignis Ecclesiarum Doctor loquitur. Lib. 1. con. eund.
Cap. 7.

S. Augustinus,

Martinus V. Papa.

Quicumque de Christo, de fide, de religione aliquid saperent, omnibus in ore erat Augustinus, ut nihil penè ex sacris literis possit, nisi eo Duce intelligi, nihil nisi eo interprete explicari. Eo iam auctore factum est, ut nec Philosophus sapientiam inuideamus, non Oratorum eloquentiam desideremus, non studiosorum ingenia requiramus, non domique nobis acumen Aristotelis necessarium sit, non Platonis eloquentia, non prudentia Varronis, non grauitas Socratis, non auctoritas Pythagoræ, non Empedoclis solertia, non cuiusquam illius generis hominum scientia, ac virtus exemplo, aut documento nobis esse debeat. Idem nobis Prophetarum oracula, idem Apostolorum voces refert, idem omnem omnium scripturarum sensum exprimit, cuius postremò omnium Patrum, sapientumque ingenia, ac studia exhibet; si veritatem quæris, si doctrinam, si pietatem, quis doctior? quis iustior? quis, ut ita dicam, sanctior Augustino? In sermone de translat. corporis S. Monicæ.

CXXXIII.

Cenfores.

Non est cur S. Pauli, ac S. Augustini verbis teneamur, qui aliquando omnia mera Deo voluntati attribuerent, ut videntur etiam absque ulla bonorum nostrorum operum intuitu. His enim duo magnus viros, quasi domina magna considerare nosse esse, qui ingenij sui impetu in unum litus ita exarident, ut alterum pro aliquo tempore sicum relinquere velle videamus; Verum si quis Oceanus postquam in aliquam plagam effusis spargitur de Puri postquam in rebelles devotiati impugnatotes infu-
acommodari ac reducit.

Sic vis Dissentatoribus non praeiudicare Catholicis nonnulla, qua ab eis, sicut putas, incautus fusa, vobis obiciamus, quid est hoc nisi dicere, etiam in Scripturis Sanctis ea, qua pro se usurpant haeretici, incautus fusa esse, quod sceleratius, quod potest dici? lib. 4. oper. imperf. con. lul. cap. 112.

S. Augustinus :

Crofores:

Iugeni S. Pauli ardor satis feruorib. & in euangelij
expressiones, effusius nempe, facit obiter. Sic
cum vult Christianis sublimem gratia baptismalis idem
tradere, ipsoque ad illius conseruationem poterit bri-
tare, videtur effere impossibile esse eos, qui aliquo
crimine lapsi sunt, rursus ad eam reuocari per penitentiam.
Cum in epistola ad Romanos fidei et xolit. ar. et a. Calmo
videtur monstrare ad suam hanc finem stabilendam. &
videtur effere per eam solam quæritur saluari.
Cum verò in epistola ad Corinthios charitatem prædicat, videtur
ferre nostram in ea ponere.

Sic enim ad scripturas sanctas admitti fuerint velut officiosa mendacia, quid in eis remanebit auctoritatis? Qua tandem de scripturis illis sententia praefertur? Cuius pondere contentiose falsitatis constentior improbus? Et statim enim, vt prolesteris, si aliter sepi, qui contra nuntium, dixit illud, quod prolatum erit, bono aliquo officio Scriptorem fuisse mentitum? Epistola 9. ad Hieconymum.

CXXXV.

Cenfores:

Spiritus Pauli sublimis, & acer in partem, in quam inclinatur, ita vehementer fertur, ut in extrema declinare, alterumque extremum negare videatur.

S. Augustinus.
Quæ authoritas literarum aperiri, quis sacer liber enu-
lui, quod documentum enuulsi scriptura ad conuincen-
dos errores extiteri potest, si hæc vox admittitur, si alicuius
pondus affirmatus? Lib. 11. con. Faustum cap. 2.

S. Remigius.

Graviter percussi, & confusi animo vidimus in eis, & Scripturæ Sanctæ certissimam veritatem, & Beatissimorum Patrum, præcipue S. Augustini reverendam, & in omni Ecclesia Catholica receptissimam auctoritatem novo conatu, & ausu nimis temerario impugnari, & quantum in ipsis fuit improvidè, atque insolenter labefactari

Ynde

Vnde ipsa charitate provocati, & commoniti, per quam in uno Christi corpore omnes unum esse debemus, ut sicut Apostolus dicit, inuicem pro se solliciti sint membra, & siue gloriatur vnum membrum, congaudeant omnia membra, & siue quid patitur vnum membrum, compatiuntur omnia membra. Hæc, inquam, charitatis affectione visum est nobis, atque complacuit, ut hæc qualiacunque sunt & ad commonitionem nostram, & ad eorum, qui legere voluerint edificationem, & confirmationem compendioſo, lucido (prout Dominus aspirare dignatur) sermone scriberemus; quicquid in eo dicendum putauimus non nostro sensu, aut presumptione, sed præfatorum Sanctorum Patrum venerabili auctoritate firmantes, a quorum vestigijs, unitate absque, ut vel nos, vel illi, quorum charitate compulsi hæc dicimus, nullatenus recedamus, ne ab ipsis diuisi etiam ab ipso Domino diuidamur, qui illis specialiter dicit: Qui vos audit, me audit, & qui vos spernit, me spernit. Quos nimirum tanta in Ecclesia sua esse voluit gratia, & gloria, ut considerant cum Apostolo dicere possint: Itaque qui hæc spernit, non hominem spernit, sed Deum, qui etiam dedit Spiritum suum Sanctum in vobis, &c. Lib. de tenen. verit. Script. cap. 4.

1. Cor. 12.

16.

Lec. 10.

16.

1. Thim.

4. 2.

S. P. N. AVGVSTINVS.

Nos quidem, charissimi, cum falsa crimina audimus ab eis, quos offendimus prædicando eloquia veritatis, & erroris vaniloquia conuincendo, habemus, sicut nostis, abundantissimam consolationem. Nam si in eis, quibus me criminantur, testimonium conscientie meæ non stat contra me in conspectu Dei, quod nullus oculus mortalis intenditur, non solum contristari non debeo, verum etiam gaudere, & exultare, quia merces mea multa est in cælis. Neque enim inueniendum est, quàm sit amarum, sed quàm falsum sit, quod audio, & quàm verax, pro cuius nomine hæc audio. Hæc utique falsa sunt, & ideo nobis nihil obsunt, cum ea dicitis in nos, nec respicitis vos, vobis autem obsunt, quia cum ea falsa dicitis, in nos non cadunt, sed quia ea vera putatis, in vos recidunt. Ad existimationem hominum magna testium, qui me nouerunt, suppetit copia, ad Dei verò conspectum sola conscientia, quam contra vestras criminationes cum intrepidam geram, non me tamen sub oculis omnipotentis iustificare audeo, magis ab illo effluentem misericordie largitatem, quàm iudicij summum examen expecto. Dicis me, si sub potestate Iudicum premere, quales tibi ipsi componis, non habiturum fuisse quid facerem, quod confugerem, cum tuis argumentationibus vnde occurrerem, reperire non possem. Ego plane haberem, quod facere, haberem quod confugerem, à Pelagianis enim tenebris ad hæc tam clara Catholica lumina prouocarem, quod & nunc iam facio. Tu ergo responde, quid facias, dic quod confugas. Nec eos, qui nunquam fuerunt, aut non sunt, aut quorum sententia de hoc, quod inter nos disputatur, incertæ sunt, inani cogitatione confinxi, sed sanctos, & in sancta Ecclesia illustres Antistites Dei, non Platonicis, & Aristotelicis, & Zenonicis, alijsque huiusmodi vel Græcis, vel Latinis, quanquam & istis aliquos eorum, verum omnes sacris literis eruditos, nominatim sicut oportebat expressi, eorumque sententias, quantum sufficere videbatur, sine vlla editas ambiguitate digessi. Si Episcopalis Synodus ex toto Orbe congregaretur, mirum si tales possent illic facile sedere tot, quia nec

Lib. 3. con.

lit. Peri-

tiani cap.

Lib. 2. con.

tundem.

cap. 13.

Lib. 3. con.

Crisp. cap.

80.

Lib. 2. con.

2nd. cap.

ult.

Ibidem.

cap. 10.

Ibidem.

nec isti vno tempore fuerunt. Sed fideles, & multis excellentiores paucos dispensatores suos Deus per diuersas ætates, temporum, locorumque distantias, sicut ei placet, atque expedire iudicat, ipse dispensat. Hos itaque de alijs, atque alijs temporibus, atque regionibus ab Oriente, & Occidente congregatos vides, non in locum, quod nauigare cogantur homines, sed in librum, qui nauigare possit ad homines. ⁷ Nullas nobiscum, vel vobiscum amicitias attenderunt, vel inimicitias exercuerunt. Quod inuenerunt in Ecclesia tenuerunt, quod didicerunt, docuerunt, quod à Patribus acceperunt, hoc filijs tradiderunt. **NONDVM VOBISCVM APVD ISTOS IUDICES ALIQVID AGEBAMVS, ET APVD EOS ACTA EST CAUSA NOSTRA. NONDV M VOBISCVM CERTABAMVS, ET EIS PRONVNCIANTIBVS VICIMVS.** ⁸ Quos oportet vt populi Christiani vestris prophanis nouitatibus antepo-
⁹ nant, eisque eligant potius adherere, quàm vobis. ⁹ An non tota vestra causa impulsæ, prostratæ, contrita, & sicut puluis, quem proijcit ventus à facie terræ, sic à cordibus eorum, quos decipere cœperatis, si hæc voluerint deposito studio contentionis cogitare, proiecta est. ¹⁰ Nos autem paratiores sumus cum istis viris, & cum Ecclesia Christi in huius fidei antiquitate firmata quælibet maledicta, & contumelias perpeti, quàm Pelagiani cuiuslibet elo-
¹⁰ quij prædicatione laudari.

S. PROSPER AQTITANVS.

*Sufficienter, et arbitror, demonstratum est, REPREHENSORES S. AVGV-
 STINI, & vana obijcere, & recta impugnare, & praua defendere: peremptorumque
 armis intestinum bellum mouentes dictis diuinis, atque humanis constitutionibus rebel-
 lare. Quorum tamen, dum adhuc non sunt à fraterna Societate diuisi, toleranda magis
 est intentio, quàm desperanda correctio: donec Dominus per Ecclesiæ Principes, & le-
 gitimos iudiciorum suorum ministros hæc, quæ PER PAVCORVM SUPERBIAM,
 ET QVORVNDAM IMPERITIAM sunt turbata, componat. Nobis Deo adiuvante,
 sit studium quietæ, modestæque patientiæ odijs dilectionem reddere, & ineptorum vi-
 rare confidius: veritatem non deserere, nec cum falsitate certare. In peroratione con-
 tra Collatorem.*

S. ALIPIVS TAGASTENSIS.

*Quare iam, SOCII MEI, expectationem vestram, qua me ad respondendum
 provocatis, certiore spe mecum ad discendum conuertite. Habemus Ducem Augusti-
 num, qui nos in ipsa veritatis arcana, Deo iam monstrante, perducet. Apud Augu-
 stinum in fine lib. 3. contra Academicos.*

F I N I S.

(2)

DISSERTATIO HISTORICA
DE SYNODO QVINTA
ÆCVMENICA

IN QVA

Origenis ac Theodori Mopsuesteni Pelagiani erroris
Auctorum iusta damnatio exponitur,

E T

AQVILEIENSE SCHISMA DESCRIBITVR.

AVCTORE

P. M. HENRICO DE NORIS
VERONENSI

AVGVSTINIANO S. THEOLOGIE PROFESSORE,
& S. Romanæ vniuersalis Inquisitionis Qualificatore.



P A T A V I I.

Typis Petri Mariæ Frambotti Bibliop. 1673.

SUPERIORVM PERMISSV.

THE HISTORY OF THE
CITY OF LONDON
FROM THE FOUNDATION
TO THE PRESENT TIME

By JOHN STOW, Citizen and Surveyor of the City of London.
The second Edition, with many Additions.
LONDON, Printed by I. B. for J. Stow, at the Sign of the Gun, in St. Dunstons Church-yard, 1618.



INDEX CAPITVM

Disertationis Historicæ de Synodo V.

- PRAEFATIO.** **O**ccasio, atque argumentum vniuersi operis. Pag. 1
- Cap. 1.** Noni in Palestina Origenis defensores. Iustinianus Imperator Origenem damnari curat à Vigilio, alijsque Patriarchis. Quo tempore ista contigerint, curti-
sius indagatur. 3
- Cap. 2.** Iustinianus ab Halloix obiectiõibus asertus. Illius in Theologicis disciplinis eruditio
contra vulgarem sententiam demonstratur. Suida textus restitutus, ac reprehensus.
Origenes iam olim ante Iustiniani tempora ab Ecclesia damnatus, praesertim ab Hera-
cla Alexandrino perperam hoc aduersario pernegante. 12
- Cap. 3.** Origenista trium Capitulorum proscriptionem moliantur. Scribit contra eadem editum
Iustinianus, & obortis dissidis Synodum Constantinopoli indicendam curat. Pergit
eò Vigilius Papa. 18
- Cap. 4.** Vigilius Papa Indicatum contra tria capitula scribit. Africani, atque Illyrij acerrime
Indicato aduersantur. 28
- Cap. 5.** Theodorus Mopsuestia Pelagianus è sacris Diptychis expunctus. Nonnulla de eisdem
diptychis adnotantur, & Diptychion Mopsuestenum illustratur. Iustinianus publicat
editum contra tria Capitula, ac Vigilium, & Africanos Episcopos eidem resistentes
sanctis affligit. Moritur Mennas Patriarcha C. P. 35
- Cap. 6.** Eutychius eligitur Patriarcha Constantinopolitanus. Annus obitus S. Datij Mediola-
nensis statuitur, eaque occasione Procopij de annis belli Gothici an acronismus demon-
stratur. Origenes Pelagianorum Amasius in Synodo V. Oecumenica damnatur. Hal-
loix ubique falsi conuictus. 51
- Cap. 7.** Synodus V. contra tria capitula celebratur. De anno Synodi singularis opinio Christiani
Lupi V. C. confutatur. Vigilius Papa Concilij acta scripto Constituto reprobat. Eua-
grius, ac Didymus Origenista in eadem Synodo damnantur, Halloix perperam ne-
gante. 62
- Cap. 8.** Vigilius Synodum V. approbat. Eiusdem exilium improbat. De anno obitus Vigiliij
Turonensis, Sirmondij, aliorumque opiniones reiectæ. Halloix ubique falsitatis
conuictus. 73
- Cap. 9.** Romanos Pontifices Vigiliij successores Synodum V. approbasse contra Halloix ostenditur,
& Aquileiensem Schisma describitur. 78
- S. 1.** De Pelagio primo. ibid.
- S. 2.** Ioannes Tertius Synodum V. approbat. Iustinianus Imperator moritur. De anno obi-
tus eiusdem differitur. Panuinij, ac plarium Scriptorum falsi corriguntur. Iustinus
successor contra schismaticos mitius agit. Hispani defendunt tria Capitula. 84
- S. 3.** Iustinus Narsetem ex Italia reuocat. Schismatici Italia sub Longobardis obstinatio-
nes contra Synodum V. Benedictus Papapro Synodo pugnat. Iustino mortuo succedit
Tiberius. De tempore imperij Iustini, Tiberij, ac Mauricij, itemque Praturæ Vrba-
nae, & Monachatus S. Gregorij Pape disputatur. 89
- S. 4.** Schismaticorum Episcoporum Synodus apud Gradum cogitur. Pelagius II. literis
dein per Smaragdum Exarchum eisdem compescere conatur. Plurimum Scriptorum de
Patriarchis Aquileiensibus Schismaticis dicta corriguntur. Pelagium Vigiliij Consti-
tutum nouisse contra Halloix demonstratur. 96
- S. 5.** Sanctus Gregorius Magnus Synodum V. approbat, ac Schismaticos Episcopos Istriae
compescit. 108
- S. 6.** Aquileiensis Ecclesia Quintam denique Synodum recipit. 117
- Cap. 10.** Virum ex Schismate ortum traxerit Patriarchatus Aquileiensis, Ecclesiastica Hierar-
chia dinisio pramittitur. Salmasij opinio reiicitur. Patriarcharum nomen unde, &
quinam antiquitus fuerint. De primatu Ecclesiæ Aquileiensis, Mediolanensis, ac Ra-
uennatis disputatur. Aquileiensis Metropoli antiquitas defenditur. Varia Baronij,
Sirmondi, ac Salmasij sententia examinantur. 120

Index Capitum.

- Cap. 11. *Theodorum Mopsuestenum Pelagianum, ibam, ac Theodoretum Theodori laudatores contra Synodum V. ex Concilio Chalcedonensi Ratuis Halleix perperam defendit.* 142
- Cap. 12. *Origenem de divina gratia rectè sensisse quidam Recentiores falsò docuerunt.* 154
- Cap. 13. *Rufinus Origenistarum, ac Pelagianorum Coryphaeus, itemque Eusebius Caesarensis Arianus ab Halleix perperam defenduntur.* 158

A P P E N D I X.

- Cap. 1. *Probatnr S. Augustinum satisfecisse argumentis Iuliani. Sex libri contra eundem Iulianum recens inuenti S. Augustino auctori à Synodis attributi. Egregium de hysdem Mari Mercatoris testimonium.* 169
- Cap. 2. *Cassianus à Semipelagianismo infelicitè à nonnullis vindicatus. Massilienses Semipelagiani à quibusdam iniuste excusati.* 176
- Cap. 3. *Faustus alter Semi Pelagianorum Princeps defenditur à Recentioribus, Sancti Patres Fausti damnatores ab eisdem improbat, & haesecus falsò accusati.* 182
- Cap. 4. *Gennadius Massiliensis Semi Pelagianus à Recentioribus excusatus.* 187





DISSERTATIO HISTORICA DE SYNODO QVINTA OE C V M E N I C A

I N Q V A

ORIGENIS, AC THEODORI MOPSVESTENI PELAGIANÆ SCHOLÆ
Doctōrum iusta damnatio exponitur, & Aquileiense
Schisma describitur.

P R Æ F A T I O

Occasio, atque argumentum vniuersi operis.



Rigenem Pelagianorum Principem fuisse non modò Patrum
testimonia euincunt, verùm etiam id ipsum ex eiusdem libris
initio Historiæ Pelagianæ ad oculum nobis monstratum est.
Theodorum quoq; Episcopum Mopsuestiæ pro Pelagiano
dogmate contra D. Hieronymum, atq; Orthodoxos scripsis-
se, ac Iulianum Eclanensem ex Italia profugum humaniter ex-

cepisse, eumq; nouis ad Augustinum oppugnandum suppetijs instruxisse, quæ
harum rerum Scriptoribus incomperta fuerant, ex Photio, & Mario Merca-
tore libro priori eiusdem operis capite 9. & 22. ostendimus. Vtroq; verò an-
no 553. à Synodo V. Oecumenica damnato, Pelagianæ scholæ in antiquio-
rum magistrorum proscriptione infamia paruit, quæ olim cum Pelagio, Cele-
stio, ac Iuliano Catholico Orbe exacta fuerat. Verùm nuper nouus Origenis
aduocatus emerfit, qui facta, vt ipse ait, *ad Veritatem appellatione* antiqua Pa-
trum decreta irridens damnati hominis causam retractare non extimuit, quæ
etiam occasione Theodorum Mopsuestenum eodem igne sacro fulguritum de-
fendendum suscepit. Petrus Halloix I. eodienfis ingenti apparatu rem aggres-
sus est eo ardentiori erga Adamantium studio, quo potentioribus iste hosti-
bus premebatur. Non lata à Synodo V. contra Origenem, ac Theodorum
sententia, non concurs eam in rem Summorum Pontificum consensus homi-
nem ab incepto reuocare potuit, immò & Synodum ipsam sibilis, ac ma-
ledictis per summam temeritatem excepit, & Romanorum Præsulum decreta
ne pili quidem fecit. Synodus V. collatione VIII. canone XI. ait: *Si quis non*

A

anathe-

anathematizat Arium, Eunomium, Macedonium Apollinarem, Nestorium, Eutychem, & ORIGENEM cum impijs eorum scriptis, & omnes alios hereticos, qui condemnati sunt, & anathematizati à Sancta Dei Catholica, & Apostolica Ecclesia, vel predictis sanctis quatuor Concilijs, sed & eos, qui similia cum predictis hereticis sapuerunt, aut sapere noscuntur, & usq; ad finem permanserunt in propria impietate, talis anathematis sit. Canone verò XII. Theodori damnationem subdit, in cuius fine ait: Si quis igitur defendit predictum impijsimum THEODORVM, vel impia eius scripta, in quibus tam predictas, quam & alias innumerabiles blasphemias euomit aduersus magnum Deum, & Salvatorem nostrum Iesum Christum, & non anathematizat eum, aut dicentes rectè eum exposuisse, & eos, qui pro ipso scripserunt, & similia ei sapuerunt, aut pro eo scribunt, vel impia eius scripta, & eos, qui similia ei sapuerunt, aut sapuerunt aliquando, & usq; ad finem permanserunt, aut permanent in huiuscemodi impietate, TALIS ANATHEMA SIT. Quid hic agit Halloix? Ob damnatos clientes indignatus libro apologiæ 4. quæstione 10. §. 13. exclamat: Perniciosi simi istius Concilij inuito, & reluctante Pontifice coacti, & prædicti primus author, & fautor instigante Diabolo fait Iustinianus. Et §. 12. dixerat: illam Synodum magis ab Ecclesia toleratam esse, ac permissam, (ut solent in quibusdam rebus publicis mala quædam, & peccata permitti grauiorum malorum metu) quam grato, ac volenti animo admissam, ac receptam. Apponitur ibidem in margine hoc scholion: Melius fuisse, si Concilium V. nunquam fuisset, nec esset. & §. 21. vociferatur: Quomodo enim Iustiniani Conciliabulum instigante Diabolo concitatum, & confectum potest ulla veneratione esse dignum? At Synodus Sexta, itemq; Septima Origenem, ac Theodorum anathemate percusserunt. Sexta quidem actione 17. in definitione fidei post quatuor priores Synodos commendatas ait: Super has, & ultima harum Quinta Sanctæ Synodi, quæ hic congregata est aduersus Theodorum Mopsuestenum, Origenem, Didymum, & Euagrium &c. immutatas quidam in omnibus renouans sanctiones &c. Septima verò in definitione pariter fidei damnauit Origenis, Didymi, & Euagrii nugas, fabulasque. Hæc tamen sacra fulmina inani iâu cecidisse putat, nam responder §. 23. pag. 390. in margine: Sexta Synodus in errorem tracta est à Quinta, & post se traxit Septimam. Verùm Sancti Pontifices Pelagius II. ac Gregorius Magnus, qui paulò post Synodum V. eodem nempe sæculo pontificatum iniere, illam approbarunt. Cede his tandem Halloix, ac per Romanos Pontifices oracula Deo publicante, ne hiscere quidem audeas. Hæc tamen rursus reponere haud illi in religionem venit: Pelagium II. non vidisse Constitutum Vigilij, & falsis Concilij V. actis deceptum. §. 19. pag. 363. Illi verò & successorem S. Gregorium, reliquosq; Pontifices ignorantie socios adiungens §. 21. pag. 374. Non vidit proinde, inquit, non vidit Gregorius Vigilij Constitutum, neq; illi quoq; Pontifices viderunt, qui Gregorium in hac de tribus capitulis opinione secuti sunt. Reliqua sanè, quæ in Sanctam Synodum contumeliosa idem Scriptor per summam audaciam congerit, libens prætereo, ne tanta conuiciorum strue pij Lectoris oculos offendam. Mihi quidem decretum est, Origenem, ac Theodoru Mopsuestenũ, quos in historia Pelagiana hæreseos illius magistros fuisse monstrauimus, iure, ac legitime in Synodo V. damnatos ostendere. Quæ vt facilius exequi possim, opere pretium duco, eiusdem Synodi historiam paucis contexere, satis enim confusè ab alijs literis mandata est; vnde Halloix illius aggrediendæ consilium audacter quidem, sed non æquè feliciter sumpsit.

CAPVT I.

Nouum in Palaestina Origenis defensores. Iustinianus Imperator Origenem damnari curat a Vigilio, alijsq; Patriarchis. Quo tempore ista contigerint, curiosius indagatur.

Rediori Christianæ religionis dogmati Anastasio Imperatore hæretico grauius vulnus illatum fuerat, quàm quod Iustini successoris Orthodoxæ doctrinæ tenacissimi industria citiùs potuerit sanari. Scuro quidem Antiocheno, & Petro Apameensi damnatis, ac Chalcedonensis Synodi decretis feuerissimis legibus firmatis, plurimi passim ad meliorem frugem reuertebantur. Cæterùm Iustiniano postea imperium indepto noua Origenistarum pestis erupit, quæ Palaestinam vniuersam in partes distraxit, ac Catholicum Orbem longioribus disidijs impleuit. Et quidem circa annum post Seruatoris aduentum quadringentesimum eadem regio varijs in causa Origenis tumultibus afflicta fuit, quibusdam hominem defendentibus, longè pluribus eundem detestantibus, quæ quidem Ecclesiastici Annales exactè describunt, de quibus etiam diximus lib. 1. hist. Pelag. cap. 2. Porro exitialis secta repressa videbatur, mortuus enim Ioanne Hierosolymitano, Rufino Aquileiensi, ac Metania seniore magnis Origenis aduocatis, nullus Orthodoxi nominis professor Origeniana paradoxa palam defendere audebat, quando integro postea elapso sæculo eadem superstitione emerfit, & non modò ludæant originem eius mali, sed Orbem vniuersum nouis dissensionibus inuoluit, ita diutius sub cinere latitans ignis latè serpente flamma vniuersa absumptius erupit. Totius conflator incendijs S. Quiriacus Anachoreta, cui de facie probe idem cognitus fuerat, hisce describitur: *Nonnus fuit horum malorum primities, qui cum non ignauum ad hæc administrum inuenisset Leontium Byzantinum, post decessum Beati Patris nostri Sabæ continuò hunc malum morbum seminauit ubiq; in Ecclesia.* Apud Surium die 29. Septembris. Hic Sabas cum maximam Lauram condidisset (ita enim desertus locus dispersis, atq; abs se inuicem disiectis cellulis Anachoretis habitatus vocabatur) in Monachorum rigidioris disciplinæ impatientium odium incidit, quare aliò diuertere compellus est; at Eliæ Patriarchæ mandatis paulò post reuocatus suæ iterum Lauræ præficitur. Verùm illi, quos liuor in sanctissimum virum vrebatur, rotundo agmine discedentes propè torrentem Thecux deiectas iam olim cellulas restaurantes, alteram Lauram fundarunt, quam etiam *Lauram Nouam* nuncuparunt. Hos tamen rebelles Monachos magnus Sabas plurimis beneficijs ad obsequium reduxit, Ioanne viro spectatæ virtutis eisdem præposito, qui cum sanctissimè Jemandatum munus per septennium obiisset, satis concessit. Fertur morti proximus hæc vaticinatus: *Ecce veniunt dies, in quibus, qui præsentem locum habitant, desicient a recta fide.* Successit Paulus origine Romanus, sub cuius præfectura Nonnus Palaestinus cum Leontio quodam Byzantino Monachum induit. Erat iam diu Origenianæ scholæ paradoxis innutritus, statimq; pellicinum virus in reliquorum animos instillare coëcepit. Cæterùm Paulo regiminis pertaso, ac proinde vix sexto præfecturæ mense exacto spontè in Arabiam

secedente Agapetus Lauræ regimen assumpsit, qui Nonnum vñd cum aliis in
 bus Monachis Origeniano dogmate infectis è Laura expulit. Nonnus E
 Patriarcha anno 518. decima die post Anastasij Imperatoris mortem defuncto
 Ioannem successorem adit, rogatq; vt iterum Lauræ restitatur, at Ioannes au
 ditam ab Agapeto facti causam, rationemq; probauit. Agapeto intra qui
 quennium extincto succedente Mammante homine simplicissimo Nonnus,
 collegæ intra nouam Lauram admittuntur, *malignum quidem morbum ad huc in*
animis inhabitantem circumferentes, sed quem metu Sabæ non proferebant, nec ad ad
rum aures audebant transmittere. Horum author venit Cyrillus Scythopolit
 in libro de vita Sabæ apud Suriurum die 5. Decembris. Sed ficta citò in natur
 suam redeunt, haud diu Nonnus praua dogmata dissimulare potuit, sed in
 quidem clanculum, postea vbi plurimos sectatores se habere intellexit, in
 tu omni deposito magnus Origenianæ doctrinæ magister palam euasit, & po
 modò nouæ Lauræ, sed & reliquorum Monachorum animos sectæ adijcere
 emissarios curauit, vt ex cap. 11. vitæ S. Quiriaci colligitur. Cæterum S
 meliores in Orthodoxo dogmate continebat, & quò validiori impetu Non
 machinas frangeret, circa annum 528. corpore licet imbecilli, & ob senec
 tem iam in curiuitatem declinante, erat enim nonagenarius, ex Palæstina Co
 stantinopolim ad Iustinianum Imperatorem profectus Principis opem contra
 Origenistas iam tota Palæstina ebullientes implorauit, ita verò fertur Im
 peratorem allocutus: *Arij, Nestorij, & Origenis dogmata conturbant Ecclesias, nu*
nunt eas pura frui tranquillitate, & ideo à tua potentia magnum est adhibendum
dum, vt omnibus viribus ea tollas de medio, & tantum malum procul expellas. Si
si feceris bonam spem conceipio, & in Deo confido fore, vt diues sequatur remuneratio, Ro
maq; vniuersa, & Carthago, & quæcunq; amiserunt, qui ante te imperarunt, con
tur rursus partes tui imperij. Apud memoratum Cyrillum cap. 94. Imperator
 barbarorum incursionibus repellendis intentus Ecclesiasticis rebus passim illi
 labentibus haud tam celeriter manum ad mouere potuit. Anno 531. Saba
 functo Origenistæ fortius in Palæstina animos collegere, atq; vniuersam in
 uinciam in partes trahere pertentarunt. Inter cæteros Nonni affectas
 bant Theodorus, ac Domitianus, qui postea ad sacras insulas euecti non vni
 malo Sabæ Monachos afflixere. Libeat ista à Cyrillo accipere, qui earum
 lamationum non modica pars fuit: *Postquam enim, inquit, fuit Ecclesia recens li*
rata ab hæresibus, & respirauit à longis illis tumultibus, & perturbationibus, quæ
nempe Seuerus, Petrus Apameensis, atq; Anthimus dederant, & fuit in ea
quies, & tranquillitas, malignus in eam rursus inuidum ingerens oculum mouet aduer
sus eam quosdam Nonni affectas, Domitianum inquam, & Theodorum, qui cum tam
olim sentirent ea, quæ Origenes, ubi etiam assumpserunt auxilium temporis, & etiam
alter quidam Galatarum, Theodorus autem Cæsareæ Cappadocia creati sunt Antistites,
magnam suam ostentarunt potestatem. Theodorus à Liberato Diacono cap. 2
 vocatur *Origenis defensor;* de altero verò scribit hæc Facundus Hermianensis
 lib. 1. de tribus capitulis ad Iustinianum cap. 2. *Domitianus Ancyrensis ciuitatis*
Episcopus provincie primæ Galatiæ, qui fuit Origenianæ heresis manifestus assertor.
 Nonnus horum magni nominis Antistitum suffragijs sussultus Petri Patriar
 chæ Hierosolymitani animum tentauit, cumq; erga Monachos maximæ Lau
 ræ S. Sabæ conculcavit. Non est animus, hic recensere iniuriarum, ac malo
 rum

in myriadas, quas Origenistæ S. Sabæ Monachis intulerunt, videatur Cy-
rilus nobis memoratus cap. 106. Certè quicunq; Origenistis contradicebat,
Sancita ignominia causa appellabatur. Quare Monachi maximæ Lauræ com-
uni consilio Gelasium Præfectum ad Iustinianum Principem delegant de illa-
ta vi ab Origenistis conquesturum. Ille quidem è vestigio in regiam urbem
profectus diuturniorem ibidem moram faciens re infecta abire tandem cogi-
tur, omnes enim aditus, teste Cyrillo cap. 107. præoccupaverat vitii colophon, qui
in electorum erat præcipuus, Theodorus, eis diligentibus impositis custodibus, sac-
culatoribus, ne per aliquem eorum eis inscientibus ingrederetur Monachus ex Hiero-
solyms, & Patriarchæ, & Imperatoris aures ad se attraheret. Itaq; Gelasius ad
illos revertens animi moerore, ac longioris peregrinationis incommodis fra-
ctus extinctus est Amorij. Cum autem, prosequitur idem cap. 106. hoc rescivis-
sent Nominus, Theodorus, & Domitianus, & quicunq; erant eiusdem vitij emulato-
res Georgium, qui ipse quoq; scelerat sequebatur Origenis, eius loco Præfectum, & Du-
cern constitunt, & in divinis Sabæ throno (ò insitia, & Dei tolerantia!) collocant.
Sed huc diutius Nonno victoria latari licuit, nam paulò post tardæ Numinis
vindictæ poenas dedit miserrimè extinctus; statimq; etiam Georgius turpissi-
mi criminis reus è Sabæ Laura expellitur septimo præfecturæ mense, simulque
Cassiano viro integerrimo, qui anno 536. Synodum Constantinopolitanam
sub Menna subscripserat, regimen demandatur, qui tamen decimo mense de-
fectus Cononi locum cedit. Cononi, inquit Cyrillus, post ipsum nempe Cassia-
num, mandant Monachi præfecturam, mandant verò Deo, ut arbitror, Monachorum
animos ad hoc mouente, fuit enim vir ille summè resplendens, & rectis dogmatibus, &
omni virtute, & rectè factis; qui etiam in præfectura usus est magna cura, & diligen-
tia; nam & eos, qui illinc recesserant eieci ab Origenistis, Patres rursus collegit, et
Lauram, quæ a frequentibus illis tumultibus, et bellis hæreticorum iam inclinata fue-
rat, in genua mox erexit, ac veluti renouavit. Hic Conon per Pelagium Diacono-
num Apostolicæ Sedis Apocryfarium Origenem, ac postea in Synodo V. Origenis-
tas, quos inter fuit Theodorus Cappadox, damnandos curavit, uti nobis
suo inferius loco describetur.

Hæc quo anno gesta sint, Ecclesiasticæ historiæ scriptoribus incompertum
est. Ante cæteros mihi semper nominandus Baronius narratos huc vltq; tu-
multus recitat anno 532. Num. 29. concludens: Quod enim hæc ipsa annis singu-
lis hæud facile distingui possint, placuit unâ simul narratione relata prosequi. Illi ta-
men certum videtur memorata dissidia contigisse ante annum 537. nam eo an-
no Num. 28. narrat, Pelagium peracta Zoili Alexandrini Episcopi consecra-
tione ad aulam regiam redeuntem à Monachis Palæstinis libellos contra Ori-
genem ad Iustinianum deferendos accepisse, & anno insequenti Origenem ab
Imperatore, & Patriarchis fuisse damnatum. Non adprobo, nam extat lo-
cupletissimum contra eam opinionem testimonium. Anno 536. Maio mense
celebrata est Constantinopoli Synodus à Menna Patriarcha, cui plures etiam
Episcopi Itali interfuere, qui Agapetum Pontificem eò usque comitati fue-
rant; porro in eiusdem subscriptionibus legimus sessiones habitas præsentibus
inter reliquos Stephano Diacono, & ambasciatore Socherici Sanctissimi Episcopi
Cæsariæ metropolitani primæ provincie Cappadocum, & Gaiano Presbytero, & amba-
sciatore Elpidij Sanctissimi Episcopi Ancyran Metropolitani primæ Galatiæ. At tem-
pore

pore persecutionis Monachorum Lauræ S. Sabæ erat Episcopus Cæsarea Theodorus, & Ancyra Domitianus ex laudati Cyrilli tunc viuentis testimonio; quare post annum 536. cepta est illa persecutio. Habemus ergo Originem turbas à Theodoro Cæsarensi, ac Domitiano Ancyrano Nonni post annum 537. excitatis; quo verò sequenti tempore contigerint, ex libro de gestis S. Quiriaci satis apertè mihi colligere videor. Scriptor vitæ illius Sancti Anchoretæ apud Surium die 29. Septembris chronologiam exactam vitæ eiusdem exhibens cap. 3. hæc narrat: *Iam decem, et octo annos natus sum quidem anno Magni Leonis, octavo autem Anastasij Hierosolymorum Pontificatus sanctam ciuitatem venit. Erat annus Epochæ Christianæ 465, nam Leo ad imperium euectus est Constantino, & Rustico Coss. anno 457. VII. Idus Iulii.* Postea cap. 7. scribit: *Venit in Sanctam ciuitatem decem utiq; et octo annos natus, mansit autem nouem apud S. Gerasimum; transiit decem annos in monasterio sancti Euthymij. Ministravit autem triginta, et nouem in Laura Suda. Quinque anni preterierunt, dum cœsaretur scellis in solitudine Natupha, et totidem alij rursus in Rebe, et quod ipse septem quidem annis manserit in Susacim iam relatam est. In sancti autem Charitonis spelunca quinquæ annos degit. Addit deinde decem in super eandem annos vixisse. Facta ergo temporis supputatione à duodeuiginti annis, quibus anno 465. Hierusalem Quiriacus, qui alijs Cyriacus est, primùm venit, ab hinc annis 75. ætatis 93. Christianæ Epochæ 540. in S. Charitonis spelunca se recepit. At cap. 10. hæc legimus: *Mota itaq; misericordia bona illa, & illius anima Quiriacus rursus descendit ad lauram, & cum ad beati Charitonis cellam, que transiisset annos vehementissimè decertauit aduersus eos, qui eadem sentiebant, Origenes. Porro dum ibidem Quiriacus versabatur, Cyrillus Scythopolitæ cum literis Ioannis Silentiarij ad eundem venit: Literæ autem significabant, tunc fuisse suscitatum aduersus sanctam ciuitatem, & eum obsecrabant, ut Deum oraret intensius, ut qui erant in noua Laura cum Nonno, & Leontio, qui Origenis dogmata defendebant, & aduersus rectam fidem militabant, vincerentur. Quiriacus literis perlectis tale Cyrillo responsum dedit: Dic ei, qui te misit, ne animo angustetur. Pater, cito enim videbimus Nonnum quidem, & Leontium vitæ excessisse mortem.* Ex his palam fit post annum 540. Nonnum graues illas turbas dedisse, ac proximam Lauram S. Sabæ inuasisse, Gelasium illius præfectum ad Imperatoris aditu prohibitum, Georgium Origenistam Monachis Sabæ Abbatem constitutum, ac paulò post Nonnum extinctum. Vnde cap. 13. inquit: *Quoniam autem quando legum Origenis diligens custos Nonnus turpissimo exitu expulit animam, et cetera fuerunt omnes eorum vires, et cœsavit bellum aduersus Orthodoxos, et illi inter inuicem prælia eierunt, et pericula, multi venientes in antrum Charitonis diuino Variano non paruum exhibebant molestiam eius silentium, et quietem inturbantes. Hæc Quiriacum subscripsisse Synodum Mennæ scribit Baronius in notis ad diem 29. Septembris. At in subscriptione Synodi ita legitur: *Cyricus Diaconus, Monachus ipsius nouæ Lauræ.* Eo verò anno 536. quo habita fuit illa Synodus, S. Quiriacus erat Presbyter, nam cap. 6. vitæ eiusdem scribitur: *Quæ ætate anno atatis prouehitur ad honorem Presbyteratus, nempe anno 487. etenim anno 465. duodeuiginti annos habebat, ergo ille Cyricus Diaconus alter fuit à S. Quiriacò. Præterea, ut patet ex laudato testimonio, toto septennio ante annum 540. degit Quiriacus in solitudine Susacim, neq; vnquam fuit at Monachus in noua Laura.***

Rurfus ex tempore consecrationis Zoili Episcopi Alexandrini id ipsum etiā potest confirmari, qua de re cum summi viri Baronius, ac Panunius in diuerfas sententias abierint, hic enim anno 543. ille verò 537. Zoilī inaugurationem ponit, id diligentius indagandum est, inde enim damnati Origenis tempus exactè intelligetur. Dioscorum iuniorem anno 517. Alexandrinam sedem indeptum fuisse tradit Viſtor illius temporis scriptor in Chronico: *Agapito V. C. Cof. Ioannes Alexandrinus Episcopus moritur, & pro eo Dioscorus ordinatur.* Theophanes etiam insignis Chronographus anno 26. Anastasij scribit: *Hoc anno Ioannes Nicæta Alexandria Episcopo heretico vita functo Dioscorus minor Timotheus Æluri nepos Alexandrinus Præful est institutus.* Anno verò sequenti recitat Anastasij Imperatoris mortem, qui obiit anno 518. nona Iulij, cum imperasset annos 27. menses 3. Quare ex Theophane etiam anno 417. Dioscorus Alexandrinæ Ecclesiæ thronum occupauit. Annos illum tres in Episcopatu transigisse S. Nicephorus Patriarcha C. P. idemq; Theophanes scribunt, quibus tamen aliquot menses addendi sunt, nam eiusdem obitum recenset Viſtor anno 521. *Valerio, & Iustinianno Cof. Alexandrina Ecclesiæ Dioscoro Episcopo mortuo Timotheus succedit.* Theophanes etiam anno tertio Iustini, nempe 521. Dioscoro mortuo Timothei initia recitat, cum anno superiore Vitaliani consulis necem, quæ patrata est anno 520. narraſſet. Baronius anno 519. Timotheum sedisse scribit, quòd Liberatus Diaconus cap. 19. narrat, Seuerum Antiochia fuga elapsum Alexandriam cum Iuliano Halicarnasſeo se recepiſſe, additque: *Eo tempore Alexandria mortuo Dioscoro minore Timotheus Ecclesiæ illius suscepit episcopatum, à quo gratiſſimè ſuſcepti Seuerus, & Iulianus ſedebant ad labronem.* At Seuerus fugit anno nuncupationis Antiochenæ quingenteſimo ſexageſimo ſeptimo menſe Gorpia ex Euagrio lib. 4. cap. 4. nempe menſe Septembri anno 519. vulgaris Epochæ, & ex literis Dioscori Legati ad Hormiſdam Papam datis C. P. Tertio Kal. Iulias Eutharico Cof. anno 519. eodem menſe Paulus Antiochiæ Præful electus fuit, cuius electione intellecta Seuerus Antiochiam reliquit. Verùm Liberatus ſuſceptos à Timotheo Seuerum, ac Iulianum dicit, nempe tum electus fuit Episcopus, non autem cum iſti Alexandriam primùm peruenere, etenim tum temporis ſediſſe Dioscorum his teſtatur Theophanes: *Eo nuncio accepto fugit Seuerus, ac pariter Iulianus Halicarnasſi Episcopus, & Dioscoro Alexandrinum adhuc Episcopatum adminiſtrante in Ægyptum proſecti &c.* Anno itaque 521. Timotheus Alexandrinam Eccleſiam gubernandam ſuſcepit. Hormiſda quidem Pontifex anno 519. ſcripſerat Dioscoro ipſius ad Iuſtinum Legato, velle ſe eidem ab Imperatore Alexandrinam ſedem impetrare, erat enim Dioscorus patria Alexandrinus; legatur epiſtola 54. Hormiſdæ. Ex quibus mihi probatur, tunc non ſediſſe Alexandriaſt Asterium Catholicorum Episcopum, cuius neque vllam mentionem faciunt Theophanes, nec Tunonenſis, nec Liberatus in Breuiario, nec Leontius in libro de ſectis act. 5. qui duo Scriptores Alexandrinorum Episcoporum ſeriem diligentiffimè concinnarunt. Huc tamen Asterium vnà cum Timotheo ſediſſe ſub Iuſtino ex actis S. Arethæ Martiris colligit Baronius, quorum fides confirmari videtur ex Nonnoſi excerptis apud Photium Cod. 3. Caſtiganda tamen hic eſt narratio Ricciolij Reformatoris Chronologiæ, qui tomo 3. catalogo IX. in elencho Patriarcharum Alexandrinæ Eccleſiæ pag. 17. hæc de Aſterio ſcripſit: *Aſterius Catholicus in ſuo Iuſti-*

*Iustiniani Imperatoris datus Catholicis vltimo adhuc Timotheo, eius adherentibus hereticis sedit iure 15. annos. Hunc ibidem electum ponit anno 535. Acta S. Arcthe, & Sociorum apud Surium die 24. Octobris hoc initium habent: Instabat quintus annus, ex quo Iustinus acceperat sceptrum Romani imperij. Quintus Iustini annus incepit 9. Iulij Epochæ Christianæ 522. quo anno Asterio Alexandrino Episcopo Martyres illi passi dicuntur. Non ergo à Iustiniano Arethas Alexandrinis sacris præpositus fuit. Quod addit sedisse illum annos 15. iure, falsum est, nam mortuus fuisset Asterius anno 550. Cum tamen ibidem asserat Paulum Catholicum anno 536. iussu Iustiniani electum fuisse Alexandria Antistitem, & sequenti 537. Zoilum item Catholicum; cur enim viuente Asterio viro Orthodoxo suppres Episcopos Iustinianus dedisset? Sed ad Timotheum redeo. Hunc sedisse annos decem, & septem Theophanes affirmat, totidem eidem annos assignat S. Nicephorus Patriarcha: ergo moritur anno 538. Exatè itaq; Victor in Chronico scribit: *Ioanne V. C. Cos. Alexandrine Ecclesie Timotheo mortuo, qui Dioscuro minori successerat, duopopuli electione peruersi ordinantur vno die Episcopi Theodosius, & Gaianus.* Atq; hoc pacto & Victor septemdecimi Timotheo annos tribuit. Fuerat Theodosius Timothei Archidiaconus, Gaianus verò à sacris orationibus ex Leontio actione 5. libri de Sectis. Hoc Schisma crudite narrat Liberatus, qui tunc vivebat, cap. 20. sui Breuiarij, quod eo anno 538. contigisse confirmat Theophanes, qui Gaiani initia statuit anno Iustiniani XI. qui cum parte eiusdem anni concurrat. Author est Liberatus, Theodosio causam adiudicatam fuisse in exilium Gaiano deportato post dies centum, & tres à suscepto Episcopatu. At post duos menses Theodora Augusta Narsetem summa cum potestate Alexandriam destinauit, vt suscitatos contra Theodosium tumultus compesceret. Theodosius cum mansisset in sede anno vno menses quatuor paucis ei communicantibus Alexandria profectus Constantinopolim venit, vbi cum nullatenus Chalcedonensem Synodum recipere veller, Theodora mitius exilium deprecante sexto ab vrbe regia miliario in basilicam viæ ad Stempontem insidentem relegatus est. Hinc rectè Victor, Nicephorus, ac Theophanes duos Episcopatus annos Theodosio concedunt; anno ergo 540. depositus est. Victor Theodosium exilio multatum scribit *Iustino Consule*, eo inquam anno 540. Hoc ipsum ex literis Vigilij Papæ deducitur, qui respondens Mennæ Constantinopolitano Antistiti confirmat latum ab eodem anathema in Theodosium Alexandrinum, aliosq; Seueri, ac Petri Apameensis sectatores. Datæ sunt literæ Vigilij XV. Kal. Octobris Iustino V. C. Consule.*

Interea Paulus Tabennensiorum Monachorum Abbas Constantinopolim venerat Iustiniani opem imploraturus; monachienim, quibus præerat, palam eundem despiciebant, nullaue ratione ad officium reuocari poterant. At diuino nutu, inquit Liberatus cap. 23. *cathedram vacantem inueniens meruit per Pelagium Diaconum Vigilij Papæ Apocryfarium Alexandria Episcopatum.* Hæc electio contigit Basilio V. C. Cos. anno 541. ex Tunonensi, Alexandrine, inquit, *Ecclesie Theodosio, atq; Gaiano exulatis Paulus præpositus Tabennensiorum Monachorum à defensoribus Synodi Chalcedonensis ordinatur Episcopus.* Theophanes in tabulis Chronologicis Pauli Patriarchæ initia recitat anno Iustiniani XIV. qui cum anno nostræ Epochæ 541. concurrat. Paulo Nicephorus, ac Theopha-

phanes duos sacræ præfecturæ annos assignant, Baronius vnum tribuit, sed si-
 ne teste. Et hic quidem Pauli electionem ad annum 536. collocat, quod Li-
 beratus cap. 23. illius electione recitata pacem Ecclesijs datam affirmat anno
 X. Iustiniani. Sed plures codices annum non recitant, & certè Baronius ad
 annum eundem Num. 118. cum annum nullo numero signatum legeret addi-
 dit decimo: ita; inquit, *supplendum ex rebus gestis superius enarratis*. Sed si an-
 nus decimus in vetustioribus codicibus habeatur, Liberatus non ad Alexan-
 drinam Ecclesiam, sed ad Orientalem respexit damnatis Scuero, vt ibidem
 notat, atq; Anthimo in Synodo Constantinopolitana à Menna Patriarcha, &
 postea ab Imperatore, & Petro etiam Hierosolymitano in Concilio provin-
 ciali. Vir clarissimus statuit initia Vigilij Papæ anno 537. At Liberatus scribit
 eo ipso loco: *Paulus ordinatus est à Menna Constantinopoli presente Pelagio responsa-
 rio Vigilij*. Quare Vigilio Pontifice Paulus consecratus fuit. Ceterùm paulò
 post, cum idem Paulus in homicidij suspicionem venisset, misso à Principe cum
 literis Pelagio Diacono à Patriarchis Antiochia, & Hierosolymorum, itemq;
 Hypatio Ephesino depositus fuit Zoilo Alexandrinis sacris præposito. Res
 Gazæ in Palæstina peracta est anno 543. Certè Zoilo septem sacræ præfecturæ
 anni tribuuntur à Nicephoro, & Theophane, cum verò anno 551. depositus
 fuerit Apollinare subrogato, vt constat ex literis Vigilij Papæ, in quibus legi-
 tur anathema contra Theodororum Cappadocem latum, vt ad eum annum dice-
 mus, datæ enim sunt literæ anno P. C. Basilij X. die 14. Augusti, eiusdem Zoi-
 li inauguratio citra annum 543. retrahi nequit. Electionem, ac depositionem
 postea Pauli Alexandrini præter Liberatum recitat etiam Procopius in arcana
 historia pag. 120. additq; nonnulla, ex quibus & Ecclesiastici annales supple-
 ri possunt, & tempus depositionis eiusdem faciliùs intelligi. *Paulus, inquit,
 haud diu fuit, cum Byzantium appulit rogaturus Imperatorem, & pondo septies centum
 auri oblaturus, ut in sacerdotium restitueretur &c. Nemini iam dubium erat, quin Sa-
 cerdotium Paulus esset consecutus. Verùm enim verò Principi id imperanti haud qua-
 quam Vigilius, qui per id tempus Byzantij versabatur, concedendum censuit, neq;
 de-
 sententia à se nimirum per Pelagium lata decedendum. Quare si Paulus dignitate
 priuatus paulò post Byzantium venit, nequaquam tamen voti compos euasit
 Vigilio resistente, manifestum est, integrum decennium non intercessisse, sed
 tres circiter, aut quatuor annos Vigilio initio sere anni 547. Byzantium ap-
 pulso, à quo Paulus repulsus tulit. Interim corrigendus venit Bollandus in-
 notis ad vitam S. Ioannis Eleemosinarij die 23. Ianuarij, vbi §. 3. num. 14. di-
 cit Zoilum anno 538. electum, ac sedisse annos septem, quod falsum esse con-
 stabit ex literis modò laudatis, quarum testimonia ad annum 551. dabimus, &
 ex Facundo Hermianensi insigni illius ætatis scriptore, qui lib. 4. cap. 4. scri-
 bit: *Zoilus quoq; Alexandrinæ Urbis Antistes cum Romanum Episcopum venire co-
 gnosceret obuiam illi ad Siciliam misit, conquerens necessitate se ad ipsius decreti affirma-
 tionem fuisse compulsum; Quod hic ei nempe Constantinopoli Romanus Episcopus in
 facie palam nobis quoq; inter alios presentibus, exprobrauit*. Ecce oculati testis: as-
 sertione Zoilus anno 547. quo Vigilius Papa Constantinopolim venit, Alex-
 andrinam Ecclesiam gubernabat. Vnde Reformator Chronologiæ audient-
 dus non est, qui Zoilum consecratum ait anno 537. atq; eodem ipso anno de-
 lectum Apollinare subrogato, cui annos XXIII. Episcopatus fingit, cum Ni-*

cephorus, ac Theophanes XIX. tantùm assignent, nam mortuus est anno 570. cum anno 551. in Zoili locum substitutus fuisset. Improbum laborem assumere, si vellem, vel vnus catalogi huiusce Reformatæ Chronologiæ errores corrigere. Certè in Baronio legere poterat, Zoilum vsq; ad annum 551. Alexandrinam Ecclesiam rexisse. At annos ex arbitrio addere, demere, sine teste, sine tabulis haud equidem, credas velim, est reformasse, sed deformasse chronologiam. Itaq; Zoilus anno 543. consecratur Episcopus, quæ erat eruditissimi Panninij mei sententia, quam pluribus illustrium Scriptorum testimonijs illustrauimus.

Pelagius Zoili consecratione peracta Constantinopolim rediens obuios quosdam Palæstinos Monachos habuit, qui libellos contra Origenem, ac sectatores ad Principem deferentes Pelagij operam etiam atq; etiam rogarunt. Ille quidem lubenti animo rei manum admouit, nam eo pacto Theodori magni Origenistarum patroni potentiam, atq; exultationem, qua plurimum apud Principem pollebat, deprimendam sperabat. Scribit Liberatus cap. 23. *Igitur Pelagius amulus existens Theodoro Casarea Cappadociæ Episcopo volens ei nocere, eò quod esset Origenis defensor, vnà cum Menna Archiepiscopo Constantinopolitano flagitabat à Principe, vt iuberet fieri, quod illi Monachi supplicabant, vt Origenes damnaretur cum ipsis capitulis talia docentibus.* Iustinianus Ecclesiasticis causis libenter se se immiscebat, præsertim cum nihil antiquius haberet, quàm hæresibus eliminatis pacem, ac tranquillitatem Ecclesiæ donare; vnde & plurima eiusdem edicta contra plerosq; Hæresiarchas leguntur. Et quidem plusquàm Laicum deceret, sacris disputationibus vel per multam noctem incumbere; quare haud difficulter Monachorum postulatis Mennæ, ac Pelagij hortatione accedente aures dedit: *Annuit, inquit Liberatus, Imperator facillimè, gaudens se de talibus causis iudicium ferre. Iubente eo dictata est in Origenem, & in illa capitula anathematis damnatio, quam subscribentes vnà cum Menna Archiepiscopo apud Constantinopolim reperti, deinde directæ est Vigilio Romano Episcopo, Zoilo Alexandrino, Euphymio Antiocheno, & Petro Hierosolymitano: Quibus eam accipientibus, & subscribentibus, Origenes damnatus est mortuus, qui viuens fuerat ante damnatus.* Encyclicam ergo epistolam scripsit Iustinianus ad quinque Orbis Patriarchas, quam Ecclesiasticis annalibus magnus Historicus inseruit anno 538. pag. 281. Illius autem hoc exordium fuit: *Nobis semper studio fuit, atq; etiam nunc est, rectam, & irreprehensibilem Christianorum fidem, statumq; sanctissimum Dei Catholicæ, & Apostolicæ Ecclesiæ perturbationum expertem vsquequaq; custodiri. Hæc nobis prima, & antiquissima cura est, per quam & nobis in presenti sæculo imperium à Deo traditum esse, & conseruari credimus, & Reipublica nostra inimicos subdi, & in sæculo futuro misericordiam in conspectu bonitatis eius nos adepturos speramus.* Postea: *Ad nos allatum est nonnullos Dei metum in animo non habentes, nec rectæ doctrinæ discrimen tenentes, quos saluatur quicunq; veritatem cognoscit, relictis diuinis scripturis, Sanctisque Patribus, quos Catholica Dei Ecclesia Doctores habet, per quos omnis vbique hæresis expulsa est, fides verò Orthodoxa declarata, Origenem, eiusq; dogmata Paganorum, & Arianorum, & Manicheorum erroribus affinia asserere, per quæ ille in foueam incidit. Inde eiusdem errores de mysterio Trinitatis, de animarum præexistentia, de anima Christi, alijsq; de rebus refert, ac Sanctorum Patrum testimonijs eisdem impugnatur; illorum verò summarium continetur in nouem canonibus,*

quos

quos epistolæ subijcit, eosq; nuper eruditissimis notis illustrauit meus Lupus Doctor, ac Professor Louanienſis in commentarijs ad Synodum V. ſubdit ibidem Imperator: *Hanc epistolam ad tuam Beatitudinem dedimus, qua cam hortamur, ut omnium, qui in hac regia Vrbe nunc degunt, sanctissimorum Episcoporum conuentum habeat, ac Deo amabilissimorum prefectorum sanctis, que hic sunt, monasterijs, faciatq; ut omnes in scriptis præfatum impium, ac Deorepugnantem Origenem, qui & Adamantius, quique Presbyter fuit sanctissime Ecclesiæ Alexandr. n.æ, & eius nefaria, impiaq; dogmata, capitulaque, que inferius ponuntur, omnimodis anathematizet. lubet insuper: Ne aliter ordinentur Episcopi, aut Monasteriorum Hegumeni, nisi prius cum alijs omnibus hæreticis, qui de more in libellis anathematizantur (eos ibi recenset) prædictum etiam Origenem, qui Paganorum, Arianorumq; insania laborauit, & nā cam execrabilibus, impijsq; eius dogmatibus anathematizene. Et tandem ait: Hæc porro eadem scripsimus non solum ad Sanctitatem tuam, sed etiam ad sanctissimum, & beatissimum Papam senioris Roma, & Patriarcham Vigilum, & ad ceteros omnes Sanctissimos Episcopos, & Patriarchas idest Alexandria, Theopoleos, & Hierosolymorum. Hanc epistolam mille maledictis excepit recens Origenis aduocatus, cuius dictæ capite sequenti refellam. Vbi hæc epistola publicata fuit, atq; teste Liberato à Vigilio Papa, ac cum reliquis Patriarchis etiam à Petro Hierosolymitano subscripta, Origenis nomen nouam infamiam subiit, eodem inter damnatorum capita relato. De hac Origenis damnatione tunc viuens Facundus Hermianensis lib. 1. ad Iustinianum Imperatorem cap. 2. scribit: *Inuenit autem desideratam occasionem ex furore quorundam, qui sub nomine Christiano latenter in Ecclesia gentile Origenis dogma sectantur & Et quia per instantiam tuæ religionis eiusdem profani dogmatis iterata damnatio est &c.* Quibus doctissimus Antistes aurea etiam Origenem damnatum fuisse declarat.*

Hoc pacto Monachi Palæſtini ad suos victores reuerſi Petro Patriarcha adnitente Origenistarum vires fregere expulſis his, qui damnato homini obſtinati adhærebant. Hæc quidem accidere S. Quiriaco adhuc in antro S. Charitonis degente, nam cap. 13. vitæ eiusdem hæc leguntur: *Quoniam autem quando legum Origenis diligens custos Nonnus turpissimo exitu expulſit animam, & fractæ fuerunt omnes eorum vires, & cessauit bellum aduersus Orthodoxos, & illi inter se inuicem prælia ceterunt, & pericula, multi venientes in antrum Charitonis diuino Quiriaco non paruum exhibebat moleſtiam eius silentium, & quietem interturbantes. Etenim Theodorus, Domitianus, ac reliqui Origenianæ factionis Duces paulò poſt Origenis damnationem procurata à Iuſtiniano trium capitulorum proſcriptione in pericula ſe coniecere, ac grauissimis diſſenſionibus afflicti ſunt, ut ſuo inferiùs loco explicabimus. Monachi autem nouæ Lauræ, vbi Nonnus, ac Leontius Origenianæ ſcholæ cathedram erexerant, deteſtanda obſtinatione damnatæ doctrinæ inhæſere, donec anno 554. à Laura expulſi ſanctioris dogmatis cultoribus locum dedere, ut eo anno nobis memorabitur. Hanc celebrem Origenis damnationem vbique à Patriarhis publicatam Baronius anno 538. reſenſet, ſed circa annum 543. ex chronologica diſſertatione de Zoili Alexandrini Episcopi initijs contigiſſe luculenter probatum eſt.*

CAPVT II.

Iustinianus ab Halloix obiectionibus assertus. Illius in Theologicis disciplinis eruditio contra vulgarem sententiam demonstratur. Sive textus restitutus, ac repressus. Origenes iam olim ante Iustiniani tempora ab Ecclesia damnatus, praesertim ab Heracla Alexandino perperam hoc aduersario pernegante.

TAm graue vulnus Origenianæ doctrinæ per epistolam illam inlatum est, vt Sectarij remedijs quibusq; desperatis ad ultionem animum verterint, quod capite sequenti monstrabitur; neq; enim vllus ausus est pro Origene contra Orbis Orthodoxi sententiam stare. At nudiustertius Leodienſis Aduocatus erupit, qui Iustiniani epistolam cenſoria virga percutere haud extimuit, dicens eandem à Patre mendaci dictatam, lib. 4. apol. quæst. 10. pag. 383 vsurpasse illum, *quæ Ecclesia, & Episcoporum sunt propria.* pag. 387. addit, *subſcripserintne Patriarchæ incertum est.* Est illi pag. 344. §. 2. *Iustinianus Imperator homorudis, & illiteratus, quamvis fame eruditionis ambitiosissimus.* Et à pag. 384. pluribus mendacijs epistolam illam refertam esse contendit, notans in eadem etiam pag. 385. *mendacium mendaciorum.* In primis constat morem fuisse antiquitus, vt Imperatores contra Hæreticos sacras publicarent. Hinc Synodus VI. aët. XVIII. ita Imperatorem Flauium Constantinum Pogonatum allocuta est: *His quæ à nobis gesta sunt, signaculum tribue, vestræ inscribito imperialem ratihabitionem, & per edicta diuina, atq; per pias constitutiones EX MORE eorum omnium machinam, quatenus nullus his, quæ gesta sunt, aut contradicat, nouamque aſtutionem machinetur.* Quantum verò Romanæ Ecclesiæ Iustiniani edicta probata fuerint, non vno testimonio demonstratur. Nobilissimum extat aët. 4. VI. Synodi, vbi S. Agatho Papa hæc ad Imperatorem scribit: *Pra omnibus emulacra vera, & Apostolica fidei pie memoria Iustinianus Augustus, cuius fidei rectitudo quantum profueſcit confessione Deo placuit, tantum Rempublicam Christianam exaltauit. Et vtrique ab omnibus gentibus eius religiosa memoria veneratione digna cœsetur, cuius fidei rectitudo per AVGVSTISSIMA EIVS EDICTA in toto Orbe diffusa laudatur, quorum vnum, quod ad Zoilum Alexandrinum Praefulem aduersus Acephalorum hæresim missum est &c.* Hæc inter edicta non vltimo loco illud reponitur, quod contra Origenem vulgauerat.

Sanctionem illam contra Origenem Mennas, ac Pelagius Apostolicæ Sedis Legatus, qui postea Pontifex fuit, cum alijs doctissimis viris protulerunt; illi enim Iustinianum ad eandem scribendam, vulgandamq; hortati sunt; quare ea in re Imperator & Patriarchæ C-P. & Apostolicæ Sedis Legato morem gefſit. Vitio vertit Iustiniano aduersarius, quod vsurpauit, *quæ Ecclesia, & Episcoporum sunt propria.* At Vigilius Papa legens edictū Iustiniani, quo anno 540. cum Seuero, Petro Apameensi, ac Zoara etiam Theodosium Alexandrinum damnabat, Imperatoris scriptum non modò laudauit, verum etiam ob id gratias Deo agendas fassus est: *Nos in Domino, inquit, nimium conuenit gloriari, quod non imperialem solum, sed Sacerdotalem vobis animum concedere sua miseratione dignatus est.* Illa edicta adhibitis in consiliū doctissimis Episcopis Princeps componebat, vnde hæc ad Iustinianum scribebat Ioannes II. Papa: *Fidelibus popu-*
lis

liu propofuitis edictum amore fidei pro submouenda hæreticorum intentione secundum Apostolicam doctrinam, & fratrum, & Coepiscoporum nostrorum interveniente consensu. Plenæ sunt huiusmodi edictis ab Imperatoribus emisfis Ecclesiasticæ historiæ. Iustinianus, cum Seueri, Petri Apameensis, Zoaræ, atq; Anthimi causa tractanda esset, non quidem per se, sed in Synodo anno 536. Constantinopoli coacta eisdem damnandos curauit. Hæretici Mennæ sententia damnati sunt mense Maio die 21. sanctio autem aduersus eosdem emissæ est à Iustiniano VIII. Idus Augusti data ad Mennam Patriarcham, quæ incipit: *Rem non insolitam imperio, & nos facientes ad præsentem venimus legem, &c.* ubi ait, hæreticis à Synodo damnatis, toties imperium eiusdem sententiæ, & ordinationis cum Sacerdotum auctoritate fuit. At in causa Origenis nihil diligentiori cura indagandum erat, res enim nota erat, Origenem scilicet iam olim ab Ecclesia fuisse damnatum. Vnde Imperator latam contra Origenem sententiam recenti edicto confirmauit, nec ea, quæ Episcoporum sunt propria, vsurpauit, sed Sanctorum Antistitum, quos ea in epistola laudat, exemplum secutus Adamantio nigrum thetæ præfixit.

Quod verò reponit Halloix, incertum esse, an Patriarchæ memoratam epistolam subscripserint, si phrasi ipsi familiari vti vellemus, mendacium mendaciorum dicendum foret, sed acerbiora dicta procule esse volumus, ac mitissimè semper loqui. Verba Liberati Diaconi repetimus in fine cap. 23. *Iubente eo Iustiniano dictata est in Origenem, & in illa capitula anathematis damnatio, quam subscribentes unâ cum Menna Archiepiscopo apud Constantinopolim reperi, deinde directæ est Vigilio Romano Episcopo, Zoilo Alexandrino, Eusemio Anthiocheno, & Petro Hierosolymitano, QUIBUS EAM ACCIPIENTIBUS, AC SUBSCRIBENTIBUS Origenes damnatus est mortuus, qui viuus olim fuerat ante damnatus.* Quo lucculento tunc viuientis Diaconi testimonio probatur, omnes Patriarchas latam contra Origenem à Iustiniano legem subscripsisse, eamq; ex consequenti ab vniuerso Orbe receptam, ac miro consensu laudatam. Audio quid dicat pag. 382. *Liberatum contra Origenem ex praua informatione secus, quam oportuisset, conscripsisse.* Erras, qui alium errantem facis. Patriarchæ sacras diuiales ad omnes Metropolitæ suæ Diocæsis mittebant, quare encyclicas Principis literas Vigilius in Africam ad Reparatum Metropolitam, ac Primatem Carthaginensem misit; vnde optimè easdem nouit Liberatus ipsius Carthaginensis Ecclesiæ Diaconus, atq; historicus insignis. Sed age, Liberatus homo Africanus licet tunc superstes nescierit, quid Romæ de Origene à Vigilio decretum fuerit, dabo supparem testem illius ætatis Senatorem nobilissimum, Scriptorem celeberrimum, ac tandem Sanctissimum Monachum, Casiodorum ex titulis habes, qui lib. de diu. lect. cap. 1. de tuo Origene scribit: *Hunc licet tot Patrum impugnet auctoritas, præsentem tamen tempore ET A VIGILIO Beatissimo Papa denuò CONSTAT ESSE DAMNATVM.* Halloix tamen quæst. 10. §. 19. pag. 363. vociferatur, *salsum esse, quod quidam scriptores iactitarunt; Origenem à Vigilio Papa fuisse condemnatum.* Aut hic, aut Casiodorus facti reus est; at Casiodorus sub Vigilio vixit, ac disertis verbis testatur, sibi *CONSTARE* Origenem à Vigilio esse damnatum. Hinc in V. Synodo Iustinianus: cum Origenistarum causa tractanda foret, libellis Monachorum contra Origenem ea, quæ ad Vigiliu de illis scripta erant, adiunxit. Horum author est Eua-

grius lib. 4. cap. 38. Ex Vigilij factò, quid post Iustiniani epistolam alij Patriarchæ decreuerint, satis liquet, nobis Romani Pontificis sententia indaganda fuit. Certè Eustochius Patriarcha Hierosolymitanus Monachos notuæ Lauræ, in qua Origenis dogmata in precio habebantur teste Euagrio laudato, quod etiam capite superiori pluribus ostensum est, expulit, ac extra Palæstinam eiecit. Imò Macarius eiusdem decessor ante quintam Synodum depositus fuit, dicebant enim eum Origenis amplecti dogmata, quæ ante Euagrium illius sacculi Scriptorem Tunonensis in Chronico affirmavit. At Monachos Origenistas non ante, sed post Synodum V. expulsos fuisse testatur Cyrillus Scythopolitanus, qui illis eiectis anno 554. statim nouam Lauram ingressus fuit, vt tradit in fine libri de vita Euthymij.

Vellicat aduersarius Iustiniani incitiam, quòd nempe *homorudis*, & illit. *ra-tus* ausus sit contra doctissimum Origenem edictum condere. Ex Baronio illa desumpsit, qui ad annum 528. Num. 2. de Iustiniano hæc scripserat: *Cum ipse homo fuerit penitus illiteratus adeo, ut nec alphabetum aliquando didicisset, cuius rei gratia, vt inquit Suidas, dictus est analphabetus.* Quæ cum secundis curis in posteriori editione idem Cardinalis anno eodem Num. 3. correxisset, anno tamen 551. Num. 4. contra Theodorum Cappadocem inuehitur, quòd Iustiniani lateri asistens fecit analphabetum Imperatorem palliatum semper apparere Theologum, atque de dogmatibus acutissimè disputare, qui nusquam legere sciuerit vel ipsum foris inscriptum sacrorum titulum librorum. Quæ quidem licèt in vtraque editione legantur, eadem tamen spongia, quæ priora illa ad annum 528. delenda sunt. Sanè plures, nec ignobiles iuris consulti ex deprauato Suidæ codice in eam opinionem descendere, vt putauerint, Iustinianum reapse fuisse omnium literarum rudem. Fateor Suidam editum Mediolani Iustinianum exhibere analphabetum; in Codice tamen Vaticano Num. 3. pag. 47. habetur pro Iustiniano *Iustinus*, & quidem res à Procopio extra dubium ponitur, qui pag. 28. arcanae historiæ de Iustino, à quo Iustinianus nepos imperium accepit, hæc scribit: *Quod Romanis ante hac non euenit, adeo literarum expertus, & quod dicitur analphabetus.* Vnde tradit Procopius ibidem hoc pacto à Iustino libellos subscribi solitos. Perpolitæ tabellæ primis quatuor sui nominis literis incisis, eademq; tabella libello superposita calamus atramento imperatorio titulus Iustino in manum tradebatur, quæ alij præhensantes, & per tabellæ incisuras circumagentes paginas subsignabant. Scribit Procopius hoc à Magistratu, cuius id muneris erat, inuentum. Tum temporis etiam Theodoricus magnus ille Gothorum Rex omnium literarum planè expertus ante Iustini initia iamdiu in Italia regnans eodem prorsus modo libellos subscrivebat. Id testatur antiquissimus Scriptor Anonymus editus ab Henrico Valesio V. C. in calce Ammiani Marcellini: *Igitur, inquit, Rex Theodericus inlitteratus erat, & sic obruto sensu, vt in decem annos Regni sui quatuor literas subscriptionis edicti sui discere nullatenus potuisset. De qua re laminam auream iussit interrasilem fieri quatuor literas Regis habentem, unde vt, si subscribere voluisset, posita lamina super chartam per eam pennam duceret, & subscriptio eius tantum videretur.* Mortuus est Theodoricus anno 526. die 2. Septembris, anno verò sequenti etiam Iustinus decessit. Ita duo potentissimi, ac felicissimi Principes absque vllò literarum præsidio gentibus iura dabant, qui tamen doctissimorum hominum opera utebantur,

Cassiodorus Theodorico aderat, Iustino verò ij, qui paulò post sub Iustiniانو leges in summam rede gere. Et quidem Suidam de Iustiniانو non loqui vel ex contextu colligitur, ille enim hæc in editis codicibus scribit: *Iustinianus Romanorum Imperator rectissime sentiens de religione, fuit autem omnium literarum imperitus, & quod vulgò dicitur analphabetus. Hic & aureum triclinium in Palatio condidit, & S. Paulum, quod est Orphanotrophium. Auxit etiam de Imperatore Iustino opinionem &c.* At Procopius in libro primo de ædificijs Iustiniани opera Constantinopoli excitatis ne verbum quidem habet de ædificato ab eodem Imperatore Orphanotrophio. Fuit hoc opus Iustini iunioris, qui Iustiniانو successit, de quo scribit ex Cedreno Georgius Codinus de Originibus C-P. Orphanotrophium S. Pauli sempiterna memorie Imperator Iustinus cum Sophia uxore ædificauit. Theophanes septimò Iustini II. anno, nempe 573. Sanctorum Apostolorum Petri, & Pauli Orphanotrophium ædificatum ponit. Quare Suidas vtrumq; Iustinum confundit, & ex deprauatis codicibus vterq; Iustinus in Iustinianum conuertitur.

Iam verò Iustiniани sapientia nobis demonstranda est, cum præsertim audiam Baronium anno 338. monentem: *Eam itaq; constitutionem contra Origenem cum tu legis, non Iustiniани legere nescientis lucubrationem existima, sed Minna, atq; Pelagij.* Et sanè quantum in liberalibus artibus idem Princeps profecerit, atq; illas exactè calluerit, pluribus ostendit Alemannus vir eruditissimus, meum est, qui sacra tracto, monstrare, quantum ille Theologiæ studiosus fuerit. Antequam imperiùm capesseret, ob illam assertionem, *Vnus è Trinitate passus est*, plures ad Hormisdam literas dedit, atq; ea de re cum Scythiæ Monachis litigauit, & obortis sub id temporis de gratiæ, & libero arbitrio C-P. controuersijs se se immiscuit, vt ex epistola Possessoris Episcopi ad Hormisdam patet, de quibus in historia Pelagiana lib. 2. cap. 19. pluribus disseruimus. Factus postea Imperator tanto studio rerum diuinarum contemplationi vacabat, vt nullam eidem rem præponendam duceret. Audiatur Eustathius in libro de Vita Eutythij apud Surium die 6. Aprilis: *Nostis omnes quot, quot meministis, quam curiosè pie memoria Iustinianus in diuinorum dogmatum inuestigatione versaretur, quodque diu, noctuq; posthabitis omnibus alijs curis illam vnam, & solam nunquam intermitteret, quæ ad disputandum omnes prouocabat hereticos, & rationes in medium proferendas, quibus ille valdè præualebat, cum vt plurimum eosdem hereticos probabilibus modò ratiocinationibus, modò demonstrationibus, modò deniq; sacrarum testimonij literarum consultaret.* Certè Victor Tunonenis Episcopus vnà cum collegis se cum Iustiniانو disputasse tradit in chronico: *Anno 38. Imperatoris eiusdem Musicius, Brumasius, Donatus, & Crysonius Episcopi de Africa, & Victor, ac Theodorus Episcopus similiter ex Ægypto ad urbem regiam imperiali præcepto euocantur: Qui dum eidem Iustiniانو Principi presentes presenti, & postea Eutythio regiæ Urbis Episcopo altercanti resistunt &c.* Et hic tantæ doctrinæ Princeps tanquam analphabetus traducetur? Hinc factum est, vt Arsaces Artabanum hortatus sit, ad insidias Iustiniانو struendas, dum incustoditas noctes teneret Episcoporum cum senioribus Christianorum oracula studens euoluere. Sunt verba Procopij lib. 3. de bello Gothico. Profectò Procopius, Victor, atque Eustathius C-P. Ecclesiæ Presbyter sub Iustiniانو vixere, ac ea literis mandarunt, quæ suismet oculis, atq; auribus vsurparunt. Cum Eutythius Monachus doctissimus Constanti-

inopolim venisset, *Mennas*, inquit *Eustathius illum misit ad Imperatorem, apud quem cum de rebus propositis disputaretur, apparuit omni diuina, humanaq; disciplina instructissimus. Cap. 18.* Adeo ille Theologicis disputationibus oblectabatur. *Agapetus* Diaconus in parænetico ad Iustinianum, quod exhibet *Baronius* in appendice tomi 7. *Nostri temporibus ostensum est, inquit, prospera vita tempus, quod prædixit quidam ex veteribus futurum, cum vel Philosophi regnarent, vel Reges philosopharentur; Nam philosophando digni habiti regno estis, & regnando a philosophia non descivistis.* Itane, si superis placet, hominem analphabetum inter philosophos connumerasset? *Possevinus* in fine tomi 3. ubi de Bibliothecis Græcis agit, testatur Constantinopoli inter codices Constantij Barini fuisse laudatum *Agapeti* volumen ita inscriptum: *Agapeti Diaconi magnæ Ecclesiæ, & magistri quondam Regis Iustiniani Magni ad eundem Iustinianum libri, seu sectiones duodecim.* Iustinianus ergo doctissimo viro Magistro usus est. Scribit *Vigilius* Papa in epistola ad Iustinianum Augustum data anno 540. *Sapientia vobis singulariter à Deo concessa disponitis.* Inde Ecclesiasticis causis promptius, quàm Laicum hominem decebat, se se immiscebat. Rogatus à *Pelagio* Apocryfario *Vigilij*, ut in *Origenem* sententiam ferret, annuit *Imperator* facillime, inquit *Liberatus* cap. 23. *gaudens se de talibus causis iudicium ferre.* Cum verò ex alia parte *Theodorus* Cappadox tria capitula etià damnanda esse eidem suggereret, annuit *his Princeps*, inquit idem *Liberatus* cap. 24. *& hoc se letus implere promisit, & relinquens operis sui studium unum in damnationem trium capitulorum condidit librum.* Hoc quoq; vitio *Procopius* Iustiniano vertit in arcana historia pag. 83. quòd imperij curis posthabitis gauderet animum ad sublimia traducere, *Dei* natura curiosius perscrutari. Plures libros de tribus capitulis se scripsisse testatur Iustinianus in edicto contra eadem capitula: *Et hæc quidem, inquit, sufficiebant super memoratas, & alijs nostris libris insertas probationes, quas protulimus, ostendentes, quod oportet etiam post mortem hæreticos condemnari.* Hinc *S. Isidorus*, qui proximus Iustiniano vixit, eundem insignium Scriptorum catalogo inseruit, eius libros recensens cap. 12. Meritò ergo *Theodatus* Gothorum Rex vocabat Iustinianum *Sapientissimum* apud *Cassiodorum* epistola 22. & in libro Ponticali in vita *Ioannis II.* scribitur: *Vir religiosus Augustus Iustinianus summo amore Christianæ religionis misit fidem suam scriptam chirographo proprio ad Sedem Apostolicam per Episcopos Hypatium, & Demetrium.* Cum *Vigilius* à *Petro* Referendario anno 552. pridie Kal. Februarias quoddam chyrographum nomine Iustiniani accepisset, negavit fuisse à Principe missum, quod non erat Iustiniani ipsius manu scriptum. Reddo *Vigilij* Papæ verba in epistola encyclica: *Quædam charta nobis allata est, quam à Clementissimo Principe nullo modo credimus destinatam, quia nec fuerat pietatis eius manu subscripta.* Itane propria manu epistolam exaravit, qui nec alphabetum aliquando didicisset!

Modò illatæ ab *Halloix* calumniæ tot mendaciorum, quæ laudatæ epistolæ Iustiniani imputat, repellendæ sunt. Summa illius est: *Origenem* Paganorum doctrinis additum, atq; *Arianis* ova fouisse, quæ falsa esse *Origenis* aduocatus contendit, & appellat quædam *Adamantij* testimonia, & magnum *Athanasium*. Verùm *Halloix* *Æthiopem* lauare conatus est. Neq; Iustinianus solus repræhendendus venit, sed doctissimi Romanæ Ecclesiæ Pontifices, ac Doctores, qui *Origenem* iam olim proscripserant. *S. Epiphanius* in epistola

ad Ioannem Hierosolymitanum: *Video, inquit, quod propter hanc causam omnis vestra indignatio concitata sit, quod dixerim vobis, Arij Patrem Origenem scilicet, & aliarum hereseon radicem, & parentem laudare non debetis. Sanctus Hieronymus ubiq; Origenem tanquam Arij Patrem exagitat; legantur eius apologiæ contra Rufinum, itemque epistolæ ad Auitum. In epistola ad Pammachium, & Auitum loquens de Patribus Nicænis ait: Quanquam latenter Origenem fontem Arij percusserunt, damnantes enim eos, qui filium de Patris negant esse substantia, illum pariter, Ariumq; damnauerunt. Et lib. 2. Apologiæ contra Rufinum: Ergo, ait, Beati Episcopi Anastasius, & Theophilus, & Venerius, & Chromatius, & omnis tam Orientis, quam Occidentis Ecclesia, quia pari sententia, quia pari & spiritu illum Origenem hæreticum denunciant &c. Et quidem S. Anastasius Papa in epistola ad Ioannem Hierosolymitanum publica fama Origenem damnatum testatur; nam arguens Rufinum ob interpretatos Origenis libros ait: Approbo, si accusat auctorem, & execrandum factum populis prodit, ut iustis tandem odijs teneatur, quem iam dudum fama constrinxerat. Porro tantum Hieronymi iudicio detulit Romana Ecclesia, ut S. Gelasius Papa in Synodo hæc statuerit: Origenis nonnulla opuscula, qua vir beatissimus Hieronymus non repudiat, legenda suscipimus, reliqua autem omnia CVM AVCTORE SVO dicimus esse reuocanda. En Pontificio oraculo non libros modò, sed & Personam Origenis esse damnatam. Ibidem verò Synodus Romæ repræhendit Eusebium Cæsareensem, quod in laudibus, atq; excusatione Origenis Schismatici unum conscripserit librum. Ad hæc nec verbum reposuit nouus Origenis aduocatus, sed textum sententiæ planè infringens scribit à Gelasio asseri, Eusebium in excusationem Origenis unum scripsisse librum. lib. 4. q. 1. §. 3. pag. 220. Schismatici titulus, quo Origenes infamabatur, calamo hæsit, nam ea turpi nota clientem tota causa cadere animaduertit.*

Viuentem adhuc Origenem Demetrius Alexandrinæ Urbis Antistes procul à fidelium communione suspensum eiecit. Legendus est Baronius Anno 232. Addit Hieronymus: *In damnationem eius consensus Vrbs Roma. Respondet Halloix lib. 4. q. 7. §. 6. pag. 322. Theophilum nullam prioris damnationis mentionem fecisse: Quod magno, inquit, argumento est, inanem eam fuisse, si qua fuit, ac pro nihilo habitam. Imperitè. Lege cap. 33. de Scriptoribus Illustribus Genadij: Theophilus, ait, Alexandrina ciuitatis Episcopus scripsit aduersus Origenem unum, & grande volumen, in quo omnia penè eius dicta, & ipsum pariter damnat. Similiter docens non à se primum eum, sed ab antiquis Patribus, & maxime Heracla fuisse, & à Presbyterio eiectum, & de Ecclesia expulsum, et de ciuitate fugatum. Videtur Theophilum peractam abs se Origenis mortui damnationem prioris contra viuentem factæ exemplo confirmasse? Ex his collige non rectè à Baronio, & Halloix repræhendi antiquissimum scriptorem vitæ S. Pachomij, quod dixit, Origenem Alexandria ab Heracla expulsum. Nam & hoc Theophilus Patriarcha Alexandrinus asseruit, & longè antea S. Petrus itidem Alexandria Episcopus idem testatus fuerat in mistagogia, quam ad martyrium properans scripsit: Quid porro, inquit, dicam Heraclam, et Demetrium beatos Episcopos? Quales tentationes sustinuerunt ab insano Origene, cum ipse dissidia sereret, qua ad hanc usq; diem ei turbas excitauerunt. Hoc ipsū integra Synodus Alexandrina tradit: Origenes cum cepisset blasphemias homilias habere, Heraclas b. m. tunc Episcopus ut se studiosus veritatis, ac arator, et vinitor Ecclesiastici agri eum è mediopulchra, ac late*

segetis euulsit : Vtrumq; testimonium inscribitur epistolæ Iustiniani ad Mennam. At Halloix, cui Alexandrinæ Ecclesiæ res longè notiores sunt, quàm ipsismet Alexandrinis Episcopis ante tredecim sæcula uiuentibus, atq; rerum gestarum seriem ex Ecclesiasticis scrinijs depromentibus, scribit lib. 4. q. 8. §. 10. *Origenes à Demetrio Episcopo, qui præcessit Heraclam expulsus fuit, & quidem inique, ut probatum est, non autem expulsus fuit ab Heracla primario suo discipulo.* Eusebius in Chronico ad Olympiadem 253. anno secundo Heraclæ scribit : *Origenes de Alexandria ad Cæsaream Palestinæ transiit.* Er bicennio post recenset Alexandri Seueri interitum. Cur ergo Heraclas Origenem suum olim in Christianæ religionis rudimentis percipiendis magistrum, postea sub Ammonio condiscipulum, ac in catechesi tradenda adiutorem maxima dignitate ornatum reliquit ? Eusebius quidem causas reticuit, utpotè suo Origeni parum honorificæ ; immò nec sibi idem constat ; nam lib. 6. hist. Eccles. cap. 26. scribit : *Erat autem annus ille supradicti Imperij decimus, quo Origenes Alexandria relicta Cæsaream migrans Heraclæ munus illic catechizandi tradidit. Paulò post uerò Demetrius quoque Alexandrinæ Ecclesiæ moritur.* Ita modò uiuente adhuc Demetrio anno 232. modò illo mortuo sub Heracla Origenem Alexandria profectum narrat. Hoc certum sit, Heraclam Origeni nisi graui iniuria lacescitum aliò abeundi potestatem fecisse. Illud etiam hic minimè prætermittendum est, Imperatores Romanos, quò Orthodoxæ fidei puritatem seruarent, Origenis libros lata lege interdixisse. Do testem superiùs adductum S. Anastasium Papam hæc scribentem : *Illud quoq; quod euenisse gaudeo, tacere non potui, beatissimorum Principum mansisse responsa, quibus unusquisque Deo seruans ab Origenis lectione reuocetur, damnandumq; sententia Principum, quem lectio reum profana prodiderit.* Niligitur noui molitus est Iustinianus, cum ante centum, & quinquaginta annos à decessoribus ab Apostolica Ecclesiâ ob hoc ipsum laudatis Imperatoribus Origenis libri damnati fuerint, vnde rectè Facundus iteratam à Iustiniano Origeniani dogmatis damnationem dixit.

CAPUT III.

Origenistæ trium Capitulorum proscriptionem moliantur. Scribit contra eadem edictum Iustinianus, & obortis dissidys Synodum Constantinopoli indicendam curat. Pergit cò Vigilius Papa.

Recens Origenis à Iustiniano procurata damnatio ingentium turbarum, ac calamitatum origo fuit, ac veluti funestissimæ tragædiæ prologus. Etenim Origenistæ, cum viderent difficile esse scribere contra eum, qui poterat proscribere, Adamantij defensione desperata ad ultionem animum dolosè verterunt. Florebat ea tempestate magna apud Principem gratia, & auctoritate Theodoræ Cæsareæ Cappadocum Metropolitæ cognomento Ascidas *Origenis defensor acerrimus*, inquit Liberatus, Nonni magni Origenistæ satellites, ut nobis superiùs memoratum est. Successerat Sotherico, sed anix studiosus procul ab Ecclesiâ sibi demandata degebat, ita ut nec vnus anni spacio Cæsareæ, ex quo Antistes consecratus fuerat, morari passus sit, ut Vigilius in lata contra eundem sententia illi exprobauit. Erat ex ijs, cum quibus Iustina-

manus per multam noctem de sacris rebus disputabat. Cum verò idem teste Liberato Pelagio amulus existeret, videbat enim Iustinianum plurimum Pelagio Vigilij Legato deferre, egrè tulit, & acerbè huius, ac Mennæ Constantinopolitani Patriarchæ opera suum Origenem fuisse à Principe damnatum, sed adulandi gnarus laudabat procuratum ab Imperatore anathema, ne Imperator cogitabat, quonam pacto Pelagio vices redderet, atq; insigni aliquo facto damnatis Origenis manibus parentaret. Sciebat nihil antiquius esse Iustiniano, quàm Acephalos ad Ecclesiæ vnionem adducere. Alexandriæ ea gens nata erat, plurimi enim ab Alexandrino Antistite, quod Chalcedonensem Synodum admiserat, rebellantes, cum sine capite dogmatizarent, Acephali dicebantur. Et hi quidem Seuerò, Petro Apameensi, Anthimo, Theodosio, alijsq; Chalcedonensis Synodi hostibus à Iustiniano damnatis, ne Imperatoris, quem ob studium erga illud Concilium *Synoditam* vulgè appellabant, iram subirent, nec admittere se, nec ex toto Synodum reiicere publicabant, nonnullis ea in Synodo peractis offendi, quorum difficultas quousq; tolleretur, hæsitare se contestabantur, inde *Hæstantes* appellati. Legatur Leontius libro de scdis actione 5. Iustinianus quidem ad Zoilum recentem Alexandrinorum Episcopum edictum contra Acephalos transmisserat, quod quidem intercidit, sed laudatur à S. Agathone Papa, cuius verba superius recitauimus. At ead vrbis Timothei, ac decessorum prauis doctrinis à multis annis imbuta, quod Liberatus, ac Leontius ostendunt, veterem opinionem difficulter deponbat. Igitur Theodorus adit Iustinianum, suadetq; vasserimi vir ingenij, Acephalos compendio ad subscribendam Synodum Chalcedonensem adduci posse, si tria tantum, quæ illi plurimum offendebantur, corrigat. Nempe si damnetur Theodorus Episcopus Mopsuestiæ Nestorij Magister, cuius laudes habentur in epistola I bæ Præsulis Edesseni in Synodo Chalcedonensi recitata. Dein si prohibeantur libri Theodoretæ contra XII. capitula S. Cyrilli in Ephesinæ Synodo consecrata, quos libros Patres Chalcedonenses non condemnarant contenti dicto contra Nestorium à præfente Theodoretæ anathemate. Tandem si reiiciatur memorati I bæ epistola ad Marim Persam, in qua laudat Theodorum, S. Cyrillum accusat, ac Ephesinam Synodum I bæ citra examen præcipitis contra Nestorium sententiæ insinuat. Porro his tribus capitulis scriptis subitam pollicitus est Acephalorum vnionem. Ea tamen mente hæc Iustiniano Theodorus suggerere nonnullis visus est, vt Concilij Chalcedonensis correctio strueretur, quod vsque ad minimum iota Pelagius cum Occidentali Ecclesia factum, rectumque volebat. Facundus Hermianensis, & Liberatus Diaconus, qui tum temporis pro tribus capitulis steterè, *secta Acephalum* fuisse Theodorum scribunt, sed hoc nomine omnes capitulorum hostes ab Africanis infamabantur. Theodora Iustiniani coniux palam Acephalis studebat, quos Imperator persequebatur; fecerintne id ex composito, quod vtriusque dogmatis professores melius in officio continerent, ac alterutro Principum fauente procul à seditionibus illi essent, Euagrius eius sæculi Scriptor lib. 4. cap. 10. in medio relinquit. Igitur Theodora Augusta id ipsum, quod suaserat Antistes Cæsareensis, Principi inculcat, sed eo consilio pessima mulier facinus moliebatur, vt vbi semel Chalcedonensis Concilij correctio in aliquibus fieret, iam vniuersæ eiusdem authoritas collaberetur, ac

nullius ponderis euaderet, quod alicubi errasse monstraretur. *Hæc audiens Imperator*, inquit Liberatus in fine sui Breuiarij, & dolum doloꝝum minimè prospiciens suggestionem eorum libenter accepit, & facere promptissimè spondit. Postea Annuit his Princeps, & hoc se letus implere promisit, & relinquens operis sui studium ænum in damnationem trium capitulorum condidit librum pro delictis nostris nobis omnibus notissimum. Hoc edictum contra tria capitula, nempe Theodorum Mopsuestenum, scripta Theodoretæ contra Cyrillum, atq; Ibæ Epistolam, non extat. Baronius ad annum 546. num. 10. putat hoc edictum esse illud ipsum, quod olim inscribatur: *Edictum Pijssimi Imperatoris Iustiniani fidei confessionem continens, & refutationem hæreseon, quæ aduersantur Catholica Dei Ecclesie*; in quo diffusè trium capitulorum damnatio describitur. Non assentior viro doctissimò; nam hocce edictum, quod ibidem recitat Baronius, atq; ita incipit: *Sciētes*, quod nihil aliud &c. post annum 550. in eadem tamen causa emissum esse apertè ex verbis in eo positis palam ostenditur; scribit ibidem de Theodoro Mopsuesteno Iustinianus: *Deleuerunt ipsi Clerici Mopsuestiæ ex illo à sacris Ecclesie dyptychis eius nomen, sicut gesta in eadem ciuitate apud Concilium Episcoporum illius provincie sancta ostendunt*. At hoc Concilium anno 550. celebratum est, & recitatur in Synodo V. a. cione 5. eius est initium: *Imperij diuini, & pijssimi D. N. Fl. Iustiniani Perp. Aug. Imperatoris anno XXIII. Postconsul. Basilij V. C. anno IX. mensis Iunij 17. instantis XIII. Indict. in Mopsuestia Colonia &c.* Quare edictum illud, quod contra tria capitula à Iustiniano publicatum Baronius producit, post annum 550. concinnatum fuit. Præterea Facundus Hermianensis lib. 4. cap. 4. scribit in illo Iustiniani edicto hæc inserta fuisse: *Si quis dicit, hæc nos ad abolendos, aut excludendos Sanctos Patres, qui in Chalcedonensi fuere Concilio, dixisse, anathema sit*. Quæ sanè verba in edicto Iustiniani à Baronio laudato non continentur. Idem lib. 2. cap. 3. alia ex eodem edicto refert, quæ cum non habeantur in posteriori, quod etiamnum legitur, planè idem confirmant. Edictum illud nomine Iustiniani prænotatum fuisse Author memoratus affirmat, quod modò non extare tam certum est, quàm Theodorum Cæsarensensem illius Architectum fuisse. Scribit Facundus lib. 2. cap. 1. *Egerunt enim callidè per suos complices, sicut solent aduersarij veritatis, ut ea ipsa, quæ scribi fecerunt, etiam titulo nominis tui prænotarentur*. Atque hoc fuit primum edictum, quost postea mutatum fuisse nonnullis detruncatis idem testatur lib. 2. cap. 3.

- anno Quo anno hoc edictum contra tria capitula emissum fuerit, non constat.
544. Baronius anno 546. vulgatum tradit, sed ex Euphremij Antiocheni, & Petri Hierosolymitani morte ante biennium emanasse mihi probatur. Euphrasium Euphremij decessorem mortuum anno 526. scribit Panuinius in Chronico Ecclesiastico. Repugnat Baronius, qui anno 525. obiisse eundem tradit. Contra Baronium est insignis caracter, quo annus Antiocheni terræmotus, qui Euphrasium oppressit, palam designatur. Scribit Euagrius Epiphaniensis lib. 4. cap. 5. memoratam telluris concussionem accidisse anno imperij Iustini VII. mense decimo, qui tum Artemisius, Maius videlicet erat, XXIX. die mensis in ipso puncto meridiei, die 6. Hebdomadæ. At dies 29. Maij anno 526. incidit sexta die hebdomadæ nempe die Veneris Cyclo Solis III. Lunæ XIV. lit. D. Corrigen- dus verò est annus Iustini, ac loco septimi octauus annus reponendus, nam Iustinus IX. Iulij anno Antiochenæ nuncupationis 566. qui est nostræ vulga-

is epochæ 518. ex eodem Euagrio initio statim libri laudati. Imperium iniit. Interim misso ad reparandas collapsæ Urbis ruinas Euphremio Orientis Præfeto, Antiocheni viri diligentia, ac amore affecti eundem Patriarcham elegere, qui annos 18. ex Nicephoro, ac Theophane sedit, totidemq; illi annos assignat Baronius ad annum 546. num. 62. Sed non consequenter, nam ab anno 526. quo defuncto anno superiori, vt putat, Euphrasio, electum scribit Euphremium, viginti anni numerantur. Quod si eodem anno (nam à terræmotu, quo occisus fuit Euphrasius, septem menses vsq; ad annum 527. interponuntur) Euphremius electus fuit Antistes, mortuum eundem debemus affirmare anno 544. quo anno eiusdem obitum Panuinius rectè recensuit. Rursus de Petro Hierosolymitano videndum est. Scribit Baronius ibidem Ioanni Patriarchæ Hierosolymitano defuncto anno 525. Petrum successisse, cuius obitum recitat anno 546. Panuinius verò initia Episcopatus Petri statuit anno 527. finem autem 547. ex Cyrillo Scythopolitano in Palæstina tum temporis & viuentis, ac scribente res petenda venit. Hæc tradit cap. 90. de vita Sabæ: *Cum magno Sabæ ad octuagesimum sextum annum ætas Sabæ prouecta esset, decedit quidam Ioannes relicto successore Petro viro insigni. Tercio autem deinceps anno Imperator quoq; Iustinus &c. deponit imperium Iustiniano patruele suo constituto pro se Imperatore. At Iustinus deposuit imperium anno 527. Kalendis Aprilis, ergo ante triennium nempe 524. mortuus est Ioannes Patriarcha, quo anno mense Ianuario Sabas 86. annum ingressus fuit; nam Sabam eo mense natum colligo ex his, quæ habet ex libro emendatiori vitæ Sabæ Bollandus ad diem XI. Ianuarij in fine prolegom. ad vitam Theodosij Cœnobiarchæ: Incipiente autem nonagesimo primo ætatis anno P. N. Sabæ beatus supradictus Theodosius iam senex, & plenus dierum vitam hanc terrenam deserens ad cælum transiit mense Ianuario die XI. indictione VII. Ergo Sabas indictione II. anno 524. mense Ianuario inchoat annum 86. & quidè rectè; natus enim est teste Cyrillo initio de vita Sabæ Theodosio Augusto XVII. Cos. qui fuit annus 439. Obijt Ioannes Indictione II. Aprilis 22. vt notat laudatus Bollandus in prolegomenis ad vitam S. Theodosij, & die 20. eiusdem mensis in notis ad vitam S. Euthymij. Petrum autem fuisse annos 20. laudati antiqui Chronologi S. Nicephorus Patriarcha, & Theophanes in tabulis affirmant, & cæteri cum ipsis. Petrus ergo moritur anno 544. & quidem ex historia scripta in Prato spiritali (qui liber à Septima Synodo laudatur) & ad verbum à Baronio recitata anno 546. Num. 63. sexto mense post Pascha, quod eo anno celebratum fuit VII. Idus Aprilis, vnde obiit mense Octobri. Victor Tunonensis, qui Petro conuixit, scribit in Chronico: *Post consul. Basilij Anno IV. Hierosolymitana Ecclesia præsulatum post Petrum Macarius suscipit.* Est apud Victorem annus 544. qui tamen Victor errat, dum ad consulatum Iustini 540. Euphrasij initia, & P. C. Basilij VIII. nempe apud ipsum 548. Euphremij mortem recenset. Baronius Euphremij vitam ad annum vsq; 546. producit, atq; errare illos, qui ante eum annum obiisse eundem putant, cum ex Facundo Hermianensi Euphremius legatum miserit ad Vigiliam anno 546. in Sicilia moras neccentem antequam Constantinopolim pergeret. Sed Facundus lib. 4. cap. 4. de Zoilo Alexandrino hæc scribit: *Zoilus quoq; Alexandrina Urbis Antistes, cum Romanum Episcopum venire cognosceret, obuiam illi ad Siciliam misit. Vir insignis, quæ Facundus de Zoilo dixit, de Euphremio dicta existimauit.**

Ex hac chronologica dissertatione habemus, anno 544. obiisse Euphremium Antiochenum, itemque Petrum Hierosolymitanum. At ex Facundo Hermianensi certum est, vtrumque subscripsisse edictum Iustiniani contra tria capitula; audiatur Africanus ille Episcopus loco proximè laudato: *Nec non & Euffremius*, inquit, *Antiochenus*, cum primum ei mandaretur, *ut hoc etiam ipse rescribendo firmaret, consentire noluit. At postquam ei denunciatum est, quòd excludendus esset, nisi faceret, sui potius honoris, quam veritatis dilector inuentus est. Quid etiam Petrus Hierosolymitanus?* Nonne publica notitia refert, quoniam conueniente ad se multitudine Monachorum iuratus pronunciauit, quòd si quis eisd. in decreto notitia consentiret, contra Chalcedonense Concilium faceret? Nec tamen se ab eius confessione suspensit. Quare edictum Iustiniani anno eodem 443. quo Origenem damnandum curauit, vel initio sequentis dubio procul emanauit. Et quidem insignis annalium Scriptor putat edictum contra Origenem anno 538. prodixisse, anno demum 546. ab Origenistis in damnati Origenis ultionem edictum etiam contra tria capitula compositum. Non tam miti animo erat Theodorus Cappadox, ut octennio integro ultionem differret; quare cum satis apertè monstratum sit, anno circiter 543. Origenem damnatum fuisse, sequenti anno tria Capitula, Origenistarum opera proscripta sunt. Porro ob damnatum Magistrum Origenistas trium capitalium expunctionem procurasse insignis Origenista Nonni quondam discipulus Domitianus Metropoli- tana Ancyranus in libello ad Vigilium dato ingenuè fassus est. Testem habemus Facundum lib. 1. ad Iustinianum cap. 2. *Inuenit autem desideratam occasionem ex furore quorundam, qui sub nomine Christiano latenter in Ecclesia gentile Origenis dogma sectantur. Et quia per instantiam tuae religionis eiusdem profani dogmatis iterata damnatio est; hinc eius sectatores exarserunt aduersus Ecclesiam quærentes eam quacunque possent immixtione turbare. Et hoc totum publicam notitiam non effugit, præsertim cum & Domitianus Ancyrensis ciuitatis Episcopus prouincie prime Galatie, qui fuit ipsius Origeniane hæresis manifestus assertor, per libellum, quem ad Beatissimum Papam Vigilium scripsit, Deo extorquente confessus est, quòd eius complices Origeniani, cum viderent se non posse proprium dogma defendere, nec sibi quidquam spei de consilio restare, ad ultionem eorum, quæ contra Origenem gesta sunt, hæc Ecclesie scandala commouerunt. In Theodorum præcipuè Mopsuestenum illi ventos onines irarum concitarunt, eò quòd Theodorus multa opuscula edidisset in Origenem, exosusque & accusabilis haberetur ab Origenistis. Loquitur hæc Liberatus capite 24. Breuiarij.*

Iustinianus Theodori Origenistæ suasionem compositum contra tria capitula edictum ad Patriarchas subscribendum misit. Quid autem tunc à Patriarchis factum sit, exponit Facundus lib. 4. cap. 4. Mennas Antistes Constantinopolitanus Theodoro Cappadoci insensus initio quidem subscribere cunctabatur, ea tandem condicione idem subsignauit, quòd chirographum suum reciperet, si hæc Romanus Episcopus non probaret. Zoilus quoque, Euphremius, ac Petrus Patriarchæ veriti ne si secus facerent, dignitate priuarentur, nomen edicto dedere. At Stephanus Diaconus, qui Pelagio à Vigilio Romam euocato Apocryfarij munere apud Imperatoremungebatur, palam edicto restitit, ac Mennam ob datum consensum fractæ fidei reum increpuit, cui & à pluribus Episcopis libelli dati sunt ad Vigilium transmittendi, in quibus protestabantur: *Quòd à Constantinopolitano Episcopo coacti subscriberent. Iustinianus in*

litteris ad Synodum V. quæ collatione prima recitantur, hæc habet: *Primum quidem & in vestris vos degentes Ecclesijs interrogauimus de prædictis impijs tribus capitulis, & vestram nobis voluntatem manifestam fecistis, pro qua & comprobauimus vos, quod indubitanter, & cum omni alacritate rectam fidem confessi essetis, & impiam condemnastis.* Ita planè fingit interrogatos à se Episcopos, cum teste Facundo sub pœna depositionis Episcopi ad subscribendum in tria capitula anathema cogerentur. Verùm ubi Occidentis Episcopis innotuit, tria capitula ab Imperatore, eique adherentibus Græcis Episcopis damnata fuisse, ægrè tulere Synodum Chalcedonensem decurtari, eiusque fidem imminui, quippe quæ & laudes Theodori citra censuram audierat, nec Theodoreti Cyrensis scripta nominatim damnauerat, Ibæque epistolam citra repræhensionem legerat, imò & quidam eandem orthodoxam definierant. Diuisa igitur in partes Ecclesia est, nam Oriens quidem edictum Iustiniani receperat, at Occidentales Illyrici, Itali, Galli, Hispani, Africani pro tribus capitulis depugnabant. Cæterùm omnium acerrimè Africani Iustiniani edicto aduersabantur. Erant in his teste Tunonensis Reparatus Carthaginensis, Firmus Numidiæ, Boethius Byzacij Primates Africani cum suis suffraganeis, & hos inter eminebant Facundus Hermianensis, ac Victor proximè laudatus, quorum ea de re libri adhuc extant, sicuti & Pontiani Africani Episcopi epistola ad Iustinianum, quæ edicto eiusdem supponitur, in qua hæc leguntur: *In extremo itaque epistole vestre cognouimus, quod nos non mediocriter remordet, debere nos Theodorum, & scripta Theodoreti, & epistolam Ibæ damnare. Eorum dicta ad nos usque nunc minime perueniunt.* Edictum Iustiniani epistolam vocat, uti etiam edictum contra Origenem epistola ibidem à Principe nominatur. Postea libertate magna vsus epistolam concludens, *Supplicamus, ait, clementiam tuam, ut pax permaneat temporibus tuis, ne dum quæris damnare iam mortuos, multos inobedientes interficias viuos, & exinde compellaris reddere rationem ei, qui venturus est iudicare viuos, & mortuos.* Quòd verò ait Theodori, Theodoreti, atque Ibæ epistolam ad ipsos nondum peruenisse, palam facit, se respondere priori edicto Iustiniani contra tria capitula emisso, nam cum alterum edictum anno 551. publicatum fuit, iam omnibus Afris tria capitula satis superque erant manifesta, ut ex libris duodecim Episcopi Hermianensis ad Iustinianum intelligitur.

Vigilius, ac reliqui Occidentis Episcopi edictum contra tria capitula subscribere recusabant, arbitrati id absque graui in Synodum Chalcedonensem iniuria perfici nullo modo posse. Quare cum per huiusmodi Ecclesiarum dissidia annus traheretur, Iustinianus curauit plena Synodo quæstionem in regia Vrbe discuti. Quò tamen Patriarchas faciliùs eò pertraheret, in sacris diualibus Acephalorum sectæ ad Orthodoxam societatem reducendæ studium prætexuit. Vigilius etiam ab Imperatore ad Synodum vocatus fuit, qui tamen non rectà Constantinopolim perrexit, sed in Siciliam iuit eo consilio, ut ibidem Synodus cogeretur, ut postea narrabimus. Quo anno hæc contigerint, non vna est Scriptorum opinio. In auctuario Marcellini hæc scribuntur: *Indictione IX. Post consulatum Basilij anno V. Vigilius Papa LIX. ab Apostolo Petro euocatus ab Imperatore Roma egreditur, & in Siciliam venit.* Est annus 546. quo sanè anno X. Kal. Decembris eiusdem ex vrbe egressum recitat Holstenius in diagrammate chronologico, Sirmondus in synopsi Chronica in calce ad Facundum, alij-

alijque viri eruditi. Non approbo; etenim diu Vigilius in Sicilia substitit, v^t ex Procopio mox ostendetur, ibique naues onerarias collegit, quas frumento onustas Romam deducendas curauit, quæ tamen à Gothis interceptæ sunt, v^t fusiùs Procopius describit. Plures etiam ibidem legationes excepit, de quibus postea sermo redibit. Quare cum die 25. Ianuarij anno 547. Constantinopolim appulerit, nequit exeunte serè anno 546. Roma exiisse. Sigonius lib. 19. de imperio Occidentali anno 545. Vigilium Roma egressum dicit, cuius sententia ex ipsius Vigiliij encyclica mihi probatur; etenim tradit, hæc se ad Iustinianum suo nomine per nuncium deferenda dixisse: *Nos ad pietatem tuam seflinantes ante septem annos de ciuitate nostra sic egressi sumus, v^t nulla haberemus priuata negotia.* Data est hæc epistola Nonis Februarij anno 552. v^t ex cyclis ibidem insinuatis, & anno imperij Iustiniani subsignato apertè colligemus cap. 5. Quare cum septem annos numeret, ex quo Roma discesserat, patet eundem anno 545. ex Vrbe exiisse. Hoc ipsum colligitur ex Victore Tunonenfi, qui ait: *Post consul. Basilij anno IV.* (nempe apud ipsum 544. nam annus 542. secundus post Basilij consulatum ab eodem appellatur) *Iustinianus Imperator Acephalorum subreptionibus infligatus Vigilium Romanum Episcopum subtiliter compellit, v^t in Vrbem regiam properaret, & sub prætextu congregationis eorum, qui ab Ecclesiæ sunt societate diuisi, tria capitula condemnaret.* Quare si anno 544. Vigilius ab Imperatore Constantinopolim per literas euocatus fuit, paulò post inchoatum annum 445. Roma discessit. Clerus etiam Italiæ in libello supplici exeunte anno 551. v^t cap. 5. ostendo, Legatis Francorum Regis dato testatur, *ante sex annos Vigilium Roma discessisse.* Scribit Anastasius eundem die 22. Nouembris ex vrbe egressum, sed hoc, v^t cætera, quæ ibidem narrat, falsum existimo. Nam anno 552. Nonis Februarij non dixisset Vigilius *ante septem annos* se Roma profectum, duos enim tantùm menses nequaquam pro anno computasset, quod si quis velit Anastasio credere, eiusdem ex Vrbe egressus retrahendus est ad diem 22. Nouembris anni 444. de quo nolo diutius contendere. Hoc tamen certum est Pontificem inuitum iter illud suscepisse, dicitur enim ab eodem Clero Roma propè *violenter deductus.*

ANNO Interim A. 546. in regia vrbe Iustinianus non solum ob tria capitula, v^t
546. rum etiam ab diem Paschatis, ac initium quadragesimæ contra vulgi opinionem designatum graues turbas passus est. Contigit enim hoc anno Constantinopoli popularis seditio ob Quadragesimam ex edito Iustiniani vltra hebdomadem contra vulgi opinionem protrahatam, qua in re cum à pluribus magni nominis Scriptoribus erratum sit, paucis Imperatoris decretum veluti incidenter hic defendendum suscepi. Cardinalis Baronius putauit memoratum tumultum contigisse anno 545. hæc scribens Num. 17. *Hoc eodem anno cum Græci, tum Latini historici tradunt, de Paschatis tempore ex Iustiniani Imperatoris edito in Oriente erratum esse.* Ita planè permisit Deus, v^t cum sacris se immiscent Principes, & quæ sunt Sacerdotum sibi vsurpant, in errorem labantur. Adducit testimonium Authoris Miscellæ dicentis: *Cepit vulgus abstinere à carnibus mense Februarij die 4. Imperator autem præcepit alia hebdomada carnes apponi.* Quæ verba etiam Anastasius Bibliothecarius reddit. Leo Allatius in dissertat. de Domin. & hebdomad. Græcorum ait de Iustiniano: *Primam quadragesime hebdomadam, qua ieiunandum erat, detraxit, carnibus inopiam propulsare conatus, ne fame populus enecaretur,*

*Ames publicè omnium commoditati exponi iusserat, sed pius Christianorum animus cum
 fame potius depugnare, quàm ab Ecclesia sua legibus desciscere maluit. Hæc illi. Ce-
 terum rem aliter se habuisse ostendam. Græci Quadragesimam incipiunt fe-
 ria secunda post Dominicam sexagesimæ; vnde hæc Dominica ab eisdem
 ἀνάπτος dicitur, quod vltima dies est carnis priuij. Nicetas lib. 3. Alexij pag.
 329. edit. regie ait: *Fasti sunt ista coniugia, cum proxima esset apocreo.* Rectè
 ibidem Hieronymus Wolsius interpretatur *carnis priuium*. At hebdomade
 sequenti Græci vescuntur lacticiuijs, & caseo, cuius licentiæ diem vltimum ha-
 bent Dominicam quinquagesimæ, quæ *Τυροφάγος* ab ipsis appellatur. Scribit
 Anna Comnena lib. 2. Alexiados pag. 51. edit. eiusdem: *Nox erat Dominice
 dies, quam tyrophagum nuncupant.* Vnde ab usu casei, quæ eandem præcedit heb-
 domas, eodem tyrophagi nomine appellatur. Feria verò secunda post Domi-
 nicam quinquagesimæ rigidius ieiunium inchoant non modò à carnibus, sed
 etiam à lacticiuijs, imò & à piscibus quoque abstinentes. Ex his patet Au-
 thorem miscellæ, & Anastasium deprauatè Theophanis verba vertisse, vnde
 & alios, ac præcipuè Alemannum virum eruditum in notis ad arcanam histo-
 riam Procopij pag. 125. in errorem traxere, vbi enim ille scribit populum C. P.
 die 4. Februarij habuisse *τὴν ἀναπρωσίμωσιν*, interpretati sunt, quod ea die *cæpit
 abstinere à carnibus*, cum tamen vertendum esset, habuisse plebem *carnis priuium*,
 vt rectè in editione regia translatus est; ea enim erat dies Dominica Apocrei,
 qua carnes comedebantur, & quidem copiosius ob vicinum insequenti die
 Quadragesimalis ieiunij initium. Eundem lapidem offendit Guillelmus Xy-
 lander Cedreni interpres.*

Ex his patet seditionem memoratam non contigisse anno 545. nam eo anno
 Dominica Apocrei contigit die XIX. Februarij Cyclo Solis XXII. Lunæ
 XIV. lit. A. quare in annum sequentem 546. protrahenda est, quo anno cum
 populus putaret Pascha celebrandum die prima Aprilis, habuit carnis priuium
 die 4. Februarij, quam plebs existimabat esse Dominicam Apocrei, cœpitque
 ieiunare die quinta sequenti. At Iustinianus, cum diem Paschatis celebra-
 dum esse iudicaret VI. Idus Aprilis, Dominicam Apocrei haberi iussit Tertio
 Idus Februarij. Errasse verò populum, non verò Imperatorem certum est,
 nam terminus Lunæ XIV. Martij incidbat eo anno 546. in diem primam A-
 prilis Cyclo Solis XXIII. Lunæ XV. lit. G. Quare Imperator iuxta approbatum
 Ecclesiæ ritum, de quo scribit D. Ambrosius in epistola ad Episcopos Æmi-
 liæ, non permisit Kalendis Aprilis, quæ dies erat terminus Lunæ decimæ quar-
 tæ, Pascha celebrari, vt populus perperam contendebat, sed Dominicam pri-
 ma post diem termini, nempe octaua die Aprilis, qua die ab omnibus etiam
 in Occidente Paschale festum eodem anno ritè peractum fuit. Porro Græci
 quadraginta dies à seria secunda post Dominicam Sexagesimæ vsque ad Pa-
 scha ieiunabant, nam neque Sabbatis, nec Dominicis ieiunium peragebant,
 excepto tamen Sabbato Sancto, vt patet ex canone 55. Trullano. Hinc Doro-
 theus Abbas ser. 15. de Sanctis ieiunijs ait: *Octo enim hebdomades subtractis Sab-
 batis, & Dominicis quadragesime dies persciantur præhonorato quoque in se ipso ieiunio
 Sancti Sabbati.* Et de his hæcenus.

Per annum ferè Pontifex in Sicilia moratus est, eas verò longiores ibidem
 moras duxit non solùm, vt Synodum in ea Insula fieri posse impetraret, quò ex

Oriente, Occidente, atque Africa Episcopi facili nauigatione se conferrent, verum etiam, ne Romam à Gothis obsessam periculosis temporibus deserere videretur. Plures in Sicilia legationes excepit. Africæ, ac Sardinia Episcopi Vigilium per oratores etiam, atque etiam rogarunt, ne nouis Iustiniani contra tria capitula statutis acquiesceret. Do Facundum Hermianensem libro 4. cap. 3. *Quod Romana quoque vniuersitas egredientem, quod venientem Africa, atque Sardinia, quamquam non per eas transierit, per ipsius tam. n. consiliarium publicæ cum contestatione pulsauerint, sicuti Hellas, & Illyricus provincie, per quas venit, ut nouitatenus nouitati, que facta est, acquiesceret.* Et capite sequenti ait: *Zoilus quoque Alexandrine urbis Antifistites cum Romanum Episcopum venire cognosceret, obuiam illi ad Siciliam misit, conquerens necessitate se ad ipsius decreti affirmationem fuisse compulsum.* Paulò post etiam Constantinopoli Datus Metropolitæ Mediolanensis superuenit, à quo Vigilium intellexit Mennam Patriarcham C-P. latam à Principe contra tria capitula sententiam subscripsisse, vnde ab eius communione non modò Stephanus Vigilij apud Iustinianum Apocrifarius, sed plerique etiam Episcopi, ac Laici se segregarant. Scribit Vigilium in literis ad Mennam, quas Facundus in libro contra Mocianum laudat: *In Siciliensi insula constituti si aie, & Coepiscopo nostro Datio referente didicimus, quod & ipse, & alij Consacerdotes nostri, & multi filij Ecclesiæ Christianæ à tua se nihilominus communione subtraxerint.* Ea tamen conditione Mennas subscripserat, vt si eadem Romanus Pontifex non probaret, subscriptionis chirographum sibi redderetur.

Interea cum accepisset Vigilium, Romam à Totila obsessam penuria laborare, plurimas onerarias naues frumento repletas Romanis in subsidium submitit; quas vbi hostium excubiæ in Romanum Portum plenis velis venientes animaduertissent, rem suis significarunt, qui dispositis insidijs vniuersas Portum citra vllam suspicionem subeuntes interceptere. Captus est inter alios Valentinus Episcopus Syluæ Candidæ, qui cum Romanorum consilia, quòd ea fortè nesciebat, prodere recusaret, à vero aliena exponere eundem Totilas suspicatus vtraque manu obtruncata dimisit. Scribit hæc Procopius lib. 3. de bello Gothico, vbi ait: *Finisque aderat hyemis claudens undecimum annum eius belli, quod Procopio describitur.* Interea Imperatoris accitu is, quem dixi, Rome antistes Vigilium, cum id opperirens diu in Sicilia substitisset, Constantinopolim profectus est. Primus annus belli Gothici incæpit Belisario Consule anno 535. quare vnà cum hyeme undecimus belli exijt anno 546. vere ineunte. Baronius annum 536. primum statuit belli Gothici à Procopio descripti in annalibus initio illiusmet anni. Sed annus ille planè est Procopio secundus belli eiusdem; libro enim primo pag. 159. editionis Grotij ait: *Sic se habentibus Dalmatiæ rebus hyems clausit annum primum huius belli, quod à Procopio describitur.* Belisarius tum Syracusæ, tum Panormi relictis præsidijs cum cætero exercitu Messana Rhegium transijt &c. Atque ita annus, quo Belisarius Siciliam occupauit, primus est apud Procopium belli Gothici, quem tamen annum Baronius ab annis belli eiusdem exclusit. Vigilium facta in Peloponneso exscensione terrestri itinere Constantinopolim perrexit, nam per Helladem, & Illyricum eundem iter habuisse superius ex Facundo dictum est. Interim per literas Mennam C-P. increpuit, quòd editum subscripserat; sed ecce, inquit Facundus, ex itinere, quòd ei videbatur, edixit, & facti huius auctori correctionem tumultuaria sue transgressionis indixit, & nisi

*titus, quod male factum est, auferretur, etiam vindicaturum se esse predixit. The-
salonicæ obuiam habuit Sebastianum Diaconum Apostolicæ Sedis in Dalma-
tia quæstorem, quem in provinciam Vigilius redire iussit mandans, ne Con-
stantinopolim accederet, nisi post exactas Præualis pensiones. Ingressus est
Constantinopolim in festo Conuersionis S. Pauli die 25. Ianuarij, & quidem Anno
summo honore à Iustiniano exceptus. Auctuarium Marcellini hæc habet: Post 547.
consulatum Basilij VI. Papa Vigilus ingressus est Constantinopolim V III. Kalendas Fe-
bruarias. Est annus 547.*

Vigilius quò animi magnitudinem monstraret, atque insigni facto Aposto-
licæ Sedis auctoritatem apud Græcos ostenderet, contra Acephalos decretum
promulgauit, quo Theodora etiam Augusta, quæ Acephalorum Patrona erat,
à fidelium communione, tacitè tamen, segregabatur. Eodem etiam anathe-
mate statim percussì videbantur omnes trium capitulorum hostes, ita quidem
Africani censebant, sed minùs rectè. De Theodoro Cæsarensi scribit Libe-
ratus, quòd erat *secta acephalus*; at Vigilus in sententia contra ipsum lata haud
illi tantum crimen importauit, quin imò in Synodo V. ille subscripsit contra
Acephalos pro Synodo Chalcedonenſi latum anathema. Mennam quoque
idem Vigilus à communione suspendit, quòd plurimos Episcopos ad subsi-
gnandum Iustiniani decretum compulſiſſet, quem etiam veniens per literas
acriter increpauerat teste Facundo in libro contra Mocianum. S. Gregorius
Magnus lib. 2. epist. 36. ad Episcopos per Hyberniam (Histriam legendum
puto) hæc ait: *Postquam recordanda memorie Vigilus Papa in Vrbe regia constitutus
contra Theodoram tunc Augustam, & Acephalos damnationis promulgauit sententiam,
tunc Romana Vrbs ab hostibus adita, & captiuata est. Ergo bonam causam habuerunt
Acephali, & iniuste damnati sunt, post quorum damnationem talia contigerunt.* Quo
pariter testimonio conuincitur falsum esse, Vigilium in peruigilio Natalis Do-
mini Constantinopolim ingressum fuisse, nam ex Auctuario Marcellini: *Indi-
ctione X. Post consul. Basilij VI. Totila dolo Ifaurorum ingreditur Romam die XVI. Ka-
lendas Ianuarias.* Cæterum dissidentibus Vigilio, ac Menna nihil in causâ trium
capitulorum decerni poterat, quod è Republica Catholica esset. Quare Theo-
dora Imperatrix mense Iunio Mennam Vigilio conciliavit. *Vigilius pariter, in-
quit Theophanes, à Theodora Augusta rogatus Iunij die 29. qui Sanctis Apostolis
sanctæ Pentecostes Sabbato cum Iudi Circenses celebrarentur &c.* Hoc Paschali cara-
ctere designatur annus 547. Cyclo Solis XXIV. Lunæ XVI. lit. F. vnde corri-
gendus Baronius, qui hæc narrat anno 552. Num. 17. repræhendens Nice-
phorum, quòd Theodoram pacis sequestram dixit, quæ iam anno 548. satis
concesserat. Ex quibus etiam Chronici laudati fides confirmatur, nam ante
quatuor menses Vigilus Constantinopolim ingressus paucis diebus

elapsis Mennam à communione suspendit; quare exeunte

Ianuario rectè eiusdem aduentus ibidem statuitur,

& post quatuor menses, vt ait Nicephorus,

Mennam in gratiam recepit, nempe

29. Iunij ex laudato

Theophane.

CAPVT IV.

Vigilius Papa Iudicatum contra tria capitula scribit. Africani, atq; Illyrij acerrimè Iudicato aduersantur.

ANNO
548.

INterim Vigilius experiebatur, quàm prudenter decessores Pontifices Græcorum Synodis interesse recusassent. Talis enim ac tanta eidem violentia inferebatur, vt in publico conuentu semel in hæc querelas feratur erupisse: *Contester, quia etsi me captiuum tenetis, beatum Petrum Apostolum captiuum facere non potestis.* Horum testis venit Italiæ Clerus in libello supplici dato Legatis Childeberti Francorum Regis Constantinopolim proficiscentibus, quo enixè rogabantur, vt Vigiliij Papæ causam susceperent. Editus est hic libellus ab eruditissimo viro Iacobo Sirmondo tomo I. Conciliorum Galliæ ad annum 552. pag. 294. Hoc vnum Vigilius petebat, vt in Sicilia, vel alio quopiam loco Occidenti proximiori Oecumenica Synodus haberetur, ad quam Latini, qui facti veluti fœdere pro tribus capitulis stabant, commodè commcare possent, quod iam antea licet frustra post Ephesinum latrocinium Leo Magnus, & Leonis nomine Valentinianus Imperator, & Augustus à Theodosio iuniori petierant. Sed ex Iustiniani decreto res in vrbe regia ventilanda erat. Ineunte anno 548. Mennas, quò pleniori obsequio Vigilium demulceret, & illum insententiam traheret, eiusdem nomen in sacris diptychis primò loco recitandum iussit, nam orta ante superiori inter vtrumq; discordia Vigilium è diptychis prorsus expunxerat. Reddo verba Theophanis: *Mense Ianuario Patriarchæ Constantinopolitani nomen primo gradu motum est Vigilio ei præposita, nomen enim eius in Ecclesiasticis tabulis ad primum gradum promotum fuit.* Annus verò hoc caractere ibidem designatur: *Iulij mensis die 28. feria tertia.* Est annus 548. Cyclo Solis 25. Lunæ 17. lit. E. D. Vrgente verò Principe Synodum, Vigilius Patrum Senatum cogit: Adfuere, inquit præfens Facundus in libro contra Moecianum, septuaginta circiter Episcopi cum Romano Antistite congregati. Ille cum secus, quàm sperabat, rem succedere animaduerneret, Afris quibusdam tria capitula vehementiùs oppugnantibus, acta Synodi interrumpens statuit per semet sententiam proferre. Aegrè tulit hoc factum Facundus, vnde Vigilium in citato volumine increpans ait: *Sed quoniam occulta eius ante iudicium sollicitatio tenebatur, in qua se spondit eadem capitula damnaturum, vt se quasi per ignorantiam possit abluere, probationem, quam offerebam, quamque ipse instanter exigere debuit, me facere non permisit.* Hæc ille Vigilio subinsensus, iniit enim clam cum aduersarijs fœderis Afri Pontificem semper accusarunt. Vigilius diuturnioris in Vrbe regiamoræ impatiens, ac Iustiniani violentijs fractus Iudicatum ad Mennam scripsit, in quo propugnata hucusq; tria capitula mutata derèpentè sententia damnauit adiecta tamen hac clausula: *Salua in omnibus reuerentia Synodi Chalcedonensis.* Ipse Vigilius in literis contra Theodorum rem ita narrat: *Pro scandalo refranando condescendentes quorundam animis, quos aliqua dispensatione credidimus temperandos, quia tu iam eos pluribus annis iniquissimus stimulator accenderas, quædam pro tempore medicinaliter existimauimus ordinanda, tali scilicet condicione, vt omni impostum perturbatione sopita, nihil ultra nec verbo, nec literis quisquam*
facere

fuere ex eadem causa præsumeret. Et quidem utriq; parti se fecisse satis Vigilius arbitrabatur; Græcis, quòd tria capitula condemnasset: Latinis, quòd salua Synodo Chalcedonensi id se fecisse contestaretur, pro illa enim facta, recta tuenda tantas illi turbas ciebant. Iam enim videre cœperat, quod Græci rectè monebant, tria capitula ad Synodum Chalcedonensem non spectare, quæ iam finita erat, antequam illa nominarentur, & de quibus Leo Magnus sententiam minimè tulerat, quippe qui acta Synodi vsq; ad definitionem fidei solummodò adprobarat. Hoc iudicatum tradidit Mennæ Sabbato Sancto, quod eo anno bissextili fuit die 11. Aprilis ex Cyclis superius notatis. Præro erant Vigilio inter alios Rusticus, & Sebastianus doctissimi Romanæ Ecclesiæ Diaconi, & ille quidem eiusdem Vigilij Nepos, cuius librum contra hæreticos legimus tomo 6. Bibl. PP. par. 2. Hic lecto Pontificis iudicato publicè dixit: *Melius fieri non potuit, quam quod factum est Iudicatum.* Sebastianus verò, qui nuper ex Dalmatia aduenerat, exclamauit: *De celo Iudicatum ordinatum.* At Facundus velut in rabiem actus nefandum iudicatum appellare non extimuit in libro contra Mocianum. Interim memoratus Vigilij nepos plurima Iudicati exemplaria per Tyrannum Magistrum militum Pontifice inscio transmisit in Africam, eiusdemq; exempla quadruplicata, & quidem minutissimis characteribus exscripta in Italiam ad Pclagium Diaconum clam deferenda curauit, atq; vniuersos coram hortabatur, vt Iudicatum reciperent.

Iustinianus Vigilij sententia commendata eandem sacris diualibus omnibus Romani imperij incolis intimauit. Do verba Victoris Tunonensis: *Post consul. Basilij anno VIII. Iustinianus Imperator per diuersas Prouincias regni sui finibus constitutas instantissime scribit, & Antistites cunctos præfata tria capitula damnare compellit.* Vbi primum Occidentalibus Ecclesijs Vigilij Iudicatum, ac noua Principis edicta innotuere, conqueri singuli, ac deplorare Synodi Chalcedonensis auctoritatem à Vigilio depressam, proditam ab illo fidem, & Ecclesiam prauo dogmate imbutam. Africani non modò Iudicatum non adprobarunt, sed eidem consentientes ecclesiastica communione priuarunt; idem ab Illyricis Episcopis factum. Facundus in libro contra Mocianum acerrimè in Vigilium inuectus ait: *Iudex asserit, quòd inuitus protulerit istud Iudicatum: Nos contra respondemus, quòd ultra per ambitionem pollicitatione facta peccauerit, nec vlla sustineret tormenta, quibus cessasse credatur.* Rursus; *Ob hoc etiam de Romani Episcopi chirographis vel prius ambitionis impulsu, cum fieri arderet Episcopus, vel postea uenialitate parti alteri factis, necessarium duximus non tacere, ne auctoritate nominis eius præiudicium vera fides sufferret.* Legantur ibi plurima, nam conuiciorum plaustris totus in rabiem actus impudenter Vigilium opprimere conatur. Fremebat vniuersus Occidens, palamq; Iustiniani iussis non modò Episcopi, sed integre plebes refragabantur; vnde Imperator ex Vigilij Iudicato lites in immensum auctas intelligebat, quas tamen eo scripto componendas sperauerat. Rerum igitur perturbatione commotus vtilioribus remedijs animum applicuit, quod & commodius præstare poterat mortua hoc anno Theodora coniuge, quæ cum Acephalorum sectæ faueret, mille malis Orientem affligerat, vt pluribus magnus annalium Ecclesiasticorum conditor describit. Obijt Theodora mense Iunio cum imperasset ex Procopio lib. 3. de bello Gothico annos XXI. menses tres; indepta enim fuerat imperium anno 527. Kalendis Apri-

Aprilis. Corrigendus est Tunonensis, qui defunctam illam scribit Post consul. Basilij IX. sicuti nec placet, quod scribit Theophanes: *Eodem anno mense Junio Indictione XI. Imperatrix Theodora cum pietate obdormiuit*. Pessima enim foemina usque ad mortem prauo dogmati obstinatè inhæsit, illa autem mortua nullas de fide quæstiones deinceps cœpit Ecclesia in Oriente formidare, ut testatur Pelagius I. eidem Imperatrici satis cognitus in epist. 12. ad Childebertum Regem Francorum. Scribit Baronius nesciri, quò genere morbi hæretica mulier extincta fuerit, id tamen Tunonensis loco adducto exposuit: *Theodora*, inquit, *Augusta Chalcedonensis Synodi inimica canceris plagâ toto corpore persusæ vitam prodigiosè finiuit*. Illius scelera, ac flagitia suis coloribus affabre delineauit Procopius in arcana historia, sacrilegia verò Liberatus Diaconus, atque Euagrius; ita vnus pessimæ mulieris arte sacra omnia, ac profana in Romano imperio pessum iuere. Per illam sanè hanc de tribus capitulis tempestatem, qua vniuersa Ecclesiæ tranquillitas miserando naufragio penè submersa fuit, exortam esse laudati Scriptores prodidere: Liberati verba superius ea de re recitauimus. Pœnas tandem turpissimo exitu vltori Numini dedit.

Interea non solum in Occidente ob ludicatum malè audiebatur Vigilius, sed etiam à pluribus vel in ipsa regia Vrbe passim tradebatur, eorum nomina habentur in sententia lata à Vigilio contra Rusticum, & Sebastianum. Horum Princeps erat Felix Monachus Africanus Gillitani monasterij Hegumenus, qui non modò palam ludicatum impugnabat, sed & cæteros in suam sententiam trahere conabatur. Diaconi certè Rusticus, & Sebastianus magni illi paulò ante ludicati præcones, ac laudatores Monachi persuasionebus victi exeunte anno à priori sententia discessere, ac perfricta fronte à Vigiliij communione segregati hostium numerum auxere. Illi quidem literas quaquauersum disseminarunt, quæ significabant, Vigilium *aliquid scripsisse, quod reperiatur aduersum definitioni Sanctæ Chalcedonensis Synodi*, teste ipsomet Vigilio in scripto contra eosdem anathemate, ubi hæc addit: *In quo memorato scripto etiam contra diuinas scripturas non solum Pontificibus multis, sed etiam, quod dici nefas est, ipsi quoque Principi sacrilegas iniurias irrogare tentastis*. Hinc Vigilius iusta contra eosdem indignatione concepta, ubi ad meliorem frugem eos reuerti nolle cognouit, utrūque anathemate percussus dignitate, ac gradu submouit. Sententia in eosdem à Vigilio lata inserta est actis Synodi V. collat. 7. Baronius anno 550. utrumque damnatum scribit, cui non repugno, nec vnquam repugnare ausim, nisi rei secus se habentis veritate conuictus. Certe hæc ibi leguntur: *Hæc ergo sustinentes per multa temporis spatia patientia sacerdotali refecare astulimus credentes vos forsitan respicisci*. Felicem etiam Monachum rebellionis autorem eadem pœna multauit, qui usque ad Synodi finem Byzantij moratus iubente Iustinianno in exilium deportatus est, de quo scribit Victor: *Post consul. Basilij XVII. Eo tempore Felix Hegumenus Monasterij Gillitani in exilio apud Sinopen de hac vita migravit ad Dominum*. Erat vrbs in Ponto olim nobilissima. Aurelianus Arelatensis Metropoli, qui anno 546. à Vigilio Apostolicæ Sedis Vicarium in Gallijs agere iussus fuerat, sparsis per rebelles Diaconos rumoribus commotus Anastasium cum literis Constantinopolim misit, indicans vbiq; eam famam percubuisse, quòd per Iudicatum Chalcedonensis Synodi fidem decurratur, quæ literæ redditæ sunt Vigilio pridie Idus Iulias, respondit verò Vigilius anno sequenti.

Illy.

Illyrici Episcopi, qui transeuti Vigilio anno 546. occurrerant, ac eundem rogaauerant, *ut nullatenus nouitati, quæ facta est, acquiesceret*, verba sunt Facundilib. 4. cap. 3. vbi primum Iudicati sententiam intellexere, Synodum indicunt, ac trium capitulorum defensio communi consilio decernitur. Horum testis est Tunonenlis: *Post consularum Basilij anno IX. Illyriciana Synodus in defensione trium capitulorum Iustiniano Augusto scribit, & Benenatum primæ Iustiniana ciuitatis Episcopum obreclatorem eorundem trium capitulorum condemnat.* Vnus hic Benenatus ex Metropolitæ Illyrij contra tria capitula sentiebat. Nec mirum: Etenim Iustinianus ignobili loco natus in Dardania Europea apud Taurefium ibidem postea nobilissimam urbem condidit, de qua pluribus agit Procopius lib. 4. de ædificijs Iustiniani. Illam quidem Metropolita Sede nobilitare desiderans id ab Agapeto petierat, intra cuius diocesium Patriarchicam sita erat, at illo quidem breui defuncto id ipsum à Vigilio impetrauerat. Benenatus fuit secundus Metropolita primæ Iustinianæ, cui vicinarum provinciarum Episcopos Vigilius subiecerat Thessalonicensi Primare antiquissima iurisdictione multato. Extat Nouella Iustiniani CXXXI, ad Petrum Præfectum Sacrorum Prætoriorum, in qua Imperator vicinas provincias Metropolitz primæ Iustinianæ subiicit, restatus se edicere secundum ea, quæ definita sunt à Sanctissimo Papa Vigilio. Baronius scribit Iustinianum anno 555. à Vigilio tum temporis *crumnis fatigato* extorsisse, vt prima Iustiniana non Episcopatus tantum, sed Metropolita Sedes augetur dignitate. Ibidem Num. 6. Baronio adheret meus Lupus cap. 7. com. in Synodum V. At non ita est; nam sanctio Iustiniana data est XV. Kal. Aprilis Basilio V. C. Consule, nempe anno 541. Hinc in Synodo V. collat. 2. cum Paulus Episcopus secundæ Iustinianæ inuitatus à Græcis, vt ad Synodum accederet, idemq; rogaretur Sabinianus Zapparenius, responderunt, non posse se venire, *ed quod non præstet Archiepiscopus Benenatur.* Patres Græci replicarunt: *Paulo licebit, secundum quod petierunt, ad Benenatum religiosisimum Episcopum accedere, qui communicat nobis, & consentit his, quæ ab ista Synodo aguntur, sicut ostendunt ea, quæ sepius scripsit, & fecit.* Ex his patet ante annum 555. primam Iustinianam Pontificis autoritate, & Synodi testimonio habuisse Antistitem Metropolitam. Itaq; Benenatus, qui in Iustiniani patria Antistes sedebat, ad Imperatorem accedens tria capitula damnauerat, hinc à reliquis Episcopis Illyricianis sacris interdictus fuit.

Anno sequenti Africani Antistites Reparato Carthaginensi duce grande anno facinus ausi non modò Iudicatum receperunt, verum etiam Vigilium ipsum 550. anathemati subicerunt. Hæc habentur in Chronico Victoris, qui fufius, quàm cæteri, gesta in causa de tribus capitulis suis fastis inseruit: *Post consul. Basilij, inquit, anno X. Africani Antistites Vigilium Romanum Episcopum damnatorem trium capitulorum Synodaliter à Catholica communione reſeruatō ei penitentiæ loco recludunt, & pro defensione memoratorum trium capitulorum litteras satis idoneas Iustiniano Principi per Olympium Magistrum mittant.* Adeo ima fummi confusa erant. Facundus etiam Hermianensis Afrorum vehemensissimus in libro contra Moecianum perperam arguit Vigilium mendacij, proditiōis, collusionis cum Acephalis, ambitionis, venalitatē. Cæterum Iustinianus acceptis ab Africanis, & Illyricis actis Synodalibus, quæ tria capitula propugnabant, contra eosdem statim rescripsit. Do Iſidori verba: *Iustinianus, inquit, Imperator celsi-*

condidit quoq; & rescriptum contra Illyricianam Synodum, & aduersus Africanos Episcopos, in quo tria capitula damnare contendit. In lib. de viris illust. cap. 12. Vigilius cum ob Iudicatum passim se malè audire intelligeret, nam tanquàm Chalcedonenfis Synodi hostis publicabatur, datis ad nobiles Episcopos literis hanc à se procul infamiam excutere conatus est. Die 18. Martij scripsit ad Valentinianum Tomitanum in Ponto Metropolitam significans falsis-Rustici, ac Sebastiani delationibus hæc de se sinistra vbiq; spargi, damnasse se tria capitula salua fidei definitione per Chalcedonenses Patres statuta. In eandem etiam sententiani literas misit ad Aurelianum Arelatensem. Datæ illæ sunt anno Iustiniani XXIV. die 29. Aprilis; consulatum tamen Basilij IX. signandum esse rectè monuit Baronius, quod patet ex his, quæ ibidem scribit: *Ut quia Gothicum Rege suo in ciuitatem Romanam perhibentur ingressi.* Capta enim est Vrbs ex Procopio anno decimo quinto bellì Gothici lib. 3. Ex quibus patet eundem Scriptorem priorum annorum metachronismum correxisse.

Turpis sanè Ecclesiæ facies erat, ac iam Anastasij Hæretici Principis tempora felicia videbantur, tunc enim Oriente infecto, Acephalis dominantibus, prauì dogmatis Magistris in Asia primas sedes occupantibus, Occidens pace fruebatur, atq; Sanctissimorum Pontificum opera in fide continebatur. At sub Iustiniano Synodi Synodis aduersabantur, rebellarat Occidentis Ecclesia à Vigilio, neq; hic apud Græcos in honore erat. Africanie vbiq; temeritatis eruperant, vt ipsum Pontificem palam anathemate percellerent. Sed & eosdem pari poena Vigilius mulctauerat, nam Iudicati detractores ipso fido anathemati subijciebantur, quod ex his, quæ in sententia eiusdem Vigiliij contra Rusticum, & Sebastianum leguntur, intelligitur: *Quos pro hoc,* ait Vigilius, *quod contra Iudicatum nostrum scripserant, per eiusdem Iudicati seriem constabat iam a nobis communione suspensos.* Sed non tantum scripto, verum etiam armis decertabatur, tantaq; rabie suæ quisq; factioni studebat, vt nonnulli ne sacrosancta, quidem loca reueriti eadem impia cæde polluerent. Conqueritur Vigilius ex literis rebellium Diaconorum contra Iudicatum emissis tantas alicubi turbas excitatas, *vt humanus sanguis in aliquibus locis intra Ecclesiam, quod dici nefas est, funderetur.* In sententia contra eosdem lata. Quare plenaria, seu Oecumenica Synodo opus esse non modò Vigilius, sed Iustinianus quoq; optime intelligebant. Vigilius priori sententiæ inhærens in Italia cogi illam malebat, nec semel hoc à Principe se petiisse testatur in Constituto ad Iustinianum: *Optauimus,* inquit, *reuerabilis Imperator, sicut frequentissimè supplici prece poposimus, eandem ad quemlibet Italiae locum, aut certe ad Siciliam, & conuocatis ad nos Africanæ, & aliarum prouinciarum Latine lingua Sacerdotibus, vel Ecclesiæ nostræ sacris ordinibus secundum consuetudinem tractaremus, & de questionibus trium capitulorum pietati vestræ redderemus plena deliberatione responsum.* Quod quia fieri Serenitas vestra non annuit, hoc iterum noscitur constitutum, *vt oblati à nobis mansuetudini vestre nominibus de superscriptis prouincijs, qui nobiscum ad tractandum adhiberentur Antistes Clementia vestra saceret aduenire, cui dispositioni item prebuerimus Ecclesiasticæ pacis amore consensum.* Hoc verò poltreum ipsummet Vigilius à Principe petiisse Clerus Italiæ in libello supplici affirmat, aliorum tamen consilio id Papæ insinuaturn constat, ex verbis Vigiliij. Illud tamen falsum esse arbitror, quod ibidem Clerici illi ponunt, nempe: *Capit iterum sæpè dictus beatusissimus Papa Vigilius*

luis ad hoc compelli, ut absolute capitula sine Synodi Chalcedonensis mentione damnaverit. Hanc enim clausulam in Iudicato Vigilii posuerat: *Salua in omnibus reuerentia Synodi Chalcedonensis*. At hac clausula tantum abest, ut Iustinianus offenderetur, ut eandem & suo decreto contra tria capitula his plane verbis inseruerit: *Si quis dicit non hæc ad abolendos, aut excludendos Sanctos Patres, qui in Chalcedonensi fuere Concilio, dixisse, anathema sit*. Non ergo Iustinianus odisse poterat eam restrictionem, quam sub anathematis interminatione ipsemet asserendam singulis intinuerat. Hinc Iustinianus ob eximiam ipsius erga Chalcedonense Concilium reuerentiam, quippe qui illud inter sacra diptycha recitari iusserat, dictus est *Synodista*, ut ex Leontio superius notatum est.

Iussi sunt ergo nobiliores singularum Prouinciarum Episcopi, qui in Romani imperij vrribus sedebant, Constantinopolim ad Synodum accedere. *Ex Illyrico*, inquit Clerus Italia nullus venire voluit. Adfuisse tamen tempore Synodi Benignum Episcopum Heracleæ Pelagoniæ vicem agentem Eliæ Metropolitæ Thessalonicensis ex Synodi subscriptionibus constat. Benignus hic in Constituto Vigilij edito à Baronio ad Annum 553. Num. 49. dicitur Episcopus Heracleæ Paphlagoniæ, unde & à Patre Lupo in commentarijs collat. 5. Synodi V. appellatur *Benignus Heracleæ in Paphlagonia Episcopus*. Sed eruditus viris non accedo. Nam nulla huius nominis vrbs fuit vnquam in Paphlagonia, quæ cum sit in extrema parte Galatiæ in Asia, non video quomodo illius prouinciæ Episcopus vices gerere potuerit Metropolitæ Macedoniæ. Erat Benignus Episcopus Heracleæ in Pelagonia, quæ est parua Macedoniæ regio inter Axium, & Erigonum sita. Et iam olim tum in latrocinali conuentu Ephesino, tum in Synodo Chalcedonensi legitur subscriptus *Quintillus Heracleæ Macedoniae agens vices Anastasij Episcopi Thessalonicensis*. Ita & in Synodo V. Benignus Heracleæ Macedoniæ gessit vices Eliæ Thessalonicensis. In magna Synodo Chalcedonensi leguntur Episcopi Cyriacus Heracleæ Thraciæ, Theodorus Heracleæ Ponti, Menander Heracleæ ciuitatis Latinos, quæ est Cariæ vrbs ad Latmum montem, & Dionysius Heracleæ ciuitatis Lyncestidum act. 1. Synod. Chalced. initio. Hæc postrema vrbs est illa, quæ in subscriptionibus Synodi V. dicitur *Heraclea Pelagonia*. Nam Lyncestis regio Macedoniæ est Pelagoniæ contermina, & vltra Erigonum Heracleæ territorium tantummodò sibi vindicat, unde Heraclea, quæ ad Erigonum ripas sita est, ad Lyncestidem spectat; quare rectè in Synodo Chalcedonensi Dionysius dictus est *Episcopus Heracleæ Lyncestidum*. Pelagonia autè à Strabone dicitur Tripolitis, quod tres in ea tantum vrbes numerabantur, quas inter Heraclea non erat. Cæterum Benignus sub Iustiniano nuncupatus est *Episcopus Heracleæ Pelagonia*, ea parte Lyncestis trans Erigonum Pelagoniæ adiuncta. Præter Benignum adfueret etiam in Synodo Soterus Episcopus Aulonis, & Phocas Scaliensis, agens vices Benenati Metropolitæ primæ Iustinianæ. Rursus Paulus Vlpianensis, Sabinianus Zapparentis, Proiectus Naissitanus, horum tres postremi Vigilio adhærebant, priores verò Iustiniani, ac Græcorum sententiam sequebantur. De Africanis ita scribit oculatus testis Victor Tunonensis: *Post consulationem Basilij Anno XI. Reparatus Archiepiscopus Carthaginensis Ecclesie, Firmus Numidarum Episcoporum Primate, & Primasius, & Verecundus Concilij Byzaceni Episcopi pro fidei causa ad urbem regiam eiusdem præcepto Principis euocantur*. Primasius erat

erat Episcopus Adrumetinus, & Vigiliij Constitutum contra Iustiniani sententiam subscripsit, qui tamen paulò post mutata sententia in Synodi decreto tum pedibus iuit, vt postea nobis commemorabitur.

Interca capta Roma à Totila, ac Gothis tota Italia victoribus Vigilius instabat Iustiniano, vt iterum Belisarius cum exercitu in Italiam mitteretur. Imperator verò non Gothos, sed subortam de tribus capitulis dissensionem malebat prosligare. Reddo verba Procopij ex versione Grotij lib. 3. *At Vigilius Roma Antistes cum Italis, qui & multi, & nobiles Byzantium aduenerant, non cessabat inflare, vt in Italiam magna cum & Belisarius remitteretur &c. At Imperator Italiam sibi curæ fore promisit, assiduus interim tractandis Christianorum placitis hoc proposito, studioque, vt quæ inter eos disputando iactabantur, componeret.* Hæc Procopius. Nulla enim peiora dissidia Principibus censentur, quam quæ ob dogmatum diuersitatem subditos in factiones dilancinant, neque hostis propulsari faciliè potest, regno ciuilibus discordijs afflicto. Vigilius nulla re magis in dies angebatur, quam quòd Iudicatum emiserat, cuius scripti non semel eundem pœnituit; videbat enim Occidentales ob id omni erga Apostolicam Sedem reuerentia deposita rebellasse. Quare prudenti consilio cum Iustiniano egit, vt à Menna sibi Iudicatum illud restitueretur, vnde postea in Synodo plenaria velut ex integro eadem causa tractaretur, nullaque fieri posset ex priori illo decreto Sacris Senatoribus in dicenda sententia præscriptio. Id tamen eo consilio Pontifex faciebat, vt Iudicatum è Græcorum manibus extorqueret, eaque ratione Latinis ostenderet, inuitum se illa scripsisse. *Præstitit igitur Deus, vt hac ratione Sanctus Papa Vigilius Iudicatum, quod in ipsa causa fecerat, publicè in conuentu recipret denuncians, quia si quis Græcorum Episcoporum vsque ad vniuersalis Concilij tractatum de istis Capitulis aliquid fecisset, aut facientibus acquiescisset, à communionem Sedis Apostolicæ alienus existeret.* Hæc referunt Clerici Italix in libello laudato. Cæterùm Vigilius vnà cum Iudicato Latinorum omnium amorem, ac reuerentiam erga Apostolicam Sedem recuperatam putabat; inde etiam factum est, vt in priorem sententiam liberius regredi potuerit, quæ tria Capitula antequam Byzantium veniret, adprobarat. Illius Iudicati nec vnicum exemplum apud Mennam remansisse, eo mihi argumento probatur, quòd cum postea collatione VII. Synodali ex scriptis Vigiliij tria Capitula ab Apostolica Sede damnata esse demonstrare Græci Patres conarentur, ac sententiam contra Diaconos Romanos, itemque epistolas ad Valentinianum, & Aurelianum Antistites ad verbum recitarent, Iudicatum minimè protulerunt. Sed Vigiliij verba reddenda sunt in decreto contra Theodorum: *Ad hoc est causa perducta, quatenus semotis omnibus, quæ de trium capitulorum à quibuslibet dicto, scriptone fuerant ordinata, quid de ipsa re factum opus esset, cum Africanarum, Illyricianarum, seu Vualthiarum partium congregata Synodo tractarem, eorum maxime præsentiam requirentes, quorum fuerat scandalizata fraternitas; illud quoque magnopere nobis cum Clementissimo Principe præsentibus etiam Menna Constantinopolitane ciuitatis, & Datio Mediolanensis Urbis Antistite, alijsque tam Græcis, quam Latinis Episcopis, cum quibus omnibus etiam tu Theodore pariter affuisti, necnon & præsentibus Iudicibus, atque Proceribus vniuersoque Senatu conuenit, ne vsque ad memoratam Concilij definitionem quicquam de præfatis tribus capitulis ab aliquo fieri intentaretur.* Hæc Vigilius.

CAPVT V.

Theodorus Mopsuestia Pelagianus è sacris Diptychis expunctus. Nonnulla de eisdem diptychis adnotantur, & Diptychion Mopsuestenum illustratur. Iustinianus publicè editum contra tria Capitula, ac Vigilium, & Africanos Episcopos eidem resistentes senius affligit. Moritur Mennas Patriarcha C-P.

Iustinianus induciarum tempore susceptum semel contra tria capitula bellum acerrimè vrgebat. Cum accepisset nomen Theodori è sacris diptychis Ecclesiæ Mopsuestenæ, cuius ille olim Episcopus fuerat, erasum fuisse, ad Ioannem Metropolitam Iustinopolitanum (est autem hæc vrbs primaria Ciliciæ minoris Anazarbus antea dicta, quæ teste Euagrio lib. 4. cap. 8. terræmotu deicta, & à Iustino Imperatore restituta eiusdem nomen acceperat) litteras misit, quibus mandabat, vt collecta provinciæ Synodo inuestigaret, quandonam Theodorus è sacris diptychis expunctus fuisset. Eiusdem ferè exempli epistolam dedit ad Cosmum Episcopum Mopsuestiæ, qui ante paucos menses in demortui Simeonis locum hac ipsa indiçtione XIII. subrogatus fuerat. Scriptæ sunt literæ Iustiniani die 13. Maij, anno imperij eiusdem XXIV. P. C. Basilij IX. Coacta est autem Synodus Mopsuestiæ die 17. Iunij, cuius acta recitantur in Synodo V. quorum initium collatione quinta hocce refertur: Imperij diuini, & pijsimi nostri Domini Flauij Iustiniani perpetuò Augusti Imperatoris anno XXIII. legendum XXIV. Post consulatum Basilij V. C. anno nono mensis Iunij XVII. instantis Indiçtionis XIII. in Mopsuestia colonia Christianissima &c. Adfuere cum Ioanne Metropolitâ octo alij Episcopi. Vnde nescio cur Ricciolius in magno chronico ad annum 550. scripserit: Iustinianus vniuersalem Synodum Mopsuestiæ in Cilicia conuocat. Adfuere etiam seniores Clerici, & nobiles ciuitatis. Ioannes Cimeliarcha iussus proferre diptycha Ecclesiæ, in quibus Sanctæ memoriæ Sacerdotum ipsius optimæ ciuitatis continentur vocabula, respondit: Secundum inuisionem vestre sanctitatis inter sacra vasa, quæ à me seruantur, habentes diptycha illa protuli, & ad recitationem porrigo. Habeo autem, & duos membranaceos quaterniones vetustiores istis, quæ nunc sunt, & recitantur, quos & ipsos protuli, sicut videtis. Iacobus Goar in Euchologio in notis ad liturgiam Chrysostomi vertit chartaceos codices. Ex his apertè constat diptycha illius Ecclesiæ fuisse membranas quasdam, in quibus nomina Episcoporum scribebantur. Hinc diptycha à Synodo Constantinopolitana sub Ioanne Patriarcha anno 518. in relatione ad eundem, itemque à Monachis regiæ vrbs in libello ad eam ipsam Synodum sacri libri nuncupata sunt.

Distincta erant diptycha viuientium, ac mortuorum; nam in diuersis libris eorundem nomina scribebantur. Hoc patet ex literis Attici Constantinopolitani ad Cyrillum de restituto diptychis Chrysostomo: *Atentio namque eius, inquit, sit cum defunctis non solum Episcopis, sed & Presbyteris, Diaconis, & laicis æp̄is, mulieribusque &c.* Magna est enim inter defunctos, & superstites differentia, vt etiam libri propter differentiam eorum, quorum memoria conseruatur, statum discreti sint. Ita diptycha τὰ βιβλία libros & ipse nuncupauit, eos verò ex aliquot paginis conflatos constat, quod tot sacrorum, ac laicorum, imò & mulierum nomina

continebant. Porro nomina haud promiscuè inscribebantur, sed in vna pagina Episcopi, in alia Presbyteri, in altera Diaconi, atque ita diuersis etiam Laici, ac scemina diptychis consignabantur.

Profana quidem diptycha, quæ noui Consulis nomen exhibebatur, ex ebore fuisse certum est ex Cod. Theod. lib. 15. tit. 9. ubi: *Illud etiam constitutione solidamus, ut exceptis Consulibus ordinarijs, nulli prorsus alteri auream sportulam, diptycha ex ebore dandi facultas sit. Cum publica celebrantur officia, sit sportulis numerus argenteus, alia materia diptychis.* Datum est illud rescriptum ab Imperatoribus Valentiniano, & Theodosio anno 384. Tabellis eburneis characteribus aureis nomen Consulis inscribebatur, hinc Claudianus lib. 3. de laudibus Stilichonis propè finem canit.

*Tum virides pardos, & cetera colligit Austri
Prodigia, immanesque simul Latonia dentes,
Qui secti ferro in tabulas, auroque micantes
Inscripti rutilum cælato consule nomen
Per proceres, & vulgus eant.*

Ex illis cælato Consule effigiem etiam Consul in tabella sculptam fuisse colligimus, & nostra ætate Alexander Vvithelmus hæc diptycha consularia non vno loco inter antiquissima cimelia inuenta publicauit, ac nobili insuper commentario illustrauit, quem mihi primùm ostendit Octauius Ferrarius magnum illud huius Academiæ Patauina decus, ac nostræ ætatis Oratorum facile Princeps. Erat duplex tabella ex vtraque parte effigiem Consulis representans. Huiusmodi etiam diptychon exhibet Sirmondus in notis ad epist. 5. Libri 8. Sidonij Apollinaris. Hinc verò illi catalogi Episcoporum, aliorumque apud Christianos diptychorum nomen mutuarunt, & consulare diptychon sacram euasit. Augustinus duas catalogi tabulas eleganter lib. 15. contra Faustum cap. 4. *Diptychium lapideum nuncupauit.* Cæterùm & sacra diptycha alicubi eburnea fuisse indicat Fortunatus lib. 10. carm. 7. de Natalitio die S. Martini Turonensis ad Childebertum Regem, ubi ait.

*Nomina vestra legat Patriarchis, atque Prophetis,
Cui hodie in templo diptychus edit ebur.*

Non inde tamen certò colligitur nomina Episcoporum ebori fuisse insculpta, nam coopertorium fortè solummodò eburneum erat, nomina autem membranæ inscripta. Habemus ex inscriptione Gruteri pag. 174. T. Tarfernium legatæ PVGILLARES MEMBRANACEOS OPERCVLIS EBOREIS. Certè diptychum Mopisæstenum membranaceum fuisse ex laudato testimonio constat, quòd verò inter sacra vasa, ac pretiosam supellectilem repositum illud video, easdem membranas credideim eburneis coopertorijs, vel alterius pretiosæ materiæ regumentis inclusis.

Diptycha sacra summa in veneratione erant; etenim in sacrosancto mysterio exponebantur, & Diaconus eadem thure suffibat, quod ex liturgia S. Ioannis Chrysostomi colligo, ubi hæc habentur: Ο Διάκονος θυμῶν γύροθεν τῶν ἀγίων τράπεζαν, καὶ τὰ δ' ἐπὶ τῇ. Diaconus circumiens suffit sacram mensam, & diptycha. Interpretes antiquiores imperitè pro diptychis corporalia posuerunt. Recitabantur diptycha à Diacono alta voce in ambone, quod ex actis Synodi Constantinopolitanæ anno 518. celebratæ colligitur, ubi cum populus conclamasset:

malet: *Diptycha amboni.* *Qui non loquitur Manicheus est.* *Diptycha amboni,* Ioannes Patriarcha populo satisfecit. *Post lectionem sancti Euang. lix ex more sacra missa finita, & ianuis clausis* (missa inquam Catechumenorum, quibus post euangelij recitationem extra Ecclesiam dimissis ianuæ claudebantur) *ac sancta lectione iuxta consuetudinem lecta, tempore diptychorum cucurrit omnis multitudo cum magno silentio circa altare, & audiebat.* Et cum solum lecta fuissent à Diacono nomina prædictarum Sanctorum quatuor Synodorum, & sanctæ memorie Archiepiscoporum Eusebii, Macedonij, & Leenis voce magna r. niu rsi clamauerunt, *gloriatibi Domine.* S. Leonis Papæ, nec non Eusebii, ac Macedonij regis Urbis Præfulum nomina Anastasius hæreticus Imperator de sacris tabulis eraserat, ideo eodem anno 518. Iulij die nona defuncto, populus septimo post die, nempe die sextadecima serva secundæ corundem Præfulum nomina diptychis restituta audiuit. Hæc quidem referuntur in actis Concilij Constantinopolitani sub Menna anno 536. actione prima. Atq; hæc de materia, & recitatione sacrorum diptychorum indicasse sufficiat. Legatur purpura æquæ, ac sapientia Eminentissimus Bona lib. 2. rerum Liturgicarum cap. 12. ubi eruditissime de sacris diptychis disserit.

Verum vt ad Mopsuestenam Synodum redeam, defunctorum illius Ecclesiæ Antistitum nomina ita diptychis inscripta legebantur: *Pro requiescentibus Episcopis Protogene, Zosimo, Olympio, Cyrillo, Thoma, Bassiano, Auxentio, Palatino, Iacobo, Zosimo, Theodoro, Simone.* Hic ultimus ante paucos menses decesserat, Theodorus verò à Galatia erat ante triennium defunctus. Olympius anno 381. interfuit Synodo Constantinopolitana Theodosio Imperatore, nam inter Episcopos Ciliæ legitur *Olympius Mopsuestensis.* Huic circa annum 391. successit Theodorus Antiochenus tantorum dissidiorum origo, qui cunctis annos sex, & triginta eam Sedem tenuisset, circa annum 427. occubuit, vt lib. 2. hist. Pelag. cap. 4. narrauimus. Excepit Theodorus Thomam, qui in Synodo Antiochena præfide Domno Patriarcha contra Athanasium Parenorum Episcopum sententiam dixit; ibi enim hæc legimus: *Thomas Episcopus Mopsuestie dixit &c.* Hanc Synodum anno eodem, quo decessit S. Cyrillus Alexandrinus, habitam fuisse ex verbis Athanasij recitatis act. 14. Synodi Chalcedonenfis colligit Pater Lupus cap. 4. comment. in Synodum latrocinalem Ephesinam: *Hanc, causam inquit, audierunt beate memorie Cyrillus, & Troclus, & ceteras formas scripserunt Domno, qui fuit Antiochenus Episcopus, promittiq; illas eas complere, & cum cognouisset mortem beati Cyrilli, resiliuit, & ad iudicium me vocauit;* Cyrillum obiisse anno 444. locupletissimo eiusdem Cyrilli Nepotis testimonio probauimus lib. 2. hist. Pelag. cap. 11. Anno igitur 444. tempore Concilij Antiocheni, quod actioni 14. Synodi Chalcedonenfis insertum legitur, Thomas Mopsuestie sedebat. Idem interfuit Synodo alteri Antiochenæ in causa Iba Edesseni ex act. 19. Synodi Chalcedonenfis, ille autem conuentus habitus est anno 448. vt ex actis Synodi Tyriæ, & Berytensis colligitur, quæ in eadem causa Iba habitæ sunt. Hic verò Thomas paulò post decessit, nam in subscriptionibus Concilij Chalcedonenfis habiti anno 451. legimus: *Bassianus Episcopus Mopsuestie per Sophronium Chorepiscopum Anabazæ &c.* Post Bashianum sacris Mopsuestenæ præfuit Auxentius huius nominis secundus.

At cur Macedonius Episcopus in memorato Diptycho non recensetur? Etenim in subscriptionibus Synodi Nicænæ anno 325. inter Antistites Ciliæ legi-

legitur *Macedonius Mopsuestiensis*. Omnes autem Episcopos Orthodoxos Patres his iusserant nominari: *Recitentur nobis sacra Diptycha, quæ declarant sanctæ memorie connumerationem Sacerdotum istius Mopsuestenæ civitatis, ex quo immaculata, & Orthodoxa fides predicatur usque ad hunc, qui in præsentī tertiadecima indiçione mortuus est.* Respondeo Macedonium ad Arianorum partes defecisse, diuque inter eosdem militasse, vnde veluti à fide Catholica rebellis è sacris Mopsuestenæ Ecclesiæ tabulis expunctus fuit. S. Athanasius in libro de Synodis scribit de Arianis: *Rursus quasi istorum penitentia laborarent post triennium iterum in confesum veniunt, amandantq; Eudoxium Cilicem, & cum eo nonnullos ad Italianam secum deferentes fidem multis verbis conscriptam.* Hos inter legatos fuisse Macedonium Mopsuestiensem disertè tradit Soerates lib. 2. cap. 15. aliàs 19. vbi de eisdem hæreticis ait: *Aliam fidem composuerunt, illamq; Italie Episcopis per Eudoxium tunc Germaniciæ Episcopum, & Martyrium, & Macedonium Mopsuestienæ urbis Ciliciæ Episcopum mittunt.* Ex collega Eudoxio Arianæ factionis antesignano, qui Antiochenam, & postea C.-P. Ecclesiam inuasit, ac Valentem Imperatorem abs se vndis sacris lotum in Orthodoxos conceitavit, Macedonium inter Arianos connumeratum certum est. Scribit Baronius hanc Eudoxij legationem contigisse anno 344. nam ex Athanasio constat, post triennium à peracta Synodo Antiochena eandem destinatam fuisse. Illa verò Synodus habitæ fuit ex Athanasio *Consulibus Marcellino, & Probino indiçione XIV. nempe anno 341. ante Septembrem.* Sed triennium illud non à memorata Synodo Antiochena, sed ab alio Arianorum congressu post aliquot menses celebrato numerandum est; idem enim Athanasius scribit: *Hæc cum Antiochia tempore encænium egissent, ne tum quidem arbitrati satis perfectè fidem suam conscriptam esse, & ipse homines turbido, fluctuantique animo, aliud scripturæ genus de fide post aliquot menses conficiunt, amandantq; in Gallias Narcisum, Marim &c.* Postea addit elapso triennio Eudoxium legatum, ac socios cum nouo symbolo in Occidentem missum. Itaque Macedonius anno 345. in Italiam venit, qui cum interesset Synodo Mediolanensi, quæ per id temporis agebatur, iussus Arii errorem damnare, palam euni collegis id facere recusauit. Testatur hoc Liberius Papa litteris ad Constantium Imperatorem: *Quæ est pax, inquit, clementissime Imperator, cum sint ex partibus ipsis quatuor Episcopi Demophilus, Macedonius, Eudoxius, Martyrius, qui ante annos octo, cum apud Mediolanum Arii hæreticam sententiam nolissent damnare, de Concilio iratis animis exierunt?* Hæ literæ missæ sunt per legatos ad Imperatorem Arclate degentem anno 354. exeunte, vel insequentī inchoato, vt rectè ostendit Baronius. Cum verò ibidem Liberius tradat ante annos octo Macedonium in Italiam venisse, patet id contigisse anno 345. post aliquot menses à celebratis Antiochiæ encænijs, ac Synodo. Cum biennio post haberetur Sardicæ in Dacia Synodus Oecumenica, Ariani inde dilapsi Philippopolim secessere, ac conciliabulum peragentes encyclicas Sardienfis Concilij nomine inscriptas vulgarunt, in quibus Macedonij honorificè, vt potè eiusdem farinae hominis mentionem fecere, ibi enim dicitur *Macedonius Episcopus, atque Confessor à Mopso.* Idem Macedonius primo loco legitur etiam subscriptus in memorata proximè Synodo Antiochena, in qua XXV. canones statuti sunt. At subscriptiones illæ ex Nicæna Synodo illuc fuerunt asportatæ, omnes enim, qui in eodem Antiocheno Concilio subscripti leguntur, Nicænam

nam quoque Synodum subfignarunt. Illa autem nominā ficta apparent ex subscriptione Theodori Laodiceæ. Etenim anno 341. sedebat Laodiceæ Theodori successor Georgius ex Socrate lib. 2. cap. 9. vbi ait: *Quis verò ille fuerit, docet Georgius Laodiceus, qui tum in Synodo, nempe Antiochena anno 341. præfens fuit.* Idem testatur Sozomenus lib. 3. cap. 6. In illa autem Synodo Antiochena legitur subscriptus Theodorus Laodiceæ, qui anno 341. cum illa Synodus celebraretur, è vita discesserat. Quod si veræ sunt eæ subscriptiones, Concilium illud Theodorum ante annum 341. celebratum fuit, & est diuersum à Synodo ibidem ab Eusebianis collecta, de qua loquitur Athanasius. Ante Macedonium sedit Mopsuestiæ S. Auxentius, cuius memoria celebratur in Romano martyrologio die 18. Decembris. Hic cum sub Licinio militaret, ac iussus Dijs sacra facere, constanter scelus execratus fuisset, militari cingulo exutus ad sacra se transulit, teste Suida, ac Præful Mopsuestenus renunciatu fuit. Hactenus de Mopsuestenis Episcopis.

Recitato ergo diptycho laudato Stephanus Presbyter annos septuaginta vno minùs natus dixit: *Nullatenus scio, vel audiui Theodorum, qui olim in nostra ciuitate fuit Episcopus, nominatum in sacris diptychis. Cognoui autem ex quo huic connumeror Clero, quòd illo adempto ex ipsis aliquando Cyrillus Alexandrine ciuitatis Episcopus in illius loco insertus est sacris diptychis requiescentium Episcoporum, qui usque nunc pro ipso predicatur.* Idem ceteri tum Clerici, tum nobiles ciues contestati sunt dicentes non meminisse se, quando ademptum est nomen Theodori, & insertus est pro illo Cyrillus. Itaq; Theodorus inter Olympium, & Thomam in sacris olim libris legebatur, ex quibus postea expunctus fuit. Porro hæc expunctio declarabat Theodorum mortuum fuisse in communione Ecclesiæ, post mortem verò errorum accusatum, atq; conuictum communione priuatum fuisse, Theodoro autem substitutus est non quipiam Sanctus Episcopus è diocesi Patriarchatus Antiocheni, ad quem Cilicia vtraq; pertinebat, sed S. Cyrillus Alexandrinus, quòd hic datis ad Acacium, Rabbulam, Proclum, ac Ioannem Antiochenum literis Theodorum olim mortuum Nestorianæ doctrinæ parentem detexerit, ac confutavit, nullam enim aliam huiusce subrogationis rationem video. Ratum ergo nomen Theodori è diptychis eundem hæreseos, aut schismatis reum decessisse conuincit, vnde S. Hormisdas nunquam Ioannem C. P. in Apostolicæ Sedis communionem recipere voluit, nisi priùs Acacij, eidemq; communicantium Euphemij, ac Macedonij in Constantinopolitana sede successorum nomina sacris diptychis paulò ante petente populo inscripta iterum deleret. Rem narrat magnus Annalium concinnator Baronius ad annum 519. Itaque Synodus Mopsuestena hanc sententiam de Theodoro, causa eiusdem diligenter discussa, pronunciauit: *Nunc veritatis reuelata est ratio, & valde euidenter declarata est, Theodorum veterem, qui per istam ciuitatem fuit Episcopus, in antiquis temporibus extra prædicationem diuini mysterij fuisse, & sacris diptychis eiectum esse; pro illo verò alterum constitutum esse, & in illius vocabulum inscriptum esse Cyrillum sanctæ memoriæ.* Patres hoc ipsum Iustiniano Imperatori statim per literas significarunt, cuius etiam rei Vigilium, nam id quoque Imperator iusserat, certiore reddidere. Extat epistola ad Vigilium collatione 5. Synodi V. in qua præfati Primæ Romanæ Sedi denuncianda omnia, quæ in causa fidei decernerentur: *Hoc benè, inquit, & Christianissimus noster Imperator*

considerans, & ad vestram scientiam quædam, quæ de Theodoro quondam Mopsuestenæ Ecclesiæ Episcopo mota sunt, iussit referre &c. Hunc exitum habuit Synodus hoc anno apud Mopsuestiam à Ciliciæ Episcopis celebrata.

ANNO
551.

Successit annus 551. Vigilio infaustus ob Iustiniani furorem, ac in Apostolicam Sedem iniurias. Theodorus Cappadox induciarum impatiens, fidemque seruare nescius contra tria capitula librum publicè coram plerisque Episcopis in palatio legendum curauerat. Quod ubi Vigilus accepit, hominis petulantiam execratus grauiori quidem pœna eundem afficere decreuerat, sed quòd ille Iustiniano carissimus erat, mitius consilium iniuens, eundem accersitum. datæ fidei admonuit, ac patrati facinoris reprehendit. Ille, ut erat prono ad fingendum animo, facti veniam supplex petijt, impetrauitque. Reddo verba Vigilij hoc ipsum postea eidem Theodoro exprobandis: Deinde tuis, inquit, ex consuetudine incitantis liber condemnationem capitulorum ipsorum continens in palatio te assisente, & instructe coram quibusdam Græcis Episcopis est relectus, à quibus assentationum suauorem tuis vocibus exigebas. Ex quo factotamtu, quàm tibi consentientes Episcopi mitius licet à nobis, quam oportuit, increpati ad promerendam ficta satisfactione veniam conuulsisti. Quis autem commemorare sufficiat, quæ te incitauerunt, atque exequente mala commissa sunt? Et statim: Ea, quæ iurata te voce non esse facturum usque ad constitutum tempus frequentius firmaueras, conscripsisti, & sub prætextu religionis ea, quæ Dei Ecclesiam diuiderent, sicut etiam rebus ipsis agnoscitur, perpetrasti. Hæc quidem Vigilij in sententiâ lata contra eundem Cæsare Antistitem. At ingens Pontificis ad parcendum facilitas non modò Theodorum in officio non continuit, sed ad grauiora contra Vigilium facinora tentanda eundem longè promptiorem reddidit, quod ex ijs, quæ hoc anno nobis describentur, ostenderetur. Aduenere hoc anno Constantinopolim Episcopi Africanus Reparatus, ac Firmus, ille Proconsularis, hic Numidarum Primas, Primasius Adrumetinus, ac Verecundus Nicensis, sed pro trium capitulorum defensione obstinatissimi. In Reparatum totius Africæ Prælatum vehementior impressio facta est; at ille nec gratia, nec minis inflexus est, sed tria capitula constanter propugnauit. Quare indignatus Imperator Reparatum in exilium mittit. Do Victoris testimonium: Post consul. Basilij anno XII. Reparatus Archiepiscopus plurimis calumnijs impetitus pro eo, quod damnationi trium capitulorum memoratorum assensum non præbuit officio, sumptibusque priuatus Euchaida exilio relegatur. Calumnias exponit Clerus Italiæ his verbis. Concinnata est causa Sancto Reparato Carthaginensi Episcopo, quasi Ariobindam Magistrum militum à Guntarit tyranno in Africa fecisset occidi. At Reparatum haud illius necis conscium fuisse disertè scribit Procopius lib. 2. de bello Vandalico. Nam Gontharis Reparato mandauit, ut Arcobindo in monasterium extra Carthaginem fuga dilapso fidem daret, quòtundò in suam potestatem veniret, quod Reparatus impigrè executus dato etiam per sacras baptismi vndas iuramento Arcobindum ad Tyrannum deduxit, à quo conuiuio exceptus, paulò post immixtis percussoribus per summam fraudem extinctus fuit. Erat Arcobindus maritus Proiectæ filix Vigilantiæ Iustiniani sororis, ac Dux Africam regebat. Reparatus ergo tanquam homicidij reus Euchaitam exul deportatus est, quò ante quadraginta annos relegatus fuit Macedonius Constantinopolitanus Antistes ab hæretico Imperatore Anastasio, scribente Marcellino de Macedonio: Ab eodem Euchai-

in exilium deportatus est. Indictione IV. Secundo, & Felice Coss. anno 511. Est autem Euchaita vrbs Hellenopolis in Asia minori inter Cappadociam, & Paphlagoniam. Vixit Reparatus in exilio vsque ad annum 563. qui à Victore restituitur Post consul. Basilij XXIII. *Reparatus*, inquit, *apud Euchaidam exul moritur die VII. Idus Ianuarij.* Nunquam ille Synodum V. recipere voluit, quam Romani Pontifices subscripserant, sed in schismate mortuus fuit, si enim resipuisset, fuisset ab exilio reuocatus. Deposito Reparato iubente Iustiniano Constantinopoli electus est Antistes Carthaginensis Primasius Diaconus, & Reparati apud Imperatorem Apocrisarius, qui conceptis verbis tria capitula damnauit, antequam Episcopus consecraretur. Victor laudatus addit: *Contra vota Cleri, simulque & Populi Episcopus Carthaginensis Ecclesie ordinatur.* Hic tamen haud diutius Constantinopoli moras fecit, sed paulò post Carthaginem reuerfus est, eoque facilius abeundi potestatem à Principe impetrauit, quòd vniuersum populum Carthaginensem in Iustiniani sententiam se adducturum promisit. Hinc anno 553. tempore Synodi non aderat in Vrbe, sed eius vices eo in consensu agebat Sextilianus Episcopus Tunienfis.

Firmus Numidarum primas largitione Principis corruptus ad damnanda tria capitula inflexus est, præsertim cum eo pacto celerem ad suos regressum speraret; testis est Victor in Chronico P. C. Basilij anno XII. *Firmus Concilij Numidici Primas donis Principis corruptus damnationi eorundem capitulorum assensum præbuit, sed ad propria remeans in navi morte turpissima periit.* Et quidem Iustinianum donis, ac largitionibus plurimos ad damnanda tria capitula induxisse testatur Liberatus Diaconus Reparati Carthaginensis in fine sui Breuiarij: *Cetera verò*, inquit, *quæ subsequenter in Episcopis, & Catholica Ecclesia ab eodem Principe facta sunt, quomodo consentientes Episcopi in trium damnationem capitulorum muneribus ditabantur, vel non consentientes depositi, in exilium missi sunt, vel aliqui fuga latitantes in angustijs felicem exitum susceperunt, quoniam nota sunt omnibus, puto nunc à me silenda.* Scripsit sub Iustiniano, nam cap. 20. in fine ait, Theodosium. Ex-episcopum Alexandrinum fuisse superstitem, dum illa scribebat, qui anno primo Iustini iunioris mortuus est ex Tunonensi. Primasius, qui tertius erat ex Africanis, quos Victor Byzantium euocatos tradit, diu contra Principem stetit; nam hoc anno die 14. Augusti subscripsit decretum contra Theodorum; rursus anno 553. die 14. Maij legitur subscriptus in Constituto Vigiliij contra Synodi V. gesta. Quare à Iustiniano in Aquimetense monasterium relegatus fuit. Verùm audita morte Boethij Primatis Byzaceni, vt ei succederet, damnationi capitulorum nomen dedit, & in Africam reuersus, cum rapinis, ac violentijs Ecclesie statum turbaret, à prouinciæ Synodo depositus, do verba Victoris, *infelici morte extinguitur, & quæ conquisierat fraude, fideliter à iudicibus auferuntur.* Verecundus Nicensis cum Iustiniano furenti se subduxisset, Chalcedonem fugiens ad D. Euphemie fati concessit. Hæc quidem ad hunc annum congestissimus, quo illorum quatuor Episcoporum, qui à Iustiniano Byzantium euocati sunt, exitus intelligeretur; de Primasio enim etiam Victor omnia sub eodem anno posuit, licet triennio post ad minùs illa euenerint, vt ex eiusdem subscriptionibus patet, quarum vna anno 551. altera 553. Vigiliij epistolis, seu decretis adpositæ leguntur. Scio Victorem ad annum 552. Reparati depositionem recitare; sed ex libello Cleri Italici colligimus, illam con-

tigisse ante illatam Vigilio vim hoc anno 551. ut mox dicemus. Rursus hoc anno Prinasius subscripsit decretum contra Theodorum; nec tamen subscripti leguntur Reparatus, aut Firmus Primates, qui si tunc Byzantij fuissent, nomina & ipsi pariter eidem decreto addidissent.

Iustinianus cum ex Occidente ad Synodum paucos accedere animaduertetet, neque Vigilius sine Occidentalibus Episcopis quicquam decerni vellet, incentore Theodoro edictum per semet contra tria capitula publicauit, atque palam in Ecclesia regiae Urbis, atque alibi suspendi iussit. Ita rem narrat Clerus Italiae, cuius verba eo libentius recito, quod paucos ante annos libellus ille inuentus pleraque habet, quibus annales Ecclesiastici illustrantur: Constantinopoli et erò ceperunt iterum beatissimum Papam Vigilium compellere, ut si Afri, atque Illyriciani, vel Dalmata Episcopi nollent, ipse cum Graecis Episcopis eadem capitula condemnaret. Sed beatissimo Papa Vigilio nullatenus acquiescente edicta ex nomine imperiali tam in Ecclesia Constantinopolitana, quam in diuersis locis suspendi fecerunt, per quae eadem capitula damnarentur. Hoc edictum puto fuisse illud ipsum, quod Baronius, alijque post ipsum recitant ad annum 546. nam cum in eo nominetur Synodus Mopuestena, in qua de eraso de sacris diptychis Theodori nomine actitatum est, colligimus, illud post annum 550. vulgatum; at cum in eodem edicto nulla fiat mentio Synodi V. in qua à Patribus tria capitula anno 553. mense Maio damnata sunt, illud ante Synodum emissum constat. Cum verò in eunte anno 552. Vigilius in Iustiniani gratiam redierit, totoque anno perseuerauerit, palam fit, nullum eo anno edictum à Principe scriptum. Quare anno 551. conditum fuit. In eo Iustinianus Ecclesiae dogmata contra Arium, Nestorium, atque Eutychetem statuit; recipit Quatuor Synodos Oecumenicas; postea canones IX. statuit contra Nestorianos, atque Eutychianos, qui ad verbum ferè omnes adprobatii sunt à Synodo V. Postea hunc canonem ponit: *Si quis non anathematizat Arium, Eunomium, Macedonium, Apollinarium, Nestorium, & Eutychen, & omnes, qui similia eis sapuerunt, vel sapient, talis anathema sit.* In quo canone, cum Origenis nomen non legatur, optimè colligit Baronius illius edicti auctorem fuisse Theodorum Cappadocem Origenistarum Ducem. Sed cum in eo quoque Acephalorum haereticis pluribus proscribatur, itidem poterat Baronius deducere, eundem non fuisse Acephalum, in qua secunda Theodorum fuisse non semel idem tradit Liberati fidem secutus. Postea Iustinianus transit ad tria capitula, quibus sub poena anathematis damnatis, diffusam satis disputationem init contra trium capitulorum defensores, quo loco ex S. Augustino haereticos, vel Schismaticos licet defunctos posse damnari egregio testimonio comprobans ait: *Necessarium putauimus memorare etiam illa, quae ab Augustino san. mem. Africano Episcopo scripta sunt.* Ibi etiam paulò ante dixerat: *Et haec quidem sufficiebant super memoratas, & alijs nostris libris insertas probationes, quas protulimus; ostendentes, quod oportet etiam post mortem haereticos condemnari &c.* Edictum terminatur anathematum publicatione. Nam scribit Iustinianus: *His ita se habentibus perspeximus, & capitula supponere, quibus tam rectae fidei compendiosa confessio, quam haereticorum condemnatio continetur.* His finitur edictum, quod postea canones tantum contra Nestorianos, & Eutychianos IX. exhibet, X. contra reliquos haereticos, postea tres vltimos contra tria capitula. Quae verò sequitur disputatio haud edicto Principis congruit. Verum

liquis

quis contendat, ab ipsomet Iustiniano appositam fuisse, & libros, quos ibidem appellat, fuisse rescripta data Synodis Illyrici, aut Africæ, quorum ex Isidoro superiùs mentionem fecimus, non contendam.

Vigilius ubi edicta Principis contra tria capitula publicè affixa intellexit, in Placidianam domum tum Latinos, tum Græcos Episcopos venire iussos hisce admonuit: *Quicumque edictis istis consensum præbere voluerit, sciat se ab Apostolica Sedis communione suspensum.* Ita Clerus Italiæ, qui addit: *Sed & Sanctus Datus Mediolanensis Episcopus contestationem omnibus sub magna vociferatione deposuit, dicens: Ecce ego, & pars omnium Sacerdotum, inter quos Ecclesia mea constituta est, idest Gallia, Burgundia, Spania, Liguria, Æmilia, atque Venetia, contestor, quia quicumque in edicta ista consenserit, superscriptarum provinciarum Pontifices communicatores habere non poterit. Quia constat apud me edicta illa sanctam Synodum Chalcedonensem, & fidem Catholicam perturbare.* At Theodorus author, ac promotor edicti Pontificis minis despectis Græcorum Antistitem cateruam secum trahens ad Ecclesiam, in qua suspensa erant edicta, se contulit, ac sacrosancta mysteria celebravit. Rem narrat Vigilius hisce Theodorum increpans: *Tu autem Sedis Apostolicæ interdicens per nos auctoritate despecta ad Ecclesiam, in qua edicta ipsa pendebant, reliqua consenserit, ibique alijs adiectis prauaricationibus missarum solemnias celebrastis, & quasi nihil tibi esset primæ Sedis Antistitem præsentem, & contradicentem contempsisse, Pontificem etiam Alexandrinæ Ecclesiæ Sacerdotem fratrem nostrum Zoilum, cuius nomen & sique ad memoratum diem communicatum à vobis fuerat, diptychis eximentes, Apollinarem quendam peruersorem, atque Ecclesiæ ipsius vobis adulterum sociastis, ut vestra iniquitas non solum in remouendo simplicissimo Sacerdote, sed etiam in recipiendo patetieret peruersore.* Idem verò Vigilius in epistola encyclica, quam anno sequenti Chalcedone in templo D. Euphemie conscripsit, testatur se coram diuersarum provinciarum Episcopis, ac Constantinopolitano Clero in Placidiana domo hæc publicè dixisse: *Rogo te pijsimum Principem, ut edicta sua, quæ præcepit appendi, remouere dignetur, & constitutum commune expectare, id est, ut scandalizati Episcopi latine lingue ad Synodum veniant, aut certè remota omni violentia suas scripto declarent sententias.* Quod si forte preces nostras audire noluerit, vos nulli rei præbeat assensum, quæ ad diuisionem tendit, nec contra constitutum comminatione aliqua veniatis. Quod si hoc forsitan, quod non credimus, feceritis, noueritis ex præsentis die, ut prauaricatores Apostoli Petri per ministerium vocis meæ haberi suspensos. Hæc mense Iulio anni huius 551. contigisse ex sequentibus intelligitur: *Et quoniam his actis, prosequitur in encyclica Vigilius, non solum ea, quæ commissa fuerant nullo modo sunt correpta, sed etiam ex alijs causis die ipso in regularum Ecclesiasticarum præiudicium, vel iniuriam Sedis Apostolicæ peiora præsumpta sunt, nec alterius eos communionis nostræ permixtum esse participes, nec aspectus eorum post tot prauaricationes nostri oculi receperunt.* At in damnatione Theodori scripta die 14. Augusti ait: *licet ante triginta dies pro memoratis excessibus vestris ab Apostolica vos communionis remouissemus consortio.* Quare circa diem 14. Iulij edicta appensa sunt, ac Zoilus, quod nollet eisdem consensum dare, eadem die depositus. Reætè scribit Tunonensis: *Post consul. Basilij anno XI. iuxta ipsum 551. Apollinarius Zoilo tria memorata capitula damnare nolenti Episcopus Alexandrinæ Ecclesiæ subrogatur, anno Episcopatus Zoili septimo iam expleto, quem anno 544. electum ostendi.*

Hæc ubi accepit Iustinianus indignatus non modò Vigilium edictis imperatorij aduersari, verùm etiam & eisdem obtemperantes ab illo Ecclesiastica communione priuari, furore, rabieque extimulante Vigilium custodiæ tradi iussit, qui rebus suis timens, vnà cum Datio in Ecclesiam S. Petri in Hermisda se recepit. *Et tamen, inquit Clerus Italiæ, beatissimus Papa Vigilius nec in Basilica S. Petri sedes tutas habere meruit, intantum & illuc Prætor, ad quem fures, & homicide tantummodò pertinent, mittitur, qui cum multitudinis militum spatias nudatas, & arcus tensos portantes supradictam basilicam intretuit, quo viso Sanctus Papa columnas altaris amplexus est, sed ille furore, & animo incitatus primo de altari Diaconos eius, & Clericos à capillis tentos eiecit, postea verò ipsum Sanctum Papam alij à pedibus, alij à capillis, & barba tentum crudeliter abstrahabant. Sed cum ille altaris columnas non dimitteret, cecidit altare, & columnæ aliquæ fractæ sunt, & quantum ad ipsos, ibi super ipsum altare in partibus mitti habuit. Sed Deus, qui in talibus angustiis semper adesse dignatur, tam aliquorum ex ipsis militibus, quàm populi, qui ad tumultum venerat, animos ad misericordiam prouocauit, & ceperunt voces, ac stridores mittere, & sic contigit, ut index iniquitatis supradictus Prætor cum minimis crudelitatis suæ terribus fugiendo discederet. Vigilium in Encyclica edita ab eodem Sirmondo rem ita narrat: Cum in eadem Ecclesia à Comitatu Prætoris cum multitudine armatorum militum veniente tanquam ad bellum instructa acie à sancto eius altare tracti pedibus traheremur, tenuimus, & super nos etiam ipsa altaris mensa ceciderat, nisi Clericorum nostrorum fuisset manus sustentata. Theophanes scribit Vigilium ad Sergij Martyris altare, quod in Ormisdarum monasterio erectum erat, confugisse, à quo vi reuulsus ceu graui, proceroque corpore validus altare secum tractum euertit. Haud reuè tamen statuit hæc Theodora adhuc viuente accidisse anno 547. nam eo anno Sabbatum Pentecostes die 11. Maij collocat. Ex his liquet, vnde nam Anastasius in vita Vigilij fabulas illas sinxerit; nam captum eum in templo S. Euphemie, ac fune ad collum appenso per vniuersam urbem tractum, ac postremo in carcerem proiectum scribit, ubi modico pane, & aqua maceratus est, Clero ad metalla damnato. Hinc etiam patet Thomam Riuium, ac Franciscum Guinetum Æthyopem lauare, dum Iustinianum tanta barbarie contra Vigilium furemtem defendere inuitis superis conantur. Riuius sanè pag. 27. sui apologetici pro Iustiniano eas Vigilio calumnias irrogat, quas cum risu potius, quàm cum indignatione lectitare libeat; etenim vocat Vigilium *foras Episcopum, intus hereticum, Roma Catholicum, Constantinopoli Eutychianum*. Guinetus verò cap. 13. Iustinianum Vigilio indignatum scribit, quòd vulgaretur, eundem Sacrum Chalcedonenſe Concilium detrectare. Constantinopoli Vigilium pro defensione Synodi Chalcedonenſis eas iniurias perpeſſus est, quam Synodum Eutychiani, à qua damnati fuere, plusquam Vatiniano odio perſequabantur. Hinc edictis Iustiniani repugnauit: *Quia constat apud me, dicebat, edicta illa Sanctam Synodum Chalcedonenſem, & fidem Catholicam perturbare*. Ita homines illi supina rerum gestarum ignorantia, laborantes, quò Iustinianum à veris criminibus defendant, falsa crimina Vigilio affricant, quæ non quidem Pontifex, sed ipsimet authores, vtpotè mendaciorum loquacissimi deturpentur.*

Cæterùm Vigilium omnium malorum authorem affirmabat Theodorus Capadocem, vnde in decreto contra eundem ait: *Nam usque ad hoc animum Christianif-*

stianissimi Principis falsis suggestionibus perduxisset, ut clementia eius, quæ in suis hostibus pia semper apparuit, contra nos grauius moueretur. Quare Vigilius vulnere non iam fomenta, sed ferrum admoendum ratus die 14. Augusti in Italorum Episcoporum congressu pluribus Theodori Cæsarensis Episcopi in Apostolicam Sedem iniurijs recensitis, quas & scripto consignauit, hanc contra eundem sententiam protulit: Theodorum Cæsare Cappadociæ ciuitatis quondam Episcopum sententiæ promulgatione tam Sacerdotali honore, & communione Catholicæ, vel omni officio Episcopali, seu potestate spoliatum esse decernimus. Mennam verò, ac consentientes Episcopos à sacra tantum communione suspendit. Hæc sententia dicitur Data XIX. Kalendas Septembris imperante Domino Iustiniano perpetuo Augusto anno XXV. Post consul. Basily anno X. Porro cum ibidem scribat, se longanimitatem tam circa ipsum Theodorum, quàm reliquos ab eodem seductos pene hoc quinquennio elapso monstrare, haud ita accipiendum est, quasi lites anno 546. ex publicato tunc contra tria capitula priori edicto inceperint, nam edictum biennio ante emanasse ostendimus, sed ex quò Constantinopolim aduenerat habita cum Theodoro dissidia notat. Nam cum anno 547. die 25. Ianuarij in regiam Vrbem Vigilius aduenerit, anno 551. die 14. Augusti iam septimus mensis quinti anni labebatur, vnde addidit particulam pene, nam ad quinquennium plenum adhuc aliquot menses requirebantur. Hoc Vigilij decretum contra Theodorum subscribere Episcopi sequentes.

Datus Mediolanensis, qui iam à XV. annis extra Ecclesiam Mediolanensem veluti exul degebat ex literis Cleri Italici, & anno 546. obuam iuit Vigilio in Sicilia moranti, cui quæcunq; Constantinopoli in causa trium capitulorum, vbi intererat, peracta fuerant, significauit, cum quo & in regiam Vrbem ingressus eidem periculosis temporibus semper adhæsit, licet postea à sententia discesserit, si Tunonensi credendum est. Secundus ponitur Iohannes Marsicanus. Est insignis Marforum populus in Latio Mediterraneo, fusè agit de Marfis Cluuerius lib. 2. Italix Antiquæ cap. 15. Hinc supplèdæ sunt tabulæ Vghelli, qui tomo 1. Italix sacræ Marsicanæ Ecclesiæ Episcoporum seriem à Rotario incipit anno 968. Nominatur etiam in Synodo Romana Leonis IV. anno 853. ind. 2. die 8. Decembris Liuderisius Episcopus Marsensis. Tertius Zacchæus Scyllacenus. Est Scyllacium mediterranea ciuitas Calabriæ vlterioris. Idem Vghellus tomo 9. de hoc Zacchæo scribit: Romano interfuit concilio sub Vigilio Papa anno 442. Post illum verò Gaudentium recitat, qui Synodo Romanæ interfuit sub Hilario Papa anno 465. Est integri sæculi anacronismus, & Synodus illa, cui adfuit idem Zacchæus, non Romæ, sed Constantinopoli in domo Placidiana peracta fuit. IV. Valentinus Syluæ Candide. Erat Latij Vrbs, cuius Episcopi in pluribus Synodis Italix subscripti leguntur. Valentinus verò anno 546. à Vigilio Papa ex Sicilia cum nauibus frumentarijs Romam missus, ac à Gothis captus, cum Torilæ secreta quædam reuelare vel nollet, vel non posset, præcis manibus dimissus fuit ex Procopio lib. 3. de bello Gothico. Hinc Vigilij Constitutum nomine Valentini subscriptit Zacchæus Episcopus proximè memoratus rogatus à fratre Valentino Syluæ candide ipso presente, & consentiente, & mihi, ait, dictante huic Constituto pro ipso subscripsi. V. Florentius Matelicensis. Est Matelica insigne oppidum in Piceno, cuius meminit Plinius lib. 3. cap. 14. itemq; Frontinus in libro de colonijs. A Plinio dicuntur populi

puli Matilicætes, & inter Vmbros recensiti vnâ cum Camertibus. Matelica nostra ætate est inter nobilia oppida Piceni, ac lanificio celebris, subiecta tamen modò est Episcopo Camerti. VI. *Julianus Signinus*. Signia Latij vrbs antiquissima, in quam Tarquinius coloniam deduxit ex Dionysio Halicarnasæo lib. 4. VII. *Romulus Numanatensis*. Baronius ad annum 551. Num. 11. legendum putat: *Numentanensis* à Numento, seu Nomento Latij Vrbe. Sed planè antiqua codicis lectio retinenda est; etenim Numana fuit vetus Piceni vrbs ab Ancona M. P. XII. distans; hodie paruus vicus est propè Sirollum *Humana* incolis vulgò dictus. In Synodo S. Agathonis act. 4. Sexti Concilij leguntur subscripti *Adrianus Episcopus S. Ecclesiæ Numanatis prouinciæ Pentapolis*, & *Paulus humilis Episcopus S. Nomentanæ Ecclesiæ*. Prior quidem subscribit cum Episcopis Anconæ, Auximi, Fani, & Pisauri, ex quibus quinque vrbibus Pentapolitana prouincia in Piceno constabat. Extat Auximi inscriptio, quam exhibet Gruterus pagina 446.

M. OPPIO CAPITONI &c.
PATRONO COL. AVXIM. ET. COL.
AESIS. ET MVNIC. NUMANAT.

Erat ergo sub Antonino Imperatore Numana Piceni municipium. Certè anno 553. Constitutum Vigilij inter ceteros subscribit *Redemptus Episcopus Ecclesiæ Nomentanæ*. Quare Romulus erat Episcopus Numanatensis. In Romana Synodo sub Eugenio II. anno 827. celebrata legitur subscriptus *Cosmas Episcopus Humana*, & in altera Synodo ibidem sub Leone IV. Papa coacta nominatur *Sergius Episcopus Humanensis*. Hæc Concilia habentur in collectione Romana Lucæ Holstenij. Ex quibus Humanam ante octingentos annos ita appellatam constat, in eaque tum temporis Episcopos sedisse. VIII. *Dominicus de Calliopoli*. Est antiqua Calabriae vrbs, quæ promiscuè Calliopolis, vel Callipolis dicta est. S. Gregorius Papalib. 2. epist. 45. indiçt. 11. scribit *Ioanni Episcopo Calliopolitano* de pœna decreta Andrea Episcopo Tarentino. IX. *Primasius Adrumetinus*. Adrumetum Byzacenæ prouinciæ Metropolis antiquis Scriptoribus sæpius memorata, quam nouis mœnibus munitam Iustinianus de suo nomine appellauit ex Procopio lib. 6. de ædificijs Iustiniani. Baronius Num. 13. putat hunc Primasium esse eundem, qui à Casiodoro lib. de diu. lect. cap. 9. & à S. Isidoro in libro de viris Illust. commendatur, quic in epistolas Pauli, & Apocalypsim commentaria, & alia plurima scripsit. Trithemius tamen Primasium illorum commentariorum Scriptorem Vticensem ex antiquis codicibus exhibet, Vticensis verò Ecclesia non ad Byzacenam, sed ad Proconsularem prouinciã pertinebat. Ego quidem de hac re nihil iudico; hoc vnum scio, Primasium scriptorem commentariorum in epistolam Pauli ad Romanos, & ad Hebræos fuisse apprime Augustinianum, vt alibi monstratum est, & ex operis lectione statim intelligitur, ibi enim S. Doctoris sententias, imò integra capita exscribit. X. *Verecundus Lunensis*, alij legunt *Luensis*, sed omnes planè errant, nam Verecundus iste fuit Nicensis Episcopus in Prouincia Byzacena, & à Iustiniano ad Synodum cum collega Primasio euocatus Vigilio adhæsit, Do Victorem Tunonensem *Post consul. Basilij anno XI. Reparatus Archie-*

pisco-

Episcopus Carthaginensis Ecclesie, Firmus Numidianus, Episcoporum Primates, & Primalius, & Verecundus Concilij Byzaceni Episcopi pro fidei causa ad urbem regiam eiusdem precepto Principis euocantur. Hinc colligitur falsum esse solum Primalium ex Africanis Vigilio adhæsisse, quod putauit laudatus Baronius existimans Verecundū Italiæ Episcopum. XI. *Stephanus Ariminenfis.* Hic planè tabulis Vghelli inferendus est, atq; inter nobilissimæ Vrbs Antistites numerandus, idem enim postea etiam Vigilij constitutum subscripsit. Hoc eò libentiùs adnoto, quòd iuuenis ea in vrbe apud Patres Societatis Rethoricæ, ac Logicæ operam nauauit, ibiq; Augustinianæ familiæ nomen dedi. XII. *Paschasius Aletrinus.* Aletrum, vel Alatrum Latij Vrbs, cuius Episcopos lege apud Vghellum tomo 1. sacræ Italiæ. Postremo loco subscripsit Iordanus Cortonenfis, est autem Cortona Italiæ vrbs in Hetruria, nonnulli apud Vghellum legunt *Crotonensis*, qua ratione iam ad magnam Græciam ille Episcopus pertineret. Sed de his alij viderint. Hi ergo cum Vigilio tum temporis contra Principem, eiq; adhærentes Græcos Antistites Constantinopoli pro tribus capitulis militabant.

Interea Vigilius adhuc Ecclesiasticæ concordie studens, latam depositionis contra Theodorum, & excommunicationis contra Mennam sententiam minimè publicandam duxit, veritus ne Iustinianum, cuius furorem iam expertus erat, in rabiem rursus impelleret, Theodoro præsertim omnia ex arbitrio faciente. Putauit Baronius Anno 551. in fine, Vigilium ad D. Petri basilicam parum tutam sibi moram existimantem inde Chalcedonem aufugisse. Sed ex libello Cleri Italici habemus, quòd in Ecclesia D. Petri sacramenta accepit beatissimus Papa Vigilius, & Datus Mediolanensis, nihil vti contra ipsos actum tri, & sic interim sunt egressi. Extat in appendice ad Codicem Theodosianum edita à Sirmondo viro eruditissimo integra Vigilij epistola encyclicæ, cuius tantum partem habebamus, in ea verò suarum calamitatum seriem Pontifex exponit. Cum apud D. Petri in Ormisda moraretur, Belisarius, & Cethegus, & Petrus Exconsules, ipseq; Iustinus Imperatoris nepos cum Marcellino Quæstore ad Vigilium venire, quòd accepto iuramento in Placidianas ædes rediret, secus vel sub omni violentia è templo retrahendus. Quid consilij verò Pontifex cœperit, hisce declarat: *Indiculum dedimus, per quod dari nostra persona scripto potuimus iusiurandum, quod clementissimus Princeps, non quale nos voluimus, præberi concessit, sed quale ipsi placuit, per Iudices suos dandum esse dixit. Ecce dum sapi diuini Iudices posito indiculo super altare, & cataracta beati Petri Apostoli, & super crucem, quæ de ligno passionis Domini habet inclausum, sed & super claves beati Petri Apostoli præstitissent corporale iusiurandum, ad Placidianas tanquam nihil mali vltèriùs patientes, secundum pissimi Principis redimus voluntatem.* Cæterum tam sancta fide posthabita cum in dies seuiùs se tractari Vigilius animaduerneret, semel, iterum, ac tertio Belisarium, aliosq; Iudices contestatus est, vt iusiurandi religione tenerentur, quatenus, inquit, nullas inquietudines, aut molestias, sicut nobis iuratum fuerat, patersmur. Interea Iustinianus, veritus ne Vigilius iterum è Placidianis in templum confugeret, misso clam milite ædes sedulo custodiendas iussit, quod vbi Vigilio significatum fuit, biduo ante Natalem Domini fugam meditatus nocte intempesta ex Placidiano palatio cæcis vestigijs discedens Chalcedonem transfretauit, atq; apud D. Euphemie domicilium statuit. Libeat eiusdem verbis hoc ipsum intelligere: *Nam si circumspiciatur quale,*

quale, quantumque discrimen metu faciente despeximus, ut per parvam maceriem fabricantium transire compediti dolore nimio in nocturna obscuritate positi cogeremur, tunc poterit evidenter agnosci, quanta nobis fuerit temporis pro sola Ecclesie causa necessitas, aut quanta custodia, qua nos sub tali discrimine coegit discere. Vigilium Datus Mediolanensis secutus est, alijque etiam Latini Episcopi, quos inter fuit Verecundus Nicësis in Byzacena provincia Episcopus, quem paulò post ibidem defunctum scribit Victor: P. C. Basilij XII. (est illi annus 552.) Verecundus Ecclesie Nicensis Episcopus in defensione memoratorum perdurans Chalcedone, ubi refugium fecerat, in diuersorio gloriosa Matris (lege Martyris) Euphemie de hac vita migravit ad Dominum.

At non modò lites in causa trium capitulorum in regia vrbe, sed per totum ferè Romanum imperium ad seditionem vsque ebulliebant. Iustinianum Vlpianam Dardaniæ urbem Iustinianam secundam de suo nomine nuncupandam iusserat. Præerat illius vrbis sacris Paulus, qui pro tribus capitulis acerrimè depugnabat, vnde ad Synodum V. accedere recusauit, imò Vigilij postea Constitutum ita subscripsit: *Paulus humilis gratia Dei Episcopus Vlpianensis huic Constituto, quod beatissimus Papa Vigilius in causa trium capitulorum protulit, ad omni suprascripta consentiens subscripsi.* At plerique citium Vlpianæ quò beneficentissimo Principi gratias referrent, tria capitula damnabant, cæteris cum Episcopo eadem validissimè defendentibus. Ad arma ventum est, ac plurimorum sanguine Theodori Mopsuesteni manibus parentatum. Quare Iustinianus cò cum exercitu Iustinum misit, qui seditionem comprimeret. Narrat hæc ipsa Procopius lib. 4. de bello Gothico labente iam anno belli XVII. Ceteri, inquit, *hesere in opido Illyrici Vlpiana iussu Imperatoris ob seditionem inter indigenas ortam ex illis, quæ inter Christianos disputari solent, de quibus agam libro singulari.* At nulla in Illyrico controuersia, nisi de tribus capitulis, tunc agitabatur. An Procopius promissum volumen confecerit, incertum est; hoc scio, Christianorum de Deo disputationes, quæ sub Iustiniano vbiq; personabant, Procopium irreuerenter despexisse. Vnde lib. 1. operis eiusdem refert legatos missos à Iustiniano ad Pontificem ob ea, quæ controuersa habebant Christiani: *Ea verò, inquit, quæ sint, quanquam percognita, memorare me tædeat; Insane enim temeritatis esse existimo naturam Dei, qualis sit, scrutari.* Suam verò de Numine sententiam angustioribus hisce conclusam terminis exhibet: *Ipse de Deo hoc tantum, quod dicam, habeo, esse eum omnino bonum, eiusque potestate omnia contineri, qui plus scierit, plus de eo dicat, siue in Sacerdotum est ordine, siue in plebe.* Hæc ille.

At vbi in Italia illatarum Vigilio iniuriarum fama perlata est, doluere singuli Pôtificis doctissimi vices. Quare cum Legati Chilberti Francorum Regis ad Iustinianum missi per Italiam transirent, Clerus Italiæ eisdem libellum supplicem dedit, quo Vigilium etiam, atq; etiam commendabat, significans insuper, quot ille iniurias in regia vrbe passus esset. Hos autem Clerigos fuisse Mediolanenses inde colligo, quòd ibidem rogant, vt Datum Iustiniano commendent postulantes, *ut cum post XV. aut XVI. annos ad suam Ecclesiam redire concedat;* quæ Mediolanensis Ecclesiæ suo ante tot annos Pastore viduatæ vota fuisse crediderim. Sirmondus hunc libellum, vt aliàs dictum est, primus vulgauit, illum collocans ad annum 552. pag. 294. tomi 1. Concil. Galliz. Sed scrip-

scriptum illum fuisse anno præsentis 551. inde patet, quod in eo nulla Vigilij fugæ ad proximam Chalcedonis urbem mentio fit. Rursus in eodem libello scribitur, quod Anastasius quidam, quem S. Episcopus Aurelianus Arclatenfis ciuitatis ad beatissimum Papam ante hoc biennium direxerat, ibidem in Gallijs aliqua mentitur, quia & ipse ut Constantinopoli exire posset, promisit se omnium Gallicanorum animos contra tria capitula excitaturum, & præmij eundem Anastasium corruperunt, nec literas Vigilij illi consignare voluere. At Anastasius anno 549. pridie Idus Iulias literas Aureliani Episcopi Vigilio tradidit; quare si ante biennium idem ad Vigilium venit, libellus ille scriptus fuit anno 551. Præterea hæc ibi leguntur: Veniens enim ibi ante sex annos istos beatissimus Papa Vigilius, magis autem, ut quod verius est dicatur, propè violenter deductus. Cum Vigilius in encyclica data die 5. Februarij anno 552. ante septem annos Roma se discessisse testetur, cum à sexennio idem in eo libello ex Vrbe profectus dicatur, anno superiori 551. libellus ille exaratus fuit.

Sequitur annus 552. quo Iustinianus Vigilij constantia tot experimentis si- ANNO
552.
bi iam satis probata, sepositis minis eundem per Legatos conuenit, legatione autem Belisarij, alique superiùs nobis memorati V. Kalendas Febrarias perfuncti sunt. Illi quidem cum Vigilio egerunt, ut accepta iterum publica fide Constantinopolim rediret, quibus Pontifex in hanc sententiam respondit: Si causa Ecclesie ordinatur, ut pacem eius, quam arcunculi sui pijsimus Princeps fecit temporibus, & modò restituat, ego Sacramentis opus non habeo, sed statim egredior. Si autem causa Ecclesie finita non fuerit, item Sacramentis opus non habeo, quia nunquam de S. Euphemie basilica exire dispono, nisi scandalum ab Ecclesia Dei fuerit amputatum. Hæc ubi Iustinianus à Legatis accepit, epistolam, seu ut loquitur Vigilius, chartam ad eundem misit mandacij, ac iniurijs refertam; eam Petrus Referendarius pridie Kalendas Febrarias tulit. Cum verò non esset Augusti manu subscripta, neque Petrus eidem nomen dare veller, vel signare diem, quo allata fuerat, nullam illi Vigilius fidem præstandam duxit. Caterùm ne ream conscientiam silentio apud imperitos prodere videretur, obiecta quæcunque crimina validissimè se confutasse in laudata encyclica contestatur. Sed iterum Dominicorum die, qui fuit pridie Nonas Febrarias, redijt Petrus cum Iustiniani mandatis, ut acceptis sacramentis securus in regiam urbem remearet. Vigilius hæc reposuit: Si directis duobus Iudicibus, quorum nomina tibi in presenti prodidimus, sacramenta præstare dignetur, ut post hæc sine metu periculi fratrem nostrum Datum Episcopum Mediolanensis Ecclesie, vel alios, quos cum eo transferimus, loco nostro suscipiat, parati sumus dirigere, ut per eos de Ecclesiastica causa quæcunque mandauimus, veraciter innotescant. Siquidem Ecclesie causa nulla sacramenta dari deposcimus, sed mox pro gratiarum actione eius occurrimus pietati. Die verò sequenti Vigilius encyclicam illam famosam scripsit, ita enim terminatur: Data Nonis Februarij imperante Domino Iustiniano PP. Aug. Anno XXV. Post consulatum Basilij anno X. sed XI. reponendum est. Ex hac encyclica quorundam errores corrigendi sunt. In primis Baronius Anno 552. Num. 15 legens in vulgatis editionibus legatos primùm ad Vigilium venisse Dominicorum die, idest Kalendis Februarij, ac postea in eisdem asseri missum à Principe Petrum pridie Kal. Febrarias, errorem vidit, atque proximam locum corrigens postridie Kalend. Febrarias legendum dixit. Sed ex inobseruatis Baronio Cyclis error emendatur.

anno 552. Kalendæ Februariæ incidere in feriam V. non autem in diem Dominicum; ergo legendum est V. Kalendas Februarias, qua die festum Dominicum contigit, iterumque pridie Nonas Februarias. Fuit annus bissextilis Cyclo Solis I. Lunæ II. lit. G. F. In ea verò epistola scribit de lata in Theodorum sententia, qua ab Episcopatu amouebatur: *Pro mansuetudinis vestra intuitu, & spe conversionis eius, sicut dictum est, publicè proferre distulimus*. Vnde falsum est, quod in chronologica synopsis in calce ad Facundum Hermianensem Sirmondus scripsit, Vigilium latam denum contra Theodorum sententiam publicasse. Insuper fallitur Bollandus tomo 1. de vitis SS. die 14. Ianuarij, scribens, ea die anno 552. S. Datium Mediolanensem obiisse, quod etiam asseruit ante Bollandum Baronius in notis ad Martyrologium ad eandem diem, etenim eo ipso anno Datus Nonis Februarij viuebat, & à Vigilio ad Augustum nuncijs destinabatur.

Verùm, vt ad institutum redeam, Iustinianus Synodi peragendæ cupidus, aures iam tandem Vigilio dare occæpit, videbat enim reluctante Pontifice Romano nihil solidi ea in causa statui posse. Quare non ampliùs erat alieno à Vigilio animo, quod vbi Mennas, ac aulæ Protheus Theodorus, alijque intellexere, libellum fidei contexuerunt, illumque Vigilio adhuc in templo D. Euphemie commoranti obtulere. In eo expedita fidei professione iuxta decreta quatuor Synodorum facti veniam à Vigilio his verbis postularunt: *De inuirijs autem quæcunque Beatitudini, vel Sedi vestra factæ sunt, eas quidem non feci, sed quia pro pace Ecclesiæ modis est omnibus festinandum, & velut si eas fecissem, veniam postulo. Quia verò tempore discordiæ excommunicatos, vel non receptos à Beatitudine vestra in communionem suscepi, pariter veniam postulo*. Subscribere libellum.

Mennas Constantinopolitanus

Theodorus Casarea Cappadocia,

Andreas Ephesinus. Alijque.

Res hæc benè vertit Mennæ, nam paulò post obiit Sedi Apostolicæ conciliatus, vt dicemus. Edicta etiam Princeps reuocat, & iam Patribus Constantinopolim ad Synodum venientibus ex integro causa trium capitulorum diiudicanda dimittitur, ac Vigilius relicta Chalcedone iterum Byzantium petit. Inter cæteros, qui ad Synodum venerant, erat Eutychius Monachus Amaseni Metropolitæ Aprocrisarius, qui in quodam priuato Episcoporum congressu orta quæstione, an mortuus ab Ecclesiâ damnari posset, Iosæ Regis exemplo mortuorum Idolatrarum sepulchra deiicientis, ac profanos cineres ventilaris defunctos damnari posse probauit, quod mirificè Imperatori placuit. Hunc Eutychium annos iam natum quadraginta Mennas non modò ob sanctitatis, ac doctrinæ experimenta colebat, verùm etiam illum sæpè Iustiniano commendauerat, futuri enim præscius eundem vt successorem honorabat. Author est Eustathius, qui vitam S. Eutychij scripsit, Menna iubente Eutychium ad Iustinianum accessisse: *Confestim autem, inquit, misit illum ad Imperatorem, apud quem cum de rebus propositis disputaretur, apparuit omni diuina, humanaque disciplina instructissimus*, cap. 18. Ineunte circiter Decembri Mennas diem obiit, magno apud Constantinopolitanos sui desiderio relicto. Consecratus fuerat ab Agapeto Papa eiecto Anthimo hæretico anno 536. Contra Acephalos Synodum in regia vrbe coegit, cuius etiamnum acta extant. Hic Origenem à Iusti-

Iustiniano damnandum curauit, primusque Patriarcharum lata contra Origenem anathemata subscripsit. Nobilissima templa eximia Iustiniani munificentia ædificata consecrauit. Iustiniano tamen nimidum indulgit, hinc semel, iterumque cum Vigilio dissidia. Hæc maculas supplex ab offenso Pontifice veniam postulans abluit, atque ipsi etiam Vigilio desideratus è vita discessit.

CAPVT VI.

Eutychius eligitur Patriarcha Constantinopolitanus. Annus obitus S. Darij Mediolanensis statuitur, eaque occasione Procopij de annis belli Gothici anacronismis demonstratur. Origenes Pelagianorum Amasius in Synodo V. Oecumenica damnatur. Halloix ubique falsi conuictus.

Iustinianus inter plurimos candidatos Eutychium Monachum Amasenum nihil tale cogitantem Mennæ successorem designans Petro Referendario, quem hoc anno sæpè cum mandatis ad Vigilium miserat, imponit, vt Eutychium cum honore custodiat, eiusque curam gerat. Inde Imperator Clero, ac sacro Patrum cœtu aduocato, eisdem teste Eustathio in lib. de vita Eutychij his allocutus est: Cum in eod. D. Petri Principis Apostolorum, in qua Senatus habebatur, me somnus complexus esset, in quiete vidi Principem Apostolorum mihi magnum Eutychium ostendentem, dicentemque: Fac vt hic sit Episcopus. Quo oraculo monitum se fuisse dixit, vt Eutychium in Mennæ locum subrogaret; atque hoc pacto Eutychius renunciatus est Patriarcha Constantinopolitanus. Baronius scribit initio anni 553. Eutychium electum. Verùm Theophanès qui commentaria rerum Byzantinorum exactè calluit, hæc tradit: Eodem tempore Mennas Episcopus C-P. defunctus est, in cuius locum successit Apocrisarius Amasæe Presbyter, & monasterij ipsius Amasæe Monachus. Eutychius eo ipso die, quo Menna cadauer in sacris adytis adhuc expositum iacebat. Quare cum Baronius, & alij post ipsum asserant Mennam, mortuum anno 552. eodem quoque anno recitanda illis est electio Eutychij. S. Nicephorus Patriarcha C-P. qui suorum decessorum chronicon scripsit, de Eutychio hæc habet: Eutychius Presbyter, & Monachus in monasterio Amasie annis XII. mensibus duobus. Hoc electo à Iustiniano Imperatore ipse anno XXXVIII. Ioannes presbyter Antiochie ex numero Scholasticorum annis XII. mensibus septem. Eutychius iterum sub Iustiniano (lege Iustino) restitutus concessit annos IV. menses sex. Hanc chronologicam thesim integram recitauit, quia est exactissima, vt patebit. Eustathius, qui Eutychij vitam, cuius lateri semper in hæsit, diligentissimè scripsit, auctor est Eutychium à Iustiniano è cathedras pulsum in festo S. Timothei nempe 24. Ianuarij. Reddo eiusdem verba ex cap. 53. Cum enim dies festus S. Timothei in Hormisda, vt ante diximus, celebraretur, illinc vir pius sacrificium faciens sublatus est, & ea pertulit, quæ passus est. Et cap. 54. Nam in persecutionis tempore Sabbatum, & hyems erat, vigesimo enim secundo mensis Ianuarij vir Dei Sanctus tentatus, & electus fuit. Error librarij corrigendus est, & pro 22. dies 24. reponendus ex festo S. Timothei. Duodecim annos ante exilium sedisse affirmat Eustathius cap. 23. At magnus hic vir Dei Eutychius pari annorum numero, quot sunt Apostoli, Christi gregem paup. Dies 24. Ianuarij S. Timotheo sacra incidit Sabbato anno 565. Cyclo Solis XIV.

Lunæ XV. lit. D. ergo retrocedendo per annos duodecim menses duos erimus circa initia Decembris anni 552. Baronius putauit, exilium Eutychij accidisse anno 564. Ibidem Num. 15. In hoc eximio, ac summæ eruditionis historico Cyclorum obseruatio passim desideratur, ex cuius defectu in anacronismos lapsus est.

ANNO Eutychius ineunte anno 553. fidei professionem ad Vigilium misit datam 553. in festo Theophaniorum. Scribit Lupus cap. 6. comment. ad Synodum V. hanc professionem fidei traditam Pontifici etiamnum captiuo ad S. Euphemiam, ac mox Belisarium cum alijs legatis, itemque Petrum Referendarium. ad eundem destinatos, vt datis denuo sacramentis Pontificem Byzantium adducerent, & tunc Vigilium scripssisse encyclicam de suis calamitatibus. Labitur vir insignis, nam ex Cyclis apertè superiùs monstrauius legationem illam contigisse die 28. Ianuarij anno 552. At Mennas decimo postea mense obiit. Vigilium verò, cum accepit professionem fidei ab Eutychio, Constantinopolim regressum inde colligo, quòd priorem professionem fidei hoc titulo inscribit in suo Constituto: *Exemplum primæ professionis, quam ad S. Euphemia templum fecerunt.* Posteriori autem Eutychij hunc titulum præfigit: *Exemplum professionis, quam residui Episcopi Theophaniorum die nobis fecerunt.* Vbi vides priorem loco, alteram tempore signari. Cæterum Eutychius laudatis quatuor Synodis, atque Leonis epistolis rogat Vigilium, vt iam tandem Concilium de tribus capitulis inchoet. Subscribere epistolam

Eutychius Constantinopolitanus

Apollinaris Alexandrinus

Dominus Antiochenus

Elias Thessalonicensis.

} Patriarchæ.

Vigilius VIII. Idus Ianuarij Patriarchis respondens ipsorum fidem collaudat, petioni verò de discutienda causa trium capitulorum hæc reponit: *Annuiamus, vt de tribus capitulis, ex quibus questio nata est, factò regulari conuentu, seruata aequitate, medijs sacrosanctis Euangelij collationem cum vnitis fratribus habeamus, & finis detur placitus Deo, & conueniens ijs, quæ à Sanctis quatuor sunt definita Concilijs.* At illis clausulis factò regulari conuentu, seruata aequitate, ita Synodum indici Pontifex sentiebat, vt & Latini Episcopi pari numero adessent, ne decretis postea Synodalibus aduersarentur, de qua re inferiùs iterum sermo redibit.

Hoc eodem anno 553. ineunte die 14. Ianuarij S. Datus Antistes Mediolanensis post ingentes ærumnas forti animo toleratas è viujs excessit; ea enim die eundem obiisse tabulæ sacræ Ecclesiæ Mediolanensis, ac Romanum Martyrologium testantur apud eruditissimum Bollandum. De anno verò inter Scriptores non conuenit, nam Baronius, ac Bollandus anno superiori eundem decessisse existimant, quorum sententia ex literis Vigiliij datis hoc anno Nonis Februarij redarguitur, in quibus Datij tanquam superstitis mentionem facit, vt capite superiori notatum est. Ripamontius lib. 7. historiæ Ecclesiæ Mediolanensis vsque ad annum 556. illius obitum protrahit; Victor Tunonensis mortuum scribit post consulatum Basilij XIII. qui est illi annus 554. quo anno etiam tradit Totilam à Narsete victum. Certum est ex literis Pelagij Papæ ad Narsetem obiisse Datium Totila adhuc regnante, ac Narsete in Italia exercitum regente, hæc enim Pelagius scribit: *Recolere enim debet*

debet Celsitudo vestra, quid per vos Deus fecerit tempore illo, quo Isariam, & Venetias tyranno Totila possidente, Francis etiam cuncta vastantibus, non ante tamen Mediolanensem Episcopum fieri permistis, nisi ad clementissimum Principem exinderetulistis, & quid fieri debuisset, eius iterum scriptis recognouissetis, & inter ubique furentes hostes Rauennam tamen & is, qui ordinabatur, & qui ordinaturus erat, nempe Metropolitae Aquileiensis providentia culminis vestri deducti sunt. Paninius meus, Sigonius, ac ceteri Recentiores Chronologi Caluissius, Petauius, Ricciolius, alijque Narsetem anno 552. in Italiam exacta hyeme venisse, atque ætate incumbente ab eodem Totilam acie victum scribunt, quod certè etiam ex Procopio tunc viuento colligitur, qui pugnam illam refert anno labente Gothici belli decimo octauo, qui ab hyemis exitu anni 552. inchobatur. Theophanes etiam testatur hæc eodem anno contigisse. Cæterum cum eui-
denter, vt mox ostendunt, pateat Procopium in designandis illius belli Gothici annis lapsum esse, duorumq; annorum gesta in vnicum annum perperam concessisse, aliunde veritas petenda est. Ego quidem arbitror Gothos Rege Totila occiso anno belli decimo nono labente à Narsete primùm superatos, nempe anno 553. quod insignis illius sæculi chronologus Marius Auenticensis, testatum reliquit, hæc enim scribit: *Post consularum Basilij anno XII. Indictione 4. Hoc anno Baduilla Rex Gothorum ab exercitu Reipublicæ per Narsetem Chartularium Eunuchum interficitur.* Cum verò huic Chronologo annus 542. sit *Post consularum Basilij annus 1.* planè anno 553. Narsetis victoriam alligat, quod etiam ex indictione prima denotatur, quæ anno eodem mense Iulio currebat. Idem verò Marius anno insequenti Teiæ occisionem refert. Procopius lib. 4. disertè scribit Totila occiso Narsetem Romam statim recuperasse, quando sextum, & vicecesimum principatus annum habebat Iustinianus. At hoc ipso anno 553. Kalendis Aprilis annum 26. imperij Iustinianus compleuit, Totila verò mense Iulio victus fuit, nam mense Augusto ex Theophane victoriæ nuncius C-P. appulit. Quare cum ex antiquis tabulis Ecclesiæ Mediolanensis constet, Datium obijisse die 14. Ianuarij, Totila adhuc superstitè, nondum enim eodem occiso Vitalis Mediolanensium Præsul Rauennæ consecratus fuerat ex laudatis literis Pelagij, consequens fit, vt hoc anno 553. & Datij obitus, & Totilæ occisio contigerint. Lucas Holstenius memoratas modò Pelagij literas non quidem Narseti, sed Valeriano Patricio inscriptas edidit p. 1. collect. Rom. pag. 227. De hoc Valeriano scribit Procopius lib. 4. *Narseti autem Rauennam, vt venerat, sociati sunt Duces Valerianus, & Iustinus.* At cum Narsetis summam in Italia præfecturam gereret, ad eundem potius scripserit Pelagium dixerim, & quidem de re grauisima, rogabat enim, vt Antistites Mediolani, & Aquileiæ Synodi V. obrectatores Constantinopolim sub custodia mitteret. Ex his patet errasse Ripamontium, qui Vitalem Datij successorem à Pelagio consecratum putauit, initiatus enim fuit Episcopus Rauennæ ab Aquileiensi Metropolitae Vigilio etiamnum Pontificatum tenente. Scribit Victor Tunonensis Datium anno 554. Constantinopolim venisse, ac tria capitula damnasæ, eademque die percutsum occubuisse. Sed cum Datij constantia in sequenda Vigili sententia nobis constet, meritò cum meo Lupo homini Schismatico nullam fidem præstandam ducimus, præsertim cum isthæco anno affirmer contigisse, quod iam Datius diem obierat.

Sed iam demonstrandum est Procopium in belli Gothici annis fecensendis errasse, non solum quodd eidem Panuinius, Sigonius, Baronius, alijq; celeberrimi Scriptores astipulati sunt (isti enim Procopio, qui cum Belisario eidem bello interfuit, ex asse fidem præstandam duxere) verum etiam quodd ad nostrę historię chronologiam exactiorem id plurimum conducit. Primus annus belli Gothici, vt ex Procopio cap. 3. probauimus, incepit anno 535. quo Siciliam Belisarius exactis Gothis recuperauit. Anno 536. cum circa Paschalia festa seditio per Africam Romanis miliribus incesisset, Belisarius in Africam aduolans fugato seditioso Stotzæ exercitu rem composuit. Scribit Procopius lib. 2. de bello Vandalico: *Decimus is erat annus Iustiniano imperanti; decimus verò annus eiusdem imperij inchoabatur anno 536, à Kalendis Aprilis.* Porro Belisarius in Siciliam rediens exortos ibi etiam tumultus compefcuit, ac dispositis per insulam præsidij in Calabriam transmisit. Brutij, ac Lucanis in deditionem acceptis Neapolim obsedit autumno incumbente; scribit enim Procopius, eundem veritum, ne pluuijs ad obsidium soluendum magna cum impedimentorum iactura cogeretur, vasa colligi iussisse, cum nil tale cogitanti per occultum aditum in vrhem penetrandi modus iudicatus est, atq; eo pacto Neapolim occupauit. Rebus autem ea in vrbe è sententia compositis, copias Romam versus eduxit, qua etiam feliciter sine pugna potitus est. Hæc ait Procopius: *Receptaque est Roma sexagesimo anno, mense eodem postquam à barbaris incesa fuerat.* lib. 1. de bello Gothico. Captam verò à Barbaris fuisse Basilisco, & Armato Conss. nempe anno 476. testatur Marcellinus Comes in chronico; quare recuperata est anno 536. Addit Euagrius Belisarium Romam ingressum die 9. Decembris. His recensitis idem prosequitur recensere, quas postea vrbes Dux Belisarius in potestatem redegit. Hic verò more solito secundi anni belli Gothici Procopio claudendus erat, nempe: *Sic hyems exijt, finemq; imposuit anno secundo belli, quod Procopius describit.* Verum huius distinctionis oblitus pergit Procopius narrare, Vitigem cum C. L. millibus armatorum Rauenna egressum, ac mense Martio Romam obsedisse, ibique in plures menses protractam obsidionem cum egregijs & ciuium Romanorum, atq; hostium factis describit. Paulò post initium libri secundi ait, Euthalium circa brumalem Solis pulsium Romam cum stipendijs militum appulisse, quibusdam verò consiliatiónibus narratis concludit: *Sic hyems exijt, finemq; imposuit anno secundo belli, quod Procopio describitur.* Ex quibus patet, laudatum Scriptorem duorum annorum gesta ad vnicum perperam restrinxisse, neque enim Neapolim, Romamq; Belisarius occupauit eodem anno, quo Vitiges vrbi castra circumdedit, eandemquę longiori obsidio oppugnauit. Hinc factum est, vt apud eundem Historicum aliorum quoque annorum gesta haud suo tempore recenseantur. Etenim lib. 3. narrata vrbs expugnatione per Totilam Gothorum Regem ait: *In his hyems se circumegit, & anni duodecimi belli huius aderat finis, quod Procopius ipse conscripsit.* Duodecimus belli Gothici annus exijt vnà cum hyeme anno 547. At Roma capta est anno belli decimo tertio hyme iam sauiente. Auæuarium Marcellini hæc habet: *Indictione X. Post consulatum Basilij VI. Totila deo Isaurorum ingreditur Romam XVI. kalendas Ianuarias.* Quare anno 547. die 17. Decembris Totila vrhem occupauit. Marius Auenticensis eadem indictione X. Post consul. Basilij VI. ait: *Eo anno Baduila Rex Gothorum*

Arma capta, depopulauit &c. S. Gregorius Magnus lib. 2. epist. 36. disertè affirmat, Gothos urbem occupasse, postquam Vigilius in vrbe regia constitutus anathema in Acephalos publicauit, verba dedimus cap. 3. at certum est Vigilium anno 547. C-P. appulisse, quod itidem monstratum est loco proximè memorato. Ex his ergo anachronismus Procopij paret, ex quo tot insignes viri errandi occasionem accepere. Quare cum vnus anni additione Procopius corrigendus veniat, Datij Mediolanensis obitus, ac Narsetis in Italiam aduentus, moxq; subsecuta Torilæ occisio ad annum 553. referenda est. Baronius quidem, vt notabamus, annum 555. inter belli Gothici annos non numerauit, sed planè contra Procopium, & rei gestæ veritatem. Sigonius verò lib. 18. de imperio Occidentali ad annum 538. vniuersa reuocat, quæ Procopius duobus annis gesta affirmauit, (vt cuique legenti patebit) ne bellum Gothicum ultra decem, & octo annos extenderetur.

Sub finem anni præcedentis 552. frequentissimi Episcopi Byzantium ad Synodum aduenerant, tres enim Patriarchæ aderant, itemq; Helias Metropolitæ Thessalonicensis, vt ex subscriptione libellorum ad Vigilium paret, qui tamen paulò post discessit relicto Benigno Episcopo Heracleæ Pelagoniæ, qui suas in Concilio vices ageret. Hi quidem sæpius convenientes Ecclesiasticas causas tractabant, vt ex Eustathio colligitur. In his verò congressibus ante Maium præsentis anni celebratis damnatum Origenem, & approbatum decretum Iustiniani contra eundem à decennio latum certum existimo. Cedrenus ad annum Iustiniani vigesimum sextum recitat ad verbum literas Imperatoris ad Synodum, quæ Patres hortatur ad Origenem damnandum: *Vos hortamur*, ait, *o sanctissimi Patres, ut in vnum collecti subiectam expositionem, & singula eius capita examinatis, damnetisq; cum Origene omnes, qui idem sentiunt.* Baronius, cui etiam Lupus astipulatur, rectè monet capita à Iustiniano laudata, contineri in ipsis literis ab eodem olim ad Patriarchas contra Origenem missis vnà cum anathematismis ibidem subiectis, quæ cum à Patriarchis tunc validata fuerint, publica Oecumenicæ Synodi subscriptione iterum confirmata sunt. Res grauiori consideratione non indigebat, ex literis enim encyclicis olim Origenes in vniuersa Ecclesia damnatus fuerat, & Patriarchæ antequam consecrarentur, de more Origeni anathema dicebant, hoc enim in edicto Iustiniani mandabatur, quod de cæteris alijs Episcopis etiam constabat. Hinc sessio illa, vtpotè de re non semel, sed iterum iudicata, haud in plura exempla transcripta fuit, cum vnicuiq; edictum Iustiniani sufficeret. Vti verò certum est, Origenem in Synodo V. damnatum, ita incertum mihi videtur tempus, quo damnatio illa peracta fuerit, num anno 552. sub Mennæ, vel potius anno 553. iam inchoato sub Eutychio. At cum videam initio statim anni à Patriarchis rogari Vigilium, vt causam de tribus capitulis inchoet, existimo controuersiam de Origene paulò antea discussam.

Duo tamen hic nobis probanda sunt, Origenem in Synodo V. damnatum fuisse, & hanc damnationem priorem fuisse proscriptione trium capitulorum, video enim de hoc secundo cum eruditissimo Scriptore mihi esse luendum, nam Petrus de Marca in parua dissertatione de Synodo V. scribit: *Ceterum cognitionem de Origene successisse trium capitulorum cognitioni, ipsa series actorum Quintæ Synodi aperte ostendit.* Quæ sanè procul à vero sunt, cum ex actis Synodi citra dubium

dubium oppositum colligatur. Synodus V. canone XI. ait: *Si quis non anathematizat Arium, Eunomium, Macedonium, Apollinarium, Nestorium, ORIGENEM cum impijs eorum conscriptis, & omnes alios hareticos, qui condemnati, & anathematizati sunt à Sancta Catholica, & Apostolica Ecclesia, & à prædictis Sanctis quatuor Concilijs, & eos, qui similia prædictis hæreticis sapuerunt, vel sapiunt, & vsq; ad mortem in sua impicitate permanserunt, vel permanent, talis anathema sit.* Hic canon editus est collatione VIII. habita IV. Nonas lunias, quæ cum postrema fuerit in causa trium capitulorum, colligitur antea iam Origenis causam cognitam fuisse, alias Origenem damnassent, antequam illius errores examinaissent, & ex consequenti per summam iniuriam Adamantius fuisset indicta causa damnatus. Sed est aliud contra Marcam argumentum prorsus ineluctabile. Theodorus Cappadox magnus ille Origenis protector probaturus, posse Theodorum Mopsuestenum licet olim mortuum iure damnari, ita Synodum allocutus est collat. 5. *Et multos quidem etiam alios inuicimus post mortem anathematizatos: Nec non etiam Origenem, & si ad tempora Theophili Sanctæ memoriæ vel superius aliquis recurreret, post mortem inuenerit anathematizatum, quod NUNC in ipso fecit, & vestra Sanctitas, & Vigilius Papa religiosissimus antiquioris Romæ.* En fatente Origenistarum Principe à Synodo V. & à Vigilio Papa Origenes damnatus fuit, & quidem antequam terminata esset cognitio trium capitulorum. Hoc testimonium est adeo euidens, vt rem extra dubium ponat. Sexta Synodus Oecumenica sub S. Agathone Papa actione 17. in definitione fidei laudatis quatuor Synodis prioribus contestatur se recipere decreta super has, & vltima harum Quintæ Sanctæ Synodi, quæ hic congregata est aduersus Theodorum Mopsuestenum, Origenem, Didymum, & Euagrium, & scripta Theodoretæ aduersus duodecim capitula laudabilis Cyrilli, & epistolam, quæ dicitur Iba ad Marin Persam scriptam. Et in edicto fidei act. 8. *Suscipimus quoq; & quæ in temporibus Iustiniani D. mem. in prædicta à Deo conseruanda nostra felicissima ciuitate complosa est Synodus contra Dei impugnatores Origenem, Didymum, & Euagrium, & obsecra Theodori, & Iudaica scripta &c.* His concinit Synodus VII. Oecumenica, quæ est Nicæna II. act. 7. *Præterea, inquit, Origenis, Euagrii, & Didymi fabulositates anathematizamur, quemadmodum Synodus C-P. Quinta numero docuit.* Igitur Origenem à Synodo V. damnatum fuisse publica Ecclesiæ sententia est.

Dabo etiam Scriptores nobilissimos, qui ante Synodum VI. floruerunt. Cyrillus Scythopolitanus S. Sabæ discipulus, qui & Magistri, & Eutymij vitas diligentissime scripsit, cap. 109. de vita Sabæ apud Surium die 5. Decembris ait: *Post hæc cum Sancta, & Oecumenica Quinta Synodus congregata fuisset Byzantijs, Theodorus Mopsuestia, & Origenes, & una cum his impia de præexistentia, & restitutione dogmata generaliter fuerunt subiecta anathemati.* Idem in vita Eutymij die 20. Ianuarij apud Bollandum cap. 28. hæc scribit: *Cum præcedente autem tempore postea congregata fuisset Constantinopoli Quinta Synodus, & Origenis, & Nestorij dogmata fuissent ab ea percussa anathemate, & qui nouam Lauram tenebant, Origenistæ illinc essent expulsi, & fideles, et Orthodoxi Patres rursus in eam migrassent, permittente mihi admirabili Ioanne Silentario, eo inquam, qui erat Episcopus, discedo e canobio, et ipse quoq; versor in hac Laura.* Hæc ille, qui cum eo tempore vixerit, depressorum per Synodum V. Origenistarum oculatus testis venit. Ex his patet Halloix hallucinatio, qui quæst. 10. S. 382. hæc scripsit. *Euagrius pri-*

Græci hæc attigunt controuersiam, et quem alij Scriptores Græci cæcorum more fecerunt. Immo primus est Cyrillus omnium Græcorum Scriptorum, quos modo habemus, qui cæcus sanè non fuit, sed Origenistas ex Synodi V. decretis è noua Laura expulsos fuisset oculis uidit, atque in eadem Synodo eosdem damnatos esse perspexit. Halloix, qui isthac non legit, cæcorum more perperam de non visis iudicauit. Sed præclaro etiam testimonio à Cosma Diacono in Synodo septima actione prima recitato iterum Halloix reijcitur, est quidem longiusculum, sed planè totum hic inferendum, ex eo enim cognoscemus exitum Origenistarum, qui tot turbas sub Nonno in noua Laura in Palæstina dedere. Cosmas Venerabilis Diaconus & sacri Patriarchatus Cubicularius ex uita S. P. N. Sabæ legit. Itaque tum Sancta vniuersalis Quinta Synodus Constantinopoli esset congregata communi, & generali anathemate reiecti sunt Origenes, ac Theodorus Episcopus Mopsuestias, et quæcunque ab Euagrio, et Didymo dicta sunt de præexistentia, siue triplici personarum. Probauerunt autem id quatuor Patriarche presentes. Iretica Imperator noster Dei amantissimus aëta Synodi Hierosolymam misit, in qua ciuitate coeclio Episcoporum conuentu quotquot erant Palæstinarum Episcopi manibus, et pedibus, et ore sententiam, et statutum Synodi confirmarunt, nisi quod Alexander Abyles intransiuit sensis, quamobrem Episcopatu exutus Byzantium se recepit, et terram obrutus est, et sepultus. Noua Laura uero Monachi se à Catholica communione separarunt. At uero Patriarcha Euthychius (Eustochius) diuersis modis eos aggressus per octo menses illos admonuit, et cum precibus suis non ualuisse eis persuadere, quò Ecclesie Catholice communicarent, imperialibus iussibus usus per Anastasium Ducem à noua illos Laura proiecit, prouinciæque totam ab eorum pestilentia liberauit. Hæc puto esse excerpta ex Cyrillo in libro de uita Sabæ, unde quæ apud Sarium legitur, mutilata est. Bollandus integram se inuenisse indicat in fine prolegom. ad uitam Theodosij Cœnobiarchæ die 11. Ianuarij. Audis Origenem damnatum, gesta item contra eundem Hierosolymam transmissa; & tandem Origenistas Neolaurenses expulsos, vniuersamque Palæstinam Origeni maledixisse.

S. Sophronius Patriarcha Hierosolymitanus, qui paulò post Synodum V. floruit, in epistola ad Sergium, quæ recitatur act. 11. Synodi VI. hæc scribit: *Etiam quantum præter istos, & post istos aliud Concilium vniuersaliter constitutum suscipio, quod in regia urbe etiam id celebratum est Iustiniano tunc sceptra Romani imperij dispensante, & omnes eius præclaras definitiones, quod ad confirmationem quidem nominatissimi Chalcedonenis Concilij congregatum est. Perimit autem, et in interitum projicit PRINCIPALITER ORIGENEM insanum, & omnes eius pompasas semolentias, & plena multe impietatis commenta, Euagrii quoque cum eo, & Didymi dogmata, & omnia eorum pagana, atque prodigiosa, nec non & fabulosa deliramenta. Post quos & Mopsuestenum auellit Theodorum Magistrum Dei rebellis Nestorij &c. Hoc ipsam testatus est Maximus Patriarcha Aquileiensis in Synodo Lateranensi coram S. Martino Papa celebrata: Contra Theodorum, inquit secretario primo, & Origenem in Sancta Quinta Synodo accusator quidem nullus, sed tantummodò eorum conscripta ad accusationem ipsorum, & reprehensionem suffecisse noscuntur. Claudat horum dicta Euagrius, qui lib. 4. capite 38. aliàs 37. hæc recitat de Synodo Quinta: Relatum est igitur ad Iustinianum à Synodo post exclamaciones contra Origenem, & eos qui patifermite cum illo seducti erant, factas. Quæ de re ista ad uerbum in eæ cetera sunt relata. Et recitatis quibusdam Patrum exclamacionibus ait: Istis*

adiunxerunt & capita eorum, quæ cum Origene sentientes docuerunt &c. Quis autem, nisi Halloix, dixerit Euagrium ista finxisse? testatur se ad verbum illa ex actis Synodi excerptisse; & quidem Iustiniani literas contra Origenem ad Synodum datas recitat Cedrenus. Sanè stultitiæ proximum est, adhuc negare Origenem in Quinta Synodo esse damnatum, & tamen non pudet Halloix, erroris illos arguere, qui dixere lata in Synodo V. contra Adamantium anathemata, & obstinatè hæc reponere: *In Quinto Concilio, nihil prorsus de Origene tractatum est.*

Vidit Halloix anathematismum XI. Quintæ Synodi, & cum nullus superesset defensionis locus, ridiculam prorsus responsionem commentus est: *Intrusum*, inquit, *hand dubie est nomen Origenis in anathematismo vndecimo collatione octaua.* Quæst. 10. §. 23. *ab homine*, addit, *quopiam, ut supra indicaui, saltem imprudenti nomen eius anathematismo vndecimo improbè adiectum est.* Hæc probat, quia Eutycheti non Origenes, sed Dioscorus proximè locandus fuerat, ita enim Patres utrumque simul ferè vbique nominant. Rursus Gregorius Magnus lib. 2. epist. 36. indict. 10. vnā tantū personam damnatam dicit in Synodo V. nempe Theodorum Mopsuestenum, non igitur Origenes etiam proscriptus fuit, aliàs duo damnati fuissent. Denique idem anathematismus legitur in edicto Iustiniani contra tria capitula, vbi Origenis nomen non apparet. Atque ex his putat Halloix insertum canoni vndecimo Origenem. His positis facilem responsionem testimonijs Sextæ, & Septimæ Synodi procudit, nempe vtriusque Concilij Patres secutos acta Synodi V. corrupta pag. 390. vbi in margine hæc leguntur: *Sexta Synodus in errorem tracta est à Quinta, & post se traxit Septimam.* At cum in collatione V. Theodorus Origenistarum Dux fateatur à Synodo V. damnatum Origenem, fabulam putat dicens esse adulterinum, & suppositum locum, interiecta, & intrusa verba pag. 388. Hæc Origenis aduocatus.

Heu quod præcipitem egit hominem cæcus in Origenem amor? Si Origenis nomen ab inuida manu intrusum fuit vndecimo anathematismo, tuum erat codicem cariosum quempiam alicubi gentium literatarum, vel etiam barbararum nominare, vbi canon ille Origenem inter proscriptorum capita non recenseret. Latina Ecclesia sacrorum Conciliorum codices legitimos, atque incorruptos in Ecclesiasticis scrinijs semper conseruauit, atque inter hæc sacra volumina erant gesta Quintæ Synodi. Hinc cum S. Martinus Papa, qui ante Sextam Synodum Lateranensem Concilium contra Monothelitas celebravit, dixisset: *Offerantur imprimis per eos, quorum interest, reuocandissime sanctarum quinque vniuersalium Synodorum definitiones, lectis definitionibus priorum quatuor Conciliorum dictum est: Definitio Sanctæ quintæ Synodi, cuius quidem definitionis anathematismus XI. ita exhibitus est: Si quis non anathematizat Arium, Euenonium, Macedonium, Apollinarem, Nestorium, Eutychen, ORIGENEM cum impijs eorum conscriptis &c. talis anathema sit.* Vides in Ecclesiæ Romanæ legitimis codicibus Origenem in anathemate XI. cum reliquis condemnatum? Sed grauius aduersarium premo. Cum in Synodo Sexta depræhensi fuissent Monothelitæ codices Synodi V. corruptisse, & id Legati Pontificij alta voce protestarentur, Sancta Synodus dixit illos convinci antiquis, & IMMUTABILIS eiusdem Sancti Quinti Concilij libris, qui ex archiuio Patriarchali producti publicè eo in conuentu lecti sunt; & ex authenticis codicibus hæreticorum fraude detecta

totâ Synodus vniuersa exclamauit : *Anathema simul, qui falsificauerunt acta Sancti, & vniuersalis Quinti Concilij*. Hæc actione 14. recitantur. Non igitur Synodus sexta, vt fingis, secuta est *acta V. Synodi corrupta*, sed antiquos, & immutatos eiusdem Sancti Quinti Concilij libros. Et hæc quidem plena Patrum Synodo contestante. De hoc tamen iterum capite sequenti pluribus agemus.

Hinc factum est, vt damnato in Quinta Synodo Origene ante Sextam Synodum idem etiam tum in Latina, tum in Græca Ecclesia passim anathemati subijceretur, quod, vt alia omittam, constat ex Synodo Lateranensi S. Martino Papa Præsidente celebrata, & ex Ecthesi Heraclij Imperatoris in eadem Synodo laudata : Concilij verba hic damus, Ecthesim verò paulo inferiùs adducemus. Quod verò opponit Halloix, Dioscori loco Origenem ab imprudenti homine in anathematismum vndecimum Synodi V. intrusum fuisse, ridicula diuinatio est. Non fuit ibi Dioscorus nominatus, quia damnatus fuerat in Eutychem, eadem enim omnia, quæ Eutyches delirauit, Alexandrinus ille Pseudo-Antistes etiam asseruit, vnde Synodus Chalcedonensis act. 3. in literis ad S. Leonem Papam de Dioscoro scribit : *Quod Eutychem pro impietate damnatum sua tyrannidis decretis innoxium statuit, & dignitatem, quæ à vestra illi ablata fuerat Sanctitate (quippe vix ab eo, qui hac gratia erat indignus) illi restituit*. Sed Dioscorus non modò Eutychemis, sed & Hæreticorum omnium Magistro Origenis discipulus fuit, vnde idem Dioscorus in libello supplici Theodori Diaconi apud Synodum Chalcedonensem act. 1. accusatur, vti semper quæ Origenis sunt sapiens. Insepe ergo canoni illi etiam, si ita lubet, Dioscorum, ita tamen ne loco pellat Origenem. At si scire cupis, qualis inter hæreticos locus Origeni, qualis Dioscoro statuatur, lege canonem 18. Sanctæ Synodi Lateranensis non pleno sæculo post Quintum Concilium à S. Martino Pontifice celebratæ : Si quis, inquit, secundum Sanctos Patres consonanter nobis, pariterque fide non respuit, & anathematizat animam, & ore omnes, quos respuit, & anathematizat nefandissimos hæreticos cum omnibus impijs eorum conscriptis vsque ad vnum apicem Sanctæ Dei Ecclesiæ Catholice, & Apostolicæ, hoc est sanctæ, & vniuersales quinque Synodi, et consonanter omnes probabiles Ecclesiæ Patres, idest Sabellium, Arium, Eunomium, Macedonium Apollinarem, Polcmonem, Eutychem, DIOSCORUM, Timotheum Ælurum &c. ORIGENEM, Didymum, Euagrium, et compendiosè omnes reliquos hæreticos, qui à Catholica Ecclesia reprobat, atque abiecti sunt etc. huiuscemodi condemnatus sit. Vides Origenem cum Euagrio, ac Didymo, qui actione 11. Sextæ Synodi ita nominantur *Didymus, et Euagrius Origeniana vanitatis primi secretarij seditissimi*, hæreticorum agmen claudere reponi inter nefandissimos hæreticos ? damnari illius impia conscripta ? Rursus in magna Synodo Nicæna II. quæ est Septima Oecumenica leges supparem Eutychemi Dioscorum. datum, atque his proximum Origenem, eiusque secretarios foedissimos. Illa quidem act. 7. in definitione fidei ait se anathematizare : *Arij insaniam, Macedonij rabiem, Apollinarij dementia, Nestorij idolatriam in homine, Eutychemis & DIOSCORI conspirantem vanitatem, & horum multorum capitum hydram, ORIGENIS, Didymi, et Euagrii nugas, fabulasque*. Ita Dioscorus cum Magistro Eutychem eadem infamiæ nota insignitur, nigrumque theta etiam Origeni præfigitur. Ergone & Lateranensis Synodus ante VI. & VII. Concilium tracta est in errorem à corrupto V. Synodi codice ? Nullusne Patrum Latinorum, vel

Græcorum germana, ac legitima Synodi V. acta nancisci potuit, ut Origenem tantæ infamiae subduceret, ac collegas admoneret intrusi in anathematismum XI. Origenis? Nullusne ex sexcentis, & ampliùs Patribus pro Origene aduocatus surrexit? Nullus erga Adamantium miseratione aliqua inflexus fuit? Quis porro ex his non intelligat, quo loco fuerit apud Catholicam Ecclesiam Origenes? Eadem facilitate refutantur, quæ de intruso periodo collationi quintæ Halloix fingit, uti enim ista sine teste proferuntur contra signatas antiquitus tabulas, de quarum fide nullus huc vsque dubitauit, ita veluti somnia in fumum abeunt.

Quod addit asseri à Magno Gregorio, vnam tantummodò Personam damnatam fuisse in Synodo V. Origeni non fauet, nam Pontifex hæc scribit: *In Synodo, in qua de tribus capitalis actum est etc. de quibusdam illic solummodò Personis est editatum, quarum una, cuius scripta euidenter à rectitudine Catholice fidei deuabant, non iniuste damnata est.* Loquitur de controuersia ibi agitata de Theodoro, Theodoreto Cyri, & Iba Edeffeno, & rectè pronunciat, primum quidem cum suis scriptis fuisse damnatum, Theodoretum verò, & Ibæ scripta tantummodò, non personas. De Origene non loquitur, quia hic ante Synodum de tribus capitalis damnatus fuerat, neque de illo Schismatici, quos ibi alloquitur Gregorius, fuere aliquando solliciti. Verùm si quærat ab Apostolica Sede, num à Patribus Synodi V. solus Theodorus damnatus fuerit, respondebit Nicolaus Primus in epistola ad Michaellem Imperatorem: *Quinta præterea Synodus etiam iam mortuos Origenem, atque Theodorum per eorum damnanda scripta non rectè sapuisse repositos anathemate perculit.* Sed & ante ducentos annos hæc ipsa dicta, sunt in Synodo Lateranensi à Maximo Patriarcha Aquileiensi, cuius dicta superius laudauimus. Neque Halloix postremum illud iuvat, nempe intrusum esse canoni vndecimo Origenem, quòd hic non legitur in edito Iustiniani contra tria capitula. Rem, uti erat summa eruditione instructus, Baronius vidit. Editum illud Iustiniani compositum fuit opera Theodori Episcopi Cæsareæ Cappadocum; hoc enim testatur Vigilus Papa in epistola contra eundem Theodorum: *Tuis, inquit, ex consuetudine incitamenti liber condemnationem capitulorum ipsorum continens in palatio te assistentè, et instruyente coram quibusdam Grecis Episcopis est relectus.* At Theodorus ex Liberato cap. vltimo Breuiarij erat Origenis defensor accrimus. Cur ergo Cæsareensis suum Origenem inter damnata, capita collocasset? Scito ergo Origenem Theodori fraude in Iustiniani anathematismo omisum à Synodi V. Patribus suo, uti decebat hominem, loco inter hæreticos repositum.

Reclamat Halloix quæst. 10. §. 2. Certè si ad aliquod vnum generale Concilium spectauit perquirere de Origene, maxime omnium spectauit ad Nicenum, utpote Origenis ætati vicinissimum. At concilium, addit, Nicenum simul antiquissimum, et sanctissimum nihil aduersus Origenem protulit. Veterem Origenistarum crambem reponit. Quomodo, aiebant, damnabimus, quem Synodus Nicæna non tetigit? Reddam ex integro voces Hieronymi epist. 65. Scilicet vno medicamine omnes simul morbos debere curari; Et ideo Spiritus Sancti neganda maiestas est, quia in illa Synodo super substantia eius silentium fuit? De Ario tunc, non de Origene quæstio fuit, de Filio, non de Spiritu Sancto. Confessi sunt, quod negabatur, tacuerunt, de quo nemo quærebat. Quanquam latenter Origenem fontem Arii percusserunt, damnantes enim eos,

qui filium negant de Patris esse substantia, illum pariter, Ariumque damnarunt. Alioquin hoc argumento neque Valentinus, neque Marcion, nec Cataphryges, neque Manichæus damnari debent, quia Nicæna Synodus eos non nominat, quos certe ante Synodum fuisse non dubium est. Hæc ille. At non solum in Ario Origenes per Nicænos Patres damnatus est, sed & Epheſi cum Nestorianis proscriptus fuit. Illi dicebant ex Photio cod. 54. & Cassiano in libris contra eosdem editis, hominem ex meritis habuisse unionem cum Verbo. At hoc ipsum olim tradiderat Origenes lib. 2. Peri-archon; verba dedimus lib. 1. hist. Pelag. cap. 1. Idem in Eutychete damnatus est, itemque cum Dioscoro in maxima Chalcedonenſi Synodo; etenim teste S. Leone epist. 11. ad Iulianum Coensem erratum Eutychetis de haustu venenatorum dogmatum Origenis apparebat effusum, nempe quod anima Christi, ut dixit Origenes, prius fuisset in cœlis commorata, additque: Unde quod in Origene merito dammatum est, qui animarum antequam corporibus infererentur, non solum vitas, sed & diuersas fuisse asseruit actiones, necesse est, ut etiam in isto, nisi maluerit sententiam abdicare, plectatur. In eadem etiam Synodo, ut notauimus, Dioscorus accusatus est, tanquam semper quæ Origenis sunt sapiens. Sed in Synodo etiam Constantinopolitana Oecumenica II. Origenes in Macedonianis, qui Spiritum S. adorandum uti Deum negabant, damnatus fuit. Nam Origenes testibus Sanctis Epiphanio, & Hieronymo Spiritum S. creaturam esse asseruit. S. Augustinus lib. de hæres. cap. 43. scribit nonnullos negare illum dixisse. Spiritum Sanctum creaturam; additque: sed qui eius plura legerunt, contradicunt. Legatur epistola Hieronymi ad Auitum. Igitur non in sola Quinta Synodo, sed & in quatuor prioribus Origenis doctrina damnata est cum Ario, Macedonio, Nestorio, & Eutychete, ut mirum non sit, si magnus ille maximi Nepotis S. Cyrilli Alexandrini decessor Theophilus pronunciarit epistola 1. Paschali fuisse Origenem Hydram omnium hæreseon. Hinc factum est, ut in Synodis nunquam cum Patribus Origenes nominatus fuerit, imò neque Hæretici Nestorius, Eutyches, Monothelitæ, alijque vllum ab Origene suffragium petierint, sciebant enim illius testimonium infamia apud omnes laborare. Obijcit Halloix magnum Athanasium ostendisse in lib. de decretis Nicænæ Synodi contra Eusebium, Origenem procul esse ab Arij insania. Sed notare etiam debebat aduersarius, quæ ibidem Athanasius præmiserat de Origene: Nam quæ veluti querens, & ingenium exercens scripsit, hæc non tanquam ipsius ita sentientis sint, accipiat quisquam. Est enim doctum pharmacum Athanasij. Origenes more solito in utramque partem disputauit, de quo nolim cum quopiam contentionis funem ducere.

Vnum hic subiiciam, Sanctissimos Monachos, & Antistites, qui Iustiniano imperante floruerunt, Origenis scripta semper damnaſſe. S. Sabas pro Origenistis compescendis legationem ad Iustinianum suscepit, de qua re pluribus cap. 1. dictum est. S. Theodosius, cuius memoria die 11. Ianuarij agitur, Origenem supra cæteros detestabatur. Scriptor vitæ eiusdem cap. 13. apud Bollandum ait: Maxime autem, ostendebat se auersari Origenem, qui existimauit suum in hoc penendum studium, ut diuinæ Apostolorum prædicationi nugæ contexeret gentilium, & luderet in rebus minimè ludicris. Honoris gratia ita ab ipso Halloix initio quæſtionis 10. pag. 343. appellatur S. Theodosius Cœnobiarcha vir fide, & pietate, & prodigiorum multitudine clarissimus. Origenis hostem eundem fuisse igno-

se ignorauit. Tertius est S. Ioannes Silentiarius Episcopus, qui aduersus Origenistas acerrimè decertauit. Auctor vitæ eiusdem apud Surium die 13. Maij ita satur cap. 23. *Mittens narrare eius de fide certamina, quæ suscepit aduersus Origenis, & Theodori Mopsuestie dogmata, et eorum, qui ea defendebant.* Hic à sede sua fugiens inter Monachos Palæstinos centenarius vltra annum 554. vixit. Huic iungendus est S. Quiriacus, cuius festum celebratur 29. Septembris; legimus apud Surium illius res gestas breuitate, ac diligentia pari descriptas, de illo autem inibi hæc scribuntur: *Vehementissimè decertauit aduersus eos, qui eadem sentiebant, quæ Origenes.* Capite 10. sequenti verò vndecimo Origenis errores recensentur. Halloix Monachos illos Palæstinos, qui contra Origenem libellos Iustiniano Imperatori obtulerunt, carpit scribens Iustinianum auditis quorundam rudium Monachorum contra Origenistas querimonijs edictum de damnando Origene scripsisse. Itane, si superis placet, veluti ex rudium Monachorum cœtu Sabas, Theodosius, Quiriacus, Ioannes Silentiarius despicientur, quos & Imperatores, & Patriarchæ ad vsque sydera extulere, laudandi verò venient Nonnus, Leontius, ac cæteri Neo-Lauritæ Origenis studiosissimi? Sanctus Eutychius Patriarcha Constantinopolitanus Origenem, eiusque primarios sectatores Didymum, & Euagrium damnauit, vnde Victor Tunonenfis vocat Eutychium damnatorem *Euagrii Eremitæ Diaconi, et Didymi Monachi, et Confessoris Alexandrini.* Hic autem Eutychius in exilium à Iustiniano missus fuit falsis delationibus eorum, qui excranda nugæ Origenis, et *Euagrii, et Didymi dogmata defendebant* teste Eustathio cap. 25. de vita Eutychij. Ex his liquet, quàm procul à vero sit Baronij de Eutychio nostro suspicio, nempe cum constet acta Synodi V. ab Origenistis, ac præcipuè Theodoro Cæsareæ mutilata fuisse, Eutychium quoque cum Theodoro eam in rem operam associasse, vnde ait ad annum 553. pag. 440. *Sed et in non leuem suspicionem Origenismi induci potuit Eutychius Constantinopolitanus Episcopus.* Cum tamen S. Eutychius inter præcipuos Origenistarum persecutores ab illius ætatis scriptoribus numeretur.

CAPVT VII.

Synodus V. contra tria capitula celebratur. De anno Synodi singularis opinio Christiani Lupi V. C. confutatur. Vigilius Papa Concilij acta scripto Constituto reprobat. Euagrius, ac Didymus Origenista in eadem Synodo damnantur, Halloix perpetam negante.

CVM aduersarius ea, quæ de intruso ab inuidis inter hæreticos Origene in anathematismum vndecimum, ac de eiusdem damnatione per dolum collationi quintæ inserta ne simpliciores quidem vnquam credituros satis intelligeret, omnes enim sacroris antiquitatis tabulæ ipsius somnia procul expellunt, ingenti prorsus audacia; in ipsam Sacrosanctam Quintam Synodum impetum collegit, & quod veteres Origenistæ tentare extimuerunt, tot fulminibus deiectum Origenem rursus erigere nixus ea contra Synodum diæteria protulit, quæ initio quidem libri recitata iterum hic repetere religioni duco. Sanè non possum non ridere, considerans novum hunc Origenis aduocatum à veterum Origenistarum decretis rebellantem Synodum V. quam Theodorus Orige-

Origenis sectator præcipuus conuocandam curauit, mille maledictis lacerasse. Etenim illi ad *uersionem eorum, quæ contra Origenem gesta sunt*, inquit Liberatus cap. 24. damnationem trium capitulorum in Synodo V. constarunt, vnde rectè summus Ecclesiæ historicus Baronius ad annum 553. pag. 440. obseruauit *Quintæ Synodi Corypheos historicos errores ex parte sectatos*. Et quod mireremur, Theodoro Mopsuestenum Halloix totis lacertis defendit, qui teste laudato Carthaginensi Diacono cum multa opuscula edidisset contra Origenem, exosus, & accusabilis habebatur ab Origenistis. Quæ quidem si Halloix obseruasset, profectò tam nobilem, tam vehementem, tam operosam Theodoro Origenomacho aduocationem non commodasset.

Peracta in Quinta Synodo Origenis damnatione, in quam vel ipse Theodoros Cappadox aulæ Protheus Iustiniani sui adulandi gratia consensit, Imperator instare cœpit Vigilio, vt & causam de tribus capitulis in Synodo discuteret. At Vigilius cum Occidentales Episcopus timore Iustiniani adesse nolle intelligeret, se cum paucis Italis, atq; Illyricis rem ita definire posse negabat, vt nulla deinceps ab Occidentis Episcopis contradictio fieret. Ea tandem sententia placuit, vt pari Latinorum, ac Græcorum numero Synodus componeretur, quod ante festum Paschæ, quod hoc anno 553. contigit 20. Aprilis statutum fuit. Audiatur ipsemet Vigilius in Constituto ad Iustinianum: *Postea verò hoc magis cum consensu Fratrum nostrorum nostrarum partium Episcoporum nuper ante Sanctum Pasche diem pietas vestra constituit, vt ex æquato numero his Pontificibus, qui in Constantinopolitana Vrbe presentes sunt, de tribus capitulis, ex quibus quæstio vertitur, secundum superius designatum Fratrum nostrorum Episcoporum professionem deberemus inire tractatum*. Cæterum Græci Patres his intellectis tumultuari, venisse se ex longinquis prouincijs Synodi Oecumenicæ causa, huius auctoritatem, ac nomen deprimi; si à paucissimis celebretur, plurimos Sapientissimos excludendos, si pari cum Latinis numero coeundum sit. Synodos frequentissimàs à solis Græcis celebratas; in Chalcedonensi sexcentorum, & triginta Patrum conuentu legatos tantum Leonis Papæ ex Latinis interfuisse. Nicænam omnibus venerabilem Synodum ex Græcis tantum constatam. Notam esse Occidentalium in tribus capitulis defendendis obstinationem, cum quibus si ex æquato numero Orientales disputationem ineant, paribus hinc inde suffragijs re infecta Concilium dimissum iri. Iustinianus his acceptis à priori sententia discedens diem Synodo dixit IV. Nonas Maias, nempe Dominica secunda post Pascha.

Sed de anno Synodi singularis opinio eximij viri Christiani Lupi Professoris Louanienſis nouam nobis quæstionem ingerit. Veniam dabit eruditissimus, meiq; amantissimus Scriptor, si veritati hoc loco illum postponendum duxero. Hic igitur cap. 6. commentariorum in Synodum V. ait acta Synodalia præferre in titulo annum Iustiniani XXVII. At credendum, inquit, *Victori Tonnensi dicenti fuisse decimum tertium Christi Domini quingentesimum quartum, in quem omnino incidit vigesimus septimus Iustiniani*. Idem repetit cap. 9. initio. Labitur vir doctissimus, nam acta Synodalia rectè præfixum habent annum post consulatum Basilij XII. nec contrarium docuit Victor, qui cum eo tempore acerrimè pro tribus capitulis decertaret, haud in anno Synodi statuendo errasse dicendus est. Anno Epochæ Christianæ vulgaris 541. Basilius solus consul fuit, inde

inde verò vsque ad annum primum Iustini iunioris nulli ampliùs consules à Iustiniàno designati fuere. Detur id ambitioni huius Imperatoris, qui, vt solus in omnibus subscriptionibus signaretur, omisso antiquissimo creandorum consulum more, qui annos suis nominibus distinguebant, ab annis sui imperij tempora statui voluit. Igitur cum annum, quo consules noui non creabantur, à præteriti anni consulibus designari mos esset, annus 542. *Post consulatum Basilij* dictus fuit, annus verò 543. *Iterum Post consulatum Basilij* fuit nuncupatus, vel *Post consulatum Basilij II.* seu *Anno II.* Hoc patet ex legum imperialium, Synodorum, ac Lapidum subscriptionibus. Veronæ nostræ S. Valentis Episcopi sepulchro inscriptum epitaphium legitur: RECESSIT SVB. VIII. KAL. AVGVSTI POST CONSVLATVM LAMPADII ET ORESTIS. Indictione IX. nempe anno 531. Eodem anno celebrata Synodus Romana sub Bonifacio II. incipit: *Post consulatum Lampadij, & Orestis VV. CC. sub die VII. Iduum Decembrium.* Annus verò sequens 532. apud Basilicam S. Petri ad vincula Romæ lapidi inscriptus fuit ET IT. P. C. LAMPADI ET ORESTIS. Inscriptionem integram dedimus lib. 2. hist. Pelag. cap. 19. Præterea Synodj anno 536. tum Constantinopoli à Menna, tum Hierosolymis à Petro celebratæ ita inchoantur: *Post consulatum Fl. Belisarij V. C.* Eundem consularem caracterem post consulatum Basilij seruarunt Iustinianus in edictis, ac rescriptis, Vigilius Papa in epistolis, Synodus V. item & Mopsuestena, vt sæpiùs exposuimus. Cæterùm nonnulli Chronologi ab vñtato fastorum condendorum more communiter recepto recedentes, alio caractere fastos consulares digessere. Nam annum 542. ita signarunt: *Post consulatum Basilij V. C. Anno II.* Eodem modo etiam notarunt annum 531. *Post consulatum Lampadij, & Orestis anno II.* item annum 536. *Post consulatum Belisarij V. C. Anno II.* Viçtor Tunonenlis hoc pacto annos carentes consulibus signauit. A. 541. *Basilio V. C. Cos.* postea verò immediatè annum 542. hac consulari nota inseribit: *Post consulatum Basilij Anno II.* Chronicon Alexandrinum annum post Belisarij consularum ita exhibet, *Indictione XIV. Belisario II. Consule.* *Indict. XV. Belisario III. Consule.* Qui modus fastos describendi minùs proprius est, videtur enim innuere, Belisarium alterum, & tertium consulatum gessisse, neq; alio modo Tacitus, & Dio iteratos Imperatorum consulatus designarunt. Chronologi omnium nobilissimi Paninius, ac Sigonius, quos veluti Principes in fastis digerendis veneramur, priorem modum tradidere. Marius Auenticensis in suo Chronico, quod habetur tomo 1. Historiarum Francorum collectarum ab Andrea Du-Chesne viro eruditissimo, ita scribit: *Post consulatum Basilij anno I.* est annus 542.

Ex his colligitur, Patrem Lupum peculiarem Viçtoris Chronici modum non aduertisse, in quo etiam lapsus est Sirmondus in chronica Synopsi ad libros Facundi. Cum enim annus 542. dicatur à Viçtore *Post consulatum Basilij anno II.* eidem annus 553. est *Post consulatum Basilij XIII.* qui cæteris Chronologis est XII. Quod verò addit ille Scriptor de anno 27. Iustiniani, illum non iuvat. Iustinianus anno 527. Kalendis Aprilis feria V. in Cœna Domini ex Procopio in arcana historia iniit imperium, quare anno 553. IV. Nonas Maias, quando incoëpta est Synodus de tribus capitulis, currebat annus 27. Iustiniani; si verò Synodus anno 554. IV. Nonas Maij coacta fuisset, 28. annus Iustiniani scribendus fuisset à Kalendis Aprilis inchoatus. Sed & caractere

Ante indictionis primæ Synodi tempus exprimitur; nam Maio mense anni 553. labebatur prima indictio usque ad Septembrem, anno verò 554. fuit Indictio secunda. Est egregium testimonium Pelagij Papæ, qui tunc aderat Diaconus Byzantij, in epistola ad Narsetem scriberitis: *Si quid eos de iudicio vniuersalis Synodi, quod Constantinopoli per PRIMAM nuper elapsam INDICTI- NEM actum est, forte mouebat etc.* Quæ addidi, quòd Lupus mendum designationi temporis habit Synodi irrepsisse contendit. Hinc Cyrillus Scythopolitanus in vita Sabæ rectè dicit expulsis post octo menses à Quinta Synodo peracta ex noua Laura Origenistis quietem datam Monachis S. Sabæ, & vniuersæ Prouinciæ anno *vigesimo tertio* à morte Sabæ. Hic decessit anno 531. Indictione X. die 5. Decembris, adde 22. annos, habebis annum 553. si verò octo insuper post Synodum menses apponas, quibus elapsis noua Laura ab Origenistis vindicata fuit, eris ad annum 554. qui est *vigesimus tertius* à morte Sabæ. Hæc fusius prosecutus sum, vt clarior fæctorum notitia haberetur, non quòd opinio Lupi tantam à nobis operam exposceret. Nam duo scripta Vigiliij hoc anno emissa litem dirimunt. Certum est Constitutum editum esse à Vigilio inter ipsamet gesta synodalia; at illud dicitur *Datum pridie Idus Maij imperante D. N. Iustiniano perpetuo Augusto anno 27. Post consulatum Basilij V. C. anno XII. in Constantinopolitana ciuitate.* Rursus literæ ad Eutychium, & præiacentem Synodum, quæ Vigilijs adprobat Concilium V. datæ sunt *VI. Idus Decembris imperij D. N. Iustiniani. eterni Augusti anno vigesimo septimo* Post consulatum Basilij V. C. Anno XII. Ex quibus palam fit, hoc anno 553. Synodum Quintam celebratam. Ex subscriptione verò Constituti colligitur tempore Synodi Vigilium fuisse in *Constantinopolitana ciuitate*; vnde idem Lupus iterum lapsus est cap. 9. scribens, Pontificem post datas ad Eutychium literas mense Ianuario iterum Chalcedonem se recepisse, ibiq; tempore Synodi moraturum.

Anno igitur 553. die 4. Maij. Dominica II. post Pascha celebrata est prima collatio, adfuere tres Patriarchæ; erant Patres. CLXV. Lecta est sacra Diualis Iustiniani, qua Imperator significabat nihil antiquius sibi fuisse, quàm hæresibus eliminatis quietem Ecclesiæ dare post excitatos ab Acephalis tumultus. Addit: *Fecimus prædicari eandem Sanctam Synodum cum tribus alijs Sanctis Concilijs in Dei Ecclesiâ.* Ex quibus patet; quam falsò Halloix dicat, Iustinianum hæc pronunciasse: *Chalcedonense Concilium in tribus peccasse; & in quarto minus sapuisse.* pag. 345. De Vigilio verò scribit Augustus: *Et Vigilio etiam religiosissimo Papæ antiquioris Romæ; cum peruenisset ad hanc regiam ciuitatem; de tribus Capitulis subtiliter omnia manifestauimus; & interrogauimus eum, quid sciret de hoc, & ipse non semel, nec bis, sed etiam sæpius in scriptis, & sine scriptis anathematizauit impia tria capitula.* Postea: *Ille verò nobis significauit, quòd de prædictis capitulis per semet ipsum faciens porriget nobis.* Testatur sequi se Sanctos Patres; & Latinis verò laudat Hilarium, Ambrosium, & Augustinum. At cum probè scirent Græci Patres Synodum nõ præsentem Pontifice Romano nihili haberi apud Occidentales, nobilissima ad eundem destinata legatione rogantur, vt Synodo interesset. Misi sunt tres Patriarchæ, omnes Primates autocephali; nempe Theodorus Cæsareæ Primas Cappadociæ, & totius Ponti, Andreas Ephesus totius Asiæ, Megethius Heracleæ in Thracia. Cum his erat etiam Benignus Heracleæ in Pelagonia Vicarius Elia Thessalonicensis, alijs; Antistites;

Et hi quidem non citatoria mandata, sed preces Vigilio detulerunt: *Pernu-*
nientes, inquit, ad sanctissimum Papam senioris Romæ, petimus eius Beatitudi-
nem, convenire, & disputare nobiscum de tribus capitulis. Ille verò reposuit: *Se*
propter corporis infirmitatem non posse ad hanc petitionem respondere, in postero autem dia-
pollicitus est manifestare, quidei de tali conventu placuerit. Atq; ita prima dies Sy-
nodi abiit.

Post biduū pridie Nonas Maias iidem Patriarchæ, Primates, atq; Episco-
pi Vigilium convenere enixè postulantes, ut ad Synodum accederet, quibus
ille respondit: *Neu posse & na convenire eò, quòd plurimi hic quidem sunt Orientales*
Episcopi, pauci vero cives, facere autem per semet ipsum in scriptis suam sententiam,
& offerre p̃i s̃mo Domino, ideo enim, & inducias postulasse ab eius Serenitate, ut in-
tra eas voluntatem suam manifestaret. At Iustinianus viginti dierum inducias,
quas Vigilii postulaverat, concedere recusavit, cæteris Episcopis longio-
ris apud regiam urbem moræ incommoda causantibus. Quare gloriosissimi
Iudices mandarunt Episcopis, ut etiam Vigilio absente Synodum haberent,
cuius collatio secunda peracta est VIII. Idus Maias. Patres Episcopos ad Vi-
gilij Patriarchalem iurisdictionem spectantes ad Synodum inuitarunt, qui
constanter adesse sine Vigilio pernegarunt. Sequenti die iterum simul Græci
Antistites coeuntes quatuor Synodorum fidem professi sunt, earumq; defini-
tiones, nec non doctrinam Sanctorum Patrum, quos cum Magistros Ecclesia
veneratur; repræhensa est etiam nimium in plerisq; radicata opinio sine Chal-
cedonenſis Synodi iniuria damnari non posse tria capitula. Triduo post, nem-
pe die 12. Maij collatione quarta Synodus causam ipsam discutere incœpit.
Lectæ sunt plures sententiæ ex libris Theodori excerptæ, itemq; symbolum
Iudaicum, quod Theodoro olim à Charisio Philadelphienſis in Lydia Eccle-
siæ Presbytero adscriptum fuerat, & Marinus Mercator fusiùs circa annum
431. impugnaverat tanquam ab eodem Theodoro compositum, cuius opu-
sculum legitur inter MSS. in Bibl. Palat. Num. 234. Dicitum in eas blasphemias
anathema à Patribus, additumque: *Anathema Theodoro Mopsuesteno: Iste*
Euangelia reprobavit: Iste dispensationem iniuriavit. Anathema illis, qui non anathe-
matizant illum. Tertio Idus Maias collatio V. habita est. Lecta sunt plurima
Sanctorum Patrum legum imperialium, & Ecclesiasticarum in Theodorum
Mopsuestenum scripta, præcipuè vero plures S. Cyrilli Episcopi literæ, in-
quibus Theodori doctrina validè confutatur. Recitata sunt acta Synodi Mop-
suestenæ ante triennium iussu Iustiniani celebratæ, in qua probatum fuerat,
Theodorum è sacris diptychis illius Ecclesiæ erasum fuisse, substituto in illius
locum S. Cyrillo Alexandrino. Exinde Synodus aggressa est secundum capi-
tulum, nempe Theodoretæ Cyrensis causam, qui in Ephesina Synodo Nesto-
rio adhaferat, & duodecim capitula S. Cyrilli aduersarijs scriptis confutave-
rat. Lecta sunt pleraq; excerpta Theodoretæ contra laudata capitula, itemq;
eiusdem epistolæ, quibus & Synodum sacrosancam Ephesinam, & Theodo-
sum ipsum culpat, periclitari dicit fidem, & omnem Ecclesiam, iniquè dam-
natum Nestorium.

Inter cætera autem lecta est epistola Theodoretæ ad Ioannem Antiochenum
de morte Cyrilli Alexandrini, quem per summam impudentiam varijs contra-
melij excipit. Fictam illam epistolam, ac Synodo à nebulone quodam affu-
tam

ram scribit Baronius ad annum 553. Num. 42. Lupus cap. 3. comment. in Synodum V. eandem epistolam vocat *probrosam*, & *infernalem*, *opus pessimi scurræ prostrubuli, nebulonis*. Hinc culpari posse præsentem Synodum idem asseruit. Neque enim, inquit, Theodoretus de morte S. Cyrilli scribere poterat ad Ioannem, qui quadriennio ante Cyrillum mortuus fuerat, ut in hoc ipso opere monstramus, & act. 14. Synodi Chalcedonensis recitantur literæ Cyrilli ad Domnum Ioannem successorem. Ego quidem doctissimorum Scriptorum iudicia venero, sed neminem ex 165. Episcopis sciuisse, Cyrillum Ioanni superuixisse, vix ausim affirmare. Puto errorem codici irrepsisse, ac loco Ioannis huius successorem Domnum reponendum. Nam post illam epistolam hæc recitantur in eadem Synodo: *Et iterum post mortem Beati Cyrilli idem Theodoretus in allocutione dicta Antiochiæ præsentem Domno insultans morti eius &c.* Patet ex actis Synodi sedente Damno mortuum fuisse Cyrillum, cuius morti, quæ recens contigerat, publicè Antiochiæ declamans Cyrensis insultauit. Ergo error codicis est, ac pro Ioanne Domnus reponendus. Scribuntur hæc in illa epistola de Cyrillo. *Maiores, & peiora pertentans defunctus est. Summiavit enim, sicut dicunt, & regiam urbem perturbare, & tuam Sanctitatem accusare, utpote ea colentem.* Et postea. *Quidam verò & tuam reverentiam proficisci dicunt ad Comitatum &c.* Certè Cyrillus circa annum 444. quo mortuus est, fuit Constantinopoli, nam ex regia vrbe vnà cum Proclo literas dedit ad Domnum Antiochenum pro Athanasio Parenorum Episcopo, quæ habentur actione 14. Synodi Chalcedonensis, quas Domnum accepisse anno 444. quo mortuus est Cyrillus, aperte monstrauimus superius ad annum 550. cap. 5. vbi de eraso è diptychis Theodoro disserabamus. Quare vel inde etiam arbitror illam epistolam fuisse à Theodoro ad Domnum missam. Quantum verò Capitula Cyrilli etiam post initam pacem Theodoretus auerfaretur, patet ex eiusdem epistola 112. ad Domnum, cum hic ad Synodum Ephesinam II. profecturus esset: *Infelix, inquit, anima mea suspirat, lugetque nihil expectans boni; Neque enim insitum in duodecim capitibus venenum norunt, qui aliarum sunt diæceson, sed eius, qui illa scripsit, claritatem attendentes, nihil sinistrum suspicantur.* Certè in epistola, quam ad eundem Domnum inscribendam diximus, Cyrillum non nominat, licet eundem pessimè calumniatur, illius enim nouerat *claritatem*. Cum ergo etiam anno 449. amaro esset animo in mortuum ante quinquennium Cyrillum, cur & anno eodem 444. quo Sanctus ille Alexandriæ Præsul obiit, mitiori erga eundem mente fuisse Theodoretus nobis dicendus est? Ego quidem retenti diutius contra Cyrillum liuoris Theodoretum malo accusare, id eiusdem memoratis modò literis præsertim contestantibus, quàm doctissimos Synodi V. Patres insecitæ, atque hallucinationis arguere. Et in hac quidem nostra sententia fuit etiam doctissimus Marca in dissertatione laudata tom. 12. Concil. edit. regiz pag. 432.

Die 19. Maij collatione quarta tertium capitulum discussum est, nempe Ibx epistola ad Marin Persam, in qua accusat Cyrillum Apollinarismi, obijcit corruptos per ipsum muneribus Ephesinos Patres, citra examen Nestorium præcipiti sententia damnatum pronunciat, & eximè ibidem commendatur Theodorus Mopsuestiæ. Dicitur est eundem Iban ex libris Theodori hæreticas sententias in linguam Syriacam traductas ad plures Ecclesias destinasse, quas

S. Proclus Constantinopolitanus Antistes damnauerat. Sæpè Ibam ob illa accusatum, & in Berytensi Synodo ægrè purgatum. Relecta sunt pleraque acta Ephesinæ Synodi, Symbolum Nicænum, ac Constantinopolitanum, gesta Synodica Chalcedone, Capitula S. Cyrilli, aliaue, ex quibus Ibæ epistola errorum arguebatur. Quibus auditis acclamatum est à Patribus: *Ibæ epistola hæretica est: epistolam, quæ dicitur Ibæ, omnes condemnamus: istam omnes anathematizamus &c.* Die 26. Maij collatio VII. peracta est. Ad tria capitula damnanda, ex sessionibus præcedentibus omnia parata erant, Romani Pontificis auctoritas obesse videbatur. Etenim Vigilius non modò suam Synodo præsentiam denegarat, sed scripto Constituto ad Iustinianum tempore ipsius Synodi eiusdem gesta omnia exauctorauerat. Porro in eo Constituto Vigilius paucis exponit antea abs se ea in causa gesta, conqueritur contra pactas condiciones non expectatis Occidentalibus, vel non pari Græcorum, ac Latinorum Patrum numero Synodum constatam. Aggreditur deinde disputationem de tribus capitulis. Recitat diffusius plurimas sententias, nempe LX. quæ Theodori esse dicebantur, easque erroribus ferè omnes scaterere docet. Negat tamen Theodorum, etiamsi illa pessima dogmata asseruisse conuinceretur, damnari posse, quòd in pace Ecclesiæ obijt. Nihil in causa Theodoretæ, vel Ibæ inno-uandum, qui in magna Chalcedonensi Synodo absoluti, ac dignitate pristina decorati novum examen subire iterum non debebant; imò nullam de Theodoretæ eiusdem libris, vel Ibæ epistola censuram efformandam, de quibus Patres Chalcedonenses iudicare recusauerant. His autem verbis Constitutum Vigilius concludit: *Statuimus, & decernimus nulli ad ordines, & dignitates Ecclesiasticas pertinenti licere quicquam contrarium his, quæ presentè asseruimus, vel statuimus Constituto, de sæpè dictis tribus capitulis aut conscribere, vel proferre, aut componere, vel docere, aut aliquam post præsentem definitionem mouere ulterius questionem. Si qui uerò de iisdem tribus capitulis contra hæc, quæ hic asseruimus, vel statuimus, nomine cuiusque ad ordines, & dignitates Ecclesiasticas pertinentis factum, dictum, atque conscriptum est, vel fuerit, & à quolibet ubicunque repertum, hoc modis omnibus, & auctoritate Sedis Apostolicæ, cui per gratiam Dei præsidemus, refutamus. Datum est Constitutum die 14. Maij, cum pridie celebrata fuisset sessio quinta. Sexdecim Episcopi Vigilium illud Constitutum subscripserunt, & quidem illi ferè omnes qui literas eiusdem contra Theodorum subsignarunt, tres Diece-sis Illyricianæ, ex Græcis uerò Pastor Metropoli-ta Iconij in Lycaonia, & Vincentius Metropoli-ta Claudiopolitanus prouinciæ Ponticæ Honoriadis.*

Verum uerò hoc Constitutum, quod Vigilius ad Iustinianum misit, acceptum ab isto fuerit ante finem Synodi, vel acceptum quidem, sed occultatum Patribus, ne tribus capitulis damnandis impedimento esset, res satis dubia est. Illud certum est, collatione septima Vigilij contra tria capitula publicatam in iudicato sententiam expositam fuisse, recitatum anathema latum contra Romanos Diaconos Rusticum, & Sebastianum iudicati impugnatores, lectas epistolas Vigilij ad Valentinianum, & Aurelianum Episcopos, ex quibus omnibus patebat, Vigilium non semel tria capitula condemnasse. Cæterum licet in iudicato Vigilij tria capitula condemnarat, illo tamen recepto dubia causa remanserat usq; ad futuram Synodum, quæ contra pacta coacta haud adprobata censeri poterat. Profectò Vigilius postrema sententia,

quic;

quicquid abs se antea ea in causa actitatum fuerat, abrogauerat, Octava denique collatio celebrata est IV. Nonas Iulias, & definitiua sententia à Synodo tria capitula damnata sunt, promulgato decreto, quod Christianus Lupus non immeritò vocat elegans, eruditumque. In hoc sanè decreto S. Augustini sententiam sequi se Patres contestati sunt: *Augustini*, inquit, *religiosa memoria*, qui inter Africanos Episcopos resplenduit, diuersa epistole recitatae sunt, significantes, quòd oportet hereticos, & post mortem anathematizari. Ea testimonia adduxerat in Synodo Sextilianus Tunienſis in Africa Episcopus, ac Primosi, seu Primasij noui Carthaginenſis Antistitis Legatus, quæ lecta grandi præconio excepit Benignus Heracleæ Pelagoniæ in Macedonia Episcopus, ac Vicarius Eliæ Metropolitæ Thesalonicensis, addens hanc esse perpetuam Ecclesiæ traditionem.

Damnatis tribus capitulis rursus Origenis causa resumpta est, nam licet de Origene ante tria capitula statutum fuerat, sectatores tamen Origenis negotium facessiebant. Euagrius, ac Didymus in defendendo Adamantio plurima absurda commentis erant, nec meliora docuerat Theodorus Cappadox. Aderant Byzantij plures Archimandritæ contra Origenistas libellos à Synodo deferentes. Hos inter eminebant Conon Præfectus Lauræ S. Sabæ, ac Rufus Abbas monasterij S. Theodosij; erat uterque ex Palæstina, & hi quidem Origenistas Didymum, & Euagrium, nec non Theodorum Cæsareæ accusabant. Halloix vocat hosce viros rudes *Monachos*. De Conone hæc scribit Cyrillus Scythopolitanus cap. 18. de vita Sabæ: *Cononi post ipsum mandant Monachi præsecutum: Mandant verò Deo, ut arbitror, Monachorum animos ad hoc mouente, fuit enim vir ille summè resplendens, & rectis dogmatibus, & omni virtute, & rectè factis*. Euagrius lib. 4. cap. 37. narrat, Monachos Origenistas expulsos ab Eustochio Patriarcha Hierosolymitano Byzantium profectos Theodori patrocinium implorasse, addit etiam, à Monachis rectoris dogmatis professoribus Cononem, ac Rufum contra Neo-Lauritas missos, ex quorum dissidijs exortæ lites Synodo V. occasionem dederunt. At non assentior; nam Cyrillus, qui eiectis ab Eustochio è noua Laura Origenistas in eandem Lauram ingressus est, scribit post octo menses à celebrata Synodo V. Origenistas è noua Laura expulsos ab Eustochio per Anastasium Ducem; verba superius dedimus ex actione 1. Synodi VII. lege Cyrillum cap. 28. de vita Eutymij apud Bollandum. Iustinianus per nuncios Synodum interrogauit, quid de Origenis sectatoribus statuendum duceret. Euagrius, qui gesta Synodalia perlegit, hæc habet loco proximè indicato: *Qua de re ista ad verbum inter cetera sunt relata*. Animum supernæ nobilitatis participem sortite Imperator Christianissime &c. & alquanto post: Fugimus igitur, fugimus illam, quam ignoramus externam vocem, & tanquam furem, atque prædonem eiusmodi hominem anathematis laqueis arctè districtum, ac suffocatum extra Sacra Ecclesiæ mœnia abiecimus, & post pauca: Actorum verò nostrorum ex eorum lectione vim cognoscetis. Hisce coniunxerunt capitula, quacunque Origenis sectatores professi sunt, &c. Ex quibus patet hallucinari eos, quos inter est Halloix, pag. 383. qui putarunt, Euagrium asseruisse post cognitionem trium capitulorum Origenem fuisse in Synodo V. damnatum. Nam Patres ibi proponunt Imperatori lectionem actorum, contestati se iam Origenem abiecisse extra Ecclesiam, vbique ut de re

de re iam prateritâ prælocuti. Cum verò noua quæstio orta fuisset de Euagrio, ac Didymo, scribit Epiphaniensis adiunxisse de nouo Patres capitula erronea sectatorum Origenis, quorum quintum erat Theodori Cappadocis: *Retulerunt, inquit, & multas alias Didymi, Euagrii, & Theodori blasphemias, quas admodum diligenter deprehensas collegerant.* Cyrillus Scythopolitanus, qui absq; dubio gesta Synodi V. ad Eustochium ab Imperatore transmissa legit, apud actionem primam Syuodi VII. ordinem gestorum in hoc Quinto Concilio cæteris exactius ita describit: *Itaq; cum Sancta vniuersalis Quinta Synodus Constantinopoli esset congregata communi, & generali anathemate reiecti sunt Origenes, Theodorus Episcopus Mopsuestenus, & quæcunq; ab Euagrio, & Didymo dicta sunt de præexistentia &c.* Quare primùm Origenes, dein Theodorus, postremò Origenistæ in Synodo damnati sunt, quæ planè nostra sententia est.

Antequam tamen ad alia transeamus, castiganda est Halloix, vt mitius loquar, hallucinatio, atq; temeritas, qui inscitiz duas sacrosanctas Oecumenicas Synodos accusare ausus est, contendens Euagrium, & Didymum non fuisse à Synodo V. damnatos, vti asseruere Synodi Sexta, ac Septima. Verba illius in indice verbo *Didymus* sunt: *Falsum est, eum fuisse cond. mnatum in Synodo V. generali, quod PERPERAM supposuerunt Synodi Sexta, & Septima.* Et quæst. 10. pag. 390. in margine: *Sextum Concilium generale FALSO' dicit Euagrius, & Didymum à Quinto generali cond. mnatos.* Nempe quia in oçto collationibus Synodi V. nec semel illi nominantur. Insulsè: In illis oçto collationibus agitur tantùm de tribus capitulis, post quæ de Euagrio, ac Didymo quæstio mota est. Euagrius producit gesta Synodalia, eaq; se legisse testatur, in quibus post trium capitulorum cognitionem Euagrius, ac Didymum damnatos fuisse pronunciat. Cyrillus, qui tunc vivebat, proximè adductus asseruit, idem Dabo alterum oculatum testem Victorem Tunonensem, qui circa finem sui chronici ait: *Trigesimo nono imperij sui anno Iustinianus Eutychium Constantinopolitanum Episcopum damnatorem trium capitulorum, & Euagrii Eremitæ Diaconi, & Didymi Monachi, & Confessoris Alexandrini, quorum laudes supra illustrium viro- rum ex auctoritate protulimus, exilio dirigit.* Est planè aureum testimonium. Præmiserat Victor se sub custodia Constantinopolim adductum ex Ægypto, vbi exulabat, ac disputasse cum Eutychio Patriarcha Constantinopolitano, qui in Synodo primus omnium anathema contra Euagrius, ac Didymum publicarat, vnde eundem damnatorem trium capitulorum, & Euagrii, ac Didymi appellat. Ex his palam fit, Africanos Patres non fuisse vnquam sollicitos de Origene, quem iam olim in Ecclesia pessimè audiuisse sciebant, sed de personis Euagrii, & Didymi, quos sicuti nec Theodorum damnari posse post mortem obstinatissimè inficiabantur, nam sententias Origenistarum Africani semper exhorruerant, personas ergo damnari ægrè serebant. Ita semel Theodoro licèt mortuo in pace Ecclesiæ postea tamen damnato, haud difficile fuit alias etiam personas eadem omnino pœna mulctare. Heraclius Imperator, qui anno 57. à peracta Synodo V. imperium adeptus est, in sua Ecthesi recitata coram S. Martino Papa in Synodo Lateranensi consultatione 3. post commendatas quinque Synodos ait: *Et hæc in omnibus sequentes, & diuina eorum suscipientes dogmata, omnes quos exceperunt, excipimus, & quos eiecerunt, eijcimus, & anathematizamus, præcipuè Nouatum, Arium, Eunomium, Macedonium, Apolli-*

nam,

*naem; ORIGENEM, EVAGRIVM, DIDYMV, THEODORVM MOP-
SVES'TENV, Nestorium, Eutychen, Dioscorum, Seuerum, & impia conscripta
Theodoriti, qua contra rectam fidem, & Ephesinam primam Synodum, & duodecim
capitula S. Cyrilli, & quanta pro Theodoro, & Nestorio conscripserunt, & nuncupa-
tam Ibe epistolam, & hortamur omnes Christianos sic sapere, et sic glorificare, nihil ad-
dentes his, nihil subtrahentes etc. Erat Professio fidei, seu edictum fidei, quod
Romanæ Ecclesiæ probatum fuerat, & Theophilactus Primicerius Notario-
rum testatus est, eandem Eccliesim seruari in Apostolico scrinio. Heraclius verò
longè ante Sextam Synodum ad imperium euasit. Synodus Lateranensis in
decreto fidei hæc habet: Si quis secundum Sanctos Patres consonanter nobis, pari-
terq; fide non respuit, et anathematizat anima, et ore omnes, quos respuit, et anathema-
tizat nefan dissimos hæreticos cum omnibus impijs eorum conscriptis vsq; ad vñum api-
cem Sancta Dei Ecclesia Catholica, et Apostolica, hoc est Sancta, et vniuersales Quinquè
Synodi, et consonanter omnes probabiles Ecclesiæ Patres, idest Sabellium, Arium, Euno-
nium &c. ORIGENEM, DIDYMV, EVAGRIV, et compendiosè omnes reli-
quos hæreticos, qui à Catholica Ecclesia reprobati, atq; abiecti sunt etc. huiusmodi cen-
demnatus sit. Euagrius igitur, ac collega Didymus damnati sunt à Catholica
Ecclesia S. Martino cum Synodo vniuersa contestante, immò & condem-
nante eos, qui Euagriuni, ac Didymum non anathematizant. Sanctus So-
phronius, cuius annua dies colitur V. Idus Martij, in epistola Synodica hæc
recitat de Synodo V. Perimit autem, et in interitum proijcis principaliter quidem Ori-
genem insanum, et omnes eius pomposas somnolentias, et plena multa impietatis com-
menta. EVAGRII quoq; cum eo, et DIDYMI dogmata, et omnia eorum pagana, et
atq; prodigiosa, nec non et fabulosa deliramenta. Postea verò addit: Et rursus nihil de-
fuit ad vestram satisfactionem ipsas quoq; personas exprimo, quas anathematizo, et con-
demnatas efficio non lingua tantum, et ore, sed corde, et spiritu, et opere qua Sancta Ca-
tholica nostra fidei in omnibus insidiantes offensa sunt. Anathema itaq; in perpetuum,
et catathema à Sancta, et consubstantiali adoranda Trinitate Patris, et Filij, et Spiritu
S. primum quidem Simon Magnus etc. recitatur catalogus Hæreticorum, quos
inter nominantur à S. Sophronio Origenes, qui et Adamantius, Didymus, et Eu-
agrius Origeniane vanitatis primi secretarij fædissimi. Hæc Synodica epistola re-
cepta est à Synodo VI. Oecumenica act. 11. Iam vides ante Sextam Synodum
apud Ecclesiam Catholicam inter hæreticos reconfitos Euagrium, ac Didy-
mum, Sophronius enim ex sensu Ecclesiæ locutus est; floruitq; & ipse sub He-
raclio Imperatore, qui anno ante Sextam Synodum septuagesimo Imperator
ab exercitu salutatus fuit.*

Rectè ergo Sexta Synodus, ac dein Septima pronuntiabant, Euagrium, ac
Didymum à Quinta Synodo anathematè percussos fuisse; neq; citra indigna-
tionem audiri possunt, quæ pag. 390. scribit Halloix: *Sextam, ac Septimam
Synodum incidisse in acta corrupta Synodi V. quibus intrusam fuerat nomen Origē-
nis vñà cum Euagrion, ac Didymo. Etenim cum acta Synodi V. falsata fuiss-
sent à Monothelitis, in Synodo VI. tota actione 14. falsariorum doli discussi
sunt. Vndenam verò conuinci illi poterant, nisi inuentis, ac productis à Sy-
nodo VI. actis germanis, ac legitimis, nullaq; ex parte corruptis eiusdem Con-
cilij quinti? Atque hoc pacto res euenit. Georgius Diaconus Constantinopoli-
titanus, & Cataphylax cum videret duos codices, aliumque insuper con-*

rinentes gesta V. Synodi falsitatis accusari: *Subtilius*, inquit, in bibliotheca *reuerabilis Patriarchij scrutatus*, inueni & alium chartaceum librum eiusdem sancti Concilij, quem & defero. At hoc volumen authenticum, ac legitimum ex collatione cum alijs antiquioribus probatum fuit, simulq; codicum hereticorum fraus detecta, eo quod, inquit Synodus actione laudata, neque in nunc prolatiis antiquis, & immutatis libris eiusdem Sancti quinq; Concilij, neque in chartaceo libro, qui recens inuentus est apud bibliothecam reuerabilis Patriarchij, quæ ab Hæreticis citabantur, inuenta sunt.

Hinc facta diligenti inquisitione etiam falsatores illorum codicum deprehensi, ac nominati sunt coram Patribus, quæ actione illa 14. sic narrantur: *Chartaceum quidem volumen, quod falsatum est, decernimus cassari in locis, in quibus adiectiones factæ sunt. Verum libros etiam eos obelis obduci in locis, in quibus deprauati sunt, & cassari eos. Illas autem, qui falsauerunt, anathemati submitti.* Et tamen Halloix audet coram Orbe Christiano clamare Patres Concilij VI. secus acta Synodi V. corrupta, cum Synodus VI. falsatos codices cognouerit, fidei testimonia, ac sententias expunxerit, atque deprauata loca obelis obduxerit, quod est, eosdem Patres abhorruisse acta Synodi V. corrupta, eaque prudentissimè correxisse, ne in posterum quempiam in errorem inducerent. Sed non hic fiunt Halloix falsitates, scribit enim eadem pag. 390. lib. 4. q. 10. Patres Synodi VI. omnia sub Iustiniano gesta comprehendisse nomine V. Concilij, nempe Synodum contra Anthimum; & Acephalos sub Menna, rursus editum Iustiniani contra Originem, denique gesta sub Eutychio contra tria capitula; & cum Sexta Synodus ex corruptis actis V. Concilij produxisset sermonem Mennæ, admonitam à Legatis Pontificijs non spectare ad V. Synodum, quæ sub Eutychio inchoata est anno XXVI. Iustiniani. Omnia perperam. Gesta Synodalia præscriptum habebant tempus, quo peracta crant. Ita etiam nunc acta Synodi contra Acephalos incipiunt: *Post consulatum Belisarij viri clarissimi indictione XXX.* qui est annus 536. ibi nominantur etiam Episcopi, qui Synodo illi adfuere. At gesta V. Synodi longè plures Episcopos exhibent, annus etiam 553. indicatur; qui igitur fieri potuit, ut gesta sub Menna cum actis V. Synodi Patres VI. & VII. Concilij supina nimium hallucinatione confuderint? Præterea cum Constantinus Imperator iussisset rei totius veritatem à sanctis *uniuersalibus Synodis* petendam, ex Bibliotheca Patriarchali Georgius Chartophylax codices sanctorum vniuersalium Synodorum statim produxit act. 1. qui cum actione tertia recitasset quintæ Synodi acta corrupta, & falsata, à Legatis Apostolicæ Sedis erroris illi codices accusati sunt. Quare in ea Synodo Sexta recitata est tantum Synodus V. Oecumenica ex præcepto Principis, neque quicquam aliud sub Iustiniano gestum relectum fuit. Hinc falsò etiam addit: *Cum Sexta Synodus ex illis actis V. Synodi corruptis produxisset sermonem Mennæ &c.* Nam illum codicem ex Bibliotheca Patriarchali produxit Georgius Chartophylax, qui vnus: utrum Sexta Synodus dici possit? aduersarium ipsum appello. Certè Imperator, Gloriosissimi Iudices, ac plerique Episcopi codicem inspicientes falsitatem appositam cognouere, ac de libro iudicium habitum postea fuit act. 14. Colligitur tamen Quintam Synodum in libros digestam fuisse, nam ibidem liber primus, itemque secundus nominantur, & septima actio in secundo contenta fuisse ibidem dicitur; acta verò, quæ modò habemus,

hemus, in octo tantum collationes digesta sunt, vnde integrum ad nos Concilium illud non peruenit. Sextum tamen Concilium legitima illius gesta adulterinis expolis adprobauit, cuius etiam testimonio, immò & voluminibus integre fidei Septima Synodus inhæsit, vnde ab vtraque ex Synodi V. gestis cum Origene proscripti fuere Euagrius, ac Didymus, vt inani prorsus commiseratione fulguritos homines Halloix erigere pertentarit dicens verbo, *Origenes in indice: Origenes, Euagrius, & Didymus iniquissime anathematizantur in Septima Synodo generali nitente mendacio, quod anathematizati fuerint in Quinta generali, cum ibi nihil de illis tractatum sit.* Etenim ex Synodi tabulis, ex testium ocularum assertione, ex totius Ecclesiæ communi sensu oppositum ostendimus, vt si aduersarius isthæc legere posset, priorem opinionem veluti stultissimam certè deponeret, stultum enim est Synodos, Pontifices Romanos, Imperatores, Ecclesiam vniuersam erroris arguere, ac de Synodi V. actis id temporis viuientes, & proximè superstites Scriptores communi consensu miserrimè falsa commentos fuisse, vera autem docere nuperum Origenis aduocatum post vndecim sæcula noua scripturientem, & quidem omnium veterum monumentorum cognitione destitutum, vel eadem dissimulantem, quod supra deiectas Synodos suus Origenes attollatur.

CAPVT VIII.

Vigilius Synodum V. approbat. Eiusdem exilium improbat. De anno obitus

Vigilij Tunonensis, Simondis, aliorumque opiniones reiectæ.

Halloix ubique falsitatis conuictus.

AD arcem veluti causæ ventum est, num Vigilius, qui edito Constituto Synodi V. acta infirmauit, eadem postea re diligentius considerata approbarit. Etenim vbi semel euicerimus, Vigilium ad Synodi sententiam accessisse, statim Halloix temeritas apparebit, qui Concilium Oecumenicum à Romano Pontifice confirmatum pessimè tractarit dicens §. 12. pag. 355. *Illam Synodum magis ab Ecclesia toleratam esse, ac permissam, quàm grato, & volenti animo admissam, ac receptam.* Et §. 12. *Quomodò enim Iustiniani Conciliabulum instigante Diabolo concitatum, & consecutum potest vlla veneratione esse dignum?* §. 7. pag. 346. *nullum extare, ait, scriptum, quo ostendatur Vigilium aut præsens verbo, aut absens scripto consensum postea dedisse Concilio.* Vigilium nec statim approbasse Concilium, & ob id in exilium pulsum omnes Scriptores Latini Anastasium secuti memoriæ prodiderunt, addentes eundem Romanæ sedis repetendæ desiderio ad subscriptionem tandem inflexum. At modò certum est, Vigilium eodem anno Synodum confirmasse, imò existimo neque eundem in exilium deportatum. Euagrius illius sæculi scriptor, qui acta Synodi legi, lib. 4. cap. 37. scribit: *Vigilius per literas consensit Concilio, non tamen interesse voluit.* Hæ literæ tandem inuentæ sunt, quas vir eruditissimus Petrus de Marca nobili dissertatione de Synodo V. præmissa publicauit. Ita illæ inscribuntur: *Epistola Vigilij Archiepiscopi Rome ad Eutychium Archiepiscopum Constantinopolitanos, & ad omnem præiacentem Sanctam Synodum.* Legitur hæc epistola Vigilij tom. 12. edit. regie Conciliorum. In hac sanè epistola Vigilius sui Constituti sententiam retra-

at, & cum S. Augustini exemplum secutum se dicat, illius voces hic nobis reddendæ sunt: Si in omni, inquit, negotio sapientia ratio postulat, ut id, de quo queritur, retractetur, neq; pudori esse debet, cum ea, quæ ab initio omnia studio deinde veritatis inveniuntur, in publicum eduntur, quanto magis Ecclesiasticis disceptationibus conuenit eandem rationem in illis quoq; observari; præcipue cum manifestum sit, Patres nostros, et maxime beatissimum Augustinum, qui in diuinis Scripturis clauit, Romanæ eloquentiæ Magistrum propria scripta retractasse, dictaq; sua correxisse, atq; illa, quæ omiserat, ac deinde inueniat, addidisse. Nos quoq; similiter illis exemplis inuitati in controuersia trium capitulorum supra in moratorum nunquam destitimus, quin inuestigaremus, quid de predictis tribus capitulis in Patrum nostrorum literis verius inueniri posset. Dein recitatis pluribus erroribus librorum Theodori, necnon scriptorum Theodoretæ contra S. Cyrilli, itemq; epistolæ Iba Edesseni, ita definit: Predicta itaq; tria impia capitula anathematizamus, et condemnamus, scilicet impium Theodorum Mopsuestia unâ cum impijs eius scriptis, et quacumq; impie Theodoretus scripsit, atq; etiam epistolam, quæ dicitur ab Iba scripta fuisse, quæ superius dictæ profana blasphemia comprehenduntur. Postea verò antiquat Constitutum, & alia, quæ pro tribus capitulis antea scripserat: Quæ verò, inquit, aut à me, aut ab alijs ad defensionem trium predictorum capitulorum facta sunt præsentis huius scripti nostri definitione euacuamus. Subscribitur verò epistola: Data ante VI. Idus Decembris imperij Domini Nostri Iustiniani Aeterni Augusti anno XXVII. Post consulatum Basilij V. C. Anno XII. Itaq; Vigilius ante finem anni Synodum confirmauit. Lupus Louaniensis Academiæ Doctör, quem bibliothecam deambulantem appellare soleo, in notis ad V. Synodum cap. 6. putat mendum subscriptioni irrepsisse, reponendumq; annum post Basilij consulatum XVII. Id probat ex Victore Tunonenſi, qui ait eo anno Vigilio tandem ab Imperatore Romam redeundi facultatem concessam, eumq; in itinere mortuum. In eadem opinione fuit Sirmondus in sinopsi chronologica ad libros Facundi, & Halloix pag. 349. §. 7. idest, inquit, anno Christi 558. Quare his authoribus Vigilius exilium pleno quinquennio durauit.

Hæc tamen opinio prorsus falsa est. Habemus sanctionem Iustiniani Imperatoris post eiusdem Nouellas recitatam, quæ ita incipit: Pro petitione Vigilijs venerabilis antiquioris Romæ Episcopi quadam disponenda censuimus ad utilitatem omnium pertinentia, qui per Occidentales partes habitare noscuntur &c. subscripta est sanctio: Idibus Augusti anno Iustiniani XXVIII. Post consul. Basilij V. C. anno XIII. Ergo anno 554. mense Augusto Iustinianus amico erat erga Vigilium animo, in cuius gratiam plurima Romanis post Gothos Italia exactos libentissimè concessit. Profectò in ea sanctione cap. 19. ait: Iubemus in illis mensuris, vel ponderibus species, vel pecunias dari, vel suscipi, quæ beatissimo Papa, vel amplissimo Senatu nostra pietas in presenti tradidit. Itaq; tum temporis Vigilius præfens aderat Constantinopoli propediem venturus in Italiam deferens secum mensuras, ad quarum normam Itali Gothorum eductiq; ponderibus vsi se conformarent. Quis enim dixerit mensuras illas fuisse tunc à Iustiniano missas ad Vigilium procul exulantem in Proconeso, eumq; in exilij miserijs beatissimum nuncupatum? Præterea habemus non vnâ, sed plures epistolas Pelagij Vigilijs successoris ad Childebertum Regem Francorum, ad Sepaudum Arelatensem, ad Episcopos Tusciæ, quæ datæ sunt Post consulatum Basilij XV. anno 556.

Longum igitur illud Vigilij exilium fictum est, nam ante annum 556. fatis concefferat. Tunonenfis Chronicon, quòd ad annorum designationem pertinet, plenum mendis est, non Victoris, vt arbitror, sed corruptoris cuiuspiam ignorantia.

Sed nec paucos illos menses, qui ab absoluta Synodo de tribus capitulis ad laudatam Vigilij subscriptionem sex intercessere, Vigilium exulasse tum ex Græcis, tum ex Latinis, qui id temporis superstites erant, Scriptoribus euidenter euincam, vt monstro simile videatur, quod Anastasio exilium illud asfirmanti tantam ceteri fidem habuerint. Eustathius Presbyter Constantinopolitanus, qui tunc Eutychie Patriarchæ familiaritate gaudebat, cap. 23. de vita Eutychie, cum præmisisset quatuor Patriarchas Vigilium Romanum, Eutychie C. P. Dominum Antiochenum, & Apollinarem Alexandrinum tempore Synodi in regia Vrbe fuisse addit: *Cum igitur ex quatuor Pastorum concordia, rectoque sensu factum esset veluti vnus ouile, atque vnus Pastor, & omnis disciplina moderatio per Sacerdotes, et Sacerdotum Presules conquiesceret, discesserunt ad suas singuli ciuitates, et populos magno cum gaudio.* Quæ verò fuisset hominis Constantinopoli scribentis temeritas tale, tantumque de Vigilio mendacium fingere, cuius à tribus Patriarchis dissensio ex secuto illius exilio vel vilissimis regiæ vrbs fœminis nota fuisset? Cyrillus Scythopolitanus in libro de vita S. Sabæ apud Septimam Synodum a. c. 1. scribit: *Itaque cum Sancta vniuersalis Quinta Synodus Constantinopoli esset congregata, communi, & generali anathemate reueli sunt Origenes, Theodorus Episcopus Mopsuestias, & quæcunque ab Euagrio, & Didymo dicta sunt de præexistencia Christi prout prædicatur.* Probarunt autem id quatuor Patriarchæ presentes. Non ergo Vigilium in exilium ob non subscriptam Synodum detrusus fuit. Ille verò Scriptor ait, gesta Synodi missa esse ab Imperatore Hierosolymam, vt exilij Vigiliani nulla eidem ignorantia obijci possit.

Porrò hoc ipsum ex Latinis Scriptoribus suadet. Liberatus Diaconus Carthaginensis sub Reparato Romana legatione functus, ac vir insignis cap. 22. in fine hæc scribit: *Ab ipsa heresi afflictus Vigilus, nec coronatus, qualem vite terminum habuerit, notum est omnibus.* Ita Homo Africanus, ac trium capitulorum defensor hæresim vocat Iustiniani factionem, quæ Vigilium memoratis nobis iniurijs affecit; dum verò negat Vigilium coronatum, persecuerantiam eidem defuisse notat, quem profectò, si in Constituti sententia usque ad exilium perstitisset, non vno encomio celebrasset. Sed hoc ipsum ex Victore Tunonensi ostenditur, cui (quòd rerum gestarum veritatem spectat) totam fidem præsto, qui cum anno post consulatum Basilij XIII. coactam Synodum V. dixisset, atque adfuisse tunc Constantinopoli primarum Sedium Antistites, Vigilium, Eutychie, Apollinarem, ac Dominum, statim subdit: *Ibi tria sæpe facta capitula cum defendentibus ea damnationi subiiciunt, sibi; ipsis penitentia regressum penalter intercludunt tali se perpetuo anathemate obstringentes &c.* Quorum decretis Rusticus Romana Ecclesiæ Diaconus, & Felix Guillensis monasterij provincie Africane Hegumenus contradicentes scripto Tebaida in exilium cum socijs transmittuntur. Hæc alter obstinatissimus Capitulorum ex Africa defensor. Ex quibus mihi solide probatur, Vigilium Synodum subscripsisse, neque deportatum in Proconnesum; cur enim Victor vnus Diaconi, & alterius Monachi exilium nominasset, & non potius ipsum Summum Pontificem Vigilium in exilium

missum scripserat, quod ad propriæ causæ decorem, & Iustiniani crudelitatem altius exaggerandam plurimum conducebat? Sed est aliud firmissimum argumentum. Episcopi, qui tria capitula non damnabant, ab Episcopatu remouebantur in eorum locum ijs subrogatis, qui tria capitula anathemati subijciebant. Hoc sanè seuerè executus est Iustinianus; ita Zoilo Alexandrino eiecto suffecit Apollinarem, expulso in exilium Reparato Carthaginensi elegit Primosum totius Africæ Primatem; alios lege apud Chronicon Tunonensis Episcopi. Hinc Liberatus in fine sui Breuiarij ait: *Consentientes Episcopi in trium damnationem capitulorum muneribus ditabantur, vel non consentientes depositi, in exilium missi sunt.* Hanc sanè pœnam contra trium capitulorum defensores Synodus V. statuerat collat. VIII. *Si quidem est Episcopus &c. denudabitur ab Episcopatu.* Neq; Vigilium diutius Synodo refragantem deponere Iustiniano in religionem venisset, qui Zoilum Alexandrinum, Macarium Hierosolymitanum, Eutychium Constantinopolitanum alijs substitutis sedibus eiecit. Certè eo regnante Siluerius expulsum fuit Apostolicam Sedem Vigilio usurpante.

Lego in Actuaria Marcellini Comitis: *Indictione II. P. C. Basil. V. C. XIII. Vigilius Papa tandem ab Imperatoribus Romanis, & à Narfe de exilio relaxatus, cum Romam redire cœpisset, in Sicilia morbo calculi tactus decessit.* Verùm imperita manu id infartum est. Qui enim tunc Romani Imperatores? vnus certè sine Augusta Iustinianus rerum potiebatur. Exilium fortè nuncupauit longiores à Romana Sede moras Constantinopoli peractas. Sed neque Vigilius ob preces Narsetis, sed ob consensum per literas Synodo datum Romam redeundi potestatem impetrauit: & licèt exeunte anno 553. Synodum subscripserit, vsq; ad Augustum anni 554. Byzantijs moratum fuisse deduximus ex laudata sanctione Iustiniani ad Narsetem, & Antiochum. Neq; reponi potest, Iustinianum in exilium quidem Vigilium misisse, non ausum tamen neq; ipsum, neq; Synodum successorem eligere, vti in Patriarcha Alexandrino fecerant, Sedis Romanæ primam dignitatē reueritos. Nam Vigilio pro tribus capitulis acerrimè Constantinopoli litigante, *missi sunt*, inquit Clerus Mediolanensis in libello supplici, *etiam aliqui in provincias Italia, vt si possent mentiendo aliqua de nomine ipsorum Pape, & Datij in illis partibus eos in odium trahant, & alios in locum eorum suadeant ordinari, qui nouitatibus studeant; Et Notarium quemdam sollicitum, qui manum Vigilij imitatus chartas sparsit, quas Stephanus in Italiam detulit cum Legatis Gothorum, vt tumultum contra Papam concitarent.* Huius Stephani à Totila ad Iustinianum missi meminit Procopius lib. 3. belli Gothici pag. 398. edit. Grotij. Petrus de Marca in dissertatione de Synodo V. laudat verba ex M. S. Arabico historię Ecclesiasticę Ibn Patric, qui sapius adducitur à Georgio Elmacin in historia Saracenica, ea autem sunt: *Romanus Patriarcha presens Synodum nec adiuit, nec legatum misit, sed consensum prębuit, dictaq; Patrum suscepit.* Idem de Vigilio testatur Photius in libro de septem Synodis. Quæ quidem adduxi, non vt confirmatam à Vigilio Synodum ostenderem, id enim ipse sinit literæ nuper ipuentæ satis, superq; declarant, sed vt pateat, nullam apud antiquos Scriptores Vigiliani exilij mentionem haberi. Anastasius non solum Vigilium in exilium deportatum tradit, verùm etiam Clerum Romanum Vigilio assistentem hæc scribens: *Clerus autem Romanus, qui cum eo erat, missus est in exilium ad diuersa metalla incidenda.* Quibus non assentior, nam licèt Cleri-

eos Romanos in exilium Iustinianus miserit, quod de Pelagio, ac Rustico Romanis Diaconis Victor affirmat in Chronico, eos tamen non ad metalla damnavit, sed procul in monasteria exules deportavit, ut de pluribus idem testatur.

Cæterum Halloix Vigilium à Iustiniano Romam dimissum scribit, non quod ille ad Synodi sententiam accessit, sed quia Narses Totila Gothorum Rege occiso victor Romam ingressus, ac Populi Vigilium reposcentis precibus motus, id enixè ab Imperatore postulavit: *Iustinianus autem inquit §. 6. pag. 347. tanta, ac tam recentis victorie dulci fortuna ebrius, & quid Narseti Italia restitutori excusso Gothorum iugo rependeret nescius* Vigilio redeundi facultatem permisit. At §. 18. pag. 361. dicit: *Sustinuit autem Vigilius fortiter exilium annos aliquot, donec ea, quam supra exposui, Narsetus victorie occasione, atque causa revocatus est.* Exulasse verò illum integro quinquennio scribit cum suo Sirmondo §. 7. pag. 349. nempe ex Victore usque ad annum 558. Risum teneatis amici, Narses Totilam occidit, ac Romam recuperavit anno imperij Iustiniani vigesimo sexto, & quidem ante tres menses exacto ex Procopio lib. 4. Victoriæ verò nuncius Byzantium venit mense Augusto ex Theophane, fuit annus 553. ut superius nobis monstratum est. Ex sanctione laudata Iustiniani anno 554. Totilas mortuus erat, itemque Teias successor, ac Gothorum regnum eversum, Itane ergo anno 558. (ut idem ex Tunonensi colligit) petente Narsete Iustinianus superato Totila tanta, ac tam recentis victorie dulci fortuna ebrius Vigilium dimisit? Victoria à quinquennio obtenta, nempe anno 553. anno demum 558. tam recens tibi est à Halloix? Longiori integri quinquennij ebrietate obrutum Principem ea Narseti concessisse ebrijs tantum impones, nemo enim sobria mente fidem fabulæ præstabit.

Exactis Italia Gothis anno 554. cum Imperatore serid à Pontifice actum, anno est, de vniuersæ provinciar, ac Romæ præsertim regimine meliorem in formam 554. reducendo. Iustinianus Vigilij petitioni morem gerens nobilem sanctionem edidit Idibus Augusti, qua Italas plurima indulgebat, illorumque fortunæ diuturno bello depressas erigebat. Hanc cum Vigilius iam tandem in Italiam redux deferret, calculi dolore oppressus in Sicilia diem obiit. Quo anno Vigilius decesserit, non vna est Scriptorum opinio. In chronico Victoris Tunonensis illius mors recensetur anno XVII. post Basilij consulatum, nempe 557. non 558. ut Sirmondus, Lupus, & Halloix existimarunt, quos superius impugnauimus. Baronius scribit Vigilium mortuum anno 555. nescire verò se quo mense, vel die eiusdem obitus contigerit. Inferius tamen narrat, Pelagium Vigilij successorem mortuum esse anno 559. IV. Nonas Martij, cum sedisset annos IV. menses X. dies XVIII. Lapsus est vir eruditus, nam à IV. Nonas Martij anni 559. per annos IV. menses X. dies XVIII. retrocedimus, venimus ad Aprilem anni 554. Et hoc sanè anno Chiffletius Vigilium obiisse scribit; sed hic etiam errat, nam Idibus Augusti ex Iustiniani sanctione vivebat. Sigonius lib. 20. operis laudati 5. kal. Ianuar. A. 554. obiisse illum dicit; consonat Aetnarium Marcellini ponens eiusdem mortem anno post consulatum Basilij XIII. Onuphrius Panuinius tredecim dies addit scribens Vigilium migrasse è vita IV. Idus Ianuarias, cui subscribit Holstenius in diagrammate chronologica in notis ad Romanam Synodum sub Bonifacio Secundo. Quæ sententia etiam

etiam à nobis cæteris præfertur. Hunc vitæ exitum habuit Vigilius anno Pontificatus XVIII. Ille uti per fraudem summam dignitatem expulso Siluerio usurpauit, ita eandem ex Cleri consensu postea obtentam, cum procul à sua sede per nouennium quasi precariò vixisset, denique in Sicilia cum vita pariter amisit. Fuit Vigilius Pontificiæ autoritatis vsque ad Principis contemptum tenacissimus assertor, ut ex rebus ab eo gestis inclaruit. Animi inconstantia, mutandæque sententiæ facilitas vitio eidem vertitur; nam in causa trium capitulorum varius, atque à se ipso diuersus non semel apparuit. Initio quidem, cum adhuc in Sicilia esset, tria capitula defendebat, at illa se damnaturum dudum Theodoræ Augustæ promiserat, si Victori fides est. Cum Byzantium aduenisset, ob damnata tria capitula Mennam sacris interdixit; at paulò post Mennæ conciliatus eadem & ipse in Iudicato damnauit. Deinde post triennium à sententia Iudicati discedens emissio nouo Constituto eadem damnari posse negauit. Sed paucis mensibus in hac sententia stetit, nam data ad Euty-chium epistola vim Constituti infregit, atque ad Synodum accedens tria capitula proscripsit. Vir doctissimus Petrus de Marca lib. 3. de concordia Sacerd. & Imper. cap. 13. hanc Vigiliij inconstantiam à doctis prudentiam appellari testatur, quam ipse dispensationem vocat, qua nunc iuris, & canonum rigore agebat, nunc illorum remissione fidei, ac publicæ quietis studio. Hoc tamen illi gloriæ detur, quòd primus Romanorum Pontificum post Origenem Theodorum Mopsuestenum insignem Pelagianorum magistrum cum sectatoribus definitiuam sententiam damnauit, cæterisque successoribus eo in stadio lampadem tulit.

CAPVT IX.

Romanos Pontifices Vigiliij successores Synodum V. approbasse contra Halloix ostenditur; & Aquileiensem Schisma describitur.

S. I.

De Pelagio Primo.

EXtra Origènis causam excurro contra V. Synodum inuehentem Origenis defensore insecutus, sed Synodi Pelagianorum pessimum Theodorum damnantis autoritas facta testæ stabilienda est. Cum verò quid Romani Præfules Vigiliij successores in causa trium capitulorum statuerint, dicendum sit, haud abs re fore censui, si Venetiæ, atque Istriæ Schisma exactius describerem; meæ enim patriæ Episcopi cum reliquis Prouinciæ Collegis diu contra V. Synodum depugnarunt. Hæc verò ed libentiùs inserui, quòd vidi celeberrimos Scriptores in ijs enarrandis pleraque à veritate aliena literis consignasse. Baronius nonnulla tradidit de Synodo V. quæ probare non possumus, in quibus tamen Halloix sibi triumphum canit. In primis hæc scribit de V. Synodo aduersarius: *Aliæ Synodi Ecclesijs pacem, ac tranquillitatem, & multa simul bona sedatis discordijs attulerunt. Hæc autem, quæ à multis Quinta nominabatur magis, quàm erat, & à multo pluribus resiciebatur, pro pace bellum, pro unitate diuisionem,*

sionem, pro bonorum cornucopia malorum myriadem importauit. S. 12. pag. 355. Horum testem appellat Baronium ad annum 553. scribentem: *Etenim ipsa Synodo absoluta, tantum abest, ut pax reddita sit Ecclesijs, ut maius bellum exarserit, intestinaque discordia magis saeuierit Orthodoxis inter se altercantibus &c.* Sed quis nesciat post Nicenam Synodum ingentes tumultus ab Eusebianis, & Meletianis excitatos? Post Chalcedonensem, quas turbas Ecclesiæ Acephali non dedere? Quid igitur mirum, si post Quintam quoque Synodum non statim pax Ecclesiæ reddita est? Hanc sanè pacem se donaturum Orbi Catholico per illam Synodum Iustinianus existimauerat, vnde eundem Augustum initio sui Constituti Vigilii commendauit: *Laudabile, inquit, Clementia vestra cognouimus esse propositum, per quod summotis omnibus discordia seminibus &c.* Et S. Agatho circa finem epistolæ ad Constantinum, quæ habetur act. 4. VI. Synodi ait: *Extremi quidem, prestantissimi tamen omnium Magni illius Iustiniani, cuius ut virtus, ita & pietas omnia in meliorem ordinem restaurauit &c.* Nam breui Occidentalis Ecclesiæ Synodum V. recepit, ut mox dicam. Quam rectum verò fuerit Iustiniani consilium, lege apud Leontium in lib. de Scâis actione 6.

Vigilio successor datus est Pelagius I. Romanæ Sedis apud Iustinianum quondam Apocrifarius, quem tria capitula non damnasle fingit aduersarius dicens S. 10. Liquidò, ut opinor, apparet & Pelagium I. non recipere Concilium V. Sed etiam hoc veritati consonum esset, haud illius suffragium pro tuo Origene ostendatis; ille, ille est, qui Iustinianum ad Origenis damnationem hortatus fuerat, Theodoro Cæsareæ in Cappadocia Episcopo Origenistæ hostis infensus, vnde sicuti Theodorus hic contra tria capitula bellum accendit, ita Pelagius excitatæ in Origenistas tragœdiæ author fuit, quæ quidem oborta dissidia cum mente volueret Theodorus semel exclamasse fertur: *Se, & Pelagium viuos incendendos, per quos hoc scandalum introiuit in mundum.* Quibus verbis suum Breuiarium conclusit Liberatus. At Deus Optimus Maximus duorum hominum æmulatione usus est, ut profana hinc inde dogmata profligarentur, ut Euagrius rectè adnotauit lib. 4. cap. 38. Pelagius non solum, quod Theodori Cappadocis studia abhorrebat, sed etiam quia Latina Ecclesiæ capitula defendebat, in hanc & ipse sententiam consentiebat, & initio ferè agitatæ controuersiæ ad Ferrandum Diaconum Carthaginensem literas dedit, quibus doctissimi viri sententiam rogauit; extat etiamnum Ferrandi ad Pelagium responsio. A Vigilio Roma Constantinopolim euocatus fuit, ut sibi in difficili causa auxilium esset, sub quo etiam constanter pro tribus capitulis decertauit. Legitur subscriptus Constituto Vigiliano his verbis: *Pelagius miserante Deo Diaconus Sanctæ Ecclesiæ Romanæ huic constituto consentiens subscripsi.* Cum nollet Synodum V. subscribere in exilium missus est, teste Tunonensi, cuius verba mox referam. Cum verò Vigilii in exilium non fuerit deportatus, consequens est, ut pro tribus capitulis propugnandis ipso Pontifice obstinator fuerit. Quod autem scribit Anastasius Vigilio in custodiam detruso, Clerum Romanum missum in exilium ad diuersa metalla incidenda, planè falsum est; constat enim ex Victore, ut superius notauimus eos, qui tria capitula defendebant, ab Imperatore in longinqua monasteria ablegatos. Iustinianus Vigilij morte intellecta Pelagium ab exilio reuocauit, qui Principi morem gerens tria capitula damnauit, eoque pacto ad Romanam Sedem euectus est. Tunonensis

hæc scribit: *Post consul. Basilij anno XVIII. Pelagius Romanus Archidiaconus trium præfatorum defensor capitulorum Iustiniani Principis persuasione de exilio rediit, & condemnans ea, quæ dudum constantissimè defendebat, Romanæ Ecclesiæ Episcopus à præuicatoribus ordinatur. Cum Romæ innotuisset Pelagium tria capitula condemnasse, singuli quique tum sacri, tum laici homines ab eius communione se separabant, neque in tota Italia terrius Episcopos inueniri potuit, à quo consecraretur; illum enim ut Chalcedonenſis Synodi præuicatore detestabantur. Quare à Perusino, & Ferentino Episcopo, ac Andrea Presbytero Ostiensis consecratus fuit. Narſes tamen iubente Imperatore omnem operam Pelagio præstitit. Anastasius, quem Baronius initio anni 533. aliique securi sunt, populum Romanum inde Pelagio infensum dicit, quod auctor publicaretur malorum, quæ Vigilii Constantinopoli perſellus fuerat, additque Lupus in appendice ad notas in Canonem IV. Nicænum: *Aduersum tria Concilij Chalcedonenſis capitula, eorumque defenſorem Vigilium Papam truculenta paſſum à Iuſtiniano Auguſto egerat in V. Synodo Pelagius adhuc Diaconus.* Sed hæc procul à vero sunt; nam Pelagius cum Vigilio, & pro Vigilio stetit, Synodi Quintæ congreſſus fugit, ac ſubſcripſit Conſtitutum Vigilij, quo Synodus V. caſſabatur, indeque in exilium expulſus fuit, & tria capitula, ut ait Tunonenſis, tempore Synodi *constantissimè defendebat.* Sed audiatur idem Pelagius epiſt. 12. ad Childebertum Regem, *Ut autem nos diu tribulationes Constantinopoli pateremur, illa res fecit, quam breuiter ſupra tetigimus &c.* Non ergo Vigilij perſecutionum auctor publicari poterat, ſed ſocius. Quare coram populo in ambone nihil abs ſe contra Vigilium tentatum iureiurando haud affirmauit, ſed quod nihil contra Synodi Chalcedonenſis fidem in trium capitulorum damnatione abs ſe ſtatutum fuiſſet. Ignorantia controuerſiæ de tribus capitulis Anaſtaſium veterem, alioqui Scriptorem in eas fabulas impegit, quæ cæteri ſcriptores fidem habuerunt.*

Interim Pelagius vbique veluti Chalcedonenſis Concilij proditor traducebatur, & Episcopi Tufciæ illius nomen, uti moris erat, inter ſacroſancta myſteria recitare recuſabant. Quare horum contumaciam graui epiſtola perſtrinxit anno 536. *Diuiſionem veſtram*, inquit, *à generali Eccleſia, quam tolerabiliter ferre non potero, vehementer ſtupeo.* Dedit & literas ad Childebertum Regem Francorum, itemque encyclicas ad omnes Orthodoxos, & in his ſe quatuor Conciliorum fidem tenere proteſtatus eſt, in quibus V. Synodum non nominauit; tacitam tamen illius mentionem fecit in epiſtola encyclica dicens: *Poſſemus quidem totius cauſæ rationem ad ſedandos rumores hominum diuina nobis cooperante miſericordia fiducialiter explicare, nihilque contra fidem Patrum, contra quatuor Synodorum firmitatem ullatenus eſſe tentandum (tentatum legendum eſt) lucidiſſimis approbationibus demonſtrare, magisque id actum (in quinta Synodo) ut memoratarum Synodorum firmitas contra omnes inimicos immobili ſoliditate conſiſteret. Etenim Concilium V. ut inquit S. Sophronius, ad confirmationem quidem nominatiſſimi Chalcedonenſis Concilij congregatum eſt, quod Hæſitantium ſectæ omnes diuerticuli præcluderentur, de quo videndus eſt ſuperiùs laudatus Leontius. Magnæ verò gloriæ vertitur Pelagio, quod illo Pontifice vniuerſa Italia præter paucos Episcopos, Africa, ac tandem Illyricum tria capitula condemnauit. Vidimus ſupra Africanos Præfules coacta Synodo pro tribus capitulis conſpiraffe,*

se, quod & de Illyricis notauimus, vnde contra vtrosq; rescriptum edidit Iustinianus ex Isidoro cap. 18. At anno 554. inquit Tunonenfis: *Post consul. Basil. XIV. Proconsularis Concilij prouincia Africane Sacerdotes Ruffini, & Vini Reparati Archiepiscopi obreclatorum arte delusi tanq; fidei defensoribus occurrunt, & Primasij prauaricatoris Carthaginis Ecclesie communionem preter paucissimos polluant. Anno verò sequenti 555. in eandem sententiam Numidiæ Patres venire: Post consul. Basil. XV. Concilij Numidia Episcopi ad instar Proconsularium Sacerdotum collecti Carthaginem veniunt, & Primasij eiusdem Ecclesie incubitoris communionem polluti, prauaricatoresq; effecti ad propria redeunt. Nec diu fuere pertinaces Illyrici, nam de his scribit idem Victor. Post consul. Basil. XIX. Illyriciani Episcopi preter pauca monasteria, paruosq; fideles, persecutiones passi consentiunt, pristinam fidem in irritum deducentes. Igitur teste maximo capitulorum defensore Tunonenfi in Africa paucissimi, in Illyrico pauci Synodum V. recipere detreclarent: tantum Romani Pontificis exemplum ponderis habuit. Baronius, qui Tunonenfis Chronicon non vidit, Occidentalem Ecclesiam ex V. Synodo dissidijs repletam affirmavit, quasi contra hanc obstinatè pro tribus capitulis longo tempore depugnaret, sed vbi in causa trium capitulorum ante Synodum Orientis, & Occidentis Ecclesie in contrarias partes abibant, per Synodum Quintam isthæc illi conciliata fuit, vnaq; vtriusq; sententia euasit, parua tantum Italie portione repugnante. Vnde cadit Halloix calumnia dicentis: *Quinta Synodus pro pace bellum, pro vnitate diuisionem, pro bonorum cornucopia malorum myriadem importauit. S. 12. pag. 355.* Sanè in Oriente per Synodum V. omnia dissidia composita, duo oculati testes memoriæ prodidere. Eustathius cap. 22. de vita S. Euthij ait, post V. Synodum *summapax, & magna tranquillitas in Dei Ecclesia est consecuta.* Et Cyrillus Scythopolitanus cap. 109. de vita S. Sabæ scribit: *Post hæc cum Sancta, & Oecumenica V. Synodus congregata fuisset Byzantijs, Theodorus Mopsuestia, & Origenes, & vnà cum his impia de præexistenti, & restitutione dogmata generali fuerunt subiecta anathemati, & schismaticis deinceps omni ablata libertate loquendi diuini Sabæ Laura, & vniuersa ferè cum eis Palestina vigesimo tertio anno post illius mortem à grauib; heresibus, & temporis acerbitate, & iniquitate respirarunt, & quietam deinceps, & tranquillam vitam egerunt.* Cum verò S. Saba mortuus sit anno 531. vniuersam Palæstinam, in qua à tempore Ioannis Hierosolymitani, Rufini, ac Melanij per 160. annos Origenistæ ingentes turbas concouerant, pacem tandem sortitam scribit anno primo post Synodum V. nempe 554. Sed instat doctissimus Baronius, nec eo pacto Acephalos ad vniõnem Ecclesie reductos. At non Synodus, sed ipsorum malitia in causa fuit, trium enim capitulorum dimissa à Synodo Chalcedonenfi proscriptio non vnum erat argumentum, quo ad contradicendum Acephali, seu Hæsitantes mouebantur, erant pleraque alia, quæ recenset, & soluit Leontius in libro de sectis.*

Vniuerso itaq; Catholico Orbe ad Synodum V. accedente, soli Venetiarum, ac Istrie Episcopi refragabantur. Pelagius Schismati indignatus datis ad Narsetem literis eundem hortatus est, vt repugnantes vi cogeret ad recipiendam Synodum. At illi Narsetem ipsum licet Italicarum rerum summam cum potestate præfecturam gerentem ab ecclesiastica communione suspendirunt, vt testatur Pelagius in alijs literis, quas eadem de re ad eundem Ducem

perscripsit: *Nec enim, inquit, sine illius providentia factum esse credendum est, ut insensati, & peruersi homines ad hoc usq; proflirent, ut suam diuisionem Catholicam esse credentes Ecclesiam à sua vos pollutione prohiberent. Ita Pontifex Synodi V. aduersarios insensatos, peruersos, & pollutos appellabat.*

Schismatici Episcopo Paulino Aquileiensi Metropolitae inuentore aduersus V. Synodum prouincialem conuentum habuere, in quo tria capitula à Chalcedonensibus Patribus non damnata à quoquam proscribi posse negarunt, in quam sententiam dato sacramento pedibus ab omnibus itum est. Nomina Episcoporum inferius ex vetustissimo Chronico Aquileiensi dabimus. Pelagius rei indignitate commotus egit cum Narsete, ut Paulinus Antistes Synodi obtrektor captiuus ad Iustinianum Byzantium mitteretur, quod tamen, cum meliora de ipso sperarentur, minime factum est. De illorum verò conciliabulo hæc scribit ad Narsetem: *Cum si quid eos de iudicio VNIVERSALIS SYNO- DI 1, quod Constantinopoli per primam nuper elapsam indictionem actum est, forte mouebat, ad sedem Apostolicam, quomodo semper factum est, electis aliquibus de suis, qui dare, & accipere rationem possent, dirigere debuerunt, & non clausis oculis corpus Christi Dei nostri, hoc est Sanctam Ecclesiam lacerare. Et tamen tanta est Halloix confidentia, ut dicere non dubitet S. 11. pag. 352. Qui ex Pelagij literis ad Narsetem probari putant receptum à Pelagio quintum istud Concilium, ne ipsi admodum errant. Ad- ditque: Hoc enim agebat Pelagius, non ut Concilium reciperetur, sed ut ipse. At oppositum adeo manifestè ex Pelagij literis patet, ut id nec ipsum aduersarium fugisse existimem, nam Pelagius vniuersalem Synodum vocat, motos ad Schisma Istros Episcopos ob iudicium Synodi V. asserit, eosdemque arguit, quòd Synodi statuta discutere, & examinare ausi fuerint, quod tantum ad Apostolicam Sedem spectabat, à qua sola oborta circa Oecumenica Concilia dubitationes resolui possunt. Cur verò Pelagio obedientiam negabant Istri? eadem sanè de causa, qua Tuscia Episcopi, nempe tanquam Synodi Chalcedonensis prauaricatorem abhorrebant, quòd patet ex literis Pontificis ad eosdem. Idem Pelagius epist. 5. ait: *Nec licuit alicui aliquando, nec licebit particularem Synodum congregare, sed quoties aliqua de VNIVERSALI SYNODO aliquibus dubitatio nascitur, ad recipiendam de eo, quod non intelligunt, rationem, aut sponte ij, qui salutem animæ suæ desiderant, ad Apostolicam sedem pro recipienda ratione conueniant, aut* PRÆF. 1. *si forte, sicut de talibus scriptum est: Peccator, cum venerit in profundum malorum, contemnit, ita obstinati, & contumaces extiterint, ut doceri non velint, eos ab ipsâ Apostolicâ Sede aut attrahi ad salutem quoquo modo necesse est, aut ne aliorum perditio esse possint, secundum canones per seculares comprimi potestates. Ex quibus citra dubium constat, Episcopos Istriae in sua Synodo non de Pelagij electione, sed de vniuersali Synodo, & quidem Quinta dubitasse, nimiamq; ac prorsus intolerabilem, non ignorantiam dicam, sed dissimulationem fuisse aduersarij id audacter pernegantis.**

De hac Aquileiensi Synodo diuersi pleraque à veritate aberrantia literis prodidere. Beda in Chronico ad annos imperij Tiberij Absimari ait: *Synodus Aquileia facta ob imperitiam fidei Quintum vniuersale concilium suscipere diffidit, donec salutaribus B. Sergij Papa monitis, & ipsa huic cum ceteris Ecclesijs annuere consentit.* Baronius ad annum 553. ait: *Hincq; accedit, ut Veneta, & ei adiacentium regionum Episcopi, qui cum esene sub Francorum dominio, Franci enim tunc illis domina-*
ban-

banantur provincijs, contra V. Synodum cogerent Concilium Aquileiæ, cuius meminit Bedæ. At Bollandus ad diem octauam Februarij in notis ad vitam S. Honorati §. 2. Baronium reprehendit, qui Synodum factam, teste Bedæ, Imperatore Tiberio Abimario, (ab exercitu electus est anno 699.) cum illa confuderit, quæ sub Pelagio Primo circa annum 557. habita fuit. Certè Paulus Diaconus lib. 6. de gestis Longobardorum cap. 14. illam Synodum ad tempora Tiberij refert, sed hic ad verbum ex Bedæ illa recitauit. Difficile enim visum est Bollandum, à Sergio Papa illam Synodum corrigi, quæ habita fuerat ante centum quinquaginta, & ampliùs annos. Palladius iunior in historia Foro-iulienfi Italicè scripta par. 1. lib. 1. ad annum 554. loco Sergij *Pelagium* ponit, sed hoc præter fidem omnium aurographorum Bedæ, & Pauli Diaconi. Fallitur sanè Bollandus, dum Sergio Pontifice Aquileiensem Synodum de V. Concilio dubitasse putat, nam sub S. Agathone Papa, qui quinque tantum annis ante Sergium Pontificatus, ac vitæ finem fecit, in Synodo Romana adfuerit cum Agathone Patriarcha Aquileiensi cæteri suffraganei, ac literas subscribere, in quibus hæc habentur: *Hoc idem etiam & Sancta Synodus, quæ sub Augusta memoria Iustiano Principe in Constantinopoli congregata est in septimo definitionum capitulo prædicat.* Quare iam ante Sergium Episcopi Veneti, atq; Istri cum Metropolitani Aquileiensi Synodum V. receperant, neq; contra eandem suam Synodum postea coegisse dicendi sunt. Eorum nomina habentur actione 4. Synodi VI. Fortè Sergius ad Aquileiensem Antistitem literas dedit, quæis schisma in nonnullis adhuc radicatum euelleret, at non ex Episcopis illi creuit, sed è plebe. Et quidem Bedam Concilium à Paulino Aquileiensi contra V. Synodum celebratum significasse, ex illo aduerbio *donec* non obscurè colligitur, eò quòd ille error, ac prauum de Synodo V. iudicium diu ante Sergium apud Aquileienses inualuerat. Idem Bollandus num. 10. ait, quòd cum celebraretur Synodus Aquileiæ à Paulino, est *habita eodem ferè tempore in Illyrico Synodus (nisi eadem sit latius sumpto Illyrici nomine) pro tribus capitulis, cuius meminit Isidorus.* Sed Synodus Illyrica teste Tunonensi coacta fuit post consulum Basilij anno nono, nempe anno apud Victorem 549. At ista Aquileiensis mortuo Vigilio sub Pelagio habita fuit post Conciliū V. cuius auctoritatem illa negauit. Illyricos verò omnes Episcopos eam Synodum Oecumenicam paulò post recepisse, idem Scriptor affirmat.

Pelagius Paulino Aquileiensi indignatus fuerat, quòd contra Apostolicæ Sedis decretum à Vitali Archiepiscopo Mediolanensi consecratus erat. Etenim Pontifex cum ubiq; in Italia contra Synodum V. schisma consilari intelligeret, omnem nauauit operam, vt glissentimale remedium asserret. Optimum factū iudicauit eos, qui in Urbem Antistites consecrabantur, ad Synodum V. tuendam sacramento adigere. Huius rei testis est S. Gregorius, qui cum Constantio Antistiti Mediolanensi scriberet, eius decessorem Laurentiū *districatissimam cautionem Sedi Apostolicæ* remisisse, qua tria capitula se damnare protestabatur, hæc ait: *Quia postquam, talis scissura pronullare facta est, iustum fuit, vt Sedes Apostolica curam gereret, quatenus unitatem vniuersalis Ecclesiæ in sacerdotum mentibus per omnia custodiret.* Ast Paulinus ab Antistite Mediolanensi consecratus fuerat vllò absq; iuramento ad Apostolicam Sedem transmissio, à cuius insuper communione se Veneti, atq; Istri Episcopi separauerant. Præterea cum

Aquileiensis Ecclesia subiecta esset iuri Patriarchico Romani Præfulis, defuncto Episcopo Metropolitæ à Romano Pontifice vir delegabatur, qui suo nomine electioni noui Sacerdotis adesset. Audiatur Gregorius Magnus scribens Exarcho Italiæ de Constantio in demortui Laurentij Mediolanensis locum subrogando: *Neceſſe fuit pro ſeruanda conſuetudine militem Eccleſiæ noſtræ dirigere, qui eum, in quo omnium voluntates, atque conſenſum concorditer conuenire cognouerit, à ſuis Episcopis, ſicut vetus mos exigit, cum noſtro tamen aſſenſu faciat conſecrari.* Lib. 2. epiſt. 31. Paulinus inauguratus fuit absque præuio Romani Pontificis conſenſu, qui eo tempore non dabatur niſi ijs, qui prius concepto iuramento tria capitula condemnassent. Hinc Pelagius Paulinum *Pſeudo-episcopum* esse dixit, atque *Aquileienſis Eccleſiæ inuaſorem, qui & in ſchiſmate male dictus, nec honorem Episcopii poterit retinere, nec meritum.* Epiſt. 4. At Palladius 1. p. lib. 1. rerum Foroiulienſium Paulinum à Vitali Archiepiscopo Mediolanenſe dignè in Aquileienſi Sede collocatum ſcribit, cuius tamen oppoſitum ex Pelagio oſtendimus. Idem aſſerit Synodum Aquileienſem pro tribus capitulis celebratam fuiſſe à Macedonio Antitiſte Paulini deceſſore anno 554. cuius rei fides ſit penes Authorem.

Obijt Pelagius anno 560. die 2. Martij, in cuius ſepulchro tempus, quo Pontificatum geſſit, ſignatum eſt: refertur ex Manlio à Paulo Aringho lib. 2. Romæ ſubter. cap. 8. *Hic requieſcit Pelagius Papa, qui ſedit annos IIII. Menſes X. dies XVIII. Depoſitus IIII. Nonas Martij.* Ille tamen Scriptor eundem lapidem poſt Baronium oſtendit, qui Pelagium anno 555. electum, anno verò 559. mortuum tradit, quod fieri non poteſt à IV. Nonas Martij per annos quatuor, ac menſes decem retrocedendo. Panuinius in Chronico, cui adhæret in diagrammate Chronologico Hoſtenius, ait Pelagium deceſſiſſe anno 561., huius autem electionem ille non rectè refert A. 555. nam ſediſſet A. 5. M. 4. At Panuinius ſcribit, Pelagium electum non quidem A. 555, vt ſuperiùs Hoſtenij auctoritate ductus aſſerui, ſed A. 556. Hæc carmina, quæ ſchiſmaticos ab eodem correctos designant, Pelagij tumulto inſculpta arguunt Halloix manifeſtæ falſitatis, qui contendit, Pontificem illum non approbaſſe Quintam Synodum: Ea verò ſunt.

Doct̃or Apoſtolica fidei veneranda retexit

Dogmata, quæ clarè conſtituere Patres.

Eloquio curans errorum ſchiſmate lapſos,

Vt veram teneant corda pacata fidem.

S. II.

Ioannes IIII. Synodum V. adprobat. Iuſtinianus Imperator moritur. De anno obitus euſdem diſſeritur. Panuinij, ac pluriùm Scriptorum faſti corriguntur. Iuſtinus ſucceſſor contra ſchiſmaticos mitius agit. Hiſpani defendunt tria Capitula.

Pergit aduerſarius aliorum Pontificum, qui Pelagio ſucceſſere, ſuffragia noſtræ Synodo V. per ſummam iniuriam ſurripere. Scribit S. 11. pag. 354. *Fit probabile tam Ioannem, quam Benedictum in eadem cum Vigilio, & Pelagio ſuis*

suis Antecessoribus fuisse sententia, nec approbasse, nec recepiſſe V. Concilium. Errat; uterque enim Synodum V. recepit cum antecessoribus Pelagio, ac Vigilio. De Ioanne III. qui Pelagio I. succellit, dicendum hic est, postea de Benedicti sententia differemus. Pelagius II. qui quintus à Vigilio Pontifex sedit, in literis ad Heliam, & Episcopos Iſtriæ testatus est, ipsius decessores Synodum V. approbaſſe, ac tria capitula condemnaſſe: Debet ergo, inquit, perpendere vestra dilectio, quia Prædeceſſorum noſtrorum in hac cauſa conſenſus tantò poſt inanis non fuit, quantò prius diris contradiccionum laboribus inſudauit. Quibus notat Vigilij moleſtias pro trium capitulorum deſenſione Conſtantinopoli toleratas. Habuit ergo Pelagius II. ſecum contra tria capitula prædeceſſores fœderatos, quorum conſenſum ibidem appellat. Præterea cum anno 590. vt dicemus, Sanctus Gregorius Romam euocaſſet cum aſſectis ſchiſmaticis Metropolitam Aquileienſem Seuerum, illi ad Mauricium Imperatorem ſupplicem libellum tranſmiſiſſe, quo apertè conſteſtati ſunt, ſeſe iam ſerè ab initio motæ in Occidente quæſtionis de tribus capitulis Sedis Apoſtolicæ communionem abhoruiſſe, nempe poſt Iudicatum à Vigilio emiſſum. Reddo hæc illorum verba: Contriti, atque luctu grauifſimo ſauciati ad vltimam deſperationem peruenimus, vt ad illius iudicium Metropoliſta noſter cogetetur occurrere, cum quo cauſa ipſa eſſe diſnoſcitur, & cuius communionem ab initio motionis cauſe huius uſque nunc deceſſores noſtri, & nos cum omni populo euitamus. Hunc libellum integrum lege apud Baronium. Iraque à Paulini Aquileienſis tempore Veneti, atque Iſtri Episcopi Romanos Pontifices vti trium capitulorum damnatores uſque ad annum 590. ab Eccleſiaſtica communionem ſecluſerant. Ex quibus conſtat, omnes Romanos Antiſtites à mota trium Capitulorum controuerſia poſtremam, ac definitiuam Vigilij ſententiam ſecutos pro Synodo V. ſteſiſſe. At quibus Apoſtolicæ Sedis Præſulum ſententia notior fuiſſe putanda eſt, Pelagio II. illorum immediato ſucceſſori, ac ſchiſmaticis iſſdem, qui ea de re cum ipſis Pontificibus litigarunt, an homini cuidam poſt mille, & ampliùs annos de eadem ſcripturienti?

Certè qui Iuſtiniani fixam contra tria capitula ſententiam conſiderauerit, is certè eo in Italia dominante Romanos Pontifices contra Principem pro capitulis pugnaſſe, minimè aſſeuerabit. Non enim Pelagium, niſi priori ſententia depoſita, Pontificem inaugurari permiſit, quod idem, etiamſi relata teſtimonia non extarent, de Ioanne ſentiendum foret. Quo anno deceſſerit Iuſtinianus ex faſtorum conſuſione incertum plerique fuit; gratum poſteris me fa-
 cturum ſpero, ſi controuerſiam clara, & ni mea me fallit opinio, euidenti diſſertatione expoſuero, video enim faſtos vel apud illorum Patrem (ita enim honoris gratia Panuinium Lipſius nuncupauit) perturbatos. Communis ſententia fuit Iuſtinianum deceſſiſſe anno 565. Idibus Nouembris media nocte ſequenti, vt Corippus canit. Sed obiſſe illum anno 566. ſcribit Viſtor Tunonenſis: *Quadrageſimo*, ait, *imperij ſui anno Iuſtinianus vitæ ſuſcepit ſinem indiſtione XV.* Certum eſt Iuſtinianum anno 527. Kal. Aprilis Imperium indeptum fuiſſe, quod omnes affirmant, & patet ex eiſdem Principis Nouella 47. vbi ait: *Nunc quidem annum XI. noſtri ſcribunt imperij, inchoante uerò Aprilis menſe, & prima die, in qua nos Deus Romanorum ſuperpoſuit rebus, XII. annum ſcribent.* Data eſt Nouella Poſt conſulatum Belſarij anno 11. qui eſt annus 537. & quidem ante
 Apri-

Aprile scripta est, id etiam ex pluribus Iustiniani literis, legibus, Synodis sub ipso celebratis patet. Rursus indictio XV. quæ Victor mortuum affirmat Iustinianum, incipit anno 566, mense Septembri. Victor verò non solum tunc aderat Constantinopoli, sed quoddam tria capitula defendebat, iussu Principis ibidem sub custodia detinebatur, ut nulli melius, quam illi non annus tantum, vel mensis, sed dies obitus Iustiniani numeratus videretur. Ioannes Biclarieus, qui sub id temporis Byzantij morabatur teste S. Isidoro cap. 31. de Eccles. Script. initio sui Chronici ait: *Quintadecima ergo indictione, ut dictum est, Iustiniano mortuo Iustinus iunior nepos eius Romanorum efficitur Imperator.* Ioannes Epiphaniensis tunc vivens laudatus ab Euagrio lib. 5. cap. ult. mortuum dicit Iustinianum: *Novem & triginta integros annos cum Romanum imperium tenuerit.* Refert, & sequitur Alemannus in notis ad Historiam arcanam Procopij pag. 108. Et hi tres Scriptores Euagrio, Cedreno, Zonaræ, aliisque posterioribus longè præferendi videntur. Accedit Chronicon Alexandrinum, in quo hæc leguntur: *Hoc anno 14. Novembris indictione XV. Iustinianus vita defungitur.*

Errasse tamen hosce Scriptores euidenter ostendo ex inscriptione lapidis in Vaticano reperti, quæ habetur lib. 2. Romæ subter. cap. 10. illamque ego anno 1671. Romæ in Suburbio D. Petri in cella ad læuam maioris aræ Ecclesiæ S. Angeli parieti affixam legi, ex qua cum plurium authorum errores emendari possint, eandem exhibeo omittis carminibus, quæ ibi leguntur.

✠ DEP. EST BOETIVS CL. P. OCT. KAL. NOBR. INDICT.
 XI. IMP. DOM. N. IVSTINO PP. AVG. ANN. XII. TIBERIO
 CONST. CAER. ANN. III. DEP. EST IN PAC. ARGENTEA
 MAT. SS. XIII. KAL. DECEMBR. QVI SS. BOETIVS VIXIT ANN.
 XI. M. VIII. D. XXIII. ET MAT. EIVS VIXIT ANN. XXXVI.
 M. II. D. XII.

Quare si die 25. Octobris indictionis vndecimæ, nempe anno 577. labebatur annus XII. Iustini iunioris, primus eiusdem Imperatoris annus incepit die 14. Novembris anno 565. Est aureum in marmore restimonium. Sed ex rescriptis Iustini hoc ipsum euincitur. Extat sanctio ad Iulianum P. Vrbi de dissoluendo ex mutuo consensu matrimonio *Data XVIII. Kal. Octob. Chalcedone Imp. Domino nostro Iustino PP. Aug. Anno primo indictione quintadecima.* Labuntur ergo Victor, Biclarieus, ac Chronicon Alexandrinum, & qui secuti sunt Recentiores eruditi Alemannus, Valesius, alijque, dum indictione XV. die 14. Novembris Iustinianum defunctum scribunt. Confirmat hoc ipsum altera sanctio eiusdem Iustini de filijs liberarum ad Theodorum *Data Kalendis Martij Imp. Domini nostri PP. Aug. Iustini anno V. indictione tertia.* Si mense Martio anni 570. currente indictione tertia labebatur annus quintus Iustini, reuè ab Idibus Novembris anni 565. eiusdem imperij initium desumendum venit.

Facti plerique circa annum 566. errarunt. Nam appendix Marcellini Comitis ponit. *Indict. XIV. XXV. Post consulatum Basilij V. C.* quo anno illud aetuarium terminatur. Sed planè expungendus est caracter ille consularis. Nam anno 566. Iustinus novus Imperator consulatum II. gessit, priori enim functus fuerat

fuerat anno 540. Hoc probatur testimonio irrefragabili Corippi Grammatici Africani lib. 1. de laudibus Iustini, ubi cum narrasset Iustiniani mortem, & Iustini inaugurationem, novum Principem ad populum hæc cætera inter verba dicentem inducit.

— nomenq; negatum

Consulibus Consul post tempora cuncta novabo.
Gaudeat, ut totus Iustini munere mundus,
Dona Kalendarum properant vicina mearum.
Vos vestris adstate locis, properate, parate,
Promissaq; die nostras sperate curules.
Expauit gaudens inopino nomine vulgus
Consulis audito.

Nempe quia ab anno 541. nullus ampliùs fuerat Consul. Do alterum insignem testem; est Menander Protector, qui sub Iustino II. vixit. Scribit hic Zemarchum legationem suscepisse ad Turcos circa finem quarti anni imperij Iustini indictione secunda initio mensis Augusti. Tom. 1. Hist. Byzantinæ. Henricus Valesius in notis ait: *valde notandus est hic locus, qui insignes continet temporum caracteres.* Optimè meherclè notandus venit. Indictio II. mense Augusto signat annum 569. quo tempore, si labebatur quartus annus Iustini, Menandro Authore Iustinus post Iustinianum anno 565. die 14. Nouembris imperium indeptus est. Vidit ista Valesius, qui cum 40. annos imperij Iustiniano tribuat pag. 215. pagina sequenti 216. Menandri textum corrigit, legendumq; ait pro *durisio imperij*. Sed non tertium, sed planè quartum annum cum Menandro retinendum ex superiùs dictis satis apparet. Ex his palam est, annum primum Iustini 566. non esse signandum cum Panuinio lib. 3. Fastorum *Post consul. Basilij XXV.* Noro etiam lapsum esse Baronium, qui annum 564. ita inchoauit: *Qui sequitur annus Christi quingentesimus sexagesimusquartus, idem ultimus est Iustiniani Imperatoris, atq; postremus, qui post consulatum Basilij numeretur vigesimus tertius.* Neq; enim ille est ultimus Iustiniani, neq; postremus, qui post consulatum Basilij nominetur. Et quidem annum insequentem his auspiciatur: *Quingentesimus sexagesimus quintus, idemq; Iustiniani Imperatoris nouissimus indictionis decime tertia incipit annus.* Ita in vasto opere memoria magnos quandoque viros deficit.

Scribit Biclariensis Abbas initio sui Chronici: *Romanorum LIII. Iustinus iunior annis XI. qui Iustinus anno primo regni sui ea, quæ contra Synodum Chalcedonensem fuerant commenta, destruxit.* Quæ verba suo Chronico inferuit S. Isidorus. Si Halloix ista legisset, certè in ijs triumphum suo Origeni cecinisset, videtur enim Iustinus abrogasse V. Synodum, quæ, ut vulgò ferebatur, Chalcedonensem Synodum correxerat. Iustinus cum videret ob tria capitula proscripta Africam, atq; Occidentales prouincias dissensionibus laceratas, edictum fidei publicauit, in quo nullius Synodi mentionem faciens, quæ credenda cuiq; essent, proposuit. Arij, Sabellij, ac Nestorij, itemq; Eutychetis hæreses ibidem damnauit, ad tria capitula non solum non nominauit, sed inter dogmata adiaphora numerandam esse quæstionem de tribus capitulis visus est innuere in fine edicti, dum ait, se illa credenda proposuisse, ut *deinceps nemo vello propterea propter personas, aut syllabas rixetur.* Quibus Theodori personam,

nam, itemq; scripta Theodoreti, atq; Iba fortè intellexit, nec non quæstionem nuperrimè exortam de corpore Christi corruptibili, vel incorruptibili, vna enim Syllaba Romani imperij Antistites nobilissimos in exilium procul à suis Sedibus deportauerat, quos inter eminebat Eutyechius C-P. Nihil autem boni per illud ediſtum illatum Catholicæ Reipublicæ fuisse scribit Euagrius lib. 5. cap. 4. vbi ediſtum illud ad verbum recitat. Certum enim erat, Synodum V. non dogma recens de fide credendum proponere, sed de personis tantum quædam statuere, vt notat Gregorius Magnus inferiùs adducendus. Africani autem cum mitiùs secum agere nouum Principem cernerent, neq; in ediſto nominata tria capitula legerentur, publicarunt reuocata per Iustinum acta Synodalia V. Concilij statuta aduersùs Synodum Chalcedonensem. Et licèt hi pauciesent, nam ex superiùs dictis Episcopi Africani ad Iustiniani, ac Synodi sententiam accesserant, vicinos Hispanos hac sinistra opinione imbuerant, vnde non solù mea dixit Biclariensis, sed & S. Isidorus in Chronico Iustinianum ob tria capitula damnata repræhendit, & in catalogo Scriptor. Eccles. vbi de Theodoro Mopsuetheno, *Hunc, ait, Acephalorum Episcopi in præiudicio Chalcedonensis Concilij Iustiniano Principe compellente, damnare post mortem cum Iba, & Theodoro Episcopis censuerunt, dum constet cum laudabilium virorum & Simonij clarissimum Ecclesie Doctorem fuisse.* In Chronico verò, vbi de Iustiniano agit: *Iste, inquit, Acephalorum hæresim suscipiens omnes in regno suo Episcopos tria Chalcedonensis Concilij capitula damnare compellit.* Hinc in Synodis Hispaniæ, quæ eodem, & sequenti sæculo celebratæ sunt, nulla Synodi V. mentio facta est, vt eruditè notauit Lupus in comment. V. Synodi cap. 6. quæst. 3. Nunquam tamen Hispani ob illam controuersiam ab Apostolicæ Sedis communione se separarunt. Iustinus licèt plures Episcopos, quos Constantinopolim ad dicendam causam Iustinianus euocarat, dimiserit, eam tamen auunculi decretis reuerentiam exhibuit, vt Antistites, quos Iustinianus in exilium iusserat deportari, suis sedibus minimè restituerit. Eutyechius enim vsq; ad annum 577. exul apud Amasenum monasterium vitam degit. S. Isidorus scribit Victorem Tunonensem trium Capitulorum defensorem acerrimum in exilio mortuum: *Hic, inquit, pro defensione trium capitulorum à Iustiniano Augusto exilio in Ægyptum est transportatus, vnde rursus Constantinopolim euocatus, dum Iustiniano Imperatori, & Eutychio Constantinopolitana Urbis Episcopo eorundem trium capitulorum obtreſtatoribus resisteret, rursus in monasterium eiusdem ciuitatis mittitur custodiendus, atq; in eadem damnatione, vt dicitur, permanens moritur.* Victor vsque ad annum primum Iustini suum Chronicon perduxit, vbi ait: *Iustinus iunior Vigilantia sororis Iustiniani Augusti filius Patre Dulcissimo natus cum tranquillitate populi magna imperij sumit scepra.* Isidorus autem, vtraliàs notauimus, Tunonensis Chronicon exscripsit, quod Ioannes Abbas Biclarenſis, & Episcopus Gerundenſis vsque ad Mauricij imperium deduxerat.

S. I I I.

Iustinus Narsetem ex Italia reuocat. Schismatici Italiae sub Longobardis obstinatiores contra Synodum Quintam. Benedictus Papa pro Synodo pugnat. Iustino mortuo succedit Tiberius. De tempore imperij Iustini, Tiberij, ac Mauricij, itemq; Præture Urbanae, & Monachatus S. Gregorij Papæ disputatur.

Interea pessimo Iustini consilio Narfes Italiae reparator Constantinopolim reuocatur. Vnde non solum barbaris, sed & Venetis schismaticis animus creuit, ac paulò post nobilissima prouincia & Longobardorum bello, & Schismaticorum dissidijs afflictæ pessum iuit. Marius Auenticensis, qui sub id temporis vivebat, audiendus est in Chronico: *Anno secundo, inquit, consularis Iustini iunioris Augusti Indictione prima. Hoc anno Narfes ex Præposito, & Patrio post tantos prostratos tyrannos, idest Baduillam, & Teiam Reges Gothorum, & Bucelenum Ducem Francorum, nec non & Sindeualem Erolum, Mediolanum, vel reliquas ciuitates, quas Gothi destruxerant, laudabiliter reparatas, de ipsa Italia à superscripto Augusto remotus est.* Ex his liquet, minùs rectè Baronium existimasse, ante Iustini initia Narsetem ex Italia à Iustiniano reuocatum, quòd in Corippo legerat, sub initia imperantis Iustini Narsetem Ducem celeberrimum vnà cum Tiberio, alijsque Constantinopoli adfuisse. Canit Corippus describens inaugurationem Iustini.

*Armiger interea Domini vestigia lustrans
Eminet excelsus super omnia vertice Narfes
Agmina, & augustam cultu præfulgurat aulam.*

Vt non sit dubium, insert vir insignis ad annum 568. Num. 11. ipsum iam antea fuisse Constantinopolim reuocatum. Sed Mario illius temporis Scriptori credendum est. Porrò Narfes, de quo Corippus loquitur, erat Armenus, & ab Eunucho Narsete diuersus. Extat de viroq; Narsete egregium testimonium Procopij lib. 2. belli Got. Erat is, inquit, Narfes spado, & sacrarum largitionum Comes &c. Militum quatuor millia eum sequebantur, quibus sui in cohortes præfecti summe præerant, Iustinus Dux Illyricorum, & Narfes alter, qui ex Armenijs Persæ subditis ad Romanos transfugerat olim cum Aratio fratre. Hic postea Romanos exercitus summo cum imperio rexit sub Mauricio ex lib. 5. Simocattæ.

Anno 568. Italicae quieti infestis Numinibus Longobardi à Narsete, vt nobiles Scriptores prodidere, inuitati, Alboino Rege ductore in Italiam descendentes Aquileiam, ac vicina Venetiæ oppida vno ferè impetu occuparunt. Ita illarum vrbiùm Antistites à Romano imperio separati securiùs, atq; insolentiùs Synodum V. deinceps impugnarunt. Cæterùm periculosisimis temporibus Ioannes Pontifex animum non despondit, sed & Romanæ rei labenti opem ab Imperatore petijt, & Synodum V. defendit. Etenim ij, qui vrbiùm Antistites consecrabantur, in Synodi Quintæ decreta iurabant, ac fidei datæ chirographum ad Apostolicam Sedem transmittabant. Horum testis venit Gregorius lib. 3. epist. 2. ad Constantium: *Et quidem, inquit, si quid de tribus capitulis in quocunq; vel verbo, vel scripto nominatum est, bene fraternitas tua reminiscitur, quamuis decessor fraternitatis tuæ Laurentius districtissimam cautionem Sedi*

Apostolicæ remisit, in qua viri nobilissimi ex legitimo numero subscripserunt, inter quos ego quoque tunc Vrbanam praturam gerens pariter subscripsi. Et inferius epist. 37. ad eundem, cum accepisset ciues Brixie à Constantio exigere iuramentum, quo testaretur, se tria capitula minimè condemnasse, hæc scribit: Quod si decessor fraternitatis vestrae Laurentius non fecit, à vobis quæri non debet: Si autem fecit, cum vniuersali Ecclesia non fecit, & cautionis sue iuramenta transcendit. Sed quia eundem virum sua credimus sacramenta seruasse &c. Hæc quidem contingere Gregorio vrbanam praturam gerente, qua Iustino iuniori imperante ille perfunctus est. In Menologio Græco iussu Basilij Imperatoris edito hæc leguntur de Gregorio: Imperante Iustiniano factus est hic S. Gregorius Monachus in monasterio prope Romam. Hæc sanè falsò asseruntur; nam cum Longobardi Mediolanum cepere, nondum Laurentius Mediolanensem Ecclesiam regebat. Paulus Diaconus lib. 2. hist. Longob. cap. 25. scribit: Alboin igitur Liguriam introiens indictione ingrediente tertia tertio Nonas Septembris sub temporibus Honorati Archiepiscopi Mediolanum ingressus est. Indictio tertia inchoata est mense Septembri anno 569. At Gregorius sub Laurentij Episcopi initijs se Prætorem Vrbis fuisse testatus est. Honoratus Genuam cum plurimis clericis, ac ciuibus se recipiens paulò post diem obiit. Tunc duo electi sunt Mediolanensium Antistites; etenim exules apud Genuam Laurentium nominarunt circa annum 571. Mediolani verò meliori, ac maiori parte ciuium exulante, Fronro quidam veluti vacuum sedem occupauit, de qua re Ripamontius lib. 8. hist. Eccles. Mediolanen. & Vghellus in tabulis illius Vrbis Episcoporum. Tanta verò Mediolanensium multitudo Genuæ morabatur, vt postea Laurentio etiam mortuo S. Gregorius illis inconsultis nouum Præsulem eligi noluerit. Scribit lib. 2. epist. 30. Ioanni Subdiacono, qui nomine Sedis Apostolicæ noui Episcopi electioni interesse debebat: Genuam se proficisci necesse est; Et quia multi illic Mediolanensium coacti barbarica feritate consistunt, eorum te voluntates oportet conuocatis clericis in communi perscrutari &c. Quare anno 571. Laurentius ad Ioannem Papam cautionem transmisit, qua tria se capitula damnare iureiurando affirmabat, quam syngrapham cum alijs nobilissimis viris Gregorius tunc Prætor Vrbanius subscripsit. Summus Ecclesiasticorum annalium conditor in alicnam prorsus sententiam iuit de tempore, quo Gregorius Vrbanam praturam obiit; vnde respondere faciliè posset, Laurentium anno demum 581. mortuo æmulo Episcopo, cum solus Mediolanensium sacra regeret, cautionem ad Apostolicam Sedem transmisisse. Quæ sanè illius opinio est. Sed Laurentium, qui aduersus schismaticum Episcopum Apostolicæ Sedis fauorem quouis officio demerere studebat, adeo tardè cautionem Romam transmisisse, mihi nullatenus probatur?

Iustinus Imperator barbarorum exercitibus vndiq; lacessitus, aduersaq; valetudine confictatus, cum de successore cogitaret, neminem Tiberio viro strenuo, ac religioso imperio digniorem putauit. Quare Idibus Nouembris anni 574. Tiberium Cæsarem designauit, qui dies Iustino natalitius erat, eo enim post Iustinianum ad imperium euectus fuerat. Ita sentit magnus Chronologus Panuinius. At Chronicon Alexandrinum hæc habet: Hoc octauo imperij sui anno Septembri mense die VII. Octaua indictione morbo correptus Iustinus Augustus Tiberium Cæsarem creauit, nominauitq; illum Constantinum, & vixit cum eo

quatuor annos. Sed ex sanctione ad Theodorum de filijs colonorum &c. post Nouellas Iustiniani adhuc vno mense prior Tiberij electio adstruitur, nam sub-
 scribitur *Data Tertio Idus Augusti Constantinopoli Imp. D. N. Tiberij Constantini PP. Aug. anno VIII. & post consulatum eius anno tertio, & Nob. Fl. Tiberij Mauricij felicissimi Caesaris anno primo*. Verum Panuinij sententia potior est, nam ex la-
 pide Vaticano paragrapho superiori exhibito die 25. Octobris anno 577. erat Iustini XII. & Tiberij Caesaris annus tertius. Præterea in antiquissimo codice relato à Dandulo in Synodo Aquileiensi apud Gradi insulam coacta scribitur:
*Imperante Serenissimo Tiberio Constantino Augusto anno imperij eius quinto eodem Con-
 sule sub die tertio Nonarum Nouembrium Indictione 13*. Quare Idibus Nouembris
 anni 579. quo Tiberius erat Consul Indictione labente decimatertia, idem
 annum sextum inchoabat, vnde anno 574. mense Nouembri, vt rectè meus
 concius Panuinius docuit, Tiberius Cæsar appellatus est.

Ioanne Tertio defuncto Benedictus successerat, quo Pontifice Gregorium.
 Præturam vrbanam gessisse ante Pelagij II. initia satis solidè probatur. Baro-
 nius verò ex corrupto Euagrij textu Iustini, ac Tiberij annos vltra quadrienn-
 nium auget, vnde & in chronologia Gregorij lapsus est. Quare Principum il-
 lorum tempora nobis statuenda sunt, nam & Synodi schismaticorum inde me-
 liùs illustrabuntur, de quibus in sequentibus sermo instituendus est. Iustinum
 anno undecimo regni sui diem extremum clausisse scribit Biclariensis in Chroni-
 co, vt iam mirari desinam magnos viros Panuinium, & Sigonium obitum illius
 Imperatoris recitare ad annum 576. si qui tunc vivebant, minùs rectè annum
 obitus Iustini designarunt. Certum est anno 577. Iustinum superstitem fuisse.
 Narrat Eustathius Presbyter C. P. Sanctum Eutychium Patriarcham, mor-
 tuo Ioanne Scholastico à Iustiniano intruso, ab Imperatoribus Iustino, & Ti-
 berio iterum Constantinopolim summo cum honore reuocatum, cum duodecim
 annorum spatio, atque eo amplius in monasterio à se constituto mansisset. Cap. 44. vitæ
 eiusdem. Quare cum anno 565. die 24. Ianuarij expulsus fuerit, anno 577.
 sedi restituitur; sed annum nobile caractere idem Scriptor designat cap. 54.
Reuocatus autem est, inquit, die tertia mensis Octobris, quæ erat Dominica. Fuit an-
 nus 577. Cyclo Solis XXVI. Lunæ VIII. lit. C. quo anno tertia die Octobris
 Dominicum festum contigit. Ex his Baronij chronologia labitur, qui Euty-
 chium ab exilio reuocatum scribit anno 578. Corrigendus etiam Panuinius,
 qui in Chronico Ecclesiastico putat, Eutychium anno 576. rediisse. At eo
 anno reuocati Eutychij vixisse adhuc Iustinum affirmat Eustathius testis oculo-
 ratus cap. 53. *Illic enim erant, ait, pij Imperatores Iustinus, & Tiberius, qui hilari
 vultu & magno cum honore Sanctum virum suscipientes, quæ temporì conueniebant,
 collocti sunt &c.* Mortuus verò est Iustinus anno sequenti die 5. Octobris ex
 Chronico Alexandrino, & Theophane. Marius Auenticensis illorum anno-
 rum Scriptor ait: *A. XIII. consulatus Iustini Augusti Indict. XII. Eo anno mortuus est
 Iustinus Augustus, & successit Tiberius in loco eius*. Indictio XII. incæpit mense
 Septembri anno 578.

Cardinalis Baronius scribit Iustinum imperasse annos sexdecim, ac decessisse
 anno 582. Ibidem initio: Tiberium autem successorem solum imperasse an-
 nos quatuor, atque demum obiisse anno 586. Euagrius, qui sub Tiberio qua-
 storatum gessit, illum in hanc sententiam traxit, libro enim 5. cap. 23. hæc

tradit : *Sciendum est Iustinum iuniorem imperasse solum annos duodecim, menses decem cum dimidio. Cum Tiberio vero annos tres, menses undecim, in cunctis annos sedecim menses novem cum dimidio. Imperavit autem Tiberius solus annos quatuor. Sed planè corruptus est textus Euagrii, nunquam enim crediderim, Scriptorem insignem quadriennij integri metachronismo lapsum, cum suæ præsertim ætatis res literis mandarit. Tiberium anno 582. mortuum esse evidentibus testimonijs probatur, nam ex caracteribus cœlestibus, ac Paschalibus, qui certissimi sunt, hoc apertissimè demonstratur. Theophylactus Simocatta, qui Mauricij Imperatoris gesta descripsit, lib. 5. cap. 16. *Eo die, inquit, Sol penè totus est obscuratus. Annum imperij nonum (completum) agebat.* Nempe cum Mauricius per se ipsum vere ineunte exercitum in Auares duceret. Accidit hæc ecliphs die 19. Martij anno 592. Cyclo Solis XIII. lit. F. E. Nouilunium contigit Constantinopoli hora 10. 12. post mediam noctem; eam verò eruditè describit Petavius lib. 8. doctrinæ temporum num. 44. Quare si eo anno 592. die 19. Martij lapsus erat IX. annus Mauricij, cum mense Augusto idem Tiberio successerit, consequens est, ut initium eiusdem imperij contigerit anno 582. die V. Augusti ex Chronico Alexandrino. Hoc ipsum ex caractere Paschali demonstratur. Eustathius superius laudatus cap. 67. de vita Eutychij Patriarchæ scribit, eundem festo die Paschatis sacra mysteria in Ecclesia celebrasse, & vespertinas etiam ibidem preces soluisse; & statim addit: *Reversus igitur in Episcopium in lectulo suo decubuit, vehementique febre circa mediam noctem correptus est, atque ita mansit septem dies assidue precibus incumbens.* Postea cap. 69. ait circa nonam, aut decimam noctis horam obiisse. Græci in Menologio die 6. Aprilis S. Eutychij festum celebrant, eo etiam die Surius eiusdem vitam describit ex Eustathio, atque eo die obiisse dicit Theophanes: *Hoc anno die 6. Aprilis indictionis XV. Eutychius Patriarcha diem ultimum obiit, & post dies sex Ioannes magna Ecclesiæ Diaconus, qui Ieiunator dictus, consecratus est.* Anno 582. Paschatis festum contigit die 29. Martij Aureo numero XIII. Cyclo Solis III. lit. D. ergo eo die decumbens S. Eutychius septem dies ægrotans nocte sequenti iam iam illucescente die 6. Aprilis ad Superos transijt. Addit cap. 68. Eustathius: *Quatuor post mensibus à vita discessit Christi amantissimus Imperator.* Quod Tiberio, cum ægrotum inuiseret, S. Patriarcha prædixerat. Quare anno 582. mense Augusto obiit Tiberius teste Eustathio, qui tunc Constantinopoli degebant. Ex quibus constat falsò Holstenium scripsisse in diagrammate chronologico Pelagium II. misisse literas ad Aunacharium Antisiodorensē die 5. Octobris anno 582. Tiberij Augusti anno septimo, etenim ante duos menses iam Tiberius ad plures transierat. Rursus idem cap. 62. de S. Eutychio scribit: *Vixit posteaquam revocatus est, & in sublimem sedem restitutus annos quatuor, & menses sex, ut omnes vite ipsius anni fuerint septuaginta.* Capite verò 20. tradit eundem anno ætatis quadragesimo electum Antistitem. At Eutychius revocatus est anno 577. die 3. Octobris ex dictis superius, quare moritur anno 582. mense Aprili. Denique cum anno 552. Mennæ successerit anno ætatis 40. moritur anno 582. ætatis septuagesimo.*

Hic castiganda est palmaris hallucinatio Ricciolij, qui tomo 2. suæ Chronologiæ, ut vocat, Reformatæ in magno Chronico scribit: *Anno 582. Tiberius Imperator hoc anno, ut contra Baronium, & alios ostendimus lib. 4. chron. Ref. c. 13.*

n. 4. mortuus est die 14. Augusti, eique successit statim Mauricius. At in eadem versâ pagina postea subdit: Anno 586. Sanctus Eutychius moritur 6. Aprilis Dominica in Albis prædicta Tiberio Imperatori cum inuisenti morte post quatuor menses, in eiusque locum successit Ioannes Monachus cognomento Ieiunator &c. Moritur deinde Tiberius Imp. post quatuor menses circa medium Augusti, eique successit statim Mauricius. Quæ si vera essent, Scriptoris chronologiam non tantùm Reformatam, sed Theomathurgam dixerim, quæ hominem à quadriennio mortuum in vitam reuocat. In hanc tamen antilogiam Ricciolius incidit, quia alienis oculis, ac manibus posterius dicta è Baronij annalibus excerptis. Quod addit anno 586. Dominicam in Albis incidisse in diem 6. Aprilis, falsum est, accidit die 21. eiusdem mensis Cyclo Solis VII. lit. F. Sed nec mors Eutychij contigit Dominica in Albis, quæ fuit 5. Aprilis anno 582. sed post dimidium noctis post Dominicam in Albis hora 9. vel 10. Quare in Menologio die 6. Aprilis eius dies anniuersaria colitur; quæ enim à media nocte accidunt, sequenti diei deputantur ex A. Gellio lib. 3. Noct. Attic. cap. 2. Corrigendus est etiam meus Panuinius, qui Eutychij mortem succedente Ioanne Ieiunatore recitat anno 580. Tiberij verò mortem anno 583. cum vterque anno 582. obierit, ille 6. Aprilis, hic 14. Augusti ex Chronico Alexandrino, & Eustathio nobis sæpius laudato.

Hæc quidem abundè probant, Tiberium anno 578. Iustino successisse, anno verò 582. & imperium, & vitam reliquisse. Sed quia Baronius ad annum 602. in fine sexdecim tantùm annos Mauricio tribuit, quem certum est anno 602. occisum fuisse à Phoca ex Gregorio Magno, Abbate Biclariensi, tunc viuentibus, & Theophylacto Simocatta, qui familiariter vsus est ijs, qui sub Mauricio fuerunt, atque octo libris huius Imperatoris gesta ad posteros transmissit, hoc ipsum ostenditur. Simocatta lib. 8. cap. 4. scribit: Anno imperij Mauricij decimo nono nihil inter Romanos, & Barbaros gestum est. Vicesimo Petrum Prætorum Europæ declarauit. Biclariensis verò in chronico hæc habet: Mauricius regnat annos XX. Ergo Baronij chronologia quadriennium Mauricij Imperio aufert. Rursus lib. 2. epist. S. Gregorij mense Septembrio indiçt. X. est annus 591. narratur depositio Laurentij Archidiaconi Romani his verbis: Temporibus Pape Gregorij consulatus Mauricij Augusti anno septimo depositus est Laurentius. Baronius initio anni 590. scribit: Gregorius sui Pontificatus anno secundo septimum numerat annum imperij Mauricij. Annos consulatus pro imperij annis ille vsurpauit. Cæterùm Mauricius anno tantùm imperij altero inchoato consulatum accepit. Reddo laudati Simocattæ verba lib. 1. cap. 12. Agebatur annus Mauricij secundus, cum hyeme consul creatus consensu curru imperatorio summè conspicuus erat. Anno itaque 583. Consul fuit Mauricius, annus 584. dictus est Post consulatum Mauricij, sequens iterum post consulatum Mauricij; vnde VII. Post consulatum eiusdem est caractèr proprius anni 591. quo & secundus Gregorij, & indiçtio decima concurrunt à mense Septembri. Gregorius iniit Pontificatum anno 590. mense Septembri indiçtione 9. At si Mauricius anno 586. mense Augusto Tiberio successisset, septimus Imperatoris annus laberetur mense Septembri indiçtione 11, anno 592. Laurentius verò dicitur depositus: Mense Septembrio indiçtione decima, qui est annus 591. ac iuxta opinionem Baronij sextus Mauricij, vnde nec annos consulatus pro annis imperij accipiendo quic-

quicquam fundamenti habet in Gregorio Baronij opinio. Lego tamen eundem ad annum 591. Num. 17. hæc scribentem: *Quod autem audis id factum septimo Mauricij anno, intellige illum inchoatum hoc anno 591. mense Augusto.* Certè ab anno 586. ad annum 591. quinque tantum anni numerantur; non ergo septimus Mauricij anno 591. inchoari poterat. Rursus lib. 4. epist. 44. recitatur Synodus Romana sub Gregorio Papa, cuius est hocce exordium: *Regnante in perpetuum Domino Nostro Iesu Christo: Temporibus pijsissimorum, ac Serenissimorum Dominorum Mauricij Tiberij, & Theodosij Augustorum, eiusdem Domini imperatoris Mauricij anno tridecimo, indictione tridecima, quinto die mensis Iulij: Gregorius Papa &c.* Indictio XIII. mense Iulio labeatur anno 595. qui cum decimus tertius numeretur Mauricij, palam fit, hunc anno 582. Imperium suscepisse.

Eosdem verò annos imperij Mauricij inchoari ab anno 582. ex ipso Euagrio ostendo, nam vnum Euagrium cæteris omnibus tum Græcis, tum Latinis Scriptoribus vir illis præferendum dixit, quod ille sub Tiberio, & Mauricio vixit, atq; summa diligentia annos Iustini, ac Tiberij computare se pronunciauit. Is anno 594. opus in libros sex digestum terminauit. Libro tertio cap. 33. ait, se illa literis mandare *anno sexcentesimo quadragesimo primo.* Loquitur iuxta epocham Antiochenam, quæ æram Christianam annis 48. anticipat, quibus à dato numero detractis, habes annum 593. quo Euagrius librum tertium scribebat. Rursus lib. 4. cap. 29. tradit biennium post captam à Persis Antiochiam sub Iustiniano ea in vrbe pestiferum morbum exortum. Porro à Cosrohoe anno 540. capta est Antiochia, vnde anno 542. morbus erupit, *durans*, inquit Euagrius *annos quinquaginta duos. Quæ futura sint incertum est, at tamen eò tendent, quò placita Dei destinauerint.* Scribebat ergo illa anno 594. At in fine historię ait: *Hic esto mihi præsentis historię finis anno duodecimo Mauricij Tiberij Romani Imperatoris.* Anno igitur 582. imperium ex Euagrio Mauricius obrinuit. Baronius ex Photij codice XXIX. anno decimo legendum contendit. Sed Photius aperte scribit, *τὸς Βασιλέως Μαυρίου τὸς δώδεκας, imperij Mauricij anno duodecimo*; neq; enim *δωδεκα*, nempe decimum scripsit. Præterea testatur se finem libris illis imponere Ioanne Episcopo nouæ Romæ, Anastasio post annos 23. Antiochiæ restituto, & Ioanne Hierosolymitano mortuo vacante Sede. At Ioannes Constantinopolitanus Patriarcha mortuus est, non anno 596. vt putant Baronius, & Panuinius, sed anno 595. quarto Nonas Septembris ex Menologio Græco, quod legere potes in fine tomi 6. Italiæ Vghelli, cum sacram Ecclesiam ad annos tredecim menses quinque integerrimè gubernasset. Electus fuerat anno 582. die 12. Aprilis. Quare epistola 15. quam indictione 14. lib. 5. Gregorius Papa ad Ioannem mense Septembri perscripsit, mortuum eundem inuenit. Idem verò Gregorius anno 594. mense Iunio literas gratulatorias Anastasio Antiocheno ob reditum in urbem misit: Lib. 4. indict. 13. epist. 37. Quare Euagrius neq; ante annum 594. opus terminauit, cum Anastasium Sedi suæ redditum narret; neq; post Septembrem anni 595. quo tempore obiit Ioannes Ieiunator, quo tamen viuo ille scribebat. Ex Euagrio ergo habemus Mauricium anno 582. Tiberio successisse, qui cum solus annos quatuor eodem autore imperauerit, incæpit regnare mortuo Iustino anno 578. quæ est recta, & vera illorum Imperatorum chronologia. Ex his ab indocto quodam corruptum fuisse textum illum Euagrii intelligimus,

atq; expugnenda hæc de tempore imperij Iustini: *In vniuersum annos sedecim menses nouem cum dimidio*. Vel si eiusdem Euagrii integra supputatio est, semet correctore emendetur. Hæc fusiùs prosecuti sumus, vt posita semel Principum chronologia annus Synodi Aquileiensis, & tempus, quo Gregorius Magnus Vrbanam præturam gessit, ac dein Monachum induit, exactiùs statuere-
tur, ex quibus Romanam Sedem vel ante Pelagij II. Pontificatum tria capitula proscripsisse contra Halloix clarissimè demonstrabitur.

Indagandum iam tandem remanet tempus, quo S. Gregorius præturam Vrbanam gerens contra tria capitula iurauit. Anno 581. id contigisse docet Baronius A. eodem num. 5. Sed non ita est; nam Gregorius Tiberio imperante Apocrisarium Sedis Apostolicæ apud Principem egit, quo tempore cum Eutychio Patriarcha de palpabilis carnis resurrectione coram Imperatore litigauit. Rem ipse describit lib. 19. Moralium cap. 29. *Tunc itaque, inquit, de hac re in longa contentione perducti grauissima à nobis cepimus simulatione resiliare, cum pia memorie Tiberius Constantinus Imperator secretò me, & illum suscipiens, quid inter nos discordiæ versaretur agnouit*. Cum verò Eutychius 6. Aprilis 582. mortuus sit, ea dissensio ad annum 581. ad minùs retrahenda est, vt dici possit *ex longa contentione inter vtrumq; simulatio suborta*. Quare anno 581. Gregorius haut Prætorius Romanis dicebat, sed Pelagij legatus in regia vrbe versabatur. Idem Gregorius lib. 4. dialogorum cap. 47. de prodigijs, quæ in monasterio à se extructo contingere, verba faciens Merulam quendam sanctissimum Monachum obiisse scribit, additque: *Ad cuius sepulchrum dum Petrus, qui nunc monasterio meo præest, sibi sepulturam facere post annos quatuordecim voluisset, tanta, vt asserit, de eodem sepulchro illius fragrantia suauitatis emanauit, ac si illic florum omnium fuissent odora menta congregata*. Porro libri Dialogorum editi sunt à Gregorio anno 593. nam pestem, quæ Romam anno 590. affligerat, atq; Pelagium II. occiderat, à triennio accidisse memorat lib. 4. cap. 26. & 36. & Maximianum Episcopum Syracusanum, qui ex literis Gregorij ad Cyprianum lib. 4. epist. 19. obiit indictione XIII. mense Nouembri, lib. 3. cap. 36. *nunc Syracusanum Episcopum dicit, & lib. 1. cap. 7. de eodem ait: Nunc usque superest*. Iam verò etiam si demus miraculum illud ad Meruli sepulchrum accidisse eo ipso, quo scribebat anno 593. quod tamen antea patratum fuisse longè probabilius est, per annos quatuordecim retrocedentes venimus ad annu 579. Quare si eo anno iam constructum erat Gregorij monasterium, ac viris sanctitate illustribus florebat, dicendum videtur triennium ad minus effluxisse, ex quo Gregorius Vrbanam præturam gerebat, ea enim perfundus est viuente adhuc genitore, quo mortuo sex in Sicilia cœnobია, vnumq; insuper Romæ in paternis ædibus construxit, vbi Monasticam professus est; quæ non tam citò contingere, quin ad minùs sub Benedicto Papa illa accidisse videantur. Certè cum ex Ioanne Diacono, qui vitam Gregorij scripsit, hic in monasterio S. Andreæ Hilarione, ac Maximiano Magistris monachi vitam egerit, ac postmodum Abbas fuerit, quæ inter precum officia recitat Ecclesia in festo Gregorij, aliquot annos in cœnobio vixit. Profectò libro 3. Dial. cap. 33. de Eleuthero Abbate dicit: *Diu mecum est in hac Vrbe in meo monasterio conuersatus*. Diu ergo ille in monasterio vixit. Quare in eam sententiam relabor, vt existimem anno 571. Gregorium Vrbanam præturam obiuisse, quo anno Laurentius

novus Mediolanensium Antistes cautionem de tribus capitulis damnandis Romanam ad Ioannem transmisit. Etenim non illam misit mortuo æmulo Frontone anno 581. tunc enim, ut euidenter probatum est, Gregorius Constantinopoli Apocrifarius morabatur, quare id illum executum colligimus, cum primum Mediolanensium sacris præfectus est; nam eo tempore talem cautionem ab Episcopis exigi solitam testatur Gregorius lib. 3. indiç. 12. epist. 2. ad Constantium ubi ait: *Quamvis decessor fraternitatis tue Laurentius districtissimam cautionem Sedi Apostolica remisit, in qua viri nobilissimi ex legitimo numero subscripserunt, inter quos ego quoque tunc Urbanam præturam gerens pariter subscripsi. Quia postquam talis scissura pro nulla re facta est, iustum fuit, ut Sedes Apostolica curam gereret, quatenus unitatem universalis Ecclesie in Sacerdotum mentibus per omnia custodiret.* Vides ergo à nouis Episcopis transmitti solitam cautionem, qua tria capitula ciurabant. Illam ergo Laurentius misit anno 571. & sub id temporis rectius Gregorij urbana prætura statuitur. Quare teste eodem Pontifice à Pelagij I. temporibus, quando in Italia ob tria capitula plerique Episcopi à Romani Pontificis communione discesserant, dum quisque novus Antistes eligebatur, scripto tria capitula damnabat, ac ad Romanum Pontificem chiographum trans mittebat, ut iam Halloix apertè falsitatis reus habeatur, qui Benedictum, ac Ioannem decessorem tria capitula minimè damnasse, affirmare non dubitauerit. Annus, quo Gregorius Monachum induit, certus figi non potest, attamen post annum 571. id accidisse ex dictis liquet. Cum verò ex recitato miraculo ad sepulchrum S. Meruli anno 579. Gregorij monasterium viris sanctitate illustribus floreret, intra illud septennium Monachatus eiusdem initia statuenda veniunt. Interim mihi planè certum videtur, Gregorium à Pelagio Secundo & Diaconum, & Apocrisarium ad Tiberium electum fuisse; etenim in præfatione ad libros Moralium hæc ait: *Eo quoque tempore, quo ad ministerium altaris accessi, hoc de me ignorante me, actum est, ut sacri ordinis pondus acciperem, quatenus in terreno palatio licentius excubarem.* Eo igitur consilio à Pelagio Diaconus factus est, ut ad Tiberium Apocrisarius mitteretur, nam Diaconi eo munere iuxta antiquam consuetudinem fungebantur teste eodem Gregorio lib. 11. epist. 34. ad Phocam Augustum.

S. IV.

Schismaticorum Episcoporum Synodus apud Gradum cogitur. Pelagius II. literis, dein per Smaragdum Exarchum eosdem compescere conatur. Plurimum Scriptorum de Patriarchis Aquileiensibus Schismaticis dicta corriguntur. Pelagium Vigilij Constitutum nouisse contra Halloix demonstratur.

Benedictus exacto in Pontificatu quadriennio ad superos transijt. Succedit alter Pelagius, cuius initia Holstenius post Sigonium, ac Panuinum in diagraphmate laudato ponit anno 579. die 9. Nouembris. Non assentior; nam anno 579. die 18. Februarij scripsit Pelagius ad Heliam Antistitem Aquileiensem, & anno eodem tertio Nonas Nouembris idem Pelagius sedebat ex actis Synodi Gradenfis, ut mox patebit. Sed neque anno 577. initia Pelagij statui possunt cum Baronio, quia Abbas Biclariensis, qui tum temporis vivebat,

bat, annos XI. illum sedisse scribit: quod etiam antiqua manu infartum lego Chronico Tunonensis perperam ad annum 37. Iustini. Obijt autem Pelagius die 8. Februarij 590. Anno ergo 578. Pelagius fit Pontifex. Vniuersa Italia Synodum V. receperat. Soli Transpadani, Istri, ac Veneti, eidem refragabantur, quod eo securius faciebant, quòd sub Longobardorum imperio debebant: vnde contra Romanum Pontificem pro tribus capitulis acerrimè diu ab ipsis pugnatum est.

Paulinus, quem literis ad Narsetem datis Pelagius I. insecutus fuerat, capta à Longobardis Aquileia sacram omnem supellestem in Gradi insula, quæ propè urbem in æstuarijs sita est, seruandam curauerat, illo verò mortuo, atque eiusdem successore Probino intra annum extincto, Helias Archiepiscopus renunciatus fuerat. Hic cum Aquileiæ inter Christianæ rei insensibilissimos hostes haud tutò se degere posse animaduerneret, Pelagium II. rogauit, vt Metropolitanam sedes Gradum transferretur, vbi & templum Martyri Euphemie sacrum ædificarat. Pelagius tum vt initio Pontificatus Schismaticorum Principem collatis beneficijs erga Apostolicam Sedem reuerentiorum faceret, tum quòd sub Romano imperio viuentem faciliùs ad obedientiam reuocari posse intelligebat, Helie precibus annuit delegato etiam Laurentio Presbytero, qui cum literis Pontificijs Synodo prouinciæ ea de causa celebrandæ suo nomine adesset. Coacta est Synodus apud Gradum die 3. Nouembris anno 579. Illam recitat Dandulus in historia Veneta MS. eamque refert Vghellus tomo 5. Italiæ sacræ in tabulis Aquileensium Patriarcharum, cuius hoc legitur initium: *Imperante Serenissimo Tiberio Constantino Augusto anno imperij eius quinto eodem consule sub die 3. Nonarum Nouembrium Indictione 13.* Sunt nobiles characteres, quæ fasti Panuinij, & aliorum corriguntur; nam ex præmissa dissertatione Chronologica constat annum illum esse 579. nostræ Epochæ. Panuinius tamen anno 580. Tiberij consulatum ponit, sed anno superiori priùs Consulatum fuisse constat ex Chronico Alexandrino, vbi habemus hæc ipsa: *Indictione XII. Tiberij I. Tiberio iuniore Constantino primum Consule.* Qui cum anno 578. Iustino successerit, anno nouo consulatum iniuit. Hoc ipsum patet ex subscriptione Tiberij paulo ante mortem Maurício iam ad imperium vocato; in qua scribitur: *Post consulatum eius III.* quæ posita est §. præcedenti. Cum verò decretum illud emissum sit anno 582. palam est, anno 579. Tiberij consulatum recitandum. Præterea tertio Nonas Nouembris labeatur annus V. Tiberij, quod optimè inscriptioni superius positæ quadrat. Ex hoc etiam codice Synodali Baronij sententia de longiori Iustini imperio refellitur, ac Pelagij tempora meliùs innotescunt.

Lectæ est epistola Pelagij Papæ, cuius in his verbis summa continentur: *Quapropter vestro compatiētes motori necessitudinem, imò etiam rabiem furentium dependentes Longobardorum, inclinati precibus vestris per huius præcepti seriem superscriptum Castrum Gradense totius Venetiæ cum omnibus vestra Ecclesiæ pertinentiis etiam Istriæ Metropolitim perpetuò confirmamus.* Dicitur epistola data *XII. Kal. Martij Imperatore Tiberio II. Augusto.* Lectis literis acclamatum ab omnibus: *Exaudi Christe, Pelagio vitam: omnes vno consensu Sanctissimi Pelagij præceptionem, & vestram sequimur confirmantes sententiam.* In fine verò Epiphanius iussus est, Patrum decreta legere, statimque definitio fidei Synodi Chalcedonenlis lecta est, pro

illa enim Synodo Antistites illi mordicus stabant. Episcopi subscripti non eodem modo in laudato codice Danduli, & in MS. Barberinæ Bibliothecæ num. 247. quod apud eundem Vghellum in tabulis Gradenibus legitur, exhibentur.

Helias S. Ecclesiæ Aquileiensis Episcopus his gestis subscripsi.

Laurentius Presbyter Apostolica Sedis Legatus.

Marcianus Episcopus S. E. Opiterginae.

Leonianus Episcopus S. E. Teboricensis.

B. Leonianus Tiborniensis.

Petrus Episcopus S. E. Altimatis.

Vindemius Episcopus S. E. Cenetensis.

Clarissimus Episcopus S. E. Colicane.

B. Clarissimus Concordiensis.

Patritius Episcopus S. E. Hemonensis.

B. Petrus.

Maxentius Episcopus S. E. Iulienfis.

B. Velienfis.

Seuerus Episcopus S. E. Tergestinae.

Solatus Episcopus S. E. Veronensis.

Joannes Episcopus S. E. Parentinae.

Aren Episcopus S. E. Auentiensis.

B. Auoricensis.

Marcianus Episcopus locum faciens viri beatissimi Ingenuini S. E. Sedestinae.

Virgilius Episcopus S. E. Scarauasiensis.

B. Carauasiensis.

Fonteus Episcopus S. E. Feltrina.

Ingenuinus Episcopus secunda Rhetia.

In codice Eminentissimi

Agnellus Episcopus S. E. Tridentina.

Barberini hi quinque

Marcianus Episcopus S. E. Petenensis.

insuper numerantur.

Joannes Episcopus S. E. Celeiane.

Extat in Bibliotheca Vaticana codex Num. 3922. in quo pag. 24. iidem Episcopi cum actis eiusdem Synodi recitantur. Illi autem Antistites Aquileiensis Metropolitæ subiecti erant, cuius amplissima erat iurisdictio, nam à Pannonia Secunda vsque ad Abduam in Insurbria extendebatur. Continebat Rhætiam II. cuius metropolis Sabio, ubi erat Episcopus S. Ingenuinus: Noricum, cuius primaria vrbs erat Tiburnia ad Dravum, quod patet ex vita S. Seuerini Noricorum Apostoli, Teurnia Plinio lib. 3. cap. 24. quare Leonianus Tiburniensis dicendus venit. Denique complectebatur Istriam, Forum-Iulium, ac Venetiam, quæ prouinciæ vno Istriæ nomine id temporis, ac in Sexta Synodo vulgè appellabantur. Virgilius Scarauasiensis in Pannonia Episcopus fuit, hinc puto legendum *Scarabantiensis*, quæ vrbs non procul à Danubio propè lacum sita erat, & in Norico ponitur à Plinio proximè laudato. Huius vrbs ciues olim S. Quirini Episcopi corpus Romam detulere ex Surio die 5. Iunij in vita eiusdem. Ex his Aquileiensis Metropolitæ diocesis amplitudo patet. Maxentius rectè in codice Danduli scribitur Episcopus Iulienfis, nam & hoc pacto inscriptus legitur in pseudosynodo Maranensi. Palladius lib. 1. rerum Foro-iulensium scribit, hunc Maxentium fuisse Vtinensem Episcopum, tunc enim Vtinum, inquit, Iulium, seu Foro-iulium promiscuè dicebatur; addit sedisse eundem statim post Asterium, qui interfuit Synodo Romanæ sub Hilario Papa, cuius decessor fuit Theodorus Foro-iulienfis, ad quem extat Leonis Papæ epistola 89. Hæc profectò à vero exorbitant. Nam Theodorus ille, ad quem scribit S. Leo, fuit Episcopus Foro-iulienfis in Gallia: est autem Foro-iulium

lium in Prouincia Narbonensi, Octauianorum olim colonia Plinio memorata
 vrbs lib. 3. cap. 4. quam veterem, & illustrem coloniam vocat Tacitus initio
 vitæ Agricolaë fœceri, qui eandem urbem habuit patriam. Idem verò Theo-
 dorus cum Lerinensibus Monachis litigauit, vnde celebrata est sub Rauennio
 Synodus Arelatenfis. De hoc Theodoro alia diximus lib. 2. hist. Pelagianæ
 cap. 3. & 11. Asterius Theodori successor viuebat tempore Synodi ab Hilario
 Papa celebratæ anno 465. *Basilio, & Herminero Coëp.* nam eandem subscrip-
 sit, vt ex actis patet. Quomodo ergo huic immediatè successit Maxentius,
 quem post centum & quatuordecim annos sedisse certum est? Foroiulium in
 Italia erat in diœcesi Episcopi Aquileiensis, neque vnquam Episcopum habuit
 ab Aquileiensi Metropoli distinctum, vt mox ex Paulo Diacono Foroiulien-
 si ostendam. Theodorum verò vti suffraganeum Metropolitæ monet S. Leo:
Solitudinis quidem tue is ordo esse debuerat, vt cum metropolitano tuo primitus de eo,
quod querendum videbatur esse, conferres. Maxentius erat Episcopus Iulij Carni-
 ci. *Iulenses Carnorum* Plinio dicti lib. 3. cap. 19. nunc *Zuglio* dicitur tribus
 M. P. supra Tolmetium oppidum. Paulus Diaconus libro 6. de gestis Longo-
 bardorum capite 51. de Fidentio Episcopo scribit: *De Castro Iulensi cum voluntate*
superiorum Ducum intra Foroiuliani castrum muros habitauit, ibique sui Episcopatus
sedem statuit. Ex quibus patet Iulium, & Foroiulium haud fuisse vnā, ean-
 demque Urbem, vt putabat Palladius. At Callistus Patriarcha Aquileiensis,
 qui tunc Cormonæ residebat, indignatus, inquit idem Diaconus, quod in eius
 diœcesi cum Duce, & Longobardis habitaret Episcopus, vi Fidentium expulit. Ita-
 que Foroiulium erat in diœcesi vrbana Antistitis Aquileiensis, ad quam vr-
 bem Iulio Carnico destructo permittentibus Ducibus Longobardis Fidentius
 se receperat; atque etiamnum Forum-iulium est in diœcesi Patriarchæ, neque
 vnquam proprium Episcopum habuit. Fuit autem Foroiulium vrbs prouin-
 ciæ quondam primaria, ac Principum sedes. Cluuerio, Sabellico, alijsque do-
 ctioribus est *Ciuidal di Friuli* ad Natifonem. At Henricus Palladius lib. 4. re-
 rum Foro-iulien. contendit, Vtinum esse Forum-iulium. Mihi tamen hæc opi-
 nio probari nequit, nam Paulus Diaconus ciuis Foroiulienfis lib. 5. de gestis
 Longobardorum cap. 23. de Sclauis scribit: *Congregata valida multitudine vo-*
luerunt super Foroiulianorum castrum irruere. Et venientes castra metati sunt in loco,
qui Broxas dicitur, non longè à Foroiulio. Cum verò Wëctaris Dux prouinciæ cum
 paucis contra barbaros moueretur, ait: *Quem Sclauis cum paucis venire conspicien-*
tes irriserunt, dicentes, Patriarcham contra se cum Clericis aduentare. Qui cum ad Pon-
tem Natifonis, qui ibidem est, ubi Sclauis residebant, propinquasset, castrum sibi de
capite auferens, vultum suum Sclauis ostendit. Ex his constat, Vtinum non esse
 antiquum Foroiulium, longius enim abest à Natifone. De quo tamen nolo
 cum Vtinensibus, quos sacras apud ipsos conciones habens anno 1668. mei
 amantissimos sum expertus, in præsentis litigare. Clarissimus Episcopus Ec-
 clesiæ Celicanz, in MS. Barberino Concordiensis appellatur, ego quidem
 Celinanz legendum arbitror, etenim Concordia ab Attila funditus euerfa,
 huius vrbs Episcopus Celinam se contulit. De hoc oppido, quod in diœcesi
 Concordiensi nobile fuit, agit pluribus Cluuerius lib. 1. Italiz antiquæ cap.
 18. Apud Maniacum in lapide *Celimeses* inscribuntur. Reliquæ vrbes, quarum
 Episcopi in memorata Synodo leguntur, notissimæ sunt, vnoque aspectu vi-

deri possunt in tabula Cluuerij laudati cap. 16. itemq; de illis agit Vgnesio tomo 5. Italiae sacrae. Nonnulli etiam illorum Episcoporum memorantur Paulo Diacono in historia Longobardica. Agnellus Tridentinus ab Agilulpho legatus missus fuit ad Francorum Regem lib. 4. cap. 1. Libro vero tertio cap. 27. quinque ex iisdem nominat, itemq; alios tres, sed textu plane corrupto, ut paulò post nobis adnotabitur.

Hæc itaq; Synodus Metropolitanam Sedem Aquileiensem Gradum transiit apud Ecclesiam S. Euphemie ab eodem Helia in ea insula extructam. Cæterùm in hac Synodo contra V. Concilium Schismatici Episcopi iterum iurarunt vano eo prætextu, ne Synodus Chalcedonenfis læderetur. In laudato enim Chronico Aquileiensi ita legitur: *In qua Synodo quicquid de Chalcedonenſi Concilio dubitabatur, pulsa dubitatione confirmatum est.* Et apud Dandalum habemus eos Episcopos demonstrata Synodo Chalcedonenſi subscripsisse. Has vices Apostolicæ Sedi retulere, quæ dum nouo fauore Sedem Metropolitanam procul à barbarorum incursionibus tutiori loco reponi concedebat, specioso illo titulo Synodi Chalcedonenſis defendendæ veluti per cuniculos ab ingratis impetebatur. Certè eo beneficio Schismaticis collato nihil Pelagio peractum est. Ex illa autem Sedis translatione factum est, ut Metropolita promiscuè Aquileienses, vel Gradenſes dicerentur; ita S. Gregorius Seuerum Helia successorum Episcopum *Aquileiensem* dixit lib. 1. epist. 16. *Gradiensem* verò lib. 11. epist. 38.

Posthac Tiberio Principe Orthodoxo, ac religiosissimo Persico bello occupato, atq; anno 582. defuncto, Schismatici periculosis temporibus in rebellionem perseuerarunt. Etenim Longobardi in dies imperium per Italiam protendebant, neq; Exarchi à Mauricio Imperatore in Oriente bellum gerente eas suppetias accipiebant, queis hostium vires frangere, aut sustinere saltem possent. Schismatici, quòd sub Barbarorum imperio vivebant, securius in errore perseuerabant; pauci verò Episcopi, qui maritimis Istriae Urbibus præerant, haud vi ad obedientiam cogi poterant, ne ad proximos Longobardos rebellarent. Denique cum anno 586. Longobardi Francorum Regis cum validissimis copijs aduentum reformidantes inducias cum Flauio Smaragdo Exarcho statuissent, Pelagius Pontifex, quod iam diu in votis habuerat, tandem adnixus Schismaticis ad Ecclesiam reducendis manum admouit. Itaque Redemptum Episcopum, vnàq; Quodvultdeum Abbatem ad eosdem Legatos cum literis misit, ut rogati ad pacem venirent. Erat Redemptus Episcopus Ferentinus laudatus à S. Gregorio lib. 3. Dialogorum cap. 38. & paulò post hanc legationem decessit, nam à septennio illum obiisse scribit, cum dialogos exararet, quos constat ex dictis anno 593. ab eodem conscriptos esse. Porro literarum Pelagij hæc erat inscriptio, exordiumq; *Dilectissimis Fratribus Elia, alijsq; Episcopis, cunctisq; filijs in Ecclesia Istriae partibus constitutis Pelagius Episcopus S. E. Catholice Urbis Roma.* Quòd ad dilectionem vestram fratres, filijq; charissimi nostra tardius scripta dirigimus, non maleuolæ voluntatis, aut dissimulationis, vel negligentia fuisse credatur, sed, sicut nostis, temporalis qualitas, & hostilis necessitas hactenus impedivit &c. Postea ergo quam Deus omnipotens pro felicitate Christianorum Principum per labores, & sollicitudinem filij nostri Excellentissimi Smaragdi Exarchi, & Chancellarij sacri palatij pacem nobis interim, vel quietem donare dignatus est,

cum omni sollicitudine festinamus presentia ad vos scripta dirigere hortantes, & obsecrantes, ne in diuisione Ecclesie ulterius quisquam studeat permanere &c. Pluribus inculcat in sola unitate fidei procul à schismate homines saluari posse, deinde concludit: Si quid forte cause est, unde vestri scandalizati animi videantur, manentes in unitatis charitate, eligite de fratribus, ac filijs nostris, quos ad nos inquirendo, de quibus mouemini, transmittere debeatis, & parati sumus secundum præceptionem Apostolicam, & cum charitate eos suscipere, & cum humilitate ad placitam satisfactionis reddere rationem, & sine impedimento aliquo cum omni dilectione, quando reuerteretur voluerint, voluntate sincerissima relegare. Quo anno datæ sint hæc literæ, non indicatur, sed ex inducijs à Smaragdo stabilitis anno 586. scriptæ intelliguntur.

Helias, ac collegæ Pelagij legatione audita tantum abest, vt à diuturno schismate discesserint, quin potius Apostolicam Sedem non minis, sed precibus secum agere animaduertentes, ac proinde in superbiam elati suos & ipsi eum literis Nuncios Romam miserint, execrabili superbia mandantes, vt literis Papæ datis, ne verbum quidem supra adderent. Non despondit animum Pelagius, sed quò aberrantes oues ad Domini caulam reuocaret, iteratò ad eosdem scripsit. In ijs autem literis de Istorum ad se missis nuncijs ita fatur: Scripto nobis quasi capitulare, vel interdictum potius ostenderunt, nihil inuinctum sibi à vobis aliud asserentes, nisi vt vestre tantummodò essent portatores epistole, in qua tamen nullam rationis satisfactionem quæsisse vos legitur, sed velut iudicatum quid expressisse. Adeo superbe cum Apostolica Sede illi Episcopi agebant, quasi iam supremi essent Ecclesiæ iudices. Porro eorum vecordiam, ac tumorem perstringens Pelagius ait: Nolite ergo amore iactantia, quæ superbie semper est proxima, in oblationis vitio permanere, quando in die iudicij nullus vestrum excusare se valeat, & neq; THEODORVS MOPSVSTENVS neq; Iba epistola, quæ ab aduersarijs est prolata, ante tribunal tanti Iudicis vobis valeat subuenire. Hortatur iterum, vt suorum quosdam Romam mittant omnium rationem lucidissimam percepturos, vel si eos itineris incommoda remorantur, Rauennam saltem quosdam delegent, & illic, inquit, Rauennæ fiat congregatio Sacerdotum, quò nos etiam, qui loco nostro intersint, diuinitate propitia dirigamus, à quibus satisfactionem plenissimam capiat, ne amplius anime simplices diuisæ à S. Ecclesia pro superfluis questionibus tam longa oblatione remaneant, nec per vos, quos Dominici gregis decet esse Pastores, quæ à septis Ecclesiasticis euagantes rapacis lupi dentibus consumantur. At illi & factum defendere, suamq; stultitiam Pelagio instillare longiori epistola pertentarent. Quare benignissimus Pater tertio iam tandem rebelles filios prolixa satis ad eosdem data epistola monere non destitit, in qua lacrymabundus hæc præfatur: Dum nihil apud vos reperi admonitionis meæ verba proficere, flens, gemensque cum propheta cogor exclamare, curauimus Babylonē, & non est sanata &c. Pensate quæso hoc, quod dicere nisi singultu interrumpente non valeo, longo diuisionis sensu quanto mentis frigore fraternitas vestra torpuerit, quæ nec conficta recalescit. Deinde Synodum Chalcedonensem, quòd ad fidei decreta spectat, nihil per Conciliū V. læsam ostendit, idq; ex S. Leonis epistolis probat. Apostolicam Sedem fateretur initio per Vigilium Papam noluisse tria capitula damnare, quæ tamen causa postea diligentius discussa Vigilio eodem Authore proscripsit; ibique Theodorum hæreticum ex SS. Patribus ostendit, ac Theodoretum libros contra

tra S. Cyrillum, itēq; epistolam Iba omnino damnandam esse demonstrat. Illud verò quàm maximè Pelagio displicebat, quòd Istri Episcopi ab Apostolica Sedis communione se suspenderant, contra quam etiam *interdictum* teste eodem publicarant. Quare in hisce postremis literis grauiissimum eorundem crimen arguens ait: *Cur non ad memoriam pro vnitatis seruanda B. Augustini dictum* *reducitur? qui dum de vunico baptismo loqueretur, idcirco Cyprianum Martyrem, qui* *de iterando baptismo scripserat, defunctum perhibuit, quia licet prauum quid senserit,* *nunquam tamen se à totius Ecclesie communione suspendit.* Has literas Pelagij Papæ scriptas fuisse à S. Gregorio author est Paulus Diaconus lib. 3. de gestis Longobardorum cap. 20.

Sed ne hilum quidem profecit Pelagij patientia diuturnior. Quare cum surdis se canere intelligeret, abiecto calamo armata manu cum Schismaticis agendum ratus Smaragdum Exarchum contra eosdem per literas concitauit, qui Pontificis iussa impigrè executus minaces ad Heliam, reliquosq; qui sub Imperatoris potestate erant, literas dedit obedientia erga Apostolicam Sedem imperata. At illi coacta Synodo Oratores ad Mauriciū mittere decreuerunt, à quo etiam, ne quid molestiæ ipsis inferretur, subdola statim arte impetrarunt. Hoc tradunt Schismatici in libello ad eundem Mauriciū sub Gregorio Papa transmissio: *Dum Smaragdus, inquit, gloriosus Chartularius Patrem nostrum sanctæ mem. Heliam Archiepiscopum Aquileiensis Ecclesiæ pro causa ipsæ pluribus vicibus contristaret, cum nostrum omnium consilio, atq; consensu direxit ad pia vestigia principatus vestri preces supplicans, ut expectata Dei misericordia, reuocatis omnibus consecratisq; Synodi nostre in potestatem sanctæ Republicæ, ad vestra clementie presentiam veniretur, & vestrum in ipsa causa expectaretur iudicium, quod pietas vestre mansuetudinis ad mercedem, & laudem imperij sui clementi dignatione suscipiens, inuisionem suam dedit ad prædictum gloriosum Smaragdum, ut nullatenus quæquam Sacerdotum pro causa communionis inquietare presumeret.* Ita stultissimi Episcopi (hoc enim nomine eos S. Gregorius fugillat) ad profanum Principis tribunal fisci volebant. Quare Mauricius Smaragdo, nequid noui contra Schismaticos moliretur, iniunxit, ne prouinciæ illæ à Barbaris vexatæ nouis tumultibus importuno prorsus tempore implicarentur. Cæterum paulò post Heliam decessisse idem affirmant, cui in Synodo sufficitur Seuerus Rauennas. Paulus Diaconus citatus ita scribit: *Pelagius Helie Aquileiensis Episcopo nolenti tria capitula Chalcedonensis Synodi suscipere epistolam satis utilem misit, quam D. Gregorius, cum adhuc esset Diaconus, conscripsit.* Qui sanè author rem ignorauit. Helias etiam pro tribus capitulis Synodi Chalcedonensis tutandis schisma fouebat. Hinc planè vulgata apud Scriptores rerum Foro iulienſium de Helia opinio reiſcienda est; etenim in Manichæorum illum hæresim delapsū finigunt, indeq; Pelagij Papæ literis reuocatum, quod in elogio in aula Patriarchali Vtini eidem Helie inscripto etiamnum legitur, quam Manichæam hæresim Helia quoque successori Seueri perperam affricant, vt mox apparebit.

At Smaragdus, cum accepisset Seuerum pro tribus capitulis acerrimè depugnare, veritus ne & vicinas regiones schismate inficeret, cum Istriæ Vrbes inuaderet, classem ad Gradum appulit, Seuerum in Ecclesia cepit, ac militari licentia iniurijs, ac verberibus lacepsitum secum Rauennam deduxit, ubi eam Ioanne Archiepiscopo tria capitula damnare coactus fuit. Sigonius lib.

1. de regno Italiæ ad annum 586. Panuinius lib. 5. Antiquit. Veronen. cap. 9. Rubeus lib. 4. hist. Rauennat. eosque secuti Recentiores Palladius lib. 1. hist. Foroiulien. Vghellus tom. 5. Italiæ sacræ in tabulis Patriarcharum Aquileiensium scribunt, Seuerum Rauennæ Ioanne Episcopo cogente Manichæorum hæresi nomen dedisse: Ioannem, illum inquam Antistitem doctissimum, cui & S. Gregorius Magnus libros de cura Pastoralis statim Pontifex nuncupauit, ac tot literas dedit, eiusq; morti se indoluisse testatus est lib. 4. epist. 23. tanto crimine infamantes. Sinistra illa opinio ex Pauli Diaconi errore proximè memorato effluxit. Cæterum vnà cum Seuero Rauennam deportati etiam fuerant tres alij Episcopi Ioannes Parentinus, Seuerus Tergestinus, ac Vindemius Cenetensis ex Chronico M.S. Aquileiensi, qui anno 579. Synodo sub Helia apud Gradum interfuere, & hi quoq; tria capitula damnarunt. Hic Pauli Diaconi textus corrigendus est, quicum lib. 3. cap. 27. dicat tres Episcopos cum Seuero Rauennam deductos, postea in fine capituli editionis Grotij eos veluti quinque recenset hoc pacto: *Seuerus, Parentinus, Ioannes Parentinus, Vindemius, ac Ioannes*; nam ita prorsus legendum est: *Seuerus Tergestinus, Ioannes Parentinus, Vindemius*. Idem verò Scriptor ibidem ait de Smaragdo, vi illos in Ioannis Rauennatis sententiam adegisse: *Quibus*, inquit, *comminans exilia, atq; violentias inferens communicare compulsi Ioanni Rauennati Episcopo trium capitulorum damnnatori, qui tempore Vigilij, vel Pelagij à Romana Ecclesiæ descinerat societate*. Ita Catholicum Episcopum, ac Romanæ fidei vindicem ab historici ignorantiam ab Apostolica Sede rebellem fingit. Hinc deceptus Petrus de Natalibus Episcopus Equilinus lib. 3. de vitis Sanctorum cap. 86. Ioannem Rauennatem Hæreticum, Schismaticos verò *Sanctos Episcopos* nuncupauit. De hac Seueri captiuitate hæc scribunt Schismatici ad Mauricium: *Post hoc ordinato in Sancta Aquileiensi Ecclesia beatissimo Archiepiscopo nostro Seuero, quæ contumelia illata sint, & quibus iniurijs, ac cede corporali fustium, & qua violentia ad Rauennatem ciuitatem fuerit perductus, atq; reductus in custodiam, quibusue necessitatibus oppressus, atq; contritus fuerit, potuit ad Domini nostri pijs aures sine dubio peruenire*. Ex quibus patet, errare Sigonium dum scribit, Smaragdum ob captum, vexatumq; Seuerum à Mauricio ex Italia reuocatum dato eidem successore Romano Patricio, nam Schismatici hoc minimè reticuisissent, neq; an factum Imperatori innotuisset, subdubitassent. Manuscripta Aquileiensia Smaragdum vti sacrilegum à Damone inuasum fuisse comminiscuntur, hæc enim Schismatici publicabant, quæ plebem in errore detinerent, idem etiam à Paulo Diacono libro citato dicitur à *Demonio non iniussè correptus*. Cæterum Seuerus, ac collegæ post annum liberi dimissi sunt.

Interim vbi per Istriam, ac Venetias vulgatum est, Seuerum, ac collegas Rauennæ tria capitula condemnasse, eorum præsentiam singuli quique fugiebant, nec ante communioni Ecclesiasticæ admissi sunt, quàm in Synodo iterum pro tribus capitulis cautionem dato Sacramento præstarent. Indicta autem fuit Synodus Marani, quod munitissimum modò Venetorum oppidum est stagnis Adriatici maris ferè circumdatum in Foroiuliensi littore ad Celimamnem situm. Decem Episcopos ed conuenisse scribit Paulus Diaconus lib. 3. cap. 27. *Post hæc, inquit, facta est Synodus decem Episcoporum in Marano, vbi receperunt Seuerum Patriarcham Aquileiensem dantem libellum erroris sui, qui*
trium

trium capitulorum damnatoribus communicarat Rauennæ. Nomina verò Episcoporum in editis libris ita recensentur: *Petrus de Altino clarissimus, Ingenuinus de Sabione, Agnellus Tridentinus, Iunior Veronensis, Horuntius Vicentinus, Rusticus de Taruifio, Fonteius Feltrensis, Agnellus de Acilio, Laurentius Lunensis*. At si decem conuenere, cur nouem tantum Schismaticorum nomina exprimuntur? Et hic error in codicem irrepsit, nam clarissimus malè apponitur, vt epithetum Petro Altinati, est enim nomen Episcopi Concordiensis, qui anno 579. alteri Synodo interfuit. Itaq; hoc pacto legendum est, Petrus de Altino, *Clarissimus de Concordia*. Laurentius etiam Bellunensis dici debet, neq; enim Lunensis Episcopus in Liguria ad Macram erat suffraganeus Aquileiensis Metropolitæ, & in altera Synodo proximè habita scribitur Laurentius Bellunensis: est autem Bellunum Veneriæ vrbs. Porro omnes ferè illi Episcopi Synodo anni 579. nomen dederant. Taruifinus tamen, & Vicentinus tunc non adfuerunt, & Solacius Veronensis Iunior subrogatus fuerat. De hoc Iunior scribit meus Panuinius lib. 5. Antiq. Veronen. cap. 9. interfuisse Maranensis Synodo, in qua Manichæo errore damnato Seuerus iterum & suæ Sedi, & Ecclesiæ Catholicæ redditus fuit. Qui S. Ingenuini Sabionensis gesta perscripsere, idem testati sunt, imò inter sacra officia precum Ecclesiæ Brixinensis in Rhætia hoc ipsum recitatur, sed quàm procul à vero ista abeant, satis manifestum est. In Patriarchali aula Vtini hocce elogium inscriptum legi. *Seuerus... Rauennam iniuriose ductus, coactusq; Manichæis assentire à Gregorio I. Papa ad Catholicam veritatem redire renocatus, quam in Episcoporum provinciali Synodo publicè professus sanctè vixit, obiitque*. Ita & muri suas fabulas cantant. Quid enim veri in tota illa inscriptione? Nec Rauennæ Manichæis, sed Catholicæ Ecclesiæ assensus est, nec à Gregorio Papa id actum, cum enim hic Pontificatum inijt, à triennio Smaragdus Constantinopolim redierat, & initio statim sui Pontificatus questus est Gregorius cum eodem Seuero, quod à fide Rauennæ data descuiisset lib. 1. epist. 16. Quàm verò sanctè vixerit, qui perueniæ, in quo diu fuerat schismate, mortuus est, vt dicemus, nemo non videat.

Anno 590. Pelagius II. & Longobardorum armis, & Schismaticorum dissidijs turbata Italia, ac Romæ pestilentia sauiente, eadem ictus è vita discessit. Hic Synodum V. non solum decretis turatus est, verum etiam integrum ea de re volumen procudit, de quo hæc scribit S. Gregorius lib. 2. Indict. 10. epist. 36. ad Episcopos per Hiberniam. *Vt igitur de tribus capitulis animis vestris ablata aubietate possit satisfactio abundanter infundi, librum quem ex hac re sanctæ mem. decessor meus Pelagius Papa scripserat, vobis vtile iudicavi transmittere; Quem si posito voluntariæ defensionis studio, puro, vigilantique corde sepius volueritis relegere, eum vos per omnia secuturos, & ad unitatem nostram reuersuros nihilominus esse confido*. Quò verò Pelagius Ecclesiæ quieti, ac Sancti V. Concilij dignitati prospiceret, vim etiam per Smaragdum adhibuit, memor sententiæ dudum contra eosdem Aquileienses Schismaticos à Pelagio decessore lata: *Eos ab ipsæ Apostolicis Sedibus aut attrahi ad salutem quoquo modo necesse est, aut ne aliorum perditio esse possint, secundum canones per seculares comprimi potestates*. Ita vnus Narsetem, alter Smaragdum in Schismaticos concitauit. Adeo verò Synodi V. vindicem Pelagius sese ostendit, vt in epistola tertia ad Istros tria capitula condemnarit, & in eadem etiam cum Quinta Synodo Origenem inter hæreti-

cos reiecerit, imò eundem omnium hæresiarcharum pessimum fuisse pronunciatum, hæc Apostolico ore tonans: *Quidnamq; in Hæresiarchis Origene deterruit? & recitatis magnis Origenis præconibus concludit: Nec illum ar. atq; proprio fauor alienæ attestacionis excusauit.*

Obijt Pelagius die 8. Februarij, vacauit Sedes menses septem, peste enim grassante alij aliò salutis consulti diuerterant. Scribit Baronius Pelagij mortem tardiùs Hispanis innotuisse, vnde S. Leander Episcopus Hispalensis hoc anno 590. Hispali Synodum die 4. Nouembris celebrans eandem ad Pelagium confirmandam transmisit, qui tamen nono abhinc mense mortuus fuerat. Reddo insignis Scriptoris verba ad hunc annum num. 21. *Fuit ista Synodus provincialis, cui interfuerunt octo Episcopi, qui tria in Synodo decreta firmata ad Pelagium, quem viuere putarent, direxerunt. At non ita est. Nam decreta illa, directæ sunt ad Pegasium, non ad Pelagium. Erat Pegasius Episcopus Astigitanus: est vrbis in Hispania Bætica, quam Plinius lib. 3. cap. 1. Coloniam cognomine Augustam Firmam dixit. Quare cap. 2. eiusdem epistolæ legimus: Hanc formam non solum vestra, hoc est, Astigitana seruabit Ecclesia &c. & cap. 1. dicitur: Decessor tuus sanctæ recordationis Gaudentius Episcopus. Ex quibus non Pelagium, sed Pegasium legendum esse constat. In magna Synodo Toletana anno superiori præsentè Reccaredo celebrata subscriptus legitur *Seruandus Diaconus Ecclesiæ Astigitanæ agens vicem Domini mei Pegasij Episcopi.* Quæ dedita opera adnotaui, quia in notis ad vitam Pelagij II. à Ciacconio editam eundem errorem repetitum legi. Plerunq; enim magni Scriptoris nomen sine examine fidem, cuiuslibet dicto facit.*

Quæ huc vsque descripsimus Pelagij Papæ gesta in fauorem Synodi V. nouitij Origenis defensoris consilium comprimere debuerant, sed cui facile fuit Oecumenicæ Synodi decreta à mille annis ab Ecclesia adprobata proscindere, haud eidem Romani Præsulis sanctiones reijcere in religionem venit. Quidnam effugij à Pelagij sententia tam celebri, tam manifesta, tam vbique recepta excogitauit? Pelagium II. ignorantia in simulauit. De hominis verba: §. 19. pag. 363. scribit: *Pelagium Secundum non vidisse Constitutum Vigilij, & falsis Concilij V. actis deceptum.* Hinc gloriabundus ob publicatum à Baronio Vigilij Constitutum, quod nec Pelagio, nec Gregorio Magno, cæterisque Pontificibus innotuisse putat, hæc ipsa satis deridicula effatur §. 18. *Iam igitur circa V. Concilium faciam, Deo adiuvante, ut aliquid aperiatur, quod per diu clausum fuit, & id cognoscatur, quod dolo non solum malo, sed etiam pessimo sæculis pluribus latuit. Et est illud quidem eiusmodi, ut ad causam maximè pertineat, & cuius defectu multæ falsæ pro veris receptæ sint, & humano errori ad plurimos transfusa posteris. Hominis, si fas est ita loqui, iactantiam refellam, palamque faciam, hunc Origenis aduocatam totius planè causæ ignorantia, quam cæteris falsò impingit, laborasse. Quæso te, Halloix, nullumne verbum vnquam Pelagio seniori, nullum pluribus Italis Episcopis, nullum alicui ex numeroso Clero Romano, qui Vigilium Constantinopolim profectus fuit, de hoc laudato Vigilij Constituto vnquam excidit? Hi quidem & numero, & dignitate spectabiles illud Vigilij scriptum anno 553. pridie Idus Maij subûgnarant, pro eodem Vigilij Constituto defendendo in exilium deportati sunt, ac diu à patrijs sedibus exularent, hæc quoque ipsa te aliùs exaggerante. Itane ob recentem Narsetis victoriam*

te Authore Romam reduces omnium gestorum memoriam perdidere, ut nulum vnquam verbum de suis calamitatibus, eorumque causis eisdem fecisse existimes? At illi nec Letheis vndis sese immerferant, nec dedecori sibi ducebant, deuorata pro libertate, ac maiestate Pontificis incommoda recensere. Gestorum mentionem sæpè faciebant, quæ aliorum animos in noua exempla prouocarent, ita vt Vigilij Constitutum tanta constantia, ac fortitudine defensum in ore omnium esset, & Vigilij asseclis plurima Byzantij tolerantibus, ea de re latè per Vrbe[m], imò Orbem literæ, ac nuncij volitarent, omnium Occidentalium regionum Episcopis eas in res intentissimis. Qui igitur fieri potuit, vt Pelagius Romanus ciuis, qui ea ætate florebat, cum ex Baronio anno tantum quarto, & vicesimo à subscripto Vigilij constituto, ac peracta Synodo V. sederit Romæ Pontifex, cuncta illa ignorauerit? Scito tum temporis nullum de re facia sermonem in Romana Ecclesia co de tribus capitulis fuisse frequentiore[m], rebellantibus ab Apostolica Sede Venetiæ, Istriæ, Rhætiæ, ac Norici Episcopis. Sed hoc est agere coniecturis, quæ verborum strophis fortè eludi possent ab aduersario: res solidiùs stabilienda est.

Istriæ Episcopos Schismaticos Vigilij decretum, quo tria capitula approbavit, remorabatur, ne quintam Synodum reciperent; dabo eorum verba ad Mauricium Imperatorem in libello supplici transmissa: *Vigilius*, inquit, tunc Romano Presuli, atque omnibus penè Sacerdotibus damnatio ipsa trium capitulorum sicut reuera contraria Sancto Chalcedonensi Concilio execrabilis noscitur extitisse. Qui etiam *Vigilius* scripta sua per omnes provincias mittens anathematis vinculis obligauit omnem populum, si quis damnationi trium capitulorum præberet aliquando consensum. Et licet postea imperiali pondere ad consensum damnationis trium capitulorum ipsum paulatim singuli tunc fuerint coacti, nostrarum tamen provinciarum reuerendi decessores, quibus indigni successimus, prædicti quondam *Vigilij* instructionibus informati ad hoc inclinare nullo modo potuerunt. Quorum nos exempla, Deo propiciante, seruantes cum & nuerſo populo nobis credito, sequentes etiam in omnibus definitionem Sancti Chalcedonensis Concilij capitulorum ipsorum & reuerentiam exhibemus, & à communionem damnantium cum diuina gratia abstinere dinoscemur. Audin testari illos, se *Vigilij* instructionibus informatos nullo modo posse in trium capitulorum damnationem cum aduersarijs conuenire? Et illi quidem Synodo V. Vigilij sententiam, quod recenter tu quoque facis, obijciebant, licet imperiali pondere coacti cum cæteris postea subscripſisse fateantur. Sed non modò apud Imperatorem, sed & apud Romanum Pontificem Pelagium II. eam schismatici rationem obtenderunt, quòd Vigilij priorem sententiam defendebant; hæc scribit Pontifex: *Rurſum per vestram epistolam dicitur à Sede Apostolica vos doctos, atque ab ſcrinio Sanctæ Ecclesiæ, cui Deo adiutore præsumus, confirmatos, ne huic rei, quæ sub pia mem. Iustiano geſta est, consentire debeatis, atque hanc opitulationem excusationi vestræ adiungitis dicentes, quòd in causæ principio & Sedes Apostolica per Vigilium Papam, & omnes Latinarum provinciarum Principes damnationis trium capitulorum fortiter reſtiterunt.* En Vigilij decretum in Pelagij faciem à Schismaticis illisum. At Pelagius Vigilium quidem, aliosque Episcopos Occidentis initio causæ tria capitula defendisse concedit vsque ad iniurias, ac persecutiones, sed tradit re diligentiori postea examine explorata eosdem à priori sententia recessisse, ac Synodum V. postrema voluntate approbasse. Iuvat integram Pelagij II. respon-

sionem exhibere: *In quibus, inquit, verbis ostendimus quod res, que prouocare vos ad consensum debuit, a consensu vos ipsa diuellit. Latini quippe homines, & Gracitatis ignari, dum linguam nesciunt, errorem tardè cognouerunt, & tanto eis celerius credi debuit, quanto eorum constantia, quousque verum cognoscerent, à certamine non quieuit: quorum consensum certè fraternitas vestra despiceret, si ausu præcipiti, prius quàm verum cognoscerent, consensissent. At postquam diu ab eis laboratum est, & longo tempore ad iniurias usque certatum: hinc vestra fraternitas penset, quia tot labores repente non relinquerent, nisi que vera sint, agnouissent. Vides eum recitare molestias, quas Vigilius, Dacius, Pelagius, alijque tum Constantinopoli, tum alibi pro defensione trium capitulorum perpassi sunt? Inferiùs verò Vigilium, imò Apostolicam Sedem in Vigilio excusans, quodd sententiam mutarit in questione facti, hæc reponit: Si igitur in trium capitulorum negotio aliud cum veritas quaeretur, aliud autem inuenta veritate, dictum est, cur mutatio sententia huius Sedi in crimine obijcitur, que à cuncta Ecclesia in eius Authore humiliter veneratur? Non enim mutatio sententia, sed inconstantia sensus in culpa est. Quando ergo ad cognitionem recte intentio incommutabilis permanet, quid obstat, si ignorantiam suam deserens verbum permuet? Vide ne Vigiliij decretum pro tribus capitulis emissum cum veritas quaeretur à Patribus in Synodo, at per eandem Synodum inuenta veritate illum verba mutasse. Quæ omnino consonant ijs, quibus sententiæ mutatae causam Vigilius ipse Eutychio dedit testatus, se initio omissa studio deinde veritatis inuenisse. Non igitur Pelagius II. Vigiliij Constitutum ignorauit.*

At clamat Halloix: *Pelagium II. Papam non vidisse illud constitutum Vigiliij inde probatur certissimè. Certissimè? Do aures. Quia, inquit, cum scriberent Isti doctrinam Apostolicæ Sedis per Leonem, ac successores eius esse, mortuum ab hominibus damnari non posse, Pelagius respondit: Nulla eius testimonia subdixistis, quibus hanc sententiam firmaretis. Ex his insert: Si autem Pelagius II. legisset constitutum Vigiliij Pape, ibi ea reperisset testimonia Leonis, & Gelasij, & ipsiusmet Vigiliij, &c. §. 19. Illa quidem testimonia in ore erant Schismaticorum, atque ea ante Vigilium adduxerat Facundus Hermianensis in libris, & epistolis pro tribus capitulis exaratis. Planè testimonia illa Leonis, & Gelasij non sunt ad rem, nec rectè adducta fuisse à Vigilio in Constituto ipsi Isti intellexerunt, vnde verba silentes nomen tantum Leonis Magni prodixerunt. S. Leo epist. 89. ad Theodorum Episcopum Foroiulensem in Gallia scribit eum, qui in peccato mortuus est, non posse absolui post mortem: Si autem, inquit, aliquis eorum, pro quibus Domino supplicamus, quocunque interceptus obstaculo a munere indulgentiæ præsentis exciderit, & priusquàm ad constituta remedia perueniat, temporalem vitam humana condicione finierit, quod manens in corpore non receperit, consequi exutus carne non poterit. Idipsum docuit S. Gelasius in epistola ad Episcopos Dardaniæ de Acacio, qui vivus fuerat ab Apostolica Sede damnatus: In hac autem, inquit Pontifex, persistens damnatione defunctus est, absolutionem, quam superstes nec quæsiuit omnino, nec meruit, mortuus iam non potest impetrare. At hoc extra controuersiam semper fuit, nec vllus, qui tria capitula proscripsit, hoc in questionem vocauit, nempe hominem mortuum & damnatum ob peccata posse ab Ecclesia absolui, sed quæstio erat, an qui post mortem hæreticus vixisse probaretur, posset damnari; vnde rectè dixit Pelagius, nullius Romani Pontificis testimonio opinionem Schismaticorum confirmari. Et quidem posse talentum*

damnari post S. Augustinum, & Synodum V. Pelagius I. ac reliqui Pontifices Vigilum Theodori damnationem postrema definitiua sententia publicantem secuti vnanimi consensu pronunciarunt.

S. V.

Sanctus Gregorius Magnus Synodum Quintam approbat, ac Schismaticos Episcopos Istria compescit.

Pelagio Secundo Gregorius eiusdem paulò ante in aula Mauricij Apocri-
farius, licèt inuitus, ac reluñs, die 3. Septembris suffectus fuit; vnus
enim calamitoso tempore periculorum magnitudini parem animum gerebat.
Huic verò, vt cætera, quæ præclarissima gessit, silentio præteream, maximæ
curæ fuit, Synodum V. vbique recipi, in quam rem toto ferè sui Pontificatus
tempore incubuit. Initio statim Seuerum Episcopum Aquileiensem datæ fi-
dei præuaricatorem (Rauennæ enim tribus capitulis damnatis coram Ioanne
Archiepiscopo ad Ecclesiam Romanam accesserat) Romam vnà cum cæteris
Episcopis Schismaticis euocauit. Idem quò metum rebellibus inferret, à Mau-
ricio Imperatore contra eòdem decretum obtinuerat, quo Seuero, ac collegis
idem iniungebatur. Hæ literæ Gregorij datæ sunt anno 590. mense Decem-
bri. Cum verò Principis etiam literas contra Schismaticos impetrarit, palam
fit, initio statim Pontificatus contra Schismaticos ad Imperatorem scripsisse.
Hæc Gregorius Lib. 1. epist. 16. Seuero mandabat: *Imminente latore præsentium
iuxta Christianissimi, & Serenissimi rerum Domini iussione ad B. Petri Apostoli cum
tuis sequacibus venire te volumus, vt auctore Deo aggregata Synodo de ea, quæ inter
vos vertitur, dubitate, quod iustum fuerit, iudicetur.* Eandem in rem, vti vicini-
or, excubabat Ioannes Rauennas Episcopus, qui iubente Gregorio egit cum Ro-
mano Exarcho, vt Pontificis, atque Imperatoris literæ per Tribunum ad Se-
uerum deferrentur. Seuerus his acceptis mandatis timere statim, ac tremere,
qui & læsæ fidei, & periurij reus esset. Illicò tamen literas ad collegas dedit
consilium, & opem implorans, qui citò citiùs Synodum cogerunt in commu-
ne consulturi. Hæc autem illis sententia stetit, ne vllus Romam ad Synodum
proficisceretur; interim literas ad Mauricium Imperatorem misere, quæ fa-
cti rationem reddebant. Libellum supplicem Schmaticorum ad Imperato-
rem Nicolaus Faber ad Baronium transmisit, quem appendici IX. tom. ma-
gnus annalium Ecclesiasticorum digestor inseruit. Pseudosynodus Seuero di-
strictim per literas iniunxit, ne quid noui in causa sine communi prouincialium
consilio deliberaret. In literis verò ad Mauricium Augustum datis hæc scri-
bunt: *In hoc tempore iterum cognouimus Reuerendum Papam Gregorium ad eiusdem
Patrii nostri exhibitionem misisse cum sacratissima vestre pietatis iussione, vt pro causa
ipsa communionis ad Romanam deberet ciuitatem deduci. Et quidem memoratum beatif-
simum Archiepiscopum Seuerum nostrum frequenti confestatione conuenimus, ne nobis ab-
sentibus, & a se ad præsens diuisis de communi causa Ecclesia aliquid valeat definire.*
Hæc insuper addentes: *Contriti, atq; luctu grauissimo sauciati ad vltimam despe-
rationem peruenimus, vt ad illius iudicium Metropolitæ noster cogeretur occurrere, cum
quo causa ipsa esse dinoscitur, & cuius communionem ab initio motionis causæ huius respicere*

nunc decessores nostri, & nos cum omni populo euimus. Quod verò Imperatori popularium dissensionum metum incuterent, addidere: Sic accensi sunt omnes homines plebium nostrarum in causa ista, ut ante mortem perpeti, quam ab antiqua Catholica patiantur communionem diuelli. Nec mirum: prauam enim opinionem contra Synodum V. ex Magistrorum doctrina viri prouinciales induerant. Illud vesaniam eorum mentem publicat, quòd Apostolicæ Sedis iudicium declinantes de Catholico dogmate Imperatoris sententiam sequi mallerent: Sint inducia, inquit, & cum iussione sacratissimi imperij vestri parati erimus ad pedes vestra pietatis occurrere, & nostræ fidei, atq; communionis plenam reddere rationem. Nam cum quo nobis causa est, & quem in communionem vitamus, iudicem experiri non possumus, quod etiam sacratissimis legibus vestris statutum est, nullum posse iudicem esse in causa, qua aduersarius comprobatur. Sed sicut semper Deus præsentia Christianorum Principum contentiones Ecclesiasticas sedare dignatur, hoc & nunc fieri supplicamus. Nomina Episcoporum, qui memoratum conuenticulum conflarunt, hæc ipsa sunt.

Ingenuinus Sabionensis in secunda Rhetia.

Maxentius Episcopus Iulicnsis.

Laurentius Belluncensis.

Augustus Concordiensis.

Agnellus Tridentinus.

Iunior Veronensis.

Fonteus Feltrensis.

Felix Taruisinus.

Horontius Vicentinus.

Quod enim in editionibus Baronij Horontius dicatur Episcopus Ecclesiæ Venetinae, & Agnellus Traiectinae, error est ex codice Fabri corrigendus ex subscriptione Synodi Gradensis sub Helia anno 579. Noui tamen Episcopi suffecti fuerant, nam Solacio Veronensi Iunior, Clarissimo Concordienfi Augustus, Rustico Taruisino Felix successerant, prauis tamen decessorum opinionibus imbuti. Huic autem Synodo nec Seuerus, nec quispiam alius ex Istria Episcopus adfuit, horum enim Vrbes maritimæ in Imperatoris potestate perseuerabant, & Longobardi barbari, ac suspiciosi homines ægrè ferebant suarum Urbium Episcopos cum ijs, qui Imperatori subiectas vrbes regebant, conuenire.

Interea Seuerus apud Gradum Synodum alteram cum Istriæ Episcopis habuit, atq; in vnam sententiam itum, ut à Pontifice Cæsarem appellarent. Hinc tres epistolæ ad Mauricium missæ sunt; vtraq; Pseudosynodus scripsit, priuatas etiam Seuerus addidit, quod ex rescripto Mauricij ad Gregorium intelligitur. Callidi homines Imperatori assentantes contestati sunt, quotidiana vota, ac preces se fundere pro Principum incolumitate; & victorij: nihil sibi magis cordi esse, quam vt eicctis barbaris afflictissimæ prouinciæ pace data, vel saltem pacis inducijs ad Imperatorem accedere possent, eiusdem sententiam audituri. Mauricius hisce literis acceptis à priori sententia discessit, atque hæc Gregorio rescripsit: Quia igitur & tua Sanctitas cognoscat præsentem rerum Italicarum confusionem, & quòd oportet temporibus competenter versari, iubemus tuam Sanctitatem nullatenus molestiam eisdem Episcopis inferre, sed concedere,

vos otiosos esse, quousq; per prouidentiam Dei & partes Italia pace àliter constituantur; Episcopi Istriae, seu Venetiarum iterum ad pristinum ordinem redigantur. Mauricij, ac Schismaticorū literas Baronius exhibet in appendice tom. 9. Etenim verébatur, ne vi adhibita Istros ad Longobardos prouiores faceret, sub quorum dominio liberè poterant in schismate perdurare. Eadem mandata accepit à Mauricio Romanus Exarchus, à quo cum hæc ipsa intellexisset Ioannes Rauennas, certiozem per literas Gregorium fecit, qui respondit: *De causa verò Episcoporum Istriae omnia, quæ mihi vestra fraternitas scripsit, ita esse iam ante depræhendi in istis iussuionibus, quæ ad me à pijsissimis Principibus veniunt, quatenus me interrim ab eorum compulsionē suspenderem. Ego quidem pro istis, quæ scripsistis, zelo, atq; ardori vestro valdè congaudeo, debitoremq; me vobis multipliciter factum profiteor. Scitote tamen, quia de eadem re Serenissimis Dominis cum summo zelo Dei, & libertate rescribere non cessabo.* Lib. 2. epist. 32. Hic est ille Ioannes, à quo ad hæresim impulsus Seuerus, aliosq; Istriae Episcopos Sigonius, Panuinius, Rubeus, ac Scriptores rerum Foroiulensium perperam prodidere, vt superiùs adnotauimus. Cæterum Gregorius nihil obtinere potuit à Mauricio viuentē Romano Exarcho viro inerti, atq; auaro, nec non Gregorio semper infesto, vnde Sanctus Pontifex ad Sebastianum Serinensem Episcopum semel scripsit: *Romani in nos malitia gladios Longobardorum vicis.* Ioannes quidem scripserat incensam à barbaris Aquileiam, Seuerum, ac ciues inopia rerum laborare, cui iisdem in literis tale responsum Pontifex dedit: *De hoc, quod dicitis incensa ciuitati Seneri Schismatici elemosinam esse mittendam, idcirco vestra fraternitas sentit, quia quæ contra nos premia in palatium mittat, ignorat. Quæ etsi non transmitteret, nobis considerandum fuit, quia misericordia prius fidelibus, ac postea Ecclesiæ hostibus est faciendā.*

Sub id ferè temporis Gregorius ad Schismaticos etiam literas dedit, nam Ioanni Rauennati scripsit mense Iulio, Schismaticis verò mense Augusto. Illi quidem significauerant, grauem se pati persecutionem, gloriari tamen, quòd pro fide tot molestias subirent: addebant, quòd à recepta V. Synodo in præscriptionem Chalcedonensis Concilij inter alias prouincias maximè flagellaretur Italia. Imperatoris etiam recentia decreta obiecerunt, quæ inter funestissimi belli tumultus quicquam innouari vetabat. Gregorius graues hæc sententias reposuit: *Persecutio, dum non rationabiliter susciuitur, nequaquam proficit ad salutem. Martyrem non facit pœna, sed causa. Incongruum nimis est de eos, quæ dicitis, persecutione gloriari, per quam vos constet ad æterna præmia minime prouehi. Reducat ergo charitatem vestram tandem integritas fidei ad matrem, quæ vos genuit Ecclesiam.* Postea exemplo Romæ id temporis à Gothis captæ, cum Vigilius Constantinopoli existens Theodoram Augustam damnasat, affligi etiam iusto Dei iudicio Italiam ostendit, vel cum maximè Romani Pontifices recta imperant. Scio hanc epistolam, quæ recitatur lib. 2. num. 36. Indiæ. X. inscribi: *Vniuersis Episcopis per Hiberniam.* Et reapse ad Hibernos datam putat Baronius ad annum 566. & cum eo Bollandi operis continuatores Godfridus Henschenius, & Daniel Papebrochius viri doctissimi, & non modò de hominibus, verùm etiam de Superis benemeriti ad diem 12. Martij in notis ad cap. 1. lib. 3. de vita S. Gregorij Papæ. Sed cum ea tempestate nullos de tribus Capitulis in Hibernia tumultus fuisse sciamus, nulla enim id veterum monumenta prodidere, non assentior. Consului codices Vaticanos, & nul-

& nusquam Hiberniam in laudatæ epistolæ epigraphe legitur. In Codice num. 617. pag. 46. item in altero num. 618. pag. 28. ita inscripta legitur epistola illa 36. *Gregorius vniuersis de trium capitulorum causis*. At in codice num. 620. pag. 34. inscribitur: *Vniuersalis de trium capitulorum causa*. Ioannes Diaconus lib. 3. cap. 1. scribit de Gregorio: *Iam Ligures, Venetos, Hibernos, aliosq; a schismate sub libello confessos Chalcedonensem Synodum venerari compellens ad vnitatem S. Ecclesie ruocarat*. Et certè P. Lupus ad *Episcopos Iberie*, non Hiberniæ scriptam illam epistolam arbitrat in notis ad Synodum V. cap. 6. Sed neq; hoc, vero consonat; nam Iberi, seu Hispani Gregorio Ecclesiam regente non erant, diuisi ab vnitæ Ecclesiæ, immò in Synodis Toleti anno 589. Hispani 599. Romanam Apostolicam fidem cum Rege Reccaredo susceperant, quod ad quæstionem tertiam eodem capite fatetur P. Lupus. At illi Episcopi, quibus scribit Gregorius, erant Schismatici, vt ex datis verbis Gregorij patet, quod & in fine epistolæ repetit inquit: *Tanto citius ad Matrem vestram, quam filios suos expectat, & inuitat, Ecclesiam redeatis, quanto vos ab ea quotidie expectari cognoscitis*. Quare Hispani Episcopi haud eas literas accepere. Video quidem S. Isidorum pro tribus capitulis Schismaticis fauere, vt cap. 9. §. 2. in fine monstratum est. Sed vir doctissimus illa dixit, quòd rem non intellexit, nisi ex Tunonensis Chronico, ac Facundi Hermianensis libris: nullas ea de re Gregorij epistolas legit, quod de eo testatur S. Idelphonus Archiepiscopus. Et ipse Isidorus in libro de scriptoribus Ecclesiæ, cap. 27. duas ad Leandrum, qui Isidori & decessor fuit, literas Gregorij se tantum vidisse testatur, scilicet illum dicit, qui cætera tanti Pontificis scripta perlegit. Profectò si illa epistola scripta est ad Hispaniæ Episcopos, quomodò Isidorus Gregorij coætaneus illam ignorasset? erat enim encyclicæ ad omnes prouinciæ Episcopos. Non vidisse verò illam Isidorum certum etiam est, eò quòd Theodorum nunquam insignem Ecclesiæ Doctorem dixisset, qui in eadem epistola asseritur *non iniuste damnatus*. Ex his sanè mihi certum est, epistolam illam trigessimam sextam scriptam esse ad Episcopos Istriæ, nam & illi schismatici erant, & eo ipso tempore à Gregorio pari se persecutionem conquerebantur, & Ioannes Diaconus ex literis Pelagij I. corrigendus est, qui scribit ad Narsetem, *Ligures, Venetos, Istrios Episcopos schisma conflasce*. Errat verò idem Scriptor, dum asserit, Schismaticos Gregorio compellente Synodum Chalcedonensem veneratos esse, cum illi ob præsentem venerationem erga Synodum Chalcedonensem Gregorio, vt diximus, contradicerent. Rursus alter palmaris eiusdem error emendandus est, dum lib. 4. cap. 38. scribit Seuerum ab Exarcho Rauennam deductum, *vbi vnitus cum Gregorio Synodalem habere consuetudinem ad vnitatem S. vniuersalis Ecclesie mediante Ioanne Rauennate Pontifice remeauerit*. Nam hæc sub Pelagio Pontifice, & Smaragdo Exarcho contingere, Gregorio verò ad Synodum euocanti Mauricij literis fretus non obtemperauit.

Quousq; Romanus Exarchatum tenuit, nulla Gregorio spes adfuit, Schismaticos corrigendi. Illi Apostolicæ sedi rebelles prauos mores induerāt, scribente eodem Gregorio lib. 7. epist. 67. *Perversi autem homines, qui trium capitulorum occasione reperta Ecclesiasticam disciplinam fugiunt, de suis carnalibus actibus reprehendi pertimescunt, subsec Sedis Apostolicæ præceptis nolunt, & nos quasi de fide reprehendunt, quam ipsi nesciunt. Et dum neq; in fide recti sunt, neq; in bonis operibus intenti*.

intenti, student, ut certare pro fide videantur; siquæ sit, ut quotidie deteriores fiant, dum in eis culpa profecit, quæ quasi de zelo feruoris videri etiam laudabilis appetit. Neque verò in pessimos mores plebs schismaticorum sola defluxerat, cum nihilo melior fuerit ipsorum Præsulum vita. Ipsi populi ad fidei vnitatem accedentes contra cõdenti ad Mauricium hortante Gregorio Papa profecti sunt. Eos autem commendatitijs literis Pontifex prosequutus ait: Latores presentium, qui de Istricorum schismate ad unitatem Ecclesiæ Deomiserante reuersi sunt, multa de prauitate Episcoporum, qui in illis partibus sunt, conqueruntur, & quia ea prope Constantinopolim festinantes &c. Anno 598. mortuo Rauennæ Romano Callineus nouus in Italiam Exarchus aduenerat; quare Gregorius reducendis schismaticis totus incubuit. Sed nec illi segniter rem curabant; nam ad Callinicum mandata à Principe impetrarunt, quæ illi iniungebatur, ne Istrix Ecclesiæ ob Schisma vlla molestia afficeretur. Idem Mauricij decretum missum fuit ad Basilium strenuum Romani exercitus Ducem, ac Gregorij amantißimum. Porro cum hic ad schismaticos compescendos per literas à Pontifice hortaretur, regijs se decretis impediri respondit, cui Gregorius rescribens ait: Quod autem exemplar inuisionis, quæ ad vos pro Schismaticorum defensione transmissa est, mihi ostendi uolulistis, pensare sollicitè dulcissimè mihi uestra Excellentia debuit, quia quamuis inuisio ipsa subrepta est, non tamen in ea uobis præceptum est, ut uenientes ad unitatem Ecclesiæ repellatis, sed ut uenire nolentes hoc incerto tempore non compellatis. Lib. 7. epist. 9. Degebat in Basilij aula Iustinus uir eloquentissimus, sed schismaticus; at Gregorius Basilium rogauit, ut hunc Romam mitteret schisma eiuraturum, vel hoc præstare recusantem ab obsequio dimitteret dicens: Vbi dominus Iustinus consilium præbet, qui pacem cum Catholica Ecclesiâ non habet, ibi non possunt heretici adduci. Ibidem.

Interea Caprux Episcopus (est autem Caprula insula in æstuarijs Veneto litori proxima Caorle modò insulani nuncupata) cum vniuersa plebe ad vniõnem Ecclesiasticam accedere volens, Callineum Exarchum conuenit. Quod ubi Seuerò, qui è proximo in rem Schismaticorum vigilabat, innotuit, Episcopum à sancto proposito dimouit. Quæ cum plebs accepisset, per nuncios à Gregorio Catholicum Episcopum postulauit. Gregorius cum Mariniano Antistite Rauennate Ioannis successore per literas egit, ut eiectum Episcopum ad vniõnem Ecclesiæ hortaretur, qui si peruicax in Schismate persistisset, Orthodoxum Episcopum Caprulanis consecraret, eamq; insulam, inquit, in sua diocesi habeat, quousq; ad fidem Catholicam Istrici Episcopi reuertantur, ut & unicuiq; Ecclesiæ sua dioceses iura seruemus, & destituto à Pastore populo non acsit proteclio, & cura regiminis. Hæc sunt vera initia Episcopatus illius insulæ, quæ tamen tabulæ Vghelli tomo quinto ex Dandulo statuunt ad annum 605. quasi Episcopus Concordiæ nolens Schismaticis communicare eò cum plebe se receperit. At ex Gregorio, qui primus Caprux sedit Episcopus, ex Pannonys ueniens renunciatus fuerat, & eodem Episcopo uiolenter expulso alius illic fuerat ordinatus. Lib. 7. epist. 10. Indict. II. inchoata, hoc est anno 598. Ad eòdem Caprulanos literas humanissimas dedit lib. 7. epist. 99. inscriptas Gregorius habitoribus Capræ insulæ. Sanè Viri militares Gregorij vota sedulò promouebat. Basilius Mauricij Dux strenuam operam nauabat, quò Schismatici à rebellionē recederent. Hinc gratias eidem viro illustri referens Gregorius: Inter alia, inquit,

inquit, laudanda, quæ agitis, qualiter vos contra Iſtricorum schisma pro unitate Ecclesiæ amoris alim fervor accenderit, & multorum testificatione, & nostrorum modò planè relatione cognovimus. Vnde Redemptoris nostri misericordiam exoramus, ut sua vobis in omnibus gratia suffragetur, & effectu vos implere tribuat, quod velle concessit. Lib. 7. epist. 93. Hic Basilii victorias nuper ex Sclavis reportaverat ex epist. 102. eiusdem libri septimi. Mastaloni, itemque Theodosio viris illustribus, quod eidem rei incumberent, ad gratiæ epistola 94. & epist. 95. Gulsarem militum Magistrum hisce commendat: Cognovimus namque, quòd inter curas iniunctæ vobis gubernationis illarum partium, nempe Iſtriæ, præcipuam de animarum lucris sollicitudinem habeatis, & ita errantium corda ad unitatem festinare vos Ecclesia removere, ut quantum ad desiderium nostrum pertinet, nullum illic ab Apostolica segregatum remanere velitis Ecclesia. Et postea: Quantalibet enim sit temporalis affluentia, vel certe prosperitas, habet finem suum terminum mortis. Hoc verò quòd de animarum lucris apprehendistis studium, tenet fixam spei suæ certitudinem, æternæ scilicet vitæ retributionem. Cum Marcellinus vir magnificus à Mauricio ad regiam evocatus esset, quòd in causa Iſtricorum laborauerat, Anatholio etiam, atque etiam eundem commendat.

Verùm non solum virorum, sed & Reginarum operam ad tollendum Schisma imploravit. Cum accepisset Theodelindam Agilulphi Longobardorum Regis uxorem à Constantij Episcopi Mediolanensis communione se suspendisse, quòd ille tria capitula dato sacramento damnaſſe dicebatur, literas eidem destinavit lib. 3. epist. 4. in quibus Synodum V. laudat, ac defendit. Theodelinda ab Episcopis quibusdam seducta, quorum sanè vnus erat Episcopus Brixienſis ex lib. 3. epist. 37. ab Ecclesiæ Catholicæ communione se segregarat. Cum verò Gregorius à Constantio intellexisset, illis literis, in quibus Synodi V. mentio erat, posse Reginam offendi, iterum ad eandem rescripsit nihil de illa Synodo interlocutus; hæ literæ datæ sunt mense Iunio indictione XII. anno scilicet 594. In eis autem Gregorius professus est quatuor se Synodos recipere, addens anathema illi se dicere: qui earundem quatuor Synodorum maximè autem Chalcedonenſis, de qua quibusdam imperitis hominibus nataſt ſuperſtitionis occasio, fidei addere, vel demerere præsumit. In eandem sententiam etiam ad Constantium scripsit eundem monens, ut Brixienſibus ita responderet, ut sub anathematis interpositione fateamini, neque vos aliquid de fide Chalcedonenſis Synodi imminuere, neque eos, qui imminuunt recipere, & quoscumque damnavit damnare, & quoscumque absoluit absolvere. Schismatici enim illud ad nauseam vsque inculcabant, à Romanis Pontificibus Chalcedonenſis Synodi fidem decurtari; de qua responsione Gregorij inferius ex eodem, & Pelagio II. plura addemus. Halloix lib. 4. q. 10. §. 12. priorem epistolam, in qua mentio Synodi V. habebatur, suppressam à Gregorio obijcit, ne Regina scandalizaretur. Aliam verò, in qua nec verbum de illa Synodo dicitur, obtrudit, inculcatque. Sed & legenda illi fuerat libri duodecimi epistola septima ad eandem Reginam, ex qua non modò Synodum V. à Theodelinda receptam fuisse intelligimus, sed & Secundini Abbatis contra eandem obiecta fuisse à Theodelinda ad Gregorium transmissa, ut datis solutionibus dubia illa dissolveret. Gregorius tamen podagræ dolores causatus haud celere responsum dedit; hæc autem scribit:

Eam tamen Synodum, quæ pia memoria Iustiniani tempore facta est, per latores presentium transmissi, ut predictus filius meus dilectissimus ipsam relegens agnoscat, quia falsa sunt omnia, quæ contra Sedem Apostolicam, vel Catholicam Ecclesiam audierat. Hæc posteriores literæ datæ sunt Indiæ. 7. inchoata anno 603. Idem Pontifex cum Brunichilda etiam Sigeberti Francorum Regis coniuge egit, ut Schismaticos, qui in Gallijs degebant, ad Ecclesiam reuocaret, hæc ad eorum ignominiam scribens Lib. 7. epist. 5. Nam non ob aliud ignorantie sue hæcenus cecitate, voluntur, nisi ut Ecclesiasticam fugiant disciplinam, & peruersè habeant, ut voluerint viuendi licentiam, quia nec quid defendant, nec quid sequantur, intelligunt. Quod vltimum exemplo legati à Brunichilda ad se missi confirmat, ita ut is, inquit, qui ad nos à vestra Excellentia missus est, cum quæreretur à nobis, cur ab vniuersali Ecclesia separatus existeret, se ignorare professus sit; sed neque quid diceret, neque quid aliud audiret, valuit scire. Extat etiam lib. 7. epistola 53. ad Secundinum Monachum, in qua Iba epistolam iure damnatam probat addens: Hæc paucis dixi, quia ex quibus præcipue causis hac in re dubitationem tua charitas habeat, in epistolis non inueni. Ita ille indiçione II. cuius post quinquennium nempe indiçione VII. difficultates postea cognouit.

Sed quotidie Gregorij conatus pro profligando schismate diuinum Numen prosperabat. Prudentius, & Petrus Istriæ Episcopi per Castorium Gregorij Notarium eidem significarunt, optare se Romam ad ipsum pergere, modo nulli molestiæ obnoxij fierent, quibus Pontifex singulari humanitate in hæc verba rescripsit: *Horor dilectissimi fratres, ut ad me uenire, sicut præfatus sum, debeatis, dummodò ratione percepta ad concordiam sanctæ vniuersalis Ecclesiæ dissensio vos nulla dissociet. Hoc tamen certa sit vestra charitas, quia vos & cum affectu, quo decet suscipiam, & cum gratia relaxabo, nec aliquam vros, vel quoscumque alios, qui pro hac ad me causa uenire voluerint, afflictionem, vel molestiam sustinere permitto. Hi quidem ad Ecclesiam accesserunt, & Catholicum etiã Episcopum Candianum Patriarcham Gradensem consecrarunt, ut ex literis Ioannis Schismatici Aquileiensium Episcopi inferiùs dicemus, vbi nominantur Petrus, & Prouidentius Episcopi Istriæ. Firminum etiam Tergestinum Episcopum Seueri Schismatici successorem, cum ad Ecclesiam venisset, literis fouis: Nobis ergo, inquit, omnino cura erit de fraternitatis tuæ quiete, ut dignum est, cogitare, quia postquam nobiscum iam Deo protegente unus es, non aliter utilitates tuas, quam nostras attendimus. Sacram etiam vestem eidem cum literis dono misit. Lib. 10. ep. 38. At Seuerus Aquileiensis Episcopus Firmini conuersione intellecta, infremuit, ac rabie plenus arte, & vi illum aggressus est. Libeat hæc à Gregorio accipere: Seuerus Gradiensis Episcopus, ait, eiusdem caput Schismatici eum, nempe Firminum, diuersis promissionibus, si posset, suasionibus à bono reuocare proposito, quod cum perficere posse Deo adiutore minime valuisset, seditionem illi suorum ciuium excitare non timuit. Quanta uero prædictus frater, & cœpiscopus noster Firminus ex eadem immixtione pertulerit, plenius illic, ac verius a vicino poteritis agnoscere. Lib. 11. epist. 38. Scriptæ sunt hæc literæ anno 603. ad novum Italiæ Exarchum Flauium Smaragdum, quem Mauricius iterum Italiæ præfecerat. Hic ante sedecim annos, cum eodem magistratu fungeretur, hunc ipsum Seuerum captivum Rauennam deduxerat, quare inde ipsum commendans epistolam orditur Gregorius, *Olim nouimus, inquit, Excellentissime fili, quo desiderio, quano conuictiõis**

animi pro adiuvanda Dei Ecclesia in Istria videlicet partibus zelo Redemptoris nostri amore æternæ mercedis sibi vestri fervor extitit. Et iterum: Excellentiam quam propter vestram paterno salutantes affectu petimus, ut zeli vestri in hac causa olim exhibiti, nunc vehementius fervor incendant, tantoque vos contra hostes Dei vindices, defensoresque reperiant, quanto apud Deum preciosior est anima, quam defensio corporis. Armet vos contra devios ipsa, qua in vobis fidei viget rectitudo, redintegretur vestris temporibus, quod in illis est pariter scisum corpus Ecclesie. Ex quibus patet, fallum esse, quod Paulus Diaconus ait, Smaragdum ob captum sub Pelagio Papa Severum à Dæmone correptum, & quod addit Sigonius, ea de causa à Mauricio dignitate priuatum, cum Gregorius ob illud rectè factum Smaragdum plurimum commendet, & ex præteriti facinoris memoria in novum iterum contra Severum dandum exemplum prouocet. Hæc paulò ante occisionem Mauricii contingere.

Cum Schismatici ad Ecclesiasticam unionem redibant, iuramenti formulam à Gregorio conflata[m] recitabant, quam exhibuit S. Pontifex lib. 20. epist. 31. At Cardinalis Baronius in addit. ad tomum 9. ait desiderari in Gregorij libris fidei professionem, quam recitabant Schismatici, dum ad Ecclesiam reuertebantur, accepisse se illam tamen à Nicolao Fabro, quam ibi inserit. Sed profectò eadem iisdem omnino verbis habetur libro 1. epist. 24. ad Patriarchas in fine, incipit ab illis verbis, *Præterea, quia corde creditur ad iustitiam vsque, ad finem epistolæ. Etenim hic in Ecclesia mos id temporis vigeat, ut quoties (verba sunt Gregorij) in quatuor precipuis Sedibus Antistes ordinantur, synodales sibi epistolas vicissim mittant, in quibus se sanctam Chalcedonensem Synodum cum alijs generalibus Synodis custodire fateantur. Quare Gregorius acceptis Imperatoris literis, quæ ipsius consecrationem ratam habebat, quinto sui Pontificatus mense elegantissimam Synodicam epistolam ad Patriarchas misit, in cuius fine ait: Sicut Sancti Evangelij quatuor libros, sic quatuor concilia suscipere, & venerari me fateor. Quibus sigillatim approbatis, de Quinta Synodo hæc addit: Quintum Concilium pariter veneror, in quo epistola, quæ ibi dicitur, erroris plena reprobat, in quo Theodorus personam mediatoris Dei, & hominum in duabus substantijs separans ad impietatis perfidiam cecidisse conuincitur, & in quo scripta quoque Theodori, per quæ B. Cyrilli fides repræhenditur, ausu dementiæ prolata resutantur. Cunctas uero, quas præfata veneranda Concilia personas respuunt, respuo, quas venerantur, amplector, quia dum uniuersali sunt consensu constituta, se, & non illa destruit, quisquis præsumit, aut soluere, quos religant, aut ligare quos solunt. Quis ergo aliter sapit, anathema sit. Hac celeberrima, atque illustrissima tanti Pontificis confirmatione Quinti Concilij auctoritas stabilitur, & Recentioris Origenis aduocati signimenta penitus dispelluntur. Audio tamen eundem hæc inclamantem: Non vidit proinde, non vidit Gregorius Vigilij Constitutum, neque illi quoque Pontifices viderunt, qui Gregorium in hac de rebus capitulis opinione secuti sunt. Verum cimmerijs prorsus tenebris immerfus censeatur, qui tantam Romanæ Ecclesiæ ignorantiam affricet, nam cognouisse illos Pontifices Constitutum Vigilij, & eiusdem abrogationem, quam Halloix non vidit, superius satis euidenter demonstratum est, ut nihil penè solidius hic iterum addi posse videatur.*

Anno 602. exente Mauricio Imperator vnà cum filijs à Phoca die 27. Nouembris occisus fuit. Gregorius his acceptis gratulatorias ad novum Im-

peratorem literas dedit lib. 11. epist. 36. in quibus Mauricij tempora perstringens ait: *Quiescat felicissimis temporibus vestris cuncta Respublica, prolata sub causarum imagine prada pacis. Cessent testamentorum insidia, donationum gratia violenter exacta &c.* Et epist. 43. ad eundem Phocam: *Remoto in gotristie ad libertatis tempora sub imperiali benignitatis vestra pietate peruenimus.* Gregorius nunquam fauorem habuit Mauricium, qui vr in alijs, ita in Schismaticis reuocandis suis eundem semper mandatis impediuit, nec vllis Pontificis precibus, vel aliorum eam in rem inflecti potuit, vnde Seuero Schismaticorum Coryphæo audacia creuerat. Hinc accidit, vt, teste Gregorio, nullus de more Diaconus Constantinopolim delegari posset, qui Romani Pontificis Apocrisarium apud Principem ageret: *Dum minisiri omnes, inquit epist. 43. huius nostra Ecclesie contrita, aspera; tempora cumformidine declinarent, atq; refugerent, nulli eorum poterat imponi, vt ad Urbem regiam in palatio permansurus accederet.* Itaque Mauricius protectionis Schismaticis præstita, qua illi muniri Sancti Pontificis conarus semper eludere, reus poenas tandem dedit. Sed neque Gregorius diu superstes fuit, nam anno 604. die 12. Martij ad Superos abiit. Hic profecto non tam ob gesta scribenda, quam ob scripta legenda Magni cognomento publica fama decoratus est; animi cerrè magnitudinem in profligando schismate testatam reliquit. Nam cum pestis illa teterrima latè per Italiam serperet, intra Aquileiensem confinia morbum inclusit, penitusq; extinxisset, nisi Imperatoris decreta eiusdem vòta, ac conatus frustraissent. Hic Synodi V. calamitates maligni spiritus instigatione persuasos, homines malitiose mentis, & ignorantie cecitate laborantes. Lib. 1. epist. 2. Lib. 7. epist. 5.

Cæterum nec Seuerus Aquileiensis Episcopus Gregorij morte diu latatus est; nam & ipse anno 605. satis concessit, cuius elogium in Vtinenſi Patriarcharum aula ab autore rerum à Seuero gestarum prorsus inscio inscriptum recitat Palladius iunior lib. 1. Hist. Forpuliensium; cuius fragmentum superius correximus. Illud sanè tolerari nullo pacto potest, quòd de eodem ibidem scriptum legitur, *sanctè vixit, obiitque.* Etenim vsque ad S. Gregorij mortem Seuerus *Schismaticorum caput* extitit, & non modò ipse ad Ecclesiæ vniõnem venire recusauit, sed & Firminum Episcopum Tergestinum præmijs quidem iterum ad Schisma pellexit, dein recusantem ciuilibus dissensionibus afflixit. Idem contra Gregorium semper stetit, ac datis ad Mauricium literis S. Pontificis desideria, atq; operam elusit. Hinc falsum omnino est, quod in MS. Chronico Aquileiensi apud Dandalum ab Vghello in tabulis Gradenſium Patriarcharum laudatum legitur, Seuerum à S. Gregorio Patriarchalis sedis ad Gradum translationis iteratam approbationem obtinuisse. Adeo enim Gregorius Seueri nomen abhorruit, vt illius Urbem vel eleemosinis indignam prorsus arbitretur. Ioannes Diaconus lib. 4. de vita S. Greg. c. 38. ira scribit: *Deniq; Seuerus, quia ad unitatem Sanctæ vniuersalis Ecclesie redire non meruit, ad descendendum quoque sue ipsius discipulos unitatem Romanum Pontificem sua recordia suscitauit, adeo vt ab ipso illius obitus tempore Aquileiensis diuices in duos Metropoliticos Catholicorum videlicet, & Schismaticorum diuisa sit, neq; poruit postmodum, licet omnes generaliter ad unitatem de Schismate repedauerint, ad pristinae conuinctionis unionem vsq; hæcenus reformari.* Hæc ille.

Mortuo itaque in Schismate Seuero Marcianum quendam successisse Chronicon Aquileiense, ac Danduli historia recitant, adduntque per triennium eam sedem tenuisse. Sed ex Ioanne Diacono mox laudato oppositum patet, nempe à Seueri obitu diocesim Aquileiensem in duos esse distractam, quod etiam constat ex literis Schismaticorum, quas ex veteri MS. laudat Baronius ad Annum 605. Defuncto, inquit, itaque Seuero ordinatur loco eius Ioannes Patriarcha in Aquileia eo tempore, quo Agilulphus Rex Longobardorum regnabat, in Gradum quoque ordinatus est hereticus Candianus. Etenim Gradenfes Catholicum Antistitem volebant, Aquileienses verò Schismaticum; cumque nulla ratione conuenire possent, Aquileienses Ioannem Abbatem Synodi V. proscriptorem elegerunt, Orthodoxi verò Gradenfes Candianum Ariminensem sacris præfecerunt, de qua re etiam scribit Paulus Diaconus lib. 4. de gestis Longobardorum cap. 34. Agilulphus Aquileiensi Schismatico studebat, Exarchi Gradensem Antistitem tuebantur, quòd Gradus Imperatori parebat, in Aquileia verò Agilulpho. Baronius satis acrem Ioannis Schismatici epistolam ad Longobardum Regem recitat, in qua de æmuli consecratione ait: *Et Petrus, & Proidentius, seu Agnellus Episcopi Istriae, qui adhuc fidem sanctam tenebant, & Candiano necdum consentiebant, de Ecclesijs suis à militibus tracti, & cum graui iniurijs, & contumelijs ad eum venire compulsi sunt.* Sed isthæc esse mera mendacia arbitror. Nam illi duo Episcopi ad Catholicam vnitatem velle se venire per literas Gregorio significauerant, vt dictum est. Cæterum vtrumque Episcopum in Candiani sententiam Catholicam descendisse, nec homo schismaticus potuit inficiari. Quanta verò rabie in Orthodoxum Antistitem fremeret, ex hæc eiusdem ad Agilulphum Regem adhortatione innotescit: *Sic laborate, ait, & agite, quatenus & fides Catholica vestris augeatur temporibus, & in Gradenfi calido, postquam infelix Candianus de hoc seculo ad æterna supplicia transmigrarit, aliter niqua ordinatio ibi minimò celebretur.* Ita stulti, atque imperiti homines æterna supplicia, quibus ipsi destinati erant, Catholicis interminabantur.

S. VI.

Aquileiensis Ecclesia Quintam denique Synodum recipit.

Metropolita Aquileiensis antiqua iurisdictione multatus longè peiori in Ecclesiam Romanam animo cum subditis prouincialibus euaserat. Etenim Romanus Pontifex Gradenfis Archiepiscopi inaugurationem non modò probauerat, verum etiam illius Author fuerat, quod ex laudato Ioanne Diacono lib. 4. de vita Gregorij Magni cap. 38. colligitur, vbi scribit de Schismatico Aquileiæ, *ad sciendum quoque sue ipsius diocesanos vnitatem Romanum Pontificem sua recordia suscitauit.* Eandem etiam diuisionem Phocæ homine ratam habuit Smaragdus, cuius fides iam Gregorio, ac Pelagio illa in re satis probata fuit, nam Schismaticis semper infestus strenuam Apostolicæ Sedi operam nauauit. Mortuo Longobardorum Rege Agilulpho Theodelinda, Adolualdo filio ob ætatem ad regnandum nondum idoneo, Longobardos gubernauit, eximie quidem & prudentiæ, & pietatis fœmina. Illa autem accepta à Gregorio Quinta Synodo alieno à Schismaticis animo esse cœperat,

cum

cum in illa Concilium Chalcedonenſe, quòd ad dogmata ſpectat, ex integro ſuſcipi cognouiſſet. Quare cum Iſtrix Epifcopi Firminus, Petrus, Prouidentius, alijque ad Romanam Eccleſiam acceſſiſſent, eorum exemplo & Venetiæ Præſules, qui ſubiectas Theodelindæ diœceſes regebant, paulatim à Schifmate diſceſſere, ſolis Aquileienſibus in rebellionē perſeuerantibus. Et quidem vniuerſis Orbis Catholicis exceptis Iſtris, & Venetiis, & quibuſdam Francis iam viuente Gregorio Synodum V. recipiens Apoſtolicam Sedem reuerebatur. Teſtatur hoc S. Pontifex lib. 7. epiſt. 5. ad Brunichildam: *Sed ita illos erroris labes imbibit, ut ignorantia ſua credentes vniuerſalem Eccleſiam, atque omnes quatuor Parochias non ratione, ſed malitioſa mente tantummodò reſugiant.* Quare cum nemine Patriarcharum, vel quocunque Metropolitâ ſeditioſi illi communicabant, ſed Catholicam fidem intra Aquileienſem diœceſim toto Orbe reliquo exactam ſe recepiſſe, ſtultiſſimi homines iactabant. Ita ſub Adolualdo Rege in ſchiſmate vixit Eccleſia Aquileienſis, ſurentis etiam Monachi doctrina paulò poſt in eodem errore confirmata. Rem narrat Ionas Monachus in libro de vita S. Euſtaſij, qui tomo tertio operum Bedæ inſertus eſt, indeque eandem hitoriâ ſuis annalibus inferuit Baronius ad Annum 617. Sigonius verò ad annum 621. Agreſtinus quidam è Luxouienſi monaſterio egreſſus, vana diuini verbi populis annunciandi cupidine actus in Boiariam venit, cumque illi genti ſe haud acceptum eſſe intelligeret, ſuperatis alpiſus Aquileiam deſcendit, ſtatimque Schiſmaticorum diſcipulus factus mox Schiſmatis magiſter euasiſt. Literas per Aureum Adolualdi Regis Notarium ad S. Attalam Monaſterij Bobienſis Abbatem per ſummam temeritatem mittere auſus eſt, ſanctiſſimo viro ſchiſma perſuaſurus. *Aquileienſes enim, inquit Ionas, diſcordabant à communione Sedis Apoſtolicæ, de qua Dominus in Euangelio ad B. Petrum loquitur: Tu es Petrus, & ſuper hanc petram ædificabo Eccleſiam meam &c. ob trium uidelicet capitulorum diſſenſionem, quæ præſenti operi neceſſarium non duximus inſerere. Itaque ueniens Aquileiam ſocius ſtatim ſchiſmatis effectus, Romanæ Sedis à communione ſeiunctus, ac diuiſus eſt, totus orbis communionem, quicumque Romanæ Sedi iungere-
tur, damnans, in ſola Aquileia orthodoxam fidem retineri decertans.* Anno etiam 630. quidam Fortunatus ſedem Gradenſem inuaſit homo ſchiſmaticus, qui poſtea ſibi timens ad Longobardos fugit, de quo Chronicon Aquileienſe apud Vghelum tom. 5. Italiæ Sacræ: *Fortunatus quidam hæreticus Pontificatum arripuit, qui quintam Synodum minimè recipiens ob ſui erroris piaculum &c. fugit cum ſacra ſuppellectile in Longobardiam.* Huius Schiſmatis Aquileienſis terminum omnes ponunt Sergio Pontifice, qui anno 678. Romæ ſedit, ex Bedâ in Chronico circa tempora Tiberij Abſimari vbi hæc tradit: *Synodus Aquileiæ facta ob imperitiam fidei V. uniuerſale Concilium ſuſcipere diſſidit, donec ſalutaribus B. Papæ Sergij monitis &c. ipſa huius cunctis Eccleſijs annuere conſentit.* Hæc ipſa ad verbum tranſcripſit Paulus Diaconus lib. 6. hiſt. Longob. cap. 14. qui poſt mortem Bedæ vixit ſub Deſiderio Rege, & Carolo Imperatore. Verùm longè antea Antiſtites Aquileienſes Synodum V. damnato Schiſmate receperant. Nam Maximus Archiepiſcopus Aquileienſis in Synodo Lateranenſi ſub S. Martino Papâ celebrata anno 649. Secretario primo hæc pronunciauit: *Contra Theodorum autem, & Origenem in Sancta Quinta Synodo accuſator quidem nullus, ſed tantummodò eorum conſcripta ad accuſationem ipſorum, & reprehensionem ſuffeciſſe noſcuntur.* Ante Ser-

gium etiam in Synodo sub S. Agathone Romæ habita in literis ad Imperatores, quæ recitantur in Synodo VI. 2. 4. hæc habentur: *Hoc idem etiam & Sancta Synodus, quæ sub augusta memoria Iustiniano Principe in Constantinopoli congregata est, in septimo definitionum capitulo prædicat &c.* Huic verò epistolæ legitur inter alios subscriptus Antistes Aquileiensis: *Agatho Episcopus S. Ecclesiæ Aquileiensis provincie Istrie in hanc suggestionem, quam pro Apostolica nostra fide & nancmitter construximus, similiter subscripsi.* Sequuntur postea eiusdem suffraganei Cyriacus Polensis, Aurelianus Parentinus, Vrsinus Cenetensis, Andreas Vegliensis, Gaudentius Tergestinus, Benenatus Opiterginus, Vrsinianus Pucinianus, aliàs Petenensis, Paulus Patavinus, & Paulus Altinas. Quare ante Sergium Ecclesiæ Aquileiensis, & suffraganei Episcopi non modò ad Ecclesiæ Romanam accesserant, verùm etiam Synodum V. pleno ore laudantes decessorum errorem, diuturnamq; pertinaciam detestabantur. Nonnullis fortè, at non illis quidem Episcopis, sed è plebe adhuc ea de re hæsitantibus Sergius verum dogma declaravit.

Quæri hic potest, num tot Episcopi, qui contra Sedem Apostolicam obstinati Synodum V. damnarunt, sint & ipsi æternis supplicijs condemnati. Prose& si in illo Schismate diem obierunt, vtpotè ab Ecclesiâ seiuncti, & rebellionis ab Apostolica Sede rei dubio procul damnati periere. Hinc S. Gregorius scribens tum ad Theodelindam, quæ ab Insuæ Episcopis decepta ad Schismaticos transierat, tum ad Secundinum Anachoretam exclusos illos à regno cœlesti testatus est, nisi à Schismaticis discerent. Do verba ad Secundinum seuerioris instituti Monachum lib. 7. epist. 32. *Necesse est, inquit, ut dulcissima mihi tua dilectio in hoc, quod præcipuè in bonis moribus uiuit, quod se per abstinentiam affigit, quod doctrinæ Dei uehementius insistit, hoc studiosius cogitet, ne errorem Schismaticorum sequens à Sanctâ uniuersali Ecclesiâ diuisa possit inueniri.* E& quid tot labores proderunt, si in unitate fidei inuenta non fuerint, quæ ante Dei omnipotentis oculos in bonis actionibus animam præcipuè custodit? Inter Episcopos Schismaticos, qui contra Apostolicam Sedem Pontificibus Pelagio II. & Gregorio Magno pro Schismate depugnarunt, fuit Ingenuinus Sabionensis Episcopus, qui primus libellum ad Mauricium contra S. Gregorij mandata conscriptum signauit, & Apostolicæ Sedis iudicium fugiens profanum Imperatoris tribunal appellauit. Illius tamen festum peragitur Brixinæ in Rhætia II. vnde dicendum est cum Bollando illum resipuisse, & ad meliorem frugem reuersum; de quo pluribus agit ille scriptor tomo 1. Februarij à pag. 669. Historici Foro-Julienfes tradunt Schismaticos omnes Episcopos piè in Domino defunctos esse. De Seuero Schismaticorum pessimo scribit Palladius ad annum 605. par. 1. lib. 1. morti proximum errorem esse auersatum. Ioannes Candidus lib. 3. antiq. Aquileien. ait, *recta per annos XV. Ecclesiâ sanctissimè obijisse.* De Helia ad annum 586. scribit Palladius, approbasse in Synodo Constantinopolitana Concilium, & diem in Domino obijisse. Paulinum etiam Apostolicæ Sedi conciliatum Beati titulo publicè honorant, qui infandi Schismatis Princeps fuit, & à Pelagio Papa dictus est *in schismate maledictus*. Idem etiam referens Episcopos, qui Helix Synodo interfuere *Sanctos Patres* nuncupat. Qui tamen contra Pelagium, & huius mandata exequentem Smaragdum ad Mauricium literas pro Seuero dedere. E& hinc si illorum supplex libellus ad

Impe-

Imperatorem, vel Ioannis Patriarchæ epistola ad Agilulfum legatur, summam ipsdem insitam fuisse obstinationem intelligemus. In libello supplici hæc scribunt: *Contriti, atq; luctu grauissimo sauciati ad ultimam desperationem peruenimus, ut ad illius, nempe Gregorij Papæ, iudicium Metropolitæ noster cogeretur occurrere, cum quo causa ipsa esse dinoscitur, & cuius communionem ab initio motionis cause huius usq; nunc decessores nostri, & nos cum omni populo cuiusdamus. Si ante mortem Paulinus, & Helias Aquileienses, Solacius Veronensis, alijq; Schismatici communioni Sedis Apostolicæ errore deposito sese iunxissent, nã illi vera Mauricio narraissent? Præterea S. Gregorius Episcopus illos deprauatis moribus corruptos ex plurium contestatione fuisse affirmat lib. 7. epist. 67. Ioannes verò Diaconus lib. 4. de vita S. Gregorij cap. 38. de Seuero ait, quòd ad unitatem Sanctæ universalis Ecclesiæ redire non meruit. Quòd si illorum quosdam ante mortem ab errore discessisse constet, vt de S. Ingenuino narrauimus, de eorum pœnitentia nobis lætandum est. Sed quinam i fuerint, diuinari non possumus, neq; fas est de diuinis iudicijs temerè iudicare.*

CAPVT X.

Verum ex Schismate ortum traxerit Patriarchatus Aquileiensis. Ecclesiasticæ Hierarchiæ diuisio præmittitur. Salmasij opinio rejicitur. Patriarchatum nomen unde, & quinam antiquitus fuerint. De primatu Ecclesiæ Aquileiensis, Mediolanensis, ac Rauennatis disputatur. Aquileiensis Metropolitæ antiquitas defenditur. Varia Baronij, Sirmondi, ac Salmasij sententiæ examinantur.

EX hucusq; descripto Schismate Aquileiensis Ecclesiæ Patriarchatum emeruisse insignis Ecclesiæ Catholicæ historicus Cardinalis Baronius asseruit. At iniquum suis Foro iulien sibus Scriptorem increpat Henricus Palladius lib. 5. Hist. Foro iulien sis: molestè enim, & acerbè fert, infames adeo natales Aquileiensem modò celebrem Patriarchatum olim sortitum esse. Salmasius etiam ob hoc ipsum Baronium redarguit par. 2. Eucharist. cap. 3. pag. 481. *Venetia*, inquit, *Metropolis Aquileia, hinc Aquileiensis Episcopus Patriarcha semper nuncupatus est. Longè verò errat Baronius, & reliqui, qui per Schisma illum hunc sibi titulum usurpasse contendunt.* Verùm Baronio adhaerent Sirmondus in Propemptico, Bollandus ad 8. Februarij in notis ad vitam S. Honorati S. 1. meus nunquam satis laudatus Christianus Lupus in comment. ad Synodum V. cap. 6. in fine quæstionis primæ, vbi recensito Paulini Aquileiensis schismate concludit: *Hæc sunt vera exordia, & natales Patriarchatus Aquileiensis.* Imò Sirmondus, & Lupus ante Schisma non modò negant, sed em Aquileiensem Patriarchalem fuisse, sed contendunt primum post Pontificem in Italia Metropolitam fuisse Mediolanensem Antistitem, cui proximus Aquileiensis succedebat, atq; ita secundum inter Italiæ Metropolitanos Aquileiensem faciunt. Horum tamen sententiæ hic nobis excutiendæ sunt.

In primis certum mihi est, in Ecclesiastica Hierarchia quatuor Episcoporum ordines esse statuendos, nempe Patriarchas, Primates Exarchos, Metropolitanos, & Suffraganeos Episcopos. Ita sanè Episcoporum gradus distinguunt

stinguit Leo IX. epist. 4. ad Petrum, & Ioannem, & S. Isidorus, qui Gregorio Magno conuixit, ex antiqua Ecclesiæ consuetudine idem docuerat lib. 7. Orig. cap. 12. *Ordo*, inquit, *Episcoporum quadripartitus est, in Patriarchis, Archiepiscopis, Metropolitanis, & Episcopis*. Patriarcha pluribus prouincijs præest: ita XV. Orientales prouinciæ Patriarchæ Antiocheno parebant: Romano Patriarchæ suberat totus Occidens, Septemtrio, Africa, & Illyricum. Primas Exarchus, seu Archiepiscopus aliquot Ecclesiasticas prouincias moderatur. Metropolitanus vnicam Ecclesiasticam prouinciam regit. Hi vero gradus ideo inter se distinguuntur, quia Archiepiscopus, seu Primas Exarchus aliquot sub se habet Metropolitanos, at Metropolitanus in Episcopos tantum suffraganeos ius possidet. Episcopus vnius vrbis regimen administrat. Scio plures de nominibus horum ordinum inutiliter litigare; certè de origine nominis Patriarchæ contra communem sententiam plurima tradit Salmasius cap. 3. pag. 475. Promiscuè tamen quandoque accipi solent; ita Leo Pontifex in Synodo Chalcedonenſi Archiepiscopus, & Patriarcha dictus fuit: Aquileiensis Episcopus Metropolita, & Archiepiscopus appellatur in libello Schismaticorum ad Mauricium, nempe quia gradus inferioris dignitatis in superiori contineatur. Græci posteriores Archiepiscopum post Metropolitanam locant, vt patet ex instructione Leonis Sapientis ad Andronicum.

Salmasius secundum gradum Episcoporum inficiatur parte posteriori sui Eucharist. cap. 3. etenim negat fuisse Metropolitanos absque Patriarchali dignitate in subiectos Metropolitanos iurisdictionem exercentes. Hinc putat tres Primates Autocephalos Ephesinum Asiaticæ diocesis, Heracleensem Thraciæ, & Cæsareensem Ponticæ, itemque Primatem Africæ Carthagenensem nullam iurisdictionem exercuisse in Ecclesias Metropolitanorum intra aurocephalam consistentium. At planè errat: Nam Sanctus Basilus, vt ex eiusdem epistola 187. colligitur, Nicopolitanam Ecclesiam visitauit: Est autem Nicopolis vrbs Armeniæ minoris sub Metropolita Sebasteno. Helladius etiam Nicomedienſi Metropolitanæ in Bithynia Ecclesiæ Episcopum dedit nemine contradicente teste Sozomeno libro octauo cap. 6. Erant Basilus, & Helladius Primates Cæsareenses. Hoc ipsum in Primatem Carthagenensē patet. Scribit Leo IX. in laudata epistola, quod nullus aliquam licentiam consecrandi Episcopos, vel deponendi, seu prouinciale Concilium conuocandi habet sine consensu Carthagenensis Archiepiscopi cuiuslibet dignitatis, aut potestatis sit. At video Salmasium reponere, Iustiniani tempore Primati Carthagenensē hoc priuilegium concessum fuisse; quare altius res mihi repetenda est. Valerius Hipponensis in Numidia Episcopus non à Megalio prouinciæ Metropolitanō, sed ab Aurelio totius Africæ Primatem facultatem obtinuit, vt S. Augustinus secum in eadem sede Coepiscopus ordinaretur. Rem ita narrat Possidius cap. 8. de vita Augustini scribens, Valerium egisse secretis literis apud Primatem Episcopum Sedi Carthagenensis allegantem imbecillitatem corporis sui, ætatisque grauitatem, & obseuerantem, vt Hipponensis Ecclesia ordinaretur Episcopus. Postea: Qua igitur beatus Valerius optauit, & rogauit satagens, rescripto impetrauit. S. Augustinus adhuc Presbyter epist. 64. egit gratias eidem Aurelio, quod permiserit Alipium vnā secum morari in monasterio Hipponensē. Plena igitur iurisdictione in Numidia Aurelius pollebat. Erat Alipius tunc fortè Presbyter Tagastensis Eccle-

siæ, vel certè ab illius vrbis Episcopo in Presbyterum optatus, qui tamen Aurelio permittente in monasterio Hipponensi cum suo Augustino remansit. Cum anno 431. delatæ fuissent Carthaginem literæ Theodosij iunioris, quæ Augustinus ad Ephesinam Synodum euocabatur, Capreolus, vti diximus lib. 2. Hist. Pelag. cap. 9. sacram illam non ad Numidiæ Primatem deferendam curauit, sed ipse aperuit, legitque, vt hoc supremæ eiusdem authoritatis argumentum sit. Est præterea egregium pro hoc ipso testimonium in epistola S. Doctoris 235. ad Quintianum, in qua cum dubium esset, an Priuatio, qui semel tantum in alia Ecclesia legerat, posset intra Hipponensis Ecclesiæ monasterium recipi, hæc Augustinus scribit: *Causam ipsius ad Senem Aurelium misi, vt quod de illo statueris, hoc faciam.* Et postea: *Tamen de isto adolescente, quod memorato Antistiti visum fuerit, hoc oportet obseruem.* Dubiæ ergo causæ Numidarum ad Aurelium Carthaginensem referebantur, eiusque sententiam vniuersi sequebantur.

Aurelius Carthaginensis omnium prouinciarum Africæ Episcopos poterat consecrare. Hinc idem in Synodo Africana habita Carthagine post cons. Stilichonis anno 401. dixit: *Crebrò, ac penè per diem Dominicam ordinandos habemus.* At si solos Proconsulares Prouinciæ Episcopos inaugurabat, non adeo frequentes Antistitum promotiones incidissent. Scio variare Scriptores in designando numero Episcoporum Proconsularium. Anonymus in notitia Præsulum Africæ LIV. eisdem numerat. At Victor Vitenlis lib. 1. de persecut. Vandal. scribit: *Vnde factum est, vt post obitum Episcopi Carthaginis Zeugitane, & Proconsularis Prouinciæ Episcopos interdiceret ordinandos, quorum erat numerus centum sexaginta quatuor.* Ex quibus Illusterrimus Casanata nobis lib. 2. Hist. Pelag. cap. 8. laudatus eruditè insert, notitiam illam Episcoporum Africæ à Simonondo publicatam perperam à Chiffletio cap. 2. elucidat. in Victorem Vitensem huic ipsi auctori adscribi; neque enim vnus, idemque Scriptor adeo à se ipso in computando variasset. Anonymi verò numerum deficere certum est. Etenim in Synodo prouinciali Carthaginensi anno 416. contra Pelagianos habitata adfuere Episcopi LXVIII. quorum nomina leguntur in epigraphe epistolæ 91. apud Augustinum; neque tamen omnes Proconsulares conuenerant. Euodius certè Vzalenis, vt notauimus lib. 1. Hist. eiusdem cap. 10. tum temporis Carthagine abfuit. In tabulis Caroli à S. Paulo, & eruditis in eisdem Holstenij notis supra centum Episcopi in Zeugitana, seu Proconsulari prouincia numerantur. Vtut sit de hoc, constat Episcopos eiusdem prouinciæ, etiam si CLXIV. asserantur, crebrò, ac penè per Dominicam diem non potuisse ordinari, cum adeo frequentes eorundem obitus fingi nequeant. Salmasius cap. 3. pag. 431. ita Aurelij verba interpretatur, quod penè, hoc est præsertim Dominica die Episcopos consecraret. Imperitè. Etenim lib. 2. Hist. Pelag. cap. 24. ostendimus, in Ecclesia Latina Episcopos Dominica tantum die ad sacras cathedras promotos fuisse. Præterea in eadem Synodo canone 22. cum Aurelius dixisset: *Ego enim cunctarum (nempe per vniuersam Africam) Ecclesiarum, dignatione Dei (vt scitis Fratres) sollicitudinem sustineo.* Numidius Episcopus Maxulitanus respondit: *Fuit semper hæc licentia huic sedi, vt vnde vellet, & de cuius nomine fuisset conuentus, pro desiderio cuiusque Ecclesiæ ordinare Episcopum.* In Synodo etiam Carthaginensi anno 525. à Bonifacio Primatè celebrata monaste-

rium prouinciæ Byzacenæ exemptum fuit à iurisdictione Liberati Primatis Byzacij, & sub Primatis Carthagenensis dominium adauctum, de qua re diximus lib. 1. Hist. Pelag. cap. 23. Alia argumenta in hanc ipsam rem congerit Hallier lib. 4. Hierar. Eccles. sect. 4. cap. 2. art. 1. quæ nolumus exscribere. Illud tamen eidem non obseruatum adnotandum videtur, ipsorum etiam Donatistarum Primatem Carthagenensem in omnes Africanas prouincias ius apud Scetarios habuisse. Etenim Victor Taborensis Donatista cap. 207. collat. 1. dixit: *Susciperam quidem mandatum, sed quia beatissimus Pater, & Princeps noster Primianus nunc suscepit, me necesse est mandare his actis.* Erat Primianus Metropolitā Donatistarum Carthagenensium, Victor verò sedebat Tabora in Mauritania Cæsareensi. Igitur ex dictis contra Salmasium probatur, Primatem Carthagenensem, itemque tres Autocephalos Antistites ius habuisse in alios inferiores Metropolitas.

Patriarchæ à tribus Autocephalis & nomine, & Ecclesiasticæ iurisdictionis amplitudine distincti in pluribus cum iisdem conueniunt. In primis neque Patriarcha, neque Exarchus Autocephalus in sua ordinatione indiget præuia alicuius licentia, est enim independens uterque ab omni subiectione, & consecratur in sua sede à Synodo prouinciali. Hinc cum Zeno Imperator Patriarcham Antiochenum ob contrarias illius vrbis factiones in regia Vrbe per Acacium C-P. consecrandum curasset, Simplicius Papa ideo illam electionem ratam habuit, quia Imperator sanctè iurauerat, *quod posthac in Antiochena Vrbe veteri more seruato à Conprouincialibus suis Episcopis ordinaretur.* Ritus, quo Patriarchæ Alexandrini consecrabantur, describit Liberatus cap. 20. Breuiarij. De Constantinopolitanis agit Simeon Thessalonicensis apud Morinum par. 2. de sac. Ordin. cap. 9. Eo ritu etiam sacris infulis decorabantur Autocephali, seu Archiepiscopi. Legimus act. 11. Synodi Chalcedonensis, itemque sequenti decretum fuisse, novum Ephesijs Episcopum in Metropoli consecrari, ne populus ob antiqua iura violata in furem ageretur; clamauerant enim Asiaticæ dioceseos Antistites: *Si quispiam hic Chalcedone fuerit ordinatus, & filij nostri moriuntur, & ciuitas Ephesina deperit.* Rursus Patriarcha, & Autocephalus poterat sine alterius licentia legitimè electos Metropolitas, & Episcopos confirmare, suoque arbitrio consecrare. At sine vtriusque licentia nullus Metropolitanus alios consecrare poterat. Hæc de causa Pelagius Primus Paulinum Aquileiensem *Pseudo-episcopum* in literis ad Narsetem appellat, quod non obtenta à suo Patriarcha facultate ordinatus fuerat. S. Gregorius lib. 2. epist. 31. scribens de electione Constantij Metropolitæ Mediolanensis ad Romanum Exarchum ait: *Necesse fuit pro seruanda consuetudine militem Ecclesie nostræ dirigere, qui cum, in quo omnium voluntates, atque consensum concorditer conuenire cognouerit, à suis Episcopis, sicut vetus mos exigit, cum nostro tamen assensu faciat consecrari.* Quæ quidem spectabant ad ius Patriarchale supra Metropolitā suæ diocesis. Hisce priuilegijs, quæ cæteris antistant, & aliorum veluti fontes sunt, carent Metropolitæ prouinciales, itemque Episcopi suffraganei. Illis autem constituitur reapse Patriarcha, vel Autocephalus, quæ si semel auferas, solo nomine, & titulo tenus dicendus erit Patriarcha.

Nomen Patriarchæ apud Latinos primitus legitur in epistola Adriani Imperatoris ad Seruiānum consulem apud Fl. Vopiscum in vita Saturnini. Iudri

quosdam illustres viros Patriarchas dicebant, quorum mentio fit in Cod. Theod. lib. 16. tit. 14. ubi legitur in rescripto Arcadij, & Honorij ad Messiam P.P. quosdam, quos Apostolos nuncupabant, ad exigendum aurum, atque argentum a Patriarcha certo tempore dirigi solitos. Ex Synagoga ergo in Ecclesiam transiit nomen, datumque fuit Christianæ legis Præfulibus. Vox ista in Synodo Chalcedonenſi primùm audita est, ut eruditè obseruauit antiçissimus Lupus in appendice ad Synodum Chalcedonenſem in notis ad act. 2. in qua ante Nicæni symboli recitationem Metropolitæ dicti sunt *Sanctissimi Patriarchæ singulorum prouinciarum*. Ex antiquiori tamen Ecclesiæ vsu tres tantùm fuerunt Patriarchæ, qui nulli alteri subiecti amplissimis diocæsisbus penes sacra imperabant, nempe Præsules Romanus, Alexandrinus, & Antiochenus. Postea Antistes Constantinopolitanus, qui prius erat purus putus suffraganeus Metropolitæ Heracleensis Autocephali, Imperatorum Byzantijs commorantium fauore fretus ius Patriarchale vsurpauit. Quintus denique Patriarcha dictus fuit Episcopus Hierosolymitanus, qui tempore S. Augustini erat suffraganeus Metropolitæ Cæsarensis in Palaestina, ut ostendimus lib. 2. Hist. Pelag. cap. 4. Nicolaus Papa, qui Pontificatum iniit anno 858. in responsionibus ad capitula Bulgarorum cap. 92. ait: *Desideratis nosse, quos sint ueraciter Patriarchæ?* Et cum respondisset esse tres, Romanum, Alexandrinum, & Antiochenum, addit: *Quia Constantinopolis noua Roma dicta est, fauore Principum potius, quàm ratione Patriarcha eius Pontifex appellatus est. Hierosolymitanus autem Præsul licet & ipse Patriarcha dicatur, & secundum antiquam consuetudinem, ac Nicenam Synodum honorandus sit salua tamen Metropoli propria dignitate &c.* Hi quidem & nomines, & re suæ quinq; in Ecclesiâ Patriarchæ. Postea verò Primates Regnorum, qui sedem primam tenebant, quandoque honoris gratiâ à quibusdam dicti sunt Patriarchæ. In Gallia Metropoli Lugdunenſis in Synodo Matisconenſi II. appellatus fuit Patriarcha, ibi: *Priscus Episcopus Patriarcha dixit*. Hispanus etiam Primas Toletanus dictus est Patriarcha; etenim Luitprandus in chronico Aera 648. scribit: *Dignitas Patriarchalis Toletanæ Sedis imminuta pristina dignitati restituitur*. Hoc pari titulo Primatem Cantuariensem in Angliâ decoratum videmus apud Guillelmum Malmesburiensem in prol. lib. 1. de gestis Pontificum Anglorum, nuncupat enim Archiepiscopum Cantuariensem totius Angliæ Primatem, & Patriarcham. Hi tamen penes nomen fuere Patriarchæ, neque gaudebant priuilegijs Patriarcharum, sed Patriarchæ Romano subiacebant, quod certum est. In Italia nostra cum Antistes Aquileienſis per amplæ diocæsi præesset, in qua Istria, Venetiæ, Noricum utrumque, ac Rhætia secunda numerabantur, Patriarchæ titulum obtinuit, initio quidem à prouincialibus, subsequens verò temporibus etiam ab Apostolica Sede, ut patet ex epistola 2. secuti IX. Nullus tamen affirmare potest, Antistitem Aquileiensem fuisse penes ius, & authoritatem reapse Patriarcham, cum neque numerari potuerit in secundo ordine Exarchorum Archiepiscoporum, fueritque purus putus Metropolitanus nullas sub se habens Ecclesiasticas Metropoles, quod ingenuè Palladius superius adductus fatetur. Idem sine licentiâ præuia Romani Patriarchæ non poterat consecrari ex literis Pelagij I. Poterat Romanus edocari ex lib. 1. S. Gregorij epist. 16. ad Seuerum Aquileiensem, & quidem considerata iure Patriarchali Romani Præsulis.

Itaque cum de re nulla quæstio esse possit, de nomine controuersia manet, num scilicet honorarius Patriarchæ Aquileiensis titulus incoeperit ante schismam, vel potius ex schismate initium habuerit. Salmasius putat Metropolitam, qui primam regionis totius prouinciæ regebat, appellatum fuisse Patriarcham; vnde cum ex Notitia vtriusq; imperij inter Italiæ prouinciæ Veneriæ, atq; Istria primo loco reponantur, consequens putat, vt vtriusq; prouinciæ Metropoli Patriarchæ nomen semper habuerit, & concludit cap. 3. citato pag. 481. *Veneriæ Metropolis Aquileia, hinc Aquileiensis Episcopus Patriarcha semper nuncupatus est.* Exemplum de Prisco Lugdunensi adducit, qui cum primæ totius Galliæ prouinciæ præfesset, Patriarcha in Synodo Matisconensi dictus fuit. Sed falli hominem certum est. Nolo hic loqui de diuisione prouinciarum Italiæ facta ab Augusto, iuxta quam teste Plinio nostro Veronensi lib. 3. cap. 18. Venetam prouinciæ non primo, sed penultimo loco nominatam scimus, posset enim reponere subsecutos Imperatores ordinem variasse. In eadem Notitia impetij Occidentalis in Africana regione prius ponitur Byzacium, deinde Numidia, & tamen Metropoli Numidiæ Byzacenum præcedebat. Hinc legati Numidiæ in Synodis Carthagenensibus anno 418. & 419. celebratis Byzacenæ prouinciæ legatos præcessere, & in literis Synodalibus, atq; actis Conciliorum Numidæ ante Byzacenos collocantur. Præterea in eadem Notitia imperij Orientalis in Pontica Diocesi prius Bithynia, postea Cappadocia collocatur. In Bithynia autem erat Nicomedia vrbs regia, ac plurium Imperatorum Sedes, vnde prima erat inter Ponticæ prouinciæ. At tamen Metropoli Cæsareæ Cappadocum erat Autocephalus, ac Metropoli Nicomediensis præponebatur vti subdito, vt ex ordinatione Antistitis Nicomediensis facta per Helladium Cæsareensem nobis superius monstratum est. Quare ex ordine prouinciarum in illa Notitia descriptarum primam querere, indeque eiusdem Metropolitæ Patriarchatum adstruere, vanum est. Certè Prouincia Proconsularis inter Africanas prima erat, nusquam tamen eiusdem Metropolitæ Carthagenensis appellatus fuit Patriarcha neq; in Synodis, quæ frequentissima cogebantur, neque ab vilo Scriptore Africano, licet Antistes Carthagenensis vniuersæ Africæ præfesset iure exarchico. Imò Patres Africani, ne ex amplissima exarchia ambitiosiores titulum asseclaret, lata lege sanxere in Synodo Carthagenensi Cæsario, & Attico Cofs. *Vt primæ Sedis Episcopus non appelletur Princeps Sacerdotum, aut summus Sacerdos, aut aliquid huiusmodi.* Ariani tamen, cum regnante Hunnerico omnes Catholicorum Ecclesias occupassent, Carthagenensem Episcopum Patriarcham vocabant, inquit Victor Vicensis lib. 2. de persecutione Vandalica. Neque exemplum de Prisco Lugdunensi, qui Patriarcha in Synodo Matisconensi II. nuncupatus fuit, Salmasij opinioni fauet; nam Lugdunensis prouincia non erat prima Galliarum, sed in Notitia laudata imperij prima statuitur Prouincia Viennensis, cuius vrbs Metropolitana erat Arelatum, ibi enim residebat Præfectus Prætorio Galliarum. Hinc Honorius in rescripto ad Palladium iubet, *in Metropolitana, idest Arelatensi vrbe septem Prouinciarum contentum fieri, vt optimorum conuentu sub illustri presentia præfectura* Galliarum negotia peragantur. Vnde Arelatenses Metropolitæ Apostolicæ Sedis Vicarij in Gallijs olim constituti sunt.

Henricus Palladius lib. 5. historię Foroiulienſis alia viâ pergit ad Patriarchatum Aquileienſem ſtabiliendum. Scribit S. Marcus à D. Petro Romę conſiſtente Aquileiam miſſum, quę ſanè vrbs, Roma excepta, erat omnium Italicarum prima. Ille verò cum primus Aquileienſium Epiſcopus Euangelium ibidem prædiçaſſet, monente Petro Hermagoram ſubſtituit, atque ex Italia Alexandriam perrexit. Quare cum Alexandrię Patriarchalem ſedem crexerit, potiori iure eadem dignitate Aquileienſis Eccleſia vti primogenita, decorata fuiſſe videtur ab eodem ſanctiſſimo Euangelifta, qui diſceſſurus ibidem Chriſti Euangelium ſua manu deſcriptum in amoris mnemoſinon Aquileienſibus primogenitis ſuis reliquit, quod poſtea anno 1420. Thoma è nobiliſſima Mocenicorum gente Venetiarum Duce in regiam Vrbem translatum, ſumma religione inter D. Marci cimelia ſeruatur. Eadem refert Vghellus initio tomj 5. Italię Sacrę. Sed debiles coniecturę ſunt ad Aquileienſem Patriarchatum ſtabiliendum, non enim omnes Eccleſię à diſcipulis D. Petri fundatę, tali honore decoratę ſunt. Apollinaris Rauennę fidem Chriſti prædicauit, primuſque nobiliſſimę Vrbis Epiſcopus fuit, & quidem ed à D. Petro miſſus, nec tamen Metropolim ſtatim condidit, nedum ſedem Patriarchalem. Ipſe Petrus plures per ſemet Eccleſias erexit, vt tradit Sophronius in libello de peregrinationibus, & laboribus eiufdem Apoſtoli, uerùm Antiochię tantum, dein Romę Patriarchalem ſedem erexit. Marcus ſanè primus Aquileienſium Antifteſ dicatur, non inde tamen deducitur, cundem Patriarchali iure illam Eccleſiam donaffe; etenim non propria authoritate, ſed vt ab Apoſtolorum Principe delegatus Patriarchalem thronum Alexandrię poſuit: clara ſunt verba S. Gelafij Papę in Synodo Romana: *Secunda autem ſedes apud Alexandriam B. Petri nomine à Marco eius diſcipulo, & Euangelifta conſecrata eſt: Tertia verò ſedes apud Antiochiam eiufdem Beatiffimi Petri Apoſtoli nomine habetur honorabilis.* Colligitur hoc ipſum ex Alexandrinę Eccleſię prærogatiua, qua ſemper Antiochenę prælata fuit; nequaquam enim decuiſſet Sedem, in qua primùm Apoſtolorum Princeps Epiſcopus fuit, Alexandrinę poſtponi ab eius diſcipulo inſtitutę. Cum verò Petrus propriam Sedem Patriarchalem Romę collocarit, alteram in Italia ſtatueret non debuit, ne Romani Patriarchatus fines coarctarentur, qui per Illyricum, per Septemtrionem, latęque per Occidentem, ac Meridiem proferendi erant. Quod ſi reponant ſolo nomine Patriarchali Aquileienſem Sedem fuiſſe à D. Petro ornatam, quouſque veteres teſtes laudentur, fidem ſuſpendifmus. D. Petrus in tribus mundi partibus tres Patriarchales Sedes fundauit, Romanam in Europa, Alexandrinam in Africa, Antiochenam in Aſia, vt iam ſacra illa Ariſtocratia ex integro à D. Petro Chriſti Vicario fuerit planè inſtituta. Harum Præſules in aliquo conueniunt, in alijs verò plurimùm diſcriminantur. Nam licet ſpectato iure Patriarchali tres illi Antifteſ, æqualis ſint authoritatis, ac nullus ab altero dependeat, iure tamen Papali vni Sedi Romanę reliquę duę ſubijciuntur, vt contra Photij aſſectas ab Orthodoxis adeo euidenter probatum eſt, vt Salmaſius ipſe lib. 2. Euchariſt. capite vltimo pag. 718. de Romano Pontifice ſcripſerit: *Nec primatem cum Italia ſpecialem, nec Occidentis fuiſſe Patriarcham, ſed eandem omnino & in Oriente poteſtatem habuiſſe olim, quam in Occidente, eandem porro & in quatuor Occidentis provinciis, quam in Italia.* Veritas inuito pectore erupit.

Nullo igitur argumento antiquitas Patriarchatus Aquileiensis vel penes titulum fulcitur: quare ex schismate illum deriuatum fuisse iure arbitror. Sanè post Schisma Aquileienses, vt verbis vtar Gregorij Magni, *omnes quatuor Patriarchias, nempe Patriarchales Sedes non ratione, sed malitiosa mente vitabant* lib. 7. epist. 5. Hinc ius Patriarchale in suum Antistitem transtulere. Illorum Metropolitam non secus, ac Patriarchæ à Synodo Prouinciæ à nemine licentia impetrata eligebatur, ac nullius euocationi subiectum se esse dicebat; vnde Scuerus Aquileiensis Romam euocatus morem non gessit, adeoque nec iurisdictioni Papali subijci patiebatur. Ex his patet in Schismate Metropolitæ Aquileienses reapse ius Patriarchale vsurpasse, & fortasse à subditis suffraganeis per adulationem eo primùm nomine nuncupatos fuisse. Quòd à Romano Pontifice rebelles erant, ne veluti acephali iriderentur, novum sibi Patriarcham somniarunt ab aliorum iurisdictione semotum. Atque ita in schismate Metropolitam Aquileiensis non penes titulum tantùm, sed reapse Patriarchali iure per vim vsurpato potitus est. Ille tamen finito schismate titulum retinuit. Cæterùm licet Metropolitæ Schismatici titulum Patriarchæ apud prouinciales passim vsurpabant, ad alios scribentes eo nomine prorsus abstinuere. Hinc in libello supplicis ad Mauricum Imperatorem, & in literis ad Agilulphum Regem Longobardorum Aquileiensis Antistes *Metropolitæ*, atque *Archiepiscopus* tantùm appellatur. Imò nec posterioribus sæculis Græci ad Patriarchas Aquileienses scribentes memorato sæpius nomine vsi sunt. Photius referente Baronio ad annum 883. scribens ad Antistitem Aquileiensem, se Patriarcham, illum verò *Archiepiscopum* tantùm nominat, vbi inter alia habet: *Romana Ecclesia cum alijs quatuor Patriarchalibus sedibus*, nec cogitans quidem de Patriarchatu illius, ad quem easdem literas exarabat. Paulus Diaconus homo Foroiliensis suæ patriæ Metropolitæ Patriarchas honoris gratia appellat. Hunc Paulum Diaconum Ricciolius sæpè laudat in magno Chronico ab anno 567. illum tamen à Warnefrido palmari hallucinatione distinguit. Ita ille scribit A. 568. *Paul. Diac. de gestis Longob. l. 2. c. 6. Paulus Vuarnefridus c. 7. & 25.* Cum tamen vnus, idemque fuerit Scriptor, nam Paulus Diaconus dictus est Warnefridus ab ipsius genitore Warnefrido eodem teste lib. 4. c. 39. Dandalus author antiquus refert se in vetusto codice initia Gradenfis Metropolitæ descripta legisse, & exhibet literas Pelagij Papæ II. ad Heliam Aquileiensem ita inscriptas: *Pelagius S. Ecclesie Catholice Urbis Roma Episcopus Helie Aquileiensis Patriarchæ*. Sed chronicon illud ab aliquo Foroiliensi concinnatum fuit, vnde Warnefridum imitatus eo caractere Apostolici diplomatis inscriptionem expressit. Habemus tres eiusdem Pontificis literas ad eundem Heliam perscriptas, quarum initium hocce legitur: *Dilectissimis fratribus Helia, alijsque Episcopis vniuersis Istrie Pelagius Episcopus*. Neque semel Heliam Patriarcham vocauit. Gregorius etiam Magnus Scuerum Helie successorem Episcopum tantùm dixit, vt ex inscriptionibus aliunde petitis honorificentior ille Aquileiensibus delatus titulus non à Romano Pontifice, sed à Scriptori Foroiliensi positus cognoscatur. Postea tamen etiam Sedes Apostolica eundem Metropolitam Patriarcham nuncupauit.

Verùm Sirmondus in Propemptico grauiorem Aquileiensi Ecclesiæ quaestionem mouet: nam Mediolanensem Metropolitanum Aquileiensi præponit.

Hoc ipsum tradit summus Ecclesiasticarum rerum indagator Christianus Lupus in commentarijs ad Synodum V. cap. 6. quæstione prima, ubi ait: *De Dacio Mediolanensi Episcopo secundo Italia Metropoli* scribit Victor Tonnonensis, &c. additque statim: *Adiunxit se tertius Italia Metropoli Paulinus Aquileiensis Episcopus, à cuius duritia schisma vocatum est schisma Iſtrinum, & ipse eius Patriarcha. Salmasius in Eucharistico par. 1. cap. 4. pag. 151. hæc habet: Maxima siquidem post Romanum Pontificem auctoritas Aquileiensis Episcopi fuit, qui & Patriarcha dicebatur, & secundum à Pontifice locum facile obtinebat, ut tertium Rauennensis, sic quarto tantum loco post Aquileiensem, & Rauennensem sedebat Episcopus Mediolanensis. Atque ita hic Scriptor duos Italiæ Metropoli* Aquileiensem, & Rauennatem Mediolanensem præfert. Rauennatem duobus alijs anteposit in eiusdem vrbis historia Hieronymus Rubeus lib. 5. Res est difficilis, in qua non modò nobilissimorum Scriptorum sententiæ varix sunt, verùm etiam vel ipsorum Romanorum Pontificum, penes quos de his rebus iudicia fuere, ut mox nobis demonstrabitur. Foroiulienſes Scriptores de Aquileiæ tantummodò Patriarchatu solliciti, de eiusdem vrbis inter Ecclesiasticas Italiæ Metropoles primatu ne dubitarunt quidem, sed hoc ipsum veluti extra dubium silentio præteriere. Quare cum de nostræ prouinciæ Metropoleos primatu litigetur, paulo diligentius res indaganda nobis est.

In primis de Rauennatis Ecclesiæ primatu agendum est. Rubeus laudatus ex Anacleſi Papæ decreto, quo statuit eas vrbes, quæ ciuiles Metropoles essent, prouinciæ Præfecto ab Imperatoribus constituto ibidem residente, Ecclesiasticas etiam Metropoles habendas esse, in quibus Episcopi Metropolitanani cæteris prouinciarum Episcopis ius dicentes residerent, Rauennæ vel ab ipsis Christianæ religionis initijs dignitatem Metropolitanam minimè negari posse contendit; certum enim putat, Rauennam antiquitus fuisse Metropolim Æmiliæ, ac sedem viri Consularis illuc ab Imperatoribus missi. Fauæ huic sententiæ vir eruditionis incomparabilis Petrus Morinus lib. 1. exercit. 30. scribens, Rauennam imperante Constantino Metropolim fuisse. Ego quidem fateor in Patriarchatu Antiocheno, & Alexandrino, & in tribus autocephalis diocæſibus easdem, ut plurimum, fuisse & ciuiles, & Ecclesiasticas Metropoles, ut vbiicumque Reſtor prouinciæ resideret, ibidem etiam Metropolitanus Episcopus haberetur. At in Patriarchatu Romano, quod ad Africam, & Italiam spectat, illam consuetudinem minimè seruata video. De Primatibus Africæ id pluribus ostendimus lib. 2. Hist. Pelag. cap. 8. nam ciuilibus Metropolis Numidiæ erat Cirta, quæ & Constantina dicta est: at Metropoli Ecclesiasticus erat senior prouinciæ Episcopus, licet in minimo oppido resideret, ut fuſſimè ibidem probauimus, quod ipsum tradit Leo Nonus in epistola ad memoratos Africanos Antistites. At neque in Italia ea Ecclesiastica politia antiquitus seruata est. Nam diocæſis Metropolitana Romani Præſulis amplissima fuit, ac plures Consulares prouincias, itemque alias Præſidales, ac Correſtorias complexa est, ita ut in illis nullus esset alius Metropolitanus, seu Archiepiscopus, sed omnes essent Romani Metropolitanæ suffraganei. Profectò prouinciæ, quæ per Vicarium vrbis regebantur, intra Metropolitanam diocæſim Romani Pontificis, vna dempta Sardinia, continebantur, illæ verò ex Notitia imperij Occidentalis erant sequentes.

Vicarius Urbis regebat Provincias X. Italiae

Consulares IV.

Campaniam.
Tusciam, & Vmbriam.
Picenum Suburbicarium.
Siciliam.

Per

Correctores II.

Apuliam, & Calabriam.
Brutios, & Lucanos.

Per

Praefides IV.

Samnium.
Sardiniam.
Corficam.
Valeriam.

Doctissimi viri Sirmondus laudatus, ac Lupus cap. 8. ad Synodum VII. scribunt, eosdem limites fuisse diocesis ciuilis Vicarij vrbis, & Metropolitæ Romani, atque ex regiminis ciuilis forma Ecclesiasticæ etiam iurisdictionem præsignatam. Verùm aliter sentiendum puto. Etenim Picenum Annonarium, quod Vicario Italiæ per Consularem parebat, ad Metropolitam Romanum spectasse certum est. S. Gregorius Magnus lib. 7. epist. 50. iniungit Mariniano Rauennati, vt inquirat in mores cuiusdã in Ariminensem Episcopum designandi, & vbi probus visus fuerit: *Ad nos, ait; cum decreti pagina vestra quoque addita testificationis epistola destinata, quatenus eiusdem à nobis Ecclesiæ, disponente Domino, consecratur antistes.* Idem etiam lib. 2. epist. 9. Castorio Ariminensi Oratorij consecrandi facultatem concedit, quam postea etiam dedit lib. 5. epist. 45. Leontio eiusdem Urbis Episcopo. At certum est, consecrationem suffraganei Episcopi ad Metropolitam pertinere. Hinc Marinianus Rauennas Ariminensem Episcopum, vt potè extra ipsius Metropoliticæ diocesis, minimè permixtus est consecrare, qui tamen Fori Cornelij Antistitem, aliosque suæ prouinciæ pleno iure consecrabat. Audiatur Gregorius lib. 6. epist. 39. ad eundem Marinianum: *Fraternitatis vestra epistola nuncianste comperimus Cornelienfis Ecclesiæ filios assidua supplicatione in loco lapsi quondam Episcopi sui consecrandum sibi à vobis poscere Sacerdotem.* Rursus Oratoriorum, ac Basilicarum consecrandi facultas à Metropoli subditis Episcopis dabatur; vnde Montanus Metropoli Toletanus in epistola ad fratres Palentini territorij in Synodo Toletana II. tom. 2. Binij pag. 491. conquestus à suffraganeis Episcopis, qui nec prouincia priuilegijs, nec verum Domini noscuntur, se infcio Ecclesias consecrari, mandat hæc ipsa: *Litteris nos informare debeat, aut per nos, aut eum, qui nobis ex fratribus, & Coepiscopis nostris visus fuerit, & consecratio Ecclesiarum, Deo auspicio, poterit celebrari.* Præterea deputare visitatorem Ecclesiæ suffraganei Episcopi pertinet ad Metropolitam ex epist. 19. S. Ambrosij ad Constantium. Laudatæ verò Ecclesiæ Ariminensis visitatores Gregorius designauit lib. 1.

R

epist.

epist. 55. & lib. 2. epist. 34. Ariminum verò situm erat intra limites Piceni Annonarij, vti etiam Panum Fortunæ, Pisaurum, ac vicina oppida, quibus Ariminum remotius ab Vrbe est. Et quidem Gregarius lib. 5. epist. 4. scribit, à Pelagio decessore traditam fuisse Felici Episcopo Pisaurensi facultatem monasterij consecrandi, vt planè erret Rubeus lib. 5. Hist. Rauennensium Ecclesiam Rauennati antiquitus subiectam contendit. His ita stabilitis, ante annum quadringentesimum Rauennam spectasse ad Picenum Annonarium, eiusque Metropolim ciuilem fuisse ex celebri inscriptione colligitur, quam ex Mazochio mendosam Rubeus lib. 3. historix laudatæ recitat, sed correctam exhibet Gruterus pag. 399. ea autem est.

CRONIO. EVSEBIO. V. C. AEMILIA. AD
DITA. PRAEDICTAE. PROVINCIAE.
CONTIVTV. VIGILANTIAE.
ET IVSTITIAE. EIYS. ET. RA
VENNATENSIVM. CIVITATE.
QVAE. ANTEA. PICENI. CAPVT. PRO
VINCIAE. VIDEBATVR. VICARIO
ITALIAE. QVAE. POTESTAS. SVpra
DICTO. VIRO. OB. TESTIMONIUM.
ANTEACTI. HONORIS. EST. ADTRIBVTA. &c.
AB INVICTISSIMIS PRINCIPIBVS.

à 1090.

DEDICATA. V. IDVS. NOVEMBRIS. COS.
FL. MALLIO THEODORO. V. C.

Fuerat ergo Rauenna Metropolis Piceni Annonarij, ac deinde ab Arcadio & Honorio Imperatoribus Æmiliæ coniuncta fuit circa annum 399. quo Mallius Theodorus cum Fl. Eutropio consulatam iniit. Leo Augustus, vulgò Sapiens, in notitia Episcopatum ad Andronidem filium Rauennam Metropolim Piceni Annonarij statuit. Quare Rauenna pertinebat ad diocesim Romani Episcopi, cui Picenum Annonarium subiectum erat. Neque tamen, eò quod Rauenna ciuilis metropolis fuit, inde rectè deducitur, eandem Ecclesiasticam quoque metropolim fuisse. Nam certum est, Capuam fuisse metropolim, in qua Campaniæ consularis sedebat, vnde scribit S. Athanasius in epistola ad solitarios: *Missa à Sancto Concilio in legationem Episcopis Vincentio Capua, quæ est Metropolis Campaniæ*. At Episcopus Capuæ non erat Metropolitanus, neque vlla in vicinos Episcopos iurisdictione pollebat. Hinc S. Gregorius Papa tanquam supremus Campaniæ Metropolitanus per Subdiaconos illius provinciae Ecclesias regebat. Lib. 2. epist. 35. ad Petrum Subdiaconum Campaniæ scribit: *Experientia tua Clerum Ecclesie Neapolitana conueniat, quatenus duos, vel tres de suis eligere, & huic ad eligendum Episcopum transmittere non omittant, qui si fortasse admonitionem tuam quolibet modo disferre tentauerim; Ecclesiasticum in eos vigorem exerce*. Idem lib. 5. epist. 11. ad Fortunatum Neapolitanum ait

Neque

Neque Clericum tuum, & neque Monachum, vel quamlibet civitatis aliam personam religioſam parochia tua à quoquam, vel ad alterius volumus iudicium exhibere. Poſtea: Porro autem ſitu, quod non opinamur, diſſimulandum putaveris, Reſtori patrimoniſ Eccleſie noſtra, qui illic eſt, vel fuerit conſtitutus, noueris eſſe licentiam, ut quod ſponte poſponis, eius ſacere inſtantia modis omnibus urgearis. Libro 2. epiſt. 59. Lib. 7. epiſt. 15. lib. 8. epiſt. 53. eidem Fortunato dat facultatem monaſteria, & baſilicas conſecrandi; ſapè etiam viſitationem Eccleſiarum Campaniæ iniungit, ut planè nulla fuerit Epiſcopi Capuani ea in prouincia iuriſdictio. Primus Capuæ Metropolitæ, & Archiepiſcopus designatus fuit à Ioanne XIII. anno 968. Lib. 5. epiſt. 45. Petro Hydruntino iubet, ut viſitet Eccleſias Brundifij, Lippias, & Callipoli, ac electi Epiſcopi earundem vrbiũ ad nos, inquit, Veniant conſecrandi. Quare nec Apulia, nec Calabria vllos habebant Metropolitæ.

De Sicilia idem dicendum eſt; fruſtra enim Albertus Piccolus in diſſertat. de iure Eccleſiæ Siciliæ à cap. 9. contendit, Meſſanenſem Epiſcopum antiquitus fuiſſe Metropolitanum ex epiſtola 30. ad Felicem Meſſanenſem, quæ vltima eſt in Reſtro Gregorij Magni; nam id falſum eſſe conſtat ex ijs, quæ diximus lib. 1. hiſt. Pelag. cap. 20. Certè in eodem lib. 12. epiſt. 10. narrat Gregorius, Ianuarium Baſilicam Meſſanæ ædificari, ac petere facultatem, qua poſſet conſecrari, illam autem ſub certis conditionibus eidem Felici Meſſanenſi concedit, ut planè appareat, hunc non fuiſſe Metropolitanum. Præterea libro 11. epiſtola 22. inſcribit *Leoni Catanenſi, Secundino Tauromitano, Ioanni Syracuſano, Donno Meſſanenſi*. Non ergo iſte erat Metropolitæ totius Siciliæ, neque enim eundem cæteris poſtpoſuiſſet. Idem etiam Gregorius lib. 7. epiſt. 11. mittit Metropolitanis Italiæ, & Illyrici literas hoc ordine inſcriptas: *Eufebio Theſſalonicenſi prouinciæ Macedoniæ, Vrbizio Dyrrachitano Epiri nouæ, Conſtancio Mediolanenſi Liguriæ, Andrea Nicopolis Epiri veteris, Ioanni primæ Iuſtinianæ Vicario Illyrici, Ioanni Cretenſi totius Cretæ, Ioanni Larifſe Theſſaliæ, Mariniano Rauennæ Emiliæ, Ianuario Calaritano Sardinæ, & omnibus Epiſcopis Siciliæ*. Cur Donnum Meſſanenſem ſolummodò non nominauit, ſi erat Metropolitæ Siciliæ, uti de cæteris Metropolitanis Italiæ, & Illyrici fecit? Gregorius verdè epiſtola illa 30. ad Felicem ſcribit: *Volumus omnes in vnum conuenire Epiſcopos, ut de incidentibus cauſis fiat diſceptatio*. Etenim ex epiſt. 4. Leonis Magni Epiſcopi Siciliæ Romam terni quotannis ad Synodum venire debebant; at cum Gregorius vnoquoque triennio ſemel eos venire iuſſiſſet, & quidem omnes, ob negotia tamen Eccleſiaſtica prouincialem Synodum in Sicilia ſingulis quoque annis celebrandam iuſſit. Quodd ſi Felici Synodi conuocandæ curam Gregorius commiſit, quod tamen nullo pacto ibidem traditur, non ideo Felix fuit Metropolitæ, ſed id fecit à ſuo Metropolitæ Romano iuſſus, uti etiam Leontio Foroſiulienſi S. Leo Magnus iniunxit, ut Synodos in Prouincia Viennenſi indiceret, qui tamen non erat Metropolitæ. Ex epiſtola prima lib. 1. eiſdem Gregorij ad Epiſcopos Siciliæ apertè probatur, non modò nullum tum temporis ibidem fuiſſe Metropolitanum, ſed Synodos, quas ſingulis quibuſq; annis celebrari iuſſerat, eoram Subdiacono Apoſtolice Sedis apud Siculos Vicarium haberi ſolitas. Hæc enim ſcribit: *Valdè neceſſarium eſſe perſpeximus, ut ſicut prædeceſſorum noſtrarum fuit iudicium, ita vni, eidemq; perſonæ*

omnia committamus, ut ubi nos presentes esse non possumus, nostra per eum, cui praecipimus, representetur auctoritas. Quamobrem Petro Subdiacono Sedis nostrae intra provinciam Siciliam vires nostras, Deo auxiliante, committimus. Et postea: Illud quoque fieri debere perspeximus, ut semel per annum ad Syracusanam, sive Catanensem civitatem universali ter honore, quo dignum est, sicut eidem iussimus, fraternitas vestra conveniat, & Ecclesiasticas causas congrua ei eodem Petro Subdiacono Sedis nostrae debeatis moderatione dispoñere. A quo concilio procul absint odia &c. Quare sicuti Subdiaconus Apostolicæ Sedis Vicarius Synodis praesidebat, ita illius etiam erat easdem indicare. Idem verò Petrus inductione VII. anno 603. erat Vicarius Rector Siciliae eò iterum post Cyprianum à Gregorio missus, quo anno hic laudatam ad Felicem Messanensem epistolam dedit. Hoc ipsum fusiùs probat P. Lupus in notis ad Synodum VII. cap. 8. De Umbriae, & Tusciae Ecclesijs idem colligitur ex laudati Gregorij epistolis.

Rubeus lib. 2. recitat diploma Valentiniani, quo Ioannes Episcopus Ravennas Metropolitica dignitate ornabatur, quod etiam legere poteris apud Baronium ad annum 432. & Vghellum in tabulis eiusdem Ecclesiæ tomo 2. Italiae sacrae. Cardinalis tamen eruditissimè illius diplomatis falsitatem ostendit; nam ibidem Rhegium Lepidi, Brixellum ad Padum, & Placentia Metropolitæ Ravennati, quod ad sacra pertinet, subiectæ vrbes leguntur, cum tamen illarum Episcopi cum Eusebio Mediolanensi, ut potè eiusdem suffraganei Synodum celebrarint sub Leone Magno circa annum 451. adhuc ipso Valentiniano imperante, ut patet ex literis Synodalibus post epistolam 52. Leonis. His adde, quòd Ecclesia Forocornelienfis subiecta erat Metropolitæ Mediolanensi, ut postea nobis dicetur. Quare cum Ravenna media sit inter Ariminum, & Forum Cornelij, atque hæ vrbes ad alios Metropolitæ antiquitus spectarint, veritas Metropolitani primatus Ravennatis Ecclesiæ prorsus corruit. Illa dignitas sub Petro Chrysologo incepit, qui anno 450. decessit. Extat sermo eiusdem 175. de ordinatione Marcellini Episcopi Vicohabentia: est autem Vicohabentia in agro Ferrariensi vulgò Viguentia nuncupata, vnde Episcopalis Sedes postea Ferrariam translata fuit. Hæc Chrysologus ibidem fatur: *Omnia quidem rerum primordia sunt dura, sed duriora sunt omnibus primordia generantis. Sancta Ecclesia Ravennas, ut primum pareret, viam fecit, angores pertulit, sensit dolores.* Postea: *Habeat modo natus, qui primum natus est, primogeniti reverentiam, teneat honorem.* Rursus: *Latantur, quia videre oculis, suscipere manibus hodie primum sanctæ genitricis partum, sobolemque meruerunt.* Etenim Placidia Augusta, eiusq; filius Valentinianus, cum Ravennæ imperij sedem post Honorium fixissent, eandem Ecclesiasticæ Metropoleos dignitate per Romanos Pontifices decorandam curarunt, ea prorsus ratione, qua Sedes Constantinopolitana ob imperiale thronum Patriarchalia iura usurpavit, ac tandem pacifice tenuit.

Iam verò de duobus alijs Metropolitæ Italiae Aquileiensi, ac Mediolanensi dicendum est. Rubeus lib. 5. memorato scribit, Ecclesiam Vercellensem fuisse Transpadanae Italiae, ac Liguria metropolim; idq; ex gestis S. Eusebii eiusdem vrbis Episcopi colligi: at Ambrosium à Theodosio seniore ius Metropoliticum Mediolanensi demum Ecclesiæ impetrasse. Nescio vnde ex laudatis gestis id deduci possit, neq; hoc cum eiusdem Scriptoris discursu congruit.

gruit. Etenim si vbi civilis metropolis ab Imperatoribus locata erat, ibidem & Ecclesiastica statim consurgebat, nullo iure vtraque dignitas Mediolano eripi potest, ibi enim Vicarius Italiæ residebat, ac ex consequenti eiusdem vrbis Episcopus erat Metropolitæ. S. Athanasius in epistola ad solitarios scribit: *Dionysius Mediolani, quod & ipsum est metropolis Italie.* Narrat S. Maximus Episcopus Taurinensis, ab Arianis fraude, ac dolo Dionysium Mediolanensem ad impiam subscriptionem ponendam seductum fuisse, quam postea paginam cum Eusebio Vercellensi itidem subsignandam traderent, respondisset ait: *Hoc sibi placere, quod illis, sed quod sibi filium Dionysium in subscribendo præponerent, grauer se moueri.* Vos enim, inquit, qui dicitis filium Dei Patri Deo æqualem esse non posse, cur mihi filium prætulistis? *Qua illirratione permoti statim S. Dionysij chirographum deleuerunt priorem locum describendi beato Eusebio deferentes.* At Eusebius eo pacto Dionysij subscriptione correctæ, dare postea nomen recusauit. Ex quibus patet, Arianos Dionysio vti Metropolitæ primum in subscribendo locum detulisse, Eusebium verò non quidem ius Metropolitici Arianis obieciisse, sed ætatis antelationem, vnde tanquam seniori priorem in subscribendo locum sibi deberi dicebat. Amplissima erat iurisdicção Metropolitæ Mediolanensis vel ante annum quadringentesimum; nam certum est Æmiliam, Liguriam, Insubriam, Alpes Cottias, Ræthiam primam, meamque patriam Veronam ad Metropolitanum Mediolanensem spectasse. S. Ambrosius epist. 19. ad Constantium scribit: *Commendo tibi, fili, Ecclesiam, quæ est ad Forum Cornelij, quod eam de proximo interuistas frequentius, donec ei ordinetur Episcopus &c. occupatus diebus ingruentibus quadragesimæ tam longè non possum excurrere.* Erat ergo illa Ecclesia in Æmilia subdita Metropolitæ Mediolanensi, cum illius cura ad eundem pertineret. Rursus epist. 46. ad Syagrium Veronensem scribit: *Prospiciendum esse, ne de nostro obloquantur iudicio charissimi nostri Veronenses, proprijs texuisti literis. Non arbitror fore; cæte non solent. Aut si obloqui soleant, haud dubie liquet, cum asperati huc veniant, pacifici ad te reuertantur. Præsertim cum hoc iudicium nostrum cum Fratribus, & Consecratis nostris participatum processerit.* Veronensis nostræ Ecclesiæ causæ deferbantur ad Mediolanensem Metropolitam, ad quem dabatur appellatio. Verona tamen ad curam Consularis Venetiæ, & Istriæ pertinebat, vt ex hac inscriptione, quæ Sirmione in agro Veronensi ad Benacum legitur, intelligimus.

HORTANTE. BEATITVDINE.

TEMPORVM. D.D.D. N.N.N.

GRATIANI, VALENTINIANI,

ET THEODOSII. AVGGG.

STATVAM. IN. CAPITOLIO.

DIV. IACENTEM. IN.

CELEBERRIMO. FORI.

LOCO. CONSTITVI. IVSSIT.

VAL. PALLADIVS V.C.

CONS. VENET. ET HIST.

Baronius, ac Sirmondus non modò Venetiarum, verùm & Pannoniæ Ecclesias
ad

ad eiusdem iurisdictionem spectasse contendunt. Scribit Ambrosius epist. 2. 5. ad Vercellenses, qui in demortui Eusebij locum alterum substituere ob diffidia differebant: *Sola Vercellensis Ecclesia nunc ex omnibus Liguria, atq; Æmilie, Venetiarumq; vel ceteris finitimis Italiae partibus huiusmodi eget officio.* Ex quibus Sirmondus lib. 1. Propemptici cap. 8. hæc deducit: *An non abunde confirmat omnes Liguria, atq; Æmilie, Venetiarumq; vel ceterarum finitimarum Italiae partium Ecclesias ad Mediolanensis Ecclesie Episcopi sollicitudinem pertinuisse?* Quo auctore Veneta provincia Mediolanensis Metropolitæ iuri adscripta, & Aquileiensis Ecclesia in ordinem redigitur, illiusq; Episcopus fit laudati Metropolitæ suffraganeus. At Cardinalis Baronius etiam Illyricum Occidentale eidem Mediolanensi deputat, quod Paulinus in libro de vita S. Ambrosij ad Augustinum hæc scribit: *Sirmium vero cum ad ordinandum Anemium Episcopum perrexisset, Consecrare autem Episcopum ad Metropolitanum pertinere superius nobis probatum est.* Hinc idem ad annum 380. pag. 442. putat, Ambrosium Sirmium se contulisse: *ut Ecclesie Sirmiensi sua diæcesis consulturus præficeret Catholicae communionis Episcopum.* Additque causam: *Perseverabat enim antiqua illa diuisio prouinciarum, quæ lege Varina coniuncta erat prouincia Illyrici Gallie Cisalpinae.* Quæ si vera sunt, nullus eo sæculo erat Aquileiæ Metropolitæ, quandoquidem vltra Venetiarum fines Sirmium vsque Ambrosij iurisdicção protendebatur.

In hanc sententiam alia argumenta nos vrgent. In Synodo Aquileiensi sub Damaso anno 381. Ambrosius Mediolanensis Episcopus dixit: *Quid ergo vobis Sancti viri placeat, declarandum est. Omnes Episcopi dixerunt: placet.* In eo autem Concilio Ambrosius vti supremus iudex Palladium Arianum interrogauit, eodemque hærescos conuicto, Ambrosius ante cæteros, quos inter erat Valerianus Aquileiensis, hanc sententiam pronunciauit: *Iuxta ea, quæ hodie audiimus &c. Pronuncio illum sacerdotio indignum, & carendum, dum & in loco eius Catholicus ordinetur.* Omnes Episcopi dixerunt, *anathema Palladio.* Hoc sanè est supremæ iurisdictionis argumentum. Cur enim primus Metropolitæ Valerianus ante cæteros sententiam non protulisset? Legantur Synodi Africanæ, vbi semper Aurelius primus Metropolitæ cæteros interrogabat, primusque sententiam dicebat, quod & in Synodo Genethlij Aurelij decessoris patet, nec id in dubium vocari potest. Præterea Africani Patres in grauioribus causis Romanum, & Mediolanensem Antistitem per Nuncios conuenire solebant; nulla Aquileiensis consideratione habita. Ita in Synodo Carthaginensi Casario, & Attico Confl. celebrata scripsere in causâ Donatistarum ad Siricium, & Simplicianum Ambrosij successorem. Rursus aliam legationem destinarunt in Synodo coacta post consulatum Fl. Stilichonis ad Anastasium Papam, & Venerium Mediolanensem. Seuerus Sulpitius, qui ea ætate florebat, nempe anno 400. cum lib. 2. narraffet, Priscillianistas à Damaso, dein etiam ab Ambrosio damnatos, addit: *Tum vertere consilia, ut quia duobus Episcopis, quorum ea tempestate summa auctoritas erat, non illuserant &c.* Quare post Romanum Pontificem summa tunc erat Mediolanensis Metropolitæ in Italia auctoritas. Cum Ambrosius Siricii Papæ epistolam accepisset cum hac epigraphe: *Siricius Mediolanensi Ecclesie*, eruditam epistolam, quæ inter Ambrosianas septima numeratur, idem reposuit cum his subscriptionibus: *Ego Ambrosius Mediolanensis Ecclesie Episcopus subscripsi. Euentius Episcopus Cemetensis salutem Sanctitati vestre.*

tuam in Domino, & huic epistola subscripsi. Maximus Episcopus Hemonensis &c. At Ceneta Venetæ provincie vrbs est, Hemonæ verò in Norico erat LXXXVI. P. M. suprâ Aquileiam, quæ capta Maximinus Imperator teste Herodiano ad Aquileiam obsidendam exercitum duxit. Cum verò illarum vrbum Antistites epistolæ ad Mediolanensem Ecclesiam à Pontifice datæ responderint, ad eandem illi Ecclesiam spectasse videntur, qui postea Aquileia in Ecclesiasticam Metropolim erecta eidem adscripti sunt.

Cæterùm Metropolitana nostræ Aquileiensis Ecclesiæ antiquitas nobis defendenda est. Cum Auxentius Arianus rem Catholicam vexaret, S. Damasus Synodum contra eundem celebravit, ac deinde Synodicam ad Illyricos Episcopos transmisit cum hac epigraphæ: *Episcopi ad Sanctum Concilium Romæ conuocati Damasus, Valerianus, & ceteri dilecti fratribus Episcopis, qui sunt in Illyrico in Domino salutem.* Epistolam recitat Sozomenus lib. 6. cap. 23. Vnus post Pontificem Valerianus Aquileiensis nominatur, vt planè non infimi ordinis cum cæteris, qui suppresso nomine recitantur, appareat, sed vt vnicus tum temporis post Damasum in Italia Catholicus Metropolita censendus videatur. Synodus Constantinopolitana in literis ad Damasum, & Occidentales Episcopos in titulo nominat Damasum, Ambrosium, Britonem, & Valerianum; non igitur erat Valerianus inter gregarios Antistites, sed Metropolitanus. Honorius Imperator in causa Chrysostomi ad Arcadium fratrem scribens ait: *Quenam verò sis Occidentalium de Episcopo Ioanne sententia ex omnibus sermō epistolis constat, quas ad me frequentes dederunt. Ex his duas continentes, quod reliquæ, subdidisti, scilicet Romani, & Aquileiensis Episcopi.* Cur verò literas Venerij Metropolitanæ Honorius omisisset, Aquileiensis suffraganei epistolam laudans? Erat ergo summa Aquileiensis Metropolitanæ in Italia auctoritas, atq; ex Honorij testimonio proxima Pontificæ. Venerium autem pro Chrysostomo scripsisse refert Georgius Patriarcha Alexandrinus in libro de vita Chrysostomi, ybi loquens de Arcadio ait: *Acceptis literis Imperatoris Honorij, Papa insuper Innocentius, & Episcoporum Italia Chromatij Aquileiensis, Venerij quoq; Mediolanensis, & aliorum &c.* Vbi etiam Chromatium Venerio præpositum legis, vt huius suffraganeus nulla ratione asseri possit. S. Hieronymus lib. 2. apol. 1. con. Rufinum scribit: *Ergo beati Episcopi Anastasius, Theophilus, & Venerius, & Chromatius &c. illum, scilicet Origenem, hereticum denunciant.* Erat ergo Chromatius Aquileiensis Metropolita, nam vnà cum Romano Pontifice, Patriarcha Alexandrino, & Metropolita Mediolanensi nominatus fuit. S. Basilii Magnus epistolam 324. scribit *Valeriano Illyriorum Episcopo*, in qua eidem gratulatur, quòd ipsius opéra in Occidente Arianorum conatus irriti euaserint. Hinc primatialis Valeriani Aquileiensis dignitas elucet, ad quem vel ex Oriente honorificentissimæ literæ scribebantur. Illyricorum verò eundem Episcopum Basilii dicit, quòd Græcis plerisq; Scriptoribus Aquileia Illyrici vrbs videbatur, vnde Herodianus in Maximino Aquileiam in confinij Illyriorum ponit.

Ex his colligimus minùs rectè Sirmondum lib. 2. propem. cap. 7. vocasse Aquileiensem Metropolitam *vix Italici nominis Antistitem*, & lib. 1. cap. 8. dixisse: *Nusquam enim Aquileia inter Italice Metropoles, neq; ab Athanasio, neque ab alijs illorum temporum Scriptoribus recensetur.* Etenim Athanasius Capuam Metropolim

polim appellauit, quod in ea Campaniæ Consularis residebat. Hac ratione Aquileia pariter Metropolis Italiæ dicenda est; nam extat lib. 8. Cod. Theod. L. 1. de execut. & exact. rescriptum Valentiani, & Valentis Imp. ad Florianum Consularem Veneitiæ, quod etiam ex superius posita inscriptione, & ex notitia Imperij Occidentalis patet, Consularis autem debebat Aquileiæ, quæ prouinciæ prima ciuitas erat. Quod si dicat, locutum Athanasium de Ecclesiastica, non de ciuili Metropoli, id falsum apparet, ex laudatis eiusdem verbis ex epistola ad solitarios, vbi Capuam apertè Metropolim nuncupauit. Herodianus in Maximino appellat Aquileiam *maximam Italiæ urbem*, qua de re legatur Cluuerius lib. 1. Italiæ antiquæ cap. 20. vbi plura veterum Scriptorum de illius vrbs dignitate testimonia congerit. Neque verò eiusdem Metropolitanam Ecclesiasticam iurisdictionem euertunt, quæ proximè adduximus. Etenim Ambrosius in epistola ad Vercellenses illarum prouinciarum meminit, non quod omnes sibi subiectæ erant, sed quod vti viciniore, ac sibi notiores in exemplum faciliùs adducere poterat, præsertim cum ibidem appellet etiam *fnitimas Italiæ partes*; cum tamen extra Italiam eiusdem iurisdictioni nulla ratione extendi potuerit, cum illæ prouinciæ nec Vicario Italiæ subiectæ essent, ad cuius iurisdictionem Metropolitanam Ecclesiæ Mediolanensis dominium Sirmundus ipse, alijq; præformarunt.

Sed nec Anemij Sirmienfis facta per Ambrosium consecratio istius diocesis Sirmium vsq; protendit, vt Baronius existimauit. Fateor defuncto Metropolitæ suffraganeis successorem in Synodo prouinciæ ordinari solitum, suffraganei verò consecrationem ad Metropolitanam spectasse. Attamen non semel Metropolitæ ab alio Metropolitæ consecrabatur. Ita Theophilus Alexandrinus pro ordinatione Chrysostomi peragenda ab Arcadio Constantinopolim accitus fuit ex Socrate lib. 6. cap. 2. Leo Magnus in epistola ad Anastasium Thessalonicensem ait: *Singulis autem Metropolitanis sicut potestas ista committitur, vt in suis prouincijs ius habeant consecrandi, ita eos Metropolitanos à te volumus ordinari.* Et in epistola ad Episcopos per Illyricum: *Fratrem, & Coepiscopum nostrum Anastasium de ordinando Antistite volumus consulari, cui Metropolitanani Episcopi consecrationem statuimus.* Habentur hæc literæ in Synodo Romana sub Bonifacio II. par. 1. collectionis Holstenij. Cum verò Ambrosius in ore famæ esset, hoc & ipse speciali priuilegio ab Apostolica Sede donatus fuit, vt Sirmij Episcopum consecraret. Erat Sirmium Pannoniæ secundæ Metropolis, eam enim urbem Ammianus illius sæculi Scriptor lib. 21. nuncupauit *Vrbem matrem, populosam, & celebrem*. Et ipse Anemius in Synodo Aquileiensi dixit: *Caput Illyrici non nisi ciuitas est Sirmienfis. Ego igitur illius ciuitatis Episcopus sum.* Itaq; erat Anemius Illyricorum Pannoniæ secundæ Episcoporum Metropolitanus. Profectus est Sirmium Ambrosius, quod Iustina Augusta omni arte conabatur, vt, teste Paulino, *ab Arianis Episcopus in eadem Ecclesia ordinaretur.* Et quidem non video, quid Baronij sententiam lex Vatinia iuuat, quæ Illyricum Occidentale Cisalpinæ Galliæ accensebatur. Nam licet is tractus Illyrici à Præfecto Prætorio Italiæ sæpius regeretur ex lib. 9. Cod. Theod. L. 13. De penis ad Flavianum, quod rescriptum datum est à Valentiniano II. Veronæ anno 382. XV. Kal. Septembris. Item lib. 1. L. 2. De Constit. Principum. Lib. 11. L. 1. Si per obreptionem ad Probum; haud tamen ad eiusdem regiminis normam

nam Metropolitana in Italia iurisdictio statui potest; aliàs vnus fuisset Italiae, & Africae Metropoli; Africa enim per Praefectum Pr. Italiae gubernabatur. Sed neque ex Praefectura Vicarij Italiae id deduci potest, huic enim parebant prouinciae Consulares quatuor, Venetia cum Istria: Æmilia cum Liguria: Flaminia cum Piceno Annonario; Praesidales tres, Alpes Cottiae, Rhætia I. Rhætia II. At Pannonia Secunda, cuius Metropolis erat Sirmium, per Consularem regebatur; nam extat rescriptum Valentiniani, & Valentis ad *Fortunatum Consulem Pannoniae Secunda* lib. 8. Cod. Theod. L. 27. de *cursum publico*. Quare vti Consularis Liguria, & Æmiliae Mediolani, ita Consularis Pannoniae Secunda Sirmij residebat.

[1] Sed neque à nobis adducta oppositum persuadent. Ambrosius quidem in Synodo Aquileiensi primus in Palladium sententiam dixit, quod ab Apostolica Sede, & à Gratiano Imperatore illius causae cognitor destinatus fuit. Acta tamen Synodalia Valerianum Ambrosio praepositum exhibent; ita enim ibidem Patres nominantur: *Valerianus Episcopus Aquileiensis. Ambrosius Episcopus Mediolanensis. Eusebius Episcopus Bononiensis. Limenius Episcopus Vercellensis. Anemius Episcopus Sirmiensis Illyrici &c.* Quae tamen non adduco, vt primatum Aquileiensem supra Mediolanensem Metropolim probem. Nam cum Limenius Vercellensis Anemio Sirmij Metropoli praepositus, iuxta delatae dignitatis antiquitatem Episcopi illi subscripti videntur, de qua re contra Salmasium mox plura subijciam. Ita in Sardicensi Concilio Hosius Cordubensis primus non quidem sententiam Patres rogabat, sed suam promebat; quam ceteri sequebantur; hinc rectè à Theodoro lib. 2. cap. 16. dictus fuit *Primus Sardicensis Synodi*. Quia auctoritate illè vsus est, quod illuc esset ab Apostolica Sede specialiter delegatus. In epistola autem ab Ecclesia Mediolanensi ad Siricium Papam missa suffraganei Metropolitae Aquileienses leguntur, quia illi duo Episcopi Ambrosium de Annianorum conatibus consulturi Mediolanum sub idem temporis se contulerant; vnde & ipsi eidem epistolae nomen dedere; neque enim illa littera à Synodo ea occasione ab Ambrosio coacta scripta sunt. Haec ex eo confirmantur, quod Felix Iadertinus vna cum memoratis ibidem subscriptis legitur: *Sadera autem Dalmatiae vrbs ad Salonitanum Metropolitam, non ad Mediolanensem pertinebat.* Denique quod de Africanis ad Romanos, & Mediolanenses Episcopos legationibus obijcitur, Aquileiensem primatum non explodit; nam ideo Aurelius Carthagenensis, ac collegae ad Romanam, & Mediolanensem Ecclesiam legatos destinarunt, quia in vtriusque Ecclesiae Synodo vetitum fuerat, ne Donatistae ad Catholicam vnitatem conuersi sacris ordinibus insignirentur, quae lex ob Diaconorum penuriam cum ab Afrijs obseruari non posset, legatos in Italiam mittendos decreuere, qui facti rationem redderent, *ex his enim sedibus hoc fuerat prohibitum.* Verba sunt Synodi Africanae Carthagine celebratae post consul. Fl. Stilichonis anno 401. quod rursus reperunt in Synodo Carthagenensi eodem anno peracta Vincentio, & Flauita Consl. In *transmarino*, inquit, *Concilio statutum est, id est, vt in parte Donati si ad Catholicam corre& transire voluerint, non suscipiantur in honoribus suis secundum transmarinum concilium.* Cum verò in Aquileiensi Ecclesia nihil de Donatistis statutum fuerit, vel ex terrarum distantia ea decreta in Africanorum notitiam non peruenerint, ideo nulla ad Chromatium ea de

Te legatio destinata fuit. Scripsit olim Pater Lupus in questione de origine Augustinensium cap. 9. pag. 142. obtinuisse *Simplicianum Mediolanensem à S. ricio, ac Apostolica eius Sede vicariam præfecturam supra omnes Ecclesias Hispanicas, atque Africanas*. Cuius sanè dignitatis nullum usquam vestigium vidi, nec *Simplicianus* eas regiones visitauit, non eorundem Episcopos consecrauit, quod *Vicarius Apostolicus Thessalonicensis* faciebat; non Synodos indicebat, quam ab Apostolica Sede dignitatem, auctoritatemque *S. Cæsarius Arelatenfis* obtinuit; non illarum Ecclesiarum causas cognoscebat, uti *Maximianus Gregorij Magni in Sicilia Vicarius*. Quare ficta prorsus est vicaria illius *Metropolitæ Mediolanensis* potestas.

Iure ergo metropolitico Primatis *Aquileiensis* demonstrato, alterum dubium nobis soluendum est, esset-ne idem secundus, an tertius à Romano Pontifice in Italia Metropolitæ? *S. Hieronymus* Italicarum Ecclesiarum peritissimus contra *Rufinum* scribit: *Ergo Beati Episcopi Anastasius, & Theophilus, & Venerius, & Chromatius &c.* Venerium *Mediolanensem* *Chromatio Aquileiensi*, & quidem amicissimo præponit. *Theodoretus* epist. 112. ad *Donaum Antiochenum* ait: *De his etiam ad Dei amantissimos Episcopos Occidentis Mediolani, Aquileiæ, & Rauenna scripsimus*. Eundem, quem *Hieronymus*, ordinem seruauit. At *Salmasius* priorem in Synodis locum *Aquileiensi Metropolitæ* datum contendit, quia in Synodo *Sardicensi* anno 347. legitur subscriptus: *Fortunatianus Episcopus ciuitatis Aquileiæ*, & post quosdam alios: *Protasius Episcopus ciuitatis Mediolanensis*. Rursus in Synodo *Arelatenfi* 1. subscribunt decreta: *Ex prouincia Dalmatia ciuitate Aquileia Theodorus Episcopus, Agathon Diaconus. Ex prouincia Italia ciuitate Mediolani Orosius Episcopus, Nazarius Lector*. Sed hæc argumenta subrica sunt; nam in Synodis non semper dignioris sedis Episcopi primo loco subscribebant, in quam rem innumera exempla adducit *Hallier* lib. 4. *Hier. Eccles. sect. 4. cap. 2. S. 76.* Certè in laudata Synodo *Sardicensi* ante *Protasium Mediolanensem* subscriptus legitur *Lucius nostræ Veronæ Episcopus*, qui tamen ea tempestate erat subditus *Protasio*, *Lucillum* vocat eundem *Athanasius* in apologia ad *Constantium Augustum*. In Synodo *Romana* sub *S. Agathone Papa*, ut habetur act. 4. Synodi VI. *Oecumenicæ*, priori quidem loco subscripsit *Agatho Papa* cum suis suffraganeis Episcopis *Campaniæ, Siciliæ, Calabriæ, Brutiorum, Umbriæ, & Tusciæ*, quæ ciuiles prouinciæ ad vnam prouinciæ Ecclesiasticæ *Romani Metropolitæ* pertinebant, postea subscripsit *Mansuetus Mediolanensis* cum XVI. suffraganeis, quos secutus est *Agatho Episcopus Sanctæ Ecclesiæ Aquileiensis prouinciæ Istriæ*, post quem nomen statim dedere eiusdem comprouinciæ Episcopi. Tertius à *Mediolanensi* subscripsit *Theodorus Rauennas*. Ex his apertè colligitur, *Aquileiensem Episcopum* uti *Patriarcham* non sedisse in ea Synodo, quæ celebrata fuit anno 680. neque enim eo se nomine designat, & *Mediolanensi*, qui purus erat *Metropolitæ*, postponitur. Idem dicendum est de subscriptionibus Synodi *Romanæ* præside *Iulio Pontifice*, quæ à *Salmasio* opponuntur.

Ego quidem arbitror olim de primatu *Aquileiensem*, ac *Mediolanensem* *Metropolitæ* litigasse, Sedem verò Apostolicam eosdem pares pronunciasse. Ita *Gregorius Magnus*, cum ad Episcopos, plures simul literas daret, ne illi, quem primo loco nominaret, primatum tradere videretur, à paribus liti-

ras ad eisdem datas inscribat: videatur lib. 7. epist. 15. lib. 3. epist. 52. Hinc cum Mediolanensis, ac Aquileiensis de primatu contenderent, factum est, ut ex Apostolicæ Sedis decreto vnus alterum vicissim ordinaret. Hunc enim illarum Ecclesiarum morem antiquitus fuisse scribit Pelagius I. Papa in epistola ad Ioannem Patricium, quæ habetur pag. 219. collectionis Holstenij: *Nempe*, ait, *is mos ANTIQVVS fuit, ut quia pro longinquitate, vel difficultate itineris ab Apostolico onerosum illis fuerat ordinari, ipsi se inuicem Mediolanensis, & Aquileiensis ordinare Episcopum debuissent, ita tamen, ut in ea ciuitate, in qua erat ordinandus Episcopus, alterius ciuitatis Pontifex occurrere debuisset, ut & ordinando electio à presenti ordinatore ex consensu vniuersalis, cui præficiendus erat, Ecclesia melius, ac facilius potuisset agnoscere, & in sua, qui ad Episcopatum prouehendus erat, nec tamen ordinatori suo subdendus fuerat, ordinaretur Ecclesia.* Pelagius Pontificatum indeptus est anno 556. Quando verò inceperit mos ille, quem antiquum testatur, incompertum est: at dum neutrum ordinatori suo subdendum dicit, antiquitatem Aquileiensis Metropolitæ apertè demonstrat, nullamque fuisse Mediolanensium in Aquileiensem Ecclesiam iurisdictionem.

Postea verò cum Metropoli Rauennatis Ecclesiæ Exarchorum patrocinio suffultus esset, Mediolanensi, & Aquileiensi locum eripere pertentauit, ac planè Episcoporum C-P. vestigia secutus est. Etenim cum Rauenna Honorij, ac Valentiniani Imperatorum, dein Theodorici, ac aliorum Gothorum Regum, & postremò Græcorum Exarchorum Sedes euaserit, eiusdem vrbs Episcopus non modò supra Mediolanensem, atque Aquileiensem se extulit, verùm etiam autocephalam sibi vsurpans iuri Patriarchali Romani Antistitis se subducere effræni prorsus ambitione conatus est. Neque verò id illi difficile fuit, Aquileia ab Hunnis, Mediolano à Gothis, ac Longobardis euerso, ita vt earumdem vrbum Episcopi procul ab antiquis sedibus degerent. In Synodo quidem Romana sub Symmacho anno 511. primo loco sedit Cælius Laurentius Mediolanensis, secundo verò Petrus Rauennas. At Theodorico Rege Rauennæ degente, Episcopus Rauennatum à Ioanne Pontifice secundum à Romano Præfule locum impetrauit, cum idem dixisset decessorem Petrum in Concilio Symmachi *gratia humilitatis* locum Mediolanensi cecidisse. Hæc sanè testatus est Hunfridus Rauennæ Episcopus in Synodo Romana sub Clemente II. cum de præcedentia cum alijs altericaretur. Sed huius fides sit penes Authorem; nam vidimus etiam anno 680, Rauennatem post duos illos Italiæ Metropolitans subscripsisse, vbi cum tres Archiepiscopi memorati cum suffraganeis nomen dederint, debitas in subscribendo ordo seruatus videtur. Attramen sæculo nono Archiepiscopus Rauennas primus Italiæ post Pontificem Metropoli habebatur. Carolus Magnus in testamento, quo Metropolitanis Ecclesijs, quæ intra imperij Occidentalis fines numerabantur, pleraque legauit, easdem hoc pacto recensuit, vt primo loco Rauennas, secundo Mediolanensis, tertio Foroiulienfis, seu Aquileiensis Ecclesia numeraretur. Hæc ibidem apud Baronium ad annum 811. pag. 576. leguntur: *Nomina verbò Metropolitanarum ciuitatum, ad quas eadem elemosina, vel largitio data est, hæc sunt: Roma, Rauenna, Mediolanum, Feruinulij, Gradus, Colonia &c.* Luitprandus Tici-nensis Diaconus lib. 2. de gestis Imperatorum, & Regum cap. 13. scribit: *Per id tempus Rauennatis Sedis, qui secundus post Romanum Archiepiscopus Archipras-*

latus habebatur, Petrus Pontificatum tenebat. Hic Petrus anno 904. Rauennæ sedebat. Verum id egrè tulere Patriarchæ Aquileienses. Quare Rothaldus Aquileiensis summi vir ingenij, ac rerum gestarum gloria insignis ad Ecclesiæ suæ priuilegia aduersus Rauennatum Antistitem rapinas reparanda animum conuertit, atque à Leone VIII. anno 964. diploma impetrauit, quo primus Italiæ Metropoli post Romanam sedem declarabatur. Verba Leonis apud Vghellum tomo 5. Italiæ sacræ in tabulis Aquileiensibus hæc sunt: Volumus scilicet, & Apostolica auctoritate iubemus, vt inter omnes Italicas Ecclesias Dei sedes prima post Romanam Aquileiensis, cui Deo auctore præes, habeatur. Verum quòd Leo ille Schismaticus fuit, Poppo Aquileiensis à legitimo Pontifice literis obtentis vetera Ecclesiæ suæ iura accertimè tutatus est. Etenim non modò armis eiusdem iurisdictionem asseruit, ac nobilissimo templo, quod etiamnum extat, eandem exornauit, verum etiam à Ioanne XIX. nouo diplomate impetrato illius primatum confirmauit, in quo hæc leguntur: Inclinati namque precibus vestris Apostolica auctoritate concedimus, & per huius nostri priuilegij paginam. confirmamus vobis, vestrisque successoribus Patriarchatum Sanctæ Aquileiensis Ecclesia fore caput, & metropolim super omnes Italiæ Ecclesias, quoniam ante omnes constitutam, & in fide Christi fundatam esse cognoscimus, atque volumus Sanctam Aquileiensem in cunctis fidei rebus peculiarem, & vicariam, & secundam esse post hanc altam Romanam Sedem, sicut olim à B. Petro Apostolo concessum fuisse videtur &c. Dat. mense Septembris indictione decima in sacratissima sede B. Petri Apostoli anno quarto Deo propitio Pontificatus Domini Ioannis Summi Pontificis, & vniuersalis Noni decimi Papæ. Anno 1026. mense Septembri indictio X. inchoabatur. Ex hac subscriptione colligitur, Ioannem XIX. vt scribit Panuinius, XX. vt vult Baronius, anno 1023. pridie Kal. Martij ad Pontificatum euectum, non verò anno sequenti, vt vterque Scriptor, alijque vulgò existimarunt. Nam anno 1026. mense Septembri quartus annus eiusdem Pontificatus numerabatur; fauere Matthæus Westmonasteriensis: Anno gratia, inquit, 1023. Ioannes sedet in cathedra Romana annis nouem.

Ceterum post viginti annos de trium Italiæ Metropolitaram præcedentia iterum lis agitata fuit coram Clemente II. in Synodo Romana celebrata ineunte anno 1047. in qua Pontifex decessorum sententiæ non stetit, sed primum locum Metropolita Rauennati, secundum Aquileiensi, tertium deniq; Mediolanensi adiudicauit. Vghellus tomo 2. Italiæ sacræ in tabulis Rauennatis Ecclesiæ Clementis diploma ex Archiuio Vaticano depromptum refert. Dabo insigniora fragmenta: Vnum, inquit Pontifex, propitiante Domino nobis concessum est illic determinare, quod multoties ventilatum à retrò Pontificibus prædecessoribus nostris, aut vix, aut nullo sine sopitum est; illud videlicet in Synodo sedendi iurgium, quod emergerat inter Rauennatem, & Mediolanensem Archiepiscopos, unde & in ipsa nostra Synodo Aquileiensi Patriarcha misistabat; quisquis enim sibi iuxta nos dexteri lateris locum vendicabat, & cui iure deberetur, nobis incertum erat. Postea: Contigit autem prima die Synodi non interesse Mediolanensem Archiepiscopum à primordio, sed iam die inclinato, cum Patriarcha à dextris nostris sederet, interposita tamen sella charissimi filij nostri Imperatoris Henrici, qui iam iam aduenire putabatur, quia eo loci erat electus quoque Rauennatensis Ecclesia, à sinistris vt sederet, quo Mediolanense Archiepiscopo in medium veniente, dextrum quia locum petierat, hinc acclamatum est

ab electo Rauennatensi, sibi deberi illum, simili modo à Patriarcha Aquileiensi, & ita
 cuius rei altercatio inter sese orta est. Scribit, Mediolanensem adduxisse Syno-
 dum à Symmacho Papa celebratam, in qua Rauennatem præcesserat, hunc
 verò Ioannis II. decretum opposuisse, quò ea in Synodo Petrum Rauennatem
 humilitatis gratia alteri locum cessione testabatur, denique Aquileiensem Ioannis
 XIX. laudatum diploma exhibuisse. Quibus ritè discussis, traditè Synodi sen-
 tentia causam Rauennati Metropolitæ adiudicatam fuisse dextero eidem loco
 assignato, Imperatore tamen non præsentè, qui si adesset, iussus fuit Rauennas
 ad sinistrum Pontificis latus transire, & concludit: *Verum ne posthac iterum
 vel Archiepiscopo Mediolanensi, vel Patriarchæ Aquileiensi de sessione dextri lateris
 nostri liceat excitare quamlibet controuersiam, interdicens nostra Apostolica auctoritate,
 hoc eis de cetero licere, quòd si fortè fuerit presumptum, pro temerazione interdicti nostri
 non modò bannum S. Petri nostræ Sedis persoluat, verum nostræ quoque excommunicatio-
 nis, & anathematis laqueos incurrat. Sed etiam Rauennatis Archiepiscopi inebemus
 semper esse à dextris nostris, nostrorumq; successorum secundum antiquæ constitutionis au-
 thoritatem, nisi fortè Imperator adfuerit, & tunc etiam ipsum sinistrum locum tenere per
 hanc nostræ authoritatis firmantis firmitatem huic nostræ narrationi subiectam.* Et hæc
 annò 1047. statuta sunt.

Ex his manifestum fit, Antistitem Aquileiensem nomine tenus Patriar-
 cham fuisse, neque enim Metropolitæ Italiæ primum eidem locum dare recu-
 sassent, neque Apostolica Sedes Rauennatem Archiepiscopum eidem præfe-
 rendum iudicasset. Sed neque Ioannes XIX. cum primum illi ipsi locum dan-
 dum inter Italiæ Antistites pronunciauit, vllam Patriarchalis dignitatis men-
 tionem fecit, sed ob antiquitatem Aquileiensis Ecclesiæ à D. Marco fundatæ
 eundem cæteris se præferre dixit. Fuit ergo Patriarcha Aquileiensis antiqui-
 tus solo nomine talis, nec vllò Patriarcharum priuilegio exornatus. Ita Græci
 quosdam habuere penes nudum nomen Metropolitæ, qui tamen alteri Me-
 tropolitæ subiecti erant. Marcianus Imperator aët. 6. Synodi Chalcedonen-
 sis ob habitam ea in vrbe Synodū honorare eandem volens dixit ad Patres: *Ad ho-
 norem Sanctæ Martyris Euphemie, & vestræ pariter Sanctitatis Chalcedonensem ci-
 uitatem, in qua sanctæ fidei Concilium gestum est, Metropolis priuilegia habere sancimus,
 nomine tantum hanc honorantes, salua videlicet Nicomediensium ciuitati propria
 dignitate.* Hos penes titulum Metropolitæ Græci posteriores Archiepiscopos
 dixere, quorum catalogum in Græco Imperio recitat Leo Sapiens in Notitia
 Episcoporum ad Andronicum filium in calce libri Georgij Codini de Officijs
 Aulae, & Ecclesiæ C-P. De hisce Metropolitæ legatur Lupus in notis ad ca-
 nonem XII. Chalcedonensem, in quo hæc statuta sunt: *Quæcumque verò ciuita-
 tes iam literis imperialibus Metropolitanæ nominis honore subnixæ sunt, honore tantum-
 modò perfruantur, & qui Ecclesiæ eius gubernat Episcopus, saluis scilicet veræ Me-
 tropoli priuilegijs suis.* Ita definita est lis inter Eunomium Nicomediensem, &
 Anastasium Nicænum de iure Metropolitico contendentium, de qua re agitur
 tota actione 13. laudatæ Synodi, in cuius fine hæc per gloriosissimos Iudices
 ex Patrum sententia statuta leguntur: *Authoritatem quidem Metropolitæ inter
 Ecclesias prouinciæ Bithyniæ Nicomediensis reuerendissimus habebit Episcopus, Nicæ-
 no habente honorem metropolitanæ tantummodò, subiacente autem ad exemplum aliorum
 Episcoporum prouinciæ Nicomediensi; hoc enim visum est Sancto Concilio.* Sed ab ea
 senten-

sententia Nicæni Metropolitæ postea recesserunt; excussa enim Nicomediensis in ipsos iurisdictione, sex Bithyniæ Ecclesiæ eidem subreptas propriæ Metropoli subiecerunt, ut patet ex notitia laudata Leonis Imperatoris. Ibidem ramen Nicænius solo nomine Metropolitæ ceteris suffraganeis Nicomediensis Ecclesiæ præponitur. *Adductæ etiam leges*, inquiunt Patres, *nomine Metropolitæ sollemnè honorarunt Nicænam civitatem*, & *præponitur reliquis Episcopis provinciæ sollemnè modò*. Hac ratione etiam Metropolitæ Aquileiensi Patriarchæ titulo penes solum nomen ab Apostolica Sede decoratus fuit, ac reliquis Italiæ, & Occidentis Metropolitæ præpositus. Etenim cum Aquileiensi Patriarchæ, qui anno 1047. à Clemente II. Rauennati decedere iussus fuit, paulò post successisset Gefohaldus (Gorepoldum, vocat Sabellicus lib. 5. de antiqu. Aquileiæ) nempe anno 1049. ab Alexandro II. Ecclesiastica iurisdictione adauctus, Foro iulij, & Istriæ dominio ornatus, ac Romani quoque imperij Principibus adnumeratus est, & primum locum tum ipse, tum successores ob utriusque imperij ciuili, & ecclesiastici amplitudinem inter reliquos Occidentis Metropolitæ obtinuerunt, & etiamnum obtinent, licet prouinciarum dominio exclusi, & in Synodis Oecumenicis cum alijs Patriarchis ante omnes Archiepiscopos sedent. Amplissima est Patriarchæ iurisdictione, Venetias enim, nempe Marcham Taruisinam moderatur vsq; ad Brixiensum confinia, insuper Forum-Iulium, Istriam, Noricum Ripense, Noricum Mediterraneum, ac Rhætiæ I. Hic corrigendus est Vghellus, qui tomo 5. Italiæ sacræ de Aquileiensi Antistite ait: *Patriarcha interim tanquam pupillus veteri patrimonio, ac domicilio deturbatus centenarium iam propè annum sua sede exulat, & precariò Venetijs degit*. Nam licet Aquileiæ, quæ paruorum modò casarum, rarique habitatoris ob aeris grauitatem statio est, ac dempto templo satis amplo à Poppone extructo, magnæ quondam vrbs umbra, non resideat, Vtini tamen, quæ provinciæ Metropolis est, moratur in nitidissimo, atque instructissimo palatio (Patriarchæ vulgò ciuibus nuncupatur) ac quædam etiam insignia prouinciæ oppida pleno iure possidet. Illum modò Patriarchalem thronum insidet Eminentissimus D. Ioannes Delphinus S. R. E. Princeps Cardinalis, de quo præstat silere, quàm pauca dicere. Etenim siue auitam gentem belli, pacisque artibus insignem, siue singularem eiusdem purpurati Principis eruditionem, atque agendarum rerum scientiam, siue eximiam, omnibusque expositam, ac rarè summa cum dignitate coniunctam comitatem consideres, vix prima magni Præsulis lineamenta duces; quicquid enim dixeris, minus erit.

CAPVT XI.

*Theodorum Mopsuestenum Pelagianum, Ibam, ac Theodoretum Theodori
laudatores contra Synodum V. ex Concilij Chalcedonensis Statu-
tis Halloix perperam defendit.*

ANtequam in longius protractam contra nuperum Origenis defensorem dissertationem claudam, trita illa obiectio à veteribus schismaticis plenis buccis decantata, & ab aduersario ingenti animositate iterum producta nobis reiicienda est: nempe Synodum V. in damnando Theodoro Mopsue-

flur, scriptis item Theodoretæ contra duodecim capitula S. Cyrilli, ac denique Ibas epistola aduersatam esse Synodo Chalcedonensi. Dabo ipsamet accusatoris verba, ne per iram aliquid vel demere, vel addere videar. Ille lib. 4. q. 10. §. 14. hæc scripturæ: *In Concilio Chalcedonensi à S. Leone Pontifice habito, & approbato indicatus est Ibas Orthodoxus, & quidem ex epistola ad Marin scripta, in quinto autem Concilio eadem epistola vocatur impia.* Rursus §. 16. subdit: *De persona quoque Theodoretæ contraria senserunt Concilium Chalcedonense presidentibus Legatis S. Leonis Pape, & Concilium V. procurante Iustiano.* Nam illi Theodoretum nulla efficiendum contumelia censuerunt &c. Iustinianus autem una cum suis assensatoribus scripta eiusdem Theodoretæ contra Cyrillum condemnari nominatim voluit. Denique §. sequenti 17. ita facit: *Concilium autem V. contra proprium caput pugnans, & deßt contra Vigilium Papam, damnavit Theodorum Mopsuestenum, quem Patres Concilij Chalcedonensis, & Ephesini primi censuerant non damnandum.* Hæc ille. Pudet sanè ista referre, sed magis eadem piget refellere, cum à maioribus nostris adeo exactè cuncta dissoluta sint, ut mirum videatur, inde alicui potuisse nouam difficultatem oriri. Ego ita agendum mihi constitui: Quid supremi Ecclesiæ Iudices, hoc est, Romani Pontifices in hac causa definierint, exponam, & ex oraculo deductis responsis aduersarij obiectionem explodam.

S. Gregorius Papa, cum nonnulli apud Theodelindani Longobardorum Reginam Synodum V. calumniarentur, quòd hæc contra Concilij Chalcedonensis decreta canones tulerit, datis ad Reginam literis hominum inscitiam hisce peritrixnit libro 3. epist. 4. *Quantum vos purè diligimus, tantum de vobis fortius dolemus, quia vos imperitiis, stultisque hominibus creditis, qui non solum ea, quæ loquuntur, nesciunt, sed vix ea percipere, quæ audierint, possunt.* Dicunt enim pie mem. Iustiniani temporibus aliqua contra Chalcedonensem Synodum fuisse constituta, qui dum neque legunt, neque legentibus credunt, in ipso errore manent, quem sibi de nobis ipsi sinxerunt. Nos enim teste conscientia fatemur, de fide eiusdem S. Chalcedonensis Concilij nihil motum, nihil esse violatum, sed quicquid prædicti Iustiniani temporibus actum est, ita actum est, ut fides Chalcedonensis Concilij in nullo venaretur. Rectè: nam Patribus Synodi V. nihil magis cordi fuit, quàm Synodi Chalcedonensis fidem sartam, & intactam seruare. Hinc S. Eutychius Patriarcha C-P. qui primus subscripsit Synodum, hæc apposuit: *Eutychius &c. suscipiens sanctas quatuor Synodos, idest Nicenam, Constantinopolitanam, Ephesinam primam, & Chalcedonensem, & quæ ab ipsis de una, eademque fide definita sunt &c.* Quæ clausula ab alijs Patriarchis, & Metropolitibus ipsidem planè verbis in subscriptionibus addita fuit. Horum rationem. Pelagius Papa egregiè tradidit; nam Synodus Chalcedonensis finita est actione sexta, eò vsque enim de rebus fidei actitatum fuit, ob quas à S. Leone Papa coactus fuerat sacer ille Præfulum congressus; in reliquis verò actionibus de priuatis quibusdam negotijs extra Apostolicæ Sedis mandata peractum fuit à Patribus, quorum iudicia haud irrefragabili auctoritate munita sunt. Audiatur Pelagius in epistola tertia longiori ad Episcopos Illyriæ: *Vigilanti ergo cura, inquit, respicite, quæ in sexta illius actione sanctæ fidei professio consummatur, moxque in septima ad institutionem iam fidelium regula canonum fitur, vltterioribus verò actionibus nihil de causa fidei, sed sola negotia priuata versantur.* Hoc probat, quia post actionem illam VI. & subscriptionem Patres à Marciano Imperatore discedendi facultatem flagitarunt illis vocibus: *Dimittite nos,*

nos, pie Imperator, dimitte nos. Præterea quia Talassius Metropoli-
ta Cæsareæ Cappadocum rediens ex Synodo Chalcedonenſi ad suam Ecclesiam non tulit
nisi sex actiones Synodales teste Alipio eius successore, quod ea, quæ postea
deliberata sunt, ad fidei dogmata, ac statuta Synodalia non pertinebant. De-
nique adducit idem Pelagius Papa S. Leonis epistolam 60. ad Maximum Anti-
iochenum, in qua hæc scribit: *Si quid sanè ab his fratribus, quos ad Sanctam Sy-
nodum vice mea misi, præter id, quod ad causam fidei pertinebat, gestum esse perhibe-
tur, nullus erit penitus firmitatis, quia ad hoc tantum ab Apostolica Sede sunt directi,
ut excussis hæresibus catholica essent Ecclesia defensores. Quicquid enim præter specia-
les causas Synodaliū Conciliorum ad examen episcopale deferretur, potest aliquam dijudi-
candi habere rationem, si nihil de eo est à Sanctis Patribus apud Nicenam diffinitum.*
Ex quibus infert Pelagius, posse iterum causas retractari, quæ extra dogmata
fidei à Patribus Chalcedone iudicata sunt.

Cum anno 431. præside Cyrillo Synodus Ephesina contra Nestorium cele-
braretur, lectum publicè fuit symbolum Theodoro attributum, quod cum Iu-
daicum appareret, damnatum fuit à Patribus, ita tamen, ut anathemati Theo-
dori Mopsuesteni nomen insertum minimè fuerit, cuius rationem dat idem
Cyrillus in epistola ad Proclum Antistitem C-P. hæc de eadem Synodo scri-
bens: *Nullam viri memoriam fecerat dispensatiue, nec ipsum nominatim anathemati
subiecit propter dispensationem, ne quidam ad exislimationem viri respicientes sese ab
Ecclesijs separarent.* Hoc symbolum sub nomine Theodori fusiùs impugnauit
Marius Mercator paulo post celebratam Synodum Ephesinam, cuius MS.
opus habetur in Bibliotheca Vaticana inter codices Palatinos Num. 234. quæ
notauimus lib. 2. hist. Pelag. cap. 6. Iam enim vel ante Synodum Ephesinam
malè audiebat Theodorus veluti Nestorij Magister, sed illius scripta de Incar-
natione postrema ætate ab eodem confecta haud satis nota erant. Cæterum
damnato Nestorio, eiusque libris à Theodosio Imperatore proscriptis, ac eo-
rum lectione interdicta, Nestoriani Theodori Mopsuestiæ, ac Diodori Tar-
sensis scripta in plura exemplaria transcribere, palam asserentes, Nestorium
haud nouorum dogmatum authorem extitisse, sed ea tantum docuisse, quæ
Patres olim tradiderant, statimque Theodori, ac Diodori sententias produ-
cebant, quorum libros Syriaca, Armena, ac Persica interpretatione scriptos
ediderant. Rabulas Metropoli-
ta Edeſſenus non modò libros Theodori dani-
nauit, verum & personam anathemati subiecit, licet idem olim mortuus fuis-
set. Scribit hoc in epistola ad Marim Ibas Rabulæ successor: *Hunc, nempe
Theodorum, ausus est, qui omnia in Ecclesijs præsumit, clarè anathematizare.* Hinc
ortæ nouæ in Oriente dissensiones, atque in eadem causa non vna erat Patriar-
charum sententia. Ioannes Antiochenus nec personam, nec libros Theo-
dori anathemate percellendos esse iudicabat; nam ad Cyrillum scribit cum
sua Synodo: *Quale damnum non apertum erit, dicta non solum refutare, sed
etiam anathematizare?* Et postea: *Vt autem anathema eis imponatur arbitramur
audax, & asperum apparere, etsi persona cum dictis non anathematizarentur.* Ex-
tat hæc epistola tomo 5. operum S. Cyrilli par. 2. Proclus C-P. excerpta
ex libris Theodori solidè confutauit, atq; vti hæretica dogmata abiicienda,
dixit in tomo scripto ad Armenos, qui legitur in bibliotheca PP. nihil in-
gerim de persona Theodori decreuit. S. Cyrillus in epistola ad Proclum ita
de

de Theodoro statuit: *Si adhuc enim in viuis esset, & Nestorij blasphemiarum fautor, aut suffragari vellet ijs, quæ scripsit, ipse anathema etiam in propria persona subiisset; quoniam verò ad Deum abiit, sufficit, ut ego puto, & quæ absurdè ab ipso scripta sunt, rejici ab ijs, qui rectè sentiunt.* Scribit idem Cyrillus in epistola ad Acacium Melitenum, plerosq; Orientalium adeo Theodori studiosos fuisse, ut has in Ecclesijs exclamationes emitterent: *Crispian fides Theodori, sic credimus, sicut Theodorus.* Quod idem scribens ad Proclum testatur, simulq; adstruit ab alijs eundem anathematizatum: *Magnum verò, inquit, eius nomen esse per Orientem, & mirificari nimium conscripta eius, & sicut dicunt, contristantur omnes, quòd vir nobilis, & sanctus in communione Ecclesiarum anathematizatur.* Nunc verò quòd in conscriptis eius inuenimus quædam nefariè dicta, & nimis plena blasphemia, nulli dubium esse rectè sapientium. Idem tamen Cyrillus in Ephesina Synodo in Nestorio Magistri Theodori doctrinam damnauit. Author est Leontius in libro de scdis a. 6. S. Cyrillum interrogatum, cur Theodorum anathemate non percuteret, respondisse: *Quia Orientalium Ecclesie ingens dissidium excitabimus, quorum unus est Ibas, qui eum anathematizari non patietur.* Idem verò Leontius a. 4. edisserens, cur nec Diodorus, nec eius discipulus Theodorus viuentes impugnati à quopiam fuerint, hanc rationem assignat: *Quòd pugnandi scdis maiores necessitas eiusmodi dogmata teneret.* Verùm paulò post Imperatorum lege cautum est, nequis Theodori libros legeret. Imperialem sanctionem Theodosij, & Valentiniani refert Synodus V. a. 5. Summa decreti est: *Si quis præterierit præsentem nostram sanctionem, & Theodoro, & Nestorio assenserit, & illorum socios imitatur, post ultionem gladij omnis eius substantia fisco abdicatur.* Nihil tamen contra personam iam demortui statutum fuit, nec defuere, qui ipsum impensius colerent, librosq; eius summis præconijs exciperent. Hos inter fuit Ibas Metropolitæ Edessenus in Mesopotamia, à quo in famosa illa epistola ad Marim Persam hisce laudibus ad vsque sydera Theodorus euehitur: *Theodorus veritatis prædicator, & Doctor Ecclesie, qui non solum vita sua colaphis cecidit hæreticos pro veritate sua fidei, sed & post mortem spiritualia arma in opusculis suis Ecclesie sibi dereliquit.* Hæc encomia lecta fuerunt in Synodo Chalcedonensi, dum Ibe epistola examinabatur, quæ tamen apertè à Patribus rejecta non fuere. Hinc Acephali, quinodum in sirpo querebant, inter alia argumenta, ob quæ à Chalcedonensi Concilio recipiendo se abstinere distabant, hoc vnum opponebant, quòd ea in Synodo Theodorus impudè laudatus fuisset. Quare Iustinianus, qui omnem mouebat lapidem, quò Acephalos ad Ecclesie vnitatem reduceret, Theodorum licet ante centum, & viginti septem annos defunctum in Synodo V. damnandum curauit. Nolo hic discutere, an mortuus in pace Ecclesie possit postea anathematizari, de qua re egregiè P. Lupus in notis ad collationem 5. nostræ Synodi, mihi satis est ostendere Synodum V. non esse aduersatam Concilio Chalcedonensi; nam Patres, ut mox dicam, de illa Epistola Ibe parum curarunt, nec vnum fuit omnium de Iba iudicium, idque actione decima peractum est, nempe iudiciali, non Synodali sententia, Synodo iam circa actionem sextam terminata. Cum verò Ibas in Synodo Chalcedonensi palam coactus fuisset Nestorio anathema dicere, idem & Theodorum damnasse dicendus est, præsertim quoniam iam lege Imperatorum ante Synodum reiectus esset. Itaque Synodus cogens Ibam ad publicè anathematizandum.

Nestorium, tacitè Theodori consutationem iniunxit, & libas damnans discipulum, etiam magistrum proiecit, ac laudum huic delatarum palinodiam eo pacto cecinit.

Ita sanè Romani Pontifices, ac Synodi Oecumenicæ Theodorum Mopsuestiæ cum hæreticis postea semper nominarunt. Certè ex libro eiusdem à Photio producto, cuius etiam fragmenta ex Mercatore recitauimus lib. 1. hist. Pelag. cap. 9. Pelagianorum pessimus fuit, & omnium calumniarum author, quas Iulianus Eclanensis postea sorbuit, eructauitque. Et quidem lib. 2. historię memoratæ cap. 4. diximus ex eodem Mercatore, Theodotum Patriarcham Antiochenum contra Pelagianos Synodum celebrasse, cuius decreta ad ipsum Theodorum transmissa fuisse certum est, erat enim Episcopus in Cilicia secunda, quæ intra dioccesim Antiocheni Præsulis sita erat, quare à suo Metropolitā Anabarzenſi Maximiano, vt moris erat, Synodalia Patriarchæ Antiocheni statuta accepit, quibus perlectis, an Pelagianorum errorem exuerit, incertum est. Scribit Hysichius Hierosolymitanus in Ecclesiastica historia, vti Synodus V. a. d. 5. refert, vltima illum senectute Nestorij errores docuisse, atq; hæc inter alia tradidisse: *Christum non incarnatum Verbum, sicut Euangelicis vocibus edocti sumus, sed hominem per vitæ promotionem, & passionum perfectionem coniunctum Deo Verbo.* Imò Vigilius Papa in literis ad Eutychium pro confirmatione Synodi V. eadem de Theodoro narrat: *Etenim, inquit, inter ceteras ipsius blasphemias aperte ipsum dixisse inuenimus: Alium esse Deum Verbum, & alium Christum à passionibus animæ, & concupiscentijs carnis vexatum, & paulatim à minoribus recedentem ad meliora per perfectum operum peruenisse, & conuersatione irreprehensibilem factum.* Quæ omni Pelagiana maior blasphemia est, vt scribit S. Augustinus cap. 15. de prædestinatione Sanctorum. Viuentem autem Theodorum nonnulli Patres laudarunt, sed Pelagius in epistola ad Episcopos Istriæ respondet: *Quid itaq; obstat, si dum de eius errore occultum adhuc, & dubium fuit, ab vno Patre laudatus est, & innotescere post perfidia penè omnium magnorum Patrum sententijs VELVT IMMANIS BELVA, quasi crebescens libus laculis est confectus.* De Theodori damnatione hæc tradit S. Gregorius Pelagij successor lib. 2. epist. 36. ad Episcopos Istriæ: *In Synodo, in qua de tribus capitulis actum est, aperte liquet, nihil de fide conuulsum esse, vel aliquatenus immutatum, sed sicut fecit de quibusdam illis solummodo personis est actitatum, quarum una, cuius scripta euidenter à rectitudine Catholicæ fides deuiabant, non iniuste damnata est.*

At non solum Sanctissimi quique vetustioris Ecclesiæ Patres Theodorum condemnarunt, sed etiam nostrò sæculo, & Romana Sedes, ac Synodi eundem lata sententia proscribere. Cum in Oriente Nestoriani ex Theodori libris damnatos olim in Ephesino Concilio errores etiamnum defenderent, in id nostris maximè incumbendum fuit, vt Theodori nomen, ac libros euertarent. Noster Alexius Menezius Archiepiscopus Goanus, ac Orientis Prorex, dein Bracarenſis in Lusitania Primas, ac regni totius itidem Prorex, magnum in vtroque Orbe Augustinianæ gentis incrementum, hic inquam, cum in Oriente versaretur, nihil antiquius habuit, quàm Nestorianos Orientales ad Orthodoxum dogma reuocare. Celebrauit Synodum Diamperitanam, quam iusto volumine edidit Antonius Gouea Augustinianus vir insignis, & Persica legatione summa cum gloria functus. In ea autem actione III. decreto

IX. narratur, quòd sexta feria post natalem Domini à Nestorianis recitabatur Officium, ut vulgò dicunt, de Sanctis Nestorio, Theodoro, & Diodoro, quorum etiam nomina inter sacrosancta mysteria in Diuorum diptychis posita quotidie memorabantur. Actione 5. de cr. 1. hæc à Diacono inter Missarum sollemnia recitari solita asseruntur: *Commemoramus quoque Patres nostros Sanctos, & veritatis Doctores Dominum, & Sanctum Nestorium, S. Diodorum, S. Theodorum, S. Ephrem, S. Abraham, S. Narcisum, omnes quoque Doctores, & Presbyteros veritatis cultores. Oremus, ut ipsorum orationibus veritas pura, ac sincera doctrina, quam docuerunt, & professi sunt, in omni Ecclesia Sancta custodiatur usque ad consummationem sæculi.* Hinc Menezis professioni fidei, quam ad Catholicum dogma venientes recitabant, hæc inferi iussit: *Condemno, reprobo, & anathematico specialiter diabolicam, & perversam hæresim Nestorianorum cum ipsius prauo authore Nestorio, huiusque falsi magistrum Theodoro, & Diodoro.* Actione 2. decreto 1. Petrus Morinus vir eximie, & incomparabilis eruditionis par. 2. de Syrorum Nestorianorum ordinatione recitat ritum Episcopi consecrandi, ubi nonnullis Patribus laudatis adduntur *& Diodorus, & Ioannes, & Theodorus MARE SAPIENTIAE.* Et ibidem dicuntur: *Architecti Ecclesie Sancte, Magistri mysteriorum Dei, & Doctores cultus veritatis, preces eorum sint nobis murus, & propugnaculum.* Sed Pauli V. grauissima censura hic sanè repetenda est, qua Theodorum Mopsuestenum, eiusque scripta confixit. In epistola ad Patriarcham Babylonis data VIII. Kal. Aprilis 1614. hæc habet: *Señtatores Nestorij nefaria eius dogmata ex commentarijs, ut diximus, Theodori Mopsuesteni, à quo vitus perditissimæ hæresis hauserat, & ex his, quæ ab eius fautoribus contra B. Cyrillum, sanctamque Ephesinam Synodum scripta fuerunt, callide instaurare, atque in vulgus serere studuerunt. Vnde maxima Orientis pars postmodum infecta fuit, præcipue Chaldaei, qui hæc de causa deinceps Nestoriani dicti sunt. Propterea monemus fraternitatem tuam, atque efficacissime hortamur, ut Theodori Mopsuesteni scripta, pariterque Diodori Tarsensis, qui cum eo pessime sentiebat, lethalis huius virus infausa semina, si ut accipimus, apud eos reperiuntur, delere, effringere, penitusque ex vestra Natione exterminare omnino studeas. Quippe Theodorus tanquam hæreticus, ac pessime doctrina author à Sanctis Patribus in Quinta vniuersali Synodo, ut videre poteris, secunda videlicet Constantinopolitana, damnatus est &c. Apud Paulum de Angelis lib. 11. descript. Basilicæ S. Mariæ Maioris cap. 11. Adeo rei Ecclesiasticæ Nestorij discipuli nocuere, cum Diodori, ac Theodori volumina malitiose in Syrorum, linguam, & Armeniorum, atque Persarum transtulere, teste Liberato cap. 10. Breuiarij. Quid hic reponet Halloix? Paulum V. ignorasse Vigilij Constitutum, quod primus Baronius publicauit? At hæc ipsa post celeberrimos illos Baronij annales prodire. Episcopi Armeniæ in literis ad Proclum C-R. hocce epitaphium Theodori sepulcro inferendum exararunt: *Fuit autem aliquis PESTIS HOMINIS, magis autem FERA HOMINIS HABENS FORMAM DIABOLICAM, MENTITO NOMINE THEODORVS, qui schisma, & nomen Episcopi habuit in angulo, & ignobili loco Orbis terrarum latitans in Mopsuesteno Cilicia secunda oppido. Hæc leguntur in Epist. 3. Pelagij ad Istros, & act. 5. Synodi Quintæ: Hic de 2071.* De huius epistola scribit Halloix: *In Chalcedonensi Concilio à S. Leone Pontifice habito, & approbato iudicatus est hæc Orthodoxus, & quidem in epistola ad Maximam scripta, quam Legati Leonis iudicarunt esse orthodoxam, quod idem sentire Iu-**

*nalit Hierosolymorum, & alij omnes, etsi alij, atq; alij verbis tamen eodem sensu, & conformiter Legatis Pontificis. S. 14. Ibas Episcopus Edesseus paulò post initam pacem inter S. Cyrillum, & Ioannem Antiochenum, qui apud Ephesum cum suis Orientalibus schisma conflat, epistolam ad Marim Persam perscripsit, qua rerum tum Ephesi, tum alibi postea gestarum eundem certiore reddebat. Quòd verò haud rectè in illa de Patribus, ac Cyrillo præsertim sentiret, in Synodo Chalcedonenſi ab aduersarijs producta fuit, vt cum hæreticum Nestorianum ostenderent, eaq; ratione Sedi, vnde anno 449. à Dioscoro expulsus fuerat, minimè restitueretur. Epistola Ibæ lecta fuit in Synodo actione 10. in qua eiusdem causa cognita fuit: at epistolam vti orthodoxam approbatam fuisse à Patribus falsum est. Legati Pontificij dixerunt: *Relecta eius epistola, agnouimus eum Orthodoxum.* In qua sententia adhuc dubium est, num Ibas ex pura recitatione epistolæ iudicatus fuerit Orthodoxus, vel ex eiusdem contestatione dicentis, ante factam duodecim capitulorum à Cyrillo explicationem cum Episcopis Orientalibus malè se de Ephesinis Patribus sensisse. Anatolius Antistes C-P. dixit: *Omnes in præſenti de eo suspensionem abijcio, quoniam consentit, & subscribit ei, quæ nunc de fide sententia data est à S. Concilio, & epistola Sanctissimi Archiepiscopi Roma Leonis.* Audita Ibæ explicatione sinistram de illo, quam dudum conceperat opinionem, deposuit. At Maximus Antiochenus, qui tertio loco sententiam dixit, ita censuit de epistola Ibæ: *Orthodoxa est eius declarata dictario.* Vnus hic affirmavit epistolam Ibæ esse Orthodoxam. Cæterum Iuuenalis Hierosolymitanus ita pronunciauit: *Qui conuertuntur, hoc scriptura diuina suscipi iubet. Quapropter & eos, qui ab hæreticis reuertuntur, suscipimus. Vnde peruideo Reuertendissimum Ibam impetrasse clementiam, quia & scire est, & vult habere episcopatus gradum, orthodoxus existens.* Sanè Iuuenalis ex epistola hæreticum Ibam cognouit, at ex palinodia, dum epistolam S. Leonis receperat, ad Catholicam Ecclesiam reuerſum eundem pronunciauit. Cum verò ex actis in Synodo Berytenſi in Chalcedonenſi Concilio relectis constaret, Ibam Nestorio anathema dixisse, quod idem erat ac dicta in epistola ad Marim retractasse, Patres Ibam susceperunt, ita tamen, vt antequam sedi restitueretur, publicè exclamarint: *Omnes eodem dicimus, Nestorium modò anathematizet.* Respondit Ibæ: *Et iam in scripto anathematizavi Nestorium, eiusq; dogma, & nunc anathematizo eum decies millies.* Ita nihil aliud de epistola curarunt Patres tam clara Ibæ professione contenti.*

Certè si illa epistola examinetur, erroribus tota plena est. Pelagius in epistola ad Episcopos Iſtrix, & Gregorius lib. 7. epist. 53. ad Secundinum pluribus ostendunt, aduersari illam Synodo Chalcedonenſi, vt nulla ratione ab eadem approbari potuerit. Scripta est epistola statuta pace inter Cyrillum, & Orientales, nam itam Ibas in epistola laudat; at tunc Ibas præuè sentiebat de Synodo Ephesina, nam scribit de Patribus Synodi: *Nestorium ex Episcopatu deposuerunt iudicio, et inquisitione non facta.* Ita Patres negligentia, & præcipitis sententia contra Nestorium lata accusantur. Rursus eisdem Cyrilli donis corruptos aserit: *Præcedens, inquit, idem Cyrillus aures omnium quodam medicamine, quod solet sapientium oculos obacare, præoccupauit.* Hanc Cyrillo calumniam Schismatici inferebant, illorum enim verba sunt tomò 3. Concilij Ephes. cap. 9. de Cyrillo: *Sic enim poterit Egyptius omnes excacare muneribus suis.* Quam verò ma-

lo in Cyrillum animo esset, patet, dum eundem tanquam hæreticum traducit iniquens: *Cyrillus autem libros Nestorij volens destruere, lapsus est, & inuentus est in Apollinarij dogma incidens*. Quod enim Vigilius in Constituto reposuit, Ibam illa dixisse ante explicationem capitulorum à Cyrillo peractam, post Iustinianum in edicto contra tria capitula refutat S. Gregorius in laudata epistola ad Secundinum: *In ipsa, inquit, hæc epistola perpende, quia legitur, quod inter Orientales Episcopos, & B. Cyrillum pax fuerit celebrata. Si ergo post concordiam pacis, post satisfactionem amoris dubitationis hæc eadem epistola scripta est, constat, quia non est Catholica, quæ Patrem Catholicum, atque in toto Synodi volumine laudatum hæreticum appellat*. Erga Nestorium verò benigno, & amico animo erat; nam recusans scribere Nestorium in exilium vti hæreticum deportatum dato ei successe. Maximo ait: *Nestorius autem, quia in sua erat odio civitatis, & virorum, qui in ea sunt, maximorum, in eam reverti non potuit*. Vnde Vigilius Papa re melius perpenſa profanas blasphemias in Ibæ epistola contineri dixit: eadem erroris plena dicta est à Gregorio lib. 1. epist. 24. & non catholica in memorata epistola ad Secundinum.

Pater Lupus in notis ad Synodum Ephesinam cap. 3. ex Ibæ epistola dubium quoddam mouet. Ibæ in his literis recensita Nestorij per Cyrillum depositione, ait: *Post duos autem dies damnationis huius venimus in Ephesum, & cognoscentibus nobis &c.* Ex quibus verbis Ibam tempore Synodi Ephesinæ Episcopum fuisse Lupus existimat: synodalis enim cognitio Episcoporum tantum propria est. Rursus epistolam ad Marim Persam omnino tam ab Episcopo scriptam dicit. Verum cum Synodus haberetur, & cum illam epistolam Ibæ scriberet, Rabulas Episcopus Edessenus vivebat, nam de illo ibidem loquens Ibæ ait: *Nostre civitatis tyrannus occasione fidei non solum nunc viventes insequitur, sed & hos, qui olim ad Deum præcesserunt, quorum unus est beatus Theodorus*. Et in fine epistolæ narrata pace inter Cyrillum, & Ioannem Antiochenum constituta inquit: *Qui seditiose adversus viros, & mortuos irruerant, in confusione sunt*. Itaque duo tunc videntur Lupo sedisse in Edessena cathedra Episcopi. Quod verò Ibæ Rabulam tyrannum nominavit, hæc infert Lupus: *Vox tyrannus non canonicum introitum importat, sed adulterinam intrusionem*. Additque: *Res obscura est, quam velim à peritioribus doceri*. Ego quidem rem pandam, non tamen ut peritior te doceam, vir eruditissime, quippe qui sacræ historiæ penetralia te duce sæpè assecutus sum. Rabulas, alij Rabulum, vel Rambulum vocant, iuvenis profana literatura suffultus Christiana mysteria abhorrebat. At cum ad vrbem, cuius idem præfecturam gerebat, venisset S. Alexander Monachorum Acæmetarum Pater, sancti viri adhortationibus rectum dogma secutus est, & cum in solitudinem recessisset, virtutum illius paulò post fama latè personante Edessæ, quæ nobilissima est Mesopotamiæ vrbs, Episcopus consecratur. Legitimum illius, & non adulterinum ad illam Ecclesiam accessum fuisse constat ex vita S. Alexandri, quæ apud Bollandum habetur die 15. Ianuarij. Cap. 3. de Rabulæ electione hæc scribuntur: *Cum decessisset Episcopus Edessenus, universa ciuitas, ac circumiecta regio eum, nempe Rabulam, Pastorem proponit. Plurimum igitur suffragijs deligitur populi Princeps: Est autem Edessa Metropolis Mesopotamiæ*. Ille verò statim Christianas ea in vrbe scholas aperuit, in quibus variarum gentium nationes nostræ religionis dogmata docerentur: *Ordinatus Episcopus*

scopus portus quidam divina cognitionis factus est non solum Syria, Armenia, Persidi, sed & toti propemodum Orbi terrarum. Cum verò Nestoriana hæresis in Oriente inualesceret, Rabulas hæreticorum conatibus obuiam iuit, neque vnquam cum Ioanne Antiocheno, atque alijs Episcopis quicquam fauoris Nestorio impendit. Hinc S. Cyrillus in epistola ad Rabulam ait: Semper quidem tua splenduit sanctitas, præcipue autem modo facta omnibus Orientalibus columna, & fundamentum veritatis, & sicut quendam pestisferum expellens morbum noua, & abrumnanda hæreseos Nestorij blasphemiam. Nam procedit quidem ex altera radice (illius dico qui de Cilicia erat) ista impietas. Ita Theodorum Episcopum Mopsuestiæ, quæ secunda Cilicia vrbs est, non obscurè Nestorij magistrum notat, contra quem Rabulas æquè, ac in Nestorium insurrexit vnà cum Acacio Meliteno, vt author est Liberatus cap. 10. Breuiarij. Cum Theodoretus post celebratam Ephesinam Synodum contra duodecim capitula S. Cyrilli scripssisset, Rabulas pro Cyrillo, atque Ephesina Synodo contra Theodoretum stylum acuit. Audiat Theodorus Lector lib. 2. collectaneorum: Post reconciliationem cum Orientalibus Theodoretus contra duodecim capita Cyrilli scripssisse fertur. Rabulas Episcopus Edessenus cæcus erat; Andreas verò Samosatenus accusauit eum, quasi contra duodecim capitula Theodoreti scripssisset. Erat Samosatenus Theodoro amicusissimus, vt patet ex literis ad illum datis. Rabulas, vt cap. 3. de vita S. Alexandri Abbatis refertur, totis triginta annis Edessenam Ecclesiam summa cum laude rexit. Viuebat anno 435. nam occasione literarum Rabulæ, & Acacij Antistites Armeniæ de libris Theodori Proclum C-P. consuluerunt, qui eisdem respondit Theodosio XV. & Valentiniano IV. Cons. anno 435. Quare cum Ibas in epistola ad Marim Persam hunc ipsum initæ inter Cyrillum, & Orientales pacis certiore reddat, atque Rabulæ viuientis contra Theodorum conatus mentionem faciat, nondum erat Episcopus, sed Presbyter Edessenus, & quidem suo Episcopo satis inensus, dum eundem tanquam tyrannum falsò, & insolentæ traducit. Neque vt putauit Lupus, venit Ephesum Episcopus, suffragiumque vnà cum Ioanne Antiocheno tulit contra Cyrillum, nam tomo 3. gestorum apud Ephesum Episcoporum, qui cum Antiocheno stabant, nomina semel, iterum, ac teritiò sigillatim subscripta leguntur, at inter illos Ibas Edessenus nunquam recitatur; quare Clericus tantum venit Ephesum, si enim Episcopus accessisset, vnà cum cæteris Orientalibus acta subscripsisset. Est insigne testimonium in laudem Rabulæ in Ephesina Synodo, vbi tomo 3. cap. 15. legitur sacra dialis Theodosij Imperatoris ad Metropolitam, qui initio statim epistolæ nominantur hoc pacto: Celestino Papæ Romano, Ruso Thessalonicensi, Augustino Hipponensi, Alexandro Apameensi, alijsque post vigesimum scribitur Rembulo Edesseno, Alexandro alteri Hierapolitano &c. Data sunt literæ anno 431. post damnatum Nestorium. Erat ergo tum temporis Rabulas legitimus Antistes, neque vlla Ibas vt potè Clerici mentio ibidem facta fuit.

Et hæc quidem mihi certissima sunt; Rabulæ successit Ibas, statimque Nestorij libros Syriaca lingua editos latè per Orientem sparsit, vnde à pluribus Monachis, Clericis, ciuibus, ac militibus apud S. Proclum accusatus fuit, qui satis acrem ad Ioannem Antiochenum epistolam misit, qua Patriarcham negligentia in Iba compescendo reprehendit, atque subscriptionem dato abs se ad Armenos tomo Ibas intinendam imponit. Hæc epistola Procli legitur to-

mo 5. Bibl. PP. p. 1. Videntur hæc accidisse circa initia Episcopatus Ibæ ante annum 440. nam eo anno decessit Ioannes Antiochenus succedente Domno. Ibam verò anno 440. fuisse Episcopum certò constat ex actis Concilij Chalcedonenfis anno 551. celebrati, in quibus idem actione 10. in libello Samuelis accusatur surrepti ante annos *undecim* gemmati calicis. Ibas tum apud Imperatorem, tum apud Synodos grauissimos accusatores passus est, & in latrocinio Ephesino à Dioscoro sede pulsus fuit; tandem publicè in Synodo Chalcedonenfi damnato Nestorio dignitati anno 551. die 27. Octobris restitutus fuit. Vbi decessor Rabulas Persicam scholam omnino catholicam instituit, Ibas eandem Nestorij, ac Theodori pessimis doctrinis infecit, diuque in ea Theodorus triumphauit, donec Zenon Imperator scholam Edessenam, quam Persicam vocabans, tanquam qua Nestorij, ac Theodori doctrinam traderet, subuertit, & abrogauit. Ita Theodorus Lector lib. 2. collectaneorum. Hactenus de Ibæ epistola, quæ etiam in Synodo Chalcedonenfi approbata fuisset actione illa decima, tantis tamen erroribus plena est, vt minimè illorum Patrum sententiæ nobis standum esset. Tradit hoc S. Pelagius Papa scribens ad Episcopos Istricæ his planè verbis: *Quamuis ab eadem epistola alienum se Iba respondeat, quia approbata sit, aut difficulter, aut nullatenus demonstretur, licenter tamen unusquisque eam reprehenderet, etiam si Episcopi in eodem Concilio residentes suis illam subscriptionibus approbassent; quia postquam B. Leone scribente, ius retractandi, & diiudicandi conceditur, etiam si qua esse poterat eorum, qui interfuerant, à priuatis negotijs auctoritas, vacuatur.* Hæc Pontifex.

Opponit denique Halloix, à Synodo Chalcedonenfi nulla Theodoretum iniuria affectum, Quintam verò Synodum eiusdem scripta *nominaim* condemnasse. Sed more solito rancida Schismaticorum argumenta reponit. Theodoretus à puero Antiochenæ Ecclesiæ Clericus fuit, vbi per plures annos Catechesim docuit, vnàque cum Nestorio ibidem presbyter fuit. Verùm Cyrensis postea Episcopus renunciatus Ioanni Grammatico contra S. Cyrillum in Ephesina Synodo adhæsit, Orientalium factionis primipilus, erat enim multæ doctrinæ, & supra cæteros eloquentissimus, vnde in Synodis, quod volebat, reliquorum animos rapiebat. Quare vti turbarum author à Theodosio Imperatore ab omnibus Synodis procul esse iussus intra Cyrensem dioccesim sese continuit. Pessimè cerè audiuit, dum contra duodecim capitula S. Cyrilli stylum acuit. Immò etiam peracta pace cum Cyrillo duodecim illa capitula, quæ Ecclesia vniuersa vti canones veneratur, nunquam recipere voluit. Nam in epistola ad Domnum Patriarcham Antiochenum vocat eadem capitula temerè sancita, hortaturque eundem, ne in Synodo, quæ sub Dioscoro Ephesi cogenda erat, illis capitulis consentiret: do illius verba ex epistola 112. *Infelix anima mea suspirat, lugetque nihil expectans boni; neque enim insitum in duodecim capitulis venenum norunt, qui aliarum sunt diocesium, sed eius, qui illa scripsit, claritatem attendentes, nihil sinistrum suspicantur. Et qui eius sedi successit, omnia, opinor, mouet, vt altera Synodo illa confirmet.* Hoc animo erat Theodoretus contra duodecim capitula S. Cyrilli anno 449. quando sub Dioscoro Alexandrino alterum Concilium Ephesi cogebatur anno decimo octauo post priorem. Synodum ibidem præside S. Cyrillo celebratam. Porro cum ob ista Theodoretus vti Nestorianus passim haberetur, à Dioscoro, & Synodo, in qua supra

centum & viginti Episcopi sententiam tulere, sede pulsus fuit. Postea à Leone Papa huius pseudosynodi actis rescissis (in ea enim Eutyches absolutus fuerat, damnatus verò S. Flavianus Antistes C-P.) Oecumenicum Concilium Chalcedone Marciano Imperatore coactum fuit, in quo iterum Eutychetis causa discuteretur. Conuenere anno 451. sexcenti, & triginta Episcopi, & VIII. Idus Octobris prima actio habita est, in qua cum legerentur acta Ephesini latrocini, vbi ventum est ad sacram diualem, qua Theodosius intra Cyrense diocesim Theodoretum circumscripserat, Iudices Synodi dixerunt: *Ingre diatur Reu. Episcopus Theodoretus, vt sit particeps Synodi, quia & restituit ei Episcopatum sanctissimus Archiepiscopus Leo, & pijsimus Imperator sanxit eum adesse S. Synodo.* Verum his auditis omnia tumultu agitari coepta sunt; nam Aegyptij, Illyriciani, & Palæstini exclamarunt: *Miseremini, fides perit, istum canones eijciunt, hunc foras mitte, magistrum Nestorij foras mitte.* Præuam adeo de Theodoro opinionem induerant nobilissimi Patres ex Africa, Asia, & Europa. Pro Theodoro intercedebant Orientales, Pontici, & Thraces. Iudices ex decreto Leonis, & Marciani Theodoretum sedere in Synodo iussere, ea tamen conditione, vt postea illius causa à Patribus iterum cognosceretur. Ille verò cum sedisset, Orientales exclamarunt: *Dignus, dignus.* At Aegyptij è contra: *Non est Episcopus.* Et postea: *Cyrillum Theodoretus accusauit, Cyrillum eijcimus, si Theodoretum acceperimus. Canones istum eijciunt: Hunc Deus auctus est.* Iudices gloriosissimi, & amplissimus Senatus dixerunt: *Acclamationes ista populares neque Episcopos decent, neque partes inuant; pariamini ergo vniuersorum fieri lectionem.* Rursus conclamatum est: *Vnum eijcite, & omnes audimus. Pro pietate clamamus, pro Catholica fide hæc dicimus.* Denique quieuerunt, seditque Theodoretus, atque vnà cum reliquis sententiam contra Eutychetem pronunciauit; immò Ephesinum Concilium, & Synodales S. Cyrilli literas ad Nestorium, ac Orientales suscepit, atque actione 7. subscripsit cum cæteris Episcopis, quos inter leguntur Ibas, & Nonus ambo Episcopi Edesseni.

Terminata Synodo, in qua de causis fidei actum fuerat, Patres VIII. Kal. Nouembris in vnum coacti Theodoreti causam discutere, & quidem compendiarie, hoc enim vnum iniunxerunt: *Theodoretus modò anathematizet Nestorium.* Rogabat ille, vt legeretur abs se composita apologia, seu libelli supplices exhibiti tum Imperatori, tum Legatis Pontificijs. At exclamarunt Patres: *Nihil relegi volumus, modò anathematiza Nestorium.* Respondit Theodoretus natum se, ac nutritum in Catholica religione, quam & publice professus fuerat, auerari se Nestorium, Eutychetem, reliquosque, qui non rectè saperent, quæ dum interloqueretur: *Episcopi clamauerunt: Clare dic, anathema Nestorio, & dogmatibus eius, anathema Nestorio, & amantibus eum.* Sed cum tergiuersaretur, ac coram Synodo eruditam fortè apologiam recitare vellet, rursus conclamatum est: *Iste hæreticus est: iste Nestorianus est: hæreticum foras mitte.* His vocibus perterritus statim dixit: *Anathema Nestorio, & eis, qui non dicunt Dei genitricem Virginem Mariam &c.* Tunc Iudices dixerunt: *Omnis iam dubitatio de Reuerendissimo Theodoro est soluta.* Tot; tantique Patres Chalcedone Theodoretum hæreticum dicere actione prima, & omnes actione 8. cum recusaret in Nestorium anathema pronunciare; at Quinta Synodus illum nunquam hæreticum dixit, sed ipsius tantum scripta contra duodecim capitula S. Cyrilli.

Non exegit Synodus à Cyrensi, vt scriptos contra S. Cyrillum libros damnaret, nam eos planè abrogauerat, dum subscripserat cum reliquis actionem quintam, in qua Patres Nestorium damnantes receperunt *epistolas B. Cyrilli Alexandrinæ Ecclesiæ Presulis, Synodicas utiq; literas ad Nestorium, & ad alios per Orientem*. Ex quibus deducitur, errasse Acephalos calumniantes Synodum Chalcædonensem, quæ hominem Nestorianum non plenè discussum ad ferendum suffragium admisisset, nam Theodoretus apud S. Leonem Papam, ac Marcianum Imperatorem Nestorium anathematizarat, quod ante examen habitum actione 8. præstitit subscribens definitionem Synodi, in qua vnà cum Eutyche Nestorius nominatim damnabatur.

Nocuere etiam Theodoretum laudes Theodoro Mopsuestiæ delatæ, quibus suam historiam clausit dicens: *Moritur Theodorus Episcopus Mopsuestie cum omnium Ecclesiarum Doctor, tum hereticæ cohortis profligator. Hic Diodorum magnum audierat, commisit, & socius diuinissimi Ioannis &c. S. Gregorius Papa lib. 6. epist. 31. ad Eulogium Alexandrinum hæc scribit: Ipsam quoque historiam Seder Apostolica recipere recusat, quoniam multa mentitur, & Theodorum Mopsuestia nimium laudat, atque usque ad diem obitus sui magnum Doctorem Ecclesiæ fuisse perhibet. Res fiat ergo, ut si quis illam historiam recipit, Synodo, quæ pie mem. Iustiniani temporibus de tribus capitulis facta est, contradicat. Qui vero huic contradicere non valet, illam historiam necesse est, ut repellat.* At ibidem Gregorius historiam illam Hermizæ Sozomeno adscribit. Melchior Canus acerrimi iudicii vir Gregorium reprehendit, quòd Theodoretum dicta Sozomeno adscribat; Pontifex lapsus est memoria, scribit Lupus in notis ad collat. 5. Synodi quintæ, dicens *Hermizæ Sozomeni historiam finiri in laudibus Theodori*. At Baronius in notis Martyrol. ad diem 23. Decembris acerrimè pro Gregorio pugnat, asserens nos non habere integram Sozomeni historiam, quam ipse in præfatione ait initium sumere à tertio Crispi, & Constantini Cæsaris consulatione vsque ad consulationem Theodosij decimum, & septimum, nempe ab anno 324. vsq; ad annum 439. At finitur historia circa Constantij mortem, qui, inquit Baronius, *ut auctor est S. Prosper in Chronico, & alij, occisus est Agricola, & Eustachio Coss. anno 421. sed nequaquam Constantius occisus traditur à Prospero, Constantius, inquit ille, Imperator moritur*. Morbo enim, ac moerore decessit à nemine trucidatus; legatur lib. 1. hist. Pelag. cap. 20. Neque Gregorius ait, finiri historiam Sozomeni in Theodori laudibus; verba Gregorij dedimus. Vossius lib. 2. de hist. Græcis cap. 20. Gregorio fauet. Iustinianus in edicto contra tria capitula cum Theodori lapsum recitavit, hæc addit: *Pro his testimonium præbent Sozomenus, & Hefychius, et Socrates, et Theodoretus, qui multas pro Theodoro laudes fecit*. Ex his sententia Cani fit probabilior. Ego tamen nihil audeo contra Gregorium scribere. Certè Theodoretum historia eadem Pontificis sententia reprehenditur.

Nolumus ulterius contra recentem Origenis Apologistam progredi illa singillatim confutantes, quæ in prægrandi volumine pro suo Amasio infauit auspicijs hinc inde confarcinavit, inanem enim operam illum posuisse nullus inficias ibit, qui Origenem ab vniuersa Ecclesia damnatum fuisse intelliget. Miror autem hominem hunc nouam Origeni apologiam procudere aufert, cum sciret Eusebium Cæsareensem à Romana Synodo reprehensum, quòd in laudibus, atq; excusatione Origenis Schismatici unum conscripserit librum. Quare

eandem Ecclesiam suorum decretorum tenacissimam in ipsum pariter Halloix, quod in laudibus, atq; excusatione Origenis Schismatici quatuor conscripsit libros, sententiam pronunciaſſe cognouimus. Etenim Sacra Congregatio Romana anno 1655. die 12. Maij Petri Halloix Apologiam pro Origene confixit hæc præfata: *Prodierunt aliqui libri, qui nisi vel omnino, vel in parte tollantur, erroribus Christi fideles inficere possunt etc.* Quo quidem decreto cecidit totus ille apparatus, quem tanto studio recentior Origenis aduocatus protulit, vt profectò nequaquam tantum laboris nobis subeundum fuerit, quod apologiam Romanæ Ecclesiæ iudicio reiectam refelleremus; hoc enim perinde fuit, ac prostrato insultasse. Interim nostram hanc Synodi V. defensionem irrefragabili Sexti Concilij approbatione concludam. Nam cum palam constaret, Monothelitas eiusdem Concilij Quinti acta corrupisse, in eisdem act. 14. à Patribus anathema publicatum fuit his planè verbis vno omnium ore conceptum: *Anathema simul qui falsificauerunt acta Sancti, & vniuersalis Quinti Concilij.* Halloix verò grauius in eandem Synodum peccauit, qui appellauit eundem Patrum conuentum Concilium perniciosissimum instigante Diabolo coactum pag. 355. merum Conciliabulum pag. 380. pro nihilo habendum pag. 363. At ipsius apologetico Apostolicæ Sedis iudicio nigro theta signato præpoſteri concilij pœnas tulit. Aurea Patrum Sextæ Synodi sententia, quæ in laudata actione 14. recitatur, Quinti Concilij dignitas aduersùs quælibet Halloix obiecta aded euidenter asseritur, vt nullius aduocatione post tam illustre, ac locuplex testimonium indigere videatur. Hæc ibidem leguntur: *Sanctum Concilium exclamauit: Sanctorum quatuor Conciliorum sempiterna memoria.* Et postea: **SANCTI QUINTI CONCILII SEMPITERNA MEMORIA.** Hæc Sancta Synodus.

CAPVT XII.

*Origenem de diuina gratia rectè sensisse perperam quidam
Recentiores docuere.*

Initio statim historiæ Pelagianæ Origenem diuinæ gratiæ hostem fuisse monstratum est, vt iure meritò Pelagiani erroris Princeps, ac Pelagianorum Amasius à S. Hieronymo ignominie causa appellatus sit. Quid ex Origene alij Hæresiarchæ præsidij habuerint, non est nostri instituti demonstrare: Pelagianos errores illum procudisse nobis ex eiusdem sententijs ibidem recitatis compertum est. At Recentiores non contenti, Origenis personam contra tres Oecumenicas Synodos defendisse, contendunt illius etiam doctrinam de diuina gratia non modò Catholicam, sed Catholicissimam fuisse. Theophilus Raynaudus in apologia pro Valeriano Cemelienſi cap. 9. Origenis Catholicissimam de gratia sententiam asseuerauit, & quidem ea ex Origene eo loci producens, quæ Pelagianorum illum dogma prædocuisse significant. Ex lib. 7. contra Celsum scribit hæc Adamantium dixisse: *Postquam obtulerimus nos, quæ ex nobis sunt, venimus ad hoc, vt consequamur ea, quæ ex Deo sunt. Cum enim fidem nostram, et affectum obtulerimus ei, tunc et ipse largitur nobis diuersa dona Spiritus Sancti, de quibus dicit Apostolus, omnia autem ex Deo sunt.* Igitur ex Origene fides, & affectus, seu cupiditas boni non sunt ex ijs donis, de quibus ait Apostolus omnia

via autem ex Deo sunt. Quare cum fides, & cupiditas boni non sint ex Deo, consequenter iuxta sua principia dixit esse ex ijs, *qua ex nobis sunt.* Hæcine est, Raynaude, Catholicissima de gratia sententia? Est Pelagianorum delirium, qui nescio quam gratiam admisere, ita tamen, ut teste Augustino sine illa putarent hominem posse habere boni, sed imperfecti cupiditatem, perfecti autem non facilius per illam posse, sed nisi per illam omnino non posse. Lib. 2. ad Bonifacium cap. 8. Quam sententiam fusiùs ibi S. Pater vsq; ad finem libri insequitur dicens: *Verum & sic gratiam Dei dicunt secundum merita nostra dari, quod in Oriente Pelagius Ecclesiasticis gestis damnari timendo damnauit.* Si enim sine Dei gratia per nos incipit cupiditas boni, ipsum captum erit meritum, cui tanquam ex debito gratia ueniat adiutorium, ac sic gratia Dei non gratis donabitur, sed merito nostro dabitur. Vocatque ibidem ita sentientes superbos sui arbitrij defensores, & fidei Catholice desertores. Fidem autem esse ex nobis capitalis Semi-Pelagianorum error fuit, quem S. Pater toto libro de prædestinatione Sanctorum confutat. Pelagianorum decantata sententia erat: *Gratiam Dei secundum merita nostra dari.* Hoc verò ita pertinaciter Origenes adstruxit, ut ne quem diuinæ gratiæ sine præuijs meritis locum daret, alterius vitæ merita commentus sit, quod initio eiusdem historiæ nobis commemoratum est. Certè lib. 1. Peri-archon nullo pacto Ioannem Baptistam in vtero sine meritis sanctificatum fuisse tradit, quod Deus foret personarum acceptor, illi vni, & non alteri eam gratiam largiendo. Libeat hic Origenis verba repetere, quibus Catholicam sententiam de noua animarum creatione impetit exemplo Præcursoris: *Quomodo, inquit, cum corpore simul facta est, & plasmata iam illius anima, qui antequam in vtero formaretur, notus esse Deo diceretur, & antequam de vulua præcederet, sanctificatus est ab eo? Ne forte non iudicio, nec pro meritis replere aliquos Deus uideatur Spiritu Sancto, & sanctificare NON MERITO.* Et quomodo effugimus illam vocem, qua ait: *Nunquid iniustitia est apud Deum? Abiit.* Vel illud: *Nunquid Personarum acceptio est apud Deum? Hoc enim consequitur eam defensionem, qua animos subsistere simul cum corporibus asseueratur? Quæ sanè positio totius diuinæ gratiæ vim, ac maiestatem deprimit, ubi citra personarum acceptionem gratis sine vllis meritis præcedentibus dari nequit.* Sed de his iam satis alibi. Hinc factum est, ut Pelagius, qui veteres Patres in sui dogmatis defensionem producere solebat, nunquam Origenem adduxerit, quod patet ex fine libri de natura, & gratia S. Augustini; optimè enim sciebat, grauari se Origenis magisterio, exprobante eidem Hieronymo hæc ipsa in epistola ad Ctesiphontem: *Doctrina tua Origenis ramusculus est.* Itaque Origenes Pelagianorum Amasius fuit, cuius vnius autoritate illi ducebantur. Hinc insignis ille, & cum laudis præfatione semper cuiuslibet nominandus Cardinalis Baronius ad Annum 402. tomo 5, hæc ait: *Tantum absuit, ut Rufinus parato à S. Hieronymo antidoto curaretur, quin potius post Origenis errores, quos sedit, Pelagiana heresis aspides ex eis abortos peccatam sibi sobolem enutrit.* Ex his liquet, quam inanis sit illa Annati exclamatio contra Baianos: *Vestrum est illud: Origenes Pelagianorum omnium origo.* Lib. 7. sui Aug. cap. 12. §. 2. & in indice V. Origenes. Erras, o bone vir, non Recentiorum illæ voces suere, neperq; audiræ, sed antequam tui illi Baiani, & horum antagonista nascerentur, Patrum illa sententia fuit Ecclesiasticis etiam annalibus inserta. Orosius in apologetico hæc contra Pelagianos scribit: *Quamquam & hac venenatissimo-*

Rom. 9.

Rom. 2.

rum dogmatum abominatio habet etiam nunc viuentes mortuos, mortuosq; viuentes. Nam Origenes, Priscillianus, & Iovinianus olim apud se mortui in his viuunt, & non solum viuunt, sed etiam loquuntur. Nunc verò Pelagius, & Celestius, si in his perseuerauerint viuentes mortui &c.

At alij Recentiores de indifferentia libertatis humanæ ad bonum, & malum exactam esse Origenis doctrinam contendunt. Ioannes Martinez de Ripalda hæc scribit: Necrefert Origenis scripta erroribus esse respersa, quia nullus Patrum, & Scriptorum, qui eos diligentissime notarunt, retulit inter eos doctrinam de indifferentia ad libertatem necessariam. Næ D. Thomas ex Patrum, ac Scriptorum albo abradetur? Sanctus Doctor lib. 3. con. Gént. cap. 88. & 89. hanc de Origene sententiam tulit: Solus Deus potest mouere voluntatem per modum agentis absq; violentia. Hinc est quod dicitur Proverb. 21. Cor Regis in manu Domini, & quodcunque voluerit inclinabit illud: & ad Philip. 2. Deus est, qui operatur in vobis velle, & perficere pro bona voluntate. Quidam verò non intelligentes qualiter motum voluntatis Deus in nobis causare possit absq; praiudicio libertatis voluntatis, conati sunt has auctoritates male exponere, ut scilicet dicerent, quòd Deus causat in nobis velle, & perficere, in quantum dat nobis virtutem volendi, non autem sic, quòd faciat nos velle hoc, vel illud, sicut exponit Origenes in 3. Peri-archon liberum arbitrium defendens contra auctoritates prædictas. Cum suo Præceptore omnes sapientissimi Thomisticae scholæ professores sentiunt: & sexcentis Scriptores nullos dices? Sed reclamatione tergo fidus ille Moraines: Pari impudentia, vel malicia capsit erroris Pelagiani Origenem, quòd dixerit, unumquemq; in manu sua habere, et in arbitrij potestate, ut aut peccati seruus sit, aut iustitie. Disp. 8. Anti-Iansenij num. 47. At si D. Thomæ testimonio luculentissimo non ceditis, ad Origenis scholam vos prouoco, ea hic repetendo, quæ initio historiæ Pelagianæ narrata sunt. Ille libro 3. Peri-archon à S. Thoma citato cap. 2. hæc scribit: Non enim idem est habere vincendi virtutem, et vincere, sicut idem Apostolus cautiſſimo sermone signauit dicens: Quia dabit Deus exitum, ut sustinere possitis, non ut sustineamini, multi enim sustinent, sed in tentatione vincuntur; à Deo autem datur, non ut sustineamini, alioquin nullum iam videretur esse certamen, sed ut sustinere possimus. Ea autem virtute, quæ nobis data est, ut vincere possimus secundum liberi arbitrij facultatem aut industrie utimur, et vincimus: aut segnitè, et superamur. Et capite primo explicans illa Pauli: velle, et perficere ex Deo est, ait: Ex quo utiq; non intelligitur, quia quòd mouetur manus v. g. ad verberandum iniuste, vel ad furandum ex Deo est, sed hoc ipsum, quod mouetur, nempe manus, ex Deo est, nostrum vero est membris istis, quibus motum ex Deo habemus vel ad bona, vel ad mala conuertere. Ita ergo est, quòd dicit Apostolus, quia virtutem quidem voluntatis accipimus, nos autem utrimus voluntate vel in bonis, vel in malis desiderijs. Itaque authore Origene in eo sita est indifferentia liberi arbitrij, ut à Deo ipsam quidem voluntatem acceperimus, sed velle actuale sit à nobis. Fatetur enim esse à Deo, ut possimus sustinere, quod idem est ac ipsa potentia volitiua, ut sustineamus verò, qui est ipsemet actus potentie, negat esse nobis ex Deo. Ita manum nobis inesse ex Deo concedit, at non item benè, vel malè uti eadem manu. Clariùs certè non potuit loqui, imò nec locutus est Pelagius, eius sententia tota hæc de re audiat apud S. Aug. de grat. Christi cap. 4. Quod possumus, inquit, omne bonum facere, dicere, cogitare, illius est, qui hoc posset adiuuare, quòd verò benè vel agimus, vel loqui-

1. Cor. 10.

2 Phil. 2.

mur, vel cogitamus, nostrum est. Item: Quod loqui possumus Dei est, quod verò bene, vel malè loquimur nostrum est. Et ubi Origenes exemplum manus adducit, Pelagius oculi exemplo vtitur: Quod possumus uidere oculis nostrum non est, quod verò bene, aut malè uidemus hoc nostrum est. Rectè igitur S. Thomas tradidit, Origenem liberum arbitrium contra diuina oracula defendisse, atque illius indifferentiam nequaquam in Catholico sensu accepisse; eo enim prorsus modo illam exposuit, quo postea Pelagius explicuit, vt ad oculum demonstrauimus. Cæterum S. Augustinus Origenis, eiusque discipuli Pelagij explicationem per plura capita explodit in libro de gratia Christi. Hæc autem eandem Pauli sententiam expendens scribit cap. 5. Non ait; Deus est enim, qui operatur in vobis posse, tanquam ipsi iam uelle, & operari per se ipsos habeant, nec in his duobus adiutorio eius indigeant, sed ait: Deus enim est, qui operatur in vobis & velle, & perficere, vel sicut in alijs, & maxime Græcis codicibus legitur, & velle, & operari. Videte si non Apostolus gratia Dei futuros aduersarios (Origenem, & Pelagium) Sancto Spiritu tanto ante prauidit &c. Hæc Augustinus.

Acutè notauit Baronius ad annum 394. tomo 4. ex falsis Origenistarum declarationibus inter magnos illos Ecclesiæ Duces Hieronymum, & Augustinum, discordias (nam pugnantibus secum literis decertarunt) subortas fuisse, vt illis quidem mutuis sese vulneribus conficiantibus res suas Origenistæ à nouamine exagitati promouerent. *Ac fraude detecta, inquit, Baronius, datis postea inter se mutuo dextris, iunctis animis aduersus primogenita Origenistarum germina Pelagianos hereticos sub eodem Catholico fidei vexillo commilitones acerrimè decertarunt.* Non est, Annate, Baronius ex Baianorum grege, sed S. R. E. Cardinalis, idemque summus antiquitatis testis, & veterum monumentorum indagator sincerissimus, qui Pelagianos primogenitos Origenistarum pūcupauit, & Hieronymus Origenem in calce Dialogorum Pelagianorum *Amafium* dixit: *lactia nunc Raynaude Catholicissimam* Origenis de diuina gratia sententiam, nam ex S. Thoma (quod etiam Adamantij scripta confirmant) Pelagiano dogmati conformem illam scimus. Sit, Morainio iudice, malitiosus, & impudens, qui Origenis sententiam de indifferentia voluntatis culpât, nam sub Magni Aquinæis patrocinio inanes horum verborum sonos irridemus. Ita Origenis persona ab Halloix contra Synodos defensa, eiusdem Origenis doctrinam alij Recentiores à Pelagiani erroris labe purgare conati sunt. Scio illos producturos sententias Origenis, in quibus diuina gratia commendabitur; sed & gratiæ nomen in Pelagiana synagoga personabat. At spuria est illa gratia, quam tanquam meritum præmium ante Pelagianos Origenes statuit, nam altèrius vitæ merita prædicare, est planè delirare, & fabulas, ac somnia vendere; vnde Origenistarum errores in Synodis *nuga, ac fabula* dicti sunt, vt ex dictis cap. 6. est manifestum. His accedit, Pelagium, vt superius diximus, nusquam Origenis pro se testimonium laudasse, qui tamen Laëtantij, Hilarij, Ambrosij, Chrysostomi, imò & Hieronymi, & Augustini quoque sententias sibi, vt perperam arbitrabatur, fauentes recitauit teste S. Doctore in lib. de nat. & grat. à cap. 61. Quippe qui probè norat Origenem vt in cæteris, in dogmate etiam de gratia, & libero arbitrio à vero exorbitasse.

CAPUT XIII.

Rufinus Origenistarum, ac Pelagianorum Coryphaeus, itemque Eusebius Caesariensis Ariannus ab Halloix perperam defenduntur.

ORigene hominibus, ac Superis inuitis propugnato, Rufini Origenistarum pugilis defendendi onus Halloix pariter suscepit. Hic Rufinus Aquileiensis Alexandria Didymo Magistro Origenis dogmata tanta pertinacia fecatus est, ut quod eadem latè per Orbem spargeret, Origenis libros Latine donauit. Sanctus Epiphanius ægrè tulit hominem pium, ac doctum inter Origenistas militare; unde ad Ioannem Hierosolymitanum scribebat: *Te autem frater liberet Deus; & sanctum populum Christi, qui tibi creditus est, & omnes fratres, qui tecum sunt, & maxime Rufinum Presbyterum ab heresi Origenis, & ab alijs heresibus.* Hinc pro Origene graues Rufinus cum Hieronymo inimicitias contraxit, mutuisque se inuictiuis, quæ hucusque supersunt, persecuti sunt, de quibus lib. 1. Hist. Pelag. cap. 2. diximus, ubi etiam Pelagianorum hæresim eundem Rufinum docuisse monstrauius, peccatum enim originale sustulit; & gratiam ex meritis dari, atque Sanctorum impeccantiam adstruxit, quæ hic, ne actum agam, hæud vacat repetere. Perpetuæ Rufini ignominia vertetur, Celestium Pelagij Acharem in Synodo Carthaginensi interrogatum, ecquis dixisset, non dari peccatum originale? respondisse, Sanctus Presbyter Rufinus; teste S. Augustino lib. de pecc. orig. cap. 3. Unde rectè dixit Baronius ad annum 412. tom. 5. *At obserua & illud, citari à Celestio non Pelagium ipsum, ex quo heresis nomen accepit, sed Rufinum, ut Coryphaeum, atque sectæ auctoritatem.* S. Gelasius Papa cum Romana Synodo Rufinum uti Pelagianizantem damnauit hac in eundem sententia lata: *Quoniam B. Hieronymus Rufinum in aliquibus de arbitrij libertate notauit, illa sentimus, quæ prædictum B. Hieronymum sentire cognoscimus.* Hic autem, quod Origenis sectam promoueret, insigne facinus commentus est. Librum apologeticum pro Origene publicauit sub nomine S. Pamphili Martyris, qui tamen ab Eusebio Ariannorum Principe scriptus fuerat. Quod ubi D. Hieronymus animaduertit in epistola primùm ad Pammachium, dein in duabus contra Rufinum apologijs insignem hominis fraudem acerrimè insecutus est. Rem narrat in secunda Apologia contra Rufinum: *Postea uerò, inquit, per interpretationem tuâ quæstione contra Origenem toto Orbe commota, in quærendis exemplaribus diligentior fui; & in Casariensi bibliotheca Eusebij sex volumina reperi à Theodoretis Ascripserunt. Quæ cum legissem, primum eum librum deprehendi, quem tu solus sub nomine Martyris edidisti, de filio, & Spiritu S. in bonam partem plerique blasphemijs commutatis. Idem habet lib. 2. apologiz 1. ubi testatur se perspicuè deprehendisse, quod primus liber sex voluminum Eusebij ipse esset, qui unus sub nomine Pamphili à te editus esset. Et lib. 1. ait: Sex libros, ut ante iam dixi, Eusebius Casariensis Episcopus Ariana quondam signifer factionis pro Origene scripsit, latissimum, & elaboratum opus, & multis testimonijs approbauit Origenem iuxta se Catholicum, idest iuxta nos Ariannum esse; Horum tu primum librum uertis sub nomine Martyris. Hæc diligentius adnotaui, ne Amanuensis error in re graui S. Doctori attribueretur, nam in epistola ad Pammachium, & Oceanum hæc scribit Hieronymus.*

ronymus: *Vnum nunc proferam, cui contradicere vel stulti sit, vel impudens. Sexti libri Eusebij super Origenis defensione principium usque ad mille ferme versus liber iste, qui Pamphili dicitur, continet. Vbi manifesta paret contradictio, ex qua nulla Hieronymi contra Rufinum accusatio videatur; nam in apologijs, primus liber sex voluminum Eusebij iste sub nomine Pamphili editus à Rufino dicitur, qui in hac epistola sextus nominatur. Certè indè Amanuenses errarunt, quòd legentes abbreviatas hæcè notas VI. lib. Eusebij super Origenis defensione principium, sexti libri Eusebij reddiderint, cum sex librorum Eusebij super Origenis defensione principium, scribere debuissent. Miror Rufini aduocatam isthæc non adnotasse, ac more solito altiùs pro cliente exaggerasse. Rufinus S. Hieronymi accusationi frigidam responsionem reposuit: obijci nempe sibi rem ridiculofam. At Hieronymus in posteriori apologia barbarissimi Rufinum insimulans ait: De Pamphili libro non ridiculosa, ut tu scribis, sed ridicula mihi fortè res accidit. In secunda inuectiua Rufinus vbi ad hanc sibi fraudem obiectam diluendam venit: Superfluum, ait, videtur vel respondere aliquid, vbi piè, & religiosè dicta martyris Pamphili aut falsa dici vult, aut etiam si vera sint, spernenda decernit. Vbi verò pauca satis amarulenta euomuit, concludit: Superflua est de Authore questio, vbi defensio talis est, quæ assertore non egeat. Cecidit sanè causa Rufinus; debebat enim locum, ac testem producere, vnde illa Origeni cusa Apologia S. Pamphilo adscribenda esse censeretur. Hoc egregiè vrget Hieronymus in apologia 2. Dic ergo & tu, à quo exemplar acceperis, nec mihi ad subterfugiendum crimen mortuos aliquos nominas, ut cum authorem ostendere non potueris, illum proferas, qui non possit respondere. Hæc S. Pater.*

Quis autem non miretur Rufino ante duodecim sæcula apertæ falsitatis conuictò, ac nullam pro semet defensionem adornanti recentem hominem suppetias contra Hieronymum ferre, pro eodem testimonium dicere, illique promptam aduocationem gratuito commodare? Petrus Halloix lib. 4. Origenis defensi quæstione prima hanc thesim ponit: *Vera propositio: Apologia pro Origene olim edita, & nomine S. Pamphili Martyris inscripta verè est eius, & non alterius. Probat id autoritate Eusebij lib. 6. hist. Eccles. cap. 33. scribentis: Quæcumq; autem ex ijs, quæ ad illum pertinent, cognitu necessaria sunt, faciliè est ea cognoscere ex apologia pro illo à nobis, & à nostri temporis S. Martyre Pamphilo elaborata, quam propter obrectatores collatis operis studiosè confecimus. Eundem Pamphilum pro Origene scripsisse testatur Socrates lib. 4. cap. 27. vel 22. vbi de Gregorio Neocæsariensi, & Nicephorus Callistus libro 10. capite 14. verba Eusebij reddens. Phocius verò, cuius testimonium supra ceteros iungat Halloix, ita scribit Num. 118. Lectus est Pamphili Martyris, & Eusebij pro Origene codex, tomis autem sunt sex, quorum quinque à Pamphilo in carcere degenti præsentè etiam Eusebio elaborati sunt, sextus autem postea quam Martyr gladio vitæ pulsus ad Deum, quem desiderabat, emigravit, ab Eusebio demiq; est absolutus. At Halloix post longam causæ meditationem hæc literis prodidit loquens de primo libro apologiæ à S. Pamphilo, ut ait, conscriptæ: Illum igitur cum absolvisset, atq; Eusebio velut alteri sibi ostendisset, isq; approbasset: tum verò nomis, ut sit subortu difficultatibus, eiusdem hortatu, atq; adiutu alios quatuor addidit, quibus postea Eusebius illo demortuo sextum adiecit. Itaque primum librum sex voluminum pro Origene à solo S. Pamphilo elucubratum affirmat, & quinque priores asserit fuisse Pamphili ob-*

Compositionem, Eusebij ob inspectionem. Hæc quidem ille, quod Rufinum contra Hieronymum defendat.

In primis non possum non ridere hominis consilium, qui vel contra Eusebium testimonium dicere non veretur. Nam iste loquens de apologia pro Origene apertè ait: *à nobis, & à nostri temporis S. Pamphilo Martyre elaborata, quam propter obtruncatores collatis operis studiosè confecimus.* At si Eusebius illam tantum inspexit, haud illam collata opera studiosè confecit; aliàs Ioannes Baptista Rubeus, ac tres insuper socij Theologi, qui tuam apologiam inspexere, ac typis evulgandam censuere, dici possent eandem collatis operis studiosè confecisse. Imò, quod magis mirere, *aditum* Eusebij quatuor libros à S. Pamphilo compositos scribit, statimque eosdem Eusebij *ob inspectionem* tantum fuisse sui tam citò oblitus asseuerat. Sex illi libri apologetici pro Origene ab Eusebio compositi fuere. Et quidem de sexto libro hæc scribit ipsemet Eusebius lib. 6. cap. 29. *Horum habes certa argumenta in libro sexta Apologia, qua in Origenis defensionem.* A NOBIS scripta est. Sed omnes sex Eusebio passim attributi sunt. S. Hieronymus in catalogo Eccles. Script. cap. 81. recensens Eusebij libros ait, illum *Apologias pro Origene libros sex* conscripsisse. Hæc autem dixit Hieronymus ante decem annos, quàm de hac Pamphili apologia cum Rufino litigaret. Antipater etiam Metropolita Bostrensis contra Eusebij apologiam plures libros scripsit, quorum titulus sic in Synodo VII. Oecumenica act. 5. refertur: *Antipatri Episcopi Bostrorum refutatio apologia pro Origene ab Eusebio Pamphili Episcopo Cæsarea conscripta liber primus.* Synodus Romana cum S. Gelasio Papa Eusebium Cæsareensem repræhendit: *Quòd in laudibus, atque excusatione Origenis Schismatici unum conscripserit librum.* Sed satis solidè ab Eusebio elucubrata totam illam apologiam inde probamus, quòd Ariana dogmata in illis libris apologeticis apertè tradebantur. Hieronymus, qui illos legit, hæc scribit: *Sex libros, ut ante iam dixi, Eusebius Cæsariensis Episcopus Ariane quondam signifer factionis pro Origene scripsit, latissimum, & elaboratum opus, & multis testimonijs approbavit Origenem iuxta se Catholicum, id est, iuxta nos Ariantum esse.* In Apologia priori. In posteriori etiam tradit, se perspicuè depræhendisse: *quòd primus liber sex voluminum Eusebij ipse esset, qui unus sub nomine Pamphili à te editus est tam Græcè, quàm Latine immutatis dumtaxat sensibus de Filio, & Spiritu Sancto, qui apertam blasphemiam continebant.* Hoc ipsum ex Antipatro Episcopo Bostrensi in Synodo laudata refertur, qui hæc scripsit: *Prius enim apologiam illam excutere volumus, ut ita non solum illum, pro quo apologia scribitur, sed & ipsum auctorem hæreticos offendamus.* Floruit hic Antipater circa annum 460. nam S. Euthymius Abbas ad eundem scripsit ex cap. 16. de vita Euthymij apud Surium. Successit Constantino Archiepiscopo, qui Synodum Chalcedonensem anno 451. subscripsit. Verùm noster Halloix aliter sentit, clamatque S. 4. *Propè pro certo tenemus, non modò primum librum sanam continere doctrinam, quòd oculis ipsis cernimus &c. sed etiam omnes reliquos, & quòd certum sit Pamphilum ipso teste Eusebio supra in illis collaborasse, excepto tantum sexto, quem haud dubiè Eusebius nè à Pamphilo, & à se ipso dissideat, conformem cæteris composuit.* At Patres, qui eos libros legere, Arianam hæresim eosdem continere dixerunt; vel ergo mentiti illi sunt, quòd Arianam hæresim minimè perspectam haberent, vel falsum somniat Halloix de incognitis sibi libris (neque enim extant) iudicium ferens. Quòd si

Pamphilo illi libri adiudicentur, Arianæ hæresis Doctor Christi Martyr eua-
det, & ne Rufinus mendax videatur, Pamphilus Arianus publicabitur. *Non*
tibi expedit, clamat Hieronymus in posteriori apologia, *ut per te clarissimus*
martyr hæreticus indicetur, *ut qui effudit pro Christo sanguinem, contrarius fidei Christi*
approbetur &c. Melius est, *ut tu erraueris*, quam *ut Martyr hæreticus fuerit*. Inte-
rim de præfenti compe de utique; erue pedem. In futuro iudicio tu videris, quid ad Mar-
tyris contra te respondeas querimonia. Eusebius Cæsarensis, ut Arianæ dogmati,
quod in apologia illa docet, aliquod authoritatis pondus adijceret, eandem à
se, & à Pamphilo compositam scripsit, quem utpotè Arianæ factionis signife-
rum (ita enim hominem vocat Hieronymus) mendacij accusare malim, quam
glorioso Martyri hæreseos notam inurere. Fuit Eusebius amicus Pamphili,
vnde eiusdem cognomine honoris causa decoratus est; idem tamen Pamphili
desertor etiam extitit, nam istum fortiter pro Christi fide martyrium subeun-
tem haud secutus fuit, sed Dijs sacrificans fidei proditor turpiter è carcere eua-
sit, uti eidem S. Potamon Heracleæ Episcopus in Tyrio Concilio obiecit, de
quo mox sermo redibit.

Haud vacat ab Halloix pro Rufino susceptam defensionem pluribus oppu-
gnare, hominis tantum malæ causæ patrocinati errores subnotabo. Errat pri-
mò, dum putat librum apologeticum sub nomine Pamphili editum à Rufino
esse sextum librorum Eusebij, nam teste vbique in apologijs, & in epistola ad
Ctesiphontem Hieronymo *primus liber* est Eusebiani apologetici. Textus ve-
rò epistolæ erat planè illi, si aduertisset, corrigendus. Quod si liber editus à
Rufino mille sermè versus ex sexto Eusebij continet, ut ex Hieronymo putas,
nè huic irascaris, quòd scripsit librum illum non esse Pamphili, sed Eusebij,
te hæc ipsa §. 3. scribente: *Sextum omnes, ne uno excepto, attribuant Eusebio*. Ita-
que de primo, si sapis, lis est, num Eusebij, an Pamphili sit, non de sexto.
Errat deinde dum §. 4. tradit, nec ipsum quidem Hieronymum constanter li-
brum illum attribuisse Eusebio, sed semel, atque iterum dixisse, esse potius
Didymi, aut cuiusvis alterius, quàm Eusebij, aut Pamphili. Nusquam hoc
Hieronymus putauit, sed vbique constanter asseruit, librum illum esse Eu-
sebij, quem testatur vidisse se, ac legisse in bibliotheca Cæsarensi, at à Di-
dymo, vel Rufino correctum ablatis ijs, quæ pro Ariæ hæresi Eusebius inibi
posuerat, & co pacto à Rufino sub nomine Pamphili publicatum. Do verba
Hieronymi in apol. 2. *In Cæsariensi bibliotheca Eusebij sex volumina repperi* ἀπολο-
γίας ἀρτίους. *Qua cum legissem, primum eum librum deprahendi, quem tu solus sub no-*
mine martyris edidisti, de filio, & Spiritu S. in bonam partem plerisque blasphemijs com-
mutatis: Et hoc vel Didymum, vel te, vel alium fecisse nescio quem, quod tu apertissi-
mè in libris Peri-archon fecisse conuinceris. Errat tertio, dum in eodem §. 3. Hi-
eronymum repræhendit, quòd scripsit, in illo primo volumine mentionem fieri
sequentium: *Nam in illo primo volumine, inquit, quod totum legi non semel, sed se-*
pius, nulla prorsus facta est librorum sequentium mentio. Imperitè: Hieronymus
non loquitur de primo libro prout corruptus fuit à Rufino, sed prout in auto-
grapho Cæsarensi abs se lectus fuit, dicens in primo libro sequentes appella-
ri, & in posterioribus primi libri fieri mentionem. Verba Hieronymi in pri-
ma apologia sunt: *In ipso volumine, quod tu Pamphili simulat, sequentium librorum*
facta mentio est. In secundo quoque, & reliquis dicit Eusebius, quod in primo iam an-
te di-

te dixerit, & quod eadem repetere non debeat. Errat quartò, imò pessimam calumniam Hieronymo struit, dum S. 2. loquens de apologia Pamphili, quam initio quidem etiam S. Doctor eidem Pamphilo adscripserat, postea verò fraude detecta Eusebio legitimo Authori adiudicauit, hæc asserit. Ea, quæ ipse in constanti, ac matura ætate, & firma adhuc memoria, placidoq; animo conscripserat, plus meriti apud æquos Iudices fidei, quàm ea, quæ præcipiti æuo, & recordatione fluxa, & mente præsertim ex quibusdam circa res literarias dissidijs nonnihil exulcerata per palinodiam exarauit. Vide quò malæ causæ defensio hominem præcipitem egit? Non illum pudet recordationis fluxa Hieronymum arguere, qui non modò eorum, quæ prius scripserat, optimè meminit, verùm etiam aperit, cur per errorem illa exarauit? Audi Hieronymum lib. 2. Apologiæ prioris hæc scribentem: *Etiam ante annos fere decem, cum Dexter amicus meus, qui præfecturam administrauit Pratorij, me rogasset, ut authorum nostræ religionis ei indicem texerem, inter ceteros Tractatores posui & hunc librum à Pamphilo editum ita putans esse, ut à te, & tuis discipulis fuerat diuulgatum, Itaq; fraudem tuam errori meo imputare non debes. Et Apol. 2. De tuo codice quasi Pamphili exemplar accepimus. Credidi Christiano, & credidi Monacho, non putavi tantum sceloris à te posse confingi.* Certè Hieronymus in lib. de Script. Eccles. loquens de Pamphilo ait: *Scriptis, antequam Eusebius scriberet, apologeticum pro Origene.* Quod falsum est, nam Eusebius, vnà simul secum scriptum illud fuisse à Pamphilo autumauit. In Rufinum igitur tota culpa deuoluitur, cum Hieronymus à Rufino se deceptum testetur. Et quidem Halloix nobilioribus S. Hieronymi scriptis authoritatem subtrahit, quòd ea scripserit æuo præcipiti, ac recordatione fluxa. Ille enim post lites illas cum Rufino, imò & eodem mortuo, etiam Dialogorum libros contra Pelagianos procudit, aliq; conscripsit, quæ inter eiusdem codices principem sibi fere vindicant locum.

Volo hic insignem Rufini fraudem monstrare. Cum legerem Gennadij librum de Scriptoribus illustribus, in capite 17. vbi de Rufino agit, hæc adnotaui ab eodem de Rufino scribi: *Interpretatus est etiam sententias Pamphili martyris aduersum Mathematicos.* At cum apud Eusebium, cuius verba producit Hieronymus in prima apologia, habeamus Pamphilum proprij operis nihil omnino scripsisse, ea statim cogitatio animum subiit, vndenam Gennadius aduersus Mathematicos operis alicuius Pamphilum authorem habuerit? A Rufino in errorem inducùm cognoui. Hic in priori inuectiua contra D. Hieronymum ait: *Macarius cum opuscula aduersus fati, vel mathesim haberet in manibus, eaq; utili, ac pernecessario labore componeret &c. Quid porò Origenes, quem opinatissimum apud Græcos audierat, sentiret de talibus percunctatur, breuiterq; sibi cino de singulis quibsq; sententias orat exponi. Ego rem primum dicebam factu esse difficilem, Sanctum tamen Pamphilum Martyrem dixi quadam ex parte tale aliquid operis conscripsisse in apologetico suo. Continuo id sibi poscit in latinum verti. Nullum dicebam me vsum huiusmodi operis habuisse, & ad latinum sermonem tricennali iam pene incuria torpuisse. Persistit tamen deprecans, qualicunq; sermone noticiam sibi cæcæ eorum, quæ cupiebat, ostendi. Cumq; id, quo potius sermone, fecissem, maiori desiderio accensus est ad illa ipsa plenius cognoscenda, è quibus pauca illa, quæ transtuleram, videbantur assumpta. Aitq; se precibus eiusdem victum libros Peri-archon transtulisse. Vide quæso suafmet imposturas fatentem reum. Scribit Rufinus, S. Pamphilum Martyrem contra Mathematicos aliquid operis conscripsisse in apolo-*

getico suo, & Macarium amicum deprecatum ex Pamphilo notitiam sibi tantum eorum, quæ cupiebat, ostendi. Additq; se id, quo potuit sermone, fecisse. Ita scripsit latino sermone apologeticum pro Origene, quod Macario eidem nuncupauit. At in hoc apologetico nihil probatum legitur contra Mathematicos, vel fati assertores, sed tantum de Patre, de Filij æternitate, & consubstantialitate, de S. Spiritus diuinitate, De Verbi Incarnatione, ac Christo Domino, de pœnis damnatorum, & de animarum trãsmigratione ibidem diseritur. Quodnam igitur opus contra Mathematicos Pamphilus scripsit, quomodò eorum, quæ Macarius scire cupiebat, notitiam, Rufine, tradidisti? Contra fati assertores instrui ille vult, & alia à te magni hiatus promissore edocetur. En imposturæ origo. Eusebius sex libros apologeticos scripsit pro Origene, in quorum aliquo adducit dicta Origenis contra Mathematicos. Rufinus volebat quidem integros sex libros transferre, sed veritus ne in scripto nomine S. Pamphili, ex numero librorum ipsissimi Eusebij esse statim cognoscerentur (Hieronymus enim in catalogo librorum Eusebij sex apologeticos eiusdem pro Origene numerauerat) vix primum interpretatus manum de tabula amouit, & Peri-archon librorum versionem aggressus est. Noluit tamen translatum apologeticum inscribere *primum librum*, quò vnus à S. Pamphilo compositus haberetur, atq; de reliquis Eusebij libris omnis prorsus suspicio tolleretur. Quæso te Halloix, si Rufinus probè nouit, S. Pamphilum in reliquis operis illius libris contra Mathematicos scripsisse, cur illa, vt rogabatur à Macario, non est interpretatus? cur apologeticum *primum librum* non inscripsit? cur illius tantum in præfatione ad Macarium mentionem fecit, ac si nihil aliud pro Origene Pamphilus elaborasset? At dicis, primum librum tantum esse totum à S. Pamphilo scriptum, cuius nec versus Eusebij sit. Bellè tibi ista fingis sine teste; at Rufinus contra Mathematicos *aliquid operis* scripsisse Pamphilum narrat, nulla Eusebij mentione facta. Audio Rufinum isthæc ad Macarium in præfatione scribentem: *Librum Pamphili, quem pro Origene in Græco scripsisse traditur, transferri tibi posceris in latinum*. Ita passim, & vbiq; loquitur, ac si translatum à se tantum vnicum illum librum S. Martyr composuisset. Verum non semel in his se dolis Rufinus exercuit, nam quò Origenis scholam quacumq; arte promoueret, Sexti Philosophi Ethnici librum sententiarum publicauit specioso titulo apposito S. Xysti Pontificis, & Martyris, quo quidem libro vsus est Pelagius ad liberum arbitrium supra gratiam erigendum, & initio etiam id credidit S. Augustinus, vt patet ex lib. de nat. & grat. cap. 64. quem tamen errore corrigi 2. Retract. cap. 42. à Hieronymo fortè admonitus, qui in epistola ad Ctesiphontem de Rufino dudum mortuo scripserat, *Illam autem meritatem, imò insaniam eius quis digno possit explicare sermone, quòd librum Sexti Pythagoræ hominis absq; Christo, atq; Ethnici immutato nomine Xysti martyris, & Romana Ecclesiæ Episcopi prænotauit &c.* Quare idem Sanctus lepidè olim his Rufinum perstrinxit in priori apologia: *Cum tantam habeas licentiam, nominum immutandarum, vt de Eusebio Pamphilum, de heretico Martyrem feceris, cauendus homo, & mihi maxime declinandus, ne me repente, dum nescio, de Hieronymo Sardanapalum nomines*. Quis igitur Rufinum Authorem nomina immutare solitum procul ab his insidijs in apologetici pro Origene editione putabit, Hieronymo hominis fraudes repetitis exemplis confirmante? Sed dolum dolo

auxit, dum primum Eusebij librum haud fideliter interpretatus est; nam Hieronymus, qui oculatus testis utrumque contulit, & Pamphilum à Rufino editum, & primum ex sex libris Eusebij, scribit in priori apologia: *Quamvis de Eusebij libro multa subtraxerit. Et postea: Cumq; de ipsolibro, quem Pamphilus similis, multa peruerterit.* Quæ quidem, nisi vera essent, numquam coram Orbe Catholico, coram tot illius ætatis hominibus doctissimis, quibus integer oculorum; atq; aurium usus erat, tanta confidentia magnus Ecclesiæ Doctor asseverasset.

Qui verò post Eusebium Pamphilum Martyrem pro Origene apologeticum scripsisse prodiderunt, quorum testimonia initio statim adducta sunt, nempe Soerates, Nicephorus, & Photius, Eusebij Ariani hominis fidem secuti sunt. Soerates certè Origenem impensius coluit, ut patet ex lib. 6. cap. 13. ubi Originis aduersarios hinc exepit, quos inter numerat S. Methodium, & magnum Theophilum Alexandrinum: *Homines nullius momenti, & qui sua ipsorum virtute nequeunt emergere, per hoc aliquid existimationis acquirere volunt, quod potiores vixit carpuerunt.* Et lib. 7. cap. 45. ait: *Subit autem mihi admiratio, quomodo linor Originem etiam mortuum presertit. Ille namq; post ducentos annos à morte sua à Theophilo est excommunicatus.* At Theophili sententiam vniuersa Ecclesia approbavit, ut lib. 1. hist. Pelag. cap. 2. ostendimus, imò & eiusdem scripta contra Origenem, quæ Halloix iniuriosè carpit, S. Gelasius cum Romana Synodo in decreto de libris recipiendis vnà cum aliorum Patrum, quos nominat, voluminibus dicit se approbare *Opuscula Beati Theophili Alexandrini Episcopi.* At Soerates non vnicum librum apologeticum scriptum fuisse à Pamphilo narrat, sed plures, inquiens: *Meminit autem eius, & Pamphilus martyr in libris, quos de Origene lucubravit.* Eundem verò Pamphilum non solum illos scripsisse, sed vnà cum Eusebio idem affirmat lib. 3. cap. 5. ubi: *Testes horum fide digni sunt S. Pamphilus, & qui ab ipso cognomen traxit Eusebius, uterq; enim communiter vitam Originis commendantes &c. composita pro illo insignibus libris apologia &c.* Cur igitur Rufinus vnum librum sub vnius tantum Pamphili nomine publicauit, cum ille primus inscribendus foret, & authoribus Eusebio, & Pamphilo, si Ariano Cæsarensi, & huius authoritatem secuto Socrati Origenistæ fides habenda est? Nudatur omni pallio Rufini dolus, nec superest lacinia, qua se quacunq; parte tegat, ipsidem enim testimonij conuincitur, quibus illum potenter defendi Halloix nouus Originis aduocatus existimauit. Sanè vidit Rufinus, quantum auctoritatis liber ille perderet, si Eusebianam manu vel ex parte conscriptus probaretur. Et quidem Eusebius licet in historia Ecclesiastica dicat, se libros illos à Pamphilo additum scripsisse, illis tamen suum ipsum tantum nomen inscripsit, eoq; pacto vulgati sunt; ut ex catalogo Scriptorum S. Hieronymi cap. 81. probabam, sciebat enim Eusebius S. Martyrem nullam vel leuem in illis operam posuisse. Testimonia Photij, ac Nicephori, qui idem ex Eusebio post plura sæcula exscripserunt, eodem modo à deicienda sunt.

Hæc fusiùs, quam nostrum institutum poscebat, congestisse contra Rufinum eiusque defensores fortè videbor, sed longiorem in ijs moram suaseri Hieronymi monita exclamantis in epistola ad Ctesiphontem tantum fraudis à Rufino admissum, et librum primum sex librorum dissertationis Originis Eusebij Cæsariensis (quem fuisse Arianum nemò est qui nesciat) nomine Pamphili Martyris prænotari, quod

scilicet

scilicet egregia illa quatuor Origenis *τρεῖς ἀρχαὶ* volumina latinis infunderet auribus. Quis enim libros Origenis non recipiat, quos à S. Martyre probatos, ac defensos fuisse cognouerit? Profectò S. Pamphili apologeticum libris Periar-
chon, seu de principiis ab inuidorum accusationibus tutandis cūsum fuisse fa-
retur, imò gloriatur Halloix in fine quæstionis primæ libri quarti scribens:
*Ego quidem diuinæ attribuo providentiæ, quod eius quoq; libri defensioni, qui maxime
oppugnatur, libri inquam de principiis optimus, ac potentissimus suscitavit defensorem
Sanctum Pamphilum Martyrem.* Vah quàm diuersa sunt Diuorū, atq; homi-
nū iudicia! Hieronymus id Rufino remeritati, imò insanie vertit in epistola ad
Cresiphontem, quod Halloix diuinæ attribuit providentiæ. Vtri magis creden-
dum? Illi libri Periar-echon totius vetustioris Ecclesiæ sententia reprobati
sunt. Continere illos impia dogmata scribit S. Anastasius Papa ad Ioannem
Hierosolymitanum, additque eosdem Ecclesiam maculare, probatos mores
cuertere, aures circumstantium vulnerare, iurgia, iras, dissensionesq; dispo-
nere, piorum mentes immissa sui caligine labefactare. *Detestanda plurima, scor-
piones, & colubros habere* scribit Hieronymus Auito. *Ineptias, & digna odio,
ac inimica Deo verba,* S. Epiphanius epistola ad Ioannem Hierosolymitanum,
Quos cum Sanctus vir Pammachius legisset, exhorruit, & includit scrinio, ne prolari
in vulgus multorum animos vulnerarent; Hieronymo teste in laudata epistola.
Horum, inquam, librorum diuina providentiæ, si Halloix vlla fides haberetur, op-
timus, ac potentissimus suscitauit defensorem S. Pamphilum Martyrem. Vnius Pam-
phili lucratum in defendendo Origene secutum se idem protestatur in præfa-
tione libri quarti bellissimas inibi fabellas nectens; sed quid aliud diceret, qui
Origenis nugæ, fabulasq; reloquitur Synodus VII. in definitione fidei, defensu-
rus erat? Fingit sibi Veritatem hæc intimasse: *Comitem habebis in omnibus, fau-
erisq; VERITATEM.* Ac ne diffidas, cum tibi Ducem prohibebo, cui resistere nuli
queant aduersarij, Ducem scilicet belli scientissimum, & certe harum rerum notitia in-
dagatorem sagacissimum. Dux enim tuus in hac Origenis mei, & tui defensione, futu-
ræ est illo notitinis amabilissimi Beatus Pamphilus, ille Martyrum sui cui nobilissi-
mus, ille germanorum Origenis Scriptorum propugnator acerrimus, qui & apologiam pro
illo fortissimam primus omnium exarauit, & illos errores, quos quidam partim ignari,
partim inuidi, partim maleuoli inique ipsi affingebant, ab illo longissime, atq; ceris-
sime propulsauit. Hæc pars prologi est, in quo Veritatis sese familiarem vendicans,
auditores ad reliquam fabulam, quam satis prolixam ludit, benignis auribus
excepiendam promptiores reddere conatus est. Porro eadem veritate suaden-
te his se vindicandam S. Pamphilo apologiam animatum scripsit: Tantum
hoc seculo ego, & puram putam in omnibus Dei Optimi, Maximi gloriam querias; *Issi-
dem reuestijs in protegendum Origene, que Pamphilus meus olim exprobrasset, gradiare.* Ita
minime tibi discito fuerit, quàm ille conscripsit Apologiam; hanc ipsi *Uigilantissimam,
sicuti reuera est, quam ratione, quam auctoritate vindicare.* Quod proinde (quando MA-
GNAM PARTEM IN EDISITUM EST VICTORIA) primo tibi loco aggredien-
dum, ac toto nisu perficiendum est illudem. Si Concilia erroris arguere, Pontifices
ignorantiæ insinulare, Sanctos Patres inuidiæ, obliuionis, inconstantiæ, Ho-
noris, infestæ, ac denique maleuolentiæ incusare, Origenem Schismaticum,
atq; Hæresiarcharum pessimum ab Ecclesia pronuntiatum defendere, haud
equidem est Dei Optimi Maximi gloriam querere, sed Diuorum auctoritatem ele-
uare,

uare, ac propriæ famæ iacturam facere. Nullam librorum Peri-archon defendendorum rationem meliorem inuenire potuit, quàm ab Apologia Pamphilo afficta viam sibi aperiens, fassus enim est, *magnam partem in eo sitam esse uictoria*. Hinc ueluti in arce causæ de apologia Pseudo-Pamphili mihi cum aduersario pluribus litigandum fuit, ut tanti nominis Patrono libri Peri-archon à Pelagianorum Magistro exarati nudarentur. Hieronymus impium duxit Christi Martyrem Ariana hæresis sectatorem fieri, unde quod apologeticus ille liber Arianismum saperet, à Pamphilo scriptum fuisse negauit. Quare cum Pelagij errores, ac capitalia superbæ hæreseos theoremata in ipsdem libris Peri-archon tradantur, Sancti Martyris famæ interesse arbitratus sum, eundem à Pelagianorum delirijs vindicare, illa enim Pelagiana dogmata Author Apologetici non correxit, imò loquens de animarum productione eadem repetita assertione probauit.

Huic capiti auidæ hominis dictum coronidem imponet, ita enim longior nostra hæc contra Origenem dissertatio terminum habebit. Quando in factiones diuidimur, eos, qui nostræ sectæ amici, ac defensores sunt, impensius diligimus, nostramque eisdem, ubi occasio fert, operam libentissimè commodamus. Hinc factum est, ut Halloix, cum videret Eusebium Cæsareensem apologeticis editis de carissimo sibi Origene benemeritum, haud passus sit, hunc ipsum tanquam Arianum accusari. Itaque de collegæ fama sollicitus omnem ab eo Ariana hæreseos suspicionē excutere pertentauit vociferans lib. 4. q. 1. §. 4. *Verum de Eusebio, & de relictis eius doctrina, quam nonnulli perperam sugillant, alibi tractamus; de quo cum scripsero, quid mihi uideatur, libenter audiam, quid alij sentiant*. Et antea statim dixit Hieronymum haud rectè suspicatum, quod Eusebij libri apologetici pro Pamphilo sectam Arij redolent. Eusebium Arianum fuisse certissimum est. Etenim S. Athanasius in epistola de decretis Nicæna Synodi hæc scribit: *Eusebius ex Cæsarea Palestina, quem pridie abnegasset, in eandem sententiam tamen postridie subscripsit, quam etiam Ecclesia legendam misit, dicens eam esse Ecclesie fidem, & Patrum traditionem* (nempe filium esse Patri æterno consubstantialem) *omnibusque manifestè apparuit eum prius & temere errasse, & frustra contra ueritatem pugnasse*. Quare cum sex illos libros apologeticos ante Synodum Nicænam scripserit, nam uiuente Pamphilo illos exarauit, qui passus est ante Constantini baptismum, tum temporis eisdem dictauit, quando teste Athanasio tamerè errabar. Et quidem ipse Arius in epistola ad Eusebium Nicomediensem scribit, sibi adhæsisse Eusebium Cæsareensem, unde idem Eusebius à S. Alexandro Patriarcha Alexandrino excommunicatus fuerat: *Et quoniam, inquit, Eusebius frater tuus Cæsarensis, & Theodotus, & Paulinus &c. asserunt priorem esse Deum Filio ante principium, anathema sunt facti*. Eusebium uerò Cæsareensem primum ferè Episcoporum literas pro Ario quaquaersum sparsisse testatur Ariana factionis Coryphaeus Eusebius alter Nicomedienfis, qui contra S. Athanasium pessimæ factionis, quam etiam Eusebianam dixeret, author fuit, in literis ad Paulinum Tyriorum Episcopum, in quibus exemplo Eusebij Cæsarensis hortatur ipsum ad scribendum pro Ario: *Neque studium, inquit, Domini mei Eusebij pro ueritatis defensione susceptum, neque tua de eadem recalcitrantia in silentio quidam iacet, sed ad nostras usque aures rursumque perlatum est*. Nos, ut par fuit, magno gaudio à Domino nostro Eusebio, à te dolore affecti sumus.

Has literas refert Theodoretus lib. 1. cap. 5. Quare duo illi Eusebij Ariani curtus biuges iure meritò sunt appellati. Literæ Eusebij Cæsarensis pro Ario scriptæ recensentur in Synodo II. Nicæna act. 5. quarum blasphemias cum Patres audiissent exclamarunt: *Hic reliquis nobis maiore odio prosequendus*. Itemque: *Anathema & libris, & illis, qui illa legunt*. Et Legati Pontificij addiderunt: *Ipsa lectio indicat, quòd Arianorum sententiam sapiat, habet enim ante lecturæ Eusebij Pamphili liber & alias blasphemias, quas Synodus audire respuit*. Inter alia negat Filium esse verum Deum, inquit enim in epistola ad Euphrationem: *Vt cognoscat te solum verum Deum, non ut uno solo existente Deo, sed ut solo uno existente vero Deo, cum maximè necessaria adiectione VERO: quandoquidem & ipse quidem Deus filius, sed NON VERVS DEVS, unus enim est & solus verus Deus, quia neminem habet ante se*. Lege ibi alia.

In Nicæna Synodo Eusebius vterque subscripsit Catholicum symbolum, sed Eusebium Cæsarensensem paululum substituisse, scribunt Socrates lib. 1. cap. 8. aliique. Epistolam ad suos Cæsarenses Nicæa dedit, in qua Synodalis statuti rationem assignat; illam autem Cardinalis Baronius examinat ad annum 325. Certè ob illud factum Ariani Eusebium reprehenderunt, defectionem ipsius insimulantes, teste Theodoro lib. 1. hist. Eccles. cap. 12. An verò manu æquè, ac mente fidem Nicænam subscripserit, ex ijs, quæ postea contra Athanasium struxit, dubium fecit. De illo dixit Socrates lib. 1. cap. 23. quòd *bi-linguis indicatus est*. Etenim prauvalente Antiochiæ Arianorum factione verberatus fuit magnus Antistes Eustathius, qui, ut ait Hieronymus in epistola ad Euagrium 126. *Contra Arium clarissima tuba cecinit*, atque Eusebius ab Hæreticis in Episcopum ab Imperatore Constantino flagitatus fuit, quòd illum magnum Arij defensorem norant. Imperatoris ea de re responsum refert idem Eusebius lib. 3. de vita Constantini cap. 57. Cum verò Eusebiani graues contra Athanasium Arianorum hostem insensissimum vbique turbas darent, Constantinus, qui ex falsis Hæreticorum delationibus in prauam de Athanasio opinionem abierat, Synodum Cæsareæ in Palæstina fieri mandat. Athanasius autem ad illam, ut scribit Sozomenus lib. 2. cap. 25. *vocatus non obedit, Eusebij illie Episcopi, & eius, qui Nicomedie erat, aliorumque, qui cum istis erant, malitiam voritus*. Quis igitur Eusebium Pamphili Arij fautorem negabit, cum Athanasio hostis extiterit, qui cum solis Arianis inimicitias exercuit, Catholicis omnibus semper carissimus? Verùm paulò post coactæ apud Tyrum Synodo vnâ cum cæteris interfuit Athanasius ita iubente Constantino. De qua re S. Epiphanius lib. 2. con. Hæreses num. 68. vbi agit de secta Meletij hæc narrat: *Et iussit iudicare causam hanc Eusebium Cæsareæ Episcopum, & alios quosdam, erant autem hi quodammodò magis inclinati ad Arianorum vanitatem*. Ibidem rarè libertatis exemplum cum perpetua Eusebij infamia dedit S. Potamon Heracleæ Episcopus oculo ob Christi fidem in persecutione orbatus. Hic enim, do verba S. Epiphani, *quum vidisset Eusebium sedentem, ac iudicantem, & Athanasium stantem, superatus tristitia, & lacrymans ob ea, quæ apud veritatis professores fiunt, inueniendus est voce magna contra Eusebium, ac dixit: Tu sedes Eusebi, & Athanasius innocens existens à te iudicatur, quis tulerit talia? Dic verò mihi tu: Nonne mecum fuisti in carcere tempore persecutionis? Et ego quidem oculum amisi pro veritate, tu verò nihil mutilatum in corpore habere videris, neque testimonium per confessionem præbisti*.

sed stetit vinctus nulla parte detruncata. Quomodo discessisti è carcere, nisi quòd promissisti his, qui necessitatem persecutionis nobis intulerunt, id, quod nepharium est, te facturum esse, aut certe fecisti. Generosis illis vocibus Eusebius perterritus conuentum dissoluit, misitque Vrsacium, & Valentem contra Athanasium inquisitores. Ex his emissarijs, ac satellitibus, an Cæsarensis fuerit Arianus, quis non intelligat? Hinc apud veterem Ecclesiam adeo certum erat, Eusebium Arij studiosum fuisse, vt id omnes citra dubium pro comperto haberent. S. Hieronymus in epistola ad Ctesiphontem mentionem facit Eusebij Cæsariensis, quem fuisse Arianum nemo est, qui nesciat, &c. Idem lib. primo contra Rufinum ait: Eusebius Cæsariensis Episcopus Ariane quondam signifer factionis. Ita lib. 2. meminit Eusebij Arianorum Principis. In Synodo VII. Oecumenica actione 6. hæc leguntur: Etiam Eusebius Pamphili ab illis in testem aduocatur, qui tamen ab omni Catholica Ecclesia Arianae hæresis defensor esse cognoscitur. Item: Quis enim fidelium in Ecclesia, quine verorum dogmatum scientiam habet, ignorat Eusebium Pamphili in reprobum sensum traditum consensisse Arij placitis?

Verùm Halloix §. 4. in fine reponit pro Eusebio: *Quos quidam putant in illo fuisse errores, ostendam fuisse Græcorum Sanctorum Patrum, quos ipse studuit imitari, & vulgatas opiniones, nec pro erroribus tunc habitas. Quod Patres, ac Synodi iudicarunt de Eusebio, quosdam, nempe paucos id putasse fingit: sed ista relinquamus. Fateor quidem nonnullos Patres de Filio Dei eo prorsus modo, quo Eusebius, alicubi locutos esse, sed cum illi Orthodoxi fuerint, atque in alijs libris rectam de Filio Dei sententiam exposuerint, in bonam partem trahendi sunt, vbi ijs vocabulis, ac phrasibus vsi fuere, quas postea Ariani usurparunt. At Eusebius, cum Arianae illum hæresis sectatorem fuisse ex Arij, Eusebij Nicomedienis, nec non magni Athanasij testimonijs constet, non est cur in bonam partem eius verba interpretatione prorsus violenta trahantur. Certè quæ in Synodo Nicæna II. ex eius epistolis adducuntur, si rectè explicare poterit Halloix, eadem planè facilitate Arium quoque Catholicum venditabit, ac Nicænos Patres iniustos Iudices publicabit. Quòd verò Eusebium Symbolum Nicænum subscripsit, nullam eidem defensionem parat, nam hoc graui doctissimi Patris S. Nicephori Patriarchæ Constantinopolitani testimonio conuincuntur; qui cum Halloix Cæsarenses Arianum inde excusant: Eusebius, ait, fuit Arianae insana Princeps, & plura, & peiora, quam omnes Ariani, in filium Dei, & D. N. Iesum Christum, & Deum contumeliosè, & impiè protulit &c. Qui autem impium eius dogma amplexi sunt, & aiunt parituisse eum, & à Synodo susceptum esse, sciant falsum esse, siquidem post aliquot annos, cum nonnulli ex simplicioribus eum in Ecclesia commemorarent, coacta est Synodus Alexandria, & istis quidem penas constituit, memoriam verò eius ex Ecclesia deleuerunt, & tanquam ab hac Sancta Synodo eiectò nequaquam in Ecclesia memoria eius habetur. Contra Iconomachos cap. 2. In eandem sententiam in Synodo septima aët. 6. Epiphanius hæc de Eusebio pronunciauit: Labris illum dicimus veritatem coluisse, corde autem longè ab ea abfuisse, quemadmodum & omnes epistolæ illius, & commentaria ostendunt. Postea: Verùm pro illis epistolis suis nusquam apologiam conscripsit, mansit enim Æthiopo non commutans eum suam. Qui ergo hunc Æthiopem lauare conantur, non modo operæ, verùm etiam & famæ iacturam faciunt, insignè hæresis professorem aduersus Patrum Synodos excusando. Hinc constat, Halloix Origenis*

aduocatū tota causa cadere, dum damnatos à Synodis præpoſtèro prorsus conſilio defendere pertentat. Haud tamen neceſſe fuit, nos in illo reſelendo tantum operæ, ac laboris impendere, nam olim à S. Gelasio Papa Hieronymo contra Rufinum causa adiudicata fuit hac planè ſententia irreuocabili: *Quoniam B. Hieronymus eum, ſcilicet Rufinum, in aliquibus de arbitrij libertate notauit, illa ſentimus, quæ prædictum B. Hieronymum ſentire cognoſcimus, & non ſolum de Rufino, ſed etiam de diuerſis, quos uir ſapius memoratus zelo Dei, & fidei religione reprehendit. Item: Origenis nonnulla opuscula, quæ uir beatiſſimus Hieronymus non repudiat, legenda ſuſcipimus, reliqua autem omnia cum auctore ſuo dicimus eſſe reuocanda.* Hæc ille.

A P P E N D I X

Iuliani Pelagiani Laudatores, Caſſiani & Fauſti
Semipelagianorum deſenſores confutantur.



HUc uſque Origenis, ac Theodori Mopſueſteni Apologum confutauiſmus; noſtra enim intererat, in id operis diligenter incumbere, qui Pelagianos, quos inter utrumque & primo quidem loco fuiſſe certum eſt, ab Auguſtino plenè conuiſtos, & ab Eccleſia Orthodoxa ritè damnatos iuſto volumine oſtendiſmus. Monet verò hoc loco idem ſtudium, quod Auguſtinianæ doctrinæ, ac Romanæ in primis Eccleſiæ debemus, ut neſcio quos ſtultiſſimos Iuliani Pelagiani deſenſores, itemque quosdam Caſſiani, ac Fauſti Reienſis, quos vnà cum Iuliano inter reprobatos à Romana Sede Scriptores S. Gelasius Papa in Synodo recensuit, importunos, ut mitiùs loquàmur, laudatores, ſeu propugnatores reiſciamus, quod ubi feliciter (neque enim magnæ difficultatis res eſt) præſtabimus, Pelagianæ Sectæ quocunque patrocinio, ac laude nudatæ deformitas apparebit.

C A P V T I.

Probatuſ S. Auguſtinum ſatiſfecisse argumentis Iuliani. Sex libri contra eundem Iulianum recens inuenti S. Auguſtino authori à Synodis attributi.

Egregium de iſſdem Marij Mercatoris teſtimonium.

HÆreſis Pelagiana ſacris Vaticani ſecuribus percuſſa, ac Imperatorum edictis confixa vix ſpiritum trahebat, cum Iulianus Eclanenſis Epicoſus Pelagio, ac Celeſtino ſectæ Magiſtris tot circumquaque ſtrepentibus fulminibus territis, ac latitantibus iuuenili arrogantiâ deſperatam cauſam ſuſcipiens contra Auguſtinum in aciem prodijt, ac diuturniori certamine S. Doctorem exercuit, eo ſanè euentu, ut omnium ſapientum conſenſu penes Auguſtinum

I. ſtinum

stinum integra victoria steterit. Erupit tamen nudius tertius nescio quis Aristarchus, qui ingenti temeritate, imò stultitia è victoris manu palmam eripere, deuictiq; hæresarchæ caput eadem coronare pertentauit vociferatus, Augustinû in Iulianano bello inferiores partes tulisse. Impudentissimi Sycophantæ voces Ecclesiastici exercitus Imperatori adeo iniuriosas probi quiq; execrati sunt. Doctissimus P. Magister Ioannes Riuius Belga Augustinianus ignauissimi Zoili deliria eruditissimè expolit lib. 4. de vita Augustini cap. 10. Anno 1650. die 28. Martij Vallisoleti in Hispania sacri fidei Censores vigintiduas propositiones suppresso authorum nomine damnarunt, quippe quæ erant, vt aiunt, *nimiû iniuriosa Sanctitati, pietati, & doctrina cuius Columnæ Ecclesiæ Catholice, qualis est gloriosus Pater Augustinus.* Edictum typis excussum per vniuersam Europam publicatum est. Porro eas inter theses hæ tres recenscebantur.

9. *Augustinum Iuliani argumentis non satisfacisse.*

10. *Si triumphus Ecclesiæ de Pelagianis niterentur posterioribus Augustini scriptis, immeritò de illis Ecclesiæ triumphasset.*

11. *Volentes sustinere partes Iuliani non posse Augustini rationibus conuinci.*

Quinam isti homines fuerint, nec scio, nec inquirò; certè eos nouit Sacra Facultas Theologorum Louanienis, quæ easdem contumeliosas propositiones proscripsit. Hoc tamen mihi planè compertum est, Ioannem Adamum nihilo meliùs esse locutum. Etenim vbi innotuati illi dixere, volentes sustinere partes Iuliani non posse Augustini rationibus conuinci, Adamus hæc scripsit: *Contendimus ipsius Augustini arma omni ex parte inexpugnabilia non esse, sint licet illustra. Neque cum in sententiarum suarum, & fundamentorum, quibus eas confirmat, delectu adeo felicem esse (vt demonstrabo, si mihi illud munus fuerit) quin mentibus nostris plenissimam ipsius doctrinam non consentiendi, imò oppositam partem tuendi libertatem relinquat.* Lib. 3. sui Caluini destructi cap. 3. pag. 581. Igitur si adeo debiles Augustini rationes sunt, Iuliano non multum negotij facieserunt, facilèq; subtilissimi vir ingenij illas vel elusit, vel elisit. Addunt illi, Augustinum argumentis Iuliani non satisfacisse. At Adamus hæc insuper in Augustini commendationem scripturauit: *Sapissimè S. Augustinus satis est, difficultates aut à se ipso, aut ab aduersarijs factas in hac materia datas abs se responsiones excedere, mentemq; suam magis obiectionibus vexari, quàm solutionibus acquiescere.* Ibidem cap. 6. pag. 611. Itaq; si qua viro fides, obiectiones Pelagianorum, quibus omnibus sese Iulianus anteponebat ex fine lib. 2. con. eundem, excekerunt responsiones S. Augustini, quod perinde est, ac Augustinum non fatissfecisse argumentis Iuliani. Tota sanè causa cecidisset Augustinus, si apud istos iudices debilibus adeo argumentis innixus cum Iuliano litigasset.

Hic Iulianus Dialecticis, ac Philosophicis disciplinis excultus cæteris Pelagianis pro hæresi defendenda operosius laborauit. Profana literatura tumidus irridebat Sanctorum Patrum Synodos, quòd illi nescirènt, iuxta categorias Aristotelis de dogmatibus iudicare; ausus Augustinum ipsum Philosophum sapientissimum ignominia causa Philosophastrum, Aristotelem Patrum, physicum nouum nuncupare. Augustinus initio statim lib. 1. con. Iulianum cap. 1. hæretici ratiocinationes elaborata argumenta dixit, affirmans etiam in fine lib. 2. eundem ad pugnam descendere rationis tuba inflata. Vbi etiam S. Doctor vi-

ctoriam

Adrianum Inani sibi plausu canentem Pelagianum irridet: *Quid est*, inquit, quod exultas, & mihi quasi victor insultas, tanquam non inuenirem, quid facerem, quod confugerem, si iudicium premerer potestate, si in medio eruditorum confisterem tecum? Iulianus certe gloriabatur, Augustinum suis argumentis nullam satis aptam responsionem reponere: Ita enim, inquit ibidem S. Pater, tibi ponis ante oculos nostrum in disputatione certamen, & te argumentantem, me quid respondeam non habentem fingis, ut placeat. Cum Augustinus probè intelligeret, cum quo sibi hæretico luctandum foret, omnes vires collegit. Hinc libros priores contra eundem modestissimus alioqui vir vocat tantum, tamque elaboratum opus lib. 2. Retract. cap. 62. Ibi verò omnium hostilium argumentorum machinas fregit. Audiat lib. 3. cap. 1. *Ne longum faciam, non omnia verba tua ponam, sed si Dominus adiuerit, tuarum velut acutarum argumentationum nihil non solum, destructumq; dimittam.* Itemq; lib. 1. in fine aduersarij argumenta deprimit, nec pili quidem facit: *Vitreas*, inquit, *argutias tuas, & fragilia*, quibus tibi multum videris acutus, & nitidus, argumenta confringam. Sanè S. Doctor omnibus Iuliani argumentis se plenè satisfecisse professus est; ita enim in libri vltimi epilogo scripsit: *Ad omnia me tibi respondi Iuliane, & omnia refelli &c. puto quod perspicis, si peruicax non sis.* Cum verò Iulianus lib. 1. oper. imperf. cap. 15. dixisset: *Nihil itaq; ibi de omnibus Augustini argumentis, & propositionibus inexploratum remansit.* S. Pater respondit: *Hoc quidem dicis, sed tu dicis, qui autem legic, & intelligit, si non Pelagianus est, hoc non dicit.* Sed sibi in sua causa fauens sit Iudex Augustinus, ad alios prouoco.

Cum duæ Iuliani literæ Bonifacio Summo Pontifici traditæ essent, quarum vnam Romam, alteram Thessalonicam miserat, ut Latinis, ac Græcis auri-bus Pelagianismum ingereret, Pontifex easdem ad Augustinum resellendas transmisit, de quo S. Prosper in libro contra Collatorem cap. 42. hæc scribit: *S. mem. Bonifacius Papa cum esset doctissimus, aduersus libros tamen Pelagianorum B. Augustini Episcopi responsa posebat.* Vnum Augustinum furenti Iuliano Apostolica Sedes opposuit, adeo illius ingenium, doctrinæ veritatem, argumentorum robor perspectum habuit. Quare si Augustinus Iuliani argumentis non satisfecit, neq; suis eundem ratiocinijs conuicit, Ecclesia ipsa in Augustino victa fuit, quod impium est cogitare. Vetusioris sanè Ecclesiæ iudicio, antequam noui censores, & Aristarchi emergerent, Augustinus Pelagianorum, ac præcipuè Iuliani argumentis satisfecit. S. Prosper hæc olim scribebat ad Augustinum: *Quicquid etiam in libris contra Iulianum ab ipso sub hac questione obiectum potentissimè debellasti &c.* Marius Mercator in libro contra Iulianum ait: *Sanctus autem sæpe dictus Episcopus Augustinus & suis libris quatuor illius priores euerit; octo quoque posteriores singulis responsionibus suis ad singula capitula subiecit.* Ac sic ramos eius, ac plumbos pugiones malleo Catholice veritatis obtudit, imò confrigit. Hic Mercator anno 429. oblato Theodosio iuniori libello supplici contra eundem Iulianum, ac collegas author fuit, ut iidem Constantinopoli eijcerentur, ut narrauimus lib. 2. hist. Pelag. cap. 6. S. Prudentius Episcopus Tricassinus in epistola ad Venilonem Episcopum Senonensem ait: *Pelagianis cum a Patribus, præcipuèq; beatissimo Augustino competentissimè, abundantissimèq; responsus fuerit &c.* Beda in præfat. ad Cant. de Iuliani, & Augustini conflictu ita sentit: *Iulianus homo ut Rethor peritissimus ita gratia Dei post Pelagium impugnator*

accertimus, ut apertius scripta eius, quibus contra strenuissimum eiusdem Gratiæ propugnato-
rem Augustinum insaniuit, ostendunt. S. Gelasius Papa in epistola ad Hono-
rium Dalmatiæ Episcopum Pelagianos ita conuictos fuisse scribit, ut nihil vl-
terius contra ipsos à quopiam noui sperandum super sit: *O si studerent*, inquit,
aduersus eos Maiorum nostrorum libros, responsaq; cognoscere, illis modis omnibus cer-
neretur, nihil esse prorsus, quod ab istis non fuerit ventilatum, & ab illis magnifica ve-
ritate contritum, siq; de cunctis eorum nequitijs refutandis fideles quoque viderentur in-
structi, ut nihil amplius quaereretur. Sanctus Prosper hanc veterem Augustino à
Semipelagianis importatam calumniam, quòd Pelagianorum argumentis non
satisfecerit, non vno loco irrigit: *Cur de his armis*, inquit, *contra Collatorem*
in fine præfationis, quibus communis fides est defensata causantur? Cur bellum conse-
ctum reiractant, ac munitiones securæ dudum pacis infirmant? An victores displicent,
& victi placent? Et in carmine contra Ingratos cap. 2. de Concilij Africanis,
quorum ibidem Augustinus Ingenium dicitur, hæc canit.

*Nec sola est illic Synodorum exerta potestas,
Cen quos non possent ratione eunecere nostri,
Vi premerent; discussæ artes, virusq; reiectum est
Hæretici sensus, nullumq; ominorelictum,
Doctræ fides, quod non dissolueret, argumentum.*

Julianus quidem post hæc Synodos scripsit, sed in promouenda hæresi magi-
stris nequaquam felicior fuit. Diù ille quidem vixit post editos priores sex
contra ipsum ab Augustino libros, at cum se penitus victum cerneret, nullam
vnquam responsum reposuit, qui ingentes sanè gratias agit, saltem debet,
vel apud inferos ijs Recentioribus, qui ipsum Augustino prætulere. Vtinam
parum solida Africani nostri Doctoris argumenta indigitalent, proscdò in-
uicta illa ostendissemus, vnus saltem exemplo accusationem probare debe-
bant; sed præstandæ forsitan Pelagianis aduocationis religione rati, manum
de tabula amouerunt. Certè Augustiniano excellentius ingenium istis natura
dedit, quippe qui ea argumenta, quæ Hipponensi inuicta visa sunt, nullo ne-
gocio dissoluit. Adamus contendit, arma Augustini inexpugnabilia non esse.
Quare si obruta erant Africana tela, depromendæ è noua pharetra sagittæ fue-
rant, queis Pelagiana hæresis confingeretur, ne hæretici se potestate oppres-
sos, non verò ratione conuictos fuisse publicarent.

Venio iam ad alteram aduersariorum calumniam: *Si triumphi*, inquit,
Ecclesia de Pelagianis miteretur posterioribus Augustini scriptis, immeritò de illis Ecclesia
triumphasset. Exesum rubigine, peritusq; obtusum telum est, Semipelagianor-
um olim arcubus excussum. Massilienses à Celestino laudes ob priora scripta
Augustini delatas fuisse contendebant apud S. Prosperum in fine libri contra
Collatorem dicentes, *istam in S. Augustinum laudationem pro anteriorum scriptorum*
meritis fuisse collatam. Neq; enim posteriora S. Doctoris volumina æquali in-
pretio apud eosdem erant, contra quos ibi pluribus S. Prosper inuehitur. Po-
steriora S. Patris pro diuina gratia defendenda volumina sunt libri de præde-
stinatione Sanctorum, & de dono perseuerantiæ, omnium verò postrema sex
illa operis imperfecti contra Iulianum. Illi duo priores libri contra Semipe-
lagianos ad Prosperum, & Hilarium scripti S. Hormisdæ Papæ indicio appro-
bati sunt; etenim in epistola ad Possessorem scribit: *De arbitrio tamen libero, &*

gratia

gratia Dei, quid Romana, hoc est Catholica sequatur, & seruet Ecclesia, licet in varijs libris B. Augustini, & maxime ad Hilarium, & Prosperum abundè possit agnosci &c. Sex verò vltimi contra Iulianum imperfecti operis libros passim S. Agatho, ac Patres Synodi VI. vt ostendemus, laudarunt. Illos attentiori studio S. Doctor elucubrauit, grauiori enim Episcopatus onere in Eradij humeros depositro, suorum librorum retractationi se totum dederat. Etenim cum acceptis ab Alipio nouis Iuliani libris, eisdem refellendis totus incubuisset, penè ab incoepto Retractationum opere reuocatus fuit. Scribit S. Doctor ad Quod, vuldeum de his Iuliani libris: *Nam me & ab eo, quod habebam in manibus, auerterunt. Hoc autem est, ubi respondeo libris Iuliani, quos octo edidit post illos quatuor, quibus ante respondi.* Cum verò Augustinus nollet alterutrum opus omittere, ita vtrique operam dedit, vt *vni diebus, alteri noctibus* vacaret. Sapiunt igitur Incernam sex ista postrema contra Iulianum volumina, quibus magnus Vir ferocientem aduersarium veluti vltimo ictu confecit. In his noster Cygnus suo funeri proximis dulciùs occinuit, cuius suauissimo cantui inuidendum solummodò coruorum sit, stridula crocitate interstrepere. Fateor in hoc opere S. Doctorem breuiores quandoque responsiones Iuliani argumentis reponere; id fecit, eò quòd antea de ijsdem rebus in prioribus sex contra eundem Iulianum exaratis voluminibus copiosius disseruerat. Hinc est, quòd sæpè aduersarium ad eosdem remittit, ne actum agere videatur. Lib. 4. cap. 26. ait: *Huic libro tuo secundo satis respondi quarto meo.* Item cap. 167. *Respondi tibi libro meo sexto.* Lege lib. 2. cap. 25. 37. & passim alibi.

Nonnulli tamen Recentiores in eam sententiam abiere, vt hosce sex operis imperfecti libros ab Augustiniana bibliotheca relegatos in apocryphorum sentinam projicerent, quorum iudicium hic nobis castigandum est. Duo priores libri à V. C. Claudio Menardio Andium Propratore in Gallijs inuenti in lucem primùm editi sunt, ijsdemque postea iterum in Belgio correctiores impressi cura, ac studio insignis Theologi, nec non Professoris Louaniensis Michaelis Paludani Augustiniani. Cum verò quidam in ijsdem libris suas opinionones, in quas conceptis verbis iurauerant, suffocari prorsus animaduertissent, illorum fidem in dubium vocare cœperunt. Do testem locupletissimum Ioannem Riuium lib. 4. de vita Augustini cap. 10. hæc ipsa scribentem: *Verum quidem est, duos hosce posteriores contra Iulianum operis libros in dubium ab ijs vocari, qui noua suorum Doctorum opinione delectati veterem deseruerunt, & scriptis suis persecuti sunt.* At diuina prouidentia factum est, vt nuper Hieronymus Vignierius Congregationis Oratorij Sacerdos quatuor insuper alios eiusdem operis libros in Clareuallensi S. Bernardi bibliotheca repositos in lucem emitteret, atque Augustinianam scholam nouis suppetijs eximio, atque immortalis prorsus beneficio solidaret. Vir doctissimus singulari diligentia congescit Lupi Abbatis, Bedæ, & Prosperi testimonia ex his postremis S. Augustini contra Iulianum libris deprompta, quibus egregiè eadem volumina suo Authori deputantur. Ioseph Maria Suaresius ob multiplicem eruditionem literatis omnibus commendatus anno proximè elapso Romæ dissertationem edidit, in qua omni exceptione maioribus testimonijs sex illos libros posteriores contra Iulianum ab Augustino scriptos fuisse conuicit. Viderat ista olim amicus, ac Concellita Christianus Lupus Doctor Louaniensis, qui cum anno 1657. Romæ

in nostra Angelica bibliotheca Sextam Synodum euoluēret, atque in testimonia ex libro quinto contra Iulianum ab Agathone Papa laudata incidisset, monuit me de proximo nescio quas chartas leſtitantem, vt dicta testimonia in libro quinto operis imperfecti quærerem. Morem ē vestigio gessi, atque ex hoc posteriori opere contra Iulianum verba illa Augustiniana excerpta deprehendi, quod primus omnium idem Lupus in notis ad eandem Synodum cap. 6. publicauit. Agatho Pontifex in epistola Synodica ad Imperatores, quæ recitata est act. 4. Synodi VI. sex S. Augustini sententias ex libro 5. operis imperfecti contra Iulianum laudans ait: *Veritatis prudentissimus prædicator beatus Augustinus in quinto volumine disputationis aduersus Iulianum Pelagianistam quid sit voluntas, his definit verbis: Motus animi quid est nisi motus natura &c.* Hoc testimonium legitur lib. 5. cap. 40. alterum ibidem adductum cap. 53. Tertium cap. 42. Quartum cap. 56. Quintum cap. 60. Sextum denique cap. 56. Rursus act. 8. repetitum fuit testimonium Augustini ex eodem lib. 5. à Theophane Abbate. Cum in ea Synodo VI. act. 10. testimonia Patrum ab Agathone in Synodica adducta ad fidem codicum, qui in Constantinopolitana Patriarchali bibliotheca seruabantur, examinarentur, hæc ibidem recitatur: *Item relectum est ex eodem codice testimonium S. Augustini Episcopi Hipponensis ex libro 5. contra Iulianum Pelagianistam continens ita: Motus animi quid est, nisi motus naturæ &c. Quod testimonium similiter collatum est ad librum latinis literis scriptum interpretante Constantino Deo amabili Presbytero, & defensore sanctissime huius magnæ Ecclesiæ, & latino Grammatico; & constitit.* Itaque non modò Latina, verum etiam Græca Ecclesia laudatos operis imperfecti libros contra Iulianum Augustino tanquam legitimum eorundem authori adscriptis, atque in suis bibliothecis seruauit, quò eisdem instructa hæreticorum omnium conatibus obuiari iret. Monet autem doctissimus Suaresius, eosdem S. Doctoris libros laudatos fuisse in Synodo Lateranensi à S. Martino Papa anno 649. celebrata, cui quinque supra centum Episcopi interfuere. Etenim Maximus Metropolitae Aquileienſis collat. 5. dixit: *Sed & Sanctus Augustinus in quinto libro contra Iulianum Pelagianistam similiter ait: Nunquid, Iuliane, quando Angelus, aut homo aliquid vult, non natura eorum aliquid vult? &c.* Et statim alterum ex eodem volumine testimonium producit. Hæc eò libentiùs recensui, vt palam fieret, eosdem S. Patris libros in nostræ huius Venetæ provincię bibliothecis antiquitus extitisse, quando eosdem noster Metropolitae laudauit.

His tamen omnium antiquissimum, ac luculentissimum testem addam Marium Mercatorem S. Augustini & viuētis amicum, ac demortui aduersus Iulianum strenuissimum defensorem, de quo plura diximus lib. 1. Hist. Pelag. cap. 9. & lib. 2. cap. 6. Extat in Vaticana Bibliotheca vt ibidem notauimus, Commonitorium eiusdem MS. Num. 234. inter codices Palatinos, quo plura à Iuliano Pelagiano in octo libris contra Augustinum assera confutat. Ibi verò fragmenta ex hæretici volumine exscripta eadem omnino sunt cum ijs, quæ in libris operis imperfecti leguntur. Pagina 4. memorati codicis adducit ex lib. 1. cap. 112. hæc Iuliani verba: *Sed currunt ad eum, qui clamat &c.* In editis illa leguntur cap. CXI. Ibidem ex lib. 2. cap. 17. hæc verba recitat: *Verum imbecillum cecæ opinionis patrociniū &c.* Habentur autem illa ipsa in eodem libro cap. 16. Pagina 5. ibidem ex eodem capite hæc Iuliani dicta memorat:

morat:

morat : *Ostensum est ergo nihil posse per Scripturas sanctas probari &c.* Quæ pariter in editis voluminibus recitantur . Rursus ex eodem lib. 2. cap. 58. hæc producit : *Aut si forte, quoniam aliter dogma tuum stare non potest &c.* Quæ cum editis eodem prorsus loco concinunt . Alias etiam eiusdem hæretici sententias recenset, quæ in imperfecto S. Augustini opere eisdem verbis leguntur . Methodum verò illorum librorum ex Hæretici argumentis, & statim apposisis Augustini responsionibus constari, idem testatur scribens : *Sanctus autem sæpe dicitur Augustinus & suis liris quatuor illius priores euerit : octo quoque posteriores singulis responsionibus suis ad singula capitula subiectis .* Ut planè constet laudatum volumen non esse suppositium, sed magni Hipponensis Doctoris manu conscriptum . Quare cum Romani Pontifices, cum Oecumenicæ Synodi, cum antiquiores etiam Scriptores sex memoratos contra Iulianum libros veluti germanam Augustini prolem agnouerint, ac probarint, nostrum est, qui Catholico nomine gloriamur, eosdem inter Augustinianæ Bibliothecæ volumina reponere, & veluti postremam Ecclesiæ ab Augustino traditam hæreditatem religiosius habere, ac venerari . Hic tamen notandum est, codicem operis imperfecti à Vignierio editum pluribus mendis scaterere . Certè lib. 5. num. 53. ita legitur : *Nonne cum Angelus, vel homo aliquid vult, natura aliquid vult? Et Angelus, & homo natura sunt . Quis hoc dixerit? Si ergo natura sunt Angelus, & homo, perfectio natura vult, quandoquæq; vult Angelus &c.* Verùm apud Maximum Aquileiensem ita habetur : *Nunquid, Iuliane, quando Angelus, aut homo aliquid vult, non natura eorum aliquid vult? Angelus, & homo natura non sunt? Quis hoc dicitur est, quia non sunt? Si ergo natura sunt Angelus, & homo, certum est, quia natura vult, quando Angelus vult &c.* Rursus ibidem legit Vignierius : *Veritas autem dicit, quandiu est voluntas ulla, natura non potest separari .* At S. Agatho ita recitat : *Quandiu est voluntas ulla, à natura non potest separari .* Sed de his hæcenus . Etenim speramus, doctissimos Patres S. Germani à Pratis in noua operum Augustinensium editione, quam Parisiis singulari studio, atque labore moliantur, memoratos S. Doctoris libros nitidiores emissuros . Gratiis interim plurimas sapientissimi, atque eruditissimi Antistitis Suarezij industriæ debemus, & ego quidem quàm maximas ago, quòd è Græcis codicibus Augustiniana illa testimonia omnium primus Reipublicæ Christianæ exhibens infusam quorundam hæitationem, quæ eosdem remorabatur, ne tam insigne, ac præclarum opus Augustino auctori deputerent, penitus profligauit, atque eximiam animi deuotionem erga Magnum Ecclesiæ Doctorem ostendit . Idem autem in dissertatione priori scribit, se meditari exactiorem operum S. Augustini chronologiam . Ego quidem, quod ad libros contra Pelagianos editos pertinet, arbitror me id sedulo præstitisse . Quod si in hoc mea me fallit opinio, idem opus diligentiori ille cura retinet, nostramque Chronologiam non lima poliat, sed ad incudem rara, ac singulari, qua pollet eruditione, reformet .

CAPVT II.

Cassianus à Semipelagianismo infeliciter à nonnullis vindicatus. Massilienses Semipelagiani à quibusdam iniuste excusati.

Nonnulli, queis S. Augustini doctrina contra Pelagianos tradita plenè non probatur, media veluti via incedentes Semipelagianismum condidere. Horum Princeps fuit Cassianus Massiliensis cœnobij Abbas, & Presbyter, qui collatione XIII., vt ait S. Prosper, *ad instrumentum inimicorum gratia Dei studuit talem proferre doctrinam.* Hinc factum est, vt S. Gelasius Papa in Romana Synodo ob praua de diuina gratia dogmata in illius Scriptoris opusculis contenta eiusdem libros omni prorsus autoritate exutos inter apocryphorum quisquilias proiecerit. Contra Cassiani librum Prosper singulari veluti certamine dimicauit in opere, quod contra Collatorem inscripsit, illius verò, ac concellitarum, seu sectatorum mores, ingenium, consilia, insidiasq; egregiè suis coloribus in præfatione, ac peroratione eius voluminis depinxit, de quibus lib. 2. hist. Pelagianæ cap. 10. disseruimus. Cassiodorus lib. de diuinis instit. cap. 29. ait: *Qui Cassianus tamen de libero arbitrio à B. Prospero inculpatus est, unde monemus, vt in rebus talibus excedentem sub cautela legere debeat.* Certè Synodus Arausicana II. Cassiani sententias contrarijs editis dogmatibus penitus proscripsit, vt ad oculum mox ostendam. Hinc coram Clemente VII. olim quæsitum fuit ex professo, vt aiunt: *An doctrina Molinæ conueniret cum damnatis sententijs Cassiani.* At quæ in illis sessionibus dicta sunt, post Alexandri VII. decretum proferre minimè licet. Hoc certò constat, vtramque litigantium factionem palam admisisse, damnatas esse ab Ecclesia Cassiani opiniones de gratiæ diuinæ auxilijs, nec id à quopiam in dubium reuocatum.

At ante paucos annos editus est liber inscriptus *S. Ioannes Cassianus illustratus* auctore Ioanne Baptista Guefnaio Aquisiensi, cuius quidem voluminis errores alibi castigauimus, hoc verò loco patentissimum eiusdem figmentum refellendum venit. Scriptor ille lib. 1. cap. 52. narrat ortam fuisse Massiliæ *Semipelagianorum heresim*, quos *nequissime sectæ Doctores* ibidem ignominiz causa vocat. Addit Cassianum contra eosdem acerrimè inuectum: *Cassianus ergo, inquit, cum perturbata videret omnia, & iam propè ad desperationem adducta, quod reliquum fuit, Catholico populo, profligatisq; ab heresi ciuitatibus cauendum putauit.* Item: *Eò formidolosius superbissimorum aduersariorum conscientiam plenam spei maxima percellerat, atq; affligebat.* Imò scribit Cassianum ea in concertatione cum Prosperi copias iunxisse: Denique, ait, *ipsa robora Ecclesia Gallicana Prosper, & Hilarius, quibus hunc Massilia fuit Cassiano tum sortè consilium, & militia communis.* At capite 64. quo prius volumen terminat, agens de libris Cassiani, quos contra Nestorium edidit, hæc habet: *Cum verò hanc venenosam heresim nuper, idest suo tempore emerissey eamq; incerti nominis, sed certi erroris esse dicit Cassianus, manifestè designat, non Pelagianos, sed ipsorum reliquias, aut Semipelagianos, quos idcirco Pelagianos cineres appellat.* Nunc, inquit, quod paulò austeriùs dicere cœpimus, exequemur, vt omnes sciant in Pelagianis cineribus ignes quærere te, & nouis sacrilegiorum flatibus fauillas veteres excitare. *Quæ mihi videntur idonee conie-*

coniectura ad probandum, spectasse in primis Cassianum in hac contra Nestorianos disputatione, in tantis tenebris erroris, & inscitia Semipelagianorum præferre clarissimum lumen, ac bona cuiusvis voluntatis etiam primæ exordia in nostræ iustificationis exordia diuine gratiæ auxilij adscribere. Hæc ille pagina 220.

Hic Scriptor, cum Cassianum sibi illustrandum proposuisset, simulque animaduertetet, quantum nitoris amitteret, si cum Semipelagianis cõsisteretur, lepidam illam de eodem fabulam (cur enim alio nomine vtar?) concinnauit. Etenim lib. 1. cap. 39. num. 39. ingenuè concesserat, quod Pelagianismi suscipio Cassiano obiecta salutisram illam in dies latius inclarescentem infuscarit lucem, ac nominis, quam neq; capteret vir modestissimus, neq; defenderet, obscurarit auctoritatem. Quod ergo hæc à Cassiano tenebras repelleret, non modò inter Semipelagianos illum militasse negauit, verùm etiam contra Semipelagianos strenuè depugnasse pronunciauit, & quod mirabile est, Prospero, Hilarioq; secum fœdere iunctis. Hoc sanè vltimum sine risu legi non potest; nemo enim non ignorat, S. Prosperum collato veluti pede cum Cassiano pro D. Augustini doctrina singulari certamine conflixisse in eo opere, quod *contra Collatorem* inscripsit, quia Cassiani collationes Pelagianis erroribus infectas impugnabat. Ille sanè post prologum palam protestatur, se scribere contra librum, cuius prænotatio est de Protectione Dei, qui planè est titulus collationis XIII. Cassiani. Insequentibus verò prauas eiusdem opiniones de diuina gratia ad verbum recitat, ac neruose confutat, hæc in fine subiungens: *Sufficienter, ut arbitror demonstratum est, reprehenses S. Augustini, & vana obijcere, & recta impugnare, & praua defendere, peremptoriumq; armis intestinum bellum mouentes diuinis, atque humanis constitutionibus rebellare.* Ergo teste Prospero Cassianus reprehensor S. Augustini & vana obiecit, & recta impugnauit, ac Pelagianorum armis bellum ciuile apud Massiliam inter Catholicos conflauit. Et tamen, si superis placet, Prospero, & Cassiano contra Semipelagianos, Guesnaio auctore, fuit consilium, ac militia communis. Commilitones publicat, quos dicere debuerat Antagonistas. Quæ tamen si credis, iam alter quoq; tibi persuadebit Davidem, ac Goliath in arenam ad certandum vti commilitones descendisse. Quod verò addit, Semipelagianos dici à Cassiano *Pelagianos cineres*, Scriptoris illius sensum se non percepisse vel saltem dissimulasse, demonstrat; eo enim infami vocabulo Nestorianos, qui ex Pelagianis prodire, significat. Vnde & Prosper hæresim Pelagianam matrem, Nestorianam verò filiam lepidè appellauit, quas eodem etiam sepulchro tumulatas inscripto epitaphio irrisit, vt diximus in lib. 2. hist. Pelag. cap. 9. Video eundem opponere: Cassianum in libro de Incarnatione aduersus Pelagianum quemdam Antiochensem Episcopum disputasse sicut & 6. & 7. lib. 6. capitibus & ex 31. capite libri vltimi manifestum est. Hinc nulla ratione Cassianum Pelagianis cineribus aspersum existimat. Memoriam hominis malo appellare, quam fidem, neq; illum adeo fraudolento animo isthæc literis consignasse puto, vt tot figmenta Lectoribus consultò credenda obtunderet. Lege vtrumque caput ex libro 6. à te productum, videbis ex symbolo præcisè Antiocheno Nestorium à Cassiano erroris conuictum, quod ille Antiochenæ Ecclesiæ Presbyter fuerat, antequam renunciaretur Antistites C-P. Quare vbi Cassianus symbolum Antiochenum producit ad hæreticum redarguendum, fingis eundem contra nescio quem Episcopum

Antiochenum Pelagianum insurgere. Post exortam Pelagij hæresim sedere. Antiochiæ Alexander, Theodorus, & Ioannes, quorum nullus Pelagianorum deliria securus fuit. Theodorus contra Pelagianos Synodum celebravit, ut ex Mercatore diximus lib. 2. hist. Pelag. cap. 4. Et licet huius successor Ioannes in Ephesina Synodo hæreticis patrocinari visus fuerit, eisdem tamen acriter insectatus est, de quo plura habes lib. eodem cap. 9. Ex qua ergo officina Pelagianus hic tibi Antiochenorum Antistes proceditur? Hæc scribit Cassianus cap. 6. *Symbole inmergo, hæretice, cuius superius textum duximus, licet omnium Ecclesiarum sit (quia una omnium fides) peculiare tamen Antiochena urbis est, atq; Ecclesie, idest, illius, in qua tu editus, in qua instructus, in qua renatus es. Quibus designat Nestorium Germaniciæ in Euphrateia provincia natum, sed Antiochiæ sacris initiatum, vnde Episcopus C. Politanus euasit, quod pluribus describit Theodoretus in epistola ad Sporacium, & alibi. Sed neq; cap. 31. Cassianus quicquam de illo Episcopo recitat, ibi enim S. Ioannem Chrysostomum eximie laudat, cuius auctoritatem Nestorio opponit.*

Verùm temporis iacturam facio: compendio agam aduersarij ipsius testimonio vsus. Scribit in præfatione ad Lectorem de Cassiani in materia de gratia opinionibus, quòd illas S. Prosper IVRE REFELLIT, ET ERRORIS COARGVIT. Fuit ergo, te hoc ipsum asseuerante, S. Prosper Cassiani hostis, atq; expugnator. Vbi ergo, quam iactas, Prosperi, ac Cassiani contra Semipelagianos militia communis? Addis lib. 2. cap. 12. num. 8. *Liquet Prosperum ab Augustini zelo incalcescente commotiorem præliari stylo velitationem esse aduersus Collatorem, & qua in deprehendis, consutandisq; eius erroribus efficacissimè praeualebat sagacitate &c.* Grauior, crede mihi, pugna fuit Cassianum inter & Prosperum; neque enim hic contra aduersarium velites tantùm emisit, sed vniuersum triariorum robur eduxit, ac plena acie dimicauit. Si tamen non pugnam, sed velitationem certamen illud vocare mauis, Prosperi robur, ac Cassiani debilem aciem fateri, qui vel sola velitantis Prosperi impressione facta, non loco tantùm motus, sed fusus, ac dissipatus nec pugnam repetere, nec vires restaurare vnquam potuerit.

Tradit tamen Guesnaius, pacem Prosperum inter, ac Cassianum stabilitam, & quidem sequestro Leone Magno tum temporis Archidiacono. Etenim lib. 1. cap. 55. num. 8. & 9. scribit Sixtum Pontificem, cum exortis inter Bonifacium, & Aëtium ciuilibus discordijs, itemq; Litorio ab eodem Aëtio dissidente, & huic ipsi & Albino grauiter Valentiniano Augusto indignato, Romanum imperium passim à barbaris vastaretur, id consilij arripuisse, ut misso in Gallias Leone Archidiacono Apostolicae Sedis legato Duces discordes ad amicitiam reuocaret, atq; in Valentiniani gratiam reduceret. Addit cap. 56. Leonem legatum plenissimè velut breui Massiliam secundo cursu peruenisse, ac ad Cassianum veterem suum consiliarium, & amicum diuertisse. Aderant, inquit num. 2. *Cassiani dilatores Hilarius, & Prosper, qui cum Leonem salutationis officia præstituri conuenissent, & forè fortuna Cassianus quoque adesset, restatur Legatum egisse, ut mutuis colloquijs, & vsu inter eos familiari congressos, discussis vtrò, citroque suspicionum tenebris vocaret in lucem, eosq; pacis interpretes suis commotionibus ita placaret, ac leniret, ut omnes constituta concordia, quam ipse cum omnibus haberet communem, sine querela discederent.* Nec irritam Leonis legationem fuisse,

fuisse, hæc enim de illo affirmat num. 4. *Nec temerè laudi tuæ adscripsis, quòd nefarii consilij, ac furoris sui patiens Bonifacius reconciliata sibi Placidia Augusta cum Vandalis reditum in Hispaniam persuadere non posset, bello eos aggressus est, sed rictus Romam venit anno 432.* Hæc ille. Monui non semel præsertim lib. 2. hist. Pelag. cap. 1. hunc Scriptorem ex fabulosis tantum coniecturis Cassiani vitam consanctinatam edidisse, quibus non modò se ipsum, sed & quem laudare omni arte conatur, lectoribus deridendum exhibuit. Celebris Leonis Archidiaconi legatio contigit circa annum 439. Nam S. Prosper in Chronico ad annum. 440. ait: *Valentiniano Aug. V. & Anatolio Coss. Defuncto Xysto Episcopo quadraginta amplius diebus Romana Ecclesia sine Antistite fuit mirabili pace, atq; patientia præsentiam Diaconi Leonis expectans, quem tunc inter Aëtium, & Albinum amicitias redintegrantem Gallia detinebant.* Postea. *Igitur Leo Diaconus legatione publica accitus, & gaudenti patrie præsentatus XXXIII. Romane Ecclesie Episcopus ordinatur.* Hic verò interrogatum velim Guesnaium, vnde sciuerit, Leone eo anno apud Massiliam existente, Cassianum adhuc in viuis fuisse, quem ante quadriennium mortem obiisse narrat Trithemius, & antea etiam defunctum Gennadius indicat? Quo auctore adeo constanter affirmat tum temporis Prosperum Massiliæ procul à patria commemoratum è erat enim Aquitanus. Illa igitur pax non Leonem sequestrum, sed Guesnaium architectum habuit. Imò Prosper cum non personam, sed vitta opinionum Cassiani infestaretur, nequaquam Cassiano conciliandus erat. Pacato animo noster Doctor strinxit in Collatorem. stylum, & ad prælium descendit mente pacifica, nam cum profligato hoste ex acie in castra reuenteretur *Nobis, inquit, Deo adiuuante sit studium quietæ, modestaq; patientiæ odij dilectionem reddere.* In fine libri contra Collatorem.

Hunc quidem defensores in Gallia Cassianus sortitus est, sed & alterum in Hispania aduocatum obtinuit. Ioannes Mariana lib. de mor. & immort. cap. 6. hæc scribit: *Viduo, quæ à Casiano dicta sunt, omnia de gratia centè, & libero arbitrio à viris eruditis nostra ætate defendi quasi pietati consona, neque deflecta à fidei regula sancta.* Si Augustinus modò inter homines versaretur, profectò Cassiani torti inuideret, quippe qui suam de prædestinatione sententiam *vti duram & diuinæ bonitatis indignam* reprehendi animaduertcret, Collatoris verò dogmata laudari tanquam non deflecta à fidei regula sancta. Certum est Felicem IV. scriptis ad Cæsarium Arelatensem literis Semipelagianorum, ac Cassiani in primis errores Apostolica sententia condemnasse, eaq; decreta fuisse in Synodo apud Arausicam anno 529. publicata. Canone tertio, & quarto damnatur, qui *in uocatione humana gratiam Dei dicit posse conferri, itemq; qui, vt à peccato purgemur, voluntatem nostram Deum expectare contendit.* Illa planè docuerat Cassianus collat. 13. cap. 13. dicens Deum quandoq; à nostro libero arbitrio quosdam conatus bonæ voluntatis *vel exigere, vel expectare, ne penitus dormienti, aut inertis otio dissoluto sua dona conferre videatur.* Et cap. 12. ait: *Expectat nos, cum dicitur per Prophetiam: Propterea expectat nos Dominus, vt misereatur nostri.* Canone V. damnatur, qui initium fidei, ipsumq; credulitatis affectum, quo in Deum credimus, qui iustificat impium &c. *naturaliter nobis inesse dicit.* Cassiani error proferbitur dicentis cap. 12. *Sin' verò gratia Dei semper inspirari bonæ voluntatis principia dixerimus, quid de Zachari fide, quid de illius in cruce Lacrois pietate dicemus, qui desiderio suo vnum quandam regnis cælestibus inserentes specialia uocationis*

monita prænauerunt. Et cap. 14. ex modo loquendi Christi probat, fidem Cornelij Centurionis non fuisse ex gratiæ dono, sed ex viribus liberi arbitrij: Nul-
 lus enim, inquit, laudis esset, ac meriti, si id in eo Christus, quod ipse donauerat, præ-
 tulisset. Alioquin dixisset: Amen dico vobis, non dedi tantam fidem in Israel. His
 contrarium definit laudata Synodus in fine: *Vnde, inquit, manifestissimè cre-*
endum est, quòd & illius Latronis, quem Dominus ad paradisi patriam reuocauit, &
Cornelij Centurionis, ad quem Angelus Domini missus est, & Zachæi, qui ipsum Do-
minum suscipere meruit, illa tam admirabilis fides non fuit de natura, sed diuina largi-
tatis donum. Canone VI. damnat eum, qui sine gratia Dei credentibus, volentibus,
 desiderantibus &c. petentibus, querentibus, pulsantibus nobis misericordiam dicit
 conferri diuinitus. Fuit celebre Cassiani-effatum lib. 12. de instit. Cœnobiorum
 cap. 14. vbi ait: Pronunciamus laborantibus tamen, ac desudantibus misericordiam
 Dei, gratiamque conferri &c. Dicimus enim secundum Saluatoris sententiam dari qui-
 dem petentibus, & aperiri pulsantibus, & à querentibus inueniri, sed petitionem, &
 inquisitionem, & pulsationem nostram non esse condignam, nisi misericordia Dei id,
 quod petimus, dederit, vel aperuerit, quod pulsamus, vel illud, quod querimus, fecerit
 inueniri. Præsto est namq; occasione sibi tantummodò à nobis bonæ voluntatis oblata,
 ad hæc omnia conferenda. Ita petere, pulsare, querere occasiones à nobismet
 viribus liberi arbitrij oblatas nuncupat. Canone VII. nihil boni sine gratia
 fieri posse determinatur, quæ sententia etiam canone XXII. his verbis asseri-
 tur: Nemo habet de suo nisi mendacium, & peccatum. Contrarium planè docue-
 rat Cassianus cap. 12. collationis citatæ: Nec enim, inquit, talem Deus homi-
 nem fecisse credendus est, qui nec vellet nunquam, nec possit bonum; alioquin nec liberum
 ei permisit arbitrium, si ei tantummodò malum res vellet, & possit, bonum verò à se-
 metipso nec velle, nec posse concessit. Canone VIII. Si quis, inquit Patres, alios
 misericordia, alios verò per liberum arbitrium (quod in omnibus, qui de præuicatione
 primi hominis nati sunt, constat esse vitiatum) ad gratiam baptismi posse reuere conuen-
 dit, à recta fide probatur alienus. Damnatur hic famosum illud Cassiani effatum
 cap. 17. Deum aliorum esse Saluatorem, aliorum etiam susceptorem: In eo
 enim, inquit, quod prior aduocat, & ignorantes nos, atq; inuitos astrahit ad salutem
 protector, atq; Saluator noster est. In eo autem, quod annitentibus nobis opem ferre, re-
 fugientesq; suscipere, ac munire consuevit, susceptor, ac refugium nominatur. Contra
 quam Collatoris distinctionem pluribus inuehitur S. Prosper. Post hosce verò
 octo canones, quibus diuersi Semipelagianorum errores configuntur, pluri-
 mæ sententiæ ad verbum ex S. Augustini libris exscriptæ adiunguntur, de qui-
 bus in historia Pelagiana disseruimus; sufficiat hic illa tantum adduxisse, qui-
 bus Cassiani doctrina palam damnata esse intelligatur, vt iam penitus falsum
 sit, quod Mariana ex aliorum fortè sententia dixit, Cassiani dogmata de gra-
 tia, & libero arbitrio non esse deslexa à fidei regula sancta; sunt enim citra vllam
 dubitationem hæretica post Arausicana decreta.

Sed Masilienses quoque Semipelagiani Ioannis Cassiani, qui Masiliæ
 confederat, discipuli, ac sectatores egregium aduocatum sortiti sunt Roderi-
 cum de Arriaga, qui eisdem ex ignorantia inuincibili in errores lapsos asseruit,
 cuius verba præcedere debet testimonium S. Prosperi de Masiliensibus ijs-
 dem loquentis, quod Recentior ille præpostera prorsus explicatione interpre-
 tatur. Hæc Aquitanus Doctor ad suum Augustinum scripsit: Illud etiam quali-

ter diluatur, quæsumus patienter insipientiam nostram ferendo demonstres, quod retractatis priorum de hac re opinionibus, penè omnium par inuenitur, & una sententia, qua propositum, & prædestinationem Dei secundum præscientiam receperunt. Arriagatomo 1. in 1. partem disp. 36. num. 11. hocce scholion laudatis Prosperi verbis affigit: *Nomine priorum, & antiquiorum, de quibus Prosper, non intelligi Sanctos Patres, sed Massilienses aliquos Episcopos, & viros moribus, & pietate insignes inuincibiliter tamen, ut puto de multis, Semipelagianos.* Quot verba, tot errata. In primis falsum est, nomine priorum non intelligi Sanctos Patres, quod ipsemet Annatus irridens disp. 4. defens. scient. med. num. 80. exclamauit: *Appellanda est aduersarii fides, qui quod Prosper Catholicis scriptoribus attribuit, dictum putat de Semipelagianis.* Perspicua sunt Prosperi verba. Semipelagiani suas opiniones, teste Prospero, *vetustate defendebant, dicantentes Augustinum noua docere, ac Patribus inaudita.* Hoc pacto Prosperi dictum intellexit Augustinus lib. de prædest. SS. cap. 14. inquit: *Si huius ergo sententiæ defensionem ex diuinorum eloquiorum nos PRÆCEDENTIBVS CATHOLICIS TRACTATORIBVS promerem, profectò hi fratres, pro quibus nunc agimus, acquiescerent, hoc enim significastis litteris vestris.* Alterum Arriagæ erratum capitale est, dum suos hosce *Massilienses Episcopos* excusare conatus, eos inuincibiliter Semipelagianos finxit. Clara, ac perspicua sunt Prosperi verba in laudata epistola: *Obstinationem suam vetustate defendunt.* Cum Massiliæ lites de diuina gratia, ac libero arbitrio in crudelescerent, nonnulli Augustino, pluribus Cassiano fauentibus, allatus est Massiliam liber S. Doctoris de correptione, & gratia. Tunc putauimus, inquit Prosper, *omnes querelas resistentium sapiendas, quia vniuersis questionibus, de quibus consulenda erat Sanctitas tua, tam plenè illic, absolutèque responsum est, quasi hoc specialiter studueris, ut quæ apud nos erant turbata, componeres.* Porro hoc libro recensito sicuti Augustiniani longè, ut idem ait intelligentiores euasere, ita qui persuasionis sue impediabantur obscuro, auersiores, quàm fuerant, receperunt. Cum verò ex Augustini doctrina illorum errores Prosper, ac collegæ vellicarent, obstinationem suam vetustate defendebant. Addit: *Eò postremò, peruicacia tota descendit.* Itane qui illata ex Augustini libro plurima luce oculos obstinatissimè claudunt, ne videant, qui obstinati, & peruicaces in opinionibus suis perdurant, qui Prosperi, atque Hilarij disputationes audiunt, inuincibiliter verum ignorasse dicentur? Audi Prosperum hæc ad Augustinum scribentem: *Cum contra eos scripta beatitudinis tue validissimis, & innumeris testimonijs diuinarum Scripturarum instructa proferimus, ac secundum formam disputationum tuarum aliquid etiam ipsi, quo concludamus, adstruimus, obstinationem suam vetustate defendunt.* Et hos tot disputationibus instructos, tot Augustini libris edoctos inuincibili ignorantia laborasse autumabis? Semipelagianos *bona ingenia* dixit Augustinus cap. 20. de prædest. SS. *nec despicienda ingenia* Prosper initio libri contra Collatorum. Fuere viri doctissimi, & sapientissimi Cassianus, Hilarius, Faustus, Vincentius Lerinensis, alijque, ut in Pelagiana historia dictum est. Et hæc quidem in vna Prosperi periodo explicanda Arriagæ errata sunt. Franciscus Ouiedo 1. 2. tract. 9. contr. 1. pun. 4. num. 76. illa verba Prosperi, *retractatis priorum de hac re opinionibus* ita interpretatur: *Quibus verbis, ait, asserit Prosper, iam plures ex Massiliensibus priores opiniones retractasse.* Non ita est: scribit Prosper, *retractatis*, hoc est, *relectis, seu recensitis* Patrum opinionibus, vnam ex Semipelagiano.

gianorum opinione omnium sententiam repertam, nempe prædestinationem præscientia dirigi. Proseßo dixisset Prosper: *Retractatis prioribus de hac re opinionibus*, si vt perperam Ouidio intellexit, *Masilienses priores opiniones retractassent*. Verùm *Retractatis*, inquit, *priorum de hac re opinionibus*, neque enim illi maiorum suorum Semipelagianizantium opiniones retractare poterant, cum eo tantum tempore Semipelagiani in Gallijs primitus apparuerint. Imò si verbum illud ita accipiendum esset, quasi Masilienses prioris opinionis palinodiam cecinissent, non asseruisset Prosper, iam plures ex *Masiliensibus*, vt perperam Ouidius accepit, sed omnes priores opiniones retractasse, nam, aperte ait. *Retractatis priorum de hac re opinionibus*, penè OMNIUM par inuenitur, & una sententia, qua propositum, & prædestinationem Dei secundum præscientiam receperunt.

CAPUT III.

Faustus alter Semi-Pelagianorum Princeps defenditur à Recentioribus, Sancti Patres Fausti damnatores ab eisdem improbat, & hæreses falso accusati.

Semipelagianæ Reipublicæ principatum post Cassianum tenuit Faustus ex Abbate Lerinense Reiensis Episcopus, de quo plura in Pelagiana Historia. At Recentiores, qui pro Origene Pelagiani erroris Princeps, ita illum dixit Hieronymus, apologias cudere ausi sunt, Faustum etiam Semipelagianorum antesignanum vt ait Petauius tomo 1. dogmatum Theol. lib. 9. cap. 2. *Semipelagianorum Coryphæum*, vt illum nuncupauit Baronius tomo 6. ad annum 490. totis viribus defendere conati sunt. Iacobus Sirmondus de Ecclesiastica antiquitate benemeritus effocta ætate sociorum litigijs sese immiscens pro Fausto in historia Prædestiniana apologiam satis prolixam concinnauit, hæc statim cap. 3. præfatus: *Admonet, hoc loco studium veritatis, amorque innocentia, vt Fausti Reiensis vicem doceamus, sanctoque, & clari nominis Antistitis reuerentiam, quæ fas est, deprecemur &c.* Faustum hunc, inquam, quis equo animo ferat, librorum nunc istorum nomine, quod Prædestinatorum in his errores ex Synodi sententia resellerit, vexari passim à multis, traducique tanquam hereticum è Idque authore, quod dissimulare non possunt, ac duce Ioanne Maxentio Scythæ Monacho ex eorum numero, qui Eutychis hæresim clam fouentes Synodum Chalcedonensem aduersus Hormisdam, eiusque Legatos occultis artibus impetebant. Doluit quoque Sirmondi sodalem Ludouicum Cellorium, ultra meritum modò Faustum ab aduersarijs vexari. Lib. 2. hist. Goteschalci cap. 4. §. vnico, vbi Ioannes Maxentius Eutychianus, & Monachorum Eutychianorum Patronus ignominia causa dicitur. Quid de Fausti doctrina, & sanctitate dicendum sit in historia Pelagiana nobis descripta abundè patet; neque enim ex morum integritate doctrinæ veritas adstruitur, neque ex doctrinæ erroribus morum sanctitas vexanda est, in quo plerique excellere. Sirmondus veritate cogente fatetur, quod Faustus circa initium fidei, & alia plus aliquanto tribuere, visus est, quàm par erat. Noluit dicere, tribuisse, sed usum tribuere, cum tamen id sole clarius sit, additque ita illum sapuisse, quando ita loqui fas fuit. Quod sanè verissimum puto. Nimio tamen bonus ille senex erga iuuenem Faustum studio abreptus Sanctorum Patrum, & antiquorum testimonia, quibus

bus Fausti authoritas penitus deprimitur, partim negat, partim arguit, ut pluribus hominis apologia nobis hic reiicienda sit. Vti verò Petrus Halloix supra deicta Patrum capita suum Originem Pelagiani erroris Principem attollere tentavit, ac Synodum V. mille diæterijs imperijt; ita etiam Sirmondus Semipelagianorum Principem Faustum propugnans Patrum iudicia explosit, ac Præsulum sanctissimorum Synodum in suspensionem hæreseos vocare non dubitavit.

Itaque ille in primis Ioannem Maxentium carpit, vocans eundem *hominem amentem*, eiusdem in Faustum obiectiones *fallaces*. At non hoc fuit sapientissimorum de Maxentio iudicium. S. Fulgentius initio libri 1. de veritate prædestinationis, & gratiæ ita Ioannem Maxentium, eiusque syncretitam Venerium alloquitur: *Deo gratias ago, sancti fratres Ioannes Presbyter, & Veneri Diacone, cuius ope tales estis, ut pro gratia, qua saluamur, magno spiritu, & seruiore certetis*. Et Synodus sanctorum Episcoporum pro fidei defensione apud Sardiniam exulantium eiusdem Maxentij, ac fociorum fidem commendauit. Cardinalis Bellarminus in libro de Script. Eccles. ad annum 520. ait: *Ioannes Maxentius Faustum, & Pelagianos egregie refellit ex libris S. Augustini*. Veniat huic suppar Cardinalis Baronius, qui tomo 6. ad annum 490. hæc scripsit: *Quinam autem colligantur ex Fausti duobus libris illis errores scriptis S. Augustini, & sententiæ Catholicæ aduersantes, tu vide illos collectos à Maxentio in responsione ad Hormisdæ Pontificem, ubi in pluribus Faustus declaratur hæreticus*. At clamat Sirmondus: *Maxentij porro in Faustum obiectiones fallaces, & minime sincere multorum iudicio habitas esse quis nescit? Quinam sint isti multi, non insinuat, certè illorum multorum iudicio insignes illis purpurati non steterè*. Multos dixit, qui nec pauci fuere, sed vix vnus, & alter. Audiat Sirmondus summus suæ Societatis Theologos, quibus, ubi de Theologica re disputatio sit, & ipse summus historicus allurgat. Franciscus Suarez proleg. 5. de grat. cap. 5. S. De Fausto, hæc scribit: *Maximè verò contra illos libros Fausti inuehitur Ioannes Maxentius in responsione ad epistolam Hormisdæ Papæ ad Possessorem sub finem, ubi assumit onus probandi illos libros esse hæreticos, idque latè ostendit eo ferè modo, quo nos statim idem præstabimus*. Magnus vir in Fausto oppugnando Maxentij vestigijs inhæsit. Gabriel Vasquez & ipse pro Maxentio testimonium dicit 1. 2. disp. 199. cap. 3. *Sententia Petri, & Ioannis Maxentij tam in materia de gratia, & libero arbitrio, quàm in dammandis libris Fausti magni momenti esse debet*. Sed haud opus habet Maxentius vlllo suffragio, neque enim ipse inibi argumenta quædam contra Faustum effingit, vnde minùs sincera, & fallaces eiusdem contra Faustum obiectiones dici possint, sed per antithesim testimonia S. Augustini, & Fausti hinc inde, producit, ut cum in breui, inquit Maxentius, collata ad inuicem contraria sibi reperta fuerint, euidenter clareat libros Fausti esse hæreticos. Qui verò Faustum eadem cum Augustino docuisse contenderet, procul hinc Anticyras ablegandus esset. Sed non vnus; neque primus Fausti libros Maxentius damnauit, nam superiori sæculo, ut dicemus, S. Gelasius Papa eosdem proscripserat, & Synodus Africanorum Patrum apud Sardiniam in epistola ad eundem Maxentium Archimandritam, quam primus ipse Sirmondus, nondum apologiam pro Fausto meditatus, in lucem emisit, pronunciauit memorati Fausti commenta *veritati contraria, Catholicæ fidei penitus inimica*. Cap. 18.

Quid hic ager eruditus apologista? quod euadet? quem clypeum Africano telo obijciat? Illæ Synodi censuram nè pili quidem fecit, hæc ipsa vociferatus: *Difficile non erat, ab Afris id sperare, apud quos nata, & dictum est, Prædestinatarum hæresis in multorum adhuc mentibus hærebat.* O dictum non ferendum! Ne Fausti liber hæreseos incusetur, hæreticos audes appellare Episcopos Africanos, qui protuenda fide à Trasamundo Ariano in exilium eiekti fuerant? ut hominem liberes, integrum doctissimorum, ac sapientissimorum Patrum Senatui damnas? ne Fausto erroris nota inuratur, vniuersa Africa Catholica in hæresis suspicionem adducitur? Olim quidem viuentem Augustino nonnulli Adrumetini Monachi plus iusto, vt scribis, gratiæ tribuere, sed intra illorum claustra vix natus error Augustini opera extinctus fuit, & si qui postea ea vesania, morboque correpti fuere, è plebe, non ex Episcopis illis sanctissimis, ac doctissimis fuisse dicendi sunt, ad quos veluti ad oracula ex vniuerso Orbe literæ consulantium volitabant. Illi quidem de S. Fulgentio hæc scripsere: *Aduersus duos libros Faustii Galli septem libros edidit, quos cum recensueritis, agnosceitis protinus; quemadmodum memorati Galli commenta veritati contraria, Catholice fidei penitus inimica, discussio prodidit, ratio manifesta conuicit, autoritas diuina compressit, & præcedentium Patrum consona prorsus attestatio confutauit.* Quid de isto Fulgentio dices Sirmonde, itane Prædestinatarum illum quoque peste afflatum asseuerabis? Hic Fausti dogmata probauit esse veritati contraria, Catholice fidei penitus inimica. Ille tamen Fulgentius Monimum amicum à Prædestinatarum errore, in quem inclinabat, reuocauit integro ea de re eidem inscripto volumine. At si Fulgentium absoluis, & socij etiam Episcopi omni prorsus Prædestinatarum hæresis suspicionem tibi liberandi sunt, qui non iam mea aduocatione indigent, sed temet falsitatis conuincunt in ea ipsa epistola, quam ipse posteris publicasti. Prædestinatarum, vt ex Arausicano contendis, effectum erat: *Aliquos ad malum diuina potestate prædestinatos esse.* Hanc verò hæresim Patres Africani Fausti damnatores cap. 11. laudatæ epistolæ his rejciunt: *Cum in vtroque vase faciendo figuli cognouerit potestatem, in vase honoris debitam gratiam Dei miserantis intelligat, & in vase contumelie debitum iudicium Dei obdurantis, id est deserentis agnoscat.* Deus autem obdurare dicitur, non quia ad iniquitatem compellit, sed eum ab iniquitate non eripit, quod, quia iustus est, iuste facit. Damnant clarè, siquæ fucos, euidentissimè dicentes, Deum ad iniquitatem compellere. Et hos ludices Prædestinatarum erroris damnatores Prædestinatarum hæreseos Sirmondus insinuat?

Pergit idem Faustum defendere. Callidum, inquit, præterea, & subdolum Fausti sermonem aiunt fuisse, Pelagianæ prauitati consentientem, detectum, conuictumque à Fulgentio, ab Auito, & ab alijs. Quid hic aptius, veriusque pro Fausto responderi queat, quam solenne illud Faustipsius, non ita est. Negat Faustum callidum, ac subdolum fuisse, Pelagianæ prauitati consentientem, & à Fulgentio conuictum. Oppono testem locupletissimum, antiquissimum Ecclesiæ Patrem S. Isidorum hæc in catalogo Illustr. Script. cap. 14. de Fulgentio narrantem: *Scriptis multa, ex quibus legimus de gratia Dei, & libero arbitrio libros responsumque septem, in quibus Fausto Gallie Regiensis urbis Episcopo Pelagianæ prauitati consentienti respondens, obnititur eius profundam destruere calliditatem.* Socium amicè mouentem Vasquium submitto: *Cum rueret, inquit, Isidorus vir doctus, & anti-*
quus

quos dicat Fulgentium septem libros illos contra Faustum de gratia, & libero arbitrio scripsisse, quis audeat dicere, cum ex suo cerebro, aut sine fundamento id excogitasse? Disput. cit. num. 14. Habes ex Isidoro Fauſti profundam calliditatem, eundem Pelagianis consentientem; conuictumque à Fulgentio. At reſclamat, non extare libros Fulgentij. Extat tamen, qui eòſdem legit, Isidori teſtimonium. Forſitan in ea ſententia Sirmondus fuit, vt exiſtimarit, à Prædeſtinatiano quopiam ſeptem eòs contra Fauſtum libros ſub Fulgentij nomine emiſſos? At de viro tantæ eruditionis hæc commenta ſuſpicari non licet. Interim audiat teſtis non modò Fulgentij cortaneus, ſed Syncellus, qui cuiusdem Epifcopi geſta literis mandauit; hæc de magiſtro tradit: *Ita erat notior omnibus gentibus, vt duo libri, quos Fauſtus Epifcopus Galliarum contra gratiam ſub dolo ſermone compoſuit, ſauens occultè Pelagianis, ſed Catholicus tamen videri volens, Conſtantinopoli offenſi à pluribus fratribus ad B. Fulgentium probandum dirigerentur, quibus, ne occultum ſcriperet virus, ſeptem libros ipſe reſpondit, plus laborans exponere, quàm conuincere; quia dubios ſermones vius exponere, hoc erat, delirantis argumenta conuincere.* Magnus planè huius operis labor mercedem debitam citò ſuſcepit. Lib. de vita Fulgentij cap. 28. Habes Fauſtum ſubdoli ſermonis, occultè Pelagianis fauentem, & delirantem, ac ſeptem inſuper libris à Fulgentio conſutatum. Planè Isidoro conſonat Fulgentij Syncellus. Sed & Synodus Sardinienſis, cuius magna pars Fulgentius erat, in literis Synodicalis ſuperius producis ait: *Vnus ex nobis &c. aduerſus duos libros Fauſti Galli ſeptem libros edidit. Nolo repetere quæ ſequuntur, ne Lectori faſtidium ingeram. Dum in his verſor, ſubit animum gravis illa exprobatio, qua olim S. Doctor contra Iulianum vſus fuit lib. 1. cap. 7. vbi ait: Mallem ſicut Polemo luxurie coronis ſenſim capite detraxis, eiſque abiectis, manuum pallio ſubdidit, os, & cultum formauit ad verecundiam, ad extremum ſe illi, ad quem deridendum venerat, diſcipulum tradidit, ſic & tu loquentibus tibi tot venerabilibus viris &c. tanquam coronas ebriorum abijceres laudes Pelagianorum, quibus tanquam magni virorum deſenſor extolleris, & ſtylum, vt mitius dixerim, conſumelioſum non tanquam pallio pudoris abſcenderes; ſed tanquam manu emendatiore conſringeres.*

Sed quale Apoſtolicæ Sedis de Fauſti libris iudicium fuerit, videndum eſt, ac Sirmondi apologia conſutanda. In Romana Synodo coram S. Gelafio Papa celebrata, actum eſt de libris recipiendis, abijciendiſue; porrò inter libros à Romana Eccleſia reiectos libri Fauſti Reienſis reſenſiti ſunt, ijdemque hac ſententia conſixi: *Opuſcula Fauſti Rhegienſis Galliarum apocrypha.* Cum verò ſequenti ſæculo de eiſdem libris S. Hormiſdas à Poſſeſſore Epifcopo conſultus fuiſſet, hocce reſponſum dedit: *Hi verò, inquit, quos vos de Fauſti eniuſdam Galli Antiſtiſtis dictis conſuluſſe literis indicatiſti, id ſibi reſponſum habeant, neque illum recipi, neque quicquam, quos in authoritatem Patrum non recipit examen Catholicæ fidei, aut Eccleſiaſticæ Diſcipline, ambiguitatem poſſe gignere, aut religioſis præiudiciũ comparare.* Legit iſta Sirmondus, & non modò probauit, verum etiam vt eadem proſus ratione de Fauſti libris cæteri iudicaret, optauit; hæc enim ſcribit: *Si de Fauſti libris decernendum eſt, nè ſupra Sedem Apoſtolicam, Gelafiumque, & Hormiſdam ſapere velint, quibus ſatis ſui non prima illos authoritatis, hoc eſt apocryphos dicere, non hæreticos.* Quid ais Sirmonde? Fauſti libros non eſſe dicendum hæreticos? Quid de Synodi Arauſicanæ decretis à Romano Pontifice

dictatis sentiendum putas? His certè, vt tu quoque fateris, Semipelagianorum errores damnantur, & præcipuè Fauſti Semipelagianorum Coryphæi, qui te quoque teste, circa initium fidei, & alia plus aliquanto tribuere cuius est, quàm par erat. Ita-ne verò libros continentes errores à Synodis, & Romana Sede damnatos hæreticos negabis? At illud etiam interpretamentum, quo libros illos apocryphos hoc est non prima autoritatis pronunciatos esse dicis, quàm falsum sit, nemo non videat. Gelasius hoc nigrum theta Hæresiarcharum libris præfigit: *Opuscula Iouiniani, & Galli apocrypha. Opuscula Montani, Triscilla, & Maximille apocrypha. Opuscula omnia Fauſti Manichæi apocrypha.* Et post nonnullos alios eodem prorsus modo Fauſtum damnans ait: *Opuscula Fauſti Rhegiensis Galliarum apocrypha.* Quare Sirmondo interprete Montani, Fauſti Manichæi, ac Iouiniani libri non erunt hæretici, sed tantum non primæ autoritatis. Cauendum ne vnà cum Fauſto pessimi etià Hæretici excusentur. Gelasius antequam indicem illum librorum, quos Ecclesia rejicit, contexat, ante catalogum librorum damnatorum hæc præfatur: *Cetera, quæ ab hæreticis, sine Schismaticis conscripta, vel prædicata sunt, nullatenus recipit Catholica, & Apostolica Romana Ecclesia, è quibus pauca, quæ ad memoriam venerunt, & à Catholicis vitanda sunt, credimus esse subdenda.* Et statim incipiens à Conciliabulo Ariminensi à Constantio Ariano congregato damnatorum librorum indicem subnectit, quos inter Fauſti Reientis opuscula numerat, quæ Gelasio iudicante, nullatenus recipit Catholica, & Apostolica Romana Ecclesia, & à Catholicis vitanda sunt. Hoccine est non prime, an potius nullius esse autoritatis? Scio apocryphos eos libros censi, qui incerti authoris sunt, aut nondum autoritate Ecclesiæ confirmati, sed ibi Pontifex eo nomine illos libros etiam damnat, qui rectam aliàs doctrinam immixtis erroribus deturpant. Sed neque mitius Hormisdas de Fauſti libris iudicauit; nam apertè statuit Fauſtum non recipi in numerum Patrum, quos vt magistros sanæ doctrinæ Orthodoxi venerantur. Scribit ab Ecclesia librorum recipiendorum numerum statutum; at de quibusdam alijs censet, legi posse, vt fugiantur illorum errores: *Nec vitio, inquit, dari potest, nosse quod fugias, atque adeo non legentes incongrua in culpam veniunt, sed sequentes.* His Fauſtum adnumerat dicens, quod illum in autoritatem Patrum non recipit examen Catholica fidei. Errat igitur, teste Hormisdæ, Fauſtus circa fidem. Quare Pontifex reprobato Fauſto ex S. Augustini libris ad Hilarium, & Prosperum, Ecclesiæ doctrinam de gratia, & libero arbitrio petendam dixit, quò Catholicum gregem à noxijs pascuis ad saluberrima praua reuocaret.

Hucusque dicta in summam redigo. Fauſti vicem dolet Sirmondus, quòd traducatur tanquam hæreticus. At nos de Sirmondo querimus, quòd Sanctos Patres Africanos Prædestinatiane hæresis inſimulauit. Idem Maxentij contra Fauſtum obiectiones non sincere, & fallaces accusat. At Bellarminus egregiè Fauſtum à Maxentio confutatum testatur. Sirmondus cum Iappero nec sine bonore Catholica Ecclesia Doctorem Fauſtum nominat. At S. Hormisdas Papa scribit, quòd Fauſtum in autoritatem Patrum non recipit examen Catholica fidei. Idem libros Fauſti non prima autoritatis tantum declaratos esse contendit. At in illis Fauſtum subdoli sermonis, Pelagianis consentientem, delirantem, Catholica fidei prorsus inimicam docentem veteris Ecclesiæ Scriptores, ac Patres iudicauerunt.

Quare

Quare iure optimo Cardinalis Baronius tomo 6. ad annum 490. hæc scripsit: *Non est quidem, ut pro Fausto aliqua possit in eius defensionem, vel excusationem apologia elaborari, quem constat in diuerso Orbe Catholico impugnatum. Etenim in Occidente Casarius, & Auitus doctissimi, atque sanctissimi in Gallia Episcopi aduersarijs eum scriptis exagitarunt; Eundemque in Africa S. Fulgentius Ruspensis Episcopus septem libris vehementissimè impugnauit &c. Sed qui præstant his omnibus Felix, atque Gelasius Romani Pontifices eadem Fausti scripta reiecerunt, ut planè uniuersum Occidentem Orbem in eisdem Fausti libros insurrexisse, eosdemque oppugnasse certum sit. In Oriente uerò non unus dumtaxat, quem refert Ado, Ioannes Presbyter Antiochenus eos Fausti libros refellit, sed Orthodoxi ferè omnes. Hæc quidem fusiùs in historia Pelagiana prosecuti sumus. In eandem Baronij sententiam Vasquez pedibus iuit in laudata disputatione 199. num. 15. scribens: *Ecce iam scripta Fausti de gratia, & libero arbitrio in Gallijs, in Oriente, & in Africa tanquam uera fidei dissentanea improbata, & notata, ut deinde nullus audeat apologiam pro Fausto contra communem sensum Patrum elaborare. Verùm illam elaborauit Iacobus Sirmondus, quò Prædestinantiæ hæresis oppugnatori aliquid auctoritatis adderet. Faustus tamen totus quantus est, Semipelagianus apparet, uti etiam Arnobius, Gennadius, alijque antiquiores, qui S. Augustini sententiam de gratuita prædestinatione insectantes, Prædestinatorum nomine eandem infamare conati sunt.**

CAPVT IV.

Gennadius Mafsilienfis Semi-Pelagianus à Recentioribus excusatur.

POST Cassianum, eiusq; doctrinam de gratia, & libero arbitrio uti non deflexam à fidei regula Sancta commendatam: post Fausti libros non hæreticos defensos, quos tamèn Semipelagianorum Magistros fuisse clariùs constat, quàm ut ullis quorumcumque hominum præstigijs eludi possit: post Mafsilienfes ob ignorantiam inuincibilem excusatos, tertius Semipelagianæ scholæ professor à Recentioribus defenditur Gennadius Mafsilienfis. Hunc fuisse Semipelagianum lib. 2. historia Pelagianæ cap. 16. ostendimus, cuius dicti duos hic tantum testes aduocabo omni exceptione maiores, Baronium, & Bellarminum. Ille tomo 4. ad annum 388. ait: *Hæc Gennadius, qui erga Pelagianos propensor tribuit falsus author Euagrii signa, atq; prodigia. Ilte uero lib. de Script. Eccles. V. Gennadius ait: Scripsit etiam librum de uiris illustribus, in quo suspicionem non parua reliquit sue non recte fidei; laudauit enim Cassianum, & Faustum, qui Semipelagiani fuerunt, & S. Prosperum depresit, qui pro gratia Dei contra Pelagium fortissimè dimicauit. Fausti certè Semipelagiani volumen de gratia, & libero arbitrio ab Ecclesia, & Patribus damnatum uocauit opus egrègium. Idem dogmata de gratia à Cassiano concinnata, tanquam salutaria probata esse Ecclesiæ pronunciauit. Hieronymum uocat obtrektatorem, & æmulationis stimulis incitatum. Addit Augustinum, quòd multa scripsit, errasse, quæ diffusius loco citato prosecuti sumus. Cæterùm & hic Semipelagianus eximium Patrum sortitus est. Te-ne appellabo, Recentiorum sapientissime, qui cum summa doctrina summa quoque modestia coniuncta, Sanctis Patribus, ac Augusti-*

no præsertim honorem semper derulisti, nec tibi contra eundem, licet tam multa scriberes, verbum vllum minùs Augustino honorificum excidit? Tux erga Augustinum reuerentiæ detur, ne in hæc inuidiæ, vt obijciat, plena designato nomine conijciaris. Hic proleg. 5. de grat. cap. 3. num. 36. Semipelagianismi notam procul à Gennadio pluribus amouere conatus concludit: *Fieri ergo potest, vt ea, quæ de Casiano, & Fausto scriptis non per errorem in doctrina, sed per ignorantiam facti dixerit. Annatus verò lib. 7. sui Aug. cap. 2. S. 1. Ego verò, inquit, non excuso, nec probò, quod de illo dicitur, animi propensionem habuisse nimiam erga defensores Semipelagianismi, & ab eius impugnatoribus Augustino, & Prospero auersionem. Itanc, quod de illo dicitur, inquis? quæsi id incerta fama vulgauerit, & non potiùs hoc ipsum suis in scriptis clarè ostenderit, quæ tu quoque legisti, certè legere debuisti, de diuina gratia scripturus.*

Cum Casianus, ac collegæ Mafsilienses Augustini doctrinam carperent, Prosper, & Hilarius ex Gallia Romam profecti, rem Pontifici Celestino detulere, qui de Augustini fama sollicitus literas statim ad Galliæ Episcopos dedidit, in quibus dolere se significauit, quòd nescio quibus Presbyteris illic impunè liceret, Augustino erroris notam inurere. Cap. 1. Ibidem etiam Prosperum, & Hilarium commendat, quorum, inquiens, circa Deum sollicitudo laudanda est. Capite verò 2. quod & vltimum illius epistolæ est, quicquid alij vulgò arbitrati sint, eximia laudum assertionem S. Augustinum exornat, dicens contra eiusdem calumniatores: *Vnde resistendum talibus, quos malè crescere videmus. Qui igitur fieri potuit, vt Gennadius & ipse Mafsiliensis, qui eodem sæculo paulò post Prosperum floruit, hoc celebre Celestini decretum ignorauerit? Sanè S. Prosper initio libri contra Collatorem protestatur, se scribere contra Casianum, quem licet non nominet, ex libro eiusdem, quem sibi impugnandum dicit, euidenter illum designat. At cap. 42. asserit à Celestino Pontifice Casianum cum socijs acriter reprehensum fuisse: Per hunc virum inquit, nempe Celestinum, intra Gallias istis ipis, qui Sanctæ mem. Augustini scripta reprehendunt, malevolentia est adempta libertas, quando consultantium (quo nomine se, & Hilarium indicat) actione suscepta, & librorum, qui errantibus displicebant, pietate laudata, quid eporteret de eorum authoritate sentiri, sancto manifestauit eloquio &c. Et recitatio celebri illo Celestini de Augustino elogio ait: Contra istam clarissimam laudationis tubam, contra istam sacratissimi testimonij dignitatem audet quisquam malignæ interpretationis murmur emittere. Ergone Gennadium sedulum literarum, ac librorum collectorem Celestini epistolam ad suos Mafsilienses datam ignorasse arbitramur? Apagè à Gennadio hanc ignorantiam facti. Profectò ille fatetur, se Prosperi librum contra Casianum legisse: hæc enim scribit cap. 84. de Scriptoris illustribus, vbi de Prospero agit: Legi & librum aduersus opuscula sub persona Casiani, quæ Ecclesia Dei salutaria probat, ille infamat nocua. Itaq; Gennadius in cap. 42. libri Prosperi notauit, istum de Celestino scribere: Per hunc virum intra Gallias istis ipis, qui S. mem. Augustini dicta reprehendunt, malevolentia est adempta libertas. At quinam isti suere? Casianus, inquis, & cum eo aliqui eiusdem ordinis presbyteri. Prolegom. 3. cap. 6. num. 7. Quare Gennadius ex libro Prosperi cognouit à Celestino Casiani, & sociorum temeritatem reprehensam, quæ contra S. Augustini doctrinam insolenter insurrexerant; cognouit Prosperi pro Augustino legationem susceptam, & à Romano Pontifice laudatam.*

datam; cognouit ex Celestini elogio ibidem inserto, Augustinum nec vquam sinistrae suspicionis rumore aspersum. His tamen omnibus probè cognitis Gennadius sanam Cassiani doctrinam, Prosperum infamatorem, Augustinum in multiloquio errantem blaterare non extimuit.

Gennadius malè animatus fuit erga Augustinum, & Hieronymum, quos soli errantes odere. De S. Augustino scribit cap. 38. *Etior illius sermone multo, ut dixi, contractus, lucta hostium exaggeratus; necdum heresis questionem dedit.* Quales iste error Augustini lucta hostium exaggeratus à Gennadio perperam intelligatur diximus lib. 2. Hist. Pelag. cap. 16. Idem Hieronymo longè iniquior fuit. Scimus hunc S. Doctorem graues cum Rufino inimicitias contraxisse; de quibus superius egimus; at Gennadius palam Rufino contra Hieronymum assipulatus est: nam in laudato libro de Illustribus Scriptoribus cap. 17. ait: *Rufinus Aquileiensis Ecclesie Presbyter non minima pars fuit Ecclesie Doctorem.* Ac S. Anastasius Papa non eo in pretio habuit Rufinum; in epistola enim ad Ioannem Hierosolymitanum Rufinum prorsus se nihili facere hinc ostendit: *Illud tamen, inquit, scire cupio, Rufinum ita haberi à nostris partibus alienum, ut quid agat, tibi sit, nescire cupiamus. Ipse deniq; viderit, ubi possit absolui.* Laudans verò Gennadius duas Rufini inuectiuas contra Hieronymum ita scribit: *Sed & obtricatori opusculorum suorum respondit duobus voluminibus, arguens, & conuincens se Dei intuitu, & Ecclesie utilitate auxiliante Domino ingenium agitauisse, illum uerbò emulationis stimulo incitatum, ad obloquium stylum uertisse.* Ob hanc censuram pessimè audiuit Gennadius, carpsit enim Hieronymum uti oblocutorem, obtrictorem, atq; emulationis æstro percitum. Origenis verò libros Peri-archon veluti utilitati Ecclesie à Rufino translatos (nam hos Rufini labores Hieronymus detestatus est) affirmavit. Ex his mihi certum est, Gennadium scrip-
sisse illum catalogum ante Synodum Romanam sub Gelasio celebratam, nam in ea Synodo pro Hieronymo contra Rufinum sententia dicta est in hæc planè verba: *Rufinus vir religiosus plurimos Ecclesiastici operis edidit libros, nonnullas etiam scripturas interpretatus est. Sed quoniam B. Hieronymus enim in aliquibus de arbitrij libertate nouauit, illa sentimus; quæ prædictum B. Hieronymum sentire cognoscimus.* Quæ si Gennadius legisset, nequaquam contra Hieronymum pronunciasset, neq; Prosperi opus contra Collatorem damnasset, illud enim à Gelasio in illa Synodo approbatum fuit, reiectis Cassiani, & Fausti opusculis, quæ Gennadius laudat. Atque hic disertatio nostra aduersus novos Origenis, Theodori, ac Iuliani Pelagianorum; nec non Cassiani, Fausti, ac Gennadij Semi-pelagianorum defensores finem sortiatur.



I N D E X

R E R V M M E M O R A B I L I V M .

quæ continentur in dissertatione de
Synodo V.



Cephalî contra Synodum Chalcedonen-
sem Alexandrie exotti pagina 19. ijdē
dicū Habitantes. ibid.

Africani Episcopi ſtant pro tribus Ca-
pitulis 23. Vigiliū ob damnata tria.

Capitula anathemati ſubijciunt 31. Nunquam
ſolliciti de Origene, ſed de Didymo, & Eneagro
70. Recipiunt Synodum V. & damnant tria Ca-
pitula 81. A. Preſedit inſtantiæ hæreſis nota vindican-
tur. 184

Agapetus Abbas Nonnum Origeniſtam ex Laura S.
Sabæ expellit. 4

Agilulphus Rex Longobardorum ſauet Schiſmaticis
contra Synodum V. 117

Agreſtinus Monachus ſurit contra Synodum V. 118

Alboinus Rex Longebardorum Italiam inuadit. 89

Alexius Menezius Auguſtinianus Archiepiſcopus
ac bis Pro-Rex laudatur 147. Dānna in Synodo

Diamperitana Theodorum Moſpſeſtenum. ibid.
S. Ambroſius cur primus ſententiam dixit in Syno-
do Aquileienſi. 137

Anabazus metropolis Cilicie ſecundæ cur dicta ſu-
ſinopolis. 35

Annus ſine conſulibus variis caracere à Faſtorum.
ſcriptoribus designatus. 64

Antoſmus Gœnæ Auguſtinianus ſcribit geſta. Mene-
ziji in Oriente contra Theodorum Moſpſeſtenum.
146

Aquileienſis Metropolitæ & ſuffraganei tria Ca-
pitula contra Synodum V. defendunt 81. Excom-
municant Narſetem Juſtiniani in Italia Ducē 82.

Cogunt Synodum contra Concilium V. ibid. Sub
Longobardis obſtinatiores in ſchiſmate 89. Sedes

Metropolitana Aquileia in Gradi inſulâ tranſfer-
tur 97. Iterum in Synodo ſtant contra Concilium

V. 100. Illius pſeudo-ſynodi Epilcopi recitantur
ibid. Mittunt legationem ſuperbam ad Pontificē

101. Seuerum Metropolitam ob damnata tria.
Capitula reſuſcitant communioni admittere 103.

Celebrant Conciliabulum Marani ibid. Mittunt
libellos ſupplices ad Mauriciū Imperatorē 106.

108. Opponunt Synodo V. Vigilij Papæ Conſti-
tutum ibid. Prouocant ad tribunal Imperatoris

109. Scribunt Gregorio Magno 110. Peſſimi co-
rundem mores 111. Aquileienſis Diœceſis in

duos Patriarchas diſtrahitur 117. Recedunt à
ſchiſmate Synodo V. recepta. 118

Aquileienſis Patriarchatus initia à Salmaſſio aſſerta
reiſciuntur 135. Item poſita ab Henrico Palladio

126. Vera eiufdem origo ex ſchiſmate contra Sy-
nodum V. 120. 127. Antiquiſſa Metropoliſ

Aquileienſis nunquam fœ Patriarchas appellatur
127. De præſentia Aquileienſis Antiliſtus inter

128. 129.

Italiz Metropolitæ 138. Eiufdem antiquiſſus
Metropoliticus contra Baronium, ac Sirmondum

defenditur 133. & ſeq. Sæculo VII. à Chriſto
nato non ſedebat in Synodis tanquam Patriarcha

128. Lites eiufdem cum Metropolitæ Mediolani,
& Rauennæ 138. & ſeq. Conſecrabatur ab Archie-
piſcopo Mediolanēſi 139. Nominē tenus Patriar-
cha 141. Eiufdem diœceſis amplitudo. 98. 142

Ariminum erat intra Picenum Annonarium 130. Il-
lius vrbs Eccleſia ſpectabat ad Põtiſicem Romanum

tanquam Metropolitam 120. 129. Eiufdem
Epilcopus Stephanus ſtat pro Synodo V. C-P.

contra Juſtinianum. 47

Alterius non videtur fuiſſe Patriarcha Alexandri-
nus. 7

S. Auguſtinus ſatiſfecit argumentis Iuliani 171. De-
ſenditur à nuperis cenſoribus 173. Eius exempli

imitari ſe dicit Vigilius Papa 74. Cenſuit mortui
poſſe damnari à Synodis 69. Laudatur à Synodo

V. ibidem. Eiufdem ſex libri operis imperſecti
contra Iulianum laudari in Synodis Latetanenſi,

& Sexta Oecumēnica 174. Iſſim & à Mario Mer-
catore eiufdem S. Doctore conſtanteo. ibid.

Aurelianus Metropolis Arelatenſis ſcribit ad Vigi-
lium. 12. 173. 174. 175. 176. 177. 178. 179. 180.

181. 182. 183. 184. 185. 186. 187. 188. 189. 190.

Baſilius Dux Mauricii contra Schiſmaticos pro
Synodo V. 143

Baronius cyclos non obſeruant labitur in chronolo-
gia 49. 52. Duos Narſetes confundit 89. Eius

opinio de annis Imppp. Juſtini II. Tiberij & Mau-
ricij ſuæ reiſcit 92. & ſeq. Item & de reſponſe

præture Urbane S. Gregorij PP. 95. Pelagiū.
Papam cum Pegafio Epilcopo Aligiano con-
fundit. 109

Beſiſarius à Juſtiniano legatus ad Vigiliū miſſus.
147. 49. 112. 113. 114. 115. 116. 117. 118. 119. 120.

Benenatus Metropolitæ primus Juſtiniani contra
tria Capitula. 31

Bèniſmus Epilcopus Hetraciz in Pelagonia vices
agens Metropolitæ Theſſaloniceuſis. 31

Bollandi opinio de tempore Synodi Aquileienſis, &
Illyricæ reiſciunt. 81

C

Capitula tria quorundam dicta 19. Damnantur edi-
ctio à Juſtiniano 20. Edictum primum interdi-
ctiſſe contra Barodum offendit ibid. Epilcopi

Græci ſubſcribunt edictum, ſecus Latini 23. Al-
terum edictum Juſtiniani contra eadem capitula

42. Hoc modo legitur ibid. Damnantur in Syno-
do V. 69. Damnantes tria Capitula muneribus

ditabantur, approbantes in exilium deportaban-
tur. 76

Capitula in æſtuarijs Venetiæ Epilcopatus initia.

Index Rerum Memorabilium.

112. Eiusdem populus à schismate discedit. *ibid.*
Capus Metropolis cuius Campanie, non Ecclesiastica. **120**
Cassianus Semipelagianorū in Gallia Princeps **176.**
 Impugnatur à D. Prospero *ibid.* Falsò asseritur
 stetit contra Semipelagianos **177.** Eiusdem doctrina de gratia perperam laudatur **179.** Damna-
 ta est in Synodo Arausica. **179. 180**
Carthagenensis Antistites habebat in omnes Afri-
 cæ provincias **122.** Carthagenensis provincie nu-
 merus. *ibid.*
Codices Vaticani. **14. 11. 174**

D

D **Atius** Antistes Mediolanensis Vigilio in Sicilia
 occurrit **16.** Resistit edicto contra tria Capitu-
 lula **42.** Fugit Chalcedonem **48.** Dicitur Medio-
 lano abest **48.** Commendatur Legatis Francorum
 à suo Clero *ibidem.* Subscribit sententiam deposi-
 tionis Theodori Cappadociæ **45.** Damnat teste
 Tunonensi tria Capitula **51.** Moritur, & quo an-
 no. **52**
Didymus Origenista damnatur in Synodo V. **70. 116**
 ab Ecclesia vniuersa. **70. & seq.**
Dioscorus minor quando sedit Alexandria. **7**
Diptycha Ecclesiastica erant libri inmembranacei. **31.**
 Diptycha vniuersum, & mortuorum distincta.
ibid. Consularia erant ex ebore **36.** Imaginem, &
 nomen Consulibus præferebant *ibid.* Ecclesiastica à
 Diacono in Missa recitabantur. **36**
Diptychion Mopsuestenum notis illustratur **37.** Cur
 ab eodem expensus Macedonius Episcopus. **38**
Domitianus Metropolitæ Ancyre in Galatia Origenista
4. 111111 Episcopatus eiusdem. **6**

E

E **Lias** Aquileiensis Antistes Sedem metropolitana-
 nam Gradum transfert **97.** Celebrat Synodum
 Provincie *ibid.* Superbe respondet literis Pelagij
 Papæ **101.** Accipit minaces literas à Smaragdo
 Exarcho **103.** Imperat fauorabile rescriptum à
 Mauricio Imp. *ibid.* Moritur. *ibid.*
Elias Patriarcha Ierosolymitanus quidò mortuus. **4**
Episcopi ante consecrationem pro Synodo V. iura-
 bant. **83**
Euagrius Origenis sectator damnatur in Synodo V.
70. & seq.
Euagrius Epiphaniensis chronologia de annis Impp.
 Inditi II. Tiberij, ac Maurij expenditur **94. Quo**
 anno scripsit historiam Ecclesiasticam. *ibid.*
Euphrasius Patriarcha Antiochenus quando obiit.
20.
Euphremius Antiochenus quo anno electus **21.**
 Quot annos sedit *ibid.* Subscribit edictum contra
 Capitula. **22**
Eusebius Cæsarensis sex libros pro Origene scribit
166. Fuit Arius **166.** Et hostis Athanasij **167.**
 Damna fuit eius memoria **168.** Libri pro Ori-
 gene damnantur à S. Gelasio Papa. **169**
Eutychius Patriarcha C. P. Apocrisarius Amaleni
 Metropolitæ **50.** Probat mortuus posse à Synodo
 damnari *ibid.* Eligitur Patriarcha C. P. **51.** Quo
 anno electus *ibid.* Mittit libellum fidei ad Vigili-
 um **52.** Origenem, cuius defensores infestatur
62. Disputat cum Africanis Episcopis Eiecit in
 exilium à Iuliano **51.** Renouatur à Iuliano **51.**
 Annus mortis eiusdem contra Baronium euiden-

ter demonstratur.

22

F

F **Acundus** Hermianensis stat pro tribus Capitulis
23. Male animatus in Vigilum **12.** Scribit duo-
 decim libros ad Iulianum.
Faustorum error corrigitur. **86**
Faustus Reicens Semipelagianus perperam defendit
 tur **182.** Impugnatur à Patribus Africanis **183.**
 Item à septem libris à S. Fulgentio **184.** Eius li-
 bri dampnati à Gelasio Papa. **185**
Felix Abbas Africanus pugnat pro tribus capitulis
 contra Iudicium Viglij **30.** Excommunicatur à
 Pontifice, & in exilium trahitur. *ibid.*
Ferdinandus Vghelli tabula Italia sacra supplet, &
 correctæ. **45. 47. 123**
Forti Cornelij Ecclesia olim spectabat ad Metropo-
 litam Mediolanensem. **123**
Forum iulium nūm idem cum Vtino. **92**

G

G **Ennadius** Massiliensis perperam defenditur à
 Semipelagianismo **188.** Augustinum, ac Hiero-
 nymum reprehendit **189.** Rufino adductus. *ibid.*
Georgius Monachus Origenista præficitur Lauræ S.
 Sabæ **5.** Expellitur. *ibid.*
Gothi Urbem obsident **26.** Gothici belli sub Iuliani-
 ano chronologia vulgaris reijcitur. **14**
Gregorius Magnus quando Prætor Urbis **95.** Quo
 anno scribit libros Dialogorum *ibid.* Iurat contra
 tria Capitula pro Synodo V. **96.** Mittitur Apo-
 crisarius C. P. *ibid.* Fit Pontifex **108.** Seuerum
 Aquileiensem cum Schismaticis Illirij Episcopis
 Romam euocat *ibid.* Scribit ad eisdem **110.** Vi-
 ros illustres contra Schismaticos coniecit **112.**
 Scribit de ipsdē à Theodoliadā **113.** Item ad
 Brunehildem **114.** Episcopos recedentes à schis-
 mate benigne recipit *ibid.* Præfinit formalem
 pro abiurando schismate **115.** Gratulatur impe-
 rium Phocæ **116.** Moritur. *ibid.*

H

H **Heraclij** Imperatoris Ecthesis **71.** Damnat in ea
 Origenistas. *ibid.*
Heraclea vrbs Pelagonie in Macedonia **33.** Eadem
 Lyncestidum dicta. *ibid.*
Hierarchie Ecclesiasticæ diuisio. **120**
Hispanj descendunt tria Capitula **88.** Non inde tamē
 schisma confluunt. *ibid.*
Humana vrbs Piceni. **16**

I

I **Bas** Episcopus Edessenus cogitur Nestorium in
 Synodo damnare **145.** Eius Epistola ad Marim.
 Per sam erat tertium Capitulum **19.** Plena errori-
 bus **48.** Scripta est post inicam concordiam inter
 S. Cyrillum, & Ioannem Antiochenum **149.**
 Non sedit simul cum Rabbula, sed post *ibid.* Theo-
 dorum Mopsuestenum laudat **54.** Eiusdem doctri-
 nam propagat **151.** Depouitur à Dioscore **148.**
 Restituitur à Synodo Chalcedonensi. *ibid.*
Illyrici Episcopi tenebant tria Capitula **21.** Synodum
 celebrant pro eisdem Recipiunt Synodum V. dam-
 natis Capitulis. **81**
Illyricum sæpe regebat Præfectus Pr. Italiae. **136**
Iugeninus Episcopus Sabronensis in Rhetia appro-
 bat in Synodo tria Capitula **98.** 104. Subscribit
 libellum supplicem ad Mauricum Imp. contra
 S. Gregorium PP. **109.** Discedit à schismate, &
 piet

Index Rerum Memorabilium.

piè obit 119. Inter Sanctos colitur. **ibid.**
 Ioannes Abbas Otigenitarum tumultus prædicit. 3
 Ioannes Delphinus S. R. E. Cardinalis, & Patriarcha Aquileiensis laudatur. **t. 43**
 Ioannes Rauenne Antistes fuit semper Catholicus **103. Error** insignium scriptorum de eodem **ibid.**
 Excubat contra Schismaticos **108. Gregorius** Papa librum eidem nuncupat **109. Eius** mors Gregorio molesta. **ibid.**
 Ioseph Saresius Præf. eruditissimus 177. Optimè de Augustiniana Schola meritus. **ibid.**
 Iustinianus Imperator iussit Iulianum viuere **85. A**
 S. Sabæ contra Otigenistas excitatus 3. Curat damnari Otigenem 10. Libenter causis Ecclesiasticis sese immiscebat **ibid.** Perperam ab Hæreticis carpitur **13. Eiusdem** edita contra hæreticos laudantur **ibid.** Non fuit Analphabeticus, ac literarum rudis **t. 4. Eiusdem** Theologicum studium 15. Imperij curam Theologie postponbat 16. Vulgo dictus *Synodius* 19. Publicat edictum contra tria Capitula 20. Scribit contra Synodos Africæ & Illyricæ 31. Synodum Chalcedonensem eximie colit 33. Euocat ad Synodum C-P. Vigilum **Papam 24. Item** Præfates Africæ 37. Eiusdem edictum de die Paschatis defenditur 35. Curat Synodum Mopsuesticæ indicit **35. Muneratur** damnantes tria Capitula 41. Publicat contra eadem alterum edictum **42. Sacerlegè** in Vigilum furit **44. Frustra** ab Hæreticis recitioribus defenditur **ibid.** Mittit milites ad domum Vigilij custodiendam. ne fugiat 47. Nobilem legationem ad eundem destinat 49. Hortatur Synodum, vt Otigenem damnet 55. 65. Eiusdem sanctio pro Italia restituenda 75. Quo anno mortuus. **85. & seq.**
 Iustiniana prima quando in metropolim creta. 31
 Iulianus I. Imp. literarum nescius. **14**
 Iulianus II. reuocat ex Italia Narsetem **89. Extruit** C-P. Orphanotrophium **t. 5. Quantum** regnavit **91. Annus** mortis eiusdem. **ibid.**

L

L Laurentius Metropolitæ Mediolanensis quo anno electus **90. Iurar** contra tria Capitula. **82**
 Leo Magnus perperam asserit sequester pacis inter S. Prospærum, & Cassianum. **179**
 Liberatus Diaconus Carthaginensis probat tria Capitula 75. Scrip. fit sub Iuliano. **41**
 Longobardi Italiam inuadunt **89. Mediolanum** capiunt. **90**

M

Macedonius Episcopus Mopsuesticæ defecit ad Arianos **38. Recular** damnare Arium in Synodo Mediolanensi **ibid.** Non fuit scriptus in diptychis sue Ecclesiæ. **37**
 Maranum oppidum propè æstuat Venera **103. Celebratur** ibidem conciliabulum contra Synodum V. **ibid.**
 Martinus Papa in Synodo Lateranensi damnat Otigenem, Eugrium, ac Didymum. **71**
 Massilienses Sempelagiani perperam ab errore vindicantur. **181**
 Mauricius Imp. quo anno electus **92. Eius** consulationes **ibid.** Referunt in fauorem Schismaticorum. **t. 10. 111. Quot** annos regnavit **94. Occiditur** a Phoca. **115**
 Meonas Patriarcha C-P. Otigenem damnat **t. 2. Sub-**

scribit edictum contra tria Capitula **23. Celebrat** Synodum C-P. **5. Suspendit** à communionē à Vigilio **27. Vigilium** sacris diptychis restituit **28. Iterum** a communionē priuatur **45. Veniam** impetrat **50. Moritur.** **ibid.**

Metropolitæ quinam dicantur **121. Primi** Metropolitæ regnerunt olim dicti Patriarchæ **124. In** provincijs Vicarij Vrbis nullus olim Metropolitæ **t. 28. Basilicarum** consecrandarum facultatem dabant **29. Metropolitæ** penes titulum **141. Mediolanum** fuit Metropolis ciuili, & Ecclesiasticæ **Liguria; & Emilia 133. Metropolitæ** in Italia, quot, & de eorundem præcedenti **127. & seq.**
 Meisaneus Antistes antiquitus non fuit Archiepiscopus. **120**

Monachi S. Sabæ ab Otigenistis multa perpeffi **5. 6. Mittunt** Oratores ad Iustinianum **ibid.** Expellunt à Laura Otigenitas **t. 1. Monachi** Sanctissimi VI. Seculi Otigenem damnant. **161**
 Monothelitz saluati acta Synodi V. **58**
 Mopsuesticæ Synodus **35. Diptycha** eiusdem Ecclesiæ **37. Illius** vrbis Episcopi recensiti. **ibid.**

N

Narfes à Theodora Augusta mittitur Alexsodria pro tollendo Schismate **4. Quo** anno Gothos **Italia eiecit 32. Excommunicatur** à Schismaticis **82. Reuocatur** imprudenter à Iustino Imp. **89. Diuersus** à Narsete Armeno. **ibid.**
 Nonnus Monachus Otigenitarum princeps in Palestina **3. Expellitur** à Laura Sabæ **4. Iterum** recipitur **ibid.** Quo anno turbas inter Palestinos Monachos conciecit **6. Turpiter** moritur. **11**

O

Origenes Pelagianorum magister 1. Edicto damnatur à Iustiniano **10. Confirmatur** edictum à Iustiniano **10. Confirmatur** edictum à Vigilio, & Patriarchis **13. Fuit** Arianorum Pater, & ions **17. Damnatur** ab Ecclesia Romana **ibid.** Item ab Heracla, & Demetrio Alexandrinis **t. 7. Eius** libri ab Imp. vetiti **18. Damnatur** in Synodo V. **55. Id** pluribus suadet **58. Suppressio** nomine in alijs quatuor Synodis damnatus **61. Hydra** omnium hæreseon **ibid.** Eius doctrina de gratia perperam dicta **Catholicissima 154. Diuina** gratiæ hostis fuit **155. 156. Ita** etiam tradit S. Thomas **ibid.** Pelagius nunquam Otigenem in testem vocauit. **157**
 Otigenistæ turbas in Palestina excitant **3. Sibi** aduersantes Sabaitas nuncupant **5. Curant** damnari tria Capitula **22. Damnantur** in Synodo V. **69. Eieci** è Palestina. **81.**

P

Pascha Anni 546. recedè à Iustiniano innotuit. **25.**
 Patriarchæ quinam dicti **121. In** quo conueniant cum Autocephalis **122. Patriarchæ** nomen quando primum in Synodo inauditum **124. Tres** tantum olim fuere. **ibid.**
 Paulus Abbas Tabennensisotarium **8. Fit** Patriarcha Alexandria **ibid.** Deponitur **9. Ingentem** vim pro reititutione Sedis Iustiniano offert. **ibid.**
 Pauli Diaconi error **122. Cotrigitur** 103. 103. Fingit Samaragdem inuatum à Demone. **ibid.**
 Paulinus Aquileiensis celebrat conciliabulum contra Synodum V. Consecratur à Metropolitæ Mediolanensi **82. Incepatur** acriter à Pelagio Papa **84. Pella-**

Index Rerum Memorabilium.

Pelagius I. fuit antea Apocriarius Vigilij apud Iustinianum 9. Consecrat Zoilum Patriarchā Alexandrinum ibidem. Accipit libellos contra Origenem ibid. Huius damnationem C-P. vrgit 10. Defendit tria Capitula 79. Mittitur in exilium 77. Succedit Vigilio 79. Damnat tria Capitula 82. Falsa de eodem opinio refellitur ibid. Male audit in Occidente ob damnata Capitula ibid. Scribebat Narsetem contra Schismaticos Veneros 81. Incepit Paulum Aquileiensem 84. Concitat Narsetem contra Schismaticos ibid. Moritur, & quo anno, ibid.

Pelagius II. init Pontificatum 96. Permittit sedem Metropolitanam Venetę provincię Gradum transferri 97. Mittit legatos cum literis ad Veneros schismaticos 100. Scribebat iterum & tertio ad eisdem ibi. Excitat in eisdem Smaragdo 102. Damnavit Origenem 109. Quid de contrariis Vigilij decretis dixit 107. Moritur pestilentia 104. Penezpolis provincia in Italia erat pars Picenę 46. In eisdem vrbes reconsecratur, ibid.

Petrus Patriarcha Ierosolymitanus subscribit edictum contra tria Capitula 33. Eius obitus quo anno contigerit, ibid.

Primates qui dicantur 121. Primate Autcephali iurisdictionem habebant in Metropolitanis Autcephalis ibid. Primas Africa V. Carthagenensis Antistes. Primate Africa d Iustiniano C-P. euocatur. 33.

Primas Adriemetinus C-P. venit 41. Defendit tria Capitula ibid. Mutat sententiam 41. Deponitur a Synodo Byzantena ibid. Sicne idem, qui scripsit commentarios in epistolam Pauli. 46.

Procopius Christianorum dispositiones de Deo & contemptus 48. Eiusdem error in numerandis annis belli Gothici. 54.

Prosp̄r Aquitanus Cassianum impugnauit. 77. & seq. Non fuit conciliatus Cassiano auctore Leone Magno. 179.

Q Viriaci Anachoretę chronologia 6. Non subscripsit Synodum C-P. sub Menna ibid. Prędicat Origenitarum exitium. ibid.

Quadragesima Gregorum ieiunium quo die. 35.

R Abbas Metropolitanę Edessenę Theodori Mopuestensis inimicus 190. Eius conuersio 149. Impugnat libros Theodoretę contra S. Cyrillum 150. Non sedit simul cum Iba ibid. Fuit legitime electus. 149.

Ravenna ante Valentinianum III. non fuit Metropolis Ecclesiastica 128. Erat vltimę metropolis ciuitatis Picenę Annonarij 130. Postea Emilie addita fuit ibid. Quinam primus eiusdem Archiepiscopus 132. Illius Antistes quandoque primus fuit inter Metropoles Italie. 140.

Redemptus Episcopus Legatus sedis Apostolicę ad Schismaticos libris. 100.

Reparatus Primas Carthagenensis C-P. euocatur 33. Defendit tria Capitula 40. Falso pretextu relegatur ibid. Moritur in exilio. 41.

Roma quo anno a Belisario recuperata 54. Iterum capitur a Totila 55. Narset Dux Iustiniani eandem recuperat. 52.

Romanus Exarchus fuit Schismaticus 110. S. Gre-

gorio Pape infensus ibid. Moritur. 112.

Rufinus Aquileiensis. Pelagianorum magister 158. Interpretatur primum librum Ier. Apologos eorum Eusebij pro Origene ibid. Edit illud volumē sub nomine Pamphili Martyris 159. Frigidę doctrinę excusat ibi. Eiusdem fraus manifestatur. 164.

Sabas Abbas in Palęstina 3. Origenistas apud Iustinianum Imp. accusat 4. Quo mense natus 31. Moritur. 4.

Salmasij opinio de Primatibus Autocephalis reijcitur 121. Item de dię ordinationis Episcoporum. 132. Pręterea de iniurijs Patriarchatus Aquileię 135. Fatetur summam Romani Pontificis auctoritatem. 136.

Seuerus Aquileiensis Schismaticus vi Ravennam a Smaragdo deductur 102. Damnat ibidem tria Capitula ibid. Non consensit hæresi Manichęorum 103. Celebrat Synodum, & ad schisma relabitur 109. Fouet Episcopos Schismaticos 115. Vexat volentes a schismate recedere 114. Euocatur Romam a Gregorio 108. Cōsigit ad Marcium Imp. 109. Moritur 110. Inscriptio de eodem in aula Patriarchali Vini corrigenda. 104.

Smaragdus Exarchus minaces literas ad Heliam Aquileiensem mittit 103. Accipit mandata ab Imp. in suorem Schismaticorum ibid. Seuerum Metropolitanę capite, & Ravennam abducit 104. Non fuit a Demone inuasus 103. Reuocatur ex Italia ibid. Iterum in Italiam mittitur 114. Eandem per literas hortatur Gregorius ad componendos Schismaticos. 115.

Simeon metropolę Pannonię II. 136. Regebatur per Consularem. 137.

Sinde textus restituitur 14. Error pialdem. 15.

Synodus Quinta indicatur. Constantinopolim 34. Pergit eō Viginta Pape ibid. Eius Coryphęi Origenistę 63. De anno Synodi opinio Lupi V. C. reijcitur 64. Inchoatur 65. Quot in ea Patres sederint ibid. Vigilius seculari eisdem interesse 66. Publicat sententiam contra tria Capitula. 69. Damnat Origenem 55. Eiusdem acta falsata a Monothelitis 71. Acta sincera, & germana prodiguntur 72. In libros plures digesta erat ibid. Tollit dissidia in Oriente 81. Consecratur eius memoria in Synodo VI. 154. Describitur ab obiectis passim rota diffinitione vsque ad pag. 154.

Synodi Schismaticorum Aquileiensium contra Concilium V. 83. 98. 101. 103. 109.

Synodus Diamperitana in India Orientalibus contra Theodoram Mopuestensem. 147.

Synodus Mopuestensis contra eundem. 35.

Synoda Anchiohenę subscriptiones an legitimę 38.

Theodelinda Regina Longobardorum initio fuit Schismaticus 132. Reuocatur a Gregorio ad Catholicam communionem. ibid.

Theodora Augusta vxor Iustiniani sanet Acephalis 19. Vrget damnationem trium Capitulorum ibi. Pacis sequestra inter Vigilium, & Mennam 37. Moritur cancro corrola 39. Fuit hæretica. 30.

Theodoretę scripta contra S. Cyrillum erant secundum Capitulum 19. Damnantur in Synodo V. 66. Scripsit ne Epistolam insulans morti Cyrilli 67. Semper duodecim capitula eiusdem Cyrilli

Index Rerum Memorabilium

Koeatus est ibidem. Tergiversatur in damando
Nestorio 133. Deponitur a Dioscoro ibid. Quam
pestime a plucimis auditur ibid. Restituitur se-
cū 133.
Theodorici Gothorum Rex literarum rudis. 14
Theodorus Cæsareæ in Cappadocia Episcopus Ori-
genis sectator 47. Initia Episcopatus eiusdem 67.
Iustiniano Imperatori carus 18. Pelagij Legati
Pontificij amulus 19. Non fuit Acepbalus 174.
Molitur damnationem trium Capitulorum 19.
Legendum publice curat librum de eorumdem
damnatione 407. Author edicti publicati contra
tria Capitula 47. In edicto non nominat cum ha-
reticis Origenem. ibid. Conicit Iustinianum
contra Vigilum 45. Excommunicatur a Vigilio
ibid. Verum petri & impetrat. 50.
Tiberius II. Imp. a Iustino adoptatus, & quo anno
90. 91. Quando Consul 97. Anni imperij, &
mors. 92.
Totila vrbem obsidet. 36. quo anno occisus. 53.

Valentinus Episcopus Sylus candidè capitur a
Gothis 16. Manus ejus amputantur ibid. Stat
cum Vigilio C. P. pro tribus Capitula. 45.
Verona pertinebat ad Consularem Venetia. 133.
Eiusdem verò Ecclesia ad Metropolitanam Medio-
lanensem. ibid.
Vipiane ob tria Capitula seditio exoritur. 174.
Vicarius Vrbis quas provincias regebat. 139. Iuxta
illius iurisdictionem non rectè statuitur Diocesis
Metropolitæ Romani. ibid.
Victor Tunonensis defendit tria Capitula a 37. Rele-
gatur 15. 88. Displicet cum Eurychio Patriarcha
15. Moritur C. P. 88.
Vigilius Papa approbat edictum Iustiniani contra
Origenem 13. Recusat subscribere edictum Pri-

cipis contra tria Capitula 33. Roma ad Synodum
C. P. discedit 44. Quo anno id contigerit ibid.
Duxius substitit in Sicilia 25. Plures ibidem lega-
tiones excipit a 67. Eius iter C. P. 17. **Vibem** re-
giam ingreditur. 34. qua die ibid. Publicat anthe-
ma contra Acepbalos, ac Mennam sacra interdi-
cit ibid. Vim patitur a militibus Iustiniani. 38.
Synodum cõgit, dein dimittit ibid. Scribit **Iudi-
catum** contra tria Capitula ibi. Maruit Synodum
cõgit in Italia 31. Rogat Iustinianum, vt B. Iulianum
in Italiam mittat 34. **Retractat Indictam**
ibid. Resistit edicto contra tria Capitula 42. Fu-
git in Ecclesiam 44. Armata manu aggreditur
ibid. Excommunicat Mennam, ac deponit Theo-
dorum Cæsareensem 45. **Neutrâ** sententiam
publicat 47. Nobilem legationem a Iustiniano
suscepit ibid. Fugit Chalcedonem 48. **Alteram**
ibidem legationem excipit 49. Scribit Encycli-
cam de suis calamitatibus ibid. Parcit Mennæ, ac
Theodoro 50. Accipit libellum fidei a Patriarchis
Grecis 50. Petit vt equato numero Latinorum
ac Græcorum Patrum Synodes fieret 63. **Legati Sy-
nodi V.** ad eundem 64. Reculat interesse Syno-
do 66. Scribit **Constitutum** contra gesta Synodi V.
68. Postea mutata sententia probat Synodum, &
abrogat Constitutum 74. Protestatur le exem-
plum S. Augustini eo facto foretamen ibidem. Non
fuit missus in exilium 74. Insignem functionem
pro Italis obinet a Iustiniano 74. Romam re-
diens moritur 77. Eius inconstancia in causa
trium Capitulorum varè accepta. 78.
Vetinum nra est antiquum Equestrale. 97.

Zoilus eligitur Patriarcha Alexandrinus 9. Reu-
cans damnare tria Capitula deponitur. 43.




ERRATA CORRIGE.

| | | |
|-------------------|-----------------|----------------------------|
| Fig. 11. versu 15 | autca | autca |
| Ibid. | 41 Patriarchis | Patriarchis |
| 15 | 21 capelceret | capelceret |
| 30 | 1 Theodora | Theodora |
| 54 | 17 indicatus | indicatus |
| Ibid. | 26 secundi anni | secundus annus |
| 65 | 7 habet | habet |
| 67 | 13 Damoo | Damoo |
| 111 | 39 Patriarchale | Patriarchalem |
| 116 | 31 Sadera | Sadeta |
| | Deprodo | |
| | Comprehendo | |
| | Reprehendo | |
| | | 3 ubique sint diphthongis; |

ANT
144301

ANALYTICAL

| | | |
|-----|-----|-----|
| 100 | 100 | 100 |
| 90 | 90 | 90 |
| 80 | 80 | 80 |
| 70 | 70 | 70 |
| 60 | 60 | 60 |
| 50 | 50 | 50 |
| 40 | 40 | 40 |
| 30 | 30 | 30 |
| 20 | 20 | 20 |
| 10 | 10 | 10 |
| 0 | 0 | 0 |









3686

K₂

